

LAZARI
RIVERII
CONSILIARII,
ET MEDICI REGII;

ATQVE 71024

In Monspelienſi Vniuerſitate Medicinæ Profeſſoris,
& Doctorum Monspelienſium Decani,

PRAEſEOS MEDICÆ
CVM THEORIA.

TOMVS SECVNDVS.

Cui acceſſit Index rerum ampliffimus.




71024



LVGDVNI.
Sumptibus IOANNIS-ANTONII HUGVETANI
& MARCI-ANTONII RAVAYD.

M. DC. LX.
CVM PRIVILEGIO REGIS.





INDEX

Librorum, & Capitulorum Praxeos Medicæ.

LIBER XI.

De affectibus hepatis.

CAP. I.	D E calida hepatis intemperie.	
	pag. 2.	
II.	De hepatis inflammatione, abscessu, & ulcere.	9
III.	De obstructione hepatis.	22
IV.	De ictero.	36
V.	De scirrho hepatis.	42
VI.	De hydropo.	46

LIBER XII.

De affectibus lienis.

CAP. I.	D E inflammatione lienis.	pag. 76
II.	De dolore lienis.	78
III.	De obstructione, & tumore, seu inflatione lienis	79
IV.	De scirrho lienis.	81
V.	De melancholia hypochondriaca.	84
VI.	De scorbutica affectione.	105

LIBER XIII.

De affectibus mesenterij, pancreatis, & omenti.

CAP. I.	D E obstructione mesenterij.	pag.
	121	
II.	De inflammatione mesenterij.	123
III.	De abscessu, ulcere, & scirrho mesenterij.	126
IV.	De morbis pancreatis.	130
V.	De affectibus omenti.	133

LIBER XIV.

De affectibus renum , & vesicæ.

CAP. I.	D E dolore nephritico , & calculo re- num.	pag. 136
II.	De calculo vesicæ.	170
III.	De inflammatione renum , & vesicæ.	185
IV.	De mictu sanguineo.	193
V.	De ulcere renum , & vesicæ.	201
VI.	De diabete.	210
VII.	De urina incontinentia.	216
VIII.	De ischuria , & stranguria.	222
IX.	De dysuria , seu ardore urina.	231

LIBER XV.

De morbis mulierum.

CAP. I.	D E chlorosi , seu pallidis virginum coloribus.	pag. 141
II.	De suppressione mensium.	248
III.	De fluxu mensium immodico.	265
IV.	De fluore muliebri.	276
V.	De furore uterino.	287

VI.	<i>De hysterica passione.</i>	294
VII.	<i>De uteri inflammatione.</i>	324
VIII.	<i>De ulcere uteri.</i>	331
IX.	<i>De scirrho uteri.</i>	340
X.	<i>De cancro uteri.</i>	344
XI.	<i>De uteri gangrana, & sphacelo.</i>	348
XII.	<i>De uteri inflatione, & hydropo.</i>	330
XIII.	<i>De uteri procidentia,</i>	362
XIV.	<i>De uteri clausura.</i>	370
XV.	<i>De sterilitate.</i>	373
XVI.	<i>De morbis acutis, & chronicis prægnantium.</i>	
XVII.	<i>De abortu.</i>	399
XVIII.	<i>De partu difficili.</i>	411
XIX.	<i>De fœtu mortuo.</i>	418
XX.	<i>De secundina retenta.</i>	422
XXI.	<i>De fluxu lochiorum immodico.</i>	425
XXII.	<i>De suppressione lochiorum.</i>	429
XXIII.	<i>De torminibus à partu.</i>	432
XXIV.	<i>De morbis acutis puerperarum.</i>	436

LIBER XVI.

*De affectibus articulorum, &
rheumatismo.*

C A P. I. **D**E arthritide.

445
II.

II.	<i>De dolore ischiadico.</i>	480
III.	<i>De rheumatismo.</i>	487

LIBER XVII.

De febris.

SECTIO I.

De febris simplicibus.

CAP. I.	D E febre ephmera.	pag. 501
II.	<i>De syncho simplici.</i>	503
III.	<i>De febre hectica.</i>	507

SECTIO II.

De febris putridis.

CAP. I.	D E febris putridis.	pag. 522
II.	<i>De symptomaticis febres putridas comitantibus.</i>	560
III.	<i>De febre tertiana intermittente.</i>	572
IV.	<i>De febre quotidiana intermittente.</i>	586
V.	<i>De febre quartana intermittente.</i>	589
VI.	<i>De febris compositis, seu complicatis, & speciatim de hemitritao.</i>	607

SECTIO III.

De febribus pestilentibus.

CAP. I. **D**E febre pestilenti. pag. 612
II. De variolis, & morbillis. 685



PRAXEOS



P R A X E O S

M E D I C Æ

LIBER XI.

. De affectibus hepatis.

P R Æ F A T I O.



EPAR, quemadmodum alia partes, omnibus morborum generibus obnoxium est. Quatenus enim ex partibus similaribus componitur, varias patitur intemperies: quatenus verò est pars organica, tumoribus & obstructionibus afficitur: ac denique solutione continui, vulneribus putà, & ulceribus tentari solet. Et quamvis hydrops totum abdomen occupet, ut in ascite, & tympanite; vel etiam totum corpus, ut in anasarca: prima tamen illius radix

plurimum à vitio hepatis dependet. Nos hic affectus præcipuos, & qui frequentius in praxi Medica occurrunt, exponere aggredimur, eosque sex capitibus comprehendimus: quorum primum est de calida hepatis intemperie. Secundum de hepatis inflammatione, abscessu, & ulcere. Tertium de obstructione. Quartum de ictero. Quintum de scirrho. Sextum de hydropo.

CAPVT PRIMVM.

De calida Hepatis intemperie.

Calida hepatis intemperies in quamplurimis hominibus accusatur, eaque ferè congenita, & à primis generationis principiis oriunda. Quæ cum in latitudine sanitatis posita sit, de ea hic non agimus; sed tantum de præternaturali, & morbosa, quæ hepatis actiones manifestè lædit.

Illa autem intemperies vel simplex, vel composita esse potest; vel sine materia, vel cum materia coniuncta. Vt plurimum ramen coniunctam habet materiam, quandoquidem calida hepatis intemperies calidos ac biliosos humores producere consuevit.

Causæ huius intemperiei sunt, calidior aër, exercitationes immodicæ, vigiliæ immoderatæ, ira frequens, & alia animi pathemata grauiora, & præsertim alimenta, vel medicamenta calidiora frequenter assumpta, vel aromatis condita, & vinum meracum ac potens largius epotum. His accedit partium vicinarum caliditas, vt in febribus vehementio

hementioribus, à calore cordis & ipsum hepar incalescit.

Signa diagnostica calidioris hepatis intemperiei sunt cibi fastidium, & præcipuè carnis, sitis, aluus astricta, calor vehemens in toto corpore, præcipuè in volis manuum ac pedum: macies totius corporis: ægri à calidis læduntur, iuuantur à frigidis: & si prætereà calidiores humores exuperent, bilis per vomitum, aut secessum interdum excernitur, oris amaror adest, & plerumque febris.

Quod ad prognosim attinet. Calida hepatis intemperies non valdè periculosa est, cum hepatis constitutioni non ita aduersetur: sed multorum morborum, non solum hepatis verum etiam aliarum partium causa esse solet. Difficilis etiam est curationis, præsertim si ventriculus frigidus sit, vt plerumque contingit. Illa enim quæ ad hepar refrigerandum exhibentur, ventriculo nocent & illius intemperiem intendunt.

Curatio omninò consistit in correctione illius intemperiei, per refrigerantia remedia: & biliosi humoris, qui ab ea producit, eamque vicissim fouet, aliorumque morborum causa existit, euacuatione.

Ac primum venæ sectio hepar maximè refrigerat, biliosi sanguinis portionem educit, & obstructions à bile soluit. Mittendus igitur sanguis est à basilica dextra, quantitate plenitudini ac virium robori respondente, vel vnâ vice, vel per interualla, pro effectus magnitudine, & duratione: idque præmisso clystere, vel medicamento primas vias expurgante.

Deinde bilis, quæ in hoc intemperamento continuò luxuriat, educenda est cholagogo medicamento benigniori, per interualla repetito: aut apozemate in

plures doses exhibitio, aut syrupo magistrali, aut etiam syrupo de cichorio, composito quadruplicato rheo, qui conuenientissimus est. Siquidem innoxie biliosos humores expurgat, iecur refrigerat, & corroborat, eiusque obstructions aperit.

Dictorum remediorum formulæ tales esse poterunt.

℞. Sennæ mundat. & tamarindor. ana ʒ. sem. semin. anisi Drach. j. fol. cichorij, & acetosæ, ana M. j. liquirit. ras. Drach. iij. flor. iij. cordial. ana P. sem. Coquantur ad Vnc. iij. In colatura dissolue rhab. in aqua cichorij cum spica infusi Drach. sem. Cathol. dupl. Drach. iij. syrup. ros. Vnc. j. Fiat potio, detur manè cum regimine.

Pro delicatioribus fiunt potiones clarificatæ, à recentioribus inuentæ, quæ iulepi formam referunt, & gustui parum ingratae. In iisque dupla purgantium quantitas præscribitur, eo quòd de eorum vi clarificatione plurimum amittitur; ita ut robustiora corpora nunquam sufficienter euacuent, in hac potissimum regione, quæ propter intemperiem siccam, humores minus fluidos, minusque purgantibus obsequentes efficit. At verò Lutetiæ, in aliisque regionibus multò humidioribus, huiusmodi medicamenta facilius operantur. Harum igitur potionum clarificatarum sequens esto exemplum.

℞. Sennæ mundat. Vnc. j. sem. anisi ʒ. j. fol. cichorij, & capill. ven. ana M. j. liquirit. rasæ Vnc. ʒ. Coquantur ad ʒ. x. In colar. infunde rhab. elect. Drach. ij. cassiæ recenter extractæ, & cathol. dupl. ana Vnc. j. tamarindorum confusor. Vnc. sem. coriandri Drach. j. syrup. rosacei Vnc. j. Colentur & clarificentur ut artis est, & fiat potio.

Apozema bilem euacuans ita componi poterit.

℞. Rad. acetosæ, gram. cichorij, & oxylapathi, ana ʒ. j. fol. endiuiz, cichorij, dentis leonis & capillor. ven. ana.

Cap. 1. De calida hepatis intemperie.

ania M.j.sem. 4. frig. maj. ana Drach. iij. liquiritiæ rasæ Vnc.j. flor. cichorij. buglossi & violar. ana P. j. fennæ mund. 3. ij. tamarind. Vnc.j. macis & caryophyll. ana Drach.j. Coquantur ad quartaria v. In colat. dissolue expressionē Vnc.sem.rhab. in prædicto cum cinnamomo infusi, syrup. de cichorio compositi & rosati solutiui, ana Vnc. ij. Fiat apozema clarificatum & aromat. Drach.ij. santali citrini, pro iv. dosibus matutinis.

Syrupus magistralis componi potest ex materia prædicti apozematis, triplicatâ dosi purgantium, & additâ sacchari quantitate decocto æquali.

Vsitatissimus apud nos est syrupus ex succis, summæ efficaciz ad chronicos omnes morbos, qui à calida hepatis intemperie, & bilis flauæ, aut exustæ prouentu oriuntur; & in sequentem modum præparatur.

℥. Succor. recenter expressorum, & per residentiam depuratorum ex foliis endiuiz. cichorij, acetosæ, fumariz, borrag. & buglossi ℥. iij. succi pomor. redolentium, recenter expressi & depurati ℥. ij. polypod. querc. recētis ℥. 3. fennæ mundat. Vnc. viij. epithymi Vnc. iij. agarici recenter trochiscat. Vnc. 3. macis & caryophyll. ana Drach. 3. Infundantur, & decoquantur vt artis est, donec colaturæ ℥. j. 3. supersit. In qua dissolue rhab. elect. in prædictis succis cum spica infusi & expressi Vnc. j. sacchari albi ℥. j. 3. Fiat syrupus perfectè coctus, clarificatus & aromat. Drach. ij. pulu. electarij tria santali; qui seruetur in vase vitrio. Dosis Vnc. ij. vel iij. bis aut ter in mense cum iusculo pulli, foliis endiuiz, cichorij, & acetosæ alterato, vel cum sero lactis.

Ad hepatis refrigerium sequentia vtilissima sunt. Ac primum pro potu ordinario vsurpantur, vel ptisana vulgaris ex hordeo, & liquiritia confecta, vel additâ graminis, aut acetosæ radice. Vel huiusmodi decocta permiscentur cum syrupo de limonibus, aut capill. ven.

Vel iis qui palato sunt delicatiori, simplex aqua fontana, cum prædictis syrupis permixta exhibetur. Quod si potentiùs refrigerandum sit, addi possunt spiritus sulphuris, aut vitrioli q.s. ad gratiam aciditatem. Et in vehementiori æstu additur etiam salis prunellæ Drach. j. Fit etiam ad sitim potus gustui gratissimus ex conferva rosar. cum aqua fontis permixta & colata. Cui adduntur spiritus sulphuris, aut vitrioli guttæ aliquot: iisque gratam aciditatem, & colorem rubellum, vino persimilem, acquirit. Huic substitui poterit tinctura rosarum, in hunc modum composita.

℞. Rosar. rubrar. liccar. Vnc. i, aquæ tepidæ ℥. iij. spiritus sulphuris, aut vitrioli Drach. j. ℞. Infundantur per iij. aut iv. horas. Colaturæ adde sacchari albi quartaria iij. Seruetur ad vsum.

Ad eisdem vsus refertur iulepus Alexandrinus, qui vulgò sic parari solet.

℞. Aquæ fontis ℥. j. aquæ rosar. succi limonum, & sacchari albi, ana Vnc. iv, Coquantur lento igne dum despumauerint.

Posteriora duoremedia duobus modis solent vsurpari, vel pro potu ordinario, vel in forma iulepi, bis aut ter in die sumendi,

Varij etiam iulepi hepar refrigerantes præscribi solent, quorum sequentes formulæ exempli leco esse poterunt.

℞ Radicis acetosæ, cichorij, gram. & lapathi acuti, ana ʒ. j. fol. endiuia, cichorij, acetosæ, capill. ven. ana M. j. flor. cichorij, buglossi & borrag. ana P. j. Coquantur ad ℥. j. In colatura dissolue syrupi de limonibus Vnc. iij. Fiat iulepus clarus pro iij. dosib. bis in die sumendis. Si magis refrigerare studeas, adde singulis dosib. spiritus sulph. aut vitrioli q.s. ad gratiam aciditatem. Potest etiã misceri salis prunellæ Drach. j. ad maius refrigerium.

In herbarum penuria componantur iulepi ex aquis stillatitiis. V. g.

℞. Aquarum endiuixæ, acetosæ & cichorij, ana Vnc. iij. syrup. de limon. & granatorum, ana Vnc. i. sem. Fiat iulep. pro iij. dosibus.

Possunt etiam parari iulepi ex succis efficacissimi, & gustui gratissimi; quorum hæc, omnium loco, esto exemplum.

℞. Succi pomor. redolent. recenter extracti, & per residentiam depurati Vnc. iv. succi limon. Vnc. iij. aquæ rosaceæ Vnc. ij. succi malor. granat. Vnc. j. sacch. albiss. ℥. sem. Fiat iulep. pro iij. dosibus.

Iuleporum loco iuscula medicata delicatioribus exhibentur, ex herbis prædictis cum pullo gallinaceo parata. Quibus ad maius refrigerium salis prunellæ ʒ. j. addi potest, vel acidula redduntur guttis aliquot spiritus vitrioli.

Sanguis cichorij, & chamædryos ad sanguinem depurandum, obstructions referandas, & hepar refrigerandum vltissimus est, in syrupum redactus in hunc modum.

℞. Aquæ cichorij in B. M. paratæ q. v. folior. cichorij partes duas, chamædr. partem vnam. Macerentur simul, & digerantur per triduum in B. M. postea exprimantur; liquori adde noua folia cichorij, & chamædryos; digerantur iterum per triduum, deinde exprimantur, & infusiones illæ octies, vel decies repetantur. Liquore euadet rubeus instar sanguinis, cui adde sacchari parem liquori quantitatem, & fiat syrupus.

Præterea opiatæ, & tabellæ hepar refrigerantes, & roborantes ita componi poterunt.

℞. Conseruæ flor. cichorij, violarum, nymphææ & buglossi. an. Vnc. j. pulu. elect. triasant. Drach. j. sem. cum
a 4
syrupo

syrupo de limon. fiat opiata, quâ vtatur frequenter.

℥. Tabellarum trisantali duplicato rheo Vnc. iij. capiat tabellam vnam pond. Drach. ij. singulis diebus manè, duabus horis ante pastum.

Conserua ex fructu cynorrhodi, seu rosæ caninæ optimè mundato, & cocto cum saccharo ad formam cydoniati, hepar potentissimè refrigerat, si eâ vtatur æger loco opiatæ prædictæ.

Tinctura corallorum cum succo limonum parata hepar refrigerat, & corroborat, si eius cochlearia duo singulis diebus exhibeantur, aut saltem bis in hebdomada.

Balneum aquæ tepidæ frequenter vsurpatum, totum corpus refrigerat & humectat multò potentiùs, & vtiliùs quouis alio remedio, in emaciatissimis præsertim corporibus.

Serum lactis ad idem est efficax, si ad 15. dies, aut plures vsurpetur. Elicitur autem commodè per lactis ebullitionem, affundendo parùm aceti, vel succi limonum, & postea colando. Amatus Lusitanus ipsum præparat in hunc modum.

℥. Seri lactis ℔. j. syrupi acetosi valdè acidi Vnc. iij. Milce, & factâ vnâ ebullitione capiat more aquar. mineralium, scilicet per duas aut tres vices, postea deambulando. Antiqui eo vtebantur ad heminas, hoc est ℔. v. Quercetanus verò in hunc modum præparat.

℥. Seri lactis ℔. ij. succi limon. 3. ij. succi pomor. redolent. recenter extracti Vnc. iij. Omnia simul cum albumine oui priùs agitata ad ignem clarificentur, addendo parum sacchari. De colatura cape Vnc. vj. vel viij. continuando per 15. aut 20. dies.

At si emaciatum & consumptum fuerit corpus, lac integrum & præsertim asininum, in plures dies exhiberi poterit.

Decoctum chinæ cum succo limonum paratum, huic etiam vsui confert, præsertim si obstructions adfuerint. Cuius compositio talis esse poterit.

℞. Rad. chinæ tenuiter incisæ Vnc. j. aquæ fontis ℥. vj. succi limon. Vnc. iij. Macerentur per 24. horas; deinde coquantur ad 3. partis consumptionem; postea colentur per manicam Hippocratis. Capiar Vnc. vj. manè & vesperi, vinumque eo diluatur.

Denique aquæ minerales vitriolata, utpote aperienti & refrigerandi vi præditæ, quales sunt nostræ Meynenses erunt utilissimæ.

Perseuerante affectu, hæmorrhoides per hirudines aperientur semel aut bis in mense.

Ac tandem exterius regioni hepatis epithemata & vnguenta refrigerantia admoueantur. Epithemata fiunt ex aquis acetosæ, cichortj, rosar. plantag. aceto & caphura; quibus ad robur partis additur pulvis triasantalii. Vnguenta verò sunt rosaceum refrigerans Galeni, & ceratum fantalinum.

C A P V T I I.

De hepatis inflammatione, abscessu, & ulcere.

Hepatis inflammatio est tumor calidus, ex sanguine extrauasato, & in illius substantiam effuso, oriundus.

Provt autem sanguis vel purus est, ac syncerus, vel aliis humoribus permixtus; sic varias tumoris differentias producit. Si enim à sanguine puro phlegmonem exquisitam parit. Si verò ab eodem cum bile, pituita, aut melancholia permixto, generetur.

phlegmonem erysipelatofam, œdematofam, aut ſcirrhus generat. Et vice verſa, ſi prædicti humores ſanguini prædominentur, eryſipelas phlegmonofum, œdema, aut ſcirrhum pariter phlegmonofum efficit.

Est & alia differentia ratione loci, in quo fit inflammatio, provt illa vel partem gibbam hepatis occupat, vel cauam. Quod tamen ita accipiendum eſt, docente Galeno 5. *de locis affect.* cap. 7. vt in neutra hepatis parte exquiſitè diſtincta inflammatio poſſit conſiſtere, vt altera integra, & omnis mali immunis conſeruetur, quia viſceris caro continua eſt in omnibus ſuis partibus, & ideò vnâ patiente, altera etiam quodammodo afficitur.

Præterea animaduerſione dignum eſt, quod docuit Galen. 13. *meth.* cap. 14. Cauâ hepatis parte laborante, inflammationem neceſſariò venis meſenterij communicati, quæ ex vena porta oriuntur. Et docet experientia in iis, qui ex tali inflammatione perierunt, abſceſſum non ſolum in hepate, ſed etiam in meſenterio repertum eſſe.

Notandum etiam eſt ex Hipp. *Aph.* 45. *ſect.* 7. inflammationem aliquando ſolam membranam hepar veſtientem occupare: aliquando verò ipſam hepatis ſubſtantiam, & proprium parenchyma. Quorum, inquit, hepar ſuppuratum adurit, ſi pus purum fluxerit, & album, euadunt, in tunica enim hiſ pus continetur; ſi verò qualis amurca ſuat, pereunt. Galen. in *comment.* ſic loquitur. Quibus in tunica eſt pus, nihil patiente ſubſtantia hepatis, ſaluantur omnes; quibus verò uſque ad carnem hepatis, corruptio pertingit, non abſque ratione moriuntur.

Cauſæ huius affectus immediatæ ſunt ſanguinis quantitas nimia; vel eiufdem efferueſcentia, tenuitas

& acrimonia, vel commotio, & exagitatio in venis, à quibus propter dictas causas facile exrrauasatur, & in partes magis dispositas effunditur. Hepar autem magis dispositum redditur ad sanguinem influentem recipiendum, si calidius sit, vel dolore aliquo tentetur, calor enim & dolor attrahunt; vel denique si natiua quadam, aut ascititiâ imbecillitate laboret; quia omnes partes humore aliquo grauatae ad debiliores sese exonerant. Ad harum etiam causarum numerum referri debet hepatis obstructio, quæ facit, vt humores crassi retineantur, putrescant, & à calore præternaturali inflammentur.

Causæ verò externæ plurimæ esse possunt, vt nimia corporis calefactio ex immodico moru, sole, vel igne acquisita, cibi calefacientes, acres, vel aromatibus conditi, vini generosi potus immodicus, effrænata venus, excandescencia, percussio, casus circa hepatis regionem. Idem præstant medicamentâ calefacientia regioni hepatis præposterè admota; sicut refert Fabricius Hildanus cuidam intemperie frigida ventriculi laboranti, emplastra, & vnguenta calida ex pipere, cardamono, oleo garyophyllorum, & similibus admota fuisse; atque inde inflammationem hepatis excitatam. Hepar enim ventriculum contegit, vt medicamenta ventriculo admota, ipsum primò afficiant.

Idem præstare possunt concurbitulæ regioni hepatis admotæ. Cuius etiam rei exemplum affert idem Fabricius Hildanus, de quodam hæmorrhagiâ narium laborante, cui cum magnæ cucurbitulæ ad hepatis regionem admotæ fuissent, sanguis quidem substitit, sed hepatis inflammatio sequuta est.

Signa diagnostica huius affectus plurima proponuntur è Galeno, aliisque authoribus, quæ hic sigillatim

tim exponenda sunt ; quandoquidem sæpè in recta illius diagnosi errare contingit.

Primum signum est, Grauitas in dextro hypochondrio, quæ à repletionem & distensione hepatis contingit ; quandoquidem viscus suapte naturâ amplum , & valdè compactum , si humore multo repleatur , summam grauitatem nanciscitur, quæ ab ægrotante præcipuè percipitur , dum sese ab vno latere in aliud conuertit.

Secundum signum est dolor, qui aliàs in vno , aliàs in duobus , & tribus locis percipitur. In ipsa hepatis regione dolor percipitur grauatiuus. Aliquando etiam in nothis costis, isque tensinus , quando inflammatio ligamenti hepatis suspensorii communicatur , quæ costis nothis connectuntur. Aliquando etiam dolor communicatur iugulo per continuationem membrarum, quæ communionem habent cum membrana hepatis vestiente.

Tertium signum est febris, quæ noctu vt plurimum exacerbatur , & magis, vel minus acuta est, pro ratione humoris peccantis : in biliosa enim inflammatione, ardentissima est ; in pituitosa , mitis , & in sanguinea , medio modo se habet.

Quartum signum est difficultas spirandi ; propterea quòd hepar diaphragmati contiguum est , eique alligatur ; atque adeò grauitate suâ illud deorsum attrahit, tum magnitudine , & intumescencia illud etiam comprimit ; ita utroque modo liberum eius motum impedit.

Prædicta signa vniuoca sunt , & pathognomonica. Multa verò alia dantur æquiuoca , & ad certam diagnosis stabilendam non parum conferentia ; qualia sunt tussis sicca, & molesta : pulsus durus , inæqualis, & quodammodo serratilis : color linguæ primùm ruber, deinde

deinde niger: cibi fastidium vehemens: sitis inexplebilis: vomitus biliosus, & interdum pituitosus: color totius corporis pallidus ad ictericum virgens: vrina rubra, flammea, & acris: decubitus supinus facilis, difficilior supra latera, quia in dextro decubitu hepatis premitur à ventriculo; & in sinistro tenditur & suspenditur: aluus astricta, à colore omnem humiditatem chylosæ materiæ absorbente; interdum tamen liquida est, si nimirum inflammationi summa hepatis imbecillitas coniungatur; tunc enim liquida excrementa deiciuntur, & loturæ carniū interdum similia.

Signa differentiarum ita instituenda sunt: si gibba, vel conuexa hepatis pars afficiatur, tumor adest in dextro hypochondrio tactui conspicuus, & figuram hepatis, instar semilunæ referens: dolor inter respirandum maior, & vsque ad dextram iuguli partem protensus, vt detrahi videatur: tussis & respiratio crebrior, & grauitas maior.

Si verò caua hepatis pars laboret, tumor ad tactum non est ita conspicuus: attamen quia, vt antea diximus, vna pars hepatis inflammari non potest, quin alia etiam aliquid patiatur, dolor aliquis in viscere tangendo, & comprimendo percipitur: deinde quia hæc pars ventriculo incubat, maius adest cibi fastidium, maior vomitus, sitis, & ventris laxitas, ex corruptis alimentis in ventriculo, propter viciniam grauitè affecto.

Signa causarum in hunc modum se habent. Si inflammatio à puro sanguine oriatur, rubor adest faciei interdum purus, interdum verò subfuscus: pulsus magnus, mollis, & vendosus; vrina rubea, & crassa; corporis habitus; carnosus dulcedo quædam in ore; ætas iuuenilis; victus præcedens plenus, & liberalis.

Si verò bilis prædominetur, color est citrinus in facie: pulsus velox, durus, & inæqualis; vrina tenuis, & intensè citrina, & interdum flammea: habitus macilentus, & extenuatus: oculi concaui: oris amaror, vomitus biliosi, præcesserunt causæ bilem multiplicantes.

Quia verò inflammatio musculorum abdominis cum hepatis inflammatione magnam habet similitudinem; idè hæc ab illa propriis signis distinguenda est.

In musculorum abdominis inflammatione, cutis circumtensa est, vt si quis digitis apprehensam attrahere velit, ea minimè sequatur. Rectorum musculorum tumores oblongi, & per totum ventrem extensi, vmbilicum comprehendunt. Sic etiam aliorum musculorum inflammatio, eorū figuram quodammodò repræsentant. Contra verò hepatis inflammatio partis laborantis figuram, & circumscriptionem refert: tum si muscoli manibus tractentur, tactui cedere videntur, & tumor profundior apparet. Præterea totius corporis color est magni momenti ad hosce affectus distinguendos: siquidem in musculorum inflammatione viuidus permanet, & ferè in naturali statu constitutus: at in hepatis inflammatione, pallidus, & citrinus apparet, ad ictericum vergens. Huius rei insigne exemplum habetur apud Gal. 5. *de loc. aff. cap. 7.* de quodam Stesiano, qui cum ab aliis medicis iudicatus fuisset abscessum habere in hepate; Galenus vocatus, ex sola faciei inspectione statim pronunciauit, non esse abscessum in hepate, & ventre postmodum explorato, cum in masculis abdominis latere comperuit: hoc autem ita iudicauit, quòd æger non haberet faciem ita immutatam, vt in hepatis inflammatione vel abscessu esse debuisset. Simile exemplum habetur apud Valeriolam, *lib. 4. observatio-*

num. cap. 3. de quadam muliere, quæ ab alio Medico iudicata fuerat habere tumorem phlegmonosum in hepate. At ille, quam verò, inquit, ægrame ad curam adhibuisset, non pari illam secundum hepar phlegmonosum tumorem iudicavi, sed in musculis supra positis; & paulò post, Ut primum ad hanc vocatus, locum tango, inuenio in hypochondrio dextro tumorem oblongum, qui se ad umbilicum usque proferebat, tumor porro sese mox tactui offerebat: color in facie rubicundus, viuidus, roseus, ex rubeo & albo mixtus, per omnem morbi decursum in eodem statu permanens, urina optima consistentia, coloris, atque contentorum apparebant. Ex quibus omnibus deprehendi non iecur in hac, sed solum musculos abdomini supra positos morbo teneri. Vbi namque hepar afficitur, vitiatum in facie colorem apparere necessario oportet; ex colore namque plurimos secundum hepar laborantes deprehendisse Galenum ipsemet testis est lib. 5. de loc. aff. cap. 7. hepaticorum enim color ad citrinitatem, & albedinem, cum fusco quodam virore plerumque inclinat.

Præterea pleuritidem ab hepatis inflammatione distinguere satis operosum est: quemadmodum apud Galen. 5. de loc. aff. c. 7. videre est in historia Siculi Medici, qui in seipso deceptus est, se pleuritide laborare arbitratus; ex eo quod illi adesset febris, respiratio parua & frequens, tussis exigua, & dolor inferiores costas attingens. Galenus tamen eum hepatitide tentari cognouit ex alui deiectionibus, quæ loturæ carnium erant similes, tales enim deiectiones fluxum hepaticum constituunt, & hepar maximè laborare ostendunt. Verum istud signum facere perpetuò non potest ad distinguendam pleuritidem ab hepatis inflammatione: siquidem, docente Galeno, loc. cit. deiectiones huiusmodi liquidæ, & cruentæ accidunt tantum in hepatis inflammatione, quando cum eâ summa debilitas coniuncta est, alioqui vnum

ex signis hepatis inflammationis ab eodem Galeno propositum est alius astricta. Ideò deficiente illa hepatis imbecillitate, quærenda sunt alia signa, quibus pleuritidem ab hepatis inflammatione distinguere possimus. Si itaque inflammatio pleuram versùs dextrum hypochondrium occupet, dolor erit vehementior, & punctorius; difficultas spirandi maior; nulla erit coloris faciei mutatio, tussis vehementior ac molestior est, & non planè sicca; sed plerumque, saltem procedente malo, cruento sputo, aut aliquantulum saltem colorato, coniuncta: ac denique pulsus durus est, ac ferrinus. In hepatis autem inflammatione, dolor mitior est, cum grauitatis sensu coniunctus; color corporis ad flauum accedit; tussicula adest arida, dilucida habens interualla: pulsus minus durus: tumor denique aliquis in dextro hypochondrio apparet.

Denique, si inflammatio sit in mesenterio, tumor, infra regionem hepatis apparebit: coloris mutatio in facie nulla erit; alui defectiones erunt liquidæ, in quibus primò tenuis & cruda quædam sanies conspicitur postea materia quædam concocta puris speciem referens, præsertim vbi sanationis spes est.

Prognosis huius affectus ita instituenda est.

Omnis hepatis inflammatio periculosissima est, ac plerumque lethalis, & si non citò iugulat, in hydropem, aut atrophiam terminatur. Vnica autem salutis spes in virium robore consistit, ex Gal. 10. meth. cap. 5.

Inflammatio gibbam hepatis partem occupans periculosior est eâ quæ cauam obsidet, propter maiorem viciniam cordis, septi trasuersi, & venæ cauæ.

A bilioso succo inflammatio proueniens periculosior est eâ quæ à puro sanguine fit, quia febris intensior, & reliqua symptomata grauiora.

In hepatis inflammatione, singultus, malum, ex Hipp.

Aph. 17.

Aph. 17. sect. 7. Indicat enim augmentum inflammationis, eiusque malignitatem, quæ ventriculum per consensum vehementer afficiat.

Alui fluxus hepatis inflammationi coniunctus lethalis est, nisi materia quæ excernitur, concocta appareat, & fluxus ille criticè efferatur.

Si inflammatio hepatis per resolutionem discuti non valeat, quod rarissime contingit, in abscessum degenerat, si facultas valida sit; alioquin in gangrænam & sphacelum conuertitur. Et suppuratio ut plurimum intra viginti dies contingit. Et ille abscessus etiam periculosissimus est, ab eoque pauci euadunt. Si tamen exiguus sit, particulam tantum hepatis exiguam occupans, & pus album, ac æquale per aluum, vel vrinas affluat, liberantur. Sic etiam tumore extimam & conuexam hepatis superficiem occupante, ita ut in summa cute eminentiam faciat cum quodam fluctuationis sensu, cauterio actuali aperiri potest; & si pus album & purum effluerit, euadunt; in tunica enim pus continetur: sin qualis amurca, intereunt.

Rupto abscessu, si æger superstes fuerit, vlcus remanet, quod etiam medico curanti magnum facit negotium; ac nisi superficialium sit, in hydropem, aut marasimum ægotantem perducit.

Potest etiam vlcus in hepate fieri ab humoribus acris, & erodentibus, præsertim biliosis, per hepatis substantiam diffusus, qui sensim putrescentes, malignam & virulentam qualitatem acquirunt.

Huius vlcus sine præcedente inflammatione ex humorum acrimonia geniti diagnosi difficillima est. Quibusdam tamen signis internosci poterit. Ac primum dolor quidam vlcerosus in hypochondrio dextro percipitur; æger sensim contabescit: & si vlcus sit in cauo hepatis, detectiones alui purulentæ apparent: Interdum &

quippiam cruentum excernitur, cum dolore intestino-
rum ob materiæ acrimoniam, vt dysenteriam æmuletur,
quæ ab hoc effectu distinguitur ex eo quòd sensus gra-
uitatis & punctiōis circa hepar hæreat. Interdum verò
iecoris portiunculas per aluum excretas fuisse, ab au-
thoribus est obseruatum. Si verò in parte gibba vlcus
lateat, vrina purulenta apparet, absque vllō affectus re-
num, aut vesicæ indicio. Febris in progressu morbi,
lenta oritur, typum non seruans, quæ tandem in hec-
ticam degenerat. Color faciei citrinus apparet, & non-
numquam pustulæ paruæ, ex humorum adustione, in ea
efflorescunt. Ciborum omnium præcipuè carnis, ma-
gnū est fastidium, fœror anhelitus adest; ac tandem
frequens animi deliquium accedit.

De prognosi simul dictum est; quòd hæc affectio fe-
brem lentam & hecticam accersat.

Præterea nisi vlcus exiguum sit & superficiale, & in-
ter initia curetur, exitiale est.

Periculosiores sunt hepatis exulcerationes, quæ in-
flammationes & abscessus sequuntur, quàm quæ sine
iis incipiunt.

Curatio inflammationis hepatis eadem ferè insti-
tuenda est, quæ in ventriculi inflammatione fuit propo-
sita; & in primis quod ad phlebotomiam attinet, pur-
gationem, & alterantia remedia in principio morbi ex-
hibenda.

Clysteres etiam frequenter iniiciendi, quales in ven-
triculi inflammatione descripti sunt.

At in progressu iulepi refrigerantes, detergentes,
& aperientes erunt propinandi, quales superiori ca-
pite fuerunt descripti. Cauendo tamen ne admodum
dulces sint: nam dulcibus hepar inflammatum in
maiorē molem attollitur, vt docet Trallianus *lib. 4.*
cap. 10.

Pro potu vtatur xger decocto hordei & graminis, cum tantillo liquiritiæ, vel syrupo violaceo, aut capill. ven.

In declinatione adduntur prædictis iulepis radices apij & petroselini: fol. agrimonij, capill. ven. &c.

Ac tandem terebinthina cum aqua agrimonij vel petrosel. lota, bis aut ter exhibita morbi reliquias abstergit.

Si verò morbus sit contumacior, & diutius protrahi videatur, apozema ex aperientibus & laxantibus erit præscribendum, in sequentem modum.

℞. Rad. apij, petrosel. ana Vnc. ij. polypodij querc. recent. Vnc. iij. folior. agrimon. pinpinel. ceterach. capill. vener. ana M. j. semin. anisi, fœniculi, & petrosel. ana Drach. j. florum. chamem. violar. ana P. j. sennæ mundat. Vnc. j. Coquantur ad quartaria v. In colat. dissolve rhabarb. in aqua cichorij cum spica infusi Drach. ij. syrupi acetosi simpl. Vnc. iv. Fiat apozema pro iv. dosib, alternis diebus sumendis.

Exteriùs verò varia conueniunt topica, in toto morbi decursu admouenda. Ac primùm ab initio morbi conueniunt epithemata, linimenta & cataplasmata refrigerantia, & fluxionem inhibentia, quorum compositio talis esse poterit.

℞. Aquar. endiuix, cichorij, acetosæ, plantag. & rosar. an. Vnc. iij. aceti rosac. ʒ. j. pulueris electarij triantali ʒ. j. ʒ. camphoræ ʒ. ʒ. Fiat epithema, admouendum regioni hepatis tepide frequenter. Vel

℞. Fol. endiuix, cichorij, scariolæ, plantag. buglossi, borrag. & flor. nymphææ, ana M. j. abanthij roman. M. sem. rosar. rubrar. P. ij. santali rubri, & citrini, an. Drach. ij. Coquantur ad ʒ. j. sem. In colat. dissolve aquæ rosar. ʒ. ʒ. aceti rosac. Vnc. j. camphoræ ʒ. j. Fiat epithema.

Si magis refrigerare est animus, prædictarum herbarum succi alterutriepithemati addi possunt.

℞. Olei rosac. ℥. ij. olei de abſinthio ℥. sem. Misce, abluantur oxycrato, & inungatur eadem regio post vsum epithematis. Vel.

℞. Olei rosac. & myrtini, ana ℥. ij. succi endiuix & cichorij, an. ℥. j. aceti ℥. sem. Bulliant ad succorum consumptionem; deinde adde pulu. santali rubri & rosar. rubr. an. drach. j. ceræ albæ q. s. Fiat vnguentum.

Vel vnguentum rosac. solum, aut refrigerans Galeni oxycrato lotum potest admoueri.

In progressu morbi, mitescente febre ac dolore, resolutia cum refrigerantibus permiscenda sunt æquali, vel inæquali dosi, prout morbus ad statum, aut declinationem, magis vel minus accedere videtur, quæ à Medico prudenti temperari debet. Ut tamen eorum materia innotescat, nonnulla exempla annotabimus.

℞. Olei rosac. Vnc. ij. ol. de absinth. Vnc. j. ol. chamom. Vnc. sem. pulu. trium santal. ℥. j. spicæ nardi ℥. sem. ceræ q. s. Fiat linimentum.

℞. Daçtyl. mundat. num. x. passular. integrar. Vnc. iij. Coquantur in oxycrato, postea contendantur, addendo flor. chamomill. melilot. rosar. rubrar. an. P. j. spicæ nardi, schœnanthi, an. ℥. j. femin. apij, petrosel. an. ℥. sem. endiuix, portulac. an. ℥. j. sem. olei de absinth. & rosar. an. Vnc. j. farinæ hordei Vnc. ij. Fiat cataplasma.

Vel minus calidum sic parabitur.

℞. Farinæ hordei Vnc. iij. santali rubri Vnc. ij. olei rosar. Vnc. iij. Misce, cum decocto endiuix & cichorij fiat cataplasma.

In declinatione, febre profligatâ, resolutia erunt admouenda, additis emollientibus, ne qua durescit super sit; & nonnullis astringentibus, ad robur partis conservandum.

℞. Rad. althææ ʒ. iij. rad. cyperi & calami aromat. ana Vnc. sem. fol. maluæ, violar. agrimon. ana M. i. absinthij vtriusque ana M. sem. lini, fœnugr. anisi & fœniculi, ana Vnc. sem. flor. chamæm. melilot. anethi, ana P. j. spicæ nardi, schœnanthi, mastiches, ana ʒ. j. sem. Fiat omnium decoctio, quâ foueatur pars affecta calidiuſculè.

℞. Ol. chamæmel. lilior. & amygd. dulc. ana Vnc. j. oleide absinthio, & nardiui, ana Vnc. sem. pulu. schœnanthi, rosatæ nouellæ, & absinthij, ana ʒ. j. ceræ q. s. Fiat linimentum, in declinatione vsurpandum.

Si durities partis persistat, gummi ammoniacum in aceto dissolutum prædicto linimento addere conueniet, vel etiam sequens emplastrum erit adinouendum.

℞. Empl. de meliloto, & diachylonis ireati, ana ʒ. j. Misce, extendantur super alutam. Fiat emplastrum ad formam semilunæ, adinouendum parti affectæ. Vel

℞. Gummi ammoniaci in aceto remolliti Vnc. j. ladanii & mastiches, ana ʒ. ij. olei absinthij & ceræ, ana q. s. Fiat emplastrum.

Si inflammatio ad suppurationem vergeat, quod cognoscetur ex febris & doloris intensione, iuxta *Alph. 47. lib. 2.* maximum est periculum, & pauci euadunt. Attamen suppuratio adiuuanda est emplastris prædictis, quæ materiam resolubilem resoluent, & suppurabilem suppurabunt; tum etiam ad motis cataplasmatibus emollientibus: intus verò exhibendus ius pulli, alteratum maluâ, althæâ, caricis, prunis: Rupto abscessu, si pus album effluat per aluum, aut vrinas, abstergendum est aquâ hordei, vel sero lactis, cum melle rosaceo; tum iis remediis, quæ ad vlcus ventriculi curationem proposita sunt. Si verò suppuratio vergat in partem externam, cultello ignito aperienda est, secundum Hippocratem. Et si pus effluat album & coctum, spes est

fanationis. Si verò rubrum, sæculentum, & fœtidum, tendit ager ad interitum.

C A P V T III.

De Obstructione hepatis.

Hepatis obstructio est angustia, & occlusio præternaturalis propaginum venæ poræ, & cauæ, quandoque etiam ipsius parenchymatis, transitum humorum naturalium, alimentique distributionem impediens, à materia ipsarum cauitatem opplente producta.

Hinc patet obstructionem esse morbum organicum, nempe in via, & meatu obstructo, qui sanguinis distributionem impedit ad membra nutrienda. Viæ autem illæ, & meatus non solum venæ sunt per totum hepatis parenchyma dispersæ; sed etiam pori, & meatus insensiles, quibus tota hepatis, sicut & reliquarum partium substantia referta est; quibus ab humore præternaturali occlusis, nec calor hepatis insitus ventilari, nec halitiosa & tenuia excrementa euacuari possunt.

Materia obstructionem efficiens, ut plurimum, est humor crassus, viscidus & lentus, qui liberè præterfluere non valens, in meatibus illis subsistit, & à calore partis magis ac magis incrassatur; ita ut obstructiones, quò diuturniores sunt, eo contumaciores euadant.

Interdum etiam humorum quantitas & copia obstructionem efficere solet, ut docuit Gal. 10. meth. cap. 2. his verbis. *Iam verò obstructionum ipsarum alia est, quæ ex abundantia, alia, quæ ex qualitate succorum: scilicet qui aut lenti, aut crassi sint, incidit. Præferetur autem*

autem inter remedia in ea quam copia facit, sanguinis missio: in ea qua ex humoris qualitate consistit, attenuantium usus.

Illam autem obstructio à copia humorum oriunda, præcipuè in vasis & cauitatibus contingit, quando illa nimis repleta ita distenduntur, vt non possint sese contrahere ad exclusionem materiæ contentæ; quemadmodum sæpè obseruamus vesicam à nimia vrinæ copia, ex diuturniori illius retentione, distentam, sese contrahere non posse; vnde vrinæ suppressio, aut difficilis illius exclusio succedit.

Non solum autem humores, sed etiam interdum flatus crassi & copiosi, qui non facile discuti possunt, (quod illis non pateat aditus, vt in colico dolore contingit) obstructionis causa esse possunt, docente Gal. 3. *de locis aff.* Quæ tamen causa rarissima est, & à nonnullis absolute negatur.

Humor crassitie obstruens est in primis pituita, quæ facile crassitiem, & visciditatem contrahit. Hanc sequitur melancholia, quæ frigidityte, crassitie & feculentia obstructionem parere potest. Sanguis vero ratione quantitatis, & crassitie idem præstare valet. Ac denique bilis in hepate diutius harena crassescit, & perniciosas obstructions parit. Causæ antecedentes & præcætarcticae sunt, quæcunque humores crassos, & viscosos producere valent: vt aer crassus & nebulosus, cibi crassi succi, visci, ac difficilis coctionis & distributionis, adstringentes, frigidi, ad esum parum apti; vt pyra, cydonia, sorba, mespila, fungi; caseus, legumina, caro bouina & porcina, pisces viscosi, & fumo indurati, panis non probe coctus, rapæ; castaneæ; vinum crassum, rubrum, stypticum, cereuisia crassa.

Mala autem hepatis dispositio, frigida præsertim

intemperies, etiam ex laudabili cibo obstructions generare potest; si nempe oblatum chylum non bene concoquat, sed eum in materiam tartaream, & mucilaginosam conuertat. Ventriculi etiam intemperies causa obstructionum esse potest, dum chylum crudorem generat, qui ab hepate postmodum rectè subigi non valet, siquidem vitium primæ concoctionis non corrigitur à secunda.

Signa huius affectus diagnostica in varias particulas diuidenda sunt, vt alia morbi speciem, alia partem affectam, alia causam eum producentem significant.

Signa morbi speciem indicantia omnibus partibus naturalibus obstructionibus obnoxiiis communia sunt: indicant enim solum obstructions in imo ventre latitantes; & ita hæc diagnosi obstructionibus lienis, & mesenterij præsertim cognoscendis inserviet.

Obstructions igitur in dictis partibus latitantes ostendunt, alui excrementa à naturali statu recedentia, præsertim liquidiora, humida, alba, chylosa, & interdum sanguinolenta: vrina alba, tenuis, aquosa, & velut transcolata; quia partes crassiores propter obstructions transire non possunt, sed sola aquositas tenuior impermixta præterlabitur; potest tamen esse citrina, si caliditas adsit: difficilis respiratio, præcipue si æger concitatori gressu ambulet, vel montes, aut scalas ascendat, quia partes obstructæ diaphragma deorsum trahunt, eiusque liberum motum impediunt: faciei color pallidus; macies & legnities totius corporis; pulsus inæqualis; ac denique grauitatis sensus in hypochondriis illi persimilis, quam percipiunt ij qui sese cibis plurimis impleuerunt. Idem Hippocrat. 4. de victus rat. in acut. grauitatem

tem istam vocat satietatem hypochondriorum, affectionem hypochondriis tribuens, quæ propriè ventriculo debetur. Quotiescunque enim hepar & lien prauis humoribus replentur & intumescunt; ab assumpto cibo etiam leuissimo, & in pauca quantitate ingesto comprimuntur, & grauitatem inferunt, similem grauitati eorum, qui immodicè cibis & potibus seculo impleuerunt. Hoc signum hypochondriorum obstructionem ita certò indicat, licet nullus dolor, nec tumor in illis partibus appareat; vt Prosper Martianus *comment. in lib. Hippocr. prædictum*, asserat se hoc solo signo, viscerum obstructions, ante hypochondriorum contrectationem, affirmare non dubitasse.

Partem affectam indicant, cum signis prædictis, tensio & renitentia in dextro hypochondrio, & aliquando dolor in eadem parte, isque grauius & obtusus, qui à sumpto cibo ingrauescit, præsertim si ab huius ingestione vehementior exercitatio subeatur: tussis interdum sicca; respiratio difficilior, propter maiorem cum diaphragmate viciniam, & grauius visceris pondus, quàm reliquarum partium.

Signa causarum sunt. Si fiat ab humoribus, dolor magis grauens, tensiuus, & fixus: si à flatibus, acutior, & vagus. Si à frigidis humoribus, maior grauitatis sensus in dextro hypochondrio, color faciei albidior, nulla febris, neque sitis, victus ratio frigida, crassa & otiosa præcessit. Si à calidis humoribus, grauitas minor adest, maior sitis, facies citrina à bile, rubra à sanguine, febris, & dolor interdum pungitiuus, & victus calidus præcessit.

Prognosis huius affectus in hunc modum instituentur.

Obstructio recens facile tollitur, inueterata difficulter.

Obstructio hepatis, nisi citò, penitusque tollatur, infinita mala inferre consuevit; nempe humorum putredines, febres, inflammationes, fluxus varios, diuturnos ac vehementes; quia alimenta ad partes nutriendas penetrare nequeunt, colicam, icterum, cachexiam, hydropem, scirrhum, aliosque infinitos morbos, ut Auicenna obstructionem, agnitudinum matrem vocauerit.

Obstructio quæ fuit ab humoribus deterior est, quàm quæ à flatu generatur.

Quæ à crudis & pituitosis humoribus, vel à flatu producitur, febre superueniente interdum dissoluitur; siquidem calor febrilis flatum discutit, pituitam attenuat, & fluxiorem reddit, ac resoluit.

Curatio obstructionis auspicanda est ab vniuersali totius corporis euacuatione, quæ sit primum potione purgante agrotantis naturæ appropriatâ; mox, si quædam plethoræ indicia appareant, imò verò, nisi corpus sit valdè emaciatum, detrahendus erit sanguis ex basilica dextra.

Postea verò sequens apozema erit præscribendum.

℞. Rad. apij, petrosel. fœniculi in vino albo per noctem infusar. an. Vnc. j. rad. chelidon, maj. Vnc. ij. rad. filicis, enulæ camp. cortic. rad. cappar. mediani fraxini, & tamarisci, an. Vnc. sem. fol. absinth. agrimonix, capill. ven. chamædr. summitatum hyperici, & centa. min. an. M. j. sem. apij, petrosel. ainfi & fœniculi, an. Vnc. sem. sennæ mundatæ, polypod. querc. & medullæ sem. carthami, an. Vnc. ij. epithymi cretici Vnc. j. zinzib. & caryophyll. an. Drach. j. florum tamarisci, calendulæ & cicerum rubeor. an. P. j. Fiat decoctio ad quartaria 5. In colat. dissolue syrupi de 5. radicib. & rosat.

rosar.solut.an. Vnc.ij. Fiat apozema clarificatum, & aromat.Drach.ij. cinam. elect. pro iiij. dosibus maturinis; addendo vnicuique dosi crystalli tartari Drach.j. salis absinthij & tamarisc.an.scrup.sem.

In vltima dosi dissolve, (si priores sufficienter non purgauerint,) electar. de citro solut. & diacartham. ana Drach.j. sem.

In prædicto decocto interdum additur vinum album, interdum aceti parùm, pro varia ægri natura.

Si æger fuerit delicatior & apozematis vsum ferre nequeat, in eius locum sequentia iuscula erunt vsurpanda.

℞. Rad.apij, petrosel. & asparagi, an. Vnc. sem. fol. agrimon. hyssopi, capill. ven.an. M. j. crystalli tartari Drach.j. Bulliant cum pullo gallinaceo, vel cum frustulo colli veruecini. Fiat iusculum, quod capiat manè per ix. dies.

Melius est crystallum tartari in iusculo iam confecto, & colato dissoluere, quia in decoctione refrigerata: concrefcit iterùm maiori parte, & ab ea separatur. Imò verò dum exhibetur cum iusculo, moueri debet diligenter cochleari argenteo immediatè priusquam assumatur, alioqui bona illius pars in fundo scutellæ relinquitur.

In alternis iusculis infunde, & leuiter decoque sennæ mundatæ Vnc. ꝑ. sem. anisi Drach.j.

Quamdiu vtitur æger remediis prædictis, vel etiam post eorum vsum, quoties opus videbitur, foueatur regio hepatis, manè horâ vnâ ante haustum apozematis, & vesperi horâ vnâ ante cœnam, fotu sequenti.

℞. Rad.althææ & bryoniæ, an. Vnc.j. sem. rad.ebuli, cyperi, eryngij, cortic. rad. capparis, & mediani tamarisci, an. Vnc. j. Fol. maluæ, althææ, violariæ, agrimonij,

monij, chamædr. menthæ, & absinthij,, ana M. j. sem. lini, foenugræci, & baccar. iuniperi, an. Vnc. sem. coriandri, & santal. citrin. an. Drac. iij. flor. genistæ, sambuci, chamæm. & melilot. an. P. j. Fiat omnium decoctio in duab. partib. aquæ chalybeatæ, & vna vini albi, sub finem additi. Adde colaturæ acet. ꝑ. ꝑ. Foueatur pars, vt dictum est.

Post forum inungatur eadem regio vnguento sequenti.

℞. Ol. lilior. de capparib. an. Vnc. ij. succi rad. bryoniæ, & apij, an. Vnc. iij. Bulliant ad succorum consumptionem, addendo vnguenti de althæa, & gummi ammoniaci in aceto solut. & traiectioni, ana ꝑ. sem. dauci, & spicæ nardi, ana ꝑ. j. sem. ceræ flauæ q. s. Fiat vnguentum, quo vtatur vt dictum est, addendo aceti rosacei parum vunctionis tempore.

Post horum remediorum vsum, ad obstructionum reliquias conterendas, & partis robur instaurandum conueniet opiata sequens.

℞. Conseruæ fol. absinthij, capill. ven. & flor. tamarisci, ana Vnc. j. confer. rad. enulæ camp. & cortic. citri conditj, an. ꝑ. ꝑ. myrobalan. condit. n. j. nucis moschat, condit. ꝑ. iij. confect. alkerm. Drach. ij. puluer. elect. diarrhod. abbatis ꝑ. j. salis absinthij, & tamarisci, an. ꝑ. ij. croci ꝑ. j. ambre griseæ ꝑ. ꝑ. Cum syrupo condituræ citri, fiat opiata, de qua capiat magnit. castaneæ singulis diebus mane, duabus horis ante pastum, superbibendo vini Hippocr. parum.

Plurimum etiam conferent balnea tepida, in quibus emollientia & aperientia bullierint.

Si obstructiones contumaciores sint, pilulæ sequentes in vsum veniant.

℞. Aloës opt. succo absinthij diligenter nutritæ Vnc. sem. gemmi ammoniaci aceto soluti, & traiectioni

3. iij. myrrhæ electæ in vino calente solutæ, & traictæ Drach. ij. puluer. electar. triasant. & cryst. tart. ana ʒ. j. agarici recenter trochisc. & rhabarb. elect. ana Drach. ij. salis absinthij & tamarisci ana Drach. sem. croci Scrup. sem. Cum syrup. rosar. resolut. fiat massa pilular. de qua capiat Drach. sem. duabus horis ante prandium, bis in septimana.

Loco apozematis prædicti, decoctum galli veteris vtiliter substitui poterit, in diuturnis & contumacibus obstructionibus.

4. Polypod. querc. & sem. carthami, ana Vnc. j. sem. summit. thymi & epithymi, ana P. j. sem. anisi, fœniculi, carui, ana Drach. ij. fennæ mundat. Vnc. ij. crystall. tart. Vnc. sem. Contundantur omnia, & misceantur, iisque impleatur venter galli veteris euiscerati. Coquantur in tribus aquæ partibus, & vna vini albi, donec galli caro ab ossibus separetur. Fiat iusculum, quod capiat æger in quatuor doses matutinas.

Vel, quod melius erit, ex quarta prædictorum simplicium parte, fiat decoctio pro vna dosi, in singulos dies vsurpanda.

Huic etiam iusculo addi possunt herbæ & radices aperientes in parua quantitate.

Ad obstructiones inueteratas, maximè commendat Quercenanus in Pharmacopœa puluer. rad. aronis compositum, cuius Drach. ij. cum liquore idoneo ad aliquot dies exhiberi possunt.

Sed præcæteris omnibus medicamentis, ad delendas obstructiones inueteratas, maximè conferunt remedia ex tartaro, vitriolo, & chalybe conflata.

Ex tartaro fiunt crystallus, sal, & spiritus, & cum variis medicamentorum formis exhibentur.

Crystalli tartari vsus supra propositus est in apoze-
mate, & iusculis medicatis, tum ex pullo gallinaceo,
tum

tum ex Gallo veteri conflatis. Circà hoc medicamentum iuniores medici monendi sunt, id maioris esse efficaciae, quam vulgò creditur, quandoquidem illam in vñ pratico rarò animaduertimus, propter incuriam Pharmacopœorum, & fraudem pseudochymicorum, seu plebeiorum illorum destillatorum, qui chymica medicamenta Pharmacopœis vendunt, quorum nullum ferè syncerum est, sed omnia adulterata. Incuria Pharmacopœorum maiori parte talis est, vt crystallum tartari à destillatoribus illis emere malint, quam propriâ manu conficere (quamvis nulla medicamentorum præparatio in tota arte facilior reperiatur) quia vilissimo pretio illis venditur, & non nisi maiori sumptu ipsimet præparare possent: libra siquidem illius, septem vel octo assibus tantum ab illis impostoribus venditur. Ex hoc solo, Pharmacopœi fraudem arguere deberent, damnum potiùs inde emergere videntes, quam lucrum aliquod, si fideliter præparetur. Fraus verò in eo versatur, quòd impostores illi parum tartari, & multum aluminis decoctis suis admiscunt; non quòd tartarum cariùs vendatur, sed quod exiguam crystallorum copiam præbeat; alumen verò totum in crystallos abeat. Hinc medici suo fine fraudantur, cum alumen astringendi vi præditum sit, aperiendi facultati, quæ ab iis desideratur, contraria. Aliud præterea damnum huic medicamento infertur, quòd nimirum crystalli huiusmodi eliciuntur per decoctiones factas in cæcabis æneis, à quibus maligna æris qualitas medicamento imprimitur. Notissimum enim, & vulgatissimum est Pharmaciae præceptum, ne acida in vasis æneis decoquantur, quia facile penetrant, & quandam æris tincturam, maximè noxiam attrahunt. At crystalli tartari acidissimi sunt, & à nonnullis acidum tartari nominatur. Qui tamen error vt plurimum ab ipsis Phar-

macopœis committitur, & omnes fere eorum, qui has crystallos propriâ manu præparant, vasis æneis vtuntur, vt viderim interdum apud quosdam Pharmacopœos, crystallos tartari colore cæruleo infectos à viridis aris ex vase cupreo attracto. Plurimum ergo medici, & conscientiæ, & existimationi suæ, & ægrorum salutis consulunt, si Pharmacopœos cogant crystallum tartari propriâ manu, & in vasis vitreis, ferreis, aut terreis vitreatis, conficere.

Sal tartari maximam habet deobstruendi vim, & apozematis, opiatis, ac pilulis aperientibus vtiliter admisceri potest. Sed præcipuus illius vsus est in ptisana laxante, quæ fit ex sennæ Drach. ij. in aquæ frigidæ Vnc. viij. infusis, cum Scrup. j. vel Drach. sem. salis tartari, à quo sennæ tinctura potenter extrahitur; vt ptisana hæc multò potentiùs purget, quam ptisana vulgaris; & ad multos dies continuata, omnes obstructiones soluat, quo effectû non rarò quartanas contumaces huius ptisanæ vsu per xv. dies continuato radicitus curatas vidimus. Si salis tartari metuatur acrimonia, corrigi potest spiritu sulphuris, aut vitrioli, vt pro Drach. sem. salis, sint guttæ xv. spiritus.

Spiritus tartari vsus ex hydropis curationibus in observationibus nostris descriptis elici potest, sub nomine spiritus diuretici.

Ex vitriolo verò oleum tantum spiritus vsurpatur in apozematis, syrupis, aliisque remediorum formulis. Exemplo esse poterit sequens syrupus, in omnibus iecoris, mesenterij, & venarum obstructionibus perutilis; quo plurimi per diuturnas febres in cachexias, ac hydropes deuoluti, pristinam sanitatem rursus adepti sunt.

℞ Rad. apij, enulæ, camp. asparagi, eryngij, ana Vnc. ij. fol. agrim. ceterach. capill. ven. cuscutæ, cardui bened.

ana M. j. summit. absinthij pontic. & centaur. min. ana M. sem. granorum alkekengi Vnc. j. aquæ fontis lb. vj. Coquantur, donec colaturæ lb. ij. supersint. In quibus dissolue succorum cichorij, & pimpinellæ depuratorum ana lb. j. fumarizæ, & lupul. ana Vnc. vj. fœniculi & petroselinæ ana Vnc. iij. acetî scillitici lb. j. β. sacchari albi lb. iv. Fiat syruus; cui adde olei vitrioli q. s. ad gratam aciditatem, de quo capiat æger cochlearia iij. ante iantaculum, & totidem ante prandium & cœnam.

Vitrioli autem efficaciam ostendunt aquæ naturales acidæ & vitriolatæ, quarum vsus frequentissimus, & utilissimus est, in omnibus morbis ab obstructionibus oriundis.

At spiritus vitrioli cum sale, aut spiritu tartari mixtus, valde commendatur à Spagyricis, ex iisque conciunt tartarum vitriolatum, & mixturam spiritalem ex spiritus vitrioli, tartari, & theriacali conflata; quæ cum aliis multis aperientibus admisceri possunt.

Denique ex chalybe varia præparantur medicamenta, tum à Dogmaticis, tum à Spagyricis, quæ euidenti effectû obstructiones breui resoluëntia, omnes coegerunt ad vsum eorum frequentem etiam illos, qui omnia remedia ex metallicis petita, tanquam naturæ nostræ minimè analoga, atque adeò infesta, respiciunt & abominantur. Illa autem medicamenta ex chalybe parata componuntur in formam vini, syrûpi, opiata, pilularum & tabellarum.

Vinum chalybeatum hoc modo confici potest.

℥. Limaturæ chalybis Vnc. iv. rad. eryngij, enulcam. ana Vnc. j. β. santali citr. Vnc. j. coralli rubr. ras. eboris, ana Drach. vj. caryoph. nuc. molchat. cinam. ana Drach. ij. flor. genistæ, anthos, & epithymi, ana P. ij. vini albi

albi generosi lb. vj. Macerentur per octiduum in B.M. vel retro furnum. Deinde transcolentur per manicam Hippocrat. vt vinum optimè clarificetur ; de quo capiat æger ʒ. ij. vel iij. manè duabus horis ante pastum , per xv. dies , aut plures si opus fuerit. Vel in hunc modum fieri poterit.

℥. Chalyb. præp. cum sulphure ʒ. j. rad. enul. camp. & cort. med. tamarisci, ana Vnc. ʒ. sennæ Vnc. iij. epithymi Vnc. j. fæculæ bryoniæ & cinam. ana Drach. ij. pulu. triasant. Drach. j. ʒ. aquæ agrim. & vini albi, ana lb. j. Infundantur per triduum in B.M. Colaturæ capiat Vnc. iij. vel iv. tribus horis ante pastum.

Vulgò autem vsurpatur infusio limaturæ chalybis, facta in vino albo vel clareto, pro potu ordinario, cum multa aqua permixta , per duos vel tres menses continuanda.

Syrupus ex chalybe ita præparatur.

℥. Limaturæ chalybis in aceto macerata Vnc. ij. cort. med. tamarisci Vnc. sem. ceterach. M. sem. cinam. Drach. iij. aquar. absinth. & agrim. ana lb. sem. vini albi lb. j. Infundantur per dies sex in loco tepido. Colaturæ adde sacchari lb. j. ʒ. Fiat syrupus ; capiat æger ʒ. ij. vel iij. manè singulis diebus.

In prædicta præparatione chalybs maceratur in aceto ad solem , donec acetum exsiccetur : idque tertio repetitur : postea læuigatur in marmore.

Huiusmodi syrupus purgans & efficacior euadet , si cum saccharo dissoluatur aquæ cisternæ lb. j. in aqua sennæ ʒ. iij. rhab. Vnc. ʒ. per noctem maduerint.

Pulvis ex chalybe talis erit, ex Quercetani Pharmacopœa depromptus.

℥. Limaturæ chalybis communiter, vel cum sulphure præparata Vnc. j. fæculæ rad. aronis ʒ. i. ʒ. ambra griseæ ʒ. ʒ. (pro pauperibus species cordiales loco ambra

sufficient) corall. & margarit. præparat. ana 3. ij. succi-
ni præp. & cinam. ana 3. iv. sacchari q. s. vt fiat puluis
gustui gratus, cuius capiat cochleare semis vel 3. ij. cum
vino per xv. dies.

Ex eodem puluere, cum saccharo in aqua naphæ disso-
luto, & confectione alkermes, possunt fieri tabellæ gu-
stui gratissimæ, eodem modo sumendæ.

℥. Chalybis præp. cum sulphure Vnc. sem. confect.
alkermes 3. ij. ambræ griseæ 3. j. sacchari in aqua na-
phæ & rosac. dissoluti Vnc. iv. Fiant tabellæ, capiat 3. ij.
singulis diebus manè.

Loco pulueris potest vsurpari extractum chalybis
cum vino albo paratum, pro delicatioribus.

Opiatæ ex chalybe variis modis fiunt. Præstantissi-
mæ sunt sequentes.

℥. Conseruæ flor. tamarisc. & capill. ven. ana Vnc. j.
sem. conseruæ rad. enulæ camp. Drach. vj. chalybis præp.
cum sulphure vel aceto Drach. j. salis tamarisc. Drach. j.
spiritus vitrioli 3. sem. Cum syrupo condituræ citri, fiat
opiatæ, de qua capiat Drach. ij. aut. iij. singulis diebus
manè. Vel.

℥. Limaturæ chalybis lb. sem. vini albi lb. i. sem. Misce
in vase vitreo. Vas igni apponito, mollissimè feruere
finito, semper agitando sursum, & deorsum vsque ad x.
vel xj. ebullitiones, quousque spumofum sursum fera-
tur. Tunc spumofam & pinguem chalybis partem, quæ
feruore separatur, simul cum vino in aliud vas trans-
pone. Atque id quater facies prædicto modo, infunden-
do nouum vinum, feruofaciendo & separando. Deinde
separatum vinum ex 4. ebullitionibus igni appone len-
to, donec leniter feruens, mellis crassitudinem acquirat,
& feruetur in vsum, qui talis est.

℥. Chalybis prædicto modo præparati Drach. vj. sem.
petrosel. dauci, specier. diacurcumæ, & diarrhod. abba-
tis,

tis, ana Drach. j. cinam. Drach. sem. Cnm melle desputato fiat opiata, de qua capiat Drach. iij. vel Vnc. sem. singulis diebus manè. Vel.

27. Chalyb. præparat. cum sulphure Vnc. j. sennæ mundat. rhab. elect. & agarici recenter trochiscat. ana Drach. ij. diarrhod. abbatis Drach. j. croci ʒ. j. Cum syrupo rosato solut. fiat opiata, de qua capiat Drach. ij. manè, tribus horis ante pastum, continuando per xv. dies.

Pilulæ ex chalybe reliquis remediis non cedunt, & in modum sequentem concinnari possunt:

28. Chalybis præparat. cum sulphure Vnc. sem. aloës optim. sennæ mundat. agaric. recenter trochiscat. & rhab. elect. ana Drach. j. puluer. electar. diarrhod. abbatis Drach. sem. croci ʒ. sem. Cum syrupo rosar. solut. fiat massa, De cuius Drach. j. formentur pilulæ vj. deauratæ, quas capiat manè singulis diebus, tribus horis ante pastum, continuando per xv. dies.

Hiscæ pilulis addi possunt, pro specie morbi, & ægrorum opportunitate, gummi ammoniacum, sagapenum, opopanax, myrrha, gentiana, aristolochia, mastiche, nux moschata, aliæque.

In omnibus medicamentis chalybeatīs hoc perpetuò obseruandum, vt post eorum assumptionem deambulatione corpus exerceatur, vt huius beneficio medicamenti vires in actum melius reducantur, ac in partes obstructas transmittantur. Eaque deambulatio continuanda est per duas horas. Quibus transactis capiat æger iusculum, in quo herbæ & radices aperientes nonnullæ decoctæ fuerint.

Præter omniā prædicta remedia, Chymici commendant purgationes mercuriales, ex mercurio dulci, præsertim cum pilulis ordinariis, vel per extracta paratis, quia mercurius valde penetrat, & obstructions aperit.

Bezoardicum minerale plurimum etiam commenda-

tur, & cum mercurio dulci exhibitum miranda præstat. In hunc autem modum præscribi poterit.

℥. Bezoard. min. gr. xij. mercurij dulcis gr. vj. conseruæ rosar. Drach. j. vel Drach. ij. Fiat bolus, qui detur per plures dies.

Si obstructio hepatis reperiatur in corpore bilioso, cum calida & sicca partis intemperie; tunc temporis apertentia frigida, aut temperata erunt vsurpanda. Qualia proponuntur in curatione affectionis hypochondriacæ, inter affectus lienis à nobis explicandæ.

Pro potu ordinario vtatur æger aquâ ex infusione chalybis paratâ cum vino tenui. Vel vtatur leui decocto tamarisci, agrimon. ceterach. capil. ven. pimpinellæ, iisque simul mixtis, aut seorsim vsurpatis, etiam cum vino.

Quidam laudant infusionem ligni nephritici pro potu ordinario; alij decoctum rad. cynosbati, quod potenter aperit, & roborat, eoque solo multos à grauibus affectibus liberatos esse contendunt.

Potentius autem operatur infusio limaturæ chalybis facta in vino albo, vel rubro tenui, cum aquis prædictis, aut etiam cum aqua simplici permixta. Hoc enim solo remedio quamplurimæ virgines à chlorosi liberantur. Et adhuc potentius operatur vinum istud chalybeatum, si præter potum ordinarium, meracum manè sumatur ad 3. iij.

C A P V T IV.

De Ictero.

ICterus est dolor flauus totius corporis à bilis in cutem vniuersam effusione proueniens.

Est igitur symptoma qualitatis mutatæ: verum statim

tim sese offert difficultas illa vulgatissima ab omnibus propemodum Pathologicis exagitata, quod ille color flauus in cornea visionem immediatè lædit, efficiens nempe vt omnia obiecta appareant flaua. Quæ vt vno verbo expediatur (missis aliorum ambagibus) dicendum est esse morbum in numero aucto; cum enim cornea debeat esse omnis coloris expers, vt species obiectorum puras & immutatas transmittere possit; si colore aliquo extraneo præternaturaliter afficiatur, laborat morbo in numero aucto eorum quæ necessaria sunt ad naturalem illius constitutionem.

Authores duplicem icteri speciem faciunt, flauum scilicet & nigrum. Icterus niger à liene dependet, & rarissimus est. Ideò hîc affectus hepatis exponentes, de flauo tantum agimus.

Effusio bilis in cutem à multis causis producit; quæ quidem ad tria capita reduci possunt, prauam scilicet hepatis diathesim, vesicæ felleæ obstructionem, & biliosi humoris prauitatem.

Praua hepatis diathesis varia esse potest; vt interperies, inflammatio, obstructio, scirrhus, & quæcunque partem ita debilitare possunt, vt bilis excrementitia à sanguine separari non valeat, sed cum eo ad totum corpus distribuatur.

Obstructio cystidis felleæ bilis com meatum impedit ad intestina, vnde illa in hepate restitat, & inde cum sanguine corpus vniuersum peruadit. Hæc autem obstructio fit vel à pituita crassa; interdum à bile crassa & copiosa, interdum à calculis, qui sæpè in cystide felleæ generantur. Potest denique fieri vesicæ felleæ, aut illius meatuum angustia, à compressione partium vicinarum inflammatione vel scirrholaborantium.

Prauitas humoris biliosi consistit, vel in quantitate nimia, quæ non potest regi à natura, neque à massa

sanguinis secerni; aut etiam quâ ita repletur vesica fellea, vt non possit sese contrahere ad illius expulsionem. Vel in praua qualitate, quâ humores corrumpendo debitam eorum secretionem impedit, vel etiam interdum ad naturam subitam illius propulsionem irritat, vti cetero citrico & symptomatico contingit. Corruptio contingit in febribus putridis biliosis; tum etiam ex veneno assumpto, aut morsu quorundam animalium venenatorum; quo totus sanguis in biliosam naturam commutatur.

Signa icteri flauī per se manifesta sunt, color scilicet flauus in toto corpore, maximè in albis oculorum conspicuus; quem sequitur corporis pruritus, & segnities, linguæ amaror, vomitus biliosus interdum, & singultus.

Signa causarum ex propriis fontibus desumenda sunt. Si enim calida hepatis intemperies, inflammatio, obstructio, aut scirrhus huic malo originem dederint, eorum affectuum diagnosi ex propriis capitibus desumenda est.

Obstructionem cystidis felleæ peculiariter indicant, fæces albæ, & aluus astricta, ex bilis defectu, quæ fæces colore flauo, vel rufo tingere consuevit, & facultatem expultricem intestinorum excitare, vt se habeat instar clysteris naturalis. Vrinæ sunt colore flauo intense saturato, ad rubrum vergente, infectæ; quæ linteam in iis immersum colore flauo imbuunt.

Si à prauitate humoris biliosi fiat, fæces alui sunt valde coloratæ, tum etiam urinæ; præsertim si febribus putridis succedat, quando icterus est symptomaticus; tumque febris post icteri aduentum perseverat: si verò criticus sit, febris cessat, tum alui excrementa, & urinæ, benè colorata apparent. Causæ externæ, vt venenum assumptum, & morsus animalium

malium venenatorum, ab ægro & astantibus referendæ sunt.

Prognosis icteri varia instituenda est, pro varietate causarum. Curatu facilior est, qui ab obstructione vesiculæ felleæ producitur, quia illius meatus intestinis propiores sunt, & materiæ illis adhærescentes ad ea faciliè decutiuntur: modo obstructio non sit à calculo, qui cum dissolui non possit, morbum facit incurabilem.

Icterus ab inflammatione, aut scirrho hepatis proveniens, periculosissimus est: illa enim plerunque in abscessum, hic in hydropem degenerat.

Quibus in febribus morbus regius ante diem septimum accidit, malum. Hipp. *Aph. 62. sect. 4.* cui Aphorismo opponitur alia eiusdem Hippocratis sententia, quæ habetur 4. *de victus rat. in acutis*, his verbis. *In febrili morbus regius ante septimum diem natus, cum rigore morbum solvit, sine rigore pestiferum.* Huic etiam sententiæ ratio adstipulatur. Cum enim die tertia, quarta, & quinta, contingant crises salutare per sudores, vrinas, & alui fluxum, quidni etiam icterus criticus iisdem diebus poterit contingere? Et testatur experientia, à multis probatis authoribus proposita, sæpe icterum ante septimum diem salutariter contingere. Illi autem authores prædictum Aphorismum ita interpretantur, quòd nempe Hippocrates per diem septimum intelligat quemvis diem criticum; septimum enim enumerat, tanquam nobiliorem criticum, ut pro aliis omnibus intelligatur. Verè autem criticus ille audiendus est, quem legitima concoctio materiæ febrem efficientis præcessit.

Curatio icteri ad causarum sublationem dirigenda est. Si enim à calida hepatis intemperie, aut aliquo eiusdem visceris tumore oriatur, illorum affectuum curationes ex superioribus capitibus depromendæ sunt. Qui verò in febribus

febris putridis contingit, si criticus sit, nulla curatione indiget. Si verò symptomaticus sit, curatio illius dependet à curatione morbi à quo exoritur.

Qui verò à cystidis felleæ obstructione dependet, illius ablatione curandus est: quæ conuenienter perficitur remediis superiori curatione propositis. Quibus suppositis, nonnulla etiam huic affectui magis propria & specifica subnectenda sunt.

Primo igitur humoris peccantis portio educetur bolo sequenti.

℞. Elect. de succorol. & diaprun. solut. ana Drach. iij. rhab. pulu. Drach. j. croci ʒ. sem. Cum saccharo fiat bolus, qui semel atque iterum exhiberi poterit, si cacochymia vrgeat. Vel apozema aperiens & purgans erit exhibendum.

Quod ad phlebotomiam spectat, licet ea improbetur à Gal. quemadmodum ratione ipsius affectus non prodest: tamen si multitudo sanguinis in venis contineri videatur, illius imminutio vtilissima est.

Post vniuersales euacuationes sequens infusum, per sex, vel septem dies vsurpatum, ictericum affectum plerumque radicitus euellit, si recens adhuc, ac minime inueteratus sit.

℞. Rad. rub. tinctorum ʒ. ʒ. fol. chelidon. maj. M. j. summit. absinthij pontici, centaur. min. ana P. j. cinam. ʒ. ʒ. croci ʒ. sem. Infundantur per noctem cum ʒ. viij. vini albi. Colaturæ adde sacchari albi ʒ. sem. Capiat manè tribus horis ante pastum.

Vel potest fieri sequens decoctum.

℞. Chelidoniæ cum toto M. j. fol. & flor. hyperici, ana M. ʒ. rasuræ eboris, pulu. stercoris anseris ana ʒ. iij. croci ʒ. ʒ. Puluis stercoris anseris, & crocus ponantur in nodulo, & omnia coquantur in æquis partibus vini albi, & aquæ absinthij, ad lb. j. In colat. dissolve sacchari

sacchari Vnc. j. Detur in tres doses matutinas, quæ postmodum iterari poterunt.

Ad hunc usum valde commendat Quercetanus stercus anserculi verno tempore herbam pascentis; tum etiam stercus album gallinæ exsiccatum, & ad 3. ℥. vel 3. j. exhibitum per aliquot dies; dicitque horum aëreorum animalium stercora esse nitro-sulphurea, & miram habere incidendi, attenuandi, ac dissoluendi facultatem.

Commendat Dioscorides succum marrubij ad morbi regij curationem, & post eum recentiores, ac præsertim Forestus, qui nonnullos refert usu syrupi ex succo marrubij fuisse persanatos, cum multa alia remedia frustra usurpata fuissent.

Gesnerus laudat radicem vrticæ, in hunc modum præparatam.

℥. Rad. vrticæ ℥. j. croci ʒ. j. Contundantur diligenter, & cum vino albo succus extrahatur, de quo capiat æger ʒ. iv. per 4. aut 5. dies mane; postea tegatur ut sudet.

Dum interna remedia exhibentur, illinatur regio hepatis sequenti linimento.

℥. Succor. apij, petrosel. & cichorij, ana ʒ. j. aceti albi Vnc. sem. olei tamarisci Vnc. ij. Bulliant ad consumptionem succorum & aceti. Mox adde fantali citrini, & spicæ nardi, ana Drachm. j. ceræ q. s. Fiat linimentum.

Sublatis obstructionibus flauus ille color breui euanesceat, discusso humore cuti imbibito, per solum natiui caloris ministerium. Ut tamen promptius euanescat, parari potest balneum aquæ tepidæ, corpus in eo confricando sacco farinæ hordei, & fabarum referto.

CAPVT V.

De Scirrho hepatis.

Scirrhus hepatis, est tumor durus, renitens, & indolens, ab humore crasso in hepatis substantia impacto, atque indurato genitus.

Duplex autem est scirrhus, exquisitus, & non exquisitus. Exquisitus tantum proposita definitione comprehenditur, qui indolens est, & sensus omnino expers.

Non exquisitus verò quemdam habet doloris sensum, & fit à materia minus indurata; vno verbo est scirrhus incipiens. & nondum confirmatus; exquisitus vero est confirmatus, ita vt differant tantum per magis & minus.

Duobus modis in hepate scirrhus generari solet, per fluxionem scilicet, aut congestionem humoris crassi & glutinosi in partis substantia, vel ab inflammatione, aliisque tumoribus induratis per resolutionem partium tenuiorum humoris illos committentis, relicta ac superstitie parte crassiori.

Materia prioris est humor pituitosus, aut melancholicus, vel ab aliis partibus transmissus, vel in ipsa visceris substantia ex praua homioiosi genitus, & coaceruatus. Huic humori producendo non parum facit victus ratio praua ex crassis, frigidis, ac viscosis alimentis constans; pituitosum aut melancholium temperamentum, & natia hepatis angustia. Vnde Galen. 13. *meth.* scirrhum in hepate, liene, & renibus facile generari docet. In hepate quidem, quod via stricta sint, & sanguine crasso nutriatur. In liene vero, quod sanguinem

guinem crassum recipiat. In renibus denique, quod sanguine crasso nutriantur.

Posterioris scirrhi, seu aliis tumoribus succedanei causæ sunt, immodicus discutientium medicamentorum usus, vel etiam repellentium, quæ refrigerando, & constringendo materiam incrassant, eiusque resolutionem impediunt. His accedit materiæ morbificæ frigiditas propria, & crassities, quæ resolutioni non cedit, vel partis imbecillitas, quæ diaphoresim sufficienter promouere non potest. Ac denique victus ratio refrigerans & incrassans.

Signa scirrhi in hepate geniti sunt: durities & renitentia in dextro hypochondrio hepatis circumscriptiorem referens: & multò maior quàm in obstructione grauitas in eadem parte, & ponderis sensus, præcipuè quando magna fit respiratio: Febris carentia, & doloris, quibus distinguitur ab inflammatione, aut saltem dolor est exiguus in scirrho non exquisito: difficilior decubitus in latus sinistrum, quoniam hepar durum & graue ventriculum comprimit, eique dolorem infert: color faciei pallidus, & quasi virescens; quia sanguis laudabilis in hepate scirrroso non generatur. Corpus etiam emaciatur, quia neque hæmatosis, neque anadosis rectè perficitur.

Prognosis huius affectus à Galeno proponitur 2. ad Glauc. cap. 4. his verbis: *Scirrhus insensibilis curationem non recipit, qui verò difficulter sentit non incurabilis quidem est, non tamen facile curationem admittit.* Idem Galen. cap. 5. eiusdem libri: *Scirrhum, inquit, iecoris ab initio sanauimus sæpius, ubi verò ad plures dies fuerit extensus, neque ipse potui sanare, neque alium vidi, qui posset.*

Scirrhus inueteratus & incurabilis in hydropem insanabilem degenerat: & pereunt quidem nonnulli tempore

tempore longo, alij verò breuiori, quibus scilicet alui fluxus superuenit, & diutius perseuerat. Scirrhus ictero succedens, aut illum generans, perniciosus, vnde Hipp. *Aph. 42. sect. 6.* morbo regio laborantibus, si fiat hepar durum, malum.

Scirrhi curatio fiet primùm causæ antecedentis ablatione, per apozema in obstructione hepatis descriptum. Cui etiam alia remedia obstructionibus referendis idonea, subiici vtiliter poterunt.

Postmodum verò materia indurata emollientibus & aperientibus discutienda est. In hunc finem maxime conuenient pilulæ ex chalibe suprâ descriptæ, præcipuè si iis addantur bdellium, ammoniacum, & sagapenum.

Si verò durities contumacissima fuerit, sequentes pilulæ ad multos dies erunt vsurpandæ.

℞. Gummi ammoniaci in aceto soluti & traiectioni, atque iterum inspissati 3. ij. bdellij, styracis, ana 3. iij. Misce, capiat 3. j. alternis diebus.

Intermediis verò diebus vtatur opiatâ, vel tabellis roborantibus & aperientibus, in obstructionis curatione descriptis.

Sequentes verò pilulæ ad scirrhum emolliendum, ac dissoluendum mirabilis sunt efficaciam.

℞. Aloës optimæ, & gummi ammoniaci in aceto soluti, & traiectioni per setaceum, atque iterum inspissati ana Vnc. sem. mercurij dulcis Drach. ij. diagrydij 3. j. Cum oxymel. scillit. fiat massa pilular. de qua capiat Drach. sem. quatuor horis ante prandium, singulis diebus per 20. aut 30. dies.

Zacutus Lusitanus *obs. 41. lib. 1. Praxis admir.* refert, scirrhum contumacem conseruâ marrubij 40. diebus vsurpatâ curatum fuisse.

Quidam Practici commendant vsu terebinthinæ
in

in hunc modum præparatæ.

℞. Terebinthinæ lotæ cum vino albo ʒ. j. ꝑ. sacchari puluerati Vnc. sem. Capiat Drach. j. singulis vel alternis diebus; est enim remedium aperiens, vrinam mouens, & aluum emolliens.

Toto curationis decursu vtatur æger pro potu ordinario vino albo, aut clareto tenui, ex infusione chalybis parato.

Tum etiam aliæ chalybis præparationes suprà descriptæ, hîc etiam maximè conuenire poterunt.

Exteriùs verò admoueri debent fomenta, vnguenta & emplastra, in sequentem modum composita.

℞. Rad. althææ, bryoniæ & lilior. ana Vnc. j. fol. maluæ, violar. parietariæ, absinth. agrimonij, ana M. j. sem. lini, fœnugr. anethi, ana Drach. sem. flor. chamæm. meliloti, rosar. ana P. j. Coquantur in tribus partibus aquæ, & vna vini albi, sub finem additi; vel in aqua & aceto. Colaturâ foueatur regio hepatis manè & serò.

Si scirrhus sit contumacior, addantur decocto rad. ireos nostrat. cucumer. agrest. & ebuli. Et paretur decoctio in aqua decoctionis intestinorum veruecis & vino albo.

℞. Ol. lilior. chamæm. meliloti & amygdal. dulc. ana Vnc. j. ol. rosat. & absinthij, ana Vnc. sem. gummi. ammoniaci in aceto soluti ʒ. iij. ceræ ʒ. ij. Fiat linimentum, quo inungatur dicta pars post fotum.

Si fortius linimentum desideres.

℞. Succor. bryon. & cucumeris agrest. an. Vnc. ij. ol. decapparib. & tamarisci, ana Vnc. iij. vini albi ʒ. j. Bulliant ad succor. & vini consumpt. deinde adde absinthij puluerat. Drach. ij. gummi ammon. in aceto soluti Vnc. sem. ceræ parum; fiat linimentum.

℞. Massa empl. de mucilag. Vnc. j. empl. de meliloto

loto Vnc. sem. gummi ammoniaci liquati in succo ab. sinthij Drach. iij. Malaxentur cum oleo absinthij & liliorum. Fiat emplastrum, admouendum post inunctionem.

Vtiliter etiam parti admouentur folia hyoscyami in ceto decocta, addito oleo amygd. amarar. & in formam cataplasmatidis redacta.

His etiam addere licet semicupia, ex emollientibus, digerentibus, & roborantibus parata, qualia pro potu descripta sunt; iis que alternatim æger vti poterit.

Ac denique causticum tibiæ dextræ inurendum, vt materiæ peccantis portio per id loci deriuetur.

C A P V T VI.

De Hydrope.

DVæ hydropis differentia reperuntur apud Hippocratem, vniuersalis scilicet, & particularis. Vniuersalis dicitur ille qui totum corpus, vel abdomen vniuersum occupat. Particularis verò, qui vnicam tantum corporis partem; vnde hydrops capitis, pectoris, & vteri; de quo hic non agimus, sed tantum de vniuersali.

Huius autem hydropis vniuersalis tres proponuntur species à Galeno, ascites, tympanites, & anasarca, seu leucophlegmatia.

Ascites est tumor abdominis ab humore seroso in illius capacitate collecto oriundus.

Neque solum abdomen vt plurimum intumescit, sed etiam pedes, tibiæ, femora, & scrotum eodem tumore plerumque afficiuntur. Quinimò ascites non raro à pedum tumore incipit, qui postmodum tibiæ, deinde

cruta, ac tandem abdomen ipsum inuadit.

Humor autem ille serosus, seu aquosus, quatenus aquæ naturam retinet, frigidus quidem est: sed quatenus etiam salsedinis est particeps, calorem in se habet, qui tum è viscerum vicinia augetur; tum etiam, & multò insensius, ex putredine, quam diuturnâ morâ contrahit; vnde febris exoritur, & sitis, à vaporibus falsis ac putridis os ventriculi inficientibus, excitatur.

Contingit autem interdum, vt humor ille aquosus, non in cavitare abdominis, sed in vesiculis quibusdam, partibus ventris inferioris adnatis, contineatur. Cuius rei historiæ proponuntur à Schenckio *lib. 3. obseruat.* & Mauritio Cordæo *comm. 3. & 5. in Hippocr. l. 1. de morbis mulierum*. Censuit Galenus, (eumque sequuta est tota ferè Medicorum, tum antiquorum, tum neotericorum cohors,) omnem hydropem fieri ab hepate frigidiore, & hæmatosim non exactè perficiente, ita vt pro laudabili sanguine, multam aquam, pituitam, aut flatum generet. Quæ sententia, vt de anasarca verissima est, & omnium consensu receptissima; sic de ascite & tympanite à recentioribus non paucis controuertitur; propterea quòd in multorum hydropicorum dissectionibus hepar incolume & illæsum inuentum sit; vt ex plurimis historiis constat ab authoribus propositis. Præterea Hippocr. 2. *Proorrhæ* disertè asserit hydropem fieri vel ab hepate, vel à parte inani. Per partem verò inanem intelligit totum illud spatium, quod à costis ad ilia extenditur, & partes in eo contentas. Idem Hippocr. 4. *de morb.* & 1. *de morbis mulierum*, hydropem ex liene describit. Quibus authoritatibus vulgò responderi solet; hepar perpetuò affici, primariò, vel secundariò: ita vt numquam hydrops contingat, quin hæmatosis vitietur, & loco laudabilis

dabilis sanguinis , aquosus generetur. Verùm duæ rationes hanc doctrinam acriter urgent: prima desumpta est ab experientia suprà proposita , quòd nimirum si necessarium esset hepar perpetuò affici , in dissectione cadauerum nunquam illæsum reperiretur. Secunda, quòd si hepar sanguinem aquosum generaret , ille in totum corpus distribueretur , quemadmodum in anasarca sanguis pituitosus in omnes partes transfertur. Neque sufficiens ratio reddi potest, cur serosus humor in hepate genitus in solum abdomen, non in alias partes deferatur.

Quod ad frigidam hepatis intemperiem spectat , illa etiam impugnatur Tralliani , Auicennæ, & aliorum authoritatibus , qui statuunt , etiam à calida intemperie hydropem excitari , & non nisi refrigerantibus remediis curari. Quod etiam Hippocratis autoritate fulciri potest, ex 2. *Progn. mutuata. Hydrops*, inquit, *morbo acuto superueniens , malus , febrem enim non tollit.* Si igitur hydrops superuenit , perseverante febre , manifestum est calidam intemperiem permanere. Neque mihi vnquam placere potuit , quòd vulgò dicitur à Galeni mancipiis à calida intemperie calorem nativum dissolui, ac plurimum imminui , & calorem illum imminutum frigiditatis nomine donari. Sic enim in febrè hectica , & febribus aliis diuturnis , in quibus calor nativus plurimum imminuitur , frigida intemperies esset perpetuò accusanda, & symptomata, quæ illas sequuntur , huic intemperiei essent adscribenda, non autem caliditati. Vnde magnam confusionem , in symptomatum causis inquirendis , excitari, quis non videt?

Inter recentiores Carolus Piso , quem sequutus est Sennertus, in veras hydropis ascitis causas altius penetravit : statuitque hunc generari ex materia serosa in
potu

potu, & cibus humidioribus contenta, quæ ab aliqua causa præternaturali in venis portæ & cavæ diutius retenta & in totum corpus non distributa (vt in statu naturali fieri consuevit) in abdominis capacitatem effundatur. Retinetur autem humor ille serosus in venis, & ad totum corpus non distribuitur, læsa, vel impedita facultate attractrice partium, ad quas deferri solet; vel ob errorem externum.

Partes autem præcipuæ, quæ primùm serosam materiam attrahere solent, sunt hepar & lien. Illa enim viscera chylosam materiam ad se trahunt, in qua substantia humida & aquosa ciborum & potuum continetur. Tum etiam lien potulentam materiam ad se trahit puram & permixtam, vt docuit Hipp. & testatur experientia eos qui potui maximè indulgent, illius portionem effatu dignam emittere per vrinas statim à pastu, quod fieri dicunt authores peritissimi, à liene aquosam illam materiam attrahente, antequam ciborum concoctio in ventriculo peracta sit.

Læditur autem hepatis, & lienis attractio à variis causis, præcipuè ex defectu, seu imbecillitate caloris natiui: debilitatur autem calor natiuus à frigida, vel calida intemperie, & à suffocatione.

Frigida intemperies à nimio alimentorum refrigerantium vsu, largâ sanguinis eiacuatione spiritus confestim exhauriente, vel quâuis aliâ causâ excitata, cum per se calori aduersa sit, etiam natiuum hepatis, & lienis calorem obtundit, eiusque actiones lædit.

Calida verò intemperies natiuum calorem dissipat, vnde ille debiliior factus actiones hepatis & lienis minùs foeliciter exercet. Inducitur autem calida illa intemperies à febribus ardentibus, vini meracioris largo potu, ciborum & medicamentorum calidorum vsu nimio.

Denique debilitatur calor natiuus per suffocationem quando sanguis nimiam copiam redundat in venis, præcipue impurus; qualis cumulari solet in mensium, vel hæmorrhoidum suppressione: per illas siquidem euacuationes corporis impuritares expurgari solebant, quæ iisdem suppressis retentæ totam sanguinis massam inficiunt.

Læditur etiam, vel impeditur prædictorum viscerum attractio ab obstructionibus, quæ liberum materiæ serosæ transitum intercipiunt. Sic scirrhum hepatis & lienis hydrops consequitur; non tantum quod illæ partes debilitatæ sanguinem laudabilem generare nequeant, sed præcipue, quod totam illam materiam, quæ potu assumitur, attrahere non valeant, & ad alias partes transmittere.

Hic obiici potest; in hydrope totum corpus nutriri à sanguine in hepate genito ex chylosâ materiâ, quam ad se necessario attrahit. Cum autem chyli portio ex qua sanguis generatur, crassior sit serosa materiâ, nihil impedit quod minus serosa illa materia etiam attrahatur. Respondemus primum hepar melius attrahere, quod sibi familiarius est, & idoneum, ut in sanguinem conuertatur; illud autem attrahit minori copia quam par sit, propter attractricis imbecillitatem, unde totius corporis macies exurgit, & cum ea chyli portione sibi magis analogâ, portionem etiam serosâ substantiæ pro vehiculo trahit; reliquam verò in venis mesaraicis & epiploicis relinquit, quæ ibi moram faciens in abdominis capacitatem sensim effunditur.

Non negamus tamen in hydrope sanguificationem lædi, præsentem enim frigidiori, aut calidiori intemperie, aut graui obstructione, vel scirrho, non potest esse sanguificatio integra. Sed negamus illam esse proxima-

nam, & immediatam hydropis causam; imò potius confectarium quid, & interdum hydropis effectum, cum scilicet aqua in abdomine contenta corrumpitur, & in ea innatantia viscera corrumpit.

Post hepar & lienem, serosam materiam ad venam cauam translata attrahunt renēs, & totum corpus à superflua illius copia liberant, ita ut si functio eorum cessauerit maxima feri copia in venis retineatur; quæ in abdomen effusa hydropem ascitem breui producit. Cessare autem potest renum attractio à multis causis, frigidiori intemperie, tumoribus, vlceribus, & obstructionibus, quæ functionem eorum imminuere, abolere vel intercipere valent.

Denique ob errorem externum feri distributio impeditur, quando magna copia aquæ frigidae hauritur, quæ non possit regi à natura, & in venas sufficienter distribui. Sic refert Carolus Piso quemdam adolescentem tertiana lahorantem cum in paroxysmo aquam intemperantiùs bibisset, in ascitem incidisse, quo tamen vnus tabellæ diacarthami vsu liberatus est, aqua in abdomine restitante confestim redditâ. Si tamen diutiùs continuatus fuerit nimius illæ aquæ potus, hydropem inducit non ita facile curabilem, propterea quòd graues inde fiunt obstructiones & frigida inducitur viscerum intemperies, calore nativo admodum labefactato, vnde hydrops curatu difficilis emergit.

Per quas autem vias serosa illa materia à venis in capacitatem abdominis transferatur, à nonnullis dubitatum est. Quibus tamen simpliciter satisfieri posset, dicendo ex doctrina Hippocratis, in corpore viuentis omnia esse transfluxibilia, & permeabilia; ita ut urgente necessitate non solum humores tenues ac serosi, sed etiam crassiores per meatus insensibiles par-

tium transmittatur. Sic in pleuritidie sanguis & pus densam pleuræ & membranæ pulmonē vestientis substantiam penetrat, ac per anacatharsim expellitur. Sic in tibiæ ac cruris fractura, quæ illæsis musculis & cutis contingit; sanies ex ossē fracto inanans, prædictarum partium substantiam penetrat, & insicit lintea fasciarum. Sic in hydrope ipso, sæpe ingens aquæ quantitas vnâ die per aluum excernitur, exhibito hydragogo potentiori, quod fieri non potest, nisi aqua in abdomine contenta tunicas intestinorum peruadat.

Nèque obstat, quod à Fernelio obiicitur, frustrà condita fore à natura tot patentēs vias, si per cæcos meatus humores transferri possent.

Respondemus in motu humorum ordinario & naturali, totius corporis nutritioni destinato, necessariōs esse ductus, per quos illi continuō, facili, & affatim fluere possint: Sed in casu extraordinario, & urgente, prouidam naturam vias extraordinarias inuenire, per quas materias noxias excernat, aut saltem in locum minus incommodum deponat.

Obiicit iterum Fernelius, in iis, qui ex vrina per 20. dies suppressa extincti sunt, aquæ nihil deprehensum esse per cæcos illos ductos in abdominis defluxisse.

Respondemus, naturam non semper eodem modo operari circa causas præternaturales, neque humores noxios ad eadem loca deponere: sed ad eas partes præsertim quæ magis dispositæ sunt eorū receptioni, vt pote imbecilliores. Sic in vrinæ suppressione, serofus humor per venas & arterias patenter decurrit, easque implet, & si quædam pars debilior reperiatur, in eam impetu ruit, vnde fit, vt quidam comatosi, alij orthopnoici, alij ex alterius partis insignis læsione moriantur. Sic etiam nihil impedit, quin si partes abdominis, ad quas

venerum

venarum & arteriarum extrema desinunt, debiliores reperiantur, humor serofus in illius capacitatem transferri valeat.

Neque verum est, quod Fernelius adstruere velle videtur, numquam hydrôpem ex urinæ suppressione exoriri. Imò multoties ab hac causa produci ratio & experientia docet; quemadmodum nos supra ostendimus ex lasa renum attractione, ab aliquo insigni illius vitio, hypropem contingere.

Hoc tamen aduertendum est; urinæ suppressionem ferri redundantiam efficere in venæ cavæ magis, quam in portæ ramis, per quos in primis humorem aquosum in abdominis capacitatem effluere, ex sequentibus apparebit.

Possset igitur satisfieri quæstioni propositæ, simpliciter dicendo, per cæcos & insensibiles partium ductus serofos humores transferri in abdominis capacitatem. Facile tamen est ductus conspicuos, & patentes indicare, per quos liber est humoris serofi à venis in capacitatem illam commeatus.

Horum autem ductuum notitiam nobis indicavit Hippocr. *Aphor. 55. sect. 7. Quibus*, inquit, *iecur aqua repletum in omentum erupit, his venter aqua repletur, & moriuntur.* Cuius Aphorismi sensus talis est (à Galeno non satis perspectus) aquam ab hepate in ramos venæ portæ per omentum sparsos influere, & cum illi repleti fuerint, vel tunicis eorum rarefactis per diapedesim, aut osculis patefactis per anastomasin, in cavitatem abdominis deferri. Idem in liene potest contingere, & forte frequentius, cum lien aquam magnâ copiâ è ventriculo trahat, ut ex multis Hippocratis locis innotescit. Et ex liene in omentum traduci constat eiusdem Hipp. sententiâ lib. 4. de morbis propositâ, his verbis: *In ventriculum autem etiam potus fertur, quo cum expletus fuerit, ab eo liē recipit, & ad venas omenti transmittit.* Ex prædictis vi-

dere est, per omenti venas præcipuè, quæ Epiploicæ & Gastrepiploicæ nominantur, aquam in abdomen effluere, quamvis per alias etiam venas extillare possit.

Præter causas hydropis prædictas, quæ frequentiores sunt, & magis ordinariæ, aliæ dantur minùs frequentes ab authoribus relatæ, & quibusdam observationibus confirmatæ. quæ scilicet ex peculiari quarundam partium vitio contingunt, non solum bepatis, & lienis, sed etiam mesenterij, pancreatis, vetriculi, intestinorum, renum, vesicæ, & vteri: læsâ nimirum illarum partium homiosi, à graui quodam affectu, vt proprium alimentum corrumpant, & in serosum humoré colliquatione quadam conuertant. Sic apud Gal. *comment. Aph. 55. sect. 7.* vesiculæ hydatides in hepatis superficie interdum excitantur, quæ disruptæ serosum humorem profundunt in capacitatem abdominis, ex cuius collectione hydrops emergit. Sic Fernelius existimat hepar valdè exsiccatum findi, & rimis quibusdam dehiscere instar terræ siccæ, ac per illas rimas serum continuò effluens abdominis capacitatem replere. Alij verò dicunt ex intestinis hydropem fieri posse, si illa perforentur, & homo statim non moriatur; sed humor aquosus in abdominis capacitatem ex iis stillet. Tum etiam ex renibus, si valdè vlcerentur, & per ea vlcera serosus humor erumpat. Sic refert Platerus in quodam hydropico vtrumque renem multis vlceribus perforatum fuisse; vnde sanies & serum in abdominis cauitatem effluerat. Hydropis denique ex vteri vitio prognati habetur historia apud Sennertum, ex Ioanne Heinzio, de ancilla quadam hypropica, cuius viscera omnia salua inuenta sunt, exceptis testibus, qui tumidi sunt reperti ad magnitudinem capitis infantis recens nati; tum etiam liuidi, fungosi, & plurimis vlceribus conspersi, ex quibus serosa materia hypropem commitens.

committens effluxerat.

Hydrops tympanites, à tympano nomen habet; siquidem abdomen instar tympani tensum est; & si manu percutiatur sonum consimilem edit: tensio autem illa est à flatibus in abdominis capacitate conclusis. Aliquando tamen contingit, flatus tympanitem efficientes, non in capacitate abdominis, sed in cavitatibus intestinorum contineri: quod observauit Platerus, dicens in quibusdam, qui tympanici putabantur; post mortem dissectis, nullum flatum e ventris cauo erupisse, nec ventrem subflesse; sed intestina, præsertim tenuiora, flatibus adeò distenta, & conuoluta profiliisse, ut in ventrem denudè reponi nequirent.

Observandum autem est raro flatum tympanitem efficientem solum in abdomine contineri, sed plerumque aquæ permixtum: quemadmodum etiam in ascite non aqua sola, sed flatus etiam in abdomine continetur; & uterque à prædominante nomen inmutatur. Si nimirum maior flatuum, & minor aquæ copia collecta sit, dicitur tympanites: si vero aqua flatibus præualeat, ascites nominatur: si denique æqualis utriusque portio cumuletur, ambigit inter utrumque; ut dubitare liceat utrum ascites, vel tympanites talis hydrops dici debeat.

Flatuum causa materialis est humor crudus & crassus, siue pituitosus ille sit, siue melancholicus, qui à calore exagitatus, & attenuatus vapores crassos emit, qui difficillimè disentiuntur, & illi vapores flatus nominantur.

Humor autem ille crudus & crassus in ventriculo & intestinis aliqua ex parte residet; sed multò magis intra diaphragmatis & intestinorum membranas continetur; unde difficilius, quàm à cavitatibus partium prædictarum, auelli potest. Huius rei fortem coniecturam facit Aphorismus Hipp. 1. 1. sect. 6. *Quibus tormina & cr-*

ca umbilicum labores, & lumborum dolor, qui nequi medicamentis, neque aliter solvuntur, in hydropem siccum firmantur. Cum enim mesenterium parte anteriore intestinis alligetur, posteriore verò lumbis; facile videre est, dolores ad umbilicum & lumbos spectantes, ex mesenterio prodire. Adde quod dolorum contumacia causam denotat in profundo corporis, & partium substantia conclusam, quæ nullo modo deturbari valeat. Si enim in ventriculi & intestinorum cavitatibus contineretur, facilius excludi posset.

De causa verò efficiente discrepant inter se authores, aliis frigidam intemperiem accusantibus, aliis verò calidam. Qui frigidam intemperiem accusant, se fautorem habere putant Galenum, dicentem flatus generari à calore debili. Quibus respondendum est, calorem posse dici debilem respectu materiæ, quæ ab eo non potest discuti ac resolui. Sed hoc potius adscribendum est ipsius materiæ defectui, non caloris, qui saepe intensior est, ac præternaturalis. Et certè agnoscendum est cum doctissimis authoribus, materiam tympaniti generandæ magis idoneam esse humorem melancholicum adustum, & atrabilarium, qui à calore viscerum torrefaciente generatur. Qui quidem calor eamdem materiam exagitat, & ex ea flatus crassos, ac difficile resolubiles educit.

Hydrops anasarca fit ab humore pituitoso in totum corporis habitum effuso, qui idèò tumidus & albus apparet, unde leucophlegmatia nominatur. Generatur autem humor ille pituitosus ab hepate frigidiori, quod pro laudabili sanguine crudum & pituitosum producit, qui cum substantiæ partium in hominibus sufficienter agglutinari nequeat; portio illius crudior, & nutritioni inepta restitat in partibus, easque tumidas reddit, hincque anasarca seu leucophlegmatia exurgit.

Affectus incipiens dicitur cachexia, quæ ab eadem causa

causa procedit & eadem habet generationis principia; ita vt facillè cachexia in leucophlegmatiam degeneret, cum differant tantum secundum magis, & minus.

Causæ antecedentes sunt, quæcumque hepar impensè refrigerare valent, illiusque vim concoctricem plurimum infringere: vt alimenta frigida & humida largiùs assumpta, suppressiones mensium & hæmorrhoidum, obstructions & tumores frigidi, quales sunt scirrhi: tum etiam hæmorrhagiæ copiosæ, aliorumque humorum magnæ ac diuturnæ euacuationes, à quibus calor nativus plurimum imminuitur.

Signa hydropis, & cuiusque illius speciei, ex prædictis satis manifesta sunt. In ascite enim aquosus humor in abdomine contentus indicatur ex abdominis mole graviori, tumore molliore, ac latiore, qui per latera compressus fluctuationis sensum manifestum repræsentat; & æger ipse dum sese in alterutrum latus cōvertit, murmur velut fluctuantis aquæ percipit, tum vniuersa ventris moles in latus illud prouoluitur. Hinc pedes & scrotum intumescunt; superiores verò partes graciliores euadunt, ac contabescunt; urinæ sunt pauca, & crassæ, atque interdum rubræ, quia exigua feri quantitas ad renes, & vesicam transit, in iisque diu moratur, & in illa mora crassescit ac coloratur. In progressu morbi difficultas respirandi adest, ob aquæ copiam diaphragmati incumbentem, præcipuè dum æger decumbit, vt ea de causa erectus manere ac sedere cogatur. Sitis etiam adest molesta ex humoris faldedine, cui ventriculus innatat. Ac denique febris continua & lenta excitatur ex eiusdem aquæ putredine, quæ viscera omnia in ea innatantia tandem labefactat & corrumpit.

In tympanite verò venter percussus instar tympani sonum edit; moles abdominis minus gravis est, quam in ascite; tormina præcesserunt circa vmbilicum, &
d s lumborum

lumborum dolor; ægro supino iacente venter distensus ac durus manet, neque dum se conuertit æger, ad latera deuoluitur.

In anasarca denique non solum venter, crura & tibiæ, sed etiam manus, brachia pectus, facies, & totum corpus intumescit; & vbicumque digito prematur, vestigium relinquit. Color cutis pallidus, & cadauerosus, carnes molles, & laxæ: vrinæ tenues, & albæ; respiratio difficilis, febris lenta non raro consequitur.

Quod ad prognosin attinet; omnis hydrops periculosus est, & curatu difficilis; eoque difficilior, quod magis inueteratus. Sed inter species anasarca minus habet periculum; ascites verò & tympanites inter se ambigunt; vt nunc hic, nunc ille periculosior sit; pro maiori vel minori grauitate causarum à quibus dependent. Sic ascites à scirrho hepatis oriundus, aut ab vlcere alicuius partis internæ, periculosior est tympanite; si vero à nimio aquæ potu, aut obstructionibus non adeò inueteratis, minus infert periculum.

Hydrops facilius curatur in seruis, quàm in liberis; in rusticis, quàm in nobilibus: quia cum desideret famem, sitim, & multa alia tædia; longamque patientiam; promptius succurritur his, qui facile coguntur, quàm quibus noxia libertas est.

Hydrops à duritie lienis minùs periculosus est, quàm à duritie hepatis, quia lien minùs princeps membrum est, quàm hepar.

Hydrops morbo acuto superueniens, malus; neque enim sedat febrem, sed dolorem admodum infert, ac mortem. Hipp. 2. Prognost.

Quibus hepar aqua plenum erumpit in omentum, iis venter aqua impletur, & moriuntur. Hipp. Aph. 55. sect. 7.

Ab aqua intercutem habito, si aqua quæ in venis est, in ventrem confluerit, morbi fit solutio. Hipp. Aph. 14. sect. 6. Hic Aphorismus priori contrarius videtur. Sed contrarietas soluitur dicendo Hippocr. in priori per ventrem intelligere capacitatem abdominis, in hoc verò aluum. Si nimirum aqua per aluum effluerit, morbi fit solutio. Quæ sententia clariùs explicatur ab eodem Hippocr. in Coacis, his verbis: *Incipiente hydrope alui profluuium, sine aepsia seu cruditate proueniens, morbum soluit.* Notanda est illa conditio, *incipiente hydrope*: nam si morbo inueterato contingat profluuium alui, non est adeò tutum; quia ut plurimum vitium aliquod per morbi longitudinem contractum in visceribus relinquitur, ut scirrhus, aut substantiæ corruptela, quod nouæ aquæ prouentum efficit, & mortem tandem inducit. Vnde idem Hipp. in Prorrh. eos qui ab hydrope seruari debent *ἐν πλάγῃ* esse debere affirmat, hoc est sana & integra viscera habentes, seu à grauioribus illis affectibus immunia. Alioqui si cum scirrho, aut hepatis corruptione contingat alui fluxus, citissimè moriuntur, docente Galeno 2. ad Glauconem, cap. 5. & Auicenna, qui sic loquitur. *Constrictio anhelitus, & solutio ventris, in tribus diebus mortem significat.*

Vrinæ paucitas in hydropicis mala, & quò minor illius quantitas redditur, eò deterior est morbus, quia materia potulenta in ventrem confluit, & nihil ferè illius ad reues perucnit. Hinc Hipp. in Coac. *hydropico febriculoso urina parca, turbataque, lethalis.* Contrà verò, si urina quantitas augeatur, benè sperandum. Quod eleganter à Celso proditum est: *Et tum demum, inquit, secunda valetudinis spes est, cum plus humoris per urinam excernitur, quam assumitur.* Ideò bonum est singulis diebus urinam & potum metiri: tum etiam ventrem,

lino circumducto, præsertim dum remedia usurpantur, ut videamus, num ille decreascit; quod in bonis habendum est. Si verò augeatur, non obstat ibi remediis, res in angusto est.

Abscessus, vel maculæ in hydropicorum cruribus erumpentes, lethales. Hoc confirmat Hipp. 7. epidem. historiâ Biontis, & Cresiphontis, quorum ille oborto abscessu in genu sinistro, & suppurato, obiit. Huic verò paulò ante mortem collectio cum rubore aliquantulum liuida in femore dextro apparuit.

Hydropici qui remediorum efficacia liberantur, si in eundem affectum reciderint, desperati sunt. Hipp. in Coac. Significatur enim vitium aliquod immedicabile intra viscera latitare, quod euacuatis aquis, novam earum generationem promouet.

Si æger *εὐπλάγης* sit, & bonis visceribus, ac constantibus viribus; cibum libenter assumat, benè concoquat, nec ab eo ingesto affligatur; benè spiret, non doleat; neque tussis, neque sitis adsit; lingua, ne in somno quidem, non inarescat; aliud medicamentis celeriter moueatur; extra purgationem non admodum cita sit, & naturaliter excernat; urina pro victus ratione mutationem subeat; lassitudinis expertus sit; si hæc omnia adsint, æger benè se habet: si plurima, aliqua conualescentiæ spes est: si nulla, res desperata est.

In sicco hydropes stillicidium urinae malum est. Hippocrates in Coacis.

Tympanites in corpore atrabilario, aut qui fit ab atra bile multa in corpore redundante, lethalis est, & frustra illi remedia adhibentur.

Si leucophlegmatia detento fortior diarrhœa superuenit, morbum soluit. Hipp. Aph. 49. sect. 7. Talis autem diarrhœa morbo incipiente, aut saltem non inueterato fieri debet, & viribus adhuc constantibus: si enim agra iam debili existente contingat, periculosa est.

Hydropis

Hydropis curatio versatur in materiæ heterogeneæ euacuatione, siue illa in abdomine, siue in toto habitu contineatur; causæ illam materiam producentis ablatione; & viscerum, præsertim hepatis, roboratione. Causæ autem præcipuæ, & magis ordinariæ, sunt obstructions græuēs, & contumaces; tum etiam scirrhi; quorum affectuum curationes ex propriis capitibus desumendæ sunt. Si verò illæ non sufficiant, ad sequentia hydropi magis appropriata erit progrediendum, eaque pro varietate causarum, & corporum ægrotantium, à prudenti Medico erunt varianda.

Ac primum purgatio solennis instituenda est, per apozema aperiens, phlegmagogum, & hydragogum, in hunc modum compositum.

℞. Rad. eryngij, rubiæ tinctorum, apij. petrosel. & enulæ cam. ana ʒ. j. rad. valerianæ, asari. ebuli, & ircos nostratis, an. ʒ. ʒ. cortic. rad. cappar. median. fraxini & tamarisci, an. ʒ. vj. fol. agrimon. ceterach, capill. ven. chamædr. hyperici, absinthij, centaur. min. ana M. j. soldanellæ M. ʒ. sem. dauci, petrosel. maced. & fœniculi, an. ʒ. ʒ. liquiritiæ ras. & passul. mandat. ana ʒ. j. sennæ mundat. Vnc. j. ʒ. agarici in nodulo ligati ʒ. iij. sem. ebulli, & rad. ialapæ, an. Drach. j. sem. zinzib. & caryophyll. an. ʒ. j. flor. genistæ, sambuci & tamarisci, an. P. j. Coquantur in æquis partibus aquæ chalybeatæ, & vini albi sub finem additi ad quartaria quinque. In colat. dissolue syrup. de cichorio compositi cum rheo Vnc. iij. Fiat apozema clarum & aromat. ʒ. iij. cinam. pro iij. dosib. matutinis.

Post purgationem vniuersalem vtatur æger semel in septimana puluere sequenti.

℞. Sennæ mundat. turbith. gummosi, hermodactyle sem. ebulli, ialapæ, mechoacan, an. Drach. j. cremor. tart. ʒ. ij. guttæ gummi Drach. sem. pulu. diambæ, diarrhod.

rhod.abda.& sem.fœnic.an.ʒ.j. sacchari candi Drach. iij. Fiat omnium pulvis, cuius ʒ.ij. vel ʒ.ij.ß. infundantur per noctem in vini albi ʒ.iiij. Capiat manè vinum & puluerem.

Syrupus thamni cathartici, ex succo fructus illius cum saccharo compos. ad Vnc.j. exhibitus, aquas mirabiliter educit. Sumendus est immediate ante prandium.

Vel vtatur syrupo magistrali, ex decocto apozomatis conflato, auctâ dosi purgantium, vel etiam sequenti.

℞. Succi rosar. pallid. ʒ.ij. saccor. rad. ebuli, ireos nostratis, fol. cichorij & agrim. an. ʒ.ß. sem. ebuli, rad. mechoac. & rhab. elect. an. Vnc. ij. spicæ nardi ʒ.iiij. fantali citrin. ʒ.ij. crysalli tart. ʒ.j. sem. Infundantur per noctem, & post leuem ebullitionem colentur. Deinde adde sacchari albi parem colaturæ quantitatem. Coquantur in syrupum, cui adde salis absinthij Vnc. sem. Capiat Drach.ij. cum iusculo aperiente, semel in septimana.

Vel loco syrupi, aut alternatim cum ipso, pilulæ sequentes usurpari poterunt, quæ simul humores noxios expurgant, & obstructions referant.

℞. Aloës opt. succo absinthij diligenter nutritæ Vnc. sem. gummi ammoniaci in aceto soluti & traiectione myrrhæ electæ & croci Martis cum sulphure parati, an. Drach. iij. salis absinthij & tamarisci, an. Drach. ij. diacrydij & trochisc. alhandal, an. Drach. j. croci, zinzib. & salis gemmei, an. ʒ.j. Cum oxymelite scillit. fiat massa pilul. de qua capiat Drach. sem. bis in septimana, duab. horis ante prandium.

Vina etiam purgantia ad hydropis curationem valde commendantur, quorum variæ extant formulæ. Hæc verò efficacissima est.

℞. Rad. asari & mechoac. ana Vnc. ij. rad. ireos nostrat. cortic. rad. ebuli & sambuci, ana Vnc. j. rad. enulæ camp. Vnc. sem. absinthij sicci & epithymi, ana P. j. sen-næ mundat. ʒ. j. soldanellæ ʒ. ij. trochisc. de rhab. & de eupator, ana ʒ. j. macis, & cinnam. ana Drach. ʒ. scam-monij ʒ. iv. vini albi lb. ij. ʒ. Infundantur per triduum in B. M. vase probè clauso. Seruetur sine colatura. Capiat ʒ. ij. vel ij. manè, bis aut ter in septimana.

Inter remedia, aquis extrahendis idonea, maximè laudatur succus ireos nostratis, cum vino albo extractus, qui ad Vnc. iij. exhiberi potest; aluum enim & vrinas potenter mouet. Quia verò asperitate suà faucibus & ventriculo molestus est, cum manna aut melle permisceri solet. Massaria ita præscribit.

℞. Succu ireos recenter extracti Vnc. iij. mannæ calabrinæ ʒ. j. ʒ. Misce, fiat potio.

Platerus in obseruationibus, *Hydropico*, inquit, *cui-dam propinavi succum ireos, ut biberet ad ʒ. ij. addito melle, unde plurimum & sapius minxit & deiecit. Et postquam reperisset bis vel ter, detumuit venter, pedesque subsederunt, sieque sanatus est.*

Rhabarbarum à nonnullis commendatur, quia purgando humores noxios, hepar valdè roborat. Et Stocherus se multos curasse refert vsu rhab. ad ʒ. j. vel ij. tertio, aut quarto quòque die exhibiti cum decocto aperiente. Tum etiam apud Scholtzium in Epistolis, habetur insignis historia cuiusdam hydropici solo vsu rhab. perfectè sanati, quod singulis diebus deglutiebat eà quantitate, quæ necessaria videbatur ad aluum subducendam.

Trochisci de rhab. ab omnibus authoribus laudantur. Et Matthæus de Gradi. refert, ducem quemdam Mediolanensem hoc solo remedio fuisse curatum, cuius Drac. ij. sumebat bis in hebdomada.

Iisdem trochiscis se alium hydropicum curasse testatur Michaël Paschalius; quos in pilulas efformabat propter amaritudinem.

Chymici extractum hellebori nigri, aquilam coelestem, & mercurium vitæ commendant, eaque cum aliis medicamentis vulgaribus permiscunt, unde copiosa sequitur serosi humoris euacuatio. Sed viribus admodum robustis opus est, ad horum medicamentorum vehementiam tolerandam.

Mitius operatur mercurius dulcis, & mercurius diaphoreticus. At sine manifesta euacuatione, antimonium diaphoreticum, cum sale petrae ad albedinem calcinatum; ac multò efficacius diaphoreticum ex butyro antimon. paratum, omnes hydropis species curat.

Verum in omni purgantium administratione observandum est, purgantia saltem validiora non esse frequentius usurpanda, ut docet Galeni. 9. *κτ' πτω*, quia corpus debilitant, ut postea maior aquarum prouentus exoriat. Ideò roborantia & aperientia frequentius quam purgantia erunt praescribenda. Et experientia nos docet, euacuationem in hoc morbo quæ fit per urinas, melius, succedere eâ quæ fit per alium.

Purgationum vice clysteres iniici possunt, quibus flatus discutiantur, aquæ educantur & venter immineatur, in hunc modum compositi.

℞. Fol. malvæ, mercurial. brassicæ rubrae, ana M. j. soldanellæ M. s. sem. anisi, carui & anethi, ana 3. iiij. flor. chamæ. melilor. stœchados & genistæ ana P. j. Coquantur ad lb. j. In colat. dissolue catholici 3. j, hiærapicæ 3. s. olei anethi, liliorum, & mellis comm. ana 3. ij. Fiat clyster, bis in hebdomada iniiciendus. Vel

℞. Fermenti acrioris 3. s. salis comm. P. j. Coquantur

tur in aquæ q. f. In colat. dissolue urinæ pueri impubis
 ʒ. iv. olei rutacei ʒ. iij. mellis despumati ʒ. j. Fiat cly-
 ster, quem valde commendat Valeriola.

Sequens verò clyster insignem aquarum copiam
 educit.

℥. Pulpæ colocynth. ʒ. j. Infunde per noctem in vini
 albi ʒ. iij. Colaturæ adde decocti intestinorum verue-
 cis ʒ. j. olei communis ʒ. ij. salis petræ fusi Vnc. j. aceri
 fortis cochl. j. Fiat clyster. Vel.

℥. Pulpæ colocynt. ʒ. j. furfuris macri M. j. De-
 coquantur in vino albo, & fiat clyster. Vel.

℥. Sem. carth. Vnc. j. agarici op. Vnc. ʒ. pulpæ colo-
 cynth. ʒ. iij. fol. centaureæ minor. chamædr. & absinthij
 vtriusque, ana M. ʒ. Coquantur ad ʒ. j. In colat. dissol-
 ue olei chamæmel. rutæ, & de cappar. an. Vnc. j. mellis
 rosac. Vnc. ij. Fiat clyster. Vel.

℥. Decocti emollient. ʒ. j. vini emetici turbidi Vnc.
 iv. diaphœn. Vnc. j. Fiat clyster.

Venæ sectio in hoc affectu meritò reiicitur, nisi fiat
 à suppressione mensium, vel hæmorrhoidum. Et tunc
 etiam, non nisi ab initio morbi vena est aperienda, an-
 tequam hepar frigidam diathesim contraxerit.

Cauteria, vesicatoria, & scarificationes in hydro-
 picis gangrænâ sæpe afferre solent, quia calor par-
 tium pusillus facile extinguatur. Ideoque satius est ab
 huiusmodi remediis prorsus abstinere, licet nonnullis
 aliquando profuerint.

Paracentesis etiam rarò, aut nunquam celebranda
 est, quia ex ea pauci euadunt, præsertim cum ægri, & af-
 fines illorum, eam operationem fieri nolint, nisi con-
 firmato morbo; quando videlicet corruptis visceri-
 bus, nulla salutis spes est. Ideo, vix plurimum, secun-
 do, aut tertio ab operationis die intereunt. Prudentio-
 res volunt apertionem esse faciendam in principio, vel

augmento morbi, antequam viscera labem contraxerint. Sed neque tunc temporis necessaria est, cum aliis remediis, iisque tutioribus, morbus adhuc leuior curari valeat.

Inter euacuantia remedia huic affectui proficua recensentur sudorifica, quæ ut in anasarca perpetuo profunt, sic in tympanite, & ascite aliquando nocent, si nempe hepatis siccitas, ut non raro fit, morbo originem dederit. Adde quod in hydropicis sudorem elicere ut plurimum impossibile est. Si tamen illa hepatis siccitas abfuerit, sudorifica in omni specie hydrôpis conuenire possunt, præcipue in declinatione morbi, ad ferosi humoris reliquias per habitum discutiendas. Sic Valeriola refert à se curatum asciticum decocto ligni sancti per 40. dies exhibito. Utile autem erit idem decoctum cum aqua chalybeata & vini albi portione componere. Chymici commendant antimonium diaphoreticum.

Martinus Rulandus sudorificum parat ex baccis iuniperi, quæ cum urinas etiam mouendi vim non exigam habeant, vræque ratione plurimum prodesse poterunt. Illius compositio talis est.

℞. Granor. iuniperi contus. M. iij. Vini generosi q. f. Decoquantur ad medias, & exhibeantur Vnc. vj. singulis diebus manè, corpusque oprime tegatur.

Horatius Reherus apud Scholtzium, se multos pueros & nonnullas mulieres anasarca laborantes curasse gloriatur usu syrupi sancti Ambrosij, qui sudorificus est; illiusque descriptio habetur in veteri dispensatorio, quod Luminare maius appellatur, quæ ita se habet.

℞. Mili excorticati Vnc. ij. aquæ fontis lb. β. Bulliant donec Vnc. iij. vel iv. illius aquæ supersint. Quæ percoctâ, cum æquali vini albi generosi portione misceatur,

tur deturque calidum hydropico : copiosissimè enim sudabit , si texeris diligenter.

At verò cæteris præstant medicamentis , quæ per urinas serosos humores euacuant , & foelicior ut plurimum curatio hac viâ solet succedere.

Inter præcipua habetur succus cherefolij, cuius Vnc. ij. exhibentur manè cum vino albo per plures dies.

Vina aperientia diuretica in hoc casu plurimum etiam conferre solent ; quorum exemplum tale esse potest esse potest.

℞. Rad. enulæ camp. apij, fœniculi & iridis, siccarum ana Vnc. i. sem. rad. valerianæ, gentianæ, asari, scillæ, ana Drach. j. corticis med. sambuci & ligni sassafras, ana Drach. vj. fol. absinthij, agrim. chamædr. capill. ven. siccor. ana Drach. ij. summit. centuar. min. & flor genist. ana Drach. j. sem. petrosel. ameos, anethi, ana Drach. j. sem. cinamomi Drach. ij. spicæ nardi Drach. sem. Conquassentur omnia , & infundantur in vini albi mensuris ij. vel iij. per aliquot dies; deinde hoc vino vtatur omni mane.

In eundem vsum referri potest vinum chalybearum compositum , in obstructione hepatis descriptum.

Inter diuretica etiam censendum est decoctum iuniperi suprâ relatum. Quod etiam , si nimia eius caliditas timeatur , in aqua parari poterit, eisque spiritus vitrioli tantillum admisceri.

Fonsæca commendat vsum terebinthinæ cum aqua hordei lotæ , eiusque Vnc. sem. exhibet bis in septimana.

Ac denique spiritus salis, tartari & vitrioli, iustâ dosi exhibiti, cum apozemate, aut alio decocto aperiente per aliquot dies, miranda præstant : quia summâ tenuitate præditi in omnes corporis meatus faciliè penetrant, eosque aperiunt. Idem præstant sales absinthij,

iuniperi, stipitum fabarum, & similes cum vino albo exhibiti. Vel salium defectu lixiuia ex eorum cineribus parata sufficiant.

Matthiolus ad cap. 87. lib. 1. Dioscorid. *Lixinium*, inquit, *ex vino albo, & iuniperino cinere paratum 4. aut. 5. unciarum pondere potum, valentiſſimè urinam pellit; ita ut nonnullos viderim hydropicos hoc tantum auxilio sanatos.*

Præterea in toto curationis decursu roborantia hepar nunquam omittenda. Quia frustra aquas educimus, nisi nouam earum generationem inhibeamus. Quod non nisi hepar reficiendo, & ad pristinam temperiem reuocando consequi possumus.

Inter præcipua roborantia recenseri debet aqua cynamomi. Cuius cochlear vnum manè vel ante cœnam interdum exhiberi poterit.

At maximè laudatur à Galen. 8. *κτ' τὸ πρῶτον* electarium cyphoides, ab Arabibus *de vino* appellatum. Cuius Vnc. sem. manè exhiberi poterit. Illius compositio ab Holerio correctâ ita se habet.

℥. Passul. corinth. mundat. ℥. sem. Coquantur in vino veteri generoso ad pultis consistentiam. Tufas excerne per setaceum. Tum admisce conferuæ anthos, cortic. citri conditi, cinam. acuti inter. ana Drach. i. puluer. aromat. rosar. diamarg. calidi, diacinam. ana Scrup. ij. ligni aloës odorif. Drach. sem. croci ʒ. sem. Misce, fiat electuarium molle.

Opiata ad obstructions hepatis præscripta hîc etiam erit vtilissima.

Plurimum etiam valet conferua absinthij pontici, ex vna parte comarum illius, & tribus sacchari partibus composita. Cuius usu nonnullos hydropicos percuratos fuisse testatur Matthiolus cap. *de absinthio*.

Poterius opiatam componit ex conferua rosar. specifico

cificio stomachico, croco martis. & ol. vitrioli, quo solo remedio se hydropicos curasse gloriatur. Specificum autem stomachicum est antimonium fixum.

Cæterum in potu hydropicum maximum versatur curationis momentum. Illius idcirco curam exactam habere opus est, ut parcissimè bibat æger; & sitim toleret quantum potest. Multos enim omnimodâ potus abstinencia & assorum usu, sine alio remedio conualuisse notum est. Pro potu utetur vinò enulato, vel absinthite, vel iuniperino, vel chalybeato, vel prædictis etiam chalybeatis. Iubet Auicenna ne aquam quidem videant hydropici. Si tamen nimia calefactio aut exsiccatio metuatur, vel æger sit abstemius, uti poterit decocto iuniperi, ligni sancti & sassafras, vel decocto rad. rubiæ tinctorum, quæ urinas potenter mouet; iis-que vel solis, vel cum vino albo permixtis. Cum autem, ut antea dictum est, potus abstinencia maxima esse debeat, sitis tamen admodum urgeat; illa per vices fallenda est; vel oris collutione cum aqua chalybeata & aceto, frequenter mandendo grana aliquot mastiches, vel quiduis eiusdem facultatis. Aquam enim plurimam in os eliciet: Non ut quibusdam videtur, è capite solo, sed ex ventriculo, & ex abdominis capacitate, sicque multis est omnibus profutura.

De cibis, hoc tantum dicemus; sicciores esse eligendos, & dulcia, ut pestem, esse fugienda.

Dum remedia interna celebrantur, externa etiam administranda sunt. Illa enim non parum conferunt ad ventris tumorem discutiendum. Ad hanc rem componuntur fomenta, sacculi, vnguenta, cataplasmata, & emplastra, quorum præcipua in hunc modum se habent.

℞. Rad. althææ, liliorum, cyperi, cortic. rad. cappar mediani fraxini, tamarisci, ebuli, & serpentariæ maior. ana ʒ. liij. fol. absinthij, agrimonij, maioranæ, origani
e 3 calamenti,

calamenti, pulegij, rutæ, chamædr. chamæp. abrotoni & sambuci, ana M. j. sem. petrosel. anethi & cumini, ana Vnc. j. flor. chamæm. melilot. & genistæ, ana P. iij. spicæ nardi, schœnanthos, nucis moschat. caryophyll. & cinnam. ana Vnc. sem. salis & aluminis, ana lb. ß. Fiat omnium decoctio in lixiuio facto ex cineribus quercus, vel sarmentorum, quo foueatur totus venter & calidè ante cibum, cum spongiis in ea imbutis & expressi. Vel.

℥. Vrinæ pueri mund. lb. iv. salis prunellæ Vnc. iij. Bulliant ad tertiæ partis consumptionem pro fotu.

Aquapendens aquam calcis prædicat, in qua spongiam nouam, quæ totum abdomen comprehendat, exprimit, eamque superligat. Sic enim aquas hydropicorû insensibiliter absumi, & frigidam humidamque viscerum intemperiem tolli, & lienem induratum aliquando sanari asserit. Claudinus verò calcem in aqua thermalis falsa, sulphurea aut nitrosa extinguit, spongiam in ea expressam fasciis arctè ventri alligat, & diu ibi detinet, subindeque permutat.

Sacculi parari possunt ex materia prioris fomenti, in vino albo decoqui, & calidè ventri admoueri.

Post fotum liniatur venter ol. anethino, rutaceo, irino; cum puluere ammoniaci, galangæ, aneth. baccharum lauri & similibus.

Inunctio ex ol. scorpion. Marthioli, cum pauco oleo rorismarini vtilissima est.

Multi vnguenta & linimenta componunt ex purgantibus validioribus, quæ hydropicorum aquas potenter detrahunt, & distentum abdomen remittunt. Verum illa periculosa sunt. Inserta namque musculis & membranis vis purgatoria lethale sæpè alui profluium ciet.

Post linimenta, vel etiam iis omisissis, cataplasmata vel emplastra imponi poterunt. Sequens præstantissimum est.

℞. Rad. cucum. agrest. optimè contusæ & in aceto scillit. per 24. horas macerat. ℥. j. mellis despumati. ℥. ij. Misce, & bulliant ad consistentiam cerati, & in fine adde cumini subtiliter puluerari Vnc. iv. Fiat emplastrum abdomini applicandum, & singulis diebus renouandum Vel.

℞. Stercoris bouini siccati ℥. j. sulphuris viui, & sem. cumini puluerat. ana Drach. ij. sapæ vel vrinæ pueri q. s. Fiat cataplasma,

Cataplasma ex raphanis contusis vmbilico, & lumbis, admotum, aluum, & vrinas mouet.

Galenus commendat cataplasma ex cochleis cum suis testis contusis, quod ventri admotum ibi detinendum est, donec spontè cadat; aquas hydropicorum potenter absumit.

In emplastri fomam redactum tale componitur à Valeriola.

℞. Stercoris vaccini lib. j. sterc. caprini ℥. sem. Bulliant simul in aceto fortissimo, & in mortario contundantur, addendo sulphur. viui Vnc. iij. alumin Vnc. j. suc. cor. thymelææ & ebuli recent. extractorum, ana Vnc. iij. farin. lupin. & orobi, ana Vnc. ij. puluer. soldanell. quart. j. anisi, marathri, cumini, ana Drach. ij. salis comm. torrefacti Drach. iij. terebinrh. Vnc. iv. picis naualis, Vnc. vj. Misce, fiat emplastrum.

Observatione dignum est, quod sibi experienciâ compertum esse testantur V Vierus & Varignana, bufonem syluestrem, qui in nemoribus reperitur, per ventrem sectum & renibus obligatum aquas hydropicorum per vrinas educere, & cum ampliùs euacuare volumus, applicationem esse renouandam.

Petræus verò refert eiusdem bufonis puluerem in clibano siccatum, & calcinatum, Drach. sem. pondere in vino, vel alio liquore propinatum, per vrinas hydrô

pem micisicè expellere. Cuius exprimenti inuentor primus, mortis accelerationem ex eo quærens, insperato conualuit. Sequens etiam ceratum ex bufone paratum vtilissimum est.

℥. Bufonum ℥. ij. succi ebuli ℥. iiij. olei lib. j. ceræ ℔. ℔. ℔ Bulliant in olla turata ad mediæ partis consumptionē. Colentur, fiat ceratum, quod extendatur super alutam & regioni lienis applicetur; aquas omnes euacuat.

Toto curationis decursu roborantia ventriculo ad-mouenda sunt. Et in primis hepatis. dum tumor subsidere incipit, aut non est ita insignis, vt topicorum penetrationem ad hepar impedire queat.

℥. Ol. flor. arantiorum. Vnc. j. olei de spica Drach. iiij. vnguenti rosac. cerati stomachici Gal. ana Drach. ij. ol. mastich. stilla citij ℥. ij. ol. absinthij. still. ℥. j. ol. nucis moschat. Drach. j. sem. Ceræ albæ parum. Misce, fiat linimentum ventriculo applicandum.

℥. Comar. absinthij. pontic. ℥. iiij. marrubij, rorism. ana Drach. ij. rosar. rubr. P. ij. flor. chamæm. fol. lauri, ana M. ℔. cortic. arantiorum, ligni aloës odorif. ana Drach. iiij. rad. cyperi, schœnanthos, spicæ nardi, ana Vnc. sem. Cum vini optimi duabus, aquæ absinthij & agrim. ana parte vna, fiat decoctio, quâ foueatur regio hepatis cum spongia vino absinthite elota.

℥. Vnguenti rosac. cerati santal. ana Vnc. iiij. rosar. rubr. sem. endiuiz, & acetosæ, ana Drach. j. spinæ nardi, schœnath. absinthij sicci, styrac. calamit. ana Scrup. iv. ol. mastich. vel de absinthio q. s. Fiat linimentum applicandum eidem parti post fotum.

Vt plurimum in hydrope crura, tibiæ & pedes cedematoso tumore afficiuntur; ad eumque discutiendum conueniet lixiuium, in quo rad. ebuli & enulæ camp. folia rorism. maioran. thymæ, lauri origani, sal. & alumen incocta fuerint.

Quamuis autem ut plurimum proposita curatio vsurpanda sit, aliquando tamen minùs conueniens est; quando nimirum hydrops in calido & sicco temperamento, à causis calefacientibus calorem natium diffipantibus, productus est; quemadmodum in febribus biliosis & vehementibus solet accidere. Tum enim hepatica frigida cum aperientibus minùs calidis conueniunt, qualia in febribus diuturnis vsurpari solent. Tum etiam syrupus magistralis suprà descriptus, ex succis rosar. cichorij & agrim. compositus in hoc casu maxime conueniet.

Pro potu sumatur decoctum rad. cichorij, & calcitrapæ gustui non ingratum, vel aliorum aperientium temperatorum; sed liberaliore quantitate, quàm quæ suprà proposita est; quæ nimirum sitim leniat, iecoris ardorem temperet, idque resiccatum humectet. Quam doctrinam (quamuis ab Auicenna, Tralliano, aliisque sancita est, quia tamen à nonnullis paradoxa videtur, & magni est in usu practico momenti,) non erit inutile insigni exemplo confirmare, à Baptista Montano relato *cons. 263.* his verbis. *Vidi, inquit, Venetiis religiosum quemdam Ordinis Prædicatorij, hydropicum ex ascite, & tympanite, qui fuit curatus. Adfuerunt mecum excellentissimi Medici plurimi, scilicet Papiensis, Eugubinus. Trinacuella, & alij. Habebat is, ut dixi, ascitem cum tympanite, & tabem cum febre hectica. Oportebat tum exsiccare & humectare. Quare eramus in maxima discordia. Ego volebam ut multum biberet, sed quæ aperirent, quia habebat plurimas obstructions: prætereà ut humectaretur, quia ad tabem peruenerat. Ordinabam ego syrupum acetosum, cum omnibus quæ prouocant urinam. Eugubinus nolebat quicquam esse bibendum, & narrabat de quodam historiam, qui per sicca fuit curatus. Papiensis, ut litem derimeret, conclusit. neque liberaliter, neque omnino nihil esse bi-*

bendum. Res extrahebatur usque ad noctem. Deducebant nobiles unumquēque Medicum ad suam cymbam. Ibi tum Papiensi, quod antea dissimulauerat, conuersus ad magnificentum quendam, dixit: Si vultis curare hunc dominum, profecto non aliud erit faciendum, quàm quod consuluit Baptista Montanus.

In hoc etiam casu maximè conuenient medica-
menta ex chalybe, tartaro, & vitriolo, quia citra
infignem calefactionem potenter aperiunt & vrinas
mouent.

Ac cæteris remediis palmam præripiunt in hoc ca-
su aquæ minerales acidulæ & vitriolatæ, quæ viscera
potenter deobstruunt, aquas per vrinas euacuant, &
viscerum intemperiem corrigunt. Vnde experiētiā
costat, multos hydropicos quotannis aquarum Spada-
narum vsu percurari.

Narrat Auicenna *cap. de cura ascitis*, historiam mu-
lieris cuiusdam, quam *hydropisis attriuit*, vt ipse loqui-
tur, & *magnificata est super eam*, & ipsa mulier comedit
quantitatem malorum granatorum, tam maximam, quod
eius relatio est incredibilis, & sanata est.

Et Varignana refert ex Plateario, quòd quædam
vetula coxit in olla succum plantaginis ad medieta-
tem, & dedit hydropico de causa calida, ad bibendum
quotidiè, & sic curatus fuit.

Quibus exemplis patet hydropem aliquādo refrige-
rantibus curari. Iisque addere possumus Christophori
à Vega testimonium, qui *lib. 3. art. medic. sect. 8. cap. 12.*
Tympanitem, inquit. vidimus à calida iecoris intemperie
natum, quem refrigerantibus curauimus, iecori superponen-
tes succum indiuie, & cichori cum pauco aceto, & cicho-
rium edendum dantes, atque endiuiam.



PRAXEOS
 MEDICÆ
 LIBER XII.

De affectibus lienis.

PRÆFATIO.



VAMVIS lien omni morborum genere tam similiari, quàm organico, & communi affici valeat: eos tamen solummodo qui in praxi frequentius concurrere consueverunt, explicare decreuimus; eosque sex capitibus comprehendere. Quorum primum erit de lienis inflammatione. Secundum de dolore. Tertium de obstructione & tumore, seu inflatione lienis. Quartum de scirrho lienis. Quintum de melancholia

cholia hypochondriaca. Sextum de scorbutica affectione.

CAPVT PRIMVM

De inflammatione lienis.

INflammatio lienis eiusdem est naturæ cum hepatis inflammatione. In eo tantum differt, quod rarius fit à sanguine puro; frequentius à sanguine melancholico: Eadem etiam habet causas, tam coniunctas, quam antecedentes. Diagnôsis vero diuersa est.

Signa igitur inflammati lienis sunt; tumor & dolor in sinistro hypochondrio, qui interdum ad diaphragma, & sinistrum humerum extenditur; grauitas etiam adest, & pulsatio in eodem hypochondrio; febris assidua, cibi fastidium, sitis, lentor nigricans linguæ adhærens, molestus dexter decubitus, propter visceris grauitatem ventriculo incubantis; interdum etiam sinister si tumor ingens fuerit, quia comprimitur tunc à ventriculo & hepate: tumor interdum lienis figuram retinet, interdum totum sinistrum hypochondrium implet; interdum etiam infra vmbilicum apparet; multiplicatâ materiâ, & inflammatione vicinas partes, præcipuè vmbilicum occupante.

Intensiora autem & remissiora prædicta signa apparent, cum aliqua etiam varietate, pro varia humorum miscella. Si enim sanguini melancholico bilis admixta sit, vrinæ sunt rubicundiores, os amarescit, sitis intensior, febris ardens, & tertio die ingrauescens, vigilæ tensæ, & interdum deliria, Si sit admixta pituita, color est pallidus, febris & sitis minor, ac dolor remissior.

Si

Si verò sanguis melancholicus purus sit, durities maior est; color corporis nigricat, & interdum vrina, aliâque dominantis melancholiæ indicia apparent.

Prognosis ferè eadem est, quæ hepatis inflammationis, attamen paulò minùs periculosa, cùm hepar sit nobilius. Si ægrum non interimat, vel crisi terminatur, vel resolutione soluitur, vel suppuratione, vel induratione, quâ in scirrhum degenerat. Crisis bona sæpe contingit per hæmorrhagiam. naris sinistra, vrina vel alui profluuium.

Curatio huius affectus eadem instituenda est, quæ in hepatis inflammatione fuit proposita; si sequentes tantum adhibeantur differentia.

Primò, quòd venæ sectio, liene inflammato, in brachio sinistro celebranda est, & non ita frequenter vt in hepatis inflammatione; quia hepar, fons sanguinis largiori indiget euacuatione. Quod verò de apertione saluateleæ ab Autoribus circumfertur, quam lienem peculiariter exonerare aiunt, superstitiosum est, & iam ferè in vsu practico obsoleuit. Vtilius enim multò è basilica vena ad omnes implendas indicationes, sanguis detrahitur.

Secundò, quòd topica, quæ in inflammatione hepatis hypochondrio dextro admoueabantur, hîc sinistro applicentur.

Tertio, quòd in dictorum topicorum vsu, astringentia non sint tantâ curâ, & tam diu continuanda: quia cùm lien sit pars minùs princeps, illius robori tanto perè studendum est.

Reliqua ex inflammationis hepatis curatione desumantur.

CAPVT II.

De dolore lienis.

Dolor interdum lienem affligit citra febrem & duritiem, quæ tactui renitatur;isque à flatu exoritur, qui non solum lienis substantiam, quæ ferè insensibilis est, sed etiam membranam ipsum vestientem distendit.

Ab inflammatione facile distinguitur per febris & renitentiae absentiam. Difficilius verò à colico dolore, quia colon intestinum spleni subiicitur, & incumbit: distinguuntur tamen, quod dolor splenicus grauis sit, & in vno loco fixus; colicus verò distendens, acutus; mobilis, & ad totum ventrem excurrens.

Curatio huius doloris perficitur clysteribus carminantibus, purgatione conuenienti fomentisque emollientibus ac discutientibus, aceto adiecto. Tum etiam liminentis compositis ex ol. lilior. chamæm. capparum, absinthij, cum modico spicæ & aceti.

Si post horum remediorum vsum dolor persistat, cucurbitula sinistro hypochondrio erit admouenda, modò nulla inflammationis, aut fluxionis suspicio fuerit.

CAPUT III.

*De obstructione, & tumore, seu inflatione
lienis.*

Lien obstructionibus obnoxius est non minùs, quàm hepar; imò & frequentius; quandoquidem crassiori sanguinis parti recipiendæ destinatus est, ac magis sæculentæ, quæ ideò faciliùs in venis illius retinetur, vel in meatibus insensibilibus hæret, propter mollitiem & laxitatem partis crassorum humorum receptioni magis idoneam. Et quando humor crassus substantiæ lienis hæret, tumorem in parte efficit, ac inflationem. Et quidem si humor ille diuturna mora crassescat, ac duritiem nanciscatur, scirrhum generare solet; quamdiù verò liquidior maner admixtione pituitæ, ad œdematosi tumoris naturam accedit, qui illis præcipuè familiaris est, qui in locis palustribus, humidisque degunt; vel qui frigidis alimentis vescuntur, aut frigida potu largiori vtuntur. Si verò tumor ille mollior, & laxior fuerit, inflatio simpliciter appellatur, cuius causa est materia partim pituitosa, partim, flatulenta. Huiusmodi obstructionibus, tumoribus, & inflationibus affecti, lienosi vulgò nominantur.

Causæ lienis obstructiones generantes eadem omninò sunt, quæ in hepatis obstructione fuere propositæ, & hanc vel illam partem afficiunt, provt magis, vel minùs dispositæ sunt ad eas recipiendas. Non raro autem utrumque viscus simul afficitur. Vix enim humores crassi possunt in vno viscere luxuriare, quin portio eorum ad alterum deferatur.

Distinguitur obstructio lienis ab obstructione hepatis,

tis, ex situ partis affectæ; grauitas enim percipitur in sinistro hypochondrio, & interdum dolor præsertim in cursu, vel concitariore ambulatione, aut equitatione; & contrectando hypochondrium, tensio & renitentia quædam inuenitur; tum color faciei liuidus percipitur, & reliqua melancholiæ dominantis indicia apparent.

Affectus est pertinax, & diuturnus, ob partis molli-
litiem & laxitatem, cuius ratione ab humore imbibito
sele facile expedire non potest; & si in vetustatem
abeat, nec citò cutetur, in scirrhum degenerat.

Curatio eadem competit, quæ in hepatis obstru-
ctione fuit proposita, addendo ea quæ peculiariter lie-
nem respiciunt, & humori melancholico præparando,
expurgandoque dicata sunt.

His autem pilulæ de ammoniaco sequentes, tan-
quam efficacissimæ addendæ sunt, & in freq uenti vsu
habendæ.

℞. Ammoniæ pinguis in aceto scillitico soluti
Vnc. j. extracti aloës Vnc. sem. crystalli tart. Drach. j.
myrrhæ, croci, an. 3. sem. mastiches, benjoini, salis fraxi-
ni, & absinthij an. 6. j. Cum oxymel. scillit. fiat massa pi-
lular. Dosis Drach. sem. bis in septimana, purgationibus
interiectis.

In apozematis, aliisque aperientibus remediis liqui-
dioribus oxymel simplex, & scilliticum vtiliter dissolui-
tur, ad crassos & terestres humores potenter dissecandos.

Præ cæteris autem remediis, quæ ex chalybe com-
ponuntur, ad lienis obstructions referandas sunt effi-
cacissima.

Imò verò pro potu ordinario aqua ferrata, vel cha-
lybeata vsurpanda est, quæ lienem imminuerè, vt in-
quit Celsus, ex eo cognoscitur, quòd ea animalia,
quæ apud fabros ferrarios educata sunt, exiguos lienes
habent.

Fomentis acetum addatur loco vini albi, quod maiorem penetrationem conciliet: quæ necessaria est in humore crassiori. Adde quod Galen. in affectibus lienis acetum valdè commendat, in remediis tum internis, tum externis vsurpatum.

Cataplasmatis addatur cicuta, tanquam efficacissima ad tumores emolliendos & discutiendos.

Efficax fiet cataplasma ex nicotiana viridi cocta in oleo & vino albo.

Ex olco etiam cocto cum nicotiana & vino albo, ad vini consumptionem, fieri potest litus admodum efficax.

Amatus Lusit. curat. 61. cen. 5. curationem proponit obstructionis lienis, à quartana febre relictæ, quæ sublata est ex decocto rad. chinæ, per 20. dies post convenientes purgationes vsurpato.

C A P V T I V.

De Scirrho lienis.

Materia lienis obstructionem efficiens, diuturnâ morâ crassescit magis ac magis, & scirrhosam duritiem contrahit. Cum autem eadem sit natura scirrhilienis & hepatis; quæcunque de hepatis scirrho à nobis dicta sunt, in hunc etiam locum transferri possunt.

Diagnosıs etiam scirrhi lienis eadem est, cum scirrhi hepatis diagnosi, nisi quod in illo durities & renitentia percipitur in sinistro hypochondrio.

A tumore flatuoso, seu, inflatione distinguitur; quod in scirrho maior est gravitas, quam in flatuoso tumore, qui etiam digitis compressus cedit; & murmur ac sonum edit, quæ in scirrho non reperiuntur.

Si à sola melancholia fiat, insignia atque euidentia prædominantis melancholiæ signa apparent: Si verò pituitam admixtam habeat, cachexia pituitosa in toto corpore apparet.

Prognosis etiam eadem est cum hepatis scirrhi prognosi; nisi quod lienis scirrhus faciliorem aliquantum curationem obtinet, propterea quod viscus ignobilius fortiora citra noxam tolerat remedia.

Ac denique curatio scirrhi lienis eadem omninò est cum ea, quæ pro hepatis scirrho fuit proposita.

Quia tamen per gradus ineunda curatio est, & à mi-
tioribus ad valentiora progrediendum: ea prius reme-
dia usurpanda erunt, quæ obstructionibus hepatis &
lienis conuenire diximus. Et inter medicamenta cha-
lybeata ibidem laudata, maximè conueniunt pilulæ ex
chalybe, ammoniaco, aliisque compositæ, in obstru-
ctione hepatis descriptæ.

Ex remediis verò pro hepatis scirrho propositis, ma-
gno in pretio habendæ sunt pilulæ ex aloë, ammonia-
co, & mercurio dulci, quæ tamen non abundè satisfac-
ciunt. Opiata sequens vtramque paginam implebit, ni-
si morbus si prorsus incurabilis.

℞ Gummi ammoniaci, opopanax, & bdellij, ana
3. ij. Dissoluantur in vino albo, colentur, & coquantur;
deinde adde confect. hamech, & diaphoen. an. 3. ij. ca-
tholici dupl. 3. ss pilular. fortid. 3. ij. Fiat opiata, de qua
capiat. 3. ss. addendo mercurij dulcis gr. xx. continuando
per plures dies consequentes: sicque tumor, & durities
euanesceat.

At præter illa remedia & præcepta, in prædictis cu-
rationibus proposita, sequentia in hoc morbo obser-
uanda veniunt.

Primò, quod de sanguinis missione valdè dubitetur.
Hæc tamen difficultas resolvitur, concludendo eam
conuenire

conuenire posse in principio. At morbo inueterato minimè prodesse.

Secundò, inter specifica remedia commendatur à Solenandro & Fonseca vrtica mortua, quæ galiopsis dicitur, seu lamium Plinij, Itali herbam lienis vocant. Hanc cum vino tenui decoctam ad ʒ. j. exhibent, vel pulueris illius Drach. j. cum eodem vino, aut alio liquore idoneo, felicissimo successu.

Tertiò præter formenta ibi enumerata, Aqua-pendens in Chirurgia, abdominis fotum ex spongia in aqua calcis expressa admotum prædicat, eoque scirrhum lienis & hydropem curatum asserit.

Quarto præter vnguenta dictis locis proposita, sequens tanquam mirabile laudatur ab Amato Lusitano, cuius vsu se scirrhum lienis curasse gloriatur, idque à Medicis Ferrariensibus accepisse refert.

ʒ. Ol. commun. ʒ. iiij. medullæ crurum bouis ʒ. j. butyri recentis ʒ. ʒ. succi bryoniæ, & cyclam. an. ʒ. j. Bulliant lento igne ferè ad consumpt. succorum. Colaturæ adde ceræ citrin. ʒ. viij. pulu. ceterach. cortic. capparis, tamarisci, sem. agni casti, an. ʒ. iiij. Misce, fiat vnguentum.

Ita describitur ab Amato. Sed nimia est illius quantitas pro vnico ægrotante. Poterit ergo imminui in hunc modum.

ʒ. Ol. comm. ʒ. iiij. Medullæ cruris bouis ʒ. j. butyri recent. ʒ. sem. succi rad. bryoniæ, & cucumer. agrest. an. ʒ. sem. Bulliant lento igne ferè ad consumpt. succorum. Colaturæ adde ceræ citrin. ʒ. j. pulu. ceterach cort. capp. tamarisci, & semin. agni casti, an. ʒ. ij. Fiat vnguentum.

Quinto, cataplasmata sequentia maximæ sunt efficacia.

ʒ. Rad. cucumer. agrest. ʒ. j. fol. maluæ & violar. ana M. iiij. Coquantur ad putrilaginem. Contundantur & traiciantur per setaceum; deinde adde ol. de
Tom. II. f 2 cappar.

cappar. & tamarisci, an. Vnc. j. aceti scillit. parum. Fiat cataplasma.

℥. Fermenti acrioris ℥. ij. Coquantur in æquis partibus olei & vini ad formam cataplasmatidis.

Denique præter emplastrum in scirrho hepatis propositum, sequentia erunt efficacissima.

℥. Gummi ammon. ℥. iv. Dissoluantur in aceto forti, postea colentur, & bulliant ad consumptionem acceti; deinde adde ceræ parum. Fiat emplastrum.

℥. Cicutæ M. jv. ammoniaci ℔. ℥. Infundantur in aceto dies octo, dein bulliant dum ammon. solvatur, hinc per pannum lineum valide exprimatur; iterumque expressus liquor ebulliat parum, & adiectâ cerâ & ol. amygd. fiat emplastrum.

℥. Succi malvæ, cretæ, caulium, & rad. filicis, an. Vnc. ij. gummi ammoniac. Vnc. jv. aceti parum. Dissolve simul lento igne, postea coquantur, postremo colentur; tandem recoquantur ad syrupi consistentiam, & cum ℥. j. ol. de capparibus, & ceræ q. s. fiat spanadrap regioni lienis applicandum, & tertio quoque die reuocandum.

Aqua pendens loco citato, lienes induratos sequenti emplastro pluries sanatos fuisse asseuerat, quod sit ex duabus partibus ammoniaci ex aceto dissoluti, vnâ succi nicotianæ, vnâ resinæ pini, terebinth. & succi ebuli, vnâ ol. de cappar. & ceræ nouæ q. s. ad emplastri seu cerati formam adipiscendam.

CAPVT IV.

De melancholia hypochondriaca.

Licet omnes partes hypochondria constituentes in hoc morbo afficiantur; lien tamen pars affecta præcipua censetur, cum sit humoris melancholici conceptaculum,

culū, vt non ineptè inter morbos lienis collocari valeat.

Fit igitur hæc affectio à melancholia præternaturali, quæ atra bilis nominatur, & ex aliis humoribus exustis ac torrefactis generatur; præcipuè sanguine, aut bili, aut melancholia naturali.

Hic tamen humor melancholicus, purus ac syncerus non est; sed plerumque aliis humoribus, iisque vitiosis permixtus, puta biliosis, pituitosis, ac serosis, ex quibus magna symptomatum varietas exurgit, inferius referenda. Generantur verò humores isti vitiosi in liene præsertim calidiori intemperie affecto, tum etiam in hepate pariter intemperato: vnde fit vt cibum & potum crudum, & non satis coctum ad se trahant; & quidem tenuem, & aquosam chyli partem maturius; crassam verò tardius: hinc postea crassior vehiculo destituta, in venis mesaraicis subsistit, ibique diutius hærens vterius incrassatur, sæpèque adurit; & postmodum ad prædicta viscera perueniens non rectè concoquitur. Adde quòd concoctio illorum viscerum quæ in statu naturali per elixationem fieri debet, ab iis intemperatis per assationem potius fiat; vnde humorum adustio maior consequitur. Fieri tamen potest, vt citra viscerum intemperiem hæc affectio generetur, ex prauis scilicet alimentis, & sanguini melancholico producendo idoneis: Imò verò ex ipso sanguine laudabili diutius in vasis retento, & quantitate superfluo, quod in suppressione mensium, & hæmorrhoidum contingit, qui quidem sanguis in prædictis vasis diutinam moram trahens, exurit, & atræ bilis naturam induit.

Oriri etiam potest hæc affectio ex vitio ventriculi alimenta probè non concoquentis, sed ea in nidorosam cruditatem conuertentis, ex qua deinde in hepate, & liene vitiosi illi succi generantur. Imò verò Gal. 3. de loc. affect. c. 7. Dioclem sequutus, censuit, propriam me-

lancholix hypochondriacæ sedem eſſe in ventriculo ex eo quòd vt plurimùm in hoc affectu ventriculi laborantis indicia appareant. Veritati tamen magis conſonum eſt ventriculum frequentius ſecundariò affici, hepatis aut lienis vitio ipſi communicato, vt in ſequentibus clariùs oſtendimus.

Colliguntur autem vitioſi illi humores in venis & arteriis, quæ in infimo ventre continentur; ramis præſertim venæ portæ maioribus, ſplenicis, meſentericis, epiploicis, gaſtricis, & gaſtrepiploicis. In quibus magnas, & sæpè horrendas fermentationes patiuntur; unde anathymiaſes tetræ, & malignæ ad cerebrum, cor, & diaphragma eleuantur, quæ ſymptomata varia in iis partibus excitant, inferius enumeranda.

In ipſis etiam viſceribus humores prædicti continentur, liene præſertim & pancreate, glanduliſque in meſenterio reſidentibus, quarum omnium partium ſubſtantia mollis, & ſpongioſa prædictis humoribus facile imbuitur, & ſemel imbibitos difficillimè deponit. Præterea glandulæ per totum meſenterium diſperſæ, vt venis & arteriis fulcimentum, & firmamentum ſint, & obſtent ne illæ à repletis inteſtinis, vel alia de cauſa comprimantur: Si præter modum intumeſcunt, ipſa vaſa comprimunt, & liberum humorum com meatu impediunt; unde obſtructiones in illis ductibus generantur.

Pueri & adoleſcentes huic affectui minimè obnoxij ſunt propter humidum temperamentum humori melancholico generando ineptum: ſed in ætate conſiſtenti frequentiffimè contingit; quia humores in inuentute à calore acriore aduruntur; & vbi calor ille deferbuit, tenuioréſque partes exhalarunt, magnus fit humoris melancholici prouentus.

Cauſæ huius affectus antecedentes & procataſtica ſunt: primò, cibi prauſ ſucci, & concoctu difficiles & qui
generando

generando humori melancholico idonei sunt; ut panis furfuraceus, aut non benè fermentatus, aut crusta eius, legumina, caseus, ova indurata, & frixa, aues aquaticæ, carnes bouinæ, ceruinæ, leporinæ, & omnes sale, & fumo induratæ, & alia innumera alimenta crassiori & duriori substantiâ prædita.

Secundò, animi pathemata grauiæ, & diuturna, præcipuè mœror & mœstitia, ad hunc affectum generandum maximam vim habent; ab iis enim maxima fit spirituum dissipatio, cuius ratione coctiones debilitantur, & magnus fit cruditatum prouentus, quæ à visceribus calidioribus exustæ, in humorem atrabilarium degenerant.

Tertiò, quies & otium huic malo producendo occasionem præbent, quia efficiunt, ut plurima excrementa in corpore retineantur; imprimis si meditationes plurimæ, ac lucubrationes accedant. Vnde literati, & qui vitam sedentariam agunt, huic effectui maximè obnoxij sunt.

Denique suppressio mensium & hæmorrhoidum, non solum ratione quantitatis ut antea dictum est, sed etiam qualitatis, morbum hunc producere potest. Cum enim per venas hæmorrhoidales sanguis melancholicus à natura euacuari soleat, & cum eo multi humores salsi & adusti: tum in purgationibus menstruis multi etiam humores vitiosi educantur, si vacuationes illæ subsisterint, fit refluxus illorum humorum ad hypochondria, qui huic morbo occasionem præbent.

Diagnosys huius affectus ex symptomatis petenda est, quæ illum consequi solent: eorumque maximus est numerus: etenim omnes propemodum corporis partes in hoc affectu labem aliquam percipiunt; quando is ad summum exaltationis gradum peruenit. Eorum seriem explicare aggredimur, hoc prius admonendo, non om-

nibus ægris contingere; sed alia in his, alia in illis, pro varia humorum peccantium natura, & variis partibus quæ afficiuntur.

Primò igitur ventriculus vt plurimùm laborat, non quidem primario affectu, vt Galenus ex Diocle censuisse visus est; sed potiùs secundariò, quando scilicet sanguis pro nutritione ventriculi è venæ portæ ramis effluens non benè se habeat; vnde ventriculus malè nutritus, malè alimentum concoquit, idque in alienam, ac vitiosam substantiam conuertit. Hinc reciproca quædam & circularis noxa exoritur; dum hepar & lien prauum sanguinem ventriculo nutriendo suppeditant; & ventriculus demùm prauum chylum generat, ex quo iterùm sanguis vitiosus producitur.

Ventriculus igitur in hoc affectu plerumque cibos malè concoquit, & bonam eorum partem, in materiam nunc aqueam, nunc acidam, vel acerbam, nunc viscidā mutat; quæ cum ab intestinis, & venis mesaraicis vtpote alendo inepta non attrahatur, in ventriculo moratur; & nunc sursùm repens, linguam & os saliuæ & humiditate aquea replet, vt continuò ægri expuere cogantur, sæpè etiam per vomitum humores illos in ventriculo collectos reicere.

Sæpè etiam materia in ventriculo contenta ebullit, & fermentatur; vnde flatuum copia excitatur, qui non solum ventriculum, sed etiam vicinas partes distendunt, ac tantam in præcordiis molestiam pariunt, vt ægri interdum in lipothymiam incidunt. Interdum verò flatuum illorum pars per superiora, & inferiora reicitur, pars verò per insensibilem transpirationem discutitur, aut eorum materia per vomitum excluditur.

Aduertendum tamen est, non omnia quæ vomitu reiciuntur, in eo generari; sed etiam non rarò à liene aliisque partibus transmitti. Humores etiam interdum

euomuntur tanta aciditate præditi, vt stupor in dentibus afferant; quos è liene in ventriculum per vas breue transfundi, minimè dubium est.

In aliis sanguis è liene in ventriculum per vas breue cum humore atrabilario, aliisque vitiosis humoribus transmittuntur; qui partim per vomitum, partim per feces reiecitur, vt in vomitus sanguinis theoria fusiùs exposuimus.

Ructus etiam frequentes hoc effectu laborantibus, tum etiam rugitus & murmura hypochondriorum, solent contingere, propter copiam flatuum, qui ex crudis, ac melancholicis humoribus generantur: vnde ab antiquis hic morbus, affectio flatuosa, nominatus est. Quomodo autem flatus ex melancholico humore suscitentur, in tympanite dictum est.

Dolores etiam non rarò in ventriculo, & hypochondriis ab iisdem flatibus excitantur, & interdum ad dorsum & lumbos extenduntur, vt nephriticos æmulentur; præsertim si vrina rubra, & crassa, hypochondriacis familiaris, excernatur.

Aluus adstricta sæpè est in hoc affectu: quando nimirum cibus in materiam viscidam ac glutinosam commutatur, quæ cum intestinis hæreat, alui constrictionem parit, cum facultas expultrix viscidum illum humorem excernere nequeat, nisi à medicamentis adiuetur, quò fit, vt huiusmodi melancholici frequentius catharticis, aut enematis aluum resolvere cogantur.

Alui fluxus etiam interdum contingit: si humores acrimoniam acquirant, & bilem, aut feruidam melancholiam admixtam habeant.

Æstus in hypochondriis percipitur, & inflàmatorius quidam affectus, cum ardore & feruore interno, nunc in vno, nunc in vtroq; hypochondrio agros affligente,

ex humoribus calidis ac feruidis in iis contentis. Et solet iste calor ac æstus sese magis exerere, quando humores illi calidi ab aliqua causa interna, vel externa commouentur, & exagitantur; ita vt ex vaporibus inde eleuatis facies incalescat, ac rubore suffundatur; imò verò interdum febris ephemera excitetur, ex iisdem vaporibus in totum corpus diffusis.

Vrina in hoc affectu varia est, nunc tenuis, nunc crassa. Tenuis quidem, quando humores crassi vrinæ vias oblidet, per quos illa quodammodo transcolatur, vt partes tantum tenuiores & serosæ permeare valeant. Crassa verò, rubra, & turbida, ob materiæ crassæ admixtionem, quæ multo sale saturata est, & idè tartarea nominatur, tum in fundo matulæ instar sedimenti crassioris colligitur; vel etiam quædam illius portio matulæ parietibus adhæret instar arenularum rubrarum. quæ multis calculi metum incutiunt; quamuis immeritò, cum huiusmodi arenulæ non in renibus, sed in hepate generentur ex materia adusta, & salina. Cuius rei indicium est, quod huiusmodi arenulæ digitis attritæ faciliè dissoluuntur, salis instar; quod in arenulis à renibus oriundis non contingit.

Cordis palpitatio in hoc effectu interdum accidit, ob vapores ad cor ascendentes, quod dum expellere nititur, ipsum violenter, & inordinate mouetur; & tunc ægri se in magno vitæ periculo constitutos existimant, & auxilium anxie requirunt.

Pulsatio in sinistro hypochondrio nonnunquam percipitur, quando scilicet humores feruidi in iis locis exagitantur, & vapores inde excitati arteriam systolem & diastolem maiorem efficiunt; ita vt tum ab ægrotantibus, tum ab adstantibus manum hypochondrio admoventibus, pulsatio illa percipiatur, quæ tum

in primis commouetur, quando ægri ab ira, & motu vehementiore, aut meri largiore potu, incalescunt. Et hæc in primis palpitatio in arteria cœliaca fit, quæ intignior est in illa parte. Aliquando etiam continua est, & indefinens in morbo inueterato, & quocumque tempore manum admoueas, perpetuò pulsationem aduertis, quod morbum habitualement, & incurabilem significat. Continuum autem illam pulsationem interdum sequitur aneurisma, ex arteriæ cœlicæ, aut alterius cuiusdam arteriæ insignioris dilatatione, à sanguine feruidiori in iis contento, qui valdè attenuatus, & multis, ac feruidis spiritibus permixtus, arteriam continuò dilatat ac distendit, donec aneurisma integrum contraxerit; quale obseruauit Fallopius, *lib. de tumorib. prætern. cap. 14.* In vetula quadam, cuius cadauere apertum, inuentum est aneurisma in abdomine, in quod pugnum immittere potuit; & immisit. Vbi obiter notanda est summa naturæ prouidentia, quæ arteriæ disruptionem præcauens ex nimia dilatatione, tunicam illius adeò indurauerat, ut ossea appareret; sicut annotauit Fallopius, loco citato. Paræus etiam *lib. 6. sui operis, cap. 28.* similem historiam refert aneurismatis, non quidem in abdomine, sed in thorace reperi scilicet in arteria venosa, quæ in eam amplitudinem distenta erat, ut manum in pugnum complicatam capere potuerit; tum etiam tunica illius interna ossea euaserat. Et nos etiam similem casum ante duos annos in hac vrbe vidimus, nempe aneurisma in pectore, ex arteriæ dilatatione, quæ pueri quindecim annorum pugnum recipere poterat: tunica verò arteriæ cartilagineam crassitiem, ac duritiem. acquisierat.

Vapores autem tetri ab hypochondriis eleuati ad partes superiores, quamplurima symptomata produ-

eunt ad palatum enim & linguam transmissi, eas partes exsiccant, & sitim leuem inducunt: diaphragma verò & pulmorem obsidentes, difficilem respirationem efficiunt: dum verò ad membranas cerebri feruntur, dolores capitis inducunt; & dum cerebrum ipsum impetunt, aurium tinnitus, oculorum caliginem, vertiginem, metum & mœstitiā, & deliria melancholica diuersa inferre consueuerant. Quod si vapores illi summam acrimoniam, aut malignitatem induant, epilepsiæ causa efficiuntur: si verò iidem vapores neruos occupent, in iis etiam conuulsiones generant: ac si virtute narcotica præditi sint, torporem, & paralysem spuriam inferunt, tum etiam comatosos affectus, & aplexiam, si cerebrum penitus euadant. Si autem vapores illi calidi & sicci fuerint, cerebrum exsiccant, & vigiliās molestas, aut summos perturbatos, insomniāque terrifica efficiunt. In primis verò vigiliæ post mediam noctem plerosque infestare solent. Etiam si enim post cœnam ad mediam noctem, aut paulò vterius, satis benè dormiant, postea tamen euigilant, & alij duabus vel tribus horis vigilant, & iterum manè circa horam tertiam vel quartam dormire incipiunt, alij verò iterum dormire non possunt. Quorum euentuum ratio talis reddenda est, quòd nimirum dum chylus ad partes secundæ concoctioni destinatas vel inseruiētes defertur, tum humores vitiosi in membris & vasis latentes agitantur, ex iisque vapores eleuantur, qui per venas & arterias ad caput delati vigiliās excitant; & si breui discutiantur, somnus iterum reuertitur, si verò diutius perseuerent, reliqua noctis pars insomnis transigitur.

De his omnibus symptomatis antea dictum est, & iterum repetendum, omnia in omnibus non reperiri, sed

sed plura, vel pauciora, pro humorum & partium affectuum varietate.

Hoc etiam annotatum est, non esse de essentia melancholiæ hypochondriacæ, ut in hypochondriis tensio, durities, dolor, & tumor percipiatur, cum mali fomes plerumque in ramis venæ portæ, & arteriis vicinis hæreat, & inde vapores ad cor, & cerebrum transmittat. Sæpè tamen tensiones in hepate vel liene reperiuntur, quæ humores in illis partibus hærentes significant: si verò nullæ adfuerint, signum est humores vitiosos in venis mesenterij, omenti, pancreatis, & ventriculi latitare. Ventriculum autem præcipuè affici demonstrant peculiaria illius symptomata, ut ructus acidi, vel nidorosi, nausæ, vomitus, apepsiæ, & interdum alui fluxus.

Quod ad prognosim attinet: affectus iste ut plurimum lethalis non est; sed longissimus esse consuevit; & sæpè toto vitæ decursu perseverat, unde vulgò dicitur opprobrium medicorum, ex eo quòd non latis sceleriter curatio succedat: & si tandem post multa remedia ægri conualescere videantur; postea tamen intra paucos menses malum recrudescit, & omnia symptomata re-integrantur. Dicitur etiam flagellum medicorum, quia huiusmodi melancholici noua quotidie postulant remedia, iisque statim satiantur, assiduis querimoniis medicos infestant, eosque sæpissimè mutant.

Hæmorrhoidum fluxus melancholiâ hypochondriacâ laborantibus superueniens, plurimum iuuat, modò fuerit moderatus; si enim diutius duret, periculum portendit.

Urina crassior melior est in hoc morbo, quàm tenuis, & aquosa, quæ crassos humores in corpore retineri arguit. Nigræ quoque urinae sine febre sæpè hunc morbum soluant.

Aluum in hoc morbo laxam habere, bonum; astringentam verò habere, malum. Vomitus quoque cum *dispo-*
*si-*ta sæpè utilis; diu verò perseverans, perniciosus.

Vertigo, & diuturnus capitis dolor in melancholia hypochondriaca, in epilepsiam, vel cecitatem, vel apoplexiam degenerat.

Curatio huius affectus in tribus potissimum indicationibus versabitur, obstructionum apertione, intemperiei viscerum correctione, & humoris peccantis evacuatione; non omissis roborantibus, quæ dictarum partium vires reficiant, & instaurent. In hunc finem sequentia remedia, adhibito sapientis medici iudicio & delectu, usurpari poterunt.

Præmissis clystere sequens potio primum exhibetur.

℞. Sennæ mundatæ Vnc. sem. seminis anisi & crem. tart. an. 3. j. fol. borrag. fumar. acetosæ, an. M. 8. liquirit. Drach. iij. Coquantur ad 3. iij. In colatura dissolue rhubarb. in qua buglossi cum spica infusi Drach. j. sem. cathol. dupl. Drach. iij. syrup. de cichor. compos. Vnc. j. Fiat potio, cui addere vtiliter licet in valde melancholicis confect. alkermes Drach. j.

Postridie potionis phlebotomia celebranda est ex alterutro brachio, prout hepar, aut lien magis laborare videbuntur, sed præcipuè ex sinistro.

Postea sequentium iusculorum usum æger aggredietur.

℞. Radic. asparagi, gram. & cichor. an. Vnc. sem. fol. egrim. ceterach. capill. ven. buglossi, & cichor. ana M. sem. cremor. tart. Drach. j. Coquantur cum pullo galinaceo, & fiat iusculum per x. aut xij dies continuandum. Ad magis refrigerandum, & efficacius obstructiones aperiendas, vtiliter addi possunt spirit. vi-trioli gut. iij.

Prædictis etiam simplicibus addi possunt in diuturnis obstructionibus, radic. chinæ, lignum sassafras, santalum album, radic. apij, filicis maris, fol. betonicae, scabiosae; semen coriandri præp. passulæ, & similia.

Si alius sit adstricta, aut cacochymiae copia, in tertio quoque iusculo sennæ Vnc. ꝑ. cum sem. anisi utiliter infundi poterit.

Vel loco iusculi ad materiam peccantem potentius educendam, apozema sequens erit conuenientissimum.

℞. Rad. buglossi, asparag. cichor. & acetos. ana ꝑ. j. cortic. median. fraxini, & tamarisci, ana ꝑ. ꝑ. fol. agrim. ceterach. capill. vener. cuscute, cichorii, fumarie, lupulor. buglossi. & borrag. ana M. j. sem. quatuor frig. maj. anisi & foeniculi, ana ꝑ. ij. vuarum corinth. ꝑ. j. sennæ mundat. & polypod. querc. recent. ana ꝑ. ij. epithymi ꝑ. j. agarici recenter trochise. & rhab. elect. seorsim infusor. cum cinam. ana Drach. ij. macis, & caryophyll. ana Drach. j. flor. iij. cordial. ana ꝑ. j. Coquantur ad quartaria quinque. Incolat. dissolue syrupi de cichorio compos. cum rheo, & rosat. solut. an. Vnc. ij. Fiat apozema clarificatum, & aromat. Drach. ij. santali citrini, pro iv. dosibus matutinis.

Loco apozematis utiliter subrogari potest decoctum galli veteris, in hunc modum compositum.

℞. Radic. asparagi, brusci, cortic. rad. capparis, & mediani tamarisci, ana Vnc. sem. fol. agrim. ceterach. capill. ven. ana M. j. sem. anisi, citri, & card. bened. ana Drach. j. sennæ mundat. Vnc. sem. polypod. querc. & epithymi, an. Drach. iij. cinam. Scrup. j. crystal. tart. Drach. j. Coquantur omnia secundum artem cum media parte galli veteris; fiat iusculum, quod capiat mane per iv. dies.

Post sufficientem purgationem, balneum aquæ tepidæ conuenientissimum est, per aliquot dies vsurpatum. Vtiliter in eo coquuntur herbæ refrigerantes, cum bona quantitate pomorum redolentium. Vel fieri non raro solet ex hordeo & amygdalis contusis in sacculo inclusis, & in aqua decoctis. Frequenter iterandum est, si tempus anni fuerit opportunum; quandoquidem Gal. refert 8. *de loc. aff. cap. 6.* solis balneis aquarum dulcium se multos melancholicos curasse absque alio medicamento. Si tamen æger ferre frequenter nequeat integrum balneum, semicupium subrogari poterit.

Et ne lotio frequens ventriculo noceat, in ingressu balnei iungetur ventriculus oleo nucis moschatæ, aut alio simili linimento.

Ab exitu balnei inungatur hepatis regio cerato santalino, vel vnguento rosaceo in oxycrato lotis.

Post vltimum balneum proritentur hæmorrhoides, subditis balanis acrioribus, vel anum confricando foliis ficulneis, aut pannis lineis asperioribus; & affixis partibus eminentioribus hirudinibus duabus aut tribus, extrahantur sanguinis 3. v. vel vj. Eadẽque hæmorrhoidum prouocatio vere & autumnò, imò interdum singulis mensibus iterari debet.

In iis qui assueti sunt pati fluxum hæmorrhoidum, qui tamen iam diu suppressus sit, & vbi hæmorrhoides non apparent, admotâ ano cucurbitulâ patefiunt.

Si postquam hirudines saturatæ ceciderunt, sanguis nimium profluat, vt non raro contingit; sistetur luto, aut carbonis puluere, aut aranearum telâ, aut gypsi puluisculo, aut pulueribus astringentibus, albo oui & stuppis exceptis.

At si hæmorrhoides commodè aperiri nequeant, opportunum erit ex venis inferioribus sanguinem detrâhere, vt sanguis sæculentus per ea loca deriuari queat.

Cauticum

Cauticum tibiæ sinistrae inustum ab humoribus excrementitiis lienem, aliâque viscera repurgat; ideoque non erit omittendum.

Quia verò hic affectus contumacissimus esse consuevit, & post vniuersales euacuationes, nouus prauorum succorum cumulus temporis progressu solet succrescere, purgationes periodicæ instituendæ sunt, vt per intervalla ab eorum noxa corpus liberetur. Quod commodissimè fiet syrupo magistrali, in sequentem modum composito.

℞. Succor. recenter expressi. & per residentiam depurat. ex fol. borrag. bugloss. endiuia, cichor. fumar. & oxalidis ℥. iij. succi pom. redolent, recenter expressi & depurati ℥. ij. polypod. querc. recent. ℥. s. fennæ mund. ℥. viij. epithymi ℥. iij. agar. recenter trochiscati ℥. j. zinzib. & caryophyll. ana ℥. j. Infundantur & decoquantur, vt artis est, donec colaturæ supersint quartaria quinque. In quibus dissolue expressionem Vnc. j. rhab. in prædictis succis cum cinam. seorsim infusi, sacchari albi quartaria quinque. Fiat syrup. perfectè coctus, clarif. & aromatiz. ℥. ij. puluer. elect. triasant. qui seruetur, in vase vitreo, & de eo capiat Vnc. ij. bis aut ter in mense cum iusculo pulli, vel hœduli, fol. endiuia, acetosæ, borrag. & pimpinel. alterato.

Vel loco syrup. pilulæ usurpari poterunt, hyemis præsertim tempore, quales in hepatis obstructione fuerunt propositæ; vel si earum nimia caliditas metuitur, sequentes magis correctæ in eundem vsu componi poterunt.

℞. Polypod. querc. Vnc. sem. rad. asari, summit. genistæ, ana Drach. j. passul. corinth. Drach. iij. crystalli tart. Drach. j. s. flor. bugloss. & borrag. ana P. sem. Coquantur in aquæ font. q. s. De colat. opt. clarif. cape ℥. sem. succi pomor. redolent. opt. deputati Vnc. iv. In quibus infun-

de fennæ mundatæ Vnc. j. turbith, & agar. ana Drach. iij. macis, caryophyll, cinam. & epithymi, ana Drach. j. Digerantur per quatrimum in B. M. Postea colentur, & exprim. Colat. adde extracti aloës, facti in aqua endiuia & acetosâ, Vnc. j. myrrhæ in vino ad ignem dissolutæ & colatæ 3. ij. salis tart. 3. j. Euaporentur omnia, & inspissentur ad lentum ignem, addendo sub finem, dum ferè euaporata erit materia, specier. diarrhod. abbat. latif. Gal. & trochisc. dialacca, an. 3. ʒ. Reducantur in massâ pilularis consistentiam, de qua capiat æger 3. ʒ. semel in septimana, duabus horis ante pastum.

Per eda sequenti puluere multos melancholicos curatos esse testatur, eumque benedictum & diuinum appellat.

ʒ. Epithymi 3. ʒ. lapid. lazuli opt. & agar. recenter trochisc. ana 3. ij. scammon. 3. j. caryophyl. numero xx. Misce, stat puluis de quo capiat 3. ij. bis aut ter in mense, cum sero lactis vel aqua borraginis.

Si purgantia medicamenta satis frequenter exhiberi nequeant, aut ægri morbi diuturnitate fracti assumere nolint: consultissimum erit clysteres alternis diebus iniicere, ut vapores fursum se efferentes reuellantur, & humoris peccantis portio educatur. Si enim intestina penitus subierint, à venis melsaraicis maiorem illuuiem partem exhauriunt. Nouimus enim quemdam nobilem virum affectione hypochondriacâ diu, & grauiter affectum, qui ex clysteribus frequenter iniectis ita leuatus fuit, ut omnino curatus videretur: cum multa alia remedia frustra usurpata fuissent.

Dum purgationes periodicæ usurpantur, intermedium temporibus curandum est, ut corpus vniuersum balneis humectetur, aut saltem semicupiis, vel fomentis; quibus & humoris peccantis inclementia frangatur, eiusdemque reliquiæ conteruntur, & corpus

humidius ac fluidus redditur.

Roborantia etiam intermediis temporibus vsurpāda sunt, quæ simul obstructionum apertioni inserviant, eaque frequenter componi solent in formam opiatae, vel electuarij solidi in tabellas redacti, in hunc modum.

℞. Conseruæ rad. buglos. ʒ. β. conseruæ flor. borrag. viol. ana ʒ. j. conseruæ ros. & cortic. citri conditi, ana ʒ. β. myrob. condit. numero j. confect. alkerm. ʒ. iij. rasuræ eboris, cornu cerui, & lapidis bezoard. ana ʒ. j. puluer. elect. lætif. Gal. & diarrhod. abbatis, an. ʒ. ij. coralli præpar. & margarit. præp. an. ʒ. β. ambrae gris. ʒ. β. moschi opt. gr. v. fol. auri numero iij. Cum syrupo de pomis, vel conditura citri. fiat opiata, de qua capiat magnitudinē castaneæ, horis duabus ante pastum singulis diebus, superbibendo vini albi parum.

Simplicior & gustui gratior opiata fit ex parte vna confect. alkerm. & quatuor partibus conseruæ flor. borrag. Ad potentiùs obstructiones aperiendas, si calidiora non multum metuantur, addi possint opiatae, conseruæ flor. tamarisci, rad. enulae campanæ, fol. absinth. capill. ven. & sales absinth. tamarisci, &c.

Tabellæ in sequentem modum componi poterunt.

℞. Pulu. diambrae. diamoschi dulcis, & lætif. Galen. ʒ. j. confect. alkerm. Drach. iij. sacch. aqua borrag. & rosar. soluti Vnc. iij. Fiant tabel. deauratae pond. ʒ. j. Capiat vnā singulis diebus, horis duabus ante pastum. Vel gustui gratiores ita parabuntur.

℞. Confect. alkerm. ʒ. ij. ambrae gris. scrup. j. sacch. aqua naphæ & rosarum dissoluti Vnc. iv. Fiant tabellæ.

Ambra grisea sola ad gr. v. vel vj. singulis diebus exhibita cum vino, aut aqua rosarum, spiritus & calorem natium viuificat, & cor maximè exhilarat.

Autores nonnulli lapidis bezoardici vsum valdè probant aduersus omnes morbos melancholicos, vtpote

qui vires cordis mirum in modum reficiat ; eiusque grana v. vel vj. cum aqua rosar. aut alio liquore exhiberi debent.

Corpore sufficienter expurgato tempestate idonea, nimirum vere aut aestate, serum lactis vtiliter exhibetur per 15. aut 20. dies : sic enim viscerum obstructions aperientur, & calida eorum intemperies emendabitur. Extrahetur autem serum lactis per ebullitionem & clarificationem, in eoque commodè infundentur per noctem epithymi 3. ij. vel Vnc. sem.


Quantitas illius ad robur ventriculi metienda est.

Si tamen facile venas iam aliquatenus apertas peruadere queat, & per aluum & vrinas eiici, in maxima quantitate exhibitum instar aquæ mineralis, vt in calida hepatis intemperie docetur, multum proderit : hac cautione adhibitâ, vt ventriculus muniatur sacculis, aliisque remediis infra describendis, & vespertinis horis opiata roborans singulis diebus exhibeatur. Loco autem epithymi aliquando permiscetur sero succus cichorii & borraginis aut alij refrigerantes, & appropriati in hunc modum.

℥. Seri lactis caprilli ℔. iv. vel v. succi limon. recent. Vnc. iv. succi pomor. redol. nouiter extracti Vnc. vj. conseruæ rosar. aut violar. aut sacchari albiss. Vnc. j. cum duobus albumin. ouor. clarificentur. Capiat mane pocula tria, vel quatuor, vel plura, si stomachus ferre valeat.

In corporibus valde emaciatis, reſeratis aliquantisper obſtructionibus, lactis aſmini vſus conuenire poterit, cum ſacch. roſaceo ; & ſi obmurmurantia ſint hypochondria, tantillum aromatici roſati, vel diarrhod. abbatis erit vtiliſſimum.

At cæteris remediis præſtant aquæ minerales acidulæ & vitriolatæ, quæ viſcerum intemperiem corrigendo



do, obstructions referant potentissime. Tales sunt in Occitania nostra Meynenses, & Vallenses. Illæ magis refrigerant. Hæ calidiores quidem, at obstructionibus tollendis, & humori terreno attenuando ac detergendo multò efficaciores.

De potu aquarum thermalium non levis est inter Auctores discrepantia. Nonnulli, vt Sennertus, omninò probant, quod huiusmodi aquæ ob mineralia à quibus suas vires habent, & primas vias eluant, & vitiosos humores, qui in iis hærent, per aluum & vrinas educant, ventriculum calefaciant, hepar & lienem roborent. Calefactionem autem & exsiccationem ab huiusmodi aquarum externo vsu, non autem interno esse metuentam. Alij, vt Claudinus, omninò reiiciunt, propter dictam exsiccandi vim. Alij denique nec omninò reiiciunt, nec omninò admittunt huiusmodi aquarum vsum, vt Montanus, qui eas conuenire sentit, propter frigiditatem ventriculi, quæ huius affectus comes est indiuidua, & obstructions. Ratione autem hepatis calidioris, & feruidi sanguinis, vult muniendum esse hepar & lienem vnguento refrigerante Gal. Tum etiam vniuersam lumborum regionem eodem vnguento inungendam. Hoc modo ait non nocere aquam, quia magis figitur in ventriculo & locis frigidioribus, alia verò viscera solum pertransit, nec in iis moram facit. Nos verò earum aquarum vsum conuenire posse censemus, si ventriculus frigidior magnam crassæ & viscidæ pituitæ copiam cumulet, & non admodum insignis fuerit hepatis caliditas. Cuius partis noxa maiori ex parte declinari poterit, si non solum vnguentum prædictum admoueat, sed etiam iuscula refrigerantia post eiectas aquas exhibeantur, & post integrum earum vsum balnea refrigerantia & humectantia per aliquot dies vsurpentur.

Non paràm præstare consueuerunt ad obstructiones hypochondriacas aperiendas medicamenta ex chalybe composita, qualia in obstructionibus hepatis, & lienis fuerunt proposita; vitando tamen ea, quæ multum calefacere aut exsiccare valent. Imò verò in corporibus calidioribus conueniet chalybem cum sulphure, aut aceto præparatum, cum conferua borraginis & cichorij ad formam opiatae permiscere.

In delicatioribus conueniet syrupus ex chalybe, prædicto loco descriptus, aut spuma quæ manet in vase vitreo post vini pluries chalybeati euaporationem, cum dictis conferuis permixta.

At cæteris omnibus remediis palmam præripit sal, seu vitriolum martis, quod obstructiones aperit, viscera corroborat, eorumque calidam intemperiem emendat. Dosis illius est a gr. xij. ad xx. cum liquore idoneo, syrupo, aut conferua. Sed quia sapor illius admodum ingratus est, soleo ego in pilulas reducere cum mucilagine gummi tragacanthi. Vfus illius debet esse diuturnus, & ideo magna illius quantitas habenda est, quæ facile comparari non potest modo à Beguino, aliisque descripto. Nos facillimam illius compositionem paucis cognitam hîc subnectemus.

℞. Olei vitrioli aut sulphuris ℞. ss. spiritus vini ℞. j. ponantur in sartagine noua, & munda, & assere contendantur intra quindecim dies fiet per se salina concretio, quæ soli postmodum exponenda est, vt omnino exsiccetur, mouendo interdum cum spatula ferrea. Hyeme poterit exsiccare supra ignem leuissimum, aut in hypocausto. Sal probe exsiccatum in phialia vitrea recondatur, bene obturata, nam aëri exposita facile humectatur. Pilulæ etiam ex eo compositæ cum mucilagine tragacanthi duriores fieri debent, addendo puluerem ipsius tragacanthi, ac postmodum in phiala recondi,

di, alioqui humescerent. Per mensem vnum vel plures potest continuari huius remedij vsus, non solum innoxie, sed semper cum vtilitate summa.

Ad obstructions sensim aperiendas, & humorem melancholicum sensim expurgandum ac contemperandum, laudat Fonseca pilulas sequentes, quas diatarum appellat.

℞. Sennæ puluerat. & salis tartari, an. 3. j. cinam. puluerat. 3. sem. Cum syrupo de limon, fiat massa, cuius capiat pilulas iij. pond. 3. sem. per horam ante coenam, vt bis, aut ter deiciat. Habet enim sal tartari magnam vim domandi humores melancholicos & atros; nam trahit ad se proprietate quâdam acerositates, vt videre est quando permiscetur aceto, aut spiritui vitrioli, quorum aciditatem tollit. Sciendum autem est. Fonsecam per salem tartari crysallum intelligere. Attamen non minus efficaciter senna infundi poterit cum sale tartari, & guttis aliquot spiritus vitrioli in liquore idoneo.

Ad dictas obstructions aperiendas, nonnulli Autores commendant decoctum radicis chingæ, vt in obstructione lienis dictum est; quod a prudenti Medico vtiliter interdum in vsum reuocari poterit.

Alij verò laudant succum absinthij concretum in forma pilularum, per se, vel cum gummi ammoniaco exhibitum, cui statim oxymel, factum ex decocto rad. asari ac liquirit. superbibatur. Alij verò testantur decocto absinthij, aut vino absinthite per 30. vel 40. dies vsurpato melancholiam hypochondriacam fuisse curatam.

Succus buglossi non quidem ad obstructions aperiendas, quemadmodum absinthium; sed ad humorem atrabilarium contemperandum efficacissimus est. Ideo illius 3. ij. cum sacchari 3. ij. vel cum vini optimi

æquali portione per x. aut xij. dies manè vtiliter exhiberi potuerunt.

Inter præcipua huius curationis hoc habendum est, vt aluus semper laxa seruetur. Idè æger plura medicamenta habere debet familiaria, quibus frequenter vtatur ante cibum, modò hoc, modò illo, ne vllum ei veniat in fastidium. In hunc finem vsurpari poterunt syrupus magistralis, & pilulæ prædictæ; tum etiam ea quæ ad aluum adstrictam supra descripta sunt. Quibus addere licet ex Montano, terebinthinam Cypriam, quam deglutiendam esse præcipit ad quantitatem auelanæ, tribus horis ante prandium, semel, aut bis, aut ter in singulis septimanis. Nam præterquàm quòd aluum mollem efficit, ventriculum etiam purgat, obstructions aperit, vrinam prouocat, calefacit ventriculum, neque propterea hepar lædit; imò & illi mirum in modum confert aperiendo, abstergendo, & mundificando.

Pro potu ordinario vti poterit aqua extinctionis auri, vel infusionis tamarisci, agrimon. pimpinellæ, cum vino tenui simplici, vel medicato tempore vindemarium cum rad. bugloss. & borrag. adiectis floribus anthos in parua quantitate, & santalo albo.

Decoctum radicis cinosbati pro potu ordinario à quibusdam plurimùm laudatur; aperit enim, & roborat partes omnes naturales.

Decoctum ligni nephritici viscerum obstructions citra vllam manifestam corporis alterationem refert. At frequentius vsurpatur aqua ex infusione chalybis parata. Quæ omnes aquæ, vel decocta cum vino commodè misceri possunt.

Dum remedia interna proposita, aut eorum nonnulla

nulla vsurpantur, externa etiam admouenda sunt, nimirum fomenta, & vnguenta in hypochondriis, qualia ad obstructions hepatis & lienis descripta sunt, vitando calidiora.

Ventriculo etiam roborantia admouenda sunt, quoniam illa pars in hoc affectu perpetuò laborat. Ideoque fomenta, vnguenta, emplastra, & scuta in affectibus ventriculi proposita, in vsum reuocari poterunt. Tum etiam interna, quæ hepar minùs calefacere possunt, ac præcipuè puluis pepticus à pastibus sumendus. In paroxysmo, quando vapores ab hypochondriis eleuati cor, cerebrum, aliasque partes afficiunt, & grauia symptomata producunt, vt animi defectiones, palpitationes, tremores, conuulsiones, dolores capitis & similia; ea remedia vsurpanda sunt, quæ in syncope & affectu hysterico vsurpari solent. At inter cætera laudanum prudenter vsurpatum miranda præstat.

C A P V T VI.

De Scorbutica affectione.

Scorbutus septentrionalibus regionibus familiaris est, & non paucis earum plagis endemius. In nostris verò meridionalibus hætenus ferè incognitus; ita vt omnes Medicinæ practicæ scriptores, qui in istis medicam artem exercuerunt, nullam illius mentionem faciant, & nos etiam ipsum penitus omittere debere videamur, qui in huius libri præfatione protestati fuimus, nos morbos tantum lienis visitationes, & qui frequentius in praxi occurrere consueuerunt, esse descripturos. Verum vsus nos

docuit, hanc nostram regionem hoc affectu non omnino carere, qui si omnibus circumstantiis stipatus non sit, quæ ab authoribus septentrionalibus referuntur, quædam tamen symptomata præ se ferat, ad illius naturam stabiliendam sufficientia. Siquidem prædicti authores vnicum symptoma scorbuto peculiare sufficere aiunt ad morbum istum detergendum. Nos verò sæpè huiusmodi symptomata non pauca in plurimis ægrotantibus animaduertimus. Quia tamen scorbutus hisce regionibus, ut antea dictum est, non est familiaris, & nos illo prorsus ab immunes esse omnes Medici nostrates existimant, nolimus eum absolute scorbuti nomine donare; sed satius esse duximus affectionem scorbuticam appellare; quæ scilicet ad scorbuti naturam proximè accedat, verus tamen scorbutus non sit.

Est autem scorbutus nihil aliud, quam affectio hypochondriaca peculiarem quemdam malignitatis gradum adepta: à qua quidem malignitate nonnulla symptomata oriuntur supra illa, quæ in affectione hypochondriaca solent contingere. Illa verò malignitas fit ex humoris melancholici corruptione, non qualibet, siquidem sæpè corrumpitur ac putrescit humor melancholicus, ex quo alij affectus producuntur, non autem scorbutus, ut febris quartana, & abscessus mesenterij, aliarumque partium: sed peculiari & propria, cum tali malignitate analoga. Hæc autem malignitas innotescit ex contagio, quod in hoc affectu reperitur; siquidem contagiosum esse ab omnibus authoribus, qui de eo scripserunt, sancitum est. Quemadmodum autem omnes malignitatis gradus & species in humoribus latentes, ex quibus varij morbi producuntur, nos latent, & humanam cognitionem effugiant, sic malignitas scorbutica etiam occulta

occulta est. Et certè mirum est, quanta morborum varietas emergat ex variis malignitatis gradibus in humores introductis; ex quibus febres malignæ, & pestilentes; variolæ, & morbilli; cancer & elephantiasis, lues venerea; alique quamplurimi ac diuersissimi affectus oriuntur. Et speciatim elephantiasis ex malignitate quadam peculiari, in humore melancholico residente, ducit originem. Scorbutus etiam ex peculiari malignitate in eodem humore melancholico latente producitur: cum tamen isti duo morbi toto cœlo differant inter se, & nemo possit varios illos malignitatis gradus explicare.

Magnam scorbuti & melancholiæ hypochondriacæ similitudinem ostendunt symptomata varia utrique affectui communia. Omnia enim symptomata superiori capite à nobis enumerata, quæ in melancholia hypochondriaca reperiri docuimus, in scorbuto etiam reperiri solent; ut cruditates ventriculi & dyspepsiæ, salivationes frequentes, vomitus materiæ pituitosæ, acidæ, nidorosæ; murmura & rugitus hypochondriorum, eructationes, & flatuum per inferiora explosiones; sanguinis vomitiones, & per aluum excretiones; dolores ab iisdem flatibus in ventriculo, & hypochondriis excitati, aluus adstricta interdum, & aliàs alui fluxus; æstus hypochondriorum, urina nunc tenuis, nunc crassa, cordis palpitatio, pulsatio sinistri hypochondrij, sitis, & oris siccitas, difficilis respiratio, dolores capitis, aurium tinnitus, oculorum caligines, vertigines, metus & mœstitia, & deliria melancholica diuersa; conuulsiones, epilepsiæ, torpores, comatosi affectus, vigiliæ, somni perturbati, & insomnia terribilia. Quorum omnium symptomatum rationes superiori capite propositæ, in affectione scorbutica etiam militare poterunt.

Si verò præter symptomata prædicta alia etiam appareant, quæ in melancholia hypochondriaca non reperiuntur, neque ab authoribus illi tribuuntur, neque ad aliam affectionem cum hypochondriaca complicatam reuocari possunt; magna debet esse scorbuti coniectura. Horum autem symptomatum præcipua in hunc modum se habent; quæ in vno ægrotante omnia non reperiuntur, sed vnicam sufficit ad indicandum talem morbum ad scorbuticam affectionem accedere.

Primum igitur, atque euentissimum scorbuti signum, est affectio gingivarum, oris, & dentium. In gingiuis contingit rubor, pruritus, ac putrefactio, & ex iis plerumque sanguis effunditur, necnon terribis odor expiratur. Quæ affectiones interdum faucibus & palato communicantur; tum etiam dentibus, qui vacillantes, ac nigredine infecti redduntur.

Secundum atque euidentissimum scorbuti signum petitur à maculis crura & tibias inuadentibus, quæ in principio rubræ, & in progressu purpureæ, liuidæ, ac nigrae apparent. Nonnunquam verò in tibiis spatia latiora, imò verò interdum totam partem occupantia, liuida, vel cum nigrore, aut liuore purpurea apparent. Fiant autem huiusmodi maculæ ex serosa, atque ichorosa sanguinis parte ad corpus alendum inutili, quæ idè à natura extra venas in cutem protenditur, per nauosim venarum, vt loquitur Hippocr. *lib. de fracturis*. Quod quidem frequentius in tibiis & cruribus contingit; quia natura vitiosos humores ad partes ignobiliore, ac remotiores expellere consuevit. Aliquando tamen vbi maior est materiæ copia, in dorso, brachiis, ceruice, ac facie efflorescunt.

Tertium signum est difficilis respiratio, & pectoris angustia,

angustia, quæ fit plerumque à crâllis vaporibus ex hypochondriis eleuatis, ac diaphragma impetentibus; tum ex tumoribus atque inflationibus earumdem partium, à quibus diaphragma comprimitur: præsertim verò à tumore pancreatis, quod vt plurimum in hoc affectu humore illo crasso ac melancholico impletur: vnde ægri nihil de thorace conqueruntur, sed locum affectum, in quo grauitatem sentiunt, & cuius causa difficile spirant, sub diaphragmate ad ventriculi regionem ostendunt, vt diligenter annotauit Eugalenus, qui in hoc morbo sese plurimum exercuit, & multas, circa illius phænomena, collegit obseruationes. Huius tamen grauitatis causam, nempe tumorem pancreatis, non agnouit; neque vllus alius eorum, qui de scorbuto scripserunt, illius mentionem facit. Nos tamen eum obseruauimus in Domino Audeyer, in Senatu Gratianopolitano Præsidente, quem affectione scorbuticâ laborare existimaui-
mus, vt in prolixiori eius historia videre est; a nobis relata in obseruationibus nostris, *centur. 3. obseruat. 85.* Cum autem valde macilentus esset, ac strigosus, facile fuit, summos digitos profundius adigendo, duritiem ac renitentiam, eamque dolorificam percipere in ea regione, in qua pancreas situm est: & partem contrectando, æger ipse pronuntiabat, difficilem respirationem, ac pectoris angustiam, quâ ipse continuò premebatur, inde totam exoriri.

Quartum signum est. lassitudo spontanea, & grauitas corporis, præcipuè verò in cruribus, quæ fit à serosis ac vitiosis humoribus per venas ad habitum corporis, & musculosum genus delatis.

Quintum signum petitur ex vrinis, quæ quidem variae sunt, vt in melancolia hypochondriaca; sed in hoc differunt interdum, quòd claræ & rubræ sunt instar li-
xiuij,

xiiij, ab humoribus falsis magnâ copiâ admixtis. Illa autem rubedo eò intensior est, & ad fuscum declinans, quò maior falsæ materiæ quantitas permiscetur. Quemadmodum enim lixiuium eò maiorem rubedinem acquirit, quò plures falsæ & adustæ partes ipsi insunt; sic etiam vrinæ, quò plus falsi & adusti humoris admiscetur, eò rubicundiores colorem acquirunt. Interdum verò sunt admodum crassæ, sedimentum rubrum ac crassum, instar farinæ laterum habentes. Ac tanta interdum est materiæ huius crassæ & tartareæ copia & acrimonia; vt vrinæ ardorem, atque stillicidium excitet, præcipuè iis, quibus suppressio hæmorrhoidum malo originem dedit; tum etiam post subsidentiam vrinæ, tertia vel quarta pars matulæ, crassâ illâ, mucosâ, & nigricante materiâ repleatur, quæ incautioribus calculi, aut vlceris vesicæ suspicionem parit.

Sæpe etiam ita variant vrinæ sine causa manifesta, vt quæ hodie turbidæ ac crassæ, cras tenues & aqueæ appareant; hodie pallidæ, cras citrinæ, aureæ, vel rubræ.

Sextum signum ex pulsu desumitur; qui nunc debilis est, & inæqualis, ac ferè formicans, vt mirum sit hominem eum tali pulsu viuere posse; nunc magnus & durus absque inflammatione. In eo etiam hoc notatur, quòd imminente animi deliquio, in summis illis angustiis, quibus ægri sæpe diuexantur, pulsus maior ac fortior sit, quàm aliis temporibus. Quod procedit ex contentione cordis, vapores crassos, à quibus tunc temporis maximè affligitur, expellere conantibus.

Septimum signum petitur ex doloribus, varias corporis partes affligentibus: adest enim interdum dolor crurum obtusus, aliquando tensius, plerumque

δυσχολία ; alias dolores excitantur in furis ; alias circa talos ; alias in plantis pedum ; alias circa manuum & digitorum extrema ; alias in genuum , vel coxæ ; aliarumque partium articulationibus , cæterisque corporis partibus , prout humores falsi , acres , & serosi ad eas deferuntur : nonnumquam ventris dolor contumax , & acerbus ægrotantem exercet , qui colicam biliosam æmulatur ; fitque à prædictis humoribus in peritonæum effusis. Isti autem dolores , præsertim qui brachia , coxas , & tibias occupant , dolores illos æmulantur , qui lue venerea infectos affligere solent , & Medicis facile imponere possunt , in hac potissimum regione , in qua scorbutus rarissimus est , lues autem venerea frequentissima. Verùm distingui possunt ex eo , quòd dolores venerei plerumque internodia occupant , seu medias artuum partes , & si diu perseverent , exostoses in iis partibus generantur ; tum etiam alia luis venereæ symptomata adsunt , aut alias adfuerunt , vt gonorrhœa , caries pudendi , bubo venereus , & similia ; aut impurus concubitus præcessit. Dolores autem scorbutici quascunque partes differenter inuadunt ; alia adsunt scorbuti indicia , aut saltem temperamentum melancholicum admodum prædominatur , & res certò determinari poterit , si æger constanter asseueret , se cum impuris mulieribus rem non habuisse. Quòd suspicionem nostram confirmauit in Magistratu Nemausensi , qui grauissimis pedum , tibiæ , & crurum doloribus diu affectus fuerat , & ad extremam maciem deductus , vt in marasimum omninò incidisse crederetur , & cum nulla remedia per longum tempus vsurpata ipsi profuissent ; nos ex temperamento illius valdè melancholico , & quibusdam aliis signis , præsertim quòd castissimam vitam egisset , & quòd à multis annis sanguis illi è gingiuis per intervalla fluere consueuisset ,

sueuisset, scorbuticam affectum esse coniecimus, & antiscorbuticis remediis per aliquod tempus vsurpatis omninò conualuit.

Interdum etiam in hypochondriis dolores isti resident; interdum verò lumbos afficiunt, vt ægri quasi elumbes reddantur, ac vix progredi, & sese loco mouere possit. Vnde à nonnullis hic affectus lumbago nominatus est.

Quandoque verò dolores isti nephriticos æmulantur, & cum iis vrinæ impensè rubræ, aut etiam atræ minguntur, & nisi diligenter considerentur, pro cruentis habentur, & è renibus à calculo læsis provenire creduntur: cum tamen ex materia tartarea & scorbutica à liene vicinisque partibus ad vrinæ vias effusa, proveniant.

Nonnullos etiam, atque eos præcipuè, qui ex suppressione hæmorrhoidum hoc malum contraxere, capitis dolor, & calor circa vesperam infestat, ex vaporibus ad caput ascendentibus, & postea totâ nocte, calor quidam præter naturam instar febrilis, in toto corpore sentitur, qui manè per sudores evanescit.

Dolor dentium aliquando frequens, ac præter rationem recurrens, hunc affectum comitatur; qui non eodem loco persistit, sed vagus est, nunc dentem hunc, nunc illum inuadens ac relaxans; qui rursus sponte firmanitur, dolore ac tumore discussio.

Latera etiam interdum inuadit scorbuticus iste dolor, pleuritidem ementitus; à qua tamen faciliè distinguitur, quòd febris non adest, aut saltem admodum lenta; respiratio parùm læditur, nulla tussis, nulla anacatharsis, neque dolor est continuus; sed per intervalla recurrens.

Articulos etiam inuadere dolores istos scorbuticos, antea dictum est. Sed quomodo à vera arthritide distin-

distinguantur, explicare oportet. Arthritis enim scorbutica, fixa & permanens non est, neque in vno & eodem loco consistens, sed per varios articulos vagatur, & ab vno in alium atque alium eiusdem vel oppositi lateris transfertur; interdum etiam euanescit, ac subinde reuertitur, vt qui iam à dolore prorsus liberatus, & integræ sanitati restitutus videbatur, iterum & ex improviso, dolore; cum & sine tumore, corripiatur. At vera arthritis locum rarò mutat, & ad solutionem vsque, partem quam apprehendit, obsidere nen desinit. Habet etiam hoc peculiare arthritis scorbutica, quòd plerumque cum leui paralyfi iuncta est, ob quam membrum affectum mouere nequeunt, & illà cessante dolor cessat, eoque redeunte reuertitur.

Octauum signum desumitur ex variis motus læsionibus. Interdum enim contingit in huiusmodi ægrotantibus spuria quædam paralyfis, cuius exempla quædam in obseruationibus nostris proposuimus, & à vera paralyfi distinguitur, quòd hæc permanens est, neque vlla habet interualla: in illa verò sæpe accidit, vt qui heri pedem vix loco mouere poterat, hodie cruribus insistat, & leui adminiculo nixus ambulet; paulò post verò omni motu iterum priuetur. Deinde cum ea coniunguntur sæpe motus tremuli & conuulsiui, quod in vera paralyfi non contingit. Fit autem huiusmodi paralyfis à materia quadam ichorosa, vel vaporosa nervos ac musculos inuadente. Quòd si materia illa acrimoniæ particeps fuerit, partes nervosas vellicando, tremores & conuulsiones efficit,

Non solum autem in parte aliqua peculiari conuulsiones contingunt, sed etiam interdum in toto corpore, epilepsiæ characterem referentes, vaporosâ, aut serosâ materiâ, acrimoniâ atque malignitate præditâ, ad cerebrum eleuatâ, quæ discussa sæpe inducias dat, atque

iterum collecta nouas conuulsiones inducit.

Contractio membrorum in hoc effectu etiã contingere solet, interdum omnium, vt ægri nullum articulum habeant quem extendere valeant; aliàs verò vnum, aut alterum; & hoc præcipuè in cruribus contingit, tendinibus ad crus mouendum destinatis, duris ac rigidis in poplite euadentibus. Talis autem contractio inde exoritur, quòd tartareus humor multo sero dilutus ad neruos & tendines defertur: parte verò ferosâ & tenuiori, successu temporis discusâ; crassiores exsiccantur & indurantur, vnde contractiones neruorum ac tendinum efficiuntur.

Interdum etiã contractio in œsophago contingit, vt ægri cibum cum summa difficultate deglutiant, & in strangulationis metu versentur. Quod fit ex vaporibus stypticis œsophagum contrahentibus.

Nonum signum delimitur ex alui fluxu, vel simplici, vel sanguineo. Simplex à vulgari alui fluxu in eo tantum distinguitur, quòd excrementa in eo crassiora reddantur, & maiori parte stercorosa, ac ciborum assumptorum quantitatem superantia, cum vulgaris alui fluxus liquidior sit, & ex solis ferè humoribus compositus. At sanguineus alui fluxus à dysenteria distinguitur, quòd sine ventris dolore ac torminibus efferratur: fitque à sanguine crasso & sæculento, qui per venas mesaraicas in intestina effunditur. Interdum etiã venæ hæmorrhoidales sanguinem istum sæculentum recipiunt, & per alui fluxum euacuant. At si diu talis alui fluxus perseveret, venæ illæ varicosæ euadunt, & dilatatæ non solum copiam sanguinis, sed etiã multos alios humores tartareos, & mucilaginosos educunt.

Decimum signum est, oris grauis anhelitus, qui omnibus scorbuticis familiaris est, vt testatur Eugalenus;

ita vt astantes eum vix ferre possint, & nares auertere cogantur.

Vndecimum signum est, horror frequens, quem nullus, aut minimus calor sequitur, & eodem die bis, ter, vel etiam pluries inuadit.

Duodecimum signum petitur à febribus intermittentibus, quæ interdum scorbuticis accidunt, & characteres habent à vulgariū febrium characteribus longè diuersos. Pulsus enim in iis debilis est, tardus, & inæqualis, præsertim in declinatione; in vigore enim plerumque magnus & durus esse consuevit. Præterea in principio accessionum tantæ plerumque sunt membranarum in variis partibus, cruribus præsertim, vellicationes, vt carnes lacerari atque diuelli videantur: quibus interdum motus conuulsiui iunguntur. Ac licet nonnunquam quotidianæ, tertianæ, aut quartanæ typum seruent, sæpè tamen rariores, & inordinatos paroxysmos habent, vt semel tantum, aut bis in mense sine certis periodis inuadant.

Decimum tertium signum petitur ex tumoribus, qui in variis partibus varij contingunt, nunc duri, nunc molles, & vesicarum speciem referentes, nunc ad erysipelatis naturam accedentes.

Decimum quartum signum, est atrophia, quæ tanta interdum in hoc affectu contingit, vt nihil præter ossa & pellem in ægris remaneat, & sceleton repræsentent, præsertim affectu diu perseverante. Quod fit à vitioso sanguine, & à naturali statu valdè recedente, ita vt partibus alendis assimilari nequeat.

Plura alia scorbuti signa proponuntur ab Eugaleno, Sennerto, aliisque, quorum nonnulla quamplurimis aliis morbis communia sunt, quæ nos supprimenda censuimus, ne confusio quædam in hac diagnosi inducatur.

Ac licet (vt ab initio diximus) scorbutus in hac regione familiaris non sit, vt in Polonia, aliisque locis septentrionalibus, imò apud nos ferè sit incognitus; si quis tamen in Medicinâ faciendâ, omnia melancholicorum symptomata penitus inuestiget, quosdam reperiet ad scorbuticam affectionem accedentes, in quibus nonnulla ex superioribus symptomatis scorbutico peculiaribus apparebunt.

Quod ad prognosin spectat, morbus iste curatu difficilissimus est, quemadmodum omnes ab humore melancholico oriundi. Sed hic multò magis, in quo humor melancholicus prauam atque malignam qualitatem adeptus est, quæ corporis œconomiam crudeliùs evertit, & maximam remedium partem contemnit.

Periculosus etiam est, quia agros non rarò in atrophiam aut hydropem deducit, alios morte subitanea, per apoplexiam, syncopen aliòsque acutissimos morbos subripit.

Curantur tamen non rarò, qui pro deploratis habebantur, magis in hoc morbo, quam in aliis quamplurimis. Et nos vidimus nonnullos in omnimodam atrophiam perductos ex diuturnis doloribus, aut contumaci alui fluxu sanguineo (quos affectus ex multis circumstantiis scorbuticos celsimus) feliciter conualuisse.

Præterea sæpe deludit pulsus, qui in febrium paroxysmis præcipuè, ita frequens, paruus, & inæqualis interdum fit, vt æger intra paucas horas moriturus videatur, qui tamen finito paroxysmo surgit è lecto, & ad consueta munia reuertitur: vt peculiariter annotauimus in studioso Hollando, ad quem vocati in vigore paroxysmi, eum breui moriturum existimauimus: postquam verò eum postridiè benè habentem vidimus, reliquis morbi circumstantiis diligentius examinatis, eum scorbutico laborare comperimus, quem ille ex patria sua,

sua , in qua frequentissimus est , ad nos attulerat.

Curatio huius affectus eadem instituenda est , quæ in hypochondriaca melancholia fuit proposita; quandoquidem , ut ab initio dictum est , ab eodem humore generatur , sed à statu naturali magis recedente. Ideò plerumque potentioribus indiget remediis. Quia tamen hæc est generalis medendi regula , ut omnis curatio à lenioribus incipiatur , ad fortiora postmodum progrediendo , si illa non suffecerint , optimum erit in hoc affectu integram melancholiæ hypochondriacæ curationem institueré , & remedia proprio capite à nobis descripta sigillatim vsurpare; quandoquidem morbus iste chronicus & contumax , non nisi longo remediorum usu cuiusci potest. Et si morbum penitus extirpare nequiverint , ad ea tandem veniendum erit , quæ proprietate specifica illum oppugnare creduntur. Non erit tamen inutile , etiam ab initio nonnulla eorum illis admiscere.

Illæ autem remedia specifica , antiscorbutica dicta , plurima proponuntur ab authoribus , qui de hoc morbo scripserunt ; quorum vis præcipuè dependet à sale quodam volatili , cuius magna copia in iis reperitur , & cuius opera humorem illum crassum , terrestrem ac tartareum attenuant , & fluxiliorem reddunt , ac tandem discutiunt. Imò verò virtutem quandam alexipharmacam habent contra venenum illud scorbuticum humori melancholico impressum. Inter illa autem primo loco laudatur cochlearia Batauvica , quæ in nostris regionibus non reperitur. Alia verò sunt , nasturtium utrumque (præfertur tamen aquaticum) becabunga , seu anagallis aquatica , raphanus rusticanus , chelidonium minus , absinthium , & fumaria. Quibus etiam adduntur alia quamplurima , sed minoris efficacæ ; suntque ea omnia , quæ melancholicum humorem præparare , corrigere & edomare

valent, Vnde non sine ratione dictum est à nobis, curationem aduersus melancholiam hypochondriacam institutam, hîc etiam plurimum conferre. Illa autem sunt, carduus benedictus, ceterach, capillares omnes, hyssopus, chamædris, betonica, agrimonia, borrago, buglossum, radices enulæ campanæ, asari, oxylapathi, polypodium quernum, cortices capparum, fraxini, & tamarisci, flores eiusdem tamarisci, sambuci, & epithymum.

In harum autem plantarum delectu hoc perpetuo obseruandum, vt illæ quæ calidiores sunt, minori dosi vsurpentur: frigida verò aut temperata semper admisceantur, idque vt plurimum maiori dosi, præsertim in nostris plagis meridionalibus, in quibus humor melancholicus adustus est, & ad atræ bilis naturam accedit. Ac præter capillares herbas, borraginem, buglossum & agrimonium suprâ enumeratas, vbi febris adest, aut calor magis metuitur, addi possunt endiuia, cichorium, acetosa, succus citri, limonum, arantiorum; imò & spiritus sulphuris, aut vitrioli; aut etiam serum lactis.

Ex prædictis autem plantis quamplurimæ remediorum formulæ parari possunt, quæ omnes à Sennerto collectæ sunt, & ab omnibus authoribus excerptæ; quas vnusquisque pro arbitrio suo imitari poterit. Hoc saltem diligenter annotandum, quod ab omnibus authoribus proponitur, plantas prædictas efficacius operari, si expressus earum succus vsurpetur, vel in conseruas redigantur: quia sal illud volatile, in quo tota eorum efficacia residet, per decoctionem euanescit, tum si planta exsiccet, maiori parte resoluitur.

Nos verò formulas sequentes feliciter vsurpauimus.
 ℞. Succorum depuratorum nasturtij aquatici &
 becabunge,

becabungæ, an. 3. j. succi fumarix 3. ij. sacchari albi 3. ij. fiat potio. Vel.

℥. Succi fumarix & nasturtij aquatici, an. 3. ij. Misce. Vel.

℥. Succorum acetosæ, fumarix, & nasturtij aquatici, an. 3. ij. Misce.

Succus acetosæ augeri potest, si impensius refrigerare est animus, cum succus limonum, alique refrigerantes addi.

Maior erit remedij efficacia ad dissoluendum tartarum illud tenax, & glutinosum, si sal tartari addatur ad 3. j. cum spiritu sulphuris, aut vitrioli ad 3. j. vel 3. ʒ. Et quia in usu huiusmodi remediorum purgationes frequenter usurpandæ sunt, optimum erit in prædictis succis sennæ 3. j. vel 3. ij. per noctem infundere, & singulis vel alternis diebus, vel tertio quoque die exhibere.

His vero chalybeata remedia per vices adiungere operæ pretium est, qualia in melancholiæ hypochondriacæ curatione proposita sunt, tum etiam opiata roborantes & aperientes, aliaque remedia ibidem descripta interferenda, pro prudentis Medici arbitrio.

Ac denique aquæ minerales acidulæ, & vitriolatæ convenienter, & debito tempore usurpatæ, ad huius affectus curationem plurimum conferre poterant.



P R A X E O S

M E D I C Æ
L I B E R X I I I .

De affectibus Mesenterij, Pancreatis, & Omenti.

P R Æ F A T I O .



IN explicandis Mesenterij, Pancreatis, & Omenti affectibus, auctores admodum steriles sunt; & maior pars illorum, penitus eos omiserunt, quod cognitu difficillimi sint, & maiori parte non nisi ex dissectis cadaueribus innotescant; ut ex historiis constat à Scenkio, Sennerto, aliisque collectis. Frequentissimi tamen esse consueverunt. Vnde verè Fernelius asserit, sape in mesenterio latere plurimorum

rimorum morborum causas, ut cholera melancholia, diarrhæa, dysenteria, cachexia, languoris, lentarum errantiumque febrium, vomitionum, dolorum colicorum, tumorum & abscessuum. Sylvius vèrò mesenterium infuitorum morborum parentem nominabat; ab aliis autem, Medicorum nutricula vacatur. Idem de pancreate, & omento dici potest: sunt enim partes illa ignobiliores, & velut corporis sentina, ad quam membra nobiliora excrementa sua deponunt. Licèt autem predictæ partes, quemadmodum & reliquæ totius corporis, omnibus morborum generibus affici valeant, similaribus, organicis, & communibus, variâque inde symptomata emergant: Nos tamen iis tantùm inhaerentes, quæ ad usum praxeos maximè faciunt; uniuersum hunc tractatum quinque comprehendemus capitibus: quorum primum erit de obstructione mesenterij. Secundum de inflammatione mesenterij. Tertium de ascessu, scirrho, & ulcere mesenterij. Quartum de morbis pancreatis. Quintum de morbis omenti.

CAPVT PRIMVM.

De obstructione mesenterij.

Obstuccioncs in mesenterio ab iisdem causis generantur, quæ in hepatis & lienis obstructionibus propositæ sunt; sed frequentius; & facilius contingunt,

propter venarum mesaraicarum angustiam, & præcipue lactearum, quæ chylosam materiam devehunt ad secundæ concoctionis officinas: & cum illa materia chylosa crudiori & crassiori succe sæpè referta sit, fit ut illa liberum commeatum non habens, in illis venulis hæreat, & obstructiones pariat. Venæ etiam mesaraicæ obstruuntur ab humoribus crassis, ab hepate, liene, aliisque partibus transmissis, ibique diutius remorantibus, in qua mora maiorem in dies crassitiem acquirunt; ita ut interdum tumorem scirrhusum generent. Cum humoribus etiam interdum flatus crassi commiscuntur, qui gravissimorum symptomatum causæ esse solent. Ad obstructionem etiam, vel potius angustiam illarum venarum referimus compressionem, quæ fit à glandulis, per totam mesenterij substantiam dispersis; illæ enim præter modum incrementum, ut in strumosis dispositionibus contingit, venas mesaraicas comprimunt, & tum chyli, tum sanguinis commeatum impediunt.

Signa obstructionum diagnostica in tres classes diuidenda sunt, ut in hepatis obstructionibus factum est; quæ scilicet morbi speciem, vel partem affectam, vel causam eum producentem significant.

Signa morbi speciem indicantia, id est, obstructiones in hypochondriis latitantes, tum etiam earum causas, communia sunt obstructionibus hepatis, lienis, & mesenterij: ideo ex diagnosi obstructionis hepatis repetenda. Quæ verò mesenterium peculiariter affectum significant, sunt, tensio & tenitencia in medio ventre, & sub ventriculo, ac regione umbilicali: gravitatis sensus in eadem regione, & interdum dolor obtusus, nonnunquam etiam acutissimus, quando flatus in iis partibus continentur: dolor etiam aliquando in dorso percipitur, propterea quod mesenterium huic partiali-

gatur

gatur : murmura & rugitus in ventre fiunt, ructus excitantur, vapores in caput attolluntur, vnde varia symptomata contingunt; ac denique ea omnia, quæ in melancholia hypochondriaca accidere consueverunt, mesenterij obstructions indicant; quandoquidem illa ab huiusmodi obstructionibus producit ac fouetur.

Quod ad prognosim attinet : affectus ex se periculosus non est. quia pars ignobilis grania mala ferre potest sine vitæ periculo : deinde remedia generosa ad illius curationem adhiberi possunt, quæ conuenienter administrata ; exoptatum effectum vt plurimum consequuntur ; nisi melancholia hypochondriaca inde exorta fuerit. quæ opprobrium Medicorum vocari consuevit, propter rebellem humoris melancholici naturam. Cum tamen hæc pars sensu exquisito donata non sit, & obstructions plerumque graue incommodum ægrotantibus non afferant ; sæpe negliguntur, & aliorum morborum maximè periculosorum causæ esse solent.

Curatio huius affectus eadem instituenda est, quæ in hepatis obstructionibus fuit proposita, eaque inde erit repetenda.

C A P V T II.

De inflammatione mesenterij.

CUm mesenterium, vt antea dictum est, sit veluti sentina, ad quam partes nobiles superfluitates suas deponunt ; quæ postmodum per vomitum, aut secesum, à natura excluduntur ; vt in nonnullis videre liceat, insignem vitiosorum humorum copiam, per interualla

terualla, vomitu aut secessu excerni: si vacuationes illæ impediuntur, obturatis viis per quas ferri solebant, vel ab alia quapiam causa, humores illi retenti, & diu in parte commorantes, calorem præternaturalem concipiunt, vnde putredines, inflammationes, febres variæ, & abscessus oriuntur. At inflammatio specialiter concitatur, quando sanguis in venis mesaraicis cumulat, per alicuius rami apertionem in mesenterij substantiam effunditur: cum autem in iis venis, propter obstructions maximè cumuletur; ideò omnes obstructionum causæ, ad inflammationis causas etiam referri poterunt.

Ad hanc etiam inflammationem efficiendam plurimum confert humorum congestorum acrimonia, & erosio; lapsus aut percussio regionis hypogastricæ: facultatis hepatis attracticis, concoctricis, aut retentricis debilitas; corporis calefactio nimia, vel refrigerantium vsus intempestiuus; motus criticus naturæ in febribus malignis, aut variolis, humores peccantes in hanc sententiam demandantis; diarrhœa, vel dysenteria intempestiuè suppressa.

Signa inflammationis mesenterij diagnostica sunt, febris languida, occulta & lenta, absque siti, & grauioribus symptomatis: anorexia; tensionis & grauitatis sensus subter ventriculum, citra magnam duritiem, & quæ non nisi pressu dignoscitur; citra dolorem etiam, saltem effatu dignum, quia pars obtuso sensu donata est: egestionis chylosæ, quas plerumque ichor tenuis consequitur, sine vlllo doloris sensu, modò seorsim ac sincerus, modo fecibus permixtus.

Mitiora sunt omnia symptomata prædicta, si mesenterium solum inflammatione afficiatur: si vero hepar, aut lien, aut intestina simul inflammatione tententur, vehementiora sunt omnia symptomata: ac præterea peculiariora

liaria prædictarum partium affectarum signa apparebunt, ex suis capitibus desumenda. Cum enim huius partis inflammationes, & abscessus maximè lateant, si solitarij sint, propter obtusum partis sensum, & quia nullam in corpore edit actionem, cuius læsio internosci valeat: sed vsum tantum habeat, chyli & sanguinis distributioni inservientem, idè obliquè magis, quàm directè, & artificiosa coniectura, internoscendi sunt; si nimirum præsentè febre, alijsque symptomatis, nulla affecti hepatis, lienis, aut intestinorum signa appareant. Speciatim verò intestina simul cum mesenterio inflammarì, ostendit febris hemetritæus, quam observavit Spiegelius plerumque ab harum partium inflammatione exoriri. A musculorum etiam abdominis inflammatione discernitur hic affectus, quòd tumor, ac dolor secundum eorum ductum, figuram, ac positum protenditur. Plerumque verò illi musculorù abdominis tumores oblongi sunt, aut per totum ventrem diffusi, & partes externas magis occupantes, vt leui còtactu statim percipiuntur, & insignem dolorem, ac febrem inferre soleant.

Denique distinguendus est hic affectus à diaphragmatis tumoribus, qui paucissimis hætenus Medicis innotuerunt. In illis autem perpetuò insignis est respirandi difficultas, hypochondria reuulsa, pulsus durus ac parvus, citra omnem tumoris in hypochondrijs sensum aut apparentiam. Tum si tumor fiat à materia calida, febris acuta, dolor intensus, deliria, & convulsiones insequuntur, quæ symptomata in mesenterij inflammationibus solitarijs nunquam contingunt.

Quod ad prognosim attinet: periculosissimus est hic affectus, qui plerumque in abscessum degenerat, vel putredo, ac corruptio mesenterio inducitur. Sæpe etiam materia morbifica aliò à natura transmittitur, non tamen planè tollitur, vnde malum recrudescit, & sæpe ad multos

multos annos , & per totum vitæ tempus perseverat , nunc febre redeunte , nunc eâdem in colicos dolores permutatâ , ac inflammatione , vel phlogosi saltem redeunte.

Curatio inflammationis mesenterij , ab hepatis , & lienis inflammationis curatione absimilis non est , illa idèd à suis caputibus huc erit transferenda.

C A P V T I I I .

De abscessu , ulcere , & scirrho mesenterij.

INflammatiô mesenterij sæpe in abscessum degenerat. Omnis autem abscessus mesenterij non fit ab inflammatione ; sed plerumque à vitiosis humoribus in ea parte cumulatis , ac putrescentibus ; ita vt huiusmodi abscessus sensim producantur sine febre præcedente , aut alio graui symptomate ; quemadmodum videmus in aliis partibus atheromata , steatomata , & melicerides , & alia abscessuum genera sine inflammatione præcedente generari. Et dum illi abscessus disrumpuntur , euacuato pure , vlcus remanet , quod difficilem curationem recipit. Si verò illi humores valdè pituitosi sint , aut melancholici , & putredini ac corruptioni resistent , concrevant non rarò & indurantur , atque in scirrhum degenerant : imò verò interdum lapideam duritiem acquirunt , prout multorum obseruationibus constat lapides in mesenterio fuisse repertos.

Diagnosîs abscessuum mesenterij interdum facilis est , interdum vero difficillima. Si enim ab inflammatione eiusdem partis fiat , eâ antea perceptâ , signis superiori capite propositis , & diutius perseverante , indicium est in

inflammationem discuti non potuisse, sed fuisse suppuratam, atque in abscessum conuersam. At verò quando abscessus ab humoribus prauis, in mesenterio diu commorantibus, ac tandem putrescentibus exoritur; difficillima est illius diagnosi, ita vt plurimi autores, qui talium abscessuum obseruationes scripserunt, eos non nisi post mortem, & dissecta cadauata innotuisse referant. Licet enim vt plurimum tactu dignosci valeant, aliquando tamen tam altè sepulti sunt, vt neque ipso tactu deprehendi possint, & partis sensus adeò est obtusus, vt nullo dolore sese interdunt probant. Quia tamen ista variis modis contingunt, insequentem modum distinguenda sunt.

Si abscessus mesenterij tumorem habeat conspicuum, ille primùm ab inflammatione, & scirrho discernendus est. Ab inflammatione distinguitur, si ab ea ortum non duxerit, quòd nulla adest febris, aut certè perexigua, & nulla etiam præcessit, neque alia signa, quæ inflammationem indicare potuerint. Si verò inflammationem sequatur, non aliter distingui potest, quàm duratione, ac perseverantia: si enim inflammationis signa per 30. aut 40. dies, aut amplius perseverauerint, signum est eam in abscessum abiisse. A scirrho verò distinguitur per duritiem, quæ maxima est in scirrho, in abscessu verò quædam mollities apparet; tum etiam ex doloris carentia omnimoda, cum in abscessu aliquis semper dolor perferentiatur, saltem ex violenta compressione. Præterea illè tumor ab aliarum partium tumoribus discernendus est, per situm illius, quemadmodum suprà de inflammatione mesenterij dictum est.

Si vero abscessus in mesenterio lateat, sine vlllo tumore conspicuo; nulla dari potest certa illius tecmarfis: artificiosa tamen coniecturà ad magnam illius suspicionem peruenire possumus: si nimirum cibi fastidium,

nausea

nausea, vel vomitus adsit, citra ventriculi vitium manifestum; & magna velutisatietas post assumptum cibum etiam paucissimum; lassitudines totius corporis, ac languores sine causa manifesta; alius vel suppressa præter consuetudinem, vel fluidior, ex qua foetidissima excrementa deiiciuntur, & interdum sanguinolenta, citra ullam dysenteriae suspicionem. Quibus addere licet vigilas continuas, & si somnus aliquando irruerit, eum ægri difficilè ferunt, animi exolutionem, ac sudores frigidos incurrunt. Ac licet interdum nulla febris, nullusque dolor appareat; ut plurimum tamen febris quædam lenta conspicitur, cuius si nulla causa manifesta appareat, ab hoc malo dependere coniiciendum est, si nonnulla ex signis propositis adiuncta fuerint. Tum etiam si abdomen violenter comprimatur, dolor aliquis interiùs ab ægrotante percipitur. Verum quidem est, in partibus etiam sanis dolores excitari vehementi compressione; attamen si maior dolor in vna parte abdominis percipitur, quàm in alia; ita ut cum omnes partes illius, & omnia loca sigillatim contrectantur, dum manus contractans ad certum, & peculiarem locum peruenit, in eo perpetuò, & contractione iterata, maior dolor percipitur, magnam facit coniecturam abscessus in eo loco latantis.

Si verò tandem purulenta materia excernatur, tunc abscessus latens fiet manifestus. Ut plurimum autem per aluum pus excernitur, variis conditionibus donatum, pro varia partis affectæ, & vicinarum diathesi. Hinc modò pus sincerum, & albicans, magnâ copiâ, nullòque doloris sensu, per venas mesaraicas in intestina profunditur: modo abscessu ad crassiora, & postrema intestina vergente, facibus alui permixtum redditur: modò ad renes propellitur, & cum urinis excernitur, modò

modò inter peritonæum, & abdominis musculos copiosè profusum, vel in cavitatem ventris, rupto peritonæo, profluit; vel per abscessum exterius erumpit, ita vt interdum magna puris copia per vmbilicum effundatur, & nonnunquam vermes ex mesenterij corruptela geniti cum pure emittantur. Et quidem per alium excrementum pus (quæ via frequentior est) modò syncerum, vt antea dictum est, modò sanguini, aut saniei permixtum apparet: modò sanguis niger ac fœtidus, modò alia materia nigra, aut variis coloribus infecta excernitur. Vtrum verò purulenta materia à mesenterio, hepate, liene, aut alia parte procedat, ex propriis cuiusque partis affectæ signis innotescet.

Rupto abscessu, & puris effluxu perseverante, vlcus in mesenterio latere certissimum est, quod interdum breui curatur, interdum diutissimè permanet, & nonnunquam partem vniuersam in putredinem, ac sphacelum perducit.

Quoad prognosim attinet. Abscessus mesenterij periculosissimus est. Si enim in parte diutissimè asseruetur, vt sæpè contingit, malignam acquirit putredinem, & vel parti gangrænam inducit, vel ægrum in tabem, aut hydropem præcipitat. Si verò rumpatur, & vlcus citò non curetur, prauamque conditionem acquirat, similem habet exitum, gangrænam, atrophiam, aut hydropem inducens. Interdum etiam rupto abscessu, & pure validè corrupto in abdominis capacitatem effuso, æger subito perimitur. Scirrhus verò mesenterij minùs periculosus est, & si recens fuerit, curationem admittit. Si verò admodum inueteratus sit, in hydropem ægotantem perducit.

Curatio horum affectuum iuxta eorum diuersitatem varianda est. Ac primum abscessus iam genitus sui

apertionem & euacuationem indicat; eaque molienda erit aperientibus & purgantibus medicamentis, quæ in obstructionibus hepatis & lienis proposita sunt, non omisissis externis emollientibus & relaxantibus, fomentis, cataplasmatibus & linimentis, quæ materiam abscessus attenuant, & vias relaxant, ut commodius euacuatio puris obtineri valeat.

Aperto abscessu vlcus detergendum & consolidandum est. Cui vsui plurimum conferre poterunt remedia in vlceribus ventriculi, hepatis, renum & vteri proposita; quorum delectum prudens Medicus habere poterit, pro varia corporum & affectuum diathesi.

Scirrhus verò mesenterij iisdem remediis curandus est; quæ pro hepatis & lienis scirrho proposita sunt.

C A P V T . IV.

De morbis pancreatis.

Pancreatis actionem antiqui Anatomei nullam agnouerunt, sed vsu tantum, ut vasa fulciat, ne ruptionis periculo sint exposita; & ut ventriculo sit puluinatis instat, ne nimium repletus à vertebrarum duritie lædatur. At recentiores Anatomei actionem ipsi, eamque magni momenti tribuerunt; nimirum primam chyli præparationem illiusque cōfæcationem, ut magis elaboratus hepati subministretur; cuius rei coniecturam manifestam exhibere videntur venæ lacteæ, quæ in pancreas omnes deferuntur, & in illius substantiam variis anfractibus disseminantur. Præterea in medio pancreatis ductus patens reperitur, qui ad intestina protenditur

protenditur, per quem chyli excrementa repurgari rationi consentaneum est: Idè pancreas suos etiã patitur morbos, qui maximam toti corpori noxam inferre possunt: ac præsertim obstructions, atque tumores, quemadmodum mesenterium; quando materia chylosa crudior ac crassior, neque satis in ventriculo elaborata ad ipsum transfertur, ab eoque liberum non habet effluxum.

Scirrhum pancreatis observavit Riolanus in Augusto Thuano, (qui sui temporis historiam latino idiomate elegantissimè scripsit,) qui cùm per quatuor annos inter alia symptomata gravitatis sensum in regione stomachi continuò perciperet præcipuè dum staret, vel ambularet; hypochondria verò nec tumida, nec dura apparerent: post obitum tandem pancreas inuentum est hepatis magnitudine æquans, totumque scirrhosum, multis globulis specie oui columbini refer-
tum.

Cùm autem pancreas à ventriculo tegatur, tumores illius difficillimè tactu deprehendi possunt; & hæc causa est cur eorum mentio vulgò à practicis nulla fiat, & qui eos observarunt, post obitum tantum & dissectis cadaueribus deprehenderint. Non exigua tamen eorum coniectura haberi potest ex iis quæ in Thuano Riolanus notavit, si nempe ponderis & gravitatis sensus in regione ventriculi percipiatur, & nullus tumor, nullaque durities in hypochondriis appareant; alia tamen obstructionum latentium indicia adsint, qualia in hepatis, lienis, ac mesenterij obstructionibus proposita sunt. Quibus etiã signis addi possunt dolor, & alia symptomata ventriculi propter viciniam patientis, respiratio difficilis; ob diaphragmatis compressionem. Quibus signis aliàs coniecimus nos D. Audeyerium in Senatu Gratianopolitano Præsidem, scirrhum habere in

pancreate, eumque etiamnum tactu deprehendere potuimus, manu ad latera ventriculi versus medium profundius adacta, cum esset valde macilentus: & duritiem in ea parte animaduertimus, quæ digitis compressa dolorem ipsi non mediocrem inferebat: quæ historia fuscè à nobis descripta est in obseruatione 81. centur. 3. Et in scorbuti diagnosi hoc annotauimus (quod à nullo hactenus eorum, qui de Scorbuto scripserunt, est animaduersum) in omnibus propemodum scorbuticis tumores huiusmodi pancreaticis generari; cum in iis angustia, oppressio, & grauitas in regione ventriculi percipiatur; & hoc signum veluti pathognomicum scorbuti, ab Eugaleno, Sennerto, aliisque proponatur.

Abscessuum etiam in pancreate repertorum historia nonnullæ apud authores reperiuntur, qui viuis agrotantibus detecti non fuerant. Attamen ex symptomatibus, quibus affecti fuerant, aliquatenus internosci possunt; quorum nonnulla cum prædictis scirrhum eiusdem partis indicantibus communia sunt; iisque addi possunt febris lenta abscessuum internorum (saltem maiori parte) comes indiuidua; vigiliæ iuges, ac somni breuissimi, ab iisque labores, lipothymia, & sudores frigidi.

Curatio obstructionis, scirrhi, & abscessus pancreatici, eadem esse debet, cum ea, quæ iisdem morbis hepar, lienem, & mesenterium affligentibus adscripta est. Ea idè ex illis capitibus erit depromenda.

CAPUT V.

De Affectibus Omenti.

Cvmomentum pars mollis sit, & adiposa & recipiendis humoribus aliunde confluentibus propter laxitatem maximè idonea, pluribus etiam morbis, non minus ac mesenterium, atque panceras, obnoxium est. qui tamen ab authoribus non describuntur, quia vix ac ne vix quidem in viuentibus discerni queunt, sed ex apertione cadauerum tantùm innotescunt, vt ex historiis quibusdam in obseruationibus propositis videre est. Sic narrat Vesalius se in dissecto cadauere omentum vidisse adeò tumefactum, vt quinque librarum pondus æquaret, cùm naturaliter sese habens vix libræ semis pondus excedat. Rousselus *lia. de partu cesareo*, refert Lutetiæ in aperto cadauere insignem abscessum in omento fuisse repertum. Riolanus in Anthropographia, se omentum nobilis adolenscentis 19. annos nati vidisse testatur, multis glandulis refertum quibus insignem humorum illuuiem exceperat, mesenterio & pancreate ex abscessu putrefactis, & liene valdè imminuto, ac penè consumpto. Nos verò in Canonico Monspeliensi omentum vidimus scirrhum totam Epigastrij regionem occupans, & quatuor digitorum transuersorum crassitudinem æquans: ille autem tumor, lienis colorem referebat, vt verisimile fuerit humorem melancholicum à liene in eam partem translatum & cumulatam fuisse, cùm ager temperamento valde melancholico donatus fuisset, & via patentissima sit per ramos splenicos à liene ad omentum: per quos etiam ramos in hydrope non

rarò (vt docuit Hippocrates) aqua fertur à liene ad omentum , à quo in capacitatem abdominis sensim extillat.

Cùm autem omenti tumores à mesenterij tumoribus nullâ arte distingui valeant , ideò certa illorum dignosis statui non potest. Verum quidem est tumores omenti primò contactu faciliùs percipi , cùm peritonæo immediatè subiectum sit ; mesenterium verò profundiorè obtineat situm. Sed tumores mesenterij grãdiores ad peritonæum ascendunt : imò verò cum eo , & muscoli Epigastrij ita interdum vniuntur , vt suppuratione facta per vmbilicum aut partes alias externas expurgentur.

Hæc tamen diagnofis difficultas curationi non officit, quandoquidem omnibus tumoribus eiusdem speciei , ventris inferioris partes occupantibus , eadem adhibetur medela : quæ tamen in omento infelicius succedit, quandoquidem non habet vias ita idoneas, quemadmodum reliquæ partes , per quas expurgari valeat.



PRAXEOS
MEDICÆ
LIBER XIV.

De affectibus renum, & vesica.

PRÆFATIO.

RENES & vesica varios & omnis generis patiuntur affectus; similes, organicos, & communes ex quibus varia etiam symptomata, tum in actionibus lesis, tum in vitiis excretorum, oriuntur. Nos horum affectuum præcipuos novem capitibus complectemur. Quorum primum erit de calculo renum & dolore nephritico. Secundum de calculo vesicae. Tertium de inflammatione renum & vesicae. Quartum de mictu sanguinolento. Quintum de ulcere renum, & vesicae. Sextum de diabete. Septimum de urina incontinentia. Octavum de ischuria & stranguria. Nonum de dysuria, seu ardore urinae.

CAPVT PRIMVM.

De dolore nephritico, & calculo renum.

Dolor nephriticus ille nominatur, qui renes aut vteres affligit. Apud vulgus colica nephritica dicitur, propter maximam affinitatem, quæ ipsi cum colico dolore intercedit: ita vt sæpè non parùm difficile sit vtrumque affectum inuicem distinguere, vt in diagnosi patebit.

Multiplex huius doloris causa statuitur, frequentissima tamen est calculus, aut pituita crassa. Calculus in renemoram trahens dolorem, aut nullum, aut obtusum efficit, propterea quòd renum substantia obtuso sensu donata est. Si verò in caput vteris demittatur, vel illius canalem suceat, eumque distendat, neque ad vesicam propter magnitudinem propelli valeat, tunc dolores atroces mouet, & ægotantem mirum in modum excruciat. Pituita verò crassa vteribus impacta, eos etiam distendit, & dolorem nephriticum producit.

Minus verò frequentes causæ sunt, grumus sanguinis vteribus impactus, vel pus crassius à renibus, aut aliis partibus superioribus in vteres deductum. Interdum etiam flatus in vterum cavitates sese insinuant, & dolores atrocissimos inducunt.

De calculo, doloris nephritici præcipua causa, & magis ordinaria, quamplurimæ apud authores agitantur controuersiæ, quas accuratè persequi instituti nostri ratio non patitur. Sed ea tantum attingemus, quæ ad illius naturam & causas stabiliendas necessaria sunt.

Ac primum dubitatur, sub quo affectuum genere calculus

culus constituendus sit. Galenus inter morbos in numero collocat, eorum qui sunt toto genere præter naturam, quemadmodum & lumbricos. Licet enim propriè morbus in numero respiciat partes viuentes, quarum numerus auctus, vel imminutus, morbum istum organicum constituit, ea tamen quæ præternaturaliter addita sunt numero eorum, ex quibus corpus naturaliter componitur, ad morbos in numero referri debent; ita vt etiam qualitates nudæ interdum ad morbos in numero referantur, quando immediatè actiones lædunt, vt color flauus in oculo icterici, sonitus excedens in aure, & sapor amarus in lingua.

Plerumque tamen calculus inter causas morbificas collocandus est, quatenus obstructionem, vel distensionem parit.

Inter symptomata etiam collocari potest excreta scilicet, & retenta. Si enim in renibus, vteribus, aut vesica retineatur, cum excerni melius foret, ad præter naturam retenta reuocandus est: dum verò excernitur, ad excretum toto genere præter naturam est referendus.

At verò circa calculi causam, tum materialem, tum efficientem maior est difficultas. Galenus cum asseclis censuit, causam calculi materialem esse materiam pituitosam, crassam, viscidam & lentam, concretioni idoneam, & vt recentiores loquuntur, sæculentam, limosam & tartaream: efficientem verò calorem, materiam illam exsiccantem & indurantem, atque in lapidem tandem conuertentem. Quæ doctrina grauissimis impugnatur rationibus.

Primo enim si ex materia pituitosa, viscida & crassa calculi generarentur, in cerebro & ventriculo frequenter producerentur, in quibus talis pituita maximè re-
dunda. Neque sufficit dicere, in illis partibus calorem

non esse sufficientem ad concretionem efficiendam. Si-
quidem ex Hippocratis & Galeni doctrina, calor remis-
sus actione diuturniori, sufficit ad concretionem effi-
ciendam. Et hinc ratio petitur, cur senes ad calculorum
generationem sint magis dispositi, cum iuvenes ha-
beant renes longè calidiores; quia nimirum materia
calculi diutiùs moratur in renibus senum, propter im-
becillitatem facultatis expultricis, & ita diutiùs coqui-
tur à calore renum, ab eoque tandem induratur, licet
longè remissior sit.

Secundò, ex Aristotel. 2. *meteor. cap. 4.* quæ concre-
scunt à calore, liquantur ab humido: sic lutum à ca-
lore solis induratum, in humido liquatur. Calculus
autem nunquam dissolvitur in aqua. Neque obstat di-
cere, fortem calorem tantam concretionem efficere, ut
in humido solui nequeat: quemadmodum in lateribus
contingit, qui probè cocti in fornace, postmodum in
aqua non solvuntur. Nam primum in corpore humano
tantus calor non reperitur, deinde laterum concretio
ab aqua non solubilis, minimè dependet à calore in-
tensiori; sed potius à dispositione argillæ, ex qua
lateres conficiuntur, quæ habet materiam lapideam
consistentiæ, & indissolubili acquirendæ idoneam.
Lutum enim ex terra vulgari conflatum, quantumvis
coquatur in fornace, nunquam lateritiâ consi-
stentiâ acquireret, sed perpetuò in humido lique-
scet.

Tertiò, ex eodem Arist. *loc. cit.* calor concretionem
efficiens debet esse siccus, hoc enim præstat per exsiccationem & parvum humidarum resolutionem. At per-
petua fit humiditatis serosæ affusio in renes & vesicam.
Ergo talis exsiccatio & induratio in iis partibus non
potest fieri.

Quartò, in fluminibus & fontibus lapides generantur,
in

in quibus nullus est color, imò vero in cauernis & speluncis frigidioribus nonnullis, aqua stillans condensatur in lapidem, vnde pyramides & aliæ figuræ exurgunt. Ergo alia causa efficiens inquirenda est præter calorem, & alia materia præter humorem viscidum ac glutinosum.

Quinto, pituita indurata gypseam induit naturam, & semper friabilis est, vt in tophis articulorum videre est. At calculi non raro silicei sunt, quam consistentiam ex pituita obtinere non possunt. Neque tantus calor in corpore humano reperitur, qui siliceam illam consistentiam tali materiæ indere possit.

Omnium sæculorum Medicos decepit mucosa illa pituita, quæ multorum calculosorum vrinis reperitur, ipsamque proximam calculi materiam esse putauerunt. In quo tamen longè à veritate aberrarunt. Nam primo, in renum calculo mucosæ illæ vrinæ vt plurimum non apparent: sed frequentius in calculo vesicæ. Si autem hæc esset calculi materia, in vtriusque partis calculo æqualiter appareret. Ergo ex affectu vesicæ proprio & peculiari hæc materia maximè dependet. Est nimirum vesicæ malè affectæ excrementum: hic autem vesicæ affectus talis est. Docuit autopsia in eorum cadaueribus, qui ex calculo vesicæ obierant, & humorem illum mucosum diu multumque cum vrinis excreuerant: vesicæ corpus carnosum euasisse, & digiti, vut pollicis crassitiem adeptum esse, ita vt totam illius cauitatem interdum impleat, & ipsum calculum proximè amplectatur, donec tandem vrinam supprimens, ægrum miserè iugulet. In iis verò qui vrinam tenuem, claram & aquosam reddiderant; vesicæ substantia membranosa, & in statu naturali constituta apparuit. Quorum euentuum ratio desumitur ex Hipp. Aph. 66. sect. 5. *Si in vulneribus præcis & magnis tumor*

non appareat, ingens malum. Rationem reddit Galenus, quia suspicio oritur humores, qui ob dolorem ad vulnera defluunt, iam ad partes principaliores transmeare. Præterea omnibus partibus insitum est, docente eodem Galen. *lib. de differ. febr. cap. 11.* ut quæcumque robustior est, id quod noxium est, aut superfluum, ad debiliorem transmittat, nec cesset illa transmissio, donec ad imbecillinam ventum sit. Cum autem pars vulnerata admodum debilis sit, ac proinde ad excipiendos humores maximè disposita, si illi ad eam non deferantur, signum est alias partes admodum esse debiles, quæ talem transmissionem moliri nequeant, aut alias esse vulneratâ debiliores; ad quas humores deferantur. Non solum autem humores vitiosi ad partem vulneratam deferuntur, sed etiam sanguis laudabilis, quem natura maiori copiâ ad partem afflictam transmittit, ut illi suppetias ferat quantum potest. Hæc omnia locum habent in vesicâ à calculo oppressa. Calculus grandior, aut inæqualis, vel aculeis præditus, vesicæ tunicam interiorem vellicat; unde dolor, & imbecillitas parti accedit. Natura verò illi suppetias ferens, solito copiosorem sanguinem ad eam mittit; tum reliquæ partes robustiores, superfluitates suas ad eam deponunt. Hosce humores vesicæ substantia concoquit & assimilât quantum potest, sicque ex copiosiori sanguine copiosius sumens alimentum accrescit, & crassior atque carnosior euadit. Cum autem totum sanguinem affluentem, multò minùs humores vitiosos sibi assimilare nequeat, inde multa exoritur excrementorum illuies, quæ ex propria partis natura, pituitosam illam ac mucilaginosam formam induere consuevit. In iis autem calculosis, qui urinam claram, tenuem, & aquosam reddunt; vel quiescens calculus dolorem non parit, qui talis attractionis causa sit; vel aliæ sunt partes

partes vesicæ debiliores, ad quas reliqua membra sese exonerant.

Quia verò hæc doctrina præconceptam multorum sæculorum opinionem diruit, luculenco vteri exemplo roboranda est. Vteri substantia, sicut & vesicæ, membranea est: at in prægnantibus tota penè carnea euadit, atque ita crassa, vt postremis mensibus duorum digitorum crassitiem æquet. Quia natura toto gestationis tempore multum sanguinem ad vterum mittit, foetus nutriendi gratiâ, quia cum à foetu totus non absumatur, portio quædam illius vtero apponitur, & inde cum foetu ad partum vsque continuò augetur. Idem in vesica contingit, quamuis præternaturaliter (cum in vtero naturaliter fiat) vt quando maior sanguinis quantitas ad eam confluit; portionem illius in propriam substantiam conuertat, & illa inde maiorem crassitiem acquirat. Si verò contingat, extra grauiditatem, vterum intemperie aliqua insigni, aut alio quouis affectu laborantem, debiliorem reddi, tum humores superflui ab aliis partibus ad eum transmittuntur, qui cum sufficienter assimilari nequeant, multa inde emergit excrementorum illuies, quæ per fluorem muliebrem, seu menstrua alba quotidie expurgatur. Et ille fluxus albus mulierum est proprium vteri excrementum, quemadmodum mucilaginosa vrinæ portio est excrementum vesicæ. Idem in renibus contingit, quamuis non ita frequenter, vt quando à calculo, eorum substantiæ impactò, dolor atque imbecillitas iis inducitur, ad eos natura multum sanguinem multosque humores demittat, qui cum parti assimilari nequeant, saltem maiori parte, in excrementum crassum ac mucilaginofum conuertuntur, quod magnâ copiâ cum vrinis excernitur, idque astantes, ac Medici vulgares purulentam materiam esse putant, quæ tamen merè pituitosa est, aut saltem exiguo

guo puri permixta, quando scilicet a calculo per attritionem vlcus in renibus genitum est.

Recentiores nonnulli prædictis rationibus conuicti, causam materialem calculi statuerunt, succum lapidescentem; efficientem verò spiritum quemdam lapidificum. Succum lapidescentem vocant humorem quemdam, innatâ & peculiari vti præditum, vt in lapidem conuertatur. Hunc vero probare contendunt ex generatione lapidum quæ fit in maiori mundo. Siquidem quamplurimis historiis constat, à non paucis autoribus collectis, aquas quorundam fontium in lapides & saxa conuerti; alias, quæcumque iniiciuntur, ligna, stirpes, animalia, intra paucos dies, crustâ lapideâ obducere; liquores in quorundam montium cauernis, in stirias & columnas conuerti: ac denique videmus quandam vini portiunculam, lapideam duritiem acquirere, quæ doliorum parietibus adhærescit, & tartarum nominatur; tum etiam in ipsis vrinis, quæ claræ ac limpidae redduntur, postquam refrigeratæ sunt, in lapideam quandam substantiam concreescere, & matula parietibus adhærere. Quamuis autem peculiaris illa materiæ aptitudo, vt in lapidem conuertatur, satis cognita non sit; nonnulli tamen eam inuenisse putant, dicentes, hoc ex salibus prouenire, cum terrea quadam portione permixtis. Sales quidam soli facile concrescunt, sed in humido etiam facile soluantur; at si cum materia terrestri aut lutosa sibi analogâ coniungantur, causæ efficientis vi lapideam naturam acquirunt. Sic videmus in vino saltem istum cum materiæ faculentæ portione mixtum, in lapideam duritiem iuxta dolium concreescere: tartarum enim calcinatum, totum ferè in salem abit, quod ostendit illud ex sale potissimum coagmentari. Sic etiam in vrinis plurimum salem in se continentibus, præcipuè illis, quibus limo-

fa, ac lutosa materia permiscetur, tartaream ac lapidosam materiam concrefcere vidimus, matulæ parietibus adhærentem. Hæc autem salina materia, quæ cum urinis permiscetur, provenit ab esculentis & potulentis, quæ huiusmodi salibus abundant, qui corpore benè se habente foras eiciuntur, neque in renibus retinentur, absente præsertim causa efficiente, quæ siue potens fuerit in ipsa materia; siue ex propria renum diathesi dependeat; calculorum concretionem promouet in renibus & vesica.

Causam igitur efficientem calculi vocamus spiritum lapidificum; Fernelius verò appellat calculosam dispositionem, quæ renibus insita est, hæreditario iure ut plurimum adepta, cum iste affectus inter hæreditarios principem ferè locum obtineat. Nos verò satius esse ducimus causam istam efficientem spiritum lapidificum appellare, qui multò latius patet, quàm calculosa illa Fernelij, arenosaque renum dispositio. Nam primo in iis qui talem à natura, aut hæreditario iure, renum dispositionem non habent, calculi etiam generabuntur, si alimentis continuò, & maximâ copîa utantur, quæ plurimum succi lapidescentis in se contineant, aut aquas bibant tali succo abundantes, quia in illis aquis aut cibis non solum adest causa materialis, sed etiam spiritus lapidificus illis insitus est, qui seminis instar, lapidis formam inducit: unde non malè Hermetici causam lapidum efficientem ad propria semina referunt, quæ in materia disposita suæ speciei lapidem producant.

Præterea à spiritu quodam lapidifico calculos generari ostenditur historiis luculentis, à variis autoribus relatis, hominum, brutorum; aliarumque rerum, spiritu quodam à terra expirato, in lapides & saxa conuersorum. Sic apud Aventinum lib., *Annal. Bavaric.*
legere

legere est , anno 1343. ex terræ motu plures quàm quinquaginta rusticos , item vaccas emulgentes, cum ipsis vaccis extinctos diriguisse , & corpora in salinas ac lapideas statuas redacta fuisse. Sic narrat Ortellius in *descriptione Russia* de pecudum gregibus & armentis illicò petrefactis. Sic refert Camerarius de aura meridionali certis anni temporibus flante in locis montanis Prouinciæ Chilenfis in Armenia; cuius afflatu integræ equitum turmæ, in statuas lapides subitò conuersæ sint, steterintque in via eo aciei ordine quo ante metamorphosim erant dispositæ.

Ille autem spiritus lapidificus, non solùm in calculosorum renibus residet , sed etiam in succo lapidescente ab esculentis & potulentis separato ; ita vt dum potentior non est , vtriusque concursus necessarius sit : vnde multi reperiuntur , qui cibis vtentes ad calculi generationem aliquantulùm idoneis , calculos producunt ; concurrente calculosâ renum dispositione , vel spiritu lapidifico renibus infixò. Si verò renes à spiritu illo immunes sint ; ex talibus cibis calculi non fiunt, quia vis illorum lapidifica satis potens non est , vt sine renum concursu , materiam illam in lapideam duriem conuertere valeat. Contrà verò si vis lapidifica longè potentior sit in iis quæ assumuntur , & frequens sit eorum vsus , calculi producentur , etiam si renes tali dispositione , aut spiritu lapidifico orbati sint. Sic videmus in quibusdam locis, vbi aquæ vel vina succo lapidescente plurimo abundant , maximam incolarum partem calculis laborare : vt de Ciconibus apud Ouidium videre est his versibus.

Flumen habent Cicones, quod potum saxea reddit

Viscera, quod totis inducit marmora rebus.

Et vice versâ, si vis illa lapidifica in renibus calculosis maximè vigeat, ex quibuslibet alimentis , quantumuis laudabilibus

laudabilibus, calculos generabit. Sic ante triennium mihi videre contigit, virum quemdam, qui per tres aut quatuor menses plusquam duodecim calculos exiguos singulis diebus cum vrinis reddebat, cum tamen toto illo tempore solis iusculis aut panatellis, lecto affixus, & graniter laborans, vesceretur.

Caulæ calculi antecedentes & procat arcticæ, vel ad materiam calculi suppeditandam faciunt, vel respiciunt constitutionē renū ob quā calculi facilius concreſcunt.

Materiæ calculi generandæ ac cumulandæ plurimum conferunt; ventriculus, hepar, lien, & renes. Ventriculus primum, si non benè concoquat, crudus chylus in hepar deducitur; indeque impuri, ac terrestres succi cum sero in renes deriuntur. Hepar calidius materiam chylosam torret, & calculo generando idoneam reddit; tum etiam frigidius sanguinem crudum producit, huic etiam operi aptissimum. Lien debilis vel obstructus, aut quoquo inodo intemperatus, sæculentam sanguinis partem sufficienter non expurgat, eiusque portionem ad renes amandat, quæ ad calculosæ materiæ elaborationē facilius disponitur. Ac denique renes, præter causam coniunctam, quæ est calculosa dispositio, duplici nomine causæ antecedentis rationem habere possunt, scilicet ratione tēperaturæ, vel cōformationis. Ratione temperaturæ calidioris, materiam calculosam attrahunt impensius, eamq; magis increassant; ratione vero cōformationis, si venæ emulgentes laxiores sint, ut materiæ illæ crassæ, & tartareæ facilius in renibus recipiantur; vterque verò angustiores, & vasa serosam materiam ad eos transmittentia, ut materiæ illæ crassæ liberum exitum non habeant, sed in renibus retineantur.

Præcipuè verò materiam calculi suppeditant alimēta crassa & viscosa, salsoque excremento referta, ut carnes bnbulæ, porcina, leporina, anserine, & quæ fumo

aut sale conditæ sunt, pisces saliti duriores, & ostracei, & anguillæ, legumina, caseus, omniaque lacticia, oua indurata, castaneæ, pyra, cydonia, mespila, panis azymus, & oryza; vinum crassum, austerum, & nigrum, vel nouum, & nondum defæcatum, aqua lacustres, aut succo lapidescente refertæ.

His addantur alimenta valdè calida, vt piper, zinziber, allia, cepæ, vinum vetus, & potens, quæ hepar & renes impensè calefaciunt; diuretica nimis fortia, quæ materiam morbificam potenter ad renes deturbant; vestimenta densiora, lecti plumei nimis calefacientes, balnea, venusimmoderatio, quæ renibus est inimicissima, exercitium vehemens, præsertim à pastu, nimia repletio, aut fames diuturna, ira vehemens & alia animi pathemata.

Signa calculi diagnostica seorsim spectata, æquiuoca sunt, & aliis morbis communia: si tamen omnia simul & coniunctim considerentur, certam diagnosim efficiunt.

Primum signum est, dolor fixus, & stabilis circa lumborum regionem, qui vt plurimum grauatiuus est, quando calculus infixus est parenchymati, illud enim obtusiori sensu donatum grauantem dolorem percipit. Quoties verò calculus in caput vreteris sese insinuat, tunc dolorem acutum & pungentem excitat, qui dolor nephriticus appellatur, tamdiu perseverans, quamdiu calculus ibi hæret: neque ægrum excruciare desinit, donec calculus aut in vesicæ cauitatem protrusus fuerit, aut in renis cauum remeauerit.

Secundum signum est, vrina cruenta, quæ fit ex apertis venulis aut erosio, in renis substantiam dispersis, ab attritione quæ fit à calculo ipsius parenchymati inhærente. At si paucissimus sanguis excernatur, colorem sanguinis amittit cum vrina permixtus, & vri-

na lixuium repræsentat. Perpetuum non est istud signum, & ab aliis causis non rarò dependet. At quando apparet, vnum ex præcipuis est, quod dolorem nephriticum à colico distinguit. Excitari autem solet ab equitatione, ambulatione multa, & alia quauis exercitatione vehementi; quia tunc calculus, si asper & angulosus sit, è sua sede dimotus, tenerrimam renis carnem proscindit ac dilacerat.

Tertium signum est, vrina tenuis, aquosa & pauca circa initium paroxysmi nephritici, quam interdum suppressio integra consequitur, si ambo vretes fuerint obstructi. At dum soluitur paroxysmus, & calculus vreteri impactus in vesicam demittitur, vrinæ crassæ, turbidæ & copiosæ excernuntur, arenosum sedimentum habentes.

Quartum signum est; arenularum & lapillorum frequens excretio. De calculis res ipsa loquitur. Si enim æger nonnullos antea excreuerit, quantumvis exiguos, quoties doloribus affligitur, à calculo affectum provenire certa coniectura est. At de arenulis non ita certò pronuntiare licet. Plurimos siquidem videre est, qui totâ vitâ multas arenulas cum vrinis profundunt, nunquam tamen calculo laborant. Non rarò enim arenulæ proveniunt ab humorum adustione, quæ in hepate ac venis fit; & illæ vitri parietibus adhærent, nec in fundo subsident, ut illæ quæ à renibus proveniunt. Prætereà digitis contritæ, dissoluuntur, & salinam substantiam referunt, cum aliæ digitis non cedant, & dissolui nullo modo valeant. Ac denique cum huiusmodi arenulæ salinam habeant substantiam, in calida vrina dissoluuntur, neque vllò modo in ea apparent, dum adhuc calida est: postquam verò refrixerit, coalescunt, & matulæ parietibus adhærent: non secus ac crystalli tartari, quæ in aqua calente dissolutæ,

dam illa refrigeratur, concreſcunt, & vasis parietibus adhærent, ita vt valdè ſimilis ſit huiusmodi arenularum, & cryſtalli tartari natura.

Quintum ſignum eſt, & omnium certiffimum, calculus excretus. Si enim aliquod ſignum ex ſuperioribus, quantumvis æquiuocum appareat, & aliàs calculus ab ægro excretus fuerit; calculoſum eſſe affectum certò pronuntiare poſſumus.

Sextum ſignum eſt, ſtupor cruris è directo renis laborantis. Calculus enim grandior neruum illum comprimit, qui in muſculos lumbares inferitur, renibus ſubſtratos, & ab Anatomicis *ſci*as nominatos, qui muſculi ad coxam deferuntur, motui eiſdem inferuientes. Talis ſtupor percipitur ex ſeſſione ſupra femur, ob compressionem; vel etiam in brachio ex decubitu ſupra illud diuturniori.

Septimum ſignum eſt, teſtis retractio, eiſ lateris in quod dolor eſt. Renes enim & vterque doloris acerbitate irritati, ſeſe vehementer contrahunt, ſimulque vaſa ſpermatice, & partes omnes vicinæ contrahunt, quæ quidem vaſa teſticulum ſibi annexum ſuſum retrahunt, vt inguini aliquando infixus videatur. Et iſta partium prædictarum retractio uſque ad veſicam & inteſtina extenditur. Siquidem in ſumma doloris acerbitate vrinæ, & alui excretio ſupprimitur; ita vt tunc temporis medicamenta purgantia nihil operentur, contractione illa eiſ actioni obſiſtente.

Octauum ſignum eſt, naſea & vomitus, ob connexionem renum cum ventriculo per membranam à peritonæo mutuata, & per neruum ſextæ coniugationis, cuius duo rami à ſtomacho in tunicam renum interiorem deferuntur. Idèd cum partes illæ ſentientes vellicantur in renibus, ventriculus compatiens ad rei noxiæ excluſionem irritatur, & primùm pituitam
reiecit

reiiicit, mox bilem flatuam, ac postmodum æruginosam, si malum protrahatur: quandoquidem ex diuturnis doloribus & vigiliis sanguis in venis alteratur; & portio illius magis disposita in bilem æruginosam commutatur.

Denique dolor nephriticus cum colico dolore tantam habet similitudinem, ut Galenus ipse in eorum distinctione deceptus fuerit, sicut à nobis relatum est in colici doloris diagnosi. Vbi etiam signa proposuimus, quibus hi duo affectus à se inuicem distingui valeant, ut non opus sit ea hic repetere.

Signa hæcenus proposita æquiuoca esse diximus, & vix vnicum eorum certam diagnosim posse constituere. Alia tamen nonnulla à quibusdam authoribus proponuntur, quæ adhuc magis sunt æquiuoca, & valde incerta; sed cum aliis adiuncta diagnosim adiuuant, illa idè enumerare non erit inutile.

Hipp. Aph. 34. sect. 7. *Quibus, inquit, bullæ in vrina narrant; nephritica mala, diuturnamque ægritudinem significant.* Fiunt enim huiusmodi bullæ à crassis humoribus flatu crassiori refertis, qui vel in renibus congeruntur, vel aliunde in eos transferuntur. Materia autem illa calculis gignendis idonea est, & non nisi longissimo tempore edomari potest, vnde diuturnam ægritudinem significant. Galenus in com. huius Aphorif. dicit, ab acritudine vrinarum aperiri ora arteriarum quæ renibus condonantur, atque ita prodire spiritum aliquem, qui vrinæ permixtus, bullas facit. Attamen verisimile non est ex arteriis spiritum ita crassum & stabilem emanare posse, ut vrina etiam refrigerata per longum tempus permanere valeat, quemadmodum videmus bullas huiusmodi per multas horas vrinis innatare. Deinde a pertis arteriarum osculis ab vrinæ acrimonia sanguis ab iis etiam efflueret. Imò verò orificia venarum tenuio-

ri tunica constantium facilius aperirentur ; & ita perpetuò urinae cruentæ cum huiusmodi bullis apparerent.

Idem Hipp. *Aph. 76. sect. 4. Quibuscumque cum urina crassa caruncula parua, ac veluti capilli quidam exeunt; iis è renibus excernuntur.* Carunculæ ab ulcere renū exeunt, de quibus infra dicemus. Filamenta verò à Gal. in com. referuntur in crudum lentamque pituitā calore renum intensiori in oblongam & teretem figuram conglobatam. Attamē idē Gal. 6. loc. af. c. 3. palā profitetur, se post anxiam & tædiosam venationē, causam tantæ longitudinis nescire. Auicenna dicit filamenta suam sortiri longitudinem in vasis renum vel aliis ; cū enim per diuretica sanentur, fateanturque ægrotantes se ex renibus laborare ; in renibus formam nancisci credibile est. Actuarius præcisè ad vretères refert. Quando enim renum sinus pituita abundat, cum urina ad vretères labitur, & lentore suo insigni vretèribus adhærens, tum præ calore crassescens, longam ac teretem effigiem, pilo cōsimilem acquirit. Fernelius verò scribit se animaduertisse ea filamenta è vasis parastatis deriuari, in quibus teretem & pilarem formam sortiuntur ; ex semiuis materia, quæ vi morbi sensim defluens, calore crassescit : apparere autem plurima in iis, qui fœda, exulcerataque gonorrhœa non ita pridem affecti fuere, & iis mulieribus, quibus albicantes menses profluunt, aut vterus fœda colluue turget ; item & sæpenuerò in urina, quæ prima fiat à concubitu. Alij denique arbitrantur, crassos eiusmodi, & lentos humores, è quibus ista filamenta nascuntur, in venis quidem primitus procreari, sed consistentiam & effigiem pilorum accipere in angustis renum meatibus, per quos veluti per cribri foramina capillaria traiciuntur, postea verò descendere in vretères, in quibus adhuc magis exsiccantur, donec à lotio in vesicam protrudantur, neque ob tenacitatem disrumpuntur.

Quidquid

Quidquid sit, cum ex communiori autorum sententia constet, hæc filamenta à pituita crassa in renibus genita, vel ad eos ab aliis partibus transmissa prouenire, certum est eam in calculum coagmentari posse, si causa efficiens calculis generandis idonea concurrat. Atque adeò ista filamenta signum calculi æquiuiocum suppeditare.

Quod ad prognosim spectat. Calculus renum valdè periculosus est; grauissima enim mala, vt inflammationem, exulcerationem, dolores atroces, vigilias, vi-rium deiectiones, febres, vrinæ suppressiones, aliaque symptomata perniciosa inferre consuevit.

Si affectus hæreditarius sit à parentibus contractus, incurabilis est.

Cum vitia renum & vesicæ in senibus difficulter curentur, ex Hipp. *Aph. 6. sect. 6.* calculus renum in ea ætate, curatu difficilis, vel potius insanabilis est.

Si dolor nephriticus ad plurimos dies perseueret, neque ullis medicamentis curari valeat, mortis adest periculum: eaque iam in propinquo est, cum frigiditas partes extremas, & sudor frigidus faciem occupat. Vrinæ quæ primùm tenues, postmodum verò crassæ apparent, & arenæ in fundo resident, morbi solutionem portendunt.

Calculus cum vlcere renum coniunctus, incurabilis est. Illa enim quæ lapidem frangunt, vlcus valdè exasperant.

Curatio doloris nephritici, & calculi renibus aut vteribus in hærentis perficitur, viarum dilatione ac relaxatione, calculorum, aut alterius materiæ dolorem efficientis exclusione, causæ antecedentis reuulsione ac sublatione; & doloris ipsius mitigatione. Quibus indicationibus frequentibus satisfiet remediis.

℞. Rad. althææ, & lilior. an. ʒ. j. fol. maluæ, violar. parietar. branc. vrsinæ, an. M. j. femin. leni, & foenugræci

fœnugræci, an. Vnc. ℥. ficuum pinguium par. iij. flor. cham. & meliloti, an. P. j. Coquantur ad ℥b. j. In colat. dissolue cassiæ & catholici, an. Drach. vj. ol. lilior. & violac. an. Vnc. j. ℥. butyri recentis Vnc. ij. Fiat clyster, iniiciendus statim.

Reiecto clystere aperiatur vena basilica cubiti dextri, vel sinistri, & mittantur sanguin. Vnc. viij. vel ix. pro viribus aut plenitudine ægrotantis: maximè enim necessaria est phlebotomia ad præcauendam inflammationem, quæ à dolore perseverante excitati potest.

Post venæ sectionem clyster sequens iniiciatur.

℥. Flor. chamæ. & melilot. summit. anethi, parietariæ, rutæ, an. M. ℥. sem. anisi, fœniculi, cumini, ana Vnc. sem. Fiat decoctio ad ℥b. j. In qua dissolue diaphœnici Vnc. sem. terebinth. vitello oui dissolutæ Vnc. j. ol. anathini, & scorpionum, ana Vnc. iij. Misce, fiat clyster.

Ad magis emolliendum, & dolorem leniendum, ex oleis componi potest in hunc modum, præmisso laxante.

℥. Olei anethini, & chamæmel. an. ℥. sem. ol. amygd. amar. dulcium ℥. ij. olei rutacei Vnc. j. Misce, fiat clyster.

Eodem tempore focus admoueantur parti dolenti ex decocto primi clysteris (additis seminibus anisi & fœniculi) factò in hydrelæo, cum spongiis in eodem expressis.

℥. Ol. scorpionum compositi ℥. ij. butyri recentis, axungię gallinæ, ol. lilior. & amygd. dulcium, an. Vnc. j. Fiat linimentum, quod illinatur post forum. Vel tale cataplasma admoueatur.

℥. Fol. maluæ, pariet. an. M. ij. petroselini cum rad. M. j. rad. raphani Vnc. ij. Decoquantur ad putrilaginem, & contundantur, addendo cepas sub cineribus coctas n. ij. ol. lilior. amygd. amar. & butyri recentis, an. Vnc. ij. Fiat cataplasma, quod duobus lineis raris inclusum

ventri applicetur calidè secundum longitudinem v're-
ris, & quoties refrixerit, recalescat in sartagine.

Applicari etiam solet placenta ex parietaria vel so-
la, vel cum ouis permixta, frixa in sartagine cum oleo
chamemel. amygdal. amar. scorpionum, linteo raro
obuoluta.

Vel fieri potest etiam placenta ex cepis minutim dis-
sectis, in sartagine frixis cum axungia porci, aut oleis
prædictis, additis ouis v. vel vj. calide applicanda.

Quia verò magna crudorum humorum saburra hunc
affectum plerumque comitari solet, post aliquot clyste-
res iniectos, (qui subindè repetendi sunt dolore per-
seuerante) purgans aliquod medicamentum exhiben-
dum est, præcipuè in forma boli, ne tam facile reuoma-
tur, quia huiusmodi ægrotantes plerumque solent esse
nauseabundi.

℥. Cassiæ recenter extractæ cum ol. amygdal. dul-
cium Vnc. j. diaphœnici 3. iij. rhabar. pulu. 3. j. Cum
puluere liquiritiæ & tragacanth. fiat bolus.

Si æger non possit bolum deuorare, dissoluantur
purgantia in decocto maluarum.

Diligenter autem animaduertendum est, purgans
medicamentum non esse exhibendum, priusquam dol-
or fuerit aliquantulum remissus. Nam dolore valde vr-
gente, catharticum exhibitum, etiam vehemens, sæpè
non purgat, quia tunc temporis omnes partes sese con-
trahunt, & medicamento non opitulantur.

Attamen eo tempore vomitus poterit conuenire,
quo etiam saburra humorum educitur, & fit reuulsio à
parte affecta; & non rarò natura ipsa per se, vrgenti-
bus doloribus, hanc molitur euacuationem, eaque ab-
soluta leuamen subsequitur.

Vomitorium blandum ita componi poterit, quod &
dolorem demulcebit.

℥. Aquæ tepidæ Vnc. iiij. ol. crudi Vnc. j. syrupi acetosi simplicis Vnc. j. ꝑ. Fiat vomitorium.

Si vehementioribus vtilubeat, ad salem vitrioli, aut mercurium vitæ confugiendum erit, quibus se nephriticos dolores citò fugauisse Angelus Sala gloriatur.

Ante & post purgationem, per os exhibenda sunt, quæ vias laxant, & dolorem leniunt. Cui vsui confert syrupus de althæa Fernelij frequenter exhibitus. Sed quia hic syrupus paratus semper non habetur in officinis, simplicior in hunc modum parari poterit.

℥. Rad. althææ Vnc. iiij. Coquantur ad t̄b. j. In colatura dissolue sacchari t̄b. sem. Utatur frequenter.

Iulepus sequens ad vias leniendas frequenter exhibendus.

℥. Hordei integri P. j. cicer. rub. P. ꝑ. sem. maluæ & althææ, an. 3. ij. sem. quatuor frig. maj. ana Drach. j. ficuum pinguium paria iiij. sebesten paria iiij. liquirit. ras. Vnc. sem. Coquantur ad t̄b. j. sem. In colatura dissolue syrupi capill. ven. Vnc. iiij. Detur in quatuor doses bis aut ter in die.

Pro potu decoctum ex rad. alth. Vnc. j. sem. hordei P. ij. liquirit. Drach. vj. in aquæ t̄b. v. ad t̄b. j. consumptionem, erit vtilissimum.

Vel fiant iuscula ex malua, althæa & ciceribus rubris, cum multo butyro & modico sale; vel eadem decoquantur in iure pingui.

Vel exhibeantur emulsiones, ex quatuor semin. frig. maioribus paratæ.

At præ cæteris remediis vias emollit & laxat, doloremque lenit ol. amygd. dulcium recenter extractum, quod ad 3. iiij. vel iiij. per se, vel cum vino albo, aut decocto maluæ, althææ, liquirit. & cicer. rubrorum exhiberi poterit. Vel fiet potio ex olei amygd. dulc. & amararum partibus æqualibus, quia amygdalæ amaræ ad expellendum

pellendum calculum etiam conferunt.

Postero die a prima venæ sectione, vena etiam poplitæ, aut malleoli aperienda est, è directo partis affectæ: Sic enim ab ipsa fit deriuatio, ex eaque vt plurimum ægotantes leuamen maximum solent percipere. Quod præceptum ab Hipp. nobis traditum est 6. epid. part. 1. Aph. 6. & ab Aëtio lib. 11. cap. 5.

Imò vero affectu vltèriùs procedente, apertio hæmorrhoidum erit vtilissima, iuxta Aph. Hipp. 11. sect. 6. *Melancholicis & nephriticis hæmorrhoides superuenire, bonum.* Nam ex eodem ramo splenico venæ sparguntur ad renes, vesicam & hæmorrhoides.

Si fomentis, liminentis & cataplasmatibus prædictis dolor non satis leniatur, in semicupium æger demittendus, ex decocto emollientium compositum, addito vino albo; hoc enim mitescit dolor vt plurimum, saltem quamdiu æger in eo residet. Non tamen frequentius ægri demergendi sunt; quandoquidem, vires diuturniori balnei vsu admodum exoluuntur.

Ac denique dolore nimium sæuiente, ex quo vigiliæ diurnæ, ac virium exolutio sequatur, ad narcotica confugiendum est, & philonij romani 3. ij. clysteri admiscendæ, vel laudani opiat gr. v. aut. vj. Vel eiusdem laudani gr. iij. aut iijj. per os exhibenda. Vel denique syrupi de paupere 3. j. in iulepo conuenienti.

Prædictis topicis vsurpatis, in dolore diuturniori non parum proderit emplastrum de meliloto, cum ol. chamamel. vel anethino malaxatum.

Hisce remediis, aut etiam eorum nonnullis methodicè vsurpatis, dolor nephriticus vt plurimum curari consuevit, iteratâ etiam purgatione si opus videatur, aut medullâ cassiæ frequenter exhibitâ. At verò si post eorum vsum dolor adhuc excruciet, certum erit calculos

los grandiores, renes & vteros obstruere, qui diureticis remediis, calculum frangentibus & expellentibus, deturbandi erunt. Quorum tamen remediorum delectus habendus est, ut primò mitiora usurpentur, & magis temperata, antequam ad acriora veniatur, quæ sanguinem & renes inflammare valent. Vbi etiam corporis habitus rario ineunda est. Nam obesum corpus magis tenuantia, gracile verò minus perferre potest.

Horum autem remediorum calculos imminuentium, frangentium, vel expellentium materia infinita penè reperitur apud authores, nos selectiorem tantum hîc proponemus.

℞. Rad. apij, petrosel. brusci, gram. & asparagi, ana Vnc. j. rad. maluæ & althææ, ana Vnc. s. fol. parietariæ M. ij. sem. anisi, fœniculi, anethi, carui, dauci, ameos, carthami, rutæ, cumini, & bacc. lauri, ana 3. ij. chamomill. meliloti, anethi, & stœchados, an. P. j. Coquantur in vino albo ad medias. In colat. ℥. j. dissolue butyri recentis 3. iiij. mellis rosac. 3. ij. sacchari rubri Vnc. j. benedictæ laxatiuæ 3. s. vitellum oui numero j. olei nucum, anethi, vel lini Vnc. ij. Misce, fiat clyster, qui retineatur duabus horis, si fieri possit.

℞. Aquar. fragariæ, & saxifragæ, an. Vnc. ij. vini albi generosi Vnc. vj. ol. amygd. dulc. Vnc. ij. spirit. vitrioli Drach. j. Misce pro tribus dosibus. Prima detur calidè quantum ferre potest. Post horas sex detur secunda pari modo. Si etiam hæc inefficax, (quod rarò contingit,) tertia propinetur.

Paratu facilius sit iulepus ex aqua saxifragæ, & syrupo violaceo, cum spirit. vitrioli guttis 15. aut 20.

℞. Succu parietariæ sine igne extracti 3. iiij. succu limonum recentis, & olei amygd. dulcium extracti sine igne

igne, an. Vnc. β . Misce, fiat iulep. qui detur tribus, aut quatuor vicibus manè, & serò. Vel.

℥. Succi limon. & vini albi, ana \mathfrak{z} . ij. sacchari candi \mathfrak{z} . β . Capiat loco iulepi.

Desucco limonum hoc notandum est, cautum esse debere illius usum, quia frequentius aut nimia copia exhibitus, apthas facit in ventriculo, unde lienteria succedit.

Pilulæ sequentes sunt efficacissimæ.

℥. Salis prunellæ, crysalli tartari, salis baccarum haredæ, & fol. nasturtij. ana partes æquales. Cum syrupo aliquo appropriato, vel terebinthina, fiat massa pilul. de qua capiat \mathfrak{z} . j. singulis diebus manè.

Pulvis sequens à Quercetano valde commendatur in Pharmacopœa.

℥. Tunicæ interioris ventriculorum gallinæ, & stercoris albi eiusdem, ana Vnc. sem. pulueris pelliculæ interioris, quæ in putaminibus ouorum reperitur, Drach. ij. sem. herniariæ, cinam. ana \mathfrak{z} . iij. nucleor. mespil. Drach. ij. semin. anisi, fœniculi, ana \mathfrak{z} . j. Reducantur in puluerem tenuissimum, de quo capiat \mathfrak{z} . β . vel \mathfrak{z} . j. cum vino albo.

Cinis corticum ouorum adustorum à \mathfrak{z} . β . ad \mathfrak{z} . j. exhibitus cum vino albo, potenter expellit calculum in urinæ meatibus hærentem.

Sanguis hirci præparatus ab omnibus, tum antiquis, tum neotericis commendatur, tanquam remedium excellens ad dissoluendum calculum. Dosis illius erit à \mathfrak{z} . β . ad \mathfrak{z} . j. Aqua ex sanguine hirci destillata per vitrea organa in B.M. miranda præstat. Sed hircus per mensem nutriendus est saxifragâ, pimpenellâ, bacis iuniperi, petroselino, aliisque diureticis sine ullo potu.

Harmannus urinam hirci, tanquam stupendum remedium

medium, commendat, his verbis. *In obstructione renum à calculo totali, vel etiam ubi ureteres & vesica à calculis in eam regionem detrusis omninò fuerint obstructi, ut ne gutta quidem urina prolabi possit: præstantissimum est, si urina hirci, recentissimè ex vivente adhuc hirco cum vesica extracta, potanda detur, & omentum cum intestinis, ventri, pubi, & perinaeo fuerit applicatum. Sic enim calculus repente consumitur sine læsione vasorum, & pateriens liberabitur.*

Pulvis millepedum ad dissoluendos calculos præstantissimus est, illiusque usus docebitur in calculo vesicæ.

Infusum etiam millepedum in vino albo paratum & diu continuatum ad idem est efficax.

Vinum alkekengi ab Arnaldo Villanouano maximè commendatur, eoque materiam calculosam ita educi refert, ut manu colligi possit. Fitque hoc vinum contundendo fructus alkekengi cum vino albo, & colaturam exhibendo.

Sequentia verò in communem usum reuocari poterunt.

℞. Lapidis Iudaici, pulv. lithontriptici Iustini, ana ʒ. j. nucleor. persicorum, gummi tragacanthi, & nucleor. cerasorum, ana ʒ. ʒ. Reducantur in puluerem, & cum terebinthina fiat bolus, qui detur in tres doses, manè & serò sumendas.

℞. Raphani acerrimi, derafi ʒ. ij. vini albi iiii. Macerentur per aliquot horas, dein fortiter exprimantur. Colaturam capiat æger bis aut ter horis convenientibus.

Aqua sabinae ad ʒ. j. vel ij. sumpta calculum & arenulas potenter expurgat.

℞. Rad. bismaluae in vino albo mundat. ʒ. vj. rad. bardanae & graminis, ana ʒ. iiii. rad. asari, petroselinii, valerianae

valerianæ, fœniculi contusarum, ana ʒ. ij. fol. capill.
veneris, saxifragæ, pimpinellæ, virgæ aureæ, betonicæ,
ana M. iiij. sem. basilici, bardanæ, cardui benedicti,
flieris montani, nucleor. mespil. & persicor. ana ʒ. j.
milij solis ʒ. j. lapidis lyncis, Iudaici, ana ʒ. j. β. terebin-
thinæ ʒ. iiij. sanguinis hirci præparati ʒ. ij. β. croci ʒ. ij.
vini albi lb. iiij. Contundenda contundantur, & mi-
sceantur omnia. Destillentur in B. M. Huius aquæ ca-
piat æger ʒ. ij. tribus hortis ante cibum, superbibendo
vini albi ʒ. iiij.

℥. Cortic. rad. card. asinini ʒ. j. liquirit. ʒ. ij. Co-
quantur ad Vnc. vj. Colaturam capiat per multos dies.
Calculos, & arenulas renibus inhærentes mirabiliter
expellit.

℥. Ceparum albarum minutim concisarum lb. iiij.
sacchari albi lb. ij. vini albi lb. j. β. Destillentur in B.
M. ad siccitatem. Dentur manè Vnc. ij. vel tres per
multos dies.

Apud practicos commendatur cinis scorpionum ad
ʒ. j. exhibitus cum aqua graminis, parietariæ, aut vino
albo; cuius tamen usus rarissimus est. At frequentius
vsurpatur oleum scorpionum Matthioli, cuius ʒ. j. per
os exhibita cum prædictis liquoribus, calculi excretio-
nem egregie accelerat.

Chymici suos sales ad calculorum exclusionem ma-
ximè prædicant. Inter quos non infimum locum obti-
net sal siliquarum & stipitum fabarum, cuius ʒ. β. cum
vino albo egregie operatur. Idem præstat tartarum vi-
triolum, eadem dosi. Ab iisdem etiam laudantur spi-
ritus salis, vitrioli, & mercurius dulcis, cum propriis
vehiculis vsurpati.

Exterius verò calculorum exclusio adiuuari potest, si
tota renum & vreterum regio calentibus manibus,
oleo scorpionum inunctis, assidue perfricetur.

Tum

Tum cucurbitulae plures, à rene affecto ad pubem descendendo, secundum longitudinem vreteris, sine scarificatione applicentur.

Illinatur deñuò eadem pars ol. scorpionum Mathioli, cui cantharidum subtilissimè puluerat. portiuncula addatur. Vel fiat linimentum ex olei ceræ, de lateribus & scorpionum partibus æqualibus, maximè penetrans & summæ efficaciae, modò renum inflammatio non timeatur.

In vsu medicamentorum calculum frangentium & expellentium, obseruandum est, non semel ea, aut bis esse vsurpanda, sed pluries, donec viæ obstructæ fuerint referatæ. Dum autem exhibentur, renes & vesica fouendi sunt balneis, fomentis, vnctionibus & cataplasmatibus, quò faciliori negotio operentur. Nec non liquores aliqui tenuium partium, quale est vinum album vinosum, propinandi sunt vicissim; & vsurpanda sunt interna emollientia, laxantia, & vias lenientia, vt viæ magis dilatentur, & aliorum remediorum acrimonia temperetur.

Hisce remediis curatur dolor nephriticus, & calculorum dissolutio atque exclusio promouetur. Quia verò huic affectui dispositi & curati, sæpè solent recidere: ideò illius prophylaxis instituenda est, vt quantum fieri potest, recidiua inhibeat.

Ac primùm, si plethora adfuerit, vel calida hepatis & renum intemperies, confert venæ sectio vere & autumnò celebrata, præmissò clystere, aut leuiori aliquo cathartico. Deinde materia calculo generando idonea euacuanda est, antequam ad renes deducatur. Quod fieri poterit vomitu bis, aut ter in mense excitato in illis, qui facile vomunt.

Vel purgatio instituenda est bolo, ex cassia, diapnoico & rhab. composito, in curatione descripto;

aut conuenienti alio medicamento singulis mensibus, aut bimestri, vel trimestri spatio, secundum ægri habitum & humorum copiam; idque in vltima lunæ quadra commodius fiet.

Vel si cacochymia magis vrgeat, apozemate conueniente vere & autumnò viurpato, expurganda erit. Eo enim non tantum antecedens causa, & remota subtrahitur, sed etiam conjunctæ portio quædam; tum obstructions viscerum, quæ hunc affectum frequenter comitari solent, admixtis incidentibus & detergentibus, conuenienter dissoluuntur.

Vel apozematis vice decoctum galli veteris vsurpari poterit, in hunc modum compositum.

℞. Polypod. querc. sem. carthami, ana Vnc. j. β. thymi, & epithymi, ana P. j. sem. cumini, anisi, anethi, fœniculi, carui, cardui benedicti, ana 3. ij. fol. sennæ Vnc. j. β. turbith gummosi Vnc. sem. cinnam. 3. j. crysalli tartari Drachm. ij. Contundantur & misceantur simul; ex qua mixtura venter galli veteris euiscerati impleatur; dein coquantur, donec galli caro ab ossibus separetur. Colatum iusculum capiat in quatuor doses matutinas.

Vel vsurpari poterit pulvis sequens à Solenandro commendatus, cuius vsu testatur multos à doloribus nephriticis fuisse præseruatos, imò verò liberatos, nam dolore præsentee eum exhibet cum successu.

℞. Fol. sennæ Vnc. ij. rhab. opt. 3. β. turbith. Drach. β. hermodactyl. 3. ij. polypod. 3. β. cinnam. zinzib. milij solis, saxifragæ, sem. genistæ, ana 3. j. Puluerentur subtilissimè. Dosis autem à 3. j. ad β. cum vino albo, vel rubello tenui semel in mense.

Carolus Piso pulueris sequentis singulares effectus prædicat.

℞. Anisi, marathri, carui, cumini, ana 3. j. coriandri

dri præparat. 3. β. liquirit. sem. bardanæ, ana 3. j. sem. cin-
nam. galangæ, ana 3. j. sem. milij solis, genistæ, ana 3. β.
pulu. diatrag. frig. 3. ij. diagridij 3. j. sennæ orientalis ad
pondus omnium, fiat puluis. Dosis 3. j. cum iusculo ci-
cerum rubrorum.

Vel syrupus magistralis in hunc modum componi
poterit.

℞. Rad. asparagi, gram. althææ, brusci & petroseli-
ni, ana Vnc. j. fol. betonicæ, pinpinellæ, saxifragæ, pa-
rietariæ, adianti, polytrichi, ana M. j. sem. ocymi, petro-
fel. macedonici, milij solis, genistæ, bardanæ, sileris mon-
tani, ana 3. ij. liquiritiæ rasæ, passularum mundatarum
& polypod. querc. ana Vnc. j. Fiat decoctio ad ℥. j.
sem. In colat. infunde sennæ mundatæ Vnc. iij. agari-
ci albi Vnc. ij. zinziberis Scrup. ij. Bulliant parum, &
fiat expressio. In qua dissolue sacchari albi ℥. j. Fiat sy-
rupus perfectè coctus, de quo capiat Vnc. ij. semel, aut
bis in mense, cum decocto hordei, graminis & cicerum
rubrorum.

Vel in magna cacochymia fiant pilulæ ex aloë &
agarico, quarum duæ, vel tres assumantur alternis die-
bus ante prandium.

Post purgationem quædam diuretica vsurpanda sunt,
vt materia mucilaginosa, tum etiam arenulæ circa vias
vrinarias oberrantes educantur.

In hunc finem parari possunt decocta ex diureticis,
in syrupo magistrali descriptis, composita, & cum sac-
charo in iulepi, vel apozematis formam redacta. Vel
etiam cum pullo gallinaceo, vel carne hœdina, aut
veruecina, parari possunt iuscula in multos dies sumen-
da, bis in anno post purgationes vniuersales.

Tum post singulas purgationes nonnulla ex sequen-
tibus vsurpari poterunt, & semel aut bis in hebdomada
continuari.

℞. Caudicum & flor. fabarum ℥. iij. calcitrapæ ℥. j. Contundantur, addendo sacchari candi ℥. j. succi limonum ℥. j. β. succi arantiorum ℥. β. Decocti maluæ & althææ factâ fortiexpressione ℥. ij. mellis ℥. j. Destillentur lento igne, & non permittantur comburi, neque liquores ex toto consumi. Huius aquæ capiat æger ℥. iv. manè, vt dictum est.

℞. Nucleor. mespil. & pulu. electar. diatragacanthi frig. ana ℥. j. rad. ononidis siccæ, liquir. ras. sem. melonum & milij solis, ana ℥. ij. sem. saxifragæ, genistæ, raphani, brusci, calcitrapæ ana ℥. j. sem. althææ & asparagi, ana ℥. j. sacchari candi ℥. ij. Fiat omnium pulvis, de quo capiat cochlear j. manè, ter singulis mensibus, nempe circa nonilunium, plenâ lunâ, & mediâ; superbibendo parum vini albi, aut decocti cicerum rubrorum, rad. eryngij & glycyrrhizæ; fortiter postea se agitando, aut deambulando.

Carolus Piso eximie laudat puluerem sequentem, cumque cum pulvere purgante supra ex eo descripto, usurpatum, plures pyxides fragmentorum lapidum exussisse refert in quodam præside Lotharingo.

℞. Sem. althææ & violarum, ana ℥. β. sem. milij solis & rad. liquirit. ana ℥. j. lapidis Iudaici & lapid. spongiæ, an. g. vj. pulu. ossis dactylorum, mespilorum, cerasorum, ana ℥. ij. sem. melonum ℥. iij. Fiat pulvis. Dosis ℥. j. sumenda cum pane azymo vino albo madefacto, tribus diebus interlunij cuiusque, & superbibendo iusculum cicerum rubror. alteratum rad. althææ, sceniculi, eryngij, ononidis, petroselini, & granis iuniperi contusis, addendo vinum album, mel, butyrum & succum limonum.

Electuarium sequens à Zappata describitur insignis efficaciz.

℞. Sem. hyperici probè exsiccati & in tenuissimum puluerem redacti ℥. iij. conferuæ rosarum, aut violar.

℞. j. Misce, fiat electuarium, de quo capiat æger ℥. ℞. manè per biduum, tribus horis ante pastum, duabus primis septimanis: postea semel in septimana per 15. dies; ac deinde semel in mense vel per longiora intervalla, secundum affectus urgentiam.

Conserua rosarum melior; quia corrigit odorem terebinthinæ à semine hyperici impressum, licet conserua violarum renibus magis conueniat.

Tabellarum sequentium vsus poterit esse tutissimus, & efficacissimus.

℥. Quatuor sem. frig. maior. mundat. glycyrrhizæ rasæ, ana ℥. j. sem. pimpinellæ, ocymi, petrosel. macedonici, nucis mosch. ana ℥. ℞. pulu. aromat. rosat. ℥. ij. sacchari in aqua alkekengi dissoluti ℥. iv. Fiant tabellæ pond. 3. iij. Copiat vnā manè tribus horis ante pastum, superbibendo aquæ ononidis, aut herniariæ ℥. iv. cum vini albi ℥. ij.

Vinum alkekengi in curatione descriptum, si per intervalla exhibeatur, omnem materiam calculorum educere asserit Villanouanus.

In omnium diureticorum vsu hoc perpetuò obseruandum, ea non esse frequenter vsurpanda, quia trahunt ad partem affectam: ideo semel; aut bis in mense, vel aliquando per maiora intervalla exhibere sufficiat, corpore tamen prius purgato, ne aliarum partium cacochymia ad renes deducatur.

Attamen terebinthina in vsum frequentiore venire poterit. Refert enim Amatus Lusitanus curatione 68. cent. 2. monachum quemdam, cum articulari morbo, simul & nephritico corripi soleret, & nullo remediorum genere, multis frustra tantatis, conualesceret, tandem terebinthinæ vsu intra sex menses liberum à dictis morbis euasisse. Deglutiebat autem singulis diebus terebinthinæ particulam nucis magnitudine saccharo admixtam

admixtam. Ratio autem cur terebinthina frequentius usurpata non noceat, sicut alia diuretica, ea est, meo iudicio, quia urinas mouendo simul aluum laxat; ita ut crassiores humores per aluum deturbentur, qui ab aliis diureticis ad renes deducerentur.

Vulgò autem usurpatur terebinthina per interualla, quemadmodum alia diuretica, tum sola, tum aliis medicamentis admixta; in hunc modum.

℞. Terebinthinæ in aqua saxifragæ, vel parietariæ, decies lotæ ʒ. β. Cum saccharo fiat bolus. Vel.

℞. Cassiæ recenter extractæ ʒ. vj. terebinthinæ ʒ. β. pulu. liquirit ʒ. ij. Misce, fiat bolus. Vel

℞. Terebinthinæ ʒ. β. pulu. lithontriptici ʒ. ij. Misce, fiat bolus. Vel

℞. Terebinthinæ ʒ. β. rhab. pulu. ʒ. j. Misce, fiat bolus. Vel

℞. Terebinthinæ ʒ. iv. Inuratur in lamina ferrea candente, ut possit in puluerem reduci, cuius dosis erit ad ʒ. ij. cum liquore idoneo.

Zacutus Lusitanus *obser. 58. lib. 2. Prax. admir.* balsami naturalis vires ad calculos expellendos mirè prædicat, eoque liberatum esse virum sexagenarium, qui per dies octodecim urinae suppressionem à copia calculorum passus fuerat. Is primò guttulas aliquot balsami cum oleo amygdalino hauriens, dosim vtriusque augendo singulis diebus, ita ut tandem ad balsami ʒ. β. & olei amygdal. Vnc. iij. ascenderit, intra decem dies calculos sex excreuit; & eiusdem auxilij beneficio in posterum præseruatus est, dimidiam ol. amygdalini vnciam, sex balsami guttulis permixtam ieiuno stomacho absorbens; cuius præsidij ope, fabulosam urinam excernens, in multos annos vitam produxit. Si balsamum Orientale desit, Peruvianum erit usurpandum. Idem Zacutus in eadem *observatione*, aquam nicotianæ prædicat

his verbis. *Memini me pluries calculos magnos, renum cauo tenaciter impactos, usu stillatitiæ aquæ ex nicotiana viridi extractæ in potum exhibitæ, per urinam deturbasse. Si ea desit, eius decocto utere cum utilitate multa.*

Sapientissimus Varandæus præceptor meus, mirum in modum probat, ad prophylaxim huius affectus, usum aquarum nostrarum Balerucanarum, cuius etiam nos admirandos sæpè vidimus affectus. Huius autem verba summo iudicio exarata, & ex diuturna magni illius viri experientia deprompta hîc subnectemus. Nullum est, inquit, me quidem iudice, potentius præstantiusve remedium, post accuratam corporis purgationem, ad vias istas excrementis suis liberandas & mundificandas, quàm potus aquarum nostrarum Balerucanarum; suo enim calore ex bituminali venâ profecto, fundunt liquantque quoscunque crassiores mucus, & ipsos calculos, si adhuc sint teneriores; nitrosâ autem substantiâ abradunt quasi & detergent sordes istarum viarum, & quantitate mirabili quâ assumuntur, solent impuritates non tantum intestinorum, sed etiam renum & vesicæ quasi torrente quodam abripere. Vnde incredibile est dictu, quantam viderimus ex calculosis istis hominibus saburrâ, illarum potu, cum urinis deturbatam. In quibus autem timuimus calefactionem viscerum, præscripsimus tunc temporis vini abstinentiam. inscula quoque pullorum, herbis refrigerantibus temperata, julepos temperantes & similia. Quibus ita consideratis, non veremur etiam pituitosos ac pingues homines (dummodò firmissimis viribus) in balneum dictarum thermarum præcipitare, semel tantum in die circa auroram, munitis prius renibus & hepate propriis quibusdam inunctionibus, atque etiam duplici linteolo inuolutis: ut deinceps sudoribus concitatis, viisque istis relaxatis, excrementa huiusmodi copiose

piose vacuentur. Licebit etiam postea dum erunt. domi, si ita videatur, emendare, quidquid empyreumatis contraxerint, usu balnei domestici ex aqua dulci, & refrigerantibus ac humectantibus parati.

Conferunt etiam non parum ad huius affectus præcautionem, aquæ minerales acidulæ & vitriolatæ. Quia non solum materiam mucilaginosam atque tartaream, ex qua coagmentantur calculi, dissoluunt, & arenulas deturbant; sed etiam hepatis & renum calidam intemperiem corrigunt; ideoque in calidioribus dictarum partium intemperaturis huiusmodi aquæ erunt conuenientissimæ.

Cum autem naturæ calidiores à prædictis remediis diureticis, maiori ex parte calidis, aliquantulum lædantur; eorum loco alia magis temperata illis substitui poterunt, quorum præcipua sunt.

Aqua foliorum, & siliquarum fabarum recentium, vel aqua herniariæ.

Aqua limonum destillata etiam commendatur. Limones integri in taleolas diuiduntur & destillantur in B. M. Ad magis refrigerandum, cum lacte distillantur utiliter.

Conserua fructus cynorrhodi, quæ diuretica est; attamen refrigerat, & à Cratone in hoc casu laudatur.

Conserua flor. althææ, vel maluæ, quæ leniendo & humectando vias urinarias, arenularum exclusionem adiuuat.

Succus portulacæ inspissatus, & in pululas reductus, 3. j. pondere exhibitus, renes potenter detergit.

Flores granatorum exsiccati, & 3. j. pondere sumpti calculosam materiam expurgant.

Idem præstat sponsia bedegaris exsiccata, & pari pondere cum liquore idoneo propinata.

Butyrum recens cum saccharo cando partibus æqualibus

libus mixtum, quotidie manè sumptum ieiunio stomacho, vias urinæ lenit & abstergit, ac calculi generationem impedit.

Idem præstant amygdalæ amaræ, si quotidie x. aut xij comedantur.

Nec minoris sunt efficaciæ nuces auellanæ ante prastum comestæ, quæ a Cratone commendantur, dicente se compertum habere, non paucos sævis cruciatibus calculi diu affectos, usu auellandarum liberatos. Quod quidem disertè confirmat Amatus Lusitanus curat.; 8. cent. 7. ubi sic loquitur. *Vir qui nephritim patiebatur, & de renibus non rarò capillos rubentes per virgam mittebat, multum querebatur; lumborum namque & iliorum, imò totius ventris dolores & rugitus sæpè sentiebat. Pro quibus abigendis symptomatibus, multis est usus remediis, frustra tamen. At cum præter spem, ex cuiusdam commendatione, auellanis in victu uteretur, liber & sanus à tantis affectionibus euasit. Consuluerat autem illi vir quidam, si morbum profligatum vellet, auellanas cum internis suis membranulis comederet initio prandij & cæne. Caterum ille remedium considerans familiare, non solum initio mensæ eas comedebat, sed medio & fine. Quarum assiduo usu ita valuit, ut nunquam postea morbum persenserit. Addit Amatus Lusitanus in scholio. Non solum vir hic de quo agimus, per auellandarum esum sanus ex hac mala affectione fuit, sed plures alij. Sunt autem auellana hæ vulgares, ponticæ nuces dictæ, quas Auic. inter eas medicinas quæ lapidis renum materiam absumunt, reponit. Sed quæ facultate operentur, dubium est. An fortè suâ siccitate, & facultate in membranula interiore comperta? Sed non desunt alij, qui hoc operari suâ nuclei parte oleosâ contendunt.*

Chymici spirituum salis laudant, illiusque guttas aliquot manè cum iusculo, aut alio liquore exhibent.

Aqua tepida excocta à Zechio commendatur, sex, vel septem vnciarum pondere, ante omnem cibum bis, aut saltem semel in die pota; nihil enim, inquit, adeò renes à recrémentis vacuos & temperatos reddit. Igneus enim eorum calor aqua tepore tandem extinguitur, ita ut in posterum calculos procreare non possint.

Pro potu vtatur æger vino tenui & paucifero, cum decocto radicis eryngij. Quod quidem decoctum pro potu ordinario à Cratone commendatur. Et nos egregios illius vidimus effectus. Sed eryngium marinum vulgari multò præstantius est.

Nonnulli à calculo præseruati sunt vsu ad potum ordinarium vini expressi ab vuis acidulis, quæ vulgò apud nostrates *vnies* nominantur, ita ut vineam ex illis vuis ad hunc vsu de industria condiderint.

Ad prophylaxim etiam huius affectus non parùm conducit renum intemperiem calidiorem corrigere. cui rei proderunt remedia, in calida hepatis intemperie descripta, quæ etiam renum intemperiem emendare valent. Præterquam quòd caliditas immodica renibus non rarò ab hepate communicatur.

Inter cætera verò serum lactis per mensem integrum verno tempore vsurpatum, præstantissimum est. Tum etiam aquæ minerales acidulæ & vitriolatæ omnia viscera interna potenter refrigerant.

Inter externa balneum aquæ dulcis tepidæ frequenter vsurpatum, & natatio in flumine æstatis tempore erit conuenientissima.

Epithema sequens renibus etiam frequenter admo-ueri poterit.

℞. Aquarum lactucæ, nymphææ, & rosar. ana ʒ. iij. aceti rosacei ʒ. ij. Misce, admoueatur valdè tepidè manè & serò.

Conuenit etiam sequens linimentum, præcipuè hyemis

hyemis tempore.

4. Ol. rosac. nymph. & violar. in aceto & aqua rosac. lotorum, ana ʒ. j. mucilag. althææ extractæ in aqua parietariæ ʒ. vj. ceræ tantillum; fiat linimentum pro vnctione renum mane & vesperi.

Temperatur & renum caliditas immodica; laminâ plumbeâ perforatâ, supra regionem renum continuò gestatâ.

Ac denique quia ventriculi cruditates materiam sup-
peditant calculis generandis, illius etiam ratio habenda est, & roborandus ventriculus sumptis & admotis, in illius partis imbecillitate descriptis.

C A P V T II.

De Calculo vesicæ,

Quamuis ordinis ratio postulare videatur, vt omnes renum affectus seriatim persequantur, tamen ordo doctrinæ postulat, vt calculo renum, vesicæ calculum subnectamus, cum eadem vtriusque sit natura & conditio; & maxima pars eorum quæ de calculi renum generatione diximus, eadem etiam calculo vesicæ conueniant.

Causæ egitur materialis & efficiens calculi vesicæ eadem omnino sunt, quas ad calculi renum productionem concurrere suprâ retulimus. Hæc tantum in eorum generatione differentia annotanda est; quòd pueri magis calculo vesicæ laborent, senes verò calculo renum magis afficiantur. Cuius euentus ratio à Galeno tradita est in 6. epid. sect. 3. quia nimirum crassities vrinarum, quæ in pueris frequenter ob ingluuiem contingit, à calore illorum blando dissoluitur, ac simul diffundi

diffunditur; nec in renibus moram trahit, adiuuant facultate expultrice renum, quæ fortior est in ea ætate sed lapsa in vesicam, ibi residet, ac moratur diutius, quia pueri ludicris intenti, & diuturno somno indulgentes, longiora faciunt meiendi interualla; adde quod vrina minùs acris, vesicæ expultricem non irritat, donec copiâ grauans efficiatur: & sic fax ista retinetur, neque potest deinde commodè expurgari per exiguum adhuc vrinæ canaliculum; præterea vesica ab vrinæ copia valdè distenta, non potest tam exactè sese contrahere, vt totam vrinam euacuet, sed aliqua eius portio in fundo remaneat, quæ est crassa illa fax calculis coagmentandis idonea. Senes contra frequenter emingunt eam materiam, quæ in vesica continetur; ampliôrque ductus patet ad eius expulsionem. In renibus autem crassamentum illud moratur, quia viscidius est, neque potest dissolui ab effceto calore, aut transcolari ob siccitatem & quasi ariditatem in renibus iam contractam; vnde Hippocr. in *Coacis* vult lapidem in vesica non generari a decimo quarto ætatis anno, vsque ad sexagesimum, nisi priùs extiterit.

Fernelius nouam de calculi vesicæ ortu opinionem proposuit, dicens omnem calculum in vesica contentum rudimentum è renibus traxisse, & in vesica postmodum incrementum sumpsisse. Quando nimirum calculus è renibus excidit per dolorem nephriticum, si grandiusculus sit, in vesica subsistit, ibique nouæ materiæ appositione sensim accrescit. Afferit etiam se in contritis vesicæ calculis nucleum quemdam in medio reperisse è renibus exturbatum, diuersiâ reliquo integumento coloris & substantiæ. Neque vnquam se aliquem offendisse calculum in vesica habentem, qui nephriticis doloribus antea diuexatus non fuerit.

Verùm

Verum hæc sententia à probatis autoribus non paucis reiicitur ; qui sua experimenta prædictis contraria afferunt ; quamplurimos nimirum calculos ex puerorum vesicis extractos, se vidisse asserentes, nucleos habentes, à reliquo integumento, nec calore, nec substantia vlllo modo dissimiles. Et certè vulgaris experientia nobis apertè demonstrat, pueros calculo vesicæ laborantes, nunquam doloribus nephriticis affectos fuisse ; quod sæpissimè contingeret, si calculorum rudimenta à renibus extruderentur. Verum quidem est in adultioribus non rarò, calculos à renibus deturbatos in vesica contineri, & per nouæ materiæ additionem, paulatim crescere. Sed illud semper ita fieri negandum est, & constanter asserendum quamplurimos calculos exordium sumere in ipsa vesica.

Diagnos calculi vesicæ difficillima est, præcipuè in principio quando calculus exiguus est ; grandior enim factus, satis euidentes notas præ se fert. Nos verò eam quantum artis beneficio præstari potest, elucidabimus.

Primum signum est. Dolor in collo vesicæ, qui circa finem mictionis exasperatur, & ad glandis extremum exporrigitur, omninò similis illi qui indysuria contingit, & ab ea vix distinguitur in principio, donec alia signa apparere incipiant.

Secundum signum. Pruritus in pudendo, qui ægros cogit illud sæpe scalpere, & contrectare, ac veluti discerpere, molestiam illam auferre conantes.

Tertium signum. Ponderus in peritonæo & tota pectinis regione, cum dolore grauante, quod fit à calculo grandiori.

Quartum signum. In calculo grandiori summa mingendi difficultas, cum summo conatu, parturientium more, & vrinæ stillicidio guttatim effluentis, cum micturitione frequenti.

Quintum

Quintum signum. Vrinæ suppressio inter mingendum, vt in medio cursu subitò supprimatur, calculo ad vesicæ orificium cum vrina delato, illudque obturante.

Sexum signum. Facilior exitus vrinæ resupinato corpore, quia calculus in ea positura à canali vesicæ longius recedit. Tum quando vrina inter mingendum suppressitur, si corpus resupinetur, & concutiat, liber fit vrinæ exitus, calculo ad vesicæ fundum translato.

Septimum signum. Frequens virgæ erectio, quæ tum à retentione vrinæ procedit, tum à phlogosî vesicæ, quæ calculi attritione inducitur.

Octauum signum. Tenesmus ac frequens desidendi cupiditas, quæ mingendi cupiditatem sequitur, propter consensum sphincteris ani & vesicæ, vno enim irritato, alter etiam irritatur, quia ramos recipiunt ab eodem neruo.

Nonum signum est, quod ægri quiescere non possunt, & in vno loco manere; sed valdè inquieti sunt, cerebrò mouentur, & crura alternatim exagitant; & si maior sit calculus, vix recti stare possunt, equitare vel ambulare per salebrosa loca, quia tunc temporis ceruix vesicæ à lapide commoto valdè contunditur.

Decimum signum est, quòd ægri à nullo remedio leuantur, sed vt plurimum peius habent. Quia medicamenta quæcumque vrinæ vias peruadunt; vel nouam materiam ad vesicam deducendo, malum augent, vel pituitam abstergant, quæ lapidi circumducta, eum mitiorem reddit, & contrà is denudatus acrius mordet tunicam vesicæ interiorem.

Vndecimum signum ex eo depromitur, quod cum æger doloribus nephriticis obnoxius sit, & in fine paroxysmorum calculos excernere soleat, quos eorum dolorum causas fuisse certum est; si aliquando post dolores illos calculum nullum exereuerit, vt antea solebat;

signum est cum calculus, qui dolorem efficiebat, in vesicam fuisse detrusum, in eaque retentum; vbi sensum incrementum sumit, & prædicta symptomata sensum inducit. Ideò si quis à dolore nephritico liberatus, nullum calculus excreuerit, & post aliquod tempus urinae difficultate vrgeri incipiat, maxima est retenti calculi coniectura.

Duodecimum signum desumitur ex Hipp. *Aph. 79. sect. 4. Quibus in urinis arenosa subsident, his vesica calculo laborat.* Qui Aphorismus multorum ingenia torfit. Galenus in illius commentario dicit, cum manifestè mancum esse, quod Hippocrates dimidiam illius partem omiserit: siue enim in renibus, siue in vesica calculi generentur, arenosa cum urinis simul egrediuntur. Et ipse Hippocrates huic contradicit Aphorismo lib. de internis affectionibus, vbi veteres Medicos reprehendit, putantes arenam esse signum calculi in vesica. Cardanus in comment. eiusdem Aphorismi testatur se ab annis triginta arenulas primò rubras, postmodum verò albas quotidie & copiosè excreuisse, sine vlla calculi renum aut vesicæ suspitione. Asserit etiam vix è decem vnum reperiri, qui arenas cum lotio non excernant; raros tamen esse, qui renum calculo laborent, ac rariores multo qui vesicæ. Referunt etiam Hispanos magna ex parte arenas cum urinis excernere, qui tamen parùm lithiasi obnoxij sunt.

Nos superiori capite arenas distinximus, quæ calculum significare possunt ab iis quæ nullo modo indicant. Sed diximus esse signum valde æquiuocum. Fit enim plerumque vt robore facultatis expultricis arenulae illæ penitus excludantur, nec vlllo modo retineantur in renibus & vesica. Et quamuis huiusmodi arenulae certius indicarent; nunquam tamen soli vesicæ tribui possent. Atque adeò Aphorismus, vt verba illius sonant, semper

per falsitatis conuincitur.

De huius Aphorismi interpretatione lis maxima orta est inter Beuerouitium & Salmasium (viros doctissimos, & in autorum sententiis obscurioribus, aut mutilatis, restituendis, peritissimos) quæ integra vtrunque peperit volumina. Nostrum non est, neque instituti nostri ratio patitur, in iis diutiùs immorari; hoc vnicè statuentes, pro omnium criticarum dissensionum resolutione, autorum sententias, quæ primâ fronte veritati, & quotidianæ experientiæ contrariæ videntur, ad eum perpetuò sensum esse retrahendas, qui veritati magis conformis & consentaneus est; etiam si termini sententiarum eum sensum pati non possint; qui in tali casu censendi sunt supposititij, & ab aliis (fortè imperitis) adiecti: aut fortè illas sententias integras, esse ab aliis insertas, vt sæpe Galenus dicit de quibusdam Hippocratis sententiis, quas ab aliis adiectas pronuntiat, vtpote Hippocratis maiestatem præ se minimè ferentes. At verò Beuerouitij interpretatio circa arenosam subsidentiam ad mentem Hippocratis non videtur instituta, neque magni vsus in actu practico. Primò non videtur menti Hippocratis respondere, qui in præcedentibus Aphorismis signa desumit ex vrinæ contentis; quod suum propositum sequens, sumit etiam signū ex arenulis in vrina subsidentibus, quas dicit calculum vesicæ significare. At Beuerouitius sensum illum inuertens, dicit Hippocratem esse intelligendum de arenulis, quæ per vrinas antea excerni solebant, si subsistant in vesica, id est, retineantur, & non ampliùs excernantur, signum est illas arenulas retentas calculum in vesica coagmentare. Hæc interpretatio, vt dictum est, menti Hippocratis non respondet; deinde nihil confert ad vsum praxeos. Illi enim qui arenulas cum vrinis emungere solent, quædam habent interualla, in quibus ta-

men

men non fit calculus in vesica. Neque magnam habet vim quod Beuerouitius notat, in aliis Aphorismis Hippocratem, vbi ponit signa ex urinae contentis delumenda, non vti verbo subsidentiae, sed potius excretionis. V. g. *Qui pus aut sanguinem mingunt; Quibus cum urina crassa furfurosa exeunt, &c.* At hic vtitur nomine subsidentiae, vt aliud quidpiam significare videatur.

Verum nos ad vsum artis omnia reuocantes, dicimus Hippocratem in hoc Aphorismo non potuisse vti nomine quodam excretionem tantum significante, quia distinguere debebat illas arenulas, quae calculum significant, ab illis quae nullo modo eum indicare possunt; illae autem arenulae (vt cap. superiori diximus) subsident in fundo matulae; aliae vero minime, sed tantum matulae parietibus adhærent, & ideo recte Hippocrates vt illas arenulas ab his distinguat, dicit quibus sabulosa subsident, quia aliae arenulae, quae non subsident, non sunt calculi indicium.

Quandoquidem igitur hic Aphorismus ad veritatem, & vsum artis reuocandus est, quantum fieri potest, existimamus interpretationem a Ioanne Zechio (in artis operibus exercitatissimo) propositam, reliquis omnibus esse anteponendam: cuius beneficio signum pathognomonicum stabilitur calculi vesicae, & magnus Aphorismi visus elicitur in Medicina facienda, cum secundum omnes alias interpretationes, inutilis reddatur. Atque vt debitus honor Zechio reddatur, apud eos qui eius operibus carent; operæ pretium duximus, ipsa illius verba transcribere, quae habentur in libro consultationum medicarum, consultatione 58. *Hippocrates, inquit, Aph. 76. sect. 4. à nullo, neque ab ipso Galeno haecenus, vt decet, explicato, hanc protulit sententiam. Quibus in urina sabulosa subsident, his vesica calculo laborat. Quam quidem sententiam, si earatione ad-*
mittamus

mittamus, quam interpres Galenus sequitur, falsam prorsus esse ex eo facile constat, quod infiniti ferme homines urinam sabulosam, toto eorum vitae tempore, mingere observentur (& unus ex illis sum) citra tamen ullam vesicae lithiasis suspicionem. Quo fit ut non possim non valde Galenum, tantum virum, & omnes alios post ipsum scriptores admirari; quippe qui tanti momenti ad Medicinam faciendam Aphorismum, vel non intellexerint, quod quidem vix adduci possum ut credam, vel saltem ob aliquam in eo ambiguitatem dissimularint. Tota autem proposita difficultatis explicatio ex illius verbi, [sabulosa] proprio significatus palam desumitur: etenim hac voce, sabulosa, Graece *ἁμυλώδης*, nihil aliud summus Hippocrates intelligere voluit, quam sabulum crassum, cui veluti terra pinguis sit admixta. Hoc est, lutosum, siue argillosum quid, veluti narium mucus, matula fundo tenaciter inhaerescens. Signum sanè lapidis maioris in vesicae concreti pathognomonicum. Sed quoniam in rebus humanis nihil est perpetuum, mirari non oportet, si interdum consimili affectu laborantes hoc signo destituantur, quod lapis in vesica sit exiguus ut in Illustrissimo ac Reuerendissimo Cardinali Paleoto observauimus. Causam autem huius cœnosi excrementi aliàs fusiori sermone explicauimus. Haecenus Zechius. Vbi autem cœnosi illius excrementi causam reddiderit, compertum nobis non est. Nos verò eam dilucidè exposuimus capite superiori, vbi ostendimus mucosam illam materiam esse vesicae malè affectae proprium excrementum, quando nimiam sanguinis copiam, & superfluos humores ad se transmissos concoquere & assimilare non potest, eosque in mucilaginosam istam materiam conuertit; & illam prauam vesicae diathesim à calculo ut plurimum excitari. Relegantur illa in hoc loco, quia ad eorum quae supra dicta sunt, intelligentiam plurimum faciunt.

Sed vna adhuc remanet difficultas, quod nonnulli aliquando materiam pituitosam & mucilaginosam quotidie cum vrina excernunt, quamuis à calculo vesicæ immunes sint. Et refert Cardanus *loco supra citato* Leonem quemdam monachum diui Augustini, tantum pituitæ lentæ in matula concreta sæpe illi ostendisse, vt ouum anseris magnitudine superaret; & tamen lapidem nunquam habuisse.

Cui dubio respondemus, materiam mucilaginosam è vesica prodeuntem, in eo distingui ab illa quæ ex aliis partibus procedit, quod quæ à vesica, magis tenax & glutinosa est; ita vt fundo matulæ aut vitri ouroscoopi tenaciter adhæreat, nec post vrinæ effusionem vehementi concussione excuti valeat. Quæ verò est ab aliis partibus, fundo matulæ non adhæret, sed ea inuersa statim cum vrina effluit. Hoc vsus nos docuit, quod à nullo auctore hactenus est animaduersum. Illa autem glutinitas maior in excrementis vesicæ, à propria illius natura dependet, quæ membranea est, & glutini huic producendo idonea; quemadmodum videmus ex pellibus membranis aliorum animalium, gluten seu collam confici firmissimam, ad varios vsus mechanicos idoneam.

Hanc autem materiam glutinosam seu argillosam, vt vocat Zechius, à praua vesicæ dispositione ex calculo contracta prouenire, nos inde probare possumus, præter ea quæ superiori capite dicta sunt, quod alias obseruauimus puerum duodecim annorum calculo vesicæ laborantem, qui quotidie cum vrina mingebat materiam glutinosam fundo vitri adhærentem. Postquam verò calculus sectione ademptus est, puer ille per mensem integrum eandem materiam post sectionem cum vrina excreuit, postmodum verò nihil tale emisit. Quod aperte demonstrat, illam materiam ex vesicæ mala dispositione prodiisse, quæ cum non illicò post exsectionem

nem curari poterit, sed per aliquod tempus perseuerauerit, illa etiam continuauerit materiæ glutinosæ excretio; sed vitio vesicæ curato, nunquam amplius apparuit talis materia, quod ostendit eam non aliunde, quam è vesica prouenisse.

Sciendum etiam pro coronide, hanc quidem materiam mucilaginosam prædictis conditionibus stipatam, quoties apparet, calculi vesicæ præsentiam indicare: non tamen contra, quando non apparet, eiusdem absentiam significare; quia sæpe contingit, vt calculus læuis & politus, & nulla asperitate donatus, aut quantitate minor, vesicam tantoperè non offendat, vt inde praua illa diathesis oriatur, & tunc vrinæ claræ perpetuò redduntur. Igitur signum istud pathognomonicum dici potest, quatenus præsens, calculi vesicæ præsentiam indicat: quamuis absens eiusdem absentiam non significet.

Neque præterea digna esset viro cordato hæc obiectio, vel potius cauillatio, quod ex nostra obseruatione supra proposita, talis materia cum vrinis excernebatur, quamuis calculus non esset in vesica, qui antea per excisionem ademptus fuerat. Sufficit enim calculum antea & nuperrimè adfuisse, qui huius effectus causa fuerit. Atque adeò talis materia significat calculum, qui vel iam adest, vel nuperrimè adfuit.

Vltimum difficillimæ istius diagnosis signum petitur ab exploratione quæ fit per catheterem, & digiti in anū immissionem, ad quam tandem confugiendum est, vt illa omnino indubia reddatur. Quod etiam intelligendum est de iis quæ vtplurimum contingant; non de iis quæ semper. Aliquando enim calculus substantiâ mucosâ, vel etiam cystide obuolutus est, vt certa illius exploratio fieri non valeat; & lithotomos aliquando in eo decipi videamus. Quod tamen de cathetere præcipuè audiendum est: nam exploratio quæ fit per im-

missionem digiti in anum, longè certior est, & non solum calculum adesse ostendit, sed etiam illius differentias quoad magnitudinem, figuram, & numerum, patefacit.

Prognosis huius affectus, non nisi laboriosa & periculosa institui potest. Laboriosa quidem, ex eo quod minimi tantum calculi per angustum vesicæ meatum excludi possunt; grandiores verò, si duriores ac veluti filicei, conteri ac dissolui nequeunt; si verò molliores, gypsei aut tophacei, aut alio quouis modo friabiles, dissolui quidem possunt longo efficacium remediorum usu, quem ut plurimum ægrotantes ferre nequent, & ideo talis curatio rarissimè succedit; ita ut sæpissimè ad sectionem veniendum sit, quæ quàm plena sit terroris quotidianus euentus docet, cum plurimi ex illa operatione moriantur. Vnde Hipp. in iuramento, discipulos suos monet, ne hanc sectionem aggrediantur, sed eam lithotomis perficiendam relinquant. In mulieribus tamen facilior est operatio, & periculi expers, quod latius habent meatum urinarium, & nullâ sectione, sed simplici dilatatione perficiatur.

Curatio calculi in vesica concreti easdem habet intentiones, quæ suprà in renum calculi curatione propositæ sunt; ut nempe materia illius antecedens euacuetur, reuellatur, eiusdemque generatio prohibeatur: materia verò coniuncta, seu calculus ipse imminuatur, atteratur & dissoluatur. Quibus intentionibus profunt remedia etiam ibidem proposita.

Ex quibus maximæ est efficaciz aqua ex cepis destillata, cuius usu per 40. dies continuato, nos calculum fabæ magnitudinem superantem e vesica excretum vidimus.

Attamen & grauissimorum authorum sententia, & quotidiana experientia docet, medicamentis ore assumptis

sumptis vix ac ne vix quidem calculum vesicæ dissolui posse. Vnde fit, vt ad lithotomiam, seu calculi chirurgicam extractionem, vt plurimum confugiendum sit. Quia tamen nonnullæ inueniuntur historiæ calculo laborantium per medicamentâ curatorum, nos præcipuas hic annotabimus, vt cuique liberum sit efficaciora experiri remedia, priusquam periculosissimæ & terroris plenæ Chirurgiæ sese committat. Adde quod reperiuntur aliquando calculi ita molles & arenosi, aut recentiter concreti, vt eos dissoluere non sit impossibile. Nam durorum & siliceorum dissolutio minimè sperabilis est.

Horatius Augenius tom. 2. epist. medicinalium lib. 6. epist. 8. Ego, inquit, bis in hunc diem calculum vesicæ fractum vidi, primò casu, mox deliberatione atque maturâ consultatione additâ. Casus fuit: Filium Ianeti Pontificij typographi Romæ expurgandum susceperamus, vt postea tutior ad ipsam sectionem accederet. Tentauerat enim antea omnia remediorum genera, tum à Medicis Venetis, tum Florentinis, præscripta. Cum vero nullam utilitatem subsequi deprehenderet, secari cupidus sacerdotem iussit accedere, vt si ex sectione moreretur, anima fuisset consultum. Requisitus fuit ex Societate Iesu, qui auditâ confessione ab egroto, & cognito morbi genere, proponit illi pharmacum, vt dicebat, magni vsus, de quo & in se ipso, & in aliis periculum fecisset. Experiri placuit, neque facti poenituit. Nam qui proximè incidi debebat, liber ab omni calculo nono die fuit. Pharmacum autem à Iesuita ei datum hoc erat.

℞. Pulu. millepedum Drach. j. ad summum ʒ. iiij. aquæ vitæ Vnc. sem. iuris ciceroꝝ rubrorum Vnc. ix. vel x. Capiat horis ante prandium quinque.

Ego verò iuuenem annorum 18. calidi & sicci temperamenti totius corporis curaturus, duxi imminuendam quant-

titatem aquæ vitæ, & ubi singulis diebus datum alteri fuit antidotum, huic alternis dari iussi; & pro refrigeratione totius corporis, aquæ fabarum & fragorum. ana Unc. v. propinari intermedio die, cum gutt. vj. olei de chalcantho, & Unc. j. inlepi violati. Hoc autem modo pharmacum præbebam.

℞. Pulu. asellor. præp. ℥. j. aquæ vitæ ℥. ij. decoct. cicer. rubr. Vnc. viij. Misce, capiat horis sex ante cibum. Hæc Augenius.

Sennertus cap. de calculo vesicæ, memorabilem historiam refert VVilhelmi Laurembergij Professoris Rostochiensis, ab eodem acceptam, qui prouecta iam ætate calculo vesicæ affectus, ac sectionis auxilio periculosissimo se se committere nolens, de aliis remediis cogitare cœpit. Primò ergo liquorem illum nephriticum celeberrimum, magnòque apud Principes in pretio & vsu habitum expertus est, qui ita paratur.

℞. Salis tartari albi Vnc. j. Affunde aquæ petrosel. lb. j. Misce, & per chartam bibulam cola, & liquori color croceus corticibus aurantiorum concilietur. Vsurpauit etiam gemmam illam Indicam, Igiada Hispanis dicta, ad calculum frangendum celeberrimam. Sed vtriusque remedij nullam vim deprehendit. Ergo inter reliqua, quæ ad calculum comminuendum commendantur, pharmacum ex asellis experiri voluit, quo duos adolescentes vesicæ calculo laborantes feliciter sanatos esse, Horatius Augenius profitetur.

Ad cuius imitationem, præmissis vniuersalibus, & exquisitâ victus ratione institutâ, accepit asellor. præparat. ℥. j. spiritus iuniperini ℥. iij. iuris cicer. rud. Vnc. x. quo manè assumpto, primâ & secundâ vice à sumpto medicamento, tribus, aut quatuor horis, quandam petoris compressionem percepit, & quasi imminens ani-

mi deliquium, vt necesse haberet theriacæ Drach. j. positioni admiscere. Atque ita remedio hoc totos 15. dies vsus est. Sed toto hoc spatio, ne minimum sabuli expurgari reperit. Itaque alia addenda ratus, sequenti medicamento vsus est.

℞. Asellor. præp. Vnc. ij. leporis præpar. sang. hirci præpar. spongiæ rosar. syluestrium, semin. viol. purpur. ana Vnc. j. specierum lithontribi ʒ. ij. Misce, fiat antidotum. Cuius accepit ʒ. ij. decocti diuretici Vnc. x. spiritus iuniperi ʒ. ij. Quod medicamentum vbi manè horâ quintâ hausisset, secundâ, vice, post horas plus minus quatuor, sub pubis osse ad regionem ostij vesicæ, magnos sentire cœpit dolores. Paulò post parum vrinæ profluebat, & cum ea lamellæ exiguæ, instar squamæ piscis subrubeæ: quæ licet aliquam visciditatem habere viderentur, ad tactum tamen in sabulum resoluebantur. Ita vt manifestè appareret tunicam vel crustam esse, à maiore calculo solutam. Cuius medicamenti vsum cum continuaret, interdum quarto, nonnunquam quinto die huiusmodi lamellæ crassiores, & fragmenta sæpe grandiuscula profluxerunt, præsertim vbi lauacro aquæ dulcis vteretur. Cum verò & à calculo & ab eius fragmentis orificium vesicæ esset sauciatum, ad leniendum dolorem medicamenti vsus est. Atque horum medicamentorum vsu, 17. septimanarum spatio à calculo liberatus est. Decoctum hoc fuit.

℞. Rad. glycyrrhizæ ʒ. iv. althææ, gram. ononidis, ana Vnc. ʒ. bacchar. halicacabi, n. xx. cicet. rub. Vnc. iv. vuar. passar. Vnc. j. sem. quatuor frigid. maior. ana ʒ. j. hordei M. ij. Coque in aquæ alkekengi, ononidis, fragorum, flor. fabarum, ana lb. j. sem. Colaturæ adde syrupi de althæa Vnc. iv.

Millepedes ita præparantur.

℞. Asellor. viuorum lb. ij. Abluantur aquâ ononi-

dis, & à sordibus purgentur; deinde vino Hispanico Petrosimeno dicto inebrientur, eoque sensim effuso, conficiantur in ollas vitreatas, quanto plures, tanto melius, cum in vnam ollam coniecti, citra combustionem vel putrefactionem difficulter exsiccare possint. Hæ ollæ luto diligenter occlusæ in furnum à panis coctione calente collocentur; vt moderato calore exsiccentur, & in puluerem redigi possint. Huic pulueri rursùm infunditur sensim vinum Hispanicum, quantum imbibere poterit, & rursùm exsiccat. Istaque imbibitio & exsiccatio tertio repetatur. Quartâ vice hoc liquore irroretur.

℞. Aquæ fragor. Vnc. iij. spiritus vitrioli 3. ℞. Misce. Iterùm pulvis exsicceatur, & tenuissimè contritus, in vitro vsui seruetur.

Præter dicta remedia, vsus aquæ ex sanguine hirci destillatæ, vel vrinæ hirci recenter macerati, tentari potest, modo in calculo renum proposito.

Si medicamentis calculus frangi nequeat, ad operationem deuenire, quantumuis periculosissimam, necessitas exigit, ne æger cum grauissimis & diuturnis doloribus tandem conficiatur. Ea autem peritum artificem & valdè exercitatum desiderat, vt debitè administretur; sic enim vt plurimum solet succedere, nosque quamplurimos hoc modo sanatos vidimus.

Medici autem munus hac in parte est, ante operationem corpus præparare per venæ sectionem, purgationem, vitamque idoneam, prout rei status indicabit. Notandum autem, minimè periculosam esse in mulieribus calculi extractionem, quippe quæ solâ meatus vrinarij, qui breuissimus est, dilatatione perficitur.

Si æger curationem per sectionem reformidet, aut desit peritus Chirurgus, interim, lapis vesiçæ ceruicem, in quam sæpe incumbit, asperitate suâ exulceret, lenientia

lenientia remedia vsurpanda sunt, qualia pro ardore urinae infra describentur.

Quod si fortè lapis in ceruicem vesicæ impactus urinam supprimit, supino decubitu, cruribus eleuatis, & corpore agitato decutiendus est; dein foru aut infellu emolliente; tum cathetere intromisso, qui lapidem in capacitatem vesicæ impellat.

C A P V T V I.

De inflammatione renum & vesicæ.

Quia inflammatio renum & vesicæ iisdem curatur remediis, idè vtramque in eodem capite includimus, quamuis in diagnosi quandam habeant differentiam, quæ in sequentibus explicabitur.

Est autem inflammatio renum & vesicæ, tumor illarum partium, ex affluxu humoris sanguinei, vel biliosi in propriam illarum substantiam effusi.

Non admodum frequens est partium istarum inflammatio, ob substantiam earum solidam ac densam; interdum tamen fieri solet, quia renes carnosos præditi sunt parenchymate, sanguini recipiendo idoneo: vesica verò licet exanguis & spermatica sit, cum tamen sanguinem ad sui nutritionem, per venarum propagines recipiat, non est dubium, quin illo nimia copiâ influente & extrauaso inflammatio fieri possit; quemadmodum in aliis corporis membranis, vt menyngibus cerebri, pleura, mediastino, aliisque contingit.

Diximus istas inflammationes ex affluxu humoris sanguinei, vel biliosi produci, quandoquidem pituita & melancholia in sanguine redundantes, illum

crassiores reddunt, quominus densam earum partium substantiam subire possint: aut saltem exigua debet esse crassorum istorum humorum portio cum sanguine permixta, ut hunc affectum producat. quod etiam rariùs contingit.

Causæ hunc affectum producentes ex rebus naturalibus, non naturalibus, ac præternaturalibus desumuntur.

Ex parte rerum naturalium, infirmitas illarum partium congenita, & à parentibus contracta, vel magna substantiæ earum laxitas, feruor & caliditas excedens illis ab ortu impressa, cuius ope humores copiosos attrahunt; ætas iuuenilis, & feruida, ad inflammationem inducendam plurimum conferunt.

Ex parte verò rerum non naturalium, ad huius affectus productionem plurimum possunt; venus immodica, partes istas maximè debilitans, & plurimum sanguinem, aliosque humores ad eas alliciens; crapula, & usus vini generosioris ac meracioris; tum ciborum salforum & piperatorum, animi pathemata grauiora; supinus decubitus in culcitra molliori; exercitationes vehementiores, aut labores insueti; insignium euacuationum suppressiones, ut mensium, hæmorrhoidum, aut hæmorrhagiæ ex naribus, quæ causas internas, plethoram scilicet & cacochymiam multiplicant, & humores ad interiora viscera quasi refluxu quodam propellant.

Res denique præternaturales ad huius affectus productionem concurrentes sunt, ictus, aut vulnera, renum, aut vesicæ regioni inflicta, compressio nimia, aut contusio illarum partium; febres continuæ, impuritates omnium vasorum, vel aliquarum partium suam illuiem expurgantium per urinæ vias, ut in pleuritide, empyemate, lienis obstructione, mesenterij infarctu, & similibus

similibus contingit: ac denique ipsarum partium affectus peculiares ad inflammationem in iis accersendam plurimum conferunt, vt calculus, dolor vehemens à quacumque causa excitatus, exulceratio, vrinæ ardor, vel suppressio, & similia.

Signa inflammationis renum diagnostica sunt. Dolor in renum regione grauis, & aliquando pulsans, si locus in quo sunt arteriæ, afficiatur: & ille dolor ad partes vicinas extenditur, vt aëri neque sese erigere, neque pedibus inniti valeant; tum etiam difficile in latus oppositum sese conuertere, neque in illud, neque in ventrem decumbere possint, quia suspenditur pars inflammata; ideò perpetuò in dorsum residere coguntur, & si sternutatio, vel alia corporis commotio accidat, dolor valde exasperatur. Stupor aut etiam dolor in crure eiusdem lateris percipitur, ob nerui, qui inde ad crura tendit, condolentiam. Dysuriâ etiam laborant ægrotantes, ob ardorem vrinæ communicatam, & ichores ei permixtos, à parte inflammata exudantes. Vrina in principio tenuis est & flaua, in progressu verò rubicunda & crassior euadit, febris assidua & acuta ægrotantem affligit, quam sæpe sequuntur vigiliæ, deliria, aliaque grauius symptomata; nausea & vomitus sæpe affligit, quo biliosa, pituitosa, ac varia reiciuntur.

Colon intestinum aliquando inflammatione afficitur, quæ si eam partem occupet quæ renibus vicina est, similia profert symptomata; in eo tamen distinguitur, quod in renum inflammatione, dolor ad costas notas, dorsum, & vesicam se extendat; coli verò inflammatio magis versus ventrem, & maior apparet mutatio in alui deiectionibus, quàm in renum inflammatione.

In vesicæ verò inflammatione dolor pubis regionem occupat,

occupat, & perinæum, in quibus etiam partibus calor, & interdum rubor apparet. Ardor urinae perpetuus est, sed illa etiam supprimitur, adstricto vesicae ductu à tumore partis. Rectum intestinum affligitur propter viciniam, unde crebra desidendi cupiditas cum ardore procedit; aliquando etiam alui suppressio, intestino à vesica inflammata compresso. Adsunt etiam alia symptomata communia, quæ in renum inflammatione enumerata sunt, ut febris, vigilia, delirium, sitis, & alia huiusmodi.

Prognosis horum affectuum non nisi mala, & valde anceps proponi potest. Internæ enim inflammationes, præcipue in partibus ad vitam necessariis, perpetuo mortis periculum minantur. Magis autem lethales sunt, si iis delirium, aut convulsio, aut graua alia symptomata succedant. Ac si sudores frigidi, ac perfrigerationes extremorum appareant, mors in propinquo est.

In renum inflammatione si hæmorrhoides superueniant, bonum.

Si renum inflammatio suppuretur, & rupto abscessu per urinae vias pus euacuetur, salutis spem præbet. Si verò per emulgentes ad hepar, intestina viam molietur, periculosa est.

Leuis vesicae inflammatio cum hypostasi in urina, alba & æquali, spem salutis pollicetur.

Vesicae inflammatio soluitur aliquando, erysipelate in cute repente oborto, & urinâ copiosâ emissâ.

Curatio inflammationis in renibus & vesica, perficitur remediis reuellentibus, deriuantibus, refrigerantibus, ac modicè repellentibus, anodynis, resoluentibus, vel suppurantibus, si opus fuerit, aliisque quorum materia, & vtendi modus sequentibus exponitur.

Ac primum phlebotomia maximè necessaria est, aperiendaque basilica respondens affecto reni, bis, ter, quater, & pluries, modò vires constent, idque donec fluxio consistat, quod ex doloris remissione cognoscitur. In vesicæ verò inflammatione eligenda est pars dextra propter hepar, ex quo velut sanguinis fonte præsumitur eiusmodi materia profluere.

Demptâ sanguinis multitudine, & facta reuulsione sufficienti per venas superiores; inferiores etiam aperiendæ sunt deriuationis gratiâ, in poplite, vel malleolo; tum etiam hæmorrhoides aperiendæ, potissimum si tumefactæ, aut prominentes appareant.

Ad reuulsionem etiam non parùm conferre poterunt cucurbitulæ superioribus & inferioribus partibus admotæ cum scarificatione; frictiones, & ligaturæ dolorificæ extremarum partium, ad reuocandos versùs exteriora humores.

Ante & post venæ sectionem, clyster emolliens & refrigerans iniiciatur, ac moderatè laxans; eiusque parua sit quantitas, ne tumorem comprimat, hanc formâ.

℞. Rad. althææ ʒ. j. fol. maluæ, violar. lactucæ, ana M. j. prun. dulc. paria iiij. hord. mundat. & flor. violar. ana P. j. Fiat decoctio ad ʒ. viiij. vel x. In colat. dissolue cassiæ, vel diapruni simplicis ʒ. j. ol. violac. ʒ. iiij. vitellos ouorum num. ij. Fiat clyster.

Sanguinis feruor inhibeatur iulepis & emulsioni-
bus, in hunc modum compositis.

℞. Aquar. endiuicæ, lactucæ, & portulacæ, ana ʒ. iiij. syrupi granat. ʒ. ij. syrupi nymphaeæ ʒ. j. Misce, fiat iulep. pro iiij. dosibus, mane & serò sumendis. Vel.

℞. Rad. acetosæ ʒ. ij. fol. maluæ, plantag. portulacæ & endiuicæ, ana M. j. summitat. papau. albi M. ʒ. sem. anisi & lactucæ, ana ʒ. j. flor. borrag. violar. & nymphaeæ,

phææ, ana P. j. Coquantur ad lb. j. β. deinde adde succi granat. ʒ. iij. Vel.

ʒ. Amygdal. dulc. excorticat. ʒ. j. pineorum recentium ʒ. β. sem. lactucæ, acetosæ, portulacæ, & papaueris albi, ana ʒ. iij. Contundantur, ut artis est, sensim affundendo aquæ hordei, vel lactucæ, aut portulacæ lb. j. β. Incolat. dissolue sacchari rosacei ʒ. j. Fiat emulsio pro iij. dosibus; in qua omissa fuerunt semina frigida maiora, quæ diuretica cum sint, aliquid versùs istas partes deducere possent, præcipuè dum fluxio adhuc est in motu; nam in declinatione ex usu esse poterunt. Vtiliter etiam addetur emulsioni syrupus de papau. ad fluxionem potentius cohibendam.

Per clysteres etiam partes inflammatæ refrigerari poterunt, paratos ex decocto iulepi prædicti cum olei rosac. aut violat. ʒ. ij.

In principio harum inflammationum purgatio non conuenit, quia metus est, ne exagitati humores magis præcipitentur ad partes affectas, ita ut etiam alui fluxus ingens eo tempore superueniens, cohibendus sit, propter eandem causam. At sedata aliquantulum inflammatione, & inclinante morbo, purgatio conuenire poterit ex benignioribus composita, ut manna, cassia, rhab. tamarindis, diaprun. simpl. catholicon & syrupo rosaceo, cum decocto lactucæ, portulacæ, aliorumque refrigerantium in iulepis descriptorum. Vel ex prædictorum nonnullis bolus componi poterit.

Exteriùs verò, ab ipso morbi initio, adhibenda erunt medicamenta refrigerantia, & modicè repellentia, ut epithemata liquida, ex aquis vel succis plantaginis, acetosæ, endiuæ, solani, rosarum, cum pauco aceto, santalo rubro & camphora. Linimenta ex oleo rosaceo omphacino, violac. cerato santal. vnguento albo refrigerante, vel populeone, solis, aut mixtis, addito pauco

aceto; quæ applicari debent partibus prædictis singulis horis subfrigide.

Vel poterit fieri linimentum ex ovo integro fortiter agitato, affundendo parum olei & aceti rosacei.

Vel poterit parari optimum ex oleo rosaceo omphacino, cum aceto & succo polygoni, aut portulacæ, cui etiam adde, si lubet, recentem oui vitellum. His imbuti panni admoveantur subfrigidè.

Si dolor acerbissimus vrgeat, non erit alienum in huiusmodi epithematis & linimentis parum opij & croci dissolvere.

Poterit etiam fieri cataplasma ex farina hordei, cum succo intybi, portulacæ, & solani, adiecto oleo rosaceo & ynguento populeone. Sed illud frequenter immutandum est, priusquam incalescat.

Hic autem tria diligenter observanda. Primò non esse diu immotandum in istis refrigerantibus, ne impediatur materiæ coniunctæ diaphoresis, vel ne tumores isti scirrhescant. Secundo in vesicæ inflammatione minùs astringentia, & refrigerantia esse admouenda, ne accidat ischuria, quod symptoma per se est valdè frequens in hoc malo, ac valdè periculosum. Tertio cataplasmata in vesicæ inflammatione minùs convenire, quàm vnguenta & liminenta, quia partem pondere suo gravant, ita vt difficilius multo dilatari valeat.

Postquam igitur per brevissimum spatium refrigerantibus hisce remediis usus fueris; iis dimissis, post iteratam scilicet phlebotomiam, & fluxione magnâ ex parte cohibitâ, ad mollientia, leuiter resoluentia & chalastica dicta veniendum. Talia erunt fomenta ex decocto rad. althææ, fol. maluæ, violar. parietar. sem. lini, fœnugr. maluæ, bombacis, cum flor. chamæm. meliloti, anthos & rosar. ad robur partis servandum.

Deinde admouenda erunt liminenta ex oleo lilior. rosac. cum pauco chamæmelino.

Inter chalastica autem, & anodyna simul, non est præstantius vllum cataplasmate de mica panis, quod in hunc modum componitur.

℥. Medullæ panis albiss. ℥b. j. Coquatur in lacte caprillo ad pultis consistentiam. Deinde adde vitellos ouorum n. iij. olei rosac. Vnc. iv. croci ꝑ. sem. Fiet cataplasma, sæpe immutandum. Poterit addi tantillum opij, & camphoræ, si dolor fuerit acerbior.

In vesicæ inflammatione, si metus sit gangrænæ, conueniet cataplasma corroborans ex farinis fabarum, orobi, lupinorum, in vino decoctis.

Vbi iam maxima pars inflammationis sedata videbitur, tum purè resoluentibus decoctis, & liminentis vtendum, vt reliquæ absumentur, quod est maximè optandum.

In toto morbi decursu symptomatibus grauioribus, vt febri, dolori, vigiliis, suppressæ vrinæ, & aluo; ventriculo, aliisque partibus compatiens erit accuratè prospiciendum.

Et quidem quod ad febrem, dolorem & vigiliis attinet, certum est vacuantia & alterantia proposita plurimùm facere ad illorum mitigationem. Illis tamen addi possunt epithemata, linimenta & oxyrhodina, quæ hepatis, cordis, & cerebri regioni admoueri solent; nec non summâ virgente necessitate, narcotica, tum assumpta, tum per clysterem iniecta.

Peculiariter verò ad vesicæ dolores leniendos parari possunt glandes anodynæ; vel noduli ex vitellis ouorum cum pauco opio, & succo hyoscyami, vel similibus confecti, in anum immittendi.

Ischuriæ verò, aut dysuriæ vesicæ inflammationis frequenter accidere solitæ, remedia ex propriis capitibus erunt desumenda.

Si renum inflammatio propositis remediis discuti non potuerit, sed ad suppurationem tendat, quod dignoscetur ex febris, doloris, aliorumque symptomatum augmento, tum etiam horrore & vomitu, pondere circa partem maiore, tum præcipuè apparente, cum æger in partem sanam inclinat; motus naturæ adiuuandus est ad motis cataplasmatis ex radicibus & herbis emollientibus, sem. lini, flor. chamem. Quibus costis, tufis & cribratis adduntur farinæ, butyrum, axungia, & olea iisdem viribus prædita. Quibus nisi abscessus ruptus cum urinis sese expurget, pus in abdominis capacitatem irumpit, unde mors repentina, vel febris hæctica succedit. Aliquando tumor foras prodit; tumque vel cauterio potenciali, vel sca'pello aperiendus est.

Contingit etiam aliquando tumores istos indurari, & scirrhosam naturam adipisci, cessante febre, dolore tamen perseverante, cum ponderis sensu maiore & circumiectarum partium quodam stupore. Quod malum plerumque insanabile est, in cachexiam & hydrôpem hominem coniiciens. Tentanda tamen illius curatio est, mollientibus, incidentibus, & digerentibus remediis, qualia in scirrhii hepatis curatione fuerunt proposita.

C A P. V T. IV.

De mictu sanguineo.

Sanguis à multis partibus ad urinæ vias transferri potest, & urinæ permisceri, eamque sanguinolentam

reddere ; sed cùm id rarò contingat, & nos hic tantùm renum & vesicæ affectus elucubremus , de illa tantùm vrina cruenta agere instituimus , quæ à renum, aut vesicæ vitio contingit. Effluit autem sanguis ab illis partibus , quemadmodum ab omnibus aliis (vt in hæmorrhagia narum, hæmoptysi , vomitu sanguinis, & fluxu hæmorrhoidali diximus) per anastomolim, rixim , aut diabrosim, rarissimè verò per diapedesim venarum, quæ ad illas partes deferuntur.

Causæ frequentiores sunt , sanguinis copia vel acrimonia, vel calculus renibus impactus : à copia sanguinis præsertim ruptio venarum potest contingere ; ab acrimonia erosio, vel apertio , seu anastomosis ; à calculo etiam erosio, seu attritio venularum , & ipsius renum parenchymatis , quando calculus ei impactus per equitationem , ambulationem celerem, aut alium quempiam motum celerem commouetur , & in eo motu partes illas asperitate sua dilacerat.

Aliæ autem causæ præter repletionem, aut sanguinis copiam, ruptionem vasorum efficere possunt , vt casus, ictus, ponderis grauioris eleuatio , vel gestatio , motus corporis vehemens, & similia.

Qui à plethora inducitur fluxus sanguinis per vrinæ, non semper morbosus est, aut symptomaticus ; sed interdum contingit bonis ægri rebus , natura onus superfluum per illas vias deponente, sicut refert Aretæus, nonnullos per quosdam circuitus sanguinem mingere, eoque circuitu cessante , capitis dolores , oculorum caligines, & vertigines excitari.

Vesica etiam sanguinem effundere potest , si à calculo asperiori vulneretur , aut humore acri erodatur, sed pauca est illius quantitas , quia vesica membranosa est & exanguis. Si autem sphincter musculus afficiatur, aut virgæ canaliculus , inde copiosior sanguis emanare

nare potest; ut in effrænata venere interdum contingit, in primis si prostatum inflammatio ex gonorrhœa adfuerit.

Diagnos huius affectus respicit illius speciem, partem affectam, & causam illam committentem. Affectus species sensibus obuia est. Facile enim est sanguinem urinae permixtum agnoscere; est enim loturæ carniū similis, & interdum exigui quidem thrombi in eius fundo resident. Aliàs verò urina lixiuio similis est, quando diutius moratur in vesica, siquidem in illa mora sanguis denigratur. Partem affectam situs doloris ostendit. Si enim in regione lumborum percipiatur, renem affectum significat; si verò in regione hypogastrii, vesicam. Deinde sanguis à renibus profluens, urinae exquisitè miscetur, ex vesica verè purus frequenter, & impermixtus effunditur. Hanc diagnosim expressit Hippocr. duobus Aphorismis, nempe *Aph. 78. sect. 4. Quicumque sponte & repente sanguinem mingunt, iis à renibus venula rupta significatur; & Aphor. 80. eiusdem sectionis: Si sanguinem mingant, aut grumos, vel stillicidium urinae habeant, & dolor in anum incidat ventrem, & pectinem & perineum, ad vesicam labor est.*

Si à calculo mictus sanguinis procedat, illius signa apparebunt, capite proprio relata. In horum defectu coniciendum est, sanguinis copiam ver acrimoniam hunc affectum producere. Copia sanguinis ex signis plethoræ apparebit, acrimonia verò ex signis biliosi aut melancholici humoris in corpore dominantis; tum etiam pituita falsa, quæ per urinas excernitur, gravem dysuriam, & mictum sanguinis efficere conuenit, quod in senibus frequenter contingit, huic pituitæ falsæ generandæ valde obnoxiiis. Et hac ratione præsertim discernitur mictio sanguinolenta, quæ fit ab acris humoribus, ab ea quæ fit à calculo,

lo, quod in hac nephritici dolores, aut etiam lapillo-
rum excretiones præcesserunt; in illa verò æger nun-
quam antea calculo laborauit; & vrinæ claræ, ac lim-
pidæ; nullis heterogeneis contentis infectæ appa-
rent. Et non solum ab exercitiis immodicis, (quod
utriusque causæ commune est, sed etiam à solis animi
pathematis affectus excitatur, quando ab humori-
bus acris procedit; qui ab huiusmodi pathematis
maximè commouentur; ita vt huic affectui obnoxii
post itam, aut mororem, aut animi contentionem
grauem, in mictum sanguinis plerumque soleant in-
cidere.

Quod ad prognosim spectat. Copiosa vel frequens
sanguinis per vrinas euacuatio valde periculosa est;
potest enim in tabem & hydropem ægotantem dedu-
cere. Si verò diuturna sit; vlcus excitare potest in ea
parte à qua sanguis emanat. Si assatim sanguis vna
vice emingatur, metuendum est ne periculosam exci-
tet ischuriam in vesica concrefcens; vel alia graua
symptomata pariat, in eadem conerescens, & prauam
induens qualitatem.

Curatio huius affectus pro varietate causarum va-
rianda est.

Ac primum si à sanguinis copia, vel acrimonia pro-
ducatur; curandus est primùm phlebotomia, è dire-
cto renis affecti celebrata, parca manu & frequenter;
vt maior fiat reuulsio. Cui etiam conferre poterunt
cucurbitulæ, frictiones, & ligaturæ in partibus supe-
rioribus. Imò si sanguis copiosè fluat, cucurbitulæ
hypocondriis erunt admouendæ.

Ad deriuationem verò sectio malleoli, & apertio
hæmorrhoidum conuenire poterit.

Quando humores serosi, aut biliosi sanguinis ex-
cretionem promouent, illi expurgandi erunt purga-
tionibus

tionibus in hæmoptoe propositis, per intervalla repetitis. Quibus etiam sequentia pro Medici arbitrio, subrogari poterunt.

℞. Rhab. parum torrefacti puluerat. Drach. j, coralli præparat. ʒ, sem, feri caprilli, aut aquæ plantag. Vnc. iij. Fiat potio.

℞. Cassiæ recentè extractæ Vnc. sem, pulpæ tamarind. Drach. vj, boli armeni orient. ʒ. sem. Cum saccharo fiat bolus.

Post debitas reuulsiones & euacuationes, vel etiam dum illæ celebrantur, si res vrgeat, ad ea veniendum est, quæ cohibere sanguinem, ac venas constringere & glutinare possunt. Quæ tamen statim apparente sanguinis fluxu vsurpanda non sunt, ne citius quàm par sit cohibitus, incrassatus alicubi grumescat. In hunc vsum maximè commendatur succus plantaginis recentè extractus, ad Vnc. iv. vel v. exhibitus, manè & serò sumptus, qui etiam ad quamcumque hæmorrhagiam vtilissimus est. Si tamen nimia ventriculi refrigeratio timeatur, cum saccharo nonnihil decoquendus est.

Lac ouillum maximè laudatur à Foresto lib. 24. obseru. 13. Sapè, inquit, sanguinis mictum solo lacte ouillo, nempe sumendo Vnc. iv. lactis, & Drach. j. boli armeni veri, curavi. Hoc idem expertum à Gatinaria. Qui tamen præcipit, ne post eius assumptionem aliquis dormiat, neque se exerceat. Laudant etiam Hollerius, & Duretus, ex Hippoc. & Auicenna.

Decoctiones etiam ex centinodia, equisetis, portulaca & summitatibus rubi ad hanc rem sunt efficaces, additâ tertiâ parte succi granatorum acidorum, vel cydoniorum.

Vel ad feruorem sanguinis temperandum, vtatur apozemate in plures doles manè & serò, in hunc

modum composito.

℥. Folior. lactucæ, portulacæ, plantag. & consolidæ maior. ana M. j. sem. frigid. maior. & minor. ana ʒ. j. iuiubar. par. iij. liquirit. Vnc. sem. flor. nymphææ, violar. & rosar. ana P. j. Fiat decoctio ad ℥. j. sem. In colat. dissolue gummi tragacanthæ Drach. j. sem. syrupi violac. & de rosis ficcis, ana Vnc. j. sem. salis prunellæ Vnc. sem. trochiscor. alkekengi sine opio Drach. sem. Fiat iulep. pro quatuor dosibus.

Ad magis incrassandum, & sanguinem potentiùs cohibendum, poterit addi prædicto apozemati syrupi de papau. Vnc. j.

Pulveres etiã sanguinis fluxum cohibentes, vt coralli rubri, lapid. hæmat. boli armen. terræ sigillatæ, exhiberi possunt cum aqua rosar. & plantag. aut decoctis prædictis.

Si morbus sit diuturnior, opiata in hunc modum parari poterit.

℥. Conferuæ rosar. & rad. symphyti maior. ana Vnc. ij. terræ sigillatæ, boli armen. sanguinis draconis, corall. rubr. lapid. hæmat. & trochisc. de carabæ, ana Drach. j. hypocistidos, granor. kermes & sem. plantag. ana ʒ. j. Cum syrupo de papauere & myrtino, ana part. æqual. fiat opiata, de qua capiat magnitudinem castanæ manè & serò, superbibendo parum aquæ plantaginis.

Affectu etiã perseuerante, convenientissimum erit ægro per intervalla exhibere decoctum myrobalanorum, in sero lactis, aut alio liquore paratum.

Hollerius affirmat, & cum eo Durerus, ad mictum sanguinis curandum trochiscos Gordonij esse instar omnium.

Christophorus à Vega trochiscos de carabæ commendat, cum aqua plantaginis exhibitos; iisque semel

mel tantum horâ somni exhibitis se hunc affectum curasse affirmat.

Pro potu ordinario conueniet infusum lentisci cum vino mixtum, quod etiam manè instar iuleporum exhiberi poterit. Huius compositio talis erit.

℞. Lentisci ficci minutim concisi Vnc.j. aquæ fontis lb. iv. Infundantur per horas xij. in B.M. valdè tepido, vase bene clauso. Colatura seruetur ad vsum dictum.

Quia verò sanguinis grumi nonnunquam in vesica retineri solent, & sæuissima symptomata inducere; pro illorum dissolutione conueniet posca tepida, bibita per interualla, ex aqua maluæ & aceto non valdè acri. Acetum verò sit in minima quantitate, vt vix gustu sentiat.

Exterius verò topica admoventur regioni lumborum, refrigerationi & constrictioni renum idonea.

℞. Rad. bistortæ & symphyti maior. an. Vnc.j. folior. plantaginis, portulacæ, equileti, polygoni, bursæ pastoris, ana M.j. malicorij Vnc.ß. granor. surrach, myrtillor. hypocistid. an. Drach. ij. calycum glandium, santali rubri & citrini, an. Drach. j. rosar. rubrarum P. iij. Coquantur in aqua ferrata & pauco aceto. Colaturâ foueantur renes tepidiusculè.

Et eodem decocto poterit fieri infusus, auctâ dosi simplicium.

℞. Vnguenti comitissæ & refrigerant. Gal. an. Vnc. j. sem. Abluantur oxycrato diligenter, & inungantur lumbi frequenter. Vel ad magis constringendum.

℞. Succu plantaginis, sanguinariæ, ana Vnc. ij. aceti Vnc. sem. olei omphacini Vnc. j. Bulliant ad succorum consumptionem. Deinde adde sanguinis draconis, mastiches, cortic. granator. ana Drach. ij. camphoræ Drach. sem. vnguenti comitissæ Vnc. iv. ceræ q. s.

Fiat linimentum , addendo aceti parùm vnctionis tempore.

Lamina etiam plumbea multis foraminibus perforata, & supra renes gestata, huic vsui erit valdè idonea.

In eo sanguinis mictu , qui fit ex humorum acrimonia , iecoris ratio ineunda est , epithematis & vnguentis , illius regioni applicitis.

Quando à calculo & arenis fit sanguinis mictus, præmissis euacuantibus , reuellentibus & acrimoniam demulcentibus propositis ; ad ea deueniendum est, quæ leniter abstergendo renes ab infarctu liberare possunt. Eiusmodi sunt sequentia.

℞. Massæ pilular. de terebinth. cum rhab. Vnc. j. Capiat Drach. sem. manè cum syrûpi de althæa cochlear. ij. alternis diebus.

Diebus verò vacuis ab vsu pilular. sumat æger alternatim puluerem & morsulos sequentes.

℞. Glycyrrh. rasa Drach. ij. sem. 4. frigid. maior. mundat. ana Drach. j. sem. porulacæ , lactucæ , ana Drach. sem. trochiscorum de carabe , ac cornu cerui vsti præparat. ana ℥. j. sacchari ad pondus omnium. Fiat puluis tenuis , de quo capiat Drach. j. cum aqua maluæ, in qua semen cydoniorum aliquandiu infusum erit.

℞. Amygdalar. excorticat. & pineor. mundat. ana Drach. sem. althææ , alkekengi , ana ℥. j. sem. lactucæ , papaueris albi , ana ℥. sem. amyli , tragacanth. ana Drach. sem. glycyrrhiz. Drach. ij. sacchari Vnc. vj. Cum aqua parietariæ , fiat confectio in morsulos. Capiat manè & vesperi Vnc. sem.

Efficaciora diur. tica non conueniunt , v. pote quæ sanguinis fluxum promouere valent.

Ac denique aquæ vitriolatæ ad sanguinem cohibendam , renes refrigerandos , & calculos expellendos sunt efficacissimæ.

CAPUT V.

De ulcere renum , & vesicae.

VLCUS in renibus & vesica , à tribus excitatur causis ; abscessu disrupto post inflammationem suppuratam ; humorum acrimoniâ , qualis est ea quæ mictum cruentum efficit , quæ intensior facta, aut durans diutius , eas partes exulcerat , aut à calculo a'pero dictas partes erodente. Postrema hæc causa frequentior est , ac ferè ordinaria ; reliquæ verò infrequentissima.

Inter signa diagnostica , primum ac præcipuum est puris excretio cum vrina , quæ diutius perseverans, vlcus in partibus vrinariis latens certissimè ostendit. Vtrum verò renes , an vesica ulcere afficiantur, cognoscitur ex situ doloris , prout vel in regione lumborum , vel in pube aut perinæo infestat. Præterea pus à renibus procedens melius coctum est , album scilicet , leue , & minimè foetidum , quia parenchyma renum carnosum melius concoquit ; tum pus copiosius est , ac vrinæ magis permixtum, quæ lacti similis profunditur , donec longè post mictionem pus ab ea separaretur , & in fundo resideat. E vesica verò emanans purulenta materia pauca est , neque multum vrinæ permixta , neque adeò concocta ; sed cruda, variegata, & graueolens : par enim exanguis & debili calore prædita , materiam sufficienter elaborare nequit. Ex collo autem vesicæ , aut meatu vrinario , sincerum pus absque vrina sæpe excernitur. His adde quòd in ulcere vesicæ , aut illius cervicis , perpetua adest dysuria,

& continuus doloris sensus partem istam infestans, quod in vlcere renum minimè fieri solet, sed dilucida sunt dysuriæ & doloris intervalla.

Profundiori vlcere existente, sanguis interdum copiosus effunditur, qui difficile cohibetur, sæpiusque ramenta partium cum pure, vel sanguine excernuntur, nempe carunculæ ex renibus minutulæ vt plurimum, aliquando crassiores, quæ per vreteres difficilem transitum habentes, dolorem nephriticum pariunt: è vesica verò squamulæ seu pelliculæ membranosæ, ac veluti furfuraceæ crustulæ dimanant.

Ac denique in vlcere vesicæ diuturno & calloso mucosa illa pituita producitur, quæ in calculo vesicæ descripta est.

Quod ad prognosim attinet: cum omnia vlcera interna periculosa sint; ista etiam formidolosa & curatu difficillima censenda sunt; quandoquidem perpetuus fit ad eas partes humorum affluxus. Licet enim serum suapte naturâ detergendi vi præditum sit, hoc tamen locum habere potest in statu naturali, quando serum alienis qualitatibus infectum non est; si verò pravi humores, acres & salsi cum eo permisceantur, exulcerationem efficere eamque fovere possunt.

Recentia renum & vesicæ vlcera curationem recipiunt; inueterata verò incurabilia sunt,

In senibus non curantur renum & vesicæ vlcera, in iuuenibus aliquando, sed non nisi magno labore.

Vlcera quæ à calculo fiunt & fouentur, non nisi prius extracto calculo curari possunt.

Dolor, aliaque symptomata quæ vlcera prædicta comitantur, vigilias pariunt, corpus consumunt, homoque tandem in cachexiam vel atrophiam deducitur.

Curatio ulcerum renum & vesicæ, quemadmodum & omnium aliorum ulcerum, deterfione & exsiccatione seu consolidatione perficitur. In hunc finem sequentia vtiliter usurpari poterunt.

Ac primum, si plethora adfuerit, vel in parte affecta inflammatio quædam, phlebotomia celebranda est primum in brachio, postea verò in poplite.

Postmodum purgatio instituenda est, eaque frequenter repetenda, ut vitiosi humores in toto corpore redundantes, & ad partem affectam confluentes, educantur. Quæ tamen fieri debet medicamentis blandioribus, & tantum lenientibus, ut cassiâ, mannâ, syrupo rosar. rhab. & agarico, in formam boli, aut aliam solidiorem redactis; quia in forma liquida ad vias urinæ facilius deferuntur, eiusque acrimoniam augent. Sic opiata sequens usurpari poterit.

℞. Polypod. querc. & glycyrrhiz. ras. an. Vnc. ℥. sem. quatuor frig. maior. an. Drach. j. flor. viol. & borrag. an. P. sem. iuiubar. par. vj. prunor. damasc. par. iij. passular. minor. Vnc. sem. sennæ mundat. Vnc. ij. ℥. Infundantur in aqua hordei per noctem. Manè bulliant & colentur. Postea dissolue mannæ, in q. s. decocti solutæ & colatæ Vnc. j. sem. cassiæ recenter extractæ Vnc. iij. Coquantur ad opiata consistentiam, addendo in fine rhab. puluer. Vnc. sem. Dosis erit Vnc. j. semel in septimana, duabus horis ante pastum. Vel

℞. Cassiæ Vnc. ij. mannæ Vnc. j. sem. pulpæ sebest. & tamarind. ana Vnc. j. mucil. sem. psyllij Drach. vj. quatuor sem. frig. maior. an. Drach. j. succi liquir. Drach. ij. Cum syrup. rosar. solut. Fiat opiata.

Vtiliores erunt opiata prædictæ, si addatur mercurius dulcis, aut alius optimè præparatus. Siquidem mercurius eximiam vim habet omnia ulcera interna & externa mundificandi ac consolidandi.

Inter purgantia recensetur terebinthina, & in hoc affectu valde commendatur, quia simul aluum laxat, vlcus abstergit. Eaque cum pulvere liquiritiæ exhibenda est ad Vnc. sem. cum aqua plantaginis lota, Præcipue verò conuenit, quando vrina valde crassa, & mucosa est.

Vomitum in hoc affectu valde commendat Auicenna, *cap. de ulceribus renum*. Melius, inquit, quo renum ulcera curantur, est vomitus, propterea quod mundificat, & euacuat, & trahit ad contrarium partis renum. Aëtius verò *cap. de suppuratis renibus*: Si quis, inquit, omni mense audacter vomat, fortè & renum vlcus, & quicquid inde mali accidere posset, dissoluet. Hos sequuntur neoterici complures, quorum nonnulli aquæ & olei tepentis ante pastum exhibitione vomitum excitant. Quo solo remedio sæpè repetito, referunt hunc affectum curatum fuisse. At Rondeletius vult à cibo id fieri, cum à cibo melius vomant; & aquam tepidam exhibet, cum pauco oleo, simul iniungendo os ventriculi oleo lilior. ad eiusdem relaxationem. Aduertendum tamen vomitum proritandum esse in iis tantum qui facile vomunt; nam vehemens vomitus vlcus irritat.

Post debitas euacuationes & reuulsionnes, ad detergentium vsum progrediendum est. Quorum præcipua sunt serum lactis, maturinis horis in magna copia exhibitum, hydromel tenue, quod etiam manè sumi poterit ad Vnc. vj. vel viij. & in potu ordinario vsurpari. Decoctum hordei & liquiritiæ cum saccharo, eodem modo etiam vsurpatum. Cui pro potu hydrosaccharum simplex substitui poterit. In hydromelite autem, si caliditas illius metuatur, semina frigida maiora; vel ad magis leniendum, radix liquirit. & summit. maluæ, incoqui poterunt. Lac etiam asininum non solum de-

tergit,

tergit ferosâ suâ parte, sed & caseosâ consolidat. Non tamen exhibendum præsentē febre. Vel ad detergendum simul & leniendum decoctum sequens componi poterit.

℥. Rad. althææ Vnc. sem. fol. plantag. agrimon. capill. ven. & summitatum maluæ, ana M. j. sem. maluæ, & melonum, cum corticibus contusor. ana Vnc. sem. granor. alkexengi Drach. vj. liquirit. ras. Vnc. j. hord. integri P. j. Coquantur ad lb. ij. In colat. d. s. sive mellis rosac. Vnc. iij. sacchari candi Vnc. ij. Fiat iulep. de quo capiat Vnc. viij. manè per decem dies. Quæ ad renum, vesicæ & vteri affectus exhibentur, magnâ dosi sunt præscribenda, ne eorum vis in media via dissipetur.

Loco istorum omnium, vtiliter vsurpari possunt aquæ minerales aluminosæ, & ferratæ, quales sunt aquæ nostræ Meynenses. Quarum diuturno vsu corrigi potest intemperies calidior, vlcus mundificari, & ad cicatricem perducī.

Nonnulli commendant, ad ichores vlcus fouentes absumendos, internâque vlcera expurganda & consolidanda (in ægris potissimum temperamenti pituitosi; vel si lue venereâ aliquando infecti fuerint, & febris ac sanguinis fluxus non adfuerint) decoctum sudorificum ex rad. chinæ, salsæ parillæ, aut ligno sassafras, vel etiam guaiaco, per triginta, aut etiam plures dies exhibitum; cum decocto tuncinario ad potum ordinarium, victuque tenui & exsiccante. Intercâ tamen, ne viscera nimis inflammentur vsu istius decocti, iusculis refrigerantibus circa vesp̄eram exhibitis, & inunctionibus renum ex vnguentis refrigerantibus temperari possunt.

Tutius & vtilius in quolibet casu decoctum sequens vsurpari poterit.

℥. Rad. salsæ par. Vnc. iij. ras. ligni lentisc. Vnc. ij. ligni sassafras

fallafras Vnc. j. rasuræ eboris, & cornu cerui, an. ʒ. vj. iubar. & sebest. an. Vnc. sem. ligni nephrit. Vnc. iv. hord. mund. ʒ. ij. Infund. per hor. xij. in aquæ fontis lb. v. Coquantur ad lb. iiij. pro vj. dosibus bis in die sumendis; aromatizentur Drach. ij. cinnamomi.

Post vsum detergentium, vbi vlcus satis mundificatum fuerit, (quod cognoscitur quando pus cum vrina minore quantitate excernitur, idque album, & æquale, ac minimè foetidum (ea quæ exsiccant, astringunt, glutinant & consolidant, exhibenda sunt; quales sunt trochisci sequentes.

℥. Boli armen. terræ sigill. & coralli rubr. ana ʒ. iiij. gummi arabic. & tragacanth. ana Vnc. sem. Cum aqua agr. mon. fiant trochisci pond. ʒ. ij. Capiat vnum manè & serò cum lacte ouillo vstulato, vel decocto symphyti maioris.

At reliquis præferuntur, imò instar omnium habentur ad vlcera renum & vesicæ, detergenda & conglutinanda, trochisci Gordonij, qui simul dolorem leniunt, & ardorem vrinæ contemperant. Eorum dosis est ad ʒ. ij. vel. iiij. cum hydromelite, vel decocto hordei, quando magis est detergendum; vel cum lacte caprillo, aut potius ouillo, cum magis glutinandum est.

In eundem vsum opiata sequens potest vsurpari.

℥. Conseruæ ros. antiquæ Vnc. iiij. sem. portulacæ, plantag. myrtill. boli armen. terræ sigill. sang. draconis, ana ʒ. j. rasuræ eboris, & trochisc. alkekengi, ana ʒ. sem. Cum syrup. de ros. siccis, fiat opiata, de qua capiat magnit. castaneæ bis in die.

Iulepi verò consolidantes in hunc modum componi possunt.

℥. Rad. symphyti maior. Vnc. ij. fol. plantag. & pilosellæ, ana. M. j. summit. maluæ & capill. ven. ana M. sem.

M. sem. liquirit. raf. Vnc. sem. amyli, gummi arabici, tragacanthæ, boli armen. ana Drach. j. sem. lactucæ & portul. ana Drach. j. sem. ros. rubr. P. j. Fiat decoctio in aqua pluuiali ad lb. j. sem. In colat. dissolue sacchari Vnc. iv. penidiati Vnc. ij. Fiat iulep. de quo capiat Vnc. viij. manè per x. aut xij. dies.

Pilulæ etiam sequentes non parùm conferre poterunt.

℞. Terebinth. aqua plantag. lotæ Drach. j. succi liquirit. & gummi tragacanth ana ℥. ij. boli armen. & trochisc. alkek. ana Scrup. sem. Cum succo equiseti, fiant pilulæ, capiat Drach. sem. manè & serò.

Maioris sunt efficaciæ in sequentem modum compositæ.

℞. Rad. althææ, & symphyti maj. siccat. an. Drach. ij. gummi arabici, cerafi, & prunor. ana Drach. j. olibani, myrrhæ, ana ℥. iv. em. papau. alb. & alkek. ana ℥. j. β. camphoræ ℥. ij. Terantur omnia subtilissimè, & additâ tertiâ parte ponderis omnium cerussæ, antim. seu diaphoretici vulgaris fixissimi; cum s. q. terebinth. Venetæ, fiat massa pilular. de qua capiat Drach. j. manè, & serò longè à pastu, superbibendo parùm aquæ potus ordinarij.

Si dolorifica sit operatio terebinthinæ, eius loco succus liquiritiæ sumatur, in aqua parietariæ dissolutus ad formandam massam.

At præ cæteris lac vaccinum recenter mulctum, ad cyathi vnius quantitatem, cum boli armeni veri ℥. β. haustum singulis diebus matutinis, maximè conferre testatur Forestus ad vlceris consolidationem. Dicitque hoc vnum esse ex arcanis præceptoris sui Helidæi, quod & vlcus expurgat, & simul consolidat.

Quercetanus in Pharmacopœa, commendat aquam ad gonorrhœam. Quæ cum vlcera ex gonorrhœa contracta

contracta consolidet, idem in renibus præstare potest.

Hartmannus verò laudat opiatam, confectam ex conferuæ ros. partibus duabus, & pulueris sem. hyperici parte vna, in fine curæ per aliquot dies vesperi exhibitam. Idem curationem vlceryum foeliciter absolui posse asserit vsu mercurij dulcis ad gr.ij. vel iij. in aqua plantag. quotidie semel atque iterum exhibiti.

Maiores est efficaciæ mercurius diaphoreticus exacta, ac frequenti calcinatione paratus, vt fixus tandem euadat, & igni satis valido resistat; qui omnibus vlcerybus internis persanandis, iustâ dosi, ac diu vsurpatus mirabiliter conducit.

In vlcerybus admodum inueteratis decoctum aristolochiæ rotundæ in vino albo paratum, & saccharo addito, multum confert.

Præterea animaduersione dignum est, quod scribit Garcias ab Horto, in vrbe Goa aloën probè tussam & cum lacte mixtam iis proinari, qui vlcere renum, aut vesicæ laborant, vel qui purulentas excernunt vrinas, & ægros illico curari.

Exteriùs verò, ad consolidationem vlcerys adiuuandam, sequens vnguentum admoueri poterit.

℞. Succu plantag. & solani, ana ℥.iiij. ol. rosac. omphacini ℥. iiij. aceti ℥.j. lithargyri tenuiss. puluerati ℥.j. β. cerussæ lotæ ℥. β. turchiæ subtilissime pulueratæ ℥.ij. sang. drac. ℥.j. Reducantur omnia ad formam nutriti.

Sequens etiam admoueri poterit absente inflammatione.

℞. Olei rosac. mastich. & lentisc. an ℥.ij. myrrhæ, alcës, saccocollæ, sang. draconis, an. ℥.j. amyli, tragacanth. an. ℥.iiij. styrac. calamit. ℥.j. ceræ albæ q. s. Fiat vnguentum.

In ulcere vesicæ peculiariter conueniunt iniectiones bis in die usurpatæ, primùm detergentes ex hydromelite, sero lactis, aut decocto hordei, cum pauco melle rosaceo; postea verò adstringentes & consolidantes ex aqua ferrata, in qua rad. symphyti, myrrha, alumen, sarcocolla, & tragacanthum bullierint. Maximè verò conferent trochisci Gordonij in lacte dissoluti.

Fabricius Hildanus vlcus insigne vesicæ iniectione sequenti, cum nonnullis aliis remediis, curauit *obs.* 69. *cent.* 3.

℞. Rad. consolid. maior. ℥. j. hordei integri M. j. fol. agrimonij, veronicæ, scordij, achymillæ, faniculæ, ana M. ℔. Coquantur ad ℔. j. In colat. dissolue mellis rosac. ℥. ij. Misce, fiat iniectio.

Aduertendum, iniectiones istas non tantùm per syringam immittendas esse, vt vulgò fit, quia in vesicæ cavitatem non penetrant, obstante musculo sphinctere exquisitè clauso; sed immisso in vesicam catheteri syringa aptanda est, sicque iniectio ad locum affectum facile deferetur.

Quia verò in huiusmodi vlceribus dolores plerumque infesti esse solent, eorum mitigatio in toto curationis decursu, quoties vrgebunt, molienda est anodynis, interiùs & exterius usurpatis. Interna erunt syrupus de papauere, laudanum opiatum, & huic vsui peculiariter destinati trochisci alkekengi. Tum etiam emulsionem sem. frig. cum sem. papau. albi; addito, si opus fuerit, ipso papaueris syrupo; ac denique conserua florum althææ frequenter exhibita.

Exteriùs verò fomentum sequens a moueri poterit regioni renum.

℞. Rad. althææ ℥. ij. fol. malvæ, parietariæ, violariæ, ana M. j. sem. lini, foenugr. alkekengi, ana ℥. iij. flor. chamæm. meliloti, nymphaeæ, ana P. j. Fiat decoctio,

quæ foueatur pars cum filtris, non autem cum spongiis, propter falsedinem, quam à mari habent.

Post fotum, linimentum sequens admoueat.

℥. Olei violac. & amygd. dulc. an. Vnc. j. β. olei rosac. Vnc. j. mucilag. semin. althææ & fœnugr. an. Vnc. ij. croci ℥. j. Fiat linimentum.

Ad vesicæ dolores sequens iniectio parabitur.

℥. Sem. fœnugr. & cydonior. an. ℥. j. Macerentur per horam in ℔. j. β. decocti hordei. Postea per lintetum exprimantur. Fiatque mucilago satis liquida. Cui adde ol. amygd. dulc. Vnc. ij. mellis rosat. colat. Vnc. j. Misce, fiat iniectio.

At verò lac tepens recenter mulctum frequenter iniectum, præstantissimum est anodynum. In quo si trochisci Gordonij dissoluantur, omnes scopi tum doloris sedandi, tum vlceris curandi adimpleri poterunt.

C A P V T VI.

De Diabete.

Diabetes est celerrima ac copiosissima potus non transmutati per vrinas emissio, quam sequitur sitis intensa ac indefinens, & totius corporis colliquatio.

Dicitur diabetes *ἐκ τῆς διαβάσει*, à permeando seu transeundo, ob celerem vrinæ transitum, seu translationem, sicut aqua per siphonem traicitur, quam Mechanici, teste Collumella, *διαβήτης* vocant. Dicitur etiam *διψαρός* à siti inextinguibili, & hydrops ad matulam, propter vrinæ copiam, quæ assidue profunditur. Rarissimus est affectus, quem Gal. se bis tantum vidisse refert 6. de loc. affect. cap. 3.

Causa

Causa proxima & immediata huius affectus ex eodem Gal. loco citato, & omnibus illius sequacibus, est calida renum intemperies, cuius operâ serum à venis copiosissimè trahunt, & ad vesicam transmittunt, tantam eius copiam retinere nequeunt; venæ exhaustæ ab hepate eandem trahunt materiam; hepar ab intestinis, & ventriculo, vnde sitis continua exoritur; potusque ingens cupiditas, qui simul atque assumptus est à venis, iecore & renibus denuò abripitur, & copia sua expultricem irritans; ac retentricem granans denuò ad vesicam derurbatur.

Nonnullis hæc causa videtur insufficiens, cum calida renum intemperies frequentissimus sit affectus, diabetes verò rarissimus; ideò aliquid aliud valdè infrequens hic contingere aiunt, nempe humorem acrem, aut falsum renum parenchymati imbibitum, id est, bilem aut pituitam falsam, quæ virtutem partis attractricem continuò irritat, quemadmodum in febrium biliosarum paroxysmis continua sitis vrget, quæ nullo potu sedatur, ex humore bilioso tunicis ventriculi impacto, aut vaporibus biliosis à partibus vicinis (vbi bilis restagnat, & in paroxysmo febrili commouetur) eleuatis, & ventriculum impetentibus. Quæ sententia probabilis est. Illi tamen hoc addi posse eximamus, non solos renes in hoc casu tentari, cum bilis, & alij humores adusti in hepate primùm generentur; atque ita eos non posse magna copia in renes influere, quin hepar eadem intemperie, eodemque vitio afficiatur. Imò vero, si vlteriùs nobis in re obscura, & in naturæ silentio recondita per analogisimum ratiocinari liceat; possumus dicere venenatam quamdam qualitatem huic symptomati generando idoneam præcipuè concurrere. Cum enim illud serpentis genus, quod aspidacos appellatur, & in Libya præsertim reperitur, morsu suo venenum

quoddam in homines insinuet, à quo sitis inextinguibilis inducitur; simile etiam venenum in corporibus nostris, ex certa ac peculiari humorum corruptela, generari poterit; ad similem sitim inducendam idoneum; cum ipso Galeno autore, venena varij generis in corporibus nostris generari possint. Et magis adhuc præcisè, si venenum in corporibus nostris generari possit, maximam & horrendam potus auersionem inferens, quod in hydrophobia contingit, ut ægri ne visum quidem aquæ, alteriusve rei potulentæ, ferre queant: quidni etiam aliud venenum contrariis dotibus præditum generari poterit, ut summam & incompscibilem potus appetentiam excitet; Inde etiam ratio desumi potest, cur iste affectus adeò rarus sit; quia nimirum rarissima est talis veneni generatio; cum tamen bilis & pituitæ falsæ productio, & morbi ab iis oriundi frequentissimi contingant. Ac deniquè sicut fames canina diabete comparatur, quod in ea sit insatiabilis ciborum cupiditas, & occultæ cuidam qualitati à cordatioribus ascribitur; sic etiam immane istud potus desiderium, qualitati cuidam peculiari & occultæ ascribi potest.

Signa huius affectus diagnostica, ex iis quæ dicta sunt satis elucescunt; quando scilicet immodicum adest urinae profluvium, cum siti immensa, quæ assumpto potu nihil sedatur, quia statim atque assumptus est, subito reiicitur; & totum corpus celeriter contabescit; cum materia enim potulenta humiditates corporis alibiles simul excernuntur, factâ totius corporis colliquatione. Licet autem non rarò urinae profluvia copiosa contingant in febribus acutis, aliisque casibus, illa tamen ad diabete referenda non sunt, quoniam in iis symptomata prædicta, ut sitis inexhausta, corporis colliquatio, aliæque non reperiuntur.

Prognosis

Prognosis huius affectus non nisi funesta institui potest: malum enim incurabile est, nisi in principio curatio adhibeatur, & hominem ad tabem celerrimè perducit. In senibus etiam periculosior est; tum etiam si post immodicam venerem, aut febres chronicas contingat.

Illius curatio consistit in calida renum, aliorumque viscerum intemperie corrigenda eorundem imbecillitate ac laxitate reparanda, humorum ad eos confluentium tenuitate incraassanda, & maligna qualitate oppugnanda. Quæ omnia sequentibus auxiliis præstari poterunt.

Venæ sectio in principio morbi, viribus adhuc satis validis existentibus, reuulsionis & refrigerationis causa conuenire potest, parua quantitate, & partitis vicibus celebrata. Si tamen vires iam deiectæ fuerint, aut hic affectus alteri succedat, non erit locus huic remedio.

Euacuatio excrementorum per mollientes & lenientes clysteres molienda est in hunc modum compositos.

℞. Fol. lactucae, portulacæ, maluæ & plantag. ana M. j. hordei mundatis & ros. rubr. ana P. j. Fiat decoctio ad lb. j. sem. In colat. dissolue diaprun. simpl. Drach. vj. mellis rosac. & ol. omphacini, ana Vnc. ij. Fiat clyster, frequenter iniiciendus.

Tum etiam purgatio blanda instituenda est cum medulla cassiæ, & pulpa tamarindorum, vel decocto plantag. portul. lactuc. tamarind. & myrobal. cum syrupo rosaceo.

Vomitibus etiam à nonnullis commendatur, ex decocto seminis raphani & ebuli, cum oxymelite; qui vacuat, & renellit à partibus vrinariis.

Ad intemperiem autem dictarum partium corrigendam

dam; & humores incrassandos, conueniunt iulepi ex aquis, vel decoctis lactucæ, portulacæ, plantag. cum syrupo myrtino, cydon. & similibus; atque etiam de papauere in modica quantitate; addendo puluerem diatragacanthi frig. trochiscos terræ sigillatæ, & similia.

Vel ad magis astringendum in hunc modum componi poterunt.

℞. Rad. consolid. maior. & plantag. ana Vnc. j. fol. plantag. M. j. balauftior. & myrobal. citrin. ana Drach. j. sem. plantagin. & portulacæ, ana ℥. sem. rosar. rubr. P. j. Coquantur ad lb. j. In colatura dissolue syrapi cydonior. Vnc. iij. Fiat iulep. pro iij. dosibus.

In eundem finem puluis, vel opiata, confici poterit in hunc modum.

℞. Sem. plantag. portulac. coriandri præp. & rosarum rubr. ana Vnc. j. coralli præp. boli armen. margaritarum præp. & radice tormentillæ, ana ℥. j. nucis moschat. Drach. sem. Misce, fiat puluis.

℞. Conferuæ ros. antiquæ Vnc. iv. boli armeni, coralli præpar. & cornu cerui vsti, ana ℥. j. Cum miua cydonior. fiat opiata.

Erastus valde commendat syrupum, ex radice symphyti maioris, & prunis sylvestribus confectum; quem se summa cum felicitate in affectibus huic malo similibus vsurpasse testatur.

Narcotica etiam, vt theriaca recens, syrupus de papauere, & lacanum opiatum, prudenter vsurpata, in hoc affectu plurimum prodesse poterunt.

Perseuerante affectu lac ouillum, aut bubulum, aut asininum erit conuenientissimum: modò prius serum absumatur, injectis frequenter filicibus candentibus. Eoque æger uti poterit manè, prout in aliis affectibus dictum est.

Sudorifica

Sudorifica etiam ab Autoribus commendantur, quibus serofus humor ad corporis superficiem euocatur. Ea tamen suspecta merito esse debent, quandoquidem summam cum diureticis cognationem habent, viscerumque intemperiem augent. Si tamen iis locus aliquis vnquam esse videatur, ex temperationibus, vtpotè rad. chinæ, aut falsæ parillæ, cum foliis endiuie, borrag. acetosæ, decoctum parari poterit; imò verò in consumptis fieri poterit ex decocto pulli, aut gallinæ iunioris, vt simul renutritioni corporis consulatur. At verò tutius esse censemus externis remediis sudores elicere, purâ vapore decocti conuenientis in ligneo instrumento (vt vulgò fieri solet) nudo corpore suscepto.

Predictorum sudorificorum loco maximè conueniunt diaphoretica, quæ simul malignam qualitatem oppugnare possunt: qualia in febribus malignis proposita sunt: ex quibus ol. vitrioli præcipuum est, quia ad sitim extinguendam, fluxum cohibendum, & malignitatem infringendam præstantissimum est.

Pro potu vtatur æger aqua ferrata, cum syrupis acidis & astringentibus, vel decocto prunorum syluestrium & corticis interioris quercus. Quo remedio ferè solo se hunc morbum in puero curasse testatur Erasmus.

Exteriùs verò admoneatur focus regioni lumborum, ex decocto red. acetosæ, fol. plantag. cortic. granat. sem. sumach, & similibus, quibus aceti parùm addatur. Vel, quod vtilius erit, paretur infessus ex eodem decocto.

Eadèmq; pars inungatur vnguento rosaceo, santalino, & comitissæ simul mixtis, vel sequenti linimento.

℞. Olei rosac. & myrtin. an. ℥. j. santali rubri, rosar. rubr. & corall. rubr. an. ℥. j. succi plantag. ℥. j. ceræ q. s. Fiat vnguentum.

Denique symptomata hunc affectum comitantia, ut fitis, vigilia, consumptio, aliæque, remediis in propriis capitibus descriptis mitigantur.

C A P V T VII.

De Urinæ incontinentia.

URinæ incontinentia in retentricis vesicæ actionis læsione consistit; quemadmodum diabetes in vitio attractricis, & dysuria expultricis. Illa verò duobus modis solet contingere, vigilantibus nempe, & tunc causa grauior est; aut dormientibus, quod leuius esse consuevit, quandoquidem tunc temporis functiones animales minùs libere exercentur; & hoc etiam duobus modis fit, nempe debilitate, & laxitate musculi sphincteris vesicæ, quod pueris omnibus lactentibus, multis decrepitis, & quibusdam adultis accidit; aut imaginationis errore; non pauci enim reperiuntur, qui vel ex nimio potu, aut exquisitiore sensu vesicæ, aut aciori urina lectum perstringunt, concurrente quodammodo voluntatis imperio, dum per somnum imaginantur, se in parietem, aut alium locum urinam effundere; & huic vitio ita assuescunt, ut sine ulla vesicæ aut sphincteris eiusdem praua diathesi, id fiat, neque tam medicamentis liberentur, quam prauæ illius imaginationis mutatione, ut in pueris flagro; vel in adultis, si locus ille, quem per insomnia perstringere putant, rebus quibusdam pretiosis, aut venerandis exornetur; & illis sæpe spectandus proponatur.

Affectus autem præternaturalis, & verè morbosus, urinæ incontinentiam committens, in musculo sphinctere consistit, qui vel sympathicè afficitur, vel idiopathicè.

Sympathicè

Sympathicè quidem variis modis , vt quoties accidit summa totius corporis imbecillitas , & coloris natui exolutio , sicut in morti proximis ; vel quando totum corpus , aut dimidia illius pars afficitur paralyfi , aut illæ tantum neruorum propagines , quæ ab osse sacro exortæ , ramum vesicæ communicant. Fit etiam aliquando hæc musculi resolutio , ob simplicem condolentiam & vicinitatem , vt in grauidis mulieribus , ob vteri tumorem vel dolorem , & in maioribus recti intestini affectibus.

Idiopathicè verò musculus sphincter variis modis afficitur ; per vulnera scilicet illi inflicta , vt in lithotomia contingit ; aut vlcera profundiora , illius contractionem & occlusionem impediunt. Potissima tamen causa , & frequentissima , est frigida & humida intemperies , quæ ad partem istam debilitandam & relaxandam aptissima est. Ad quam intemperiem producendam plurimum conferunt , natium temperamentum frigidum & humidum , ætas puerilis, aut senilis, sexus muliebris, & morbi totius corporis, aut quarundam partium , à frigida & humida intemperie oriundi ; quibus addi possunt causæ externæ huic intemperiei producendæ idoneæ , sæpe alias recensita.

Hic tamen dubitare licet , quomodo contrarij affectus ab eadem causa producantur. Hippocr. enim in *Coacis* , à frigida intemperie urinae suppressionem fieri pronuntiat ; *Et refrigeratione*, inquit , *interceptio urinae, pessima* ; incontinentia verò interceptioni contraria est. Dicendum est , quando frigida intemperies solum vesicæ sensum imminuit , vel abolet , fieri suppressionem urinae , qua vesica non irritatur ad expellendum ; si verò facultas motiua lædatur quæ est in musculo sphinctere , ab eadem intemperie fieri incontinentiam , eo musculo relaxato.

Signa huius affectus diagnostica, aīa sympathicum affectum demonstrant, quæ desumenda sunt ex effectibus incontinentiæ urinæ producendæ idoneis, suprà commemoratis, quæ si adfuerint, inde affectum exoriri coniiciendum est: illis autem absentibus, de idiopathico affectu cogitandum est; qui si à vulnere, ulcere, aut alio affectu conspicuo sphincteris procedat, facile cognoscitur; at verò si nihil horum appareat, ad intemperiem partis frigidam & humidam animus conuertendus est; eaque deprehendi poterit ex causarum tam internarum, quàm externarum constitutione, & effectibus qui ab illis dependent, quales sunt, totius corporis molities, color albicans, nervosi generis, & partium genitalium laxitas, ætas puerilis, aut senilis, cacochymia pituitosa, & similia.

Quod ad prognosim spectat; affectus iste in senibus immedicabilis est, ob exuperantem humiditatem, & caloris nativi exolutionem, quæ irreparabilis est.

In febre acuta excretio urinæ inuchintaria admodum periculosa est; vel enim à delirio procedit, vel à summa facultatum omnium exolutione, quæ caloris nativi extinctionem consequitur.

In pueris curatur urinæ incontinentia, ætatis mutatione, cuius beneficio humiditas superflua sensim absimitur, & partes laxiores constringuntur. Si verò ante 25. annum non curetur, immedicabilis est.

Curatio incontinentiæ urinæ ad frigidam & humidam intemperiem, & musculi sphincteris laxitatem corrigendam dirigenda est. Quæ enim per sympathiam ab aliis primariis affectibus procedit, ad illorum affectuum curationem referenda est. Tum etiam quæ à vulneribus, ulceribus, aliisque affectibus conspicuis exoritur

exoritur, ab eorum curatione dependet. Hanc itaque curationem ita proponemus, ut tum pueris, tum grandioribus sufficere valeat, modò remediorum delectus à perito Medico habeatur. Ut nempe leuiora tantum in pueris usurpentur, & pro maiori vel minori annorum numero, eorum quantitas, & efficacia augeatur vel minuat.

Primò igitur phlebotomiæ locus hîc rarò esse potest, cum frigida intemperies & pituitosa illuies hunc affectum producat. Nisi forte totius plethora in iuuenili corpore eam suadere videatur.

Purgatio autem in hoc affectu semper necessaria est, eaque componatur ex phlegmagôgis medicamentis, quibus adstringentia quædam misceantur, non solum alterantia, sed etiâ purgantia, ut rhab. myrobalani & similia. Postea verò ad exsiccandam materiam illam pituitosam, partemque relaxatam constringendam, pulueres, opiata, vina medicata, & similia usurpari possunt, in hunc vel similem modum composita.

℞. Nucum cupressi, & myrtill. torrefact. rasuræ eboris coriandri præp. coralli rubri, & karabes, ana ʒ.ij. spodij. ʒ.j. rad. cyperi & galangæ, ana ʒ. Cum syrupo condituræ citri, fiat opiata, de qua capiat magnit. castaneæ mane & sero, superbibendo parum vini rubri.

Vel puluis ex prædictis, aut eorum nonnullis conflatus à ʒ. ss. ad ʒ.j. cum vino rubro exhibeatur bis in die, longè à pastu.

℞. Rad. consolid. maior. ʒ. ss. rad. cyperi, galangæ, ana ʒ.j. fol. plantag. equiseti, pentaphylli cum rad. ana M.j. nucum cupressi, calycum glandium, an. ʒ.iiij. sem. rutæ, agni casti, thuris, & rasuræ eboris, an. ʒ. ss. rosar. rubr. P.j. vini rubri lb. iiij. Infundantur per 24. horas. Colentur per manicam Hippocratis, addendo cinam

cinam. ℥.β. sacchari q. s. Fiat claretum, de quo capiat ℥.iij. vel iij. bis in die.

Multa & specifica proponuntur ab authoribus, ad huius affectus curationem maxime conducentia. Galen. *in medicamentis localibus*, & *in lib. de facile parabilibus*, laudat cerebrum & testiculos leporis combustos. Item coch'eam cum suâ testâ combustam potandam exhibet. Recentiores stercus leporis præbent, cinerem muriæ tostorum, vngulam apri torrefactam, cinerem ossium dactylorum, auellanas assas; puluerem corticum ouorum. Sed præ cæteris laudatur pulvis agrimonij, & tunicæ interioris ventriculorum gallinæ exsiccatæ; quæ seorsim, vel simul mixta exhiberi possunt cum vino rubro.

Testatur Solenander, se foelicissimum vidisse successum ex medicamento, à Gilberto Hollando Medico Romano celeberrimo in vsum rōuocato. Accipiebat guttur galli, virebat, vt non consumptum, sed totum, exsiccatumque teri posset. Exhibebat puluisculum ante coenam cum tantillo vini rubri, & si æger vino vti non posset, cum haustu oxycrati dulcissimi; idque per aliquot dies iterabat.

In grandioribus, ratione causæ antecedentis, ad exsiccandum totum corpus, conueniunt decocta sudorifica per xx. dies vsurpata, ex ligno guaiaco, aut sassafras parata. Quibus & substitui poterunt stuphæ, laconica, & in primis thermæ sulphuræ, & nitrosæ, quales sunt nostræ Balerucanæ.

Pro potu vtatur æger vino rubro austero meracioni, vel paucâ aquâ ferratâ diluto. Hydropotæ verò solâ aquâ ferratâ, vel in qua semen coriandri, aut tantillum mastiches bullierit. Vel denique, ad magis astringendum, aquâ in qua regulæ recentes ignitæ extinctæ fuerint. Eadêmque aquâ omnes cibi decoqui possunt. Parum

rùm autem bibendum est , præsertim in cœna. Tum in ingressu lecti vrinam reddat æger , ac rursus mediâ nocte excitetur ad mingendum , nec non & ante auroram Hoc non minimùm facere poterit ad mingendi in lecto consuetudinem immutandam.

Exteriùs verò , pubi scilicet & perinæo , topica admoveantur , quæ calefaciant , robovent, & exsiccent, in hunc modum composita.

℞. Rad. enulæ camp. calami aromat. rad. acori , cyperi , an. ʒ. β. fol. menthæ , saluiæ, origani, calamenti, absinthij , an. M. β. nucum cupressi , myrtill. gallar. & balaustior. an. ʒ. j. rosar. rubr. ꝑ. ʒ. Coquantur in æquis partibus aquæ sabror. & vini rubri , ad lb. ij. In colat. dissolue salis , & aluminis , an. ʒ. j. Foueatur regio pubis & perinæi , calidè manè & serò.

Vel ex eodem decocto , auctâ dosi simplicium, fieri poterit infusus , per multos dies vsurpandus.

Post forum, vel semicupium inungi poterunt eadem partes linimento parato ex oleis vulpino , rutaceo , irino; vnguentis martiato, aregon. cum puluere mastiches, cyperi , myrtillorum.

Vel admoueri potest vtiliter storax liquida , vel balsamum indicum , pauco vino dissolutum; vel pro ditioribus moschi & zibetæ grana aliquot in oleo moschatelino dissoluta.

Vel emplastrum sequens dictis partibus applicetur.

℞. Ladani , mastiches, an. ʒ. ij. ligni aloës, styrac. calamitæ , cinam. terebinth. an. ʒ. j. myrtillor. rad. cyperi, an. ʒ. β. succi menthæ & equiseti cum vino rubro extract. q. s. Fiat emplastrum.

Denique , si fluxio à capite in partes inferiores delabi videatur , quæ infirmitatem illam conciliet ; deriuetur errhinis , masticatoriis , caustico occipiti , vel brachio

brachio admoto, aliisque remediis, in catarrhi curatione propofitis.

C A P V T V I I I .

De ischuria & stranguria.

VRinae suppressio omnimoda *ixcupia* ab autoribus nominatur; imminuta verò mingendi actio *spazzyupka* dici solet; quamvis hoc vocabulum latius multò pateat, & simpliciter omne vrinae stillicidium comprehendat; quod si absque dolore fiat, & vrina stil-latim effluat; etiam cum aliquo conatu, imminuta est ischuria; si verò fiat cum dolore, ad dysuriam potius, seu vrinae ardorem referenda est.

Ischuria igitur, seu omnimoda vrinae suppressio, duplex statuitur, vera scilicet, seu legitima, quæ fit vesicâ plenâ existente, & notha seu spuria, quæ fit cum vesica vacua est, nihilque ad eam è renibus descendit.

Vera & legitima ischuria à tribus causis dependet, quarum prima est, sensus abolitus in vesica propter nervi, qui ad eam defertur, paralyfim & obstructionem; aut spirituum auersionem; quorum defectu efficitur, ut vesica stimulum non sentiat, & ad expulsionem non irritetur, ut in deliriis, & soporosis affectibus contingit.

Secunda causa est frigida vesicæ intemperies à causis refrigerantibus seu internis, seu externis contracta, quatenus sensum vesicæ hebetat, eiusque expultricem debilitat.

Tertia causa est, angustia cervicis vesicæ vrinae expulsionem præpediens. Huius autem angustiae tres assignantur

gnantur causæ à Gal. 1. de loc affect. cap. 1. Aut enim musculus cervicem vesicæ circumdans in tantum tumorem attollitur, ut meatus inde occupetur, ut si vel inflammatione, vel scirrho, vel abscessu, vel alio quopiam tumore affectus sit; aut in meatu caruncula quædam adnascitur ex præcedente ulcere; vel callus, aut alia quædam res, ex crasso lentoque humore paulatim longo temporis tractu generatur. Obstruitur etiam meatus à calculo, crudo crassoque humore, grumo sanguinis, vel pure.

Præterea exitum urinae intercludit compressio cervicis vesicæ à tumore partium vicinarum incumben-
tium, nimirum uteri ex foetu grandiore turgidi, intestini recti facibus duris impleti vel ani grandioribus hæ-
morrhoidibus tumefacti.

Fit etiam interdum hæc suppressio à nimia urinae copia diutius retenta, quæ totum vesicæ corpus ita distendit, ut ad expellendum sese contrahere nequeat, ex qua tensione meatus etiam contrahitur & obturatur. Repletur autem vesica ab urina nimis diu retenta, duobus potissimum casibus. Primo quando sanus aliquis urgentibus negotiis in foro, senatu, concionibus, comitiis, convivio, curru, aliisque casibus, ob loci & temporis non satis idoneam opportunitatem, urinam sponte suppressit. Deinde vesica nimis repletur, & distenditur, ut contrahere se amplius nequeat, dum urinae stimulus non percipitur, propter obtusum vesicæ sensum, affectis nervis, qui ad vesicam deferuntur, cum tamen illi qui musculo sphincteri constringendo dicati sunt, incolumes remaneant; quod cuidam accidisse testatur Gal. 6. de loc. affect. cap. 4. lугatis spinæ vertebris.

Notha verò ischuria illa nominatur, in qua urina suppressitur, vesica vacua existente, qua nihil feri ad eam defluit

defluit & descendit. Causa cur nihil feri ad vesicam descendat, duplex est; vel quia renes urinæ materiam non attrahunt, deorsumque demittunt; vel quia vretes non suscipiunt. Renum igitur attractrix, vel expultrix læditur. Attractrix læditur vel læsa facultate, vel errore obiecti. Facultas læditur à valida intemperie, frigida præsertim, vel impeditur ob aliquam obstructionem in renibus, aut venis emulgentibus residentem. Fiunt autem illæ obstructiones à calculo, pituita crassa, vel pure ab aliqua parte superiore ad illas vias confluente. Fit etiam interdum obstructio venarum emulgentium à repletionem nimia ex sanguine, & sero copioso in iis collecto; cuius rei historiam habemus in observationibus nostris, *observ. l. cent. l.*

Obiecti vitio renum attractio læditur, cum serum vel absimitur, ut in febribus ardentibus; vel ad alias partes transsumitur, ut in hydrôpe contingit.

Expultrix similiter læditur ab iisdem causis, intemperie scilicet, obstructione à calculo, sanguinis grumo, pure, vel pituita crassa; vel ab inflammatione.

Vretes serum non suscipiunt, nec ad vesicam demittunt, propter inflammationem, vel obstructionem à calculo, sanguinis grumo, pure vel pituita crassa; vel ob compressionem à tumoribus partium vicinarum.

Notandum est utrumque renem, aut vretrem debere esse affectum, ut omnimoda urinæ suppressio contingat; alterutro enim aperto, & libero existente, urina fluere potest.

Cautæ omnes prædictæ si grauiiores sint, integram urinæ retentionem facere possunt, quæ ischuria nominatur; si verò remissiores, partialem tantum & immutatam excretionem efficiunt, quæ stranguria dicitur. Vterque autem affectus ab iisdem causis per magis & minus

minùs tantùm differentibus dependet.

Dignoscitur vera, & legitima ischuria ex pondere & tensione hypogastrii; ac tumore circumscripto, vesicæ figuram referente. Causæ illius dignoscuntur ex rebus prægressis & concomitantibus. Si enim fiat ex quantitate urinae collectæ copiosiori, quæ vesicæ contractionem impediat, ex relatu ægrotantis percipitur, illum ob diuturniorem equitationem, loci aut personarum præsentiam & dignitatem, mictionis officium longiori temporis spatio omisisse, & nullum antea in illis partibus affectum habuisse. Si verò delirio, aparysi, aut alio affectu laborauerit, ex iis qui in causis enumerati sunt, illis meritò urinae suppressio erit referenda.

Astrictiones quæ fiunt à tumoribus illarum partium, aut vicinarum, vel aliis causis supra propositis ex propriis illorum affectuum indiciis innotescunt. Obstructiones verò canalıs vesicæ dignoscuntur immisā candelā, vel cathetere, quæ si penetrare non possunt, sed in via subsistunt, calculum, aut carunculam, aut aliam quampiam materiam obstruentem adesse demonstrabunt. Et illæ materiæ ita distinguuntur, quòd nimirum si calculus adsit canali impactus, dolores nephritici præcesserunt, si ille à renibus sit deciduus; aut si in vesica genitus, vel diu commoratus fuerit, signa præcesserunt calculi vesicæ, saltem leniora, qualia suo loco proposita sunt. Si caruncula urinae com meatum impediat, præcessit gonorrhœa virulenta, aut vlcus in meatu virgæ longo tempore materiam purulentam emittens. Si denique sanguinis grumus, pus concretum, vel pituita crassa obstructionem efficiat; portiunculæ quædam eorum per virgam excretæ, vel immisso catheteri adhærentes satis patefacient.

Spuria vero ischuria ex eo cognoscetur, quod nulla tensio, nullusque tumor, an pondus existit in pubis regione, sed potius vacuitas quædam in ea percipitur nullum adest mingendi desiderium, nullaque irritatio in vesica; & immisso cathetere, liber canalis aditus reperitur, & nulla vrina educitur. Præcesserunt autem signa calculi in renibus, aut vreteribus; inflammationis, aut magnæ plenitudinis: aut potius largior præcessit, quem non sequuta est vrina copiosa, unde venarum nimia repletio potuit contingere; aut denique febris ardentis, vel hydropis præsentia, serosæ materiæ auersionem testantur.

Prognosis quod attinet, vrinæ suppressio valde periculosa est, & si septimum diem excedat, certum affert interitum: serum enim retentum in venis, iecur opprimit, sanguinem inficit & inquinat, ac in totum corpus regurgitat, suffocationis periculum infert, & ad cerebrum delatum, comatosum affectum inducit.

Suppressio vrinæ quæ ob sauciatam spinam, aut casum, aut vertebræ luxationem accidit, incurabilis est.

Si odor vrinæ naribus & ore ægrotantis emittatur, lethale prorsus est.

Vrinæ suppressioni si tenesmus superuenerit; in septimo moriuntur. Eidem singultus superueniens mortem proximam denuntiat.

Curatio suppressionis vrinæ, siue illa totalis sit, siue partialis, ad causarum sublationem dirigenda est. Ac primum illa quæ spuria dicitur, & à renum aut vreterum affectibus dependet, ex inflammationis, doloris nephritici, aut calculi renum curatione desumenda est. Quæ verò fit à repletionem venarum emulgentium, larga sanguinis missione, & hydragogis medicamentis curanda est. Legitima verò ischuria, curatur remediis

remediis causas eam producentes auferentibus. Ac primum si fiat à vesicæ, aut partium vicinarum inflammatione, remedia ex vesicæ inflammationis curatione mutanda sunt.

Si verò suppressio fiat à calculo in vesicæ cervicem impacto, sequentibus remediis auferenda est.

Primò æger supinus collocetur; cruribus elatis, mox plurimum diuque concutiat ut calculus in vesicam relabatur. Et si hoc modo deturbari nequeat, immisso cathetere impellatur. Si verò calculus altius penetraverit in penis meatum, omnimoda illius exclusio procuranda est, digitis molliter impellendo, & deducendo ad extremum virgæ: tum virgam in aquam tepidam, aut in lac tepidum demittendo, aut ægrum in semicupium mergendo, ut meatus laxetur, & amplior fiat. Si verò neque foras extrahi, neque intro impelli valeat, docent Practici ligato pene in superiori & inferiori loco, partem sectione factâ aperire, & calculum eximere.

Obstructio verò colli vesicæ, quæ ab inflammatione fit, propriis inflammationis remediis curabitur. Interim tamen si vrina diutiùs retineatur, candela cerea, oleo amygdal. dulcium illita, blandè immitti poterit omnino vitando catheterem, ne dolore excitato inflammatio angeatur.

Quæ verò à caruncula fit urinæ suppressio, caruncula ipsius extirpatione curatur. Hæc autem remediis appropriatis perficitur, per candelam ceream immisiss, quæ à perito artifice, in huiusmodi Chirurgia apprimè exercitata, administranda sunt. Vrgente tamen symptomate, quandoquidem caruncula interdum intumescit, & totum canalem obstruit, necessitas cogit immisso cathetere urinam educere, quamvis periculum sit, ne irritata pars magis intumescat. Priùs tamen tentan-

dum est reuulsionibus, per venæ sectionem, & vomitoria celebratis, tum repellentibus pubi & perinæo adhibitis, carunculæ inflationem imminuere, vt retentæ vrinæ via patefiat.

Si à pituita crassa oriatur vrinæ suppressio, conueniet primùm purgatio ex diaphœnicone cum rhab. in boli formam redactō; ac deinde terebinthina, cum puluere liquiritiæ frequenter exhibita, postmodum radicū aperientium decoctum, cum oxymel. aut syrupo byzantino exhiberi poterit. Non omiſſis interim clysteribus, fomentis & semicupiis emollientibus & aperientibus. Eaque omnia conuenient, quæ ad calculum dissoluendum & expellendum fuerunt proposita. At inter cætera peculiari efficaciam sequentia conferre experientia docuit.

℞. Benedictæ laxatiuæ ℥.ß. trochisc. de myrrha ℥.ij. decocti fabinæ Vnc. iij. Misce, fiat potio; quâ vrinæ suppressio in quadam muliere breui curata est.

Si redundantis pituitæ copia in toto corpore, vel capite luxuriare videatur, purgatio vniuersalis per apozemata ad tres vel quatuor dies instituta, ab ipso morbi principio, erit vtilissima, præmissâ phlebotomiâ.

Non parùm etiam huic affectui prodesse potest iulepus, ex succo parietariæ, fœniculi marini, & limon. cum ol. amygd. dulcium, in curatione calculi renum descriptus.

Syrupus Fernelij de raphano, ad Vnc. ij. per vices exhibitus, est etiam vtilissimus.

Refert Dodonæus *libro obseruat. cap. 48.* quendam octogenarium, lixiuio, ex ouorum testis in cinerem redactis, cum vino Rhenano permixtis, semel tantum assumpto, ab vrinæ stillicidio integrè fuisse liberatum,

Arnaldus Villanouanus vinum alkekengi commen-

dat sequenti historiâ, in libro de vinis conscriptâ. Fuit tempore meo Cardinalis quidam, qui iam per quadriduum vrina abnegationem passus est, turgidus, & ut dicitur, desperatus, nullis aliis proficientibus medicinis: qui de consilio parui Medici per potum vini alkekengi liberatus est, & soluta est vrina in quantitate, ut impleretur quasi concha vna. Ex eo solo experimento, Medicus ille cum parua scientia & pauper, factus est magnus & diues: & multis quidem Deus dat gratiam, & affert utilitates, & contrâ; & totum est, quia iudicia Dei abyssus multa. Fit autem huiusmodi vinum, ut ibidem docet Arnaldus, accipi-
piendo fructus alkekengi 5. aut 7. aut plures, & contundendo cum vino albo, postea colando & exhibendo.

Aselli etiam cum vino albo triti & exhibiti, ad vrinam prouocandam efficacissimi sunt. Oleum scorpi-
orum Matthioli ad gutt.v. vel vj. exhibitum cum ius-
culo, aut alio liquore, vrinam potenter educit.

Crytalli mineralis vsus frequens suppressam vrinam mouet, præcipuè vbi metuitur inflammatio, quæ ab ipsa vrina diu retenta sæpissimè concitatur in tunica interiori vesicæ.

Spiritus salis idem præstat, & multò efficacius.

Ex vulgaribus succus parietariæ depuratus ad Vnc. iv. exhibitus cum sacchari Vnc. β. multum prodest. Illi admisceri potest sal prunellæ, vel spiritus salis.

Si huiusmodi suppressiones vrinæ à materia pitui-
tosa oriundæ frequenter recurrant, nihil erit præstan-
tius aquis thermalibus nitrosis & sulphureis, quales sunt nostræ Balerucanæ: quæ tum potu, tum balneo, materiam illam mucilaginosam dissoluere, abstergere, & absorbere faciliè poterunt.

Quidam vir nobilis huius vrbis, ab vrinæ suppres-
sione multos dies perseuerante, post alia remedia fru-

strà tentata , sequenti clystere iniecto , & per duas horas retento , liberatus est.

℞. Rad. apij, petrosel. brusci , gram. asparagi, malua, bismalua , ana .ij. parietar. M.ij sem. anisi, fœniculi, anethi , carui , dauci , ameos, carthami, rutæ, cumini, & baccarum lauri ; an. Vnc. sem. flor. chamærn. melilot. anethi & fœchad. an. P.ij. Coquantur in vino albo ad medias. In colaturæ lb.j. dissolue butyri recentis Vnc. iv. mellis rosac. Vnc.ij. sacchari rubri Vnc.j. benedict. laxat. Vnc.ß. vitell. oui , num.j. olei nucum, anethini, & sem. lini , ana Vnc.j. Fiat clyster.

Chymici sua etiam remedia ad hunc affectum prædicant , nimirum spiritus salis , vitrioli , sulphuris & terebinthinæ : quos ad ℞.ß exhibent cum aquis appropriatis , vel iusculo pulli. Commendant & salem tartari , & salem stipitum fabarum , à ℞.ß. ad ℞.j. exhibitum.

Nec non ad reuulsionem humorum à parte affecta, vomitoria vsurpant : eorúmque beneficio non paucos fuisse confestim liberatos gloriantur.

Toto curationis decursu fomenta , linimenta , cataplasmata , semicupia , aliæque externa vsurpanda sunt: quæ non alia esse debent , quàm quæ ad dolorem nephriticum suprà fuere proposita. Inter cætera valet cataplasma parietariæ frixæ cum butyro , vel melius cum oleo scorp. Item vesica oleo semiplena : melius erit si in hoc oleo cantharides coquantur.

Vulgò admouetur regioni pubis & lumborum cataplasma ex cepis frixis cum axungia porci , additis oleis quibusdam.

At longè efficacius operantur cepæ albæ crudæ in mortario tusæ , addito cleo in formam cataplasmatidis, & renibus admotæ , atque vieteritus & regioni pubis.

Cataplasma ex raphanis contusis idè præstare potest. Quando à grumo sanguinis ischuria producitur , il-

lius dissolutioni incumbendum est, exhibitis iis, quæ id præstare apta nata sunt. In hunc censum referuntur trochisci de carabe, coagulum hædi, leporis, mumia, oxymel simplex & scilliticum, syrupus acetosus, & similia. Exteriùs verò stercus bubulum mira præstat, iuxta sententiam Aëtij *tetrab. 3. ferm. 2. cap. 27.*

Cùm denique à pure urinae suppressio, aut stillicidium producitur, tergentibus & incidantibus opus est, qualia potissimum in renum & vesicæ vlcere proposita sunt.

C A P V T IX.

De dysuria seu ardore urinae.

DYsuria, seu urinae difficultatis nomine, omnem dolorificam mictionem intelligimus, quam etiam nomine ardoris urinae recentiores enuntiare solent. Cum stranguria ferè confunditur à quamplurimis Autoribus, qui in hac dolorificam etiam mictionem constituunt, sed eam à dysuria in hoc tantum differre volunt, quòd maior urinae quantitas in dysuria excernatur; minor verò in stranguria, quæ etiam eâ ratione urinae stillicidium nominatur. Verùm maluimus hos, clarioris doctrinae gratiâ, urinae quantitatem imminutam, quæ sine dolore fit, stranguriam nominare; & sub vno capite cum ischuria comprehendere, ex eo quod utrique eadem curatio adhibenda sit: omnem verò mictionem dolorificam sub dysuriæ nomine in hoc capite explicare, propterea quòd ab iisdem causis omnes producantur, iisdemque remediis curentur.

Causa proxima & immediata mictionis dolorificæ

est solutio continui in musculo sphinctere , vel canali vesicæ. Atque adeò quæcumque solutionem continui in illis partibus inferre valent , dysuriam seu ardorem vrinæ excitare possunt.

Inter illas causas , præcipua & magis frequens est vrinæ acrimonia , aliquando simplex , & sine aliorum humorum permixtione , quam viscerum , vel totius intemperies calidor, vel acriorum & calidiorum ciborum vsus excitauit ; sæpius verò ex permixtione humorum acriorum, vt bilis , & pituitæ salsæ; comparata. Aliquando pus ex renibus aut vesica vlceraris emanans talem vrinis conciliat acrimoniam. Nonnunquam etiam materia alba , & quasi lactea cum vrina copiosè emittitur, & ardorem vrinæ inducit , quam quidem materiam vulgus Medicorum purulentam esse existimat, & à renibus oriundam. Quam sententiam reprobatur Sennertus, huic innixua rationi , quòd nimirum , etiamsi toti renes in pus resolverentur , non posset tanta eius copia , quanta interdum per aliquot septimanas singulis diebus excernitur , inde suppeditari. Sed arbitratur ipse hanc materiam provenire ex vitiata coctione , primò quidem ventriculi , deindè etiam hepatis , cum error primæ coctionis non possit corrigi in secunda , vnde chylus , & postea etiam sanguis crudus relinquitur, neque à partibus falsis & tartareis mundatur, quæ in prima coctione separari debent , & ille postmodum à renibus attractæ, & ad vesicam transmissæ, dolorem inter mingendum pariunt. In eam sententiam se deductum esse profitetur , ex eo quòd vir quidam doctus , qui per aliquot septimanas ardore vrinæ laborabat , & vrinam quidem satis copiosam , sed tali materia alba ita refertam , vt dimidium vrnalis occuparet, cum maximo dolore excernebat , & variis adhibitis remediis nihil letaminis sentiebat , tandem solius vini maluatici potu

potu curatus fuit.

Calculus etiam in vesica latens, ubi inter mingendum cervici vesicae alliditur, dolorem excitat, quod etiam prestare possunt arenulae crassiores canalem in exitu vellicantes.

Inflammatio denique, vel vlcus istarum partium urinae ardorem excitat, quandoquidem sensus exquisitior ab illis affectibus redditus, urina etiam bene temperata graviter afficitur; quemadmodum videmus partes externas inflammatas aut ulceratas, ab obiectis etiam proportionatis, vel levi contactu, dolore affici. Sic in gonorrhoea, quamdiu adest parastatum inflammatio, ardor urinae continuo percipitur.

Diagnos huius affectus ex se manifesta est; dolor enim inter meendum ita evidens est, ut aegri non raro ex illius molestia eiulare cogantur. At signa causarum ita distinguenda sunt.

Si ex urinae acrimonia procedat, illa tenuis apparebit, ac intenso colore, atque interdum flammeo praedita, vel admixtio biliosae, pituitosae, aut purulentae materiae conspicua fiet, viscerum aderit intemperies, vel alimenta calida & acria, aeris aestus & similes causae calefacientes praecesserunt.

Calculi denique, & inflammationes illarum partium ex propriis suis locis innotescunt.

Quod ad prognosin attinet, hic affectus per se periculosus non est; sed magnam affert laboranti molestiam: & pro varia causarum dispositione difficilem non raro curationem recipit; in senibus praesertim, qui si decrepiti sunt, cum morbo commoriuntur. Atque in quacunque aetate, si diutius perseveret, vesicam tandem & illius cervicem exulcerat.

Curatio primum ad causae sublationem dirigenda est. Atque ita si calculo, inflammationem, vel vlcere ve-

ficæ , aut cervicis illius , dysuria oriatur , ex propriis capitibus eorum affectuum curatio desumenda est : leniendo tamen symptomati , quæ inferius proponentur , plurimum conferre poterunt.

Quæ verò ab urina acrimonia & humoribus calidioribus ei permixtis oritur , sequentibus remediis oppugnanda est.

Ac primum phlebotomia , ad hepatis aliarumque partium intemperiem corrigendam , necessaria est. Eaque pluries repetita , pro plethoræ magnitudine, aut inflammationis periculo , ex brachio dextro primum ad euacuationem , & reuulsionem ; postmodum verò ex venis inferioribus ad derivationem à parte affecta; cuius ratione Hipp. eumque sequutus Galenus , in omnium partium infra renes positarum affectibus , venas inferiores aperire præcipiunt.

Purgatio etiam in hoc affectu conuenit , sed ex lenientibus tantum & refrigerantibus composita , alioqui ardorem urinae maximè exasperaret. Ideoque multi bolum ex cassia simplici non audent transcendere. Et illa certè reliquis præferenda. Magis tamen refrigerans efficietur , si pulpa tamarindorum etiam adiiciatur. Vel dilutum cassiæ , ex decocto lactucæ, portulac. & summitatum maluæ paratum , ad plures dies exhiberi poterit, ut acres humores in partes urinarias confluentes , ad intestina sensim deriuentur. Si tamen humorum prauorum copia maiorem purgationem postulare videatur , ad frequentem potionem transcendere poterimus.

℞. Fol. lactucæ , portulac. platag. & summit. maluæ, ana M.ß. tamarind. ʒ.ß. myrobal. citrin. ʒ. j. Coquantur ad ʒ. vj. In colatura infunde cassiæ recenter extractæ ʒ. j. Colentur iterum , & postea dissolue rhab. in aqua lactucæ cum santal. citrin. infusi ʒ. j.ß. mannæ & syrup. ros. ana ʒ. j. Fiat potio.

In diuturna dysuria conueniet opiata purgans in vlcere vesicae descripta.

Vomitus blandis remediis concitatus praestantissimus, est: renellit enim a parte affecta, & incommoda arcet, quae a purgantibus per inferiora induci consueuerunt. In iis igitur erit proritandus, qui sine magno labore illum ferre possunt, & semel, aut bis in septimana iterandus.

Per clysteres etiam frequenter iniectos, non solum humores acres ad intestina deriuari, sensimque expurgari; sed etiam vesicae, partiumque annexarum intemperies atque inflammationes demulceri poterunt; quorum formula talis esse poterit.

℞. Rad. althaeae ℥.j. fol. maluae, violariae, lactucae, ana M.j. flor. nymphaeae, & hordei mundati, an. P.j. Coquantur ad lb.j. In colatura dissolue cassiae recenter extractae ℥.j. ouum integrum vnum, olet violac. ℥.ij. Fiat clyster.

Mucilagine sem. althaeae, cydonior. scenugr. clysteribus vtiliter admisceri possunt ad dolorem leniendum.

Verum ad contemperandum dolorem & ardorem, clysteres ex lacte puro, vel cum praedictis admixto, ita efficaces esse consueuerunt, vt quosdam viderimus aegrotantes, qui in diuturnis doloribus ex hoc solo remedio, & semicupio, de quo postea dicetur, leuamen susceperint.

Per os autem exhibenda quamplurima, in vsu practico comperta non parum conferre ad ardorem urinae demulcendum, & partium affectarum intemperies corrigendas: quorum praecipua sunt quae sequuntur.

℞. Aquar. portulac. lactucae, rosarum & nymphaeae, an. Vnc.j. syrupi violacei, & nymphaeae, an. ℥. vj. salis prun. ℥.j. Misce, fiat iulep. saepe iterandus. Vel

℞. Rad. althaeae ℥.j. fol. lactucae, endiuiae, portulac. & summit. maluae, an. M.j. sem. melon. cucurbitulae, maluae, lactucae,

lactucæ, & papau. albi, ana Drach. iij. iuiubar. & febe-
sten, an par. vj. flor. violar. ros. & nymphææ, an P. j. Co-
quantur ad quartaria quinque. In colatura dissolue syru-
pi violac. iuiubini, & de papauere, ana Vnc. j. sem. salis
prunell. Vnc. sem. Fiat iulep. pro iij. dosibus, bis in die
sumendis.

Emulsiones etiam vsurpari poterunt, quamuis sint
diureticæ, quia refrigerant, & vesicæ meatus leniter
expurgant, in hunc modum compositæ.

℞. Quatuor sem. frig. maior. & papau. albi, ana Drach.
iij. amygdal. dulc excortic. & in aqua frig. infusar. Vnc.
sem. Contundantur in mortario marmoreo, sensim
affundendo decocti hordei excorticati, liquirit. portu-
lac. & summit. maluæ lb. j. sem. Fiat emulsio pro iij. dosi-
bus, addendo vnicuique dosi syrup. violac. Vnc. j. salis
prunellæ Drach. j. Si dolor sit acerbior, aliquid syrupi
de papauere admisceri potest. Tum etiam gummi arab.
puli. Drach. j. vtiliter additur, vel syrup. de alth. Fern.
de mucilaginibus.

Iuscula etiam parari possunt in hunc modum.

℞. Rad. althææ Vnc. sem. maluæ M. j. liquirit. Vnc.
ß. sem. cydon. Drach. j. Bulliant cum iusculo pulli, vel
galinæ. Fiat iusculum, per plures dies iterandum.

Conueniet etiam non parùm serum lactis caprilli,
magno hauustu exhibitum, vt in calida hepatis intem-
perie dictum est.

Imò & maiori efficacîâ, absente febre, lac integrum,
presertim asininum, propinari poterit; quod non so-
lùm detergit, sed etiam dolorem mulcet, & humorum
acrimoniam contemperat.

In diuturno autem affectu, aquæ minerales refrige-
rantes, presertim aluminosæ, & ferratæ, aut parùm vi-
triolatæ, plurimùm conferunt. Experienciâ enim com-
pertum est aquas nostras Meynen. es simili virtute præ-
ditas

ditas, huiusmodi affectus, quamuis inueteratos, interdum sustulisse.

Loco iuleporum prædictorum, simplex maluæ decoctum, cum syrupo violaceo usurpari poterit, quo se ipsum Forestus, *obs. 4. lib. 25.* à grauissima dysuria liberatum refert: dicitque nihil æquè iunisse ac dictum decoctum, eoque se alios ægros similiter laborantes curasse.

Idem Forestus *obs. 3. eiusdem libri*, dicit quemdam Iacobum Ioannis Pharmacopœum, aquâ rosaceâ cum albumine oui conuersâ, & ad medium scutellæ ebibitur seipsum & alios curasse.

Tradit etiam ibidem Forestus, senem quemdam Delphensem decocto flor. chamæmeli cum lacte búbulo, ex mulierculæ consilio fuisse curatum.

Amatus Lusitanus *curatione. § 8. cent. 6.* dicit quamdam mulierem dysuria laborantem, quæ multis remediis ibidem recensitis curari non potuerat, usu conseruæ florum maluæ fuisse persanata. Sumebat autem illius conseruæ $\frac{3}{4}$. j. manè & vesperti, superbibendo aquæ maluæ $\frac{3}{4}$. iij. Et idem *curatione sequenti § 9.* dicit senem quemdam ab excreto lapillo dysuria laborantem, eadem conserua, eodem modo usurpata, intra triiduum fuisse liberatum. Conserua flor. althææ est eiusdem vel maioris efficaciz.

Quidam Practici commendant trochiscos alkekengi ad Drach. cum liquore idoneo exhibitos, quia diuretici sunt, urinæ acrimoniam obtundunt, & stupefaciunt.


Dolore admodum virgente non inutile est dum vrina redditur, penem demergere in lac tepidum, vel decoctum maluæ, & sem. papau. albi. Imò & aqua sola tepida non parùm conducit ad huiusmodi dolorem & ardorem minuendum.

Pro potu leue decoctum maluæ , cum syrupo viola-
ceo , aut conferua rosarum agitaturn , erit vtilissimum.

Ad eundem verò ardorem leniendum , fiunt etiam
injectiones in vesicæ ductum , ex lacte, emulsione sem.
frigid. aqua plantag. sero lactis , quibus addi potest li-
quor albuminis oui probè concussi , vel trochiscor.
alkekengi ꝑ. j.

Eterna etiam remedia ad huiusmodi ardores tempe-
randos non parùm conducunt , qualia sunt balnea , vel
femicupia , & fomenta pubi & perinæo admota, ex de-
cocto herbarum refrigerantium parata. Linimenta ex
oleo rosac. nymphæ , vnguento rosaceo , refrigerante
Galenî , populeone cum caphura , & mucilag. psyll.
extr. in aqua plantag. Renibus etiam & iecori ad-
mouenda epithemata refrigerantia , & linimenta præ-
dicta ; tum ea quæ ad iecoris & renum intemperiem
calidiorem suprà proposita sunt.

Quando humores acres & biliosi fluunt ab hepate,
ad eorum deriuationem conueniet causticum tibiæ dex-
træ, tum apertio hæmorrhoidum , quæ omnibus renum
& vesicæ affectibus vtilissima est; iuxta Aph. I I. sect. 6.
quandoquidem ab eodem ramo splenico ad renes, vési-
cam, & hæmorrhoides venæ disseminantur.



P R A X E O S

MEDICÆ

LIBER XV.

De morbis mulierum.

P R Æ F A T I O.



ORBI mulierum appellantur ij, qui mulieribus proprij sunt, & à vitio illius partis emanant, quæ mulieribus propria est, uteri nimirum, de quo non sine ratione dixit Democritus in epistola ad Hippocratem, eum sexcentarum ærumnarum, & innumerarum calamitatum autorem esse. Nos igitur ut affectus uteri præcipuos, & in Praxi Medica frequentius occurrentes, quadam methodo exponamus; eos ita diuidemus, ut alij à vasis uteri dependeant; alij in ipso uteri

uteri corpore , illiusque cauitate resideant ; alij verò præcipuam illius actionem , & opus nobilissimum , nempe generationem , respiciant. A vasis uteri malè affectis, & causis praternaturalibus ea obsidentibus dependent, chlorosis, mensium suppressio, & fluxus immodicus, fluores albi seu fluor muliebris ; furor uterinus , & hysterica passio. In ipso uteri corpore , illiusque cauitate resident, inflammatio , vlcus , scirrhus , cancer , gangrena & sphacelus , hydrops uteri , procidentia & clausura. Illi autem affectus generationi quidem officere possunt , sed tantum per accidens. Affectus verò totum generationis opus, nempe conceptionem , grauiditatem , & partum respucentes sunt, sterilitas, morbi acuti , & chronici praegnantium , abortus, partus difficilis , foetus mortuus, secundina retenta , fluxus lochiorum immodicus , suppressio lochiorum , tormina à partu , & morbi acuti puerperarum. Quos omnes affectus breuissimâ ratione , quantum rei dignitas ferre poterit, elucubrare aggredimur.

CAPVT PRIMVM.

De Chlorosi, seu pallidis virginum coloribus.

Hic affectus ab Hippocr. chlorosis, à recentioribus febris alba, febris amatoria, morbus virgineus pallidi virginū colores, & icterus albus appellatur.

Definiri potest, vitiosus corporis habitus, ab obstructione venarum hepatis, lienis, ac mesenterij, & præcipuè earum, quæ sunt circa vterum, quam sequitur plerumque grauitas membrorum, palpitatio cordis, difficultas spirandi, rerum absurdarum appetitus, & alia symptomata.

Pendet igitur hic affectus immediatè ab obstructionibus partium infimi ventris, præcipuè earum venarum quæ sunt circa vterum, quæ liberum sanguinis affluxum ad vterum impediunt, vnde ille copiâ luxurians in virginibus, quando menstruæ purgationes apparere incipiunt, si ab illis obstructionibus impediuntur, sanguis refluit ad partes superiores, & cor, hepar, lienem, diaphragma, aliasque partes opprimit, earumque calorem natium obruit, & vasa obstruit, vnde vitiosa fit in visceribus concoctio, & hinc crudi humores in toto corpore cumulantur, qui ad habitum corporis delati, cachexiam excitant: in reliquis verò partibus varia symptomata producant. In hypochondriis enim viscerum intumescientiam parit, à qua diaphragma comprimitur, vnde difficultas spirandi emergit. Quia verò sanguis crassus & flatulentus spiritus per venæ cauæ & magnæ arteriæ ramos ad cor deferuntur; quorum noxam excutere contendens, ne suffocetur, frequenti arteriarum motu eluctatur, vnde pal-

pitatio cordis emanat, quam etiam temporum pulsationes frequenter consequuntur. Præterea cibi fastidio huiusmodi virgines frequenter corripuntur, quia ob malam concoctionem, & distributionem, ventriculus magna crudorum excrementorum copia refertus est. Quæ excrementa vitiosam, ex peculiari quadam corruptela, qualitatem adeptæ, prauorum eduliorum, imò & rerum absurdarum minimè alibilium appetentiam inducunt, ut salis, aromatum, gypsi, carbonum, cinerum, & similium, qui affectus pica & malacia nominatur; à nobis inter affectus ventriculi capite proprio fusè explicatus est.

Causæ obstructionum, quæ in venis vteri & hypochondriorum contingunt, sunt humores crassi, visceri & crudi, ex praua plerumque victus ratione geniti. Virgines enim istæ largo aquæ frigida potu horâ somni, vel manè ieiuno stomacho vtuntur; aliæ acetum, olera, fructus immaturos, vel ipsam niuem & glaciem avidissimè deuorant: vnde calor partium natius obruitur, & magnus fit crudorum excrementorum proventus: aliæ nimio somno indulgent, aliæ otio immodico, ut quæ, suendi causa, puluinaribus toto die affixæ, maximo sæpe frigore torquentur; aliæ intempestiuis vigiliis & exercitationibus vtuntur, ut choreis statim à pastu, quas in longam noctem, cum suis amatoribus perducunt, quibus ut plurimum accedunt grauissimæ curæ, & varia animi pathemata, ex quibus coctiones ordinariæ plurimum euertuntur, & multa cacochymia inducitur.

Diagnosis ex sequenti symptomatum serie manifesta euadet.

Primò sese offert faciei & totius corporis color pallidus & subalbidus; interdum verò plumbeus, liuidus aut virescens. Cum enim in hoc affectu humores crudi,

di , pituitosi , ac serosi abundant, & ad habitum corporis deferantur , colorem toti corpori inducunt ; & si pituita , bilis , aut melancholia permisceatur, color inde subflauus , virescens , aut linidus efficitur.

Secundò , inflatio , & quædam intumescencia in facie & palpebris apparet , præcipuè post somnum ; quia per noctem conclusus calor plures vapores eleuauit, quàm dissipare potuerit. Crura quoque & pedes præcipuè circa malleolos intumescunt , totùmque corpus laxum & molle euadit , ob eandem pituitosorum ac serosorum humorum abundantiam.

Tertiò grauitas & segnities totius corporis adest, crurum ac pedum tensua lassitudo , deuolutis sua granitate humoribus ad partes illas decliuiores.

Quartò , respiratio difficilis est , præsertim cum se vehementer mouent , aut loca alta & acclinia conscendunt. Tunc enim sanguis crassus incalescit , ex eoque multi vapores eleuantur , qui difficultatem spirandi pariunt.

Quintò , cordis adest palpitatio, & pulsatio in arteriis temporum, dum corpus commouetur & exagitur, propter eandem euaporationem , quæ ab humoribus crassis excitatur aucto per exercitationem calore.

Sextò, dolor capitis grauens ac diurnus sæpe ægrotautes affligit , & interdum in occipitio , dum vterus compatitur ; in sincipite verò ac fronte , dum ab hypochondriis magis vapores eleuantur.

Septimò , pulsus est celer , & frequens , vt febricitare videantur , & idèd hic affectus dicitur febris alba: propter illam pulsus frequentiam , quæ talis efficitur, quia cùm facultas vitalis debilis sit , vnde pulsus paruus emergit , natura paruitatem frequentia cogitur compensare.

Octanò , somnus grauis est , ac profundus, ita vt ad

meridiem vsquem somnum producant, nisi expergiscantur, quia à vaporibus crassis ac copiosis ex illunie pituitosa eleuatis excitatur.

Nonò, ingens adest ciborum, præcipuè euchymorum, fastidium, propter maximam crudorum in ventriculo, ac vicinis partibus collectionem; qui humores deteriore tandem conditionem adepti, picam, & rerum absurdarum appetitum inducunt.

Denique malo ingrauescente, & multiplicatis obstructionibus, suppressio mensium tandem consequitur, quæ prouectum affectum, ac veluti confirmatum ostendit.

Quod ad prognosim attinet. Affectus iste vt plurimum periculosus non est, & ad longum tempus perseuerat. Si tamen nimium negligatur & altas radices agere permittatur, ita vt magna nutritionis deprauatio contingat; partium naturalium graues affectus, vt scirrhi alique tumores, tum etiam propriæ substantiæ corruptiones contingunt, quæ per hydropem, febres longas, aliosque graues casus, ad interitum perducunt.

Quando leuior est affectus, & à venarum yteri obstructionibus potissimum oriundus, in iuueniculis virginibus coniugio feliciter curatur.

Mulieres quæ diutius hoc affectu laborarunt, aut steriles fiunt, aut prolem morbosam, debilem ac parum vitalem edunt.

Magna salutis spes elucet, quando menstrua statas periodos repetunt, & debita quantitate ac qualitate donata progrediuntur.

Curatio huius affectus perficitur obstructionum apertione, vitiosorum humorum ex toto corpore vacatione, & intemperiei viscerum correctione, eorumque roboratione.

Obstructiones auferuntur iisdem remediis, quæ in obstructionum hepatis & lienis curationibus fuere proposita,

proposita ; additis nonnullis quæ vterum respiciunt, & ad venarum eius obstructions referandas magis appropriata sunt.

Primo igitur medicamentum purgans exhibendum est, laborantis naturæ & temperamento congruum, ex benignioribus compositum ; vt primam tantum regionem euacuet ; idque præmisso clystere ; si aluus non sit libera.

Postea verò venæ sectio erit celebranda, si affectus non fuerit inueteratus admodum ; & puella vadè exanguis vel ad cachexiam inclinans. Vena autem brachij ab initio erit aperienda ; quàmuis menstrua suppressa fuerint. Si enim ex pede sanguis tunc temporis detrahatur ; maiores fient venarum vteri obstructions, aucta earum plenitudine. Ex brachio denique sinistro sanguis detrahatur ; si lien magis obstructus sit : è dextro verò, si hepar obstructions magis inuaserint.

Educta ea sanguinis quantitate quæ necessaria fuerit, solennis purgatio instituenda est apozemate aperiente & purgante ; quale in obstructionis hepatis curatione fuit propositum. Cui addentur herbæ vtero peculiare, vt artemisia, matricaria, pulegium ; & si lien obstructus fuerit, addi etiam poterunt, quæ illum peculiariter respiciunt, vt cortex capparis, ceterach, scolopendrium. Si verò biliosum fuerit temperamentum, & calidiores & siccioris hepatis indicia apparuerint, calidiora omnia simplicia ex apozemate erunt detrahenda, & aperientia frigida eorum loco substituenda.

In puellis delicatioribus loco apozematis, iuscula in dicta curatione obstructionis hepatis descripta usurpari poterunt, eiusdemque simplicia immutari, vt de apozemate dictum est.

Interim fofus & linimentum dicto loco descripta admoueri debent, non solum regioni hepatis, sed etiam

lienīs & vteri.

Peracta solenni purgatione , paretur sequens balneum, ad vasa aperienda & relaxanda , & materiam obstructionum fundendam , aque digerendam. Cuius tanta est efficacia , vt aliquando viderimus quibusdam ægrotantibus menstruas purgationes in tertio , aut quarto balneo profluere incepisse , quæ per longum tempus antea delituerant.

℞. Rad. althææ , liliorum , enulæ campanæ, bryoniæ, cucumeris agrestis , ana ℥.ij. foliorum maluæ violariæ, mercurialis , pulegij , matricariæ , melissæ , ana M. iij. feminis lini & fœnugr. leuiter contusi , ana Vnc. ij. Coquantur in aqua fontis pro balneo , quod ingrediatur tepidè , bis in die , sine sudore , longè à pastu , per biduum ; singulis diebus decocto renouato.

Postridie vltimi balnei, si mensium suppressio adfuerit , aperiantur venæ inferiores , & emittatur sanguis ad Vnc. iij. Idque bis , aut ter-repeti eo tempore , quo menses fluere solebant. Aut si nunquam adhuc apparuerint , quo tempore ægra magis affici , & grauius laborare solita est.

Absolutis hisce remediis , ad viscera roboranda , & obstructionum reliquias conterendas , conueniet opiata aperiens & roborans , dicto loco descripta. Cui vtiliter sæcula bryoniæ & sal artemisiæ ad Drach. ij. vtriusque addi poterit.

Quia verò non rarò adeò contumaces sunt obstructiones , vt primis remediis non cedant ; in hoc casu syrupus magistralis parari poterit , ex materia apozematæ præscripti , auctâ purgantium dosi, quo vtetur ægra bis , aut ter in mense.

Pilulæ etiam vsuales erunt efficacissimæ , quales in dicta obstructionis hepatis curatione fuerunt propositæ , quibus vtiliter addentur remedia ex tartaro , vitriolo,

triolo, & chalybe composita, ibidem descripta.

Zacutus Lusitanus, *observ. 99. lib. 2.* proponit historiam cuiusdam mulieris, quæ cholorosim per decennium cum menses suppressione passa erat; & variis purgantibus & aperientibus remediis; quibus chalybs etiam accesserat; curari non potuerat. Hanc ipse curavit conseruâ artemisiæ; triginta dierum spatio exhibitâ, superbibendo aquam stillatitiam sabinæ, in qua per noctem rhabarbarum maduerat;

Idem Zacutus *observ. 117. lib. 3.* aliam proponit historiam cuiusdam virginis, quæ multo sale sese ingurgitans, ex diuturno atque assiduo illius usu incidit in diarrhoeam biliosam cum tabe implicatam. Quam ipse curavit post totius providentiam; lacte caprino chalybeato, & frigidis hepatis applicitis:

In contumacissimis & diuturnis obstructionibus, causticum tibiæ dextræ, vel sinistræ (prout hepar, aut lien afficitur) inustum, plurimum conferre poterit.

Reseratis magnâ ex parte obstructionibus; humores pituitosi ac serosi, tum in venis residui, tum præcipuè in habitu corporis stagnantes, per sudores resolvendi sunt. Cui usus conveniet decoctum guaiaci, in naturis frigidioribus; vel radicis chinæ ac salsæ parillæ, in calidioribus, per quindecim aut viginti dies exhibitum. Hâc cautione adhibitâ, ut quarto aut quinto quôque die, intermisso sudore, catharticum detur, quod humorem circum viscera collectum præparatum, ac concoctum (ad sudores ineptum) per aluum detrahat. Alioqui intus si restitet, ibi obdurefcens & putrescens, febris & aliorum morborum occasio erit. In eundem finem thermæ sulphuræ usurpari poterunt, quales sunt nostræ Balerucanæ, tam potu, quam balneo. Potu enim istarum aquarum, expeditis prius,

& liberatis viis , remediis antea propositis ; detergitur excluditurque humor in prima & secunda corporis regione contentus , per alui & vrinæ profluvium ; tertia verò regio excitatis à balneo sudoribus , ab humorum sarcina liberatur.

Ac denique congressus , si legitimè fieri possit , post deobstruentium remediorum vsum , erit utilissimu ; illo enim calor naturalis in partibus naturalibus multum excitatur , quo vteri vasa impensè dilatantur. Et docet experientia , interdum primâ coniugij nocte palidis istis mensium fluxum excitari : aliis verò , quæ optimâ fruuntur valetudine , tempus consuetum anticipari.

C A P V T II.

De suppressione mensium.

Mensium suppressio adesse dicitur , quando in femina ætate matura , quæ nec lactat , nec gravidâ est , sanguinis per vterum euacuatio , quæ naturaliter singulis mensibus fieri consuevit , rariùs aut parciùs procedit , aut omninò supprimitur.

Causa illius suppressionis , vel ad vterum referenda est , vel ad vasa illius , vel ad sanguinem , qui per illas fluit aut fluere debet.

Vteri varij morbi suppressionem istam efficere possunt ; intemperies nimirum frigida & sicca , densando & constringendo corpus vteri ; vel calida & sicca partem eandem exsiccando , vel eiusdem alimentum exurendo , vnde pravi humores generantur , qui parti infixi liberum mensium effluxum prohibent : Morbi etiam organici eiusdem partis , nempe inflammatio,

matio, vel scirrhus, distorsio osculi interioris, vel compressio facta à tumoribus partium vicinarum, aut omenti crassioris: ipsius vteri densitas & crassities nimia, vlcera & cicatrices ab iis relictæ, aut ex laceratione cotyledonum in violento abortu.

Vasa vteri non rarò obstructions patiantur, quæ frequentissima est causa mensium suppressionis, ab humoribus frigidis & crassis oriundæ. Interdum etiam à constrictione earum venarum suppressio hæc contingit, quæ fit à partibus vicinis distentis, vel tumefactis vt de ipsius vteri astrictione dictum est.

Sanguis quantitate, qualitate, vel motu peccans, causa esse potest suppressionis mensium. Quantitate peccat, aucta, vel imminuta. Aucta, si nimiam copiam in venis redundet: tunc enim venas nimium distendit, vt sese contrahere nequeant ad expulsionem; quemadmodum vesica nimis repleta urinam emittere nequit ob eandem distensionem. Imminuta verò, quia paucus & imminutus sanguis in corpore retinetur ad illius nutritionem.

Sanguis qualitate peccat, dum crassior & viscidior est ex se, & propriam naturam, propter frigidam hepatis aliarumque partium intemperiem, vel ex humorum crassorum, pituitosorum scilicet aut melancholicorum, permixtione, vnde plerumque obstructions oriuntur.

Motu verò peccat, cum per alias vias excernitur, vt per nares, vomitum, sputum, urinas, hæmorrhoides, & multas alias partes. Vidi puellam pustulam habentem in capite, quæ singulis mensibus aperiebatur, & satis copiosum sanguinem fundebat. Multas verò vidimus sanguinem periodicè per pulmonem reiicientes, quæ euacuatio purgationis menstruæ vicem gerebat.

Causæ externæ suppressionem sanguinis promouentes

tes sunt ; aer frigidior & siccior , ut Aquilonia tempestas ; ingressus præceps in aquam frigidam , aut nimia in ea mora , præcipue dum fluunt purgationes menstruæ : cibi pauciores , vel copiosiores , crassiores & frigidiores , vel astringendi vi præditi ; calidiores etiam id faciunt , ut nimius salis usus , & aromatum , exsiccando , hepatis , aliarumque partium substantiam , & sanguinem ipsum absumendo , atque exassando , unde crassitiem acquirit , obstructionibus efficiendis idoneam ; exercitationes vehementes , & vigiliæ immodicæ , sanguinem valde absumentes : somnus diuturnus & otium immodicum calorem nativum enervans & cruditates multiplicans , excreta & retenta naturæ limites excedentia , ut hæmorrhagia nasium , aut hæmorrhoidum , diarrhœæ , aliæque euacuationes diurnæ per vomitum , urinas , aut sudores. Ac denique animi pathemata graviora , ut iracundia vehemens , timor subitus , moeror perseverans , zelotypia gravis , & similia.

Diagnosis suppressionis mensium ex ipsius ægrotantis relatu , mutuanda est. Sed quia illa vel à causis præternaturalibus procedit , vel à naturalibus , puta graviditate ; signa utriusque suppressionis distinctiva proponenda sunt ; ne Medicus à mulierculis graviditatem ex illegitimo concubitu contractam tegere conantibus , decipiatur ; neve remedia menses provocantia gravidæ mulieri temerè præscribat.

Primò igitur gravidæ ut plurimum naturalem retinent colorem , qui in aliis valde immutatur , & pallidus ac fœdus efficitur.

Secundò , symptomata , quæ gravidis in principio accidere solent , in dies paulatim mitescunt : contra verò in simplici mensium suppressione , quòd diutius

tius menses subsistunt , eò magis symptomata augentur.

Tertiò , in gravidis post tertium mensem , motus & situs infantis sensibilibiter percipitur , admotâ ventri inferiori manu : in aliis verò sentitur quidem aliquis tumor , sed œdematosus , ac minimè durus , qui circumscriptionem non habet semper cum vtero limitatam.

Quartò , si osculum vteri interius à perita obstetrice tangatur , non ita exactè clausum , vt in gravidis , percipitur , sed potiùs durum , contractum , quodam dolore affectum.

Quintò , gravidæ vt plurimùm hilares sunt , & parùm in animi pathematis mutantur ; contrà verò in suppressione mensium plerumque mœstæ fiunt , & tristitia afficiuntur.

Signa causarum in hunc modum se habent.

Vteri vitia quæ suppressionem mensium efficere valent , in sequentibus capitibus erunt explicanda ; maxima tamen pars eorum ex relatu ægrotantis , inspectione & contactu earum partium percipi potest.

Obstructiones & angustiaë valorum vteri cognoscuntur ex labore & molestia , quæ in lumbis & partibus vtero vicinis , instante potissimum menstruæ purgationis tempore , percipiuntur & si quid tunc temporis effluat : mucosum , subalbidum , aut subnigricans apparet. Affectus verò partium vicinarum , qui vteri os aut venas occludere possunt , ex propriis signis apparebunt.

Sanguis in venis redundans sese euidenter profert ex venis admodùm distentis in cruribus & brachiis ; tum si foemina carnosior & rubicundior euaserit , cibisque lautioribus sese per multum tempus impleuerit. Defectus verò sanguinis erit coniiciendus , si foemina

mina obefior fuerit ; si febrem diuturnam , longam inediam , aut cibi fastidium passa fuerit. Praua verò sanguinis qualitas ; ex prauo corporis habitu , hepatis aut aliarum partium vitio , & praesertim ex ipsius sanguinis consideratione ; si tantillum ex eo effluat , innotescet. Motus verè sanguinis praeposterus ; quando nempe per alias vias effluit , per se satis sensibus manifestatur.

Quod ad prognosim attinet ; mensium suppressio periculosissima est ; ex eaque multi atque grauissimi morbi oriuntur , & quidem alij in ipso vtero , vt tumores , abscessus & vlcera ; alij in toto corpore variisque partibus , vt febres , obstructions , cachexiae , cibi fastidium , hydrops , cardialgia , tussis , difficilis respiratio , lipothymia , ophthalmia , mania , melancholia , capitis dolor , arthritis , & alij non pauci. Progressum noxarum quæ ex suppressione mensium oriuntur , eleganter proposuit Hippocr. lib. i. de morbis mulierum ; hic verbis : *Tertio mense post suppressa menstrua incipiunt sentire suffocationes & horrores, lumborum grauitatem ; & quandoque febrim* Quod si suppressio diutius perseverat , iam illi obdurescit venter , vrina copiosior mingitur ; cibi fastidium , & vigiliae ingrauescunt , ita vt inter dormiendum dentibus strideat : & si adhuc retineantur , quinto mense his omnibus , & maximè doloribus vrgebitur grauius , sed sexto mense insanabilis morbus redditur , qui antea curari poterat. Et cum hoc anxia sit , & animo linquitur , pituitam vomit , siti magna vexatur , dolebunt partes ventris & pectinis , febris accedit , supprimenturque alui excrementa , atque vesicae , spina dorsi dolore vexabitur , estque & quasi balbuties. Posthàc autem intumescunt crura , pedes , venter , & vrina mingitur rubra , sanguineaque , & dolor

totum occupat corpus, maximè collum, spinam, & inguina, atque sic moriuntur, scilicet ex hydropè. Hæc Hippocrates. In hoc contextu dubium facit, quòd dicit autor sexto mense morbum esse insanabilem: contrarium enim docetur experientia, & ipse Hippocr. 4. epid. refert ancillam quandam, cui per septennium suppressa fuerant menstrua, illis tandem redeuntibus sanitati fuisse restitutam. Conciliari potest Hippocrates cum seipso, dicendo, ultra sex menses morbum esse insanabilem, quando menstrua in ipso corpore, aut cavitatè vteri retinentur, quia ibi putrescunt, aut suppurantur, ut in retentis lociis contingit; hoc tamen non de quacumque suppressione esse intelligendum.

Minus periculosa est illa suppressio, quæ à multitudine sanguinis laudabilis exoritur, vel à pinguedinis copia, hæmorrhagia, & vacationibus aliis: causæ enim illæ, si non multum inualuerunt, tolli faciliè possunt.

Difficiliùs verò curatur, quæ à succorum gravitate, vasorum obstructione, vel angustia dependet; quia rebellis iste humor in penitiores illos meatus insinuatus, non nisi multis remediis, & diuturna opera, cuius mulierculæ sunt valdè impatientes, educi potest.

Suppressio mensium, quæ ex proprio vteri affectu proficiscitur, omnium pessima est: quia pars illa per idiopathiam læsa, difficilè curari potest, ob perpetuum excrementorum affluxum, quorum receptioni ea maximè disposita est: ita ut corporis totius sentina ac cloaca à nonnullis nominetur.

Curatio huius affectus pro causarum varietate variè instituenda est. Ac primum si à nimia copia sanguinis

guinis suppressio oriatur , illius quantitas minuenda est phlebotomiâ in brachio largâ manu celebratâ. Si enim venæ inferiores prius aperirentur , traheretur magis sanguis versus vterum ; vbi maiorem obstructionem , & vasorum distentionem efficeret , cum ruptionis eorundem , aut etiam vteri inflammationis periculo.

Sublatâ plethorâ , & sanguinis multitudine , sanguis ad inferiora retrahendus est , apertis venis inferioribus circa illud tempus , quo antea laborans purgari consueverat ; tum etiam frictionibus , ligaturis , cucurbitulis , tam siccis , quàm scarificatis.

Hisce præmissis , partes vterinæ emolliendæ & relaxandæ sunt fomentis , semicupiiis , & inunctionibus humectantibus & emollientibus. Quibus , si affectus pertinacior fuerit , addere poteris purgationes hystericas , & particularia medicamenta menses mouentia , quæ in posterum proponuntur ; eligendo ex iis , quæ mitiora & magis temperata fuerint.

Si propter sanguinis penuriam menstrua non procedant , vt post febres diurnas , magnas euacuationes , & in quâuis corporis insigni extenuatione ; eorum protocatio molienda non est , priusquam conuenientibus alimentis , putà analepticiis , corpus instauratum fuerit , & sufficiens sanguinis copia procreata ; ac morbus omnis , qui extenuationis causa esse potest , debite expugnatus. Quibus præstitis ut plurimum contingit menstrua sponte profluere. Quod si non fiat , & natura sui muneris oblita ad pristinum officium non reuertatur ; apertis venis inferioribus erit incitanda , cum aliis remediis suprà descriptis ; ita tamen vt quantitas sanguinis qui educetur , valde sit moderata , metu virium iam deiectarum , & ne ægra in tabem præcipitetur. Hic autem diligenter est aduertendum

aduertendum, quamuis corporis extenuationem, penuriam sanguinis non indicare, sed eam tantum quæ magnis euacuationibus, aliisque causis consummentibus succedit. Fit enim interdum, ut menses suppressi, & in venis retenti prauam accersant qualitatem, ob quam alendis partibus minimè idoneus sanguis efficiatur; unde corporis macies & extenuatio succedit, licet venæ multo sanguine, sed prauo, refertæ maneant; & tum temporis venæ sectio, etiam largâ manu celebrata, plurimum conferre solet. Quod quidem luculento Gal. experimento confirmatur, qui *comment. 3. in lib. 6. epid.* Ego, inquit, cuidam mulierculæ, iam octo menses purgationis menstruæ suppressione laboranti, extenuatissima cum esset, haud exiguo detracto sanguine, breuissimo tempore proprium habitum restitui; sicut & alias non paucas eodem modo ad sanitatem reduxi. Sed quod illi mulieri accidit (neque enim erat ignobilis) fuit valdè celebre. Ipsi quidem rescissa vena est, medicis ex eo remedio futuram utilitatem firmiter polliceri verentibus; quin etiam nonnulli mihi aduersari audebant, non solum propter mulieris maciem, sed etiam propter inappetentia, ex venæ sectione sequenturam esse noxam affirmantes. Profectò hæc melius est longiori sermone persequi, quàm utrius Prodicæ Hippocrates mentionem fecerit, diligenter inuenire conari. Verùm recentiores medici ad magis sophisticam doctrine speciem deflexerunt, ægrotis euenientia diligenter obseruare, & ipsorum affectus causasque, ex quibus curationis inuentio acquiritur, indagare negligentes, quæ & ipsa per experientiam diiudicatur. In muliere sanè quam memorauimus, primo die sanguinis sequilibræ detraxi, rursùm postero die libram unam, tertio non multò plus semilibrâ, erant enim uncie octo. Hæc Galenus. Quibus patet, in mulieribus mensium suppressione laborantibus, etiam extenuatis, sanguinem larga manu interdum esse detrahendum; quamuis huius.

huius sæculi mulieres tantam sanguinis euacuatio-
nem, quæ Galeni temporibus educebatur, ferre mi-
nimè valeant.

A motu sanguinis præpostero suppressio mensium
contingit; quando is per narium hæmorrhagiam, vo-
mitum, aut sputum, aut hæmorrhoidas, aliaque loca
non naturalia excernitur; eiusque curatio perficitur,
repellendo sanguinem à partibus per quas fluit præ-
ternaturaliter; eundemque retrahendo ad vteri vias.
Primum perficitur (dum sanguis per superiora loca
irrupit) lotione brachiorum, capitis & faciei ex aqua
frigida, & priuatione exercitij earundem partium,
præcipuè cantus & vociferationis. Secundum verò
absoluitur venæ sectione partium inferiorum, factâ
biduo, aut triduo antequam sanguis erumpat; cucur-
bitulis femoribus & suris adhibitis, interdum siccis
sæpe etiam cum scarificatione; prouocatione hæmor-
rhoidum, frictionibus, ligaturis, deambulationibus,
fomentis, semicupiis ex herbis aperientibus, inunctio-
nibus, pessariis, clysteribus vterinis, aliisque infra de-
scribendis. Præcipuè verò commendatur balnei natu-
ralis vsus, sulphurei ac bituminosi, quod laborans
pluries ingrediatur longè à pastu, dummodò aqua hy-
prochondriorum regionem non superet, eodemque
tempore superiores partes flabello refrigerandæ sunt,
ne calido balnei aëre etiam incalescant.

Si per hæmorrhoides fluat sanguis, & ab vtero
auertatur, difficillima erit curatio. Si enim trahen-
tibus ad inferiora vtaris, eadem ad sedem trahent. Si
verò adstringentia sedi adhibeas, ea etiam propter vi-
ciniam repellent quæ feruntur ad vterum. Hæc igitur
vna medendi ratio conferre poterit, vt postquam
trahentibus ad inferiora vsus fueris, localia vtero
adhibeas, quæ humorem commotum magis ad vte-
rum

rum alliciant.

At verò omnium frequentissima est illa mensium suppressio, quæ fit ab obstructionibus venarum vteri. Cuius curatio eadem propemodum est cum ea, quæ in pallidis virginum coloribus fuit proposita, nonnullis tantum additis, quæ vterum magis specificè respiciunt.

Primo igitur ea omnia figillatim usurpari poterunt, quæ ad chlorosis curationem fuere descripta. Et ut plurimum contingit, ut reſeratis viscerum obstructionibus menses spontè profluant. Quorum tamen eruptionem adiuuare poterunt, quæ motum humorum ad inferiora promouent; ut sectio venarum inferiorum, circa consuetam menstruorum periodum celebrata; vel viciariæ eius cucurbitulæ, coxis & suris admotæ, tum siccæ, tum scarificatæ; frictiones earundem partium, & ligaturæ dolorificæ.

Si rebellior affectus prædictis remediis non cedat, ad ea progrediendum est, quæ peculiari virtute & proprietate specificâ menses promouere valent. quæ sub variis formulis usurpari solent. Ac primum pulueres efficacissimi, & gustui gratiores ita comparantur.

℞. Cinam. & succini, an. ʒ. j. croci ʒ. ʒ. Misce, fiat pulvis sumendus aliquot matutinis. Vel.

℞. Pulu. radic. rubiæ tinctorum, & sacchari pulverisati, ana. ʒ. j. Misce, diuidatur in tres partes, quarum vna detur tempore mensium, cum vino calido summo mane in lecto, in quo maneat benè cooperta per horas quinque. Si non fluxerint menses; rurſus in secunda periodo exhibeatur altera pars. Si adhuc non apparuerint, rursus in tertia. Vel

℞. Rad. aristol. rotundæ ʒ. ʒ. fol. sabinæ siccor. ʒ. j. ʒ. dictam. cretici & trochiscor. de myrrha, sine assa fœ-

tida ob foetorem , an. 3. j. cinam. elect. 3. ij. sacchari albiss. 3. ij. Fiat omnium pulvis subtilissimus , de quo capiat 3. ij. manè per aliquot dies , cum iusculo cicerum rubrorum , in quo cinam. 3. ij. croci 3. β. bullierint. Pilulæ præstantissimæ in hunc modum componuntur.

℥. Trochisc. de myrrha Drach. j. castorei ʒ. β. Cum succo artemisiæ , fiant pilulæ parvæ.

Inter familiaria remedia & euporista habentur flores lauendulæ cum melle per multos dies comesti , vel conferua flor. calendulæ ad Drach. ij. exhibita.

Maximas autem habet vires sanguis hirci sylvestris tum etiam domestici , ad menses suppressos educendos , iuxta præparationem & dosim in pleuritidis curatione propositam.

In calidioribus naturis cremor tartari per plures dies usurpatus in iusculo , vel decocto aliquo melanogogo , menses suppressos promouet.

At maxime laudantur pilulæ Montagnanæ , quæ ita se habent.

℥. Trochisc. de myrrha 3. j. β. sem. petroselini , castorei , cinam. ana ʒ. j. moschi ʒ. x. Cum succo apij formentur pilulæ xxij , deauratæ , capiat duas manè , vel in ingressu lecti per aliquot dies. Vel

℥. Rad. rubiæ tinctorum & aristol. rotundæ , ana 3. ij. agar. & cinam. an. 3. j. croci ʒ. j. Cum succo artemisiæ fiat massa pilularum , cuius dosis est Drach. j.

Fermentum vetus à multis commendatur , magnitudine castaneæ cum pari sacch. quantitate , per tres dies continuos exhibitum. Magis tamen proderit , si pulvis trochisc. de myrrha , dictamni , aut similis permisceatur

Decocta vñtatissima sunt , eorumque vtilissima in hunc modum se habent.

℥. Rad.

℞. Rad. petrosel. & rubiæ maioris, ana ℥. ij. cicerum rubr. P. iij. Coquantur ad lb. j. β. In colatura dissolue pulueris cinam. ℥. j. croci ℥. β. mellis q. s. Misce, capiat ℥. vj. calidè, manè, bis in die, antequam menses prorumpant: vel etiam iis fluere incipientibus, si lentè procedant. Vel

℞. Rad. apij, aparagi, fœniculi, an. Vnc. j. fol. matricariæ, capill. veneris, nepetæ, pulegij, ana M. j. Coquantur ad lb. ij, Colat. Vnc. iv. adde syrupi de artemisia ℥. j. Bibat calidum bis in die, vt supra. Vel

℞. Rad. cyperi, angelicæ, valerianæ & rub. tinct. ana ℥. β. fol. artem. pulegij, sabinæ, ana M. β. sem. dauci & se-teleos, ana Drach. j. dictam. cretici Drach. j. β. cinnam. electi ℥. iij. croci ℥. j. Fiat decoct. ad Vnc. iij. In colat. dissolue syrup. de artemis. & de hyssopo, ana ℥. β. Fiat iulep. pro dosi vnica, quæ alternis diebus exhibeatur.

Quercetanus in Pharmacopœa duo decocta valdè commendat: quorum primum ita se habet.

℞. Milij. solis, anisi, visci quercini, ana Drach. iij. dictamini cretici Drach. j. croci ℥. j. Contundenda contundantur & macerentur per viginti quatuor horas in vino albo generoso. Dein parum bulliant. De hoc decocto exhibe Vnc. iij.

Alterum decoctum ita describitur.

℞. Splenē bouis integrum. Hunc in frustra incisum in phialam vitream capacem iniice, ita vt ad medieta-tem vsque impleatur; addendo cinam. crasso modo cō-
tusi ℥. j. caryophyll. ℥. β. croco ℥. ij. vini albi optimi q. s. ad humectandam solum materiam. Vas probè clausum ponatur in S. M. feruentissimo, adeò vt ebulliat per viginti quatuor horas, donec splen in particulas minutis-
simas coctus & consumptus fuerit, magnæque iuris exquisitissimè cocti & fragrantissimi copia restet; de quo ægra capiat manè Vnc. iv. continuando per qua-

tuor, aut quinque dies, cum menses fluere debent.

Aquæ stillatitiæ cæteris liquoribus præferendæ sunt, vtpotè gustui gratiores, & quæ propter substantiæ tenuitatem facilius penetrant ad vasa vteri obstructa. Præ cæteris sequens à Mercato, Roderico à Castro, Sennerto commendatur.

℥. Panem ferè ad fermenti naturam redactum, mediocriter coctum & calidum, cui ablato cortice adde mellis ℥. xij, pulueris seminum vrticæ, danci, ameos, anisi, & fœniculi, ana. ℥. j, trochisc. galliæ mosch. myrrhæ rubæ, ana. ℥. j, corulæ fœtidæ ℥. β. Infundantur omnia in lb. iij, infra-scriptæ decoctionis, quæ recipit phaseolorum rub. cicerum rubr. an. P. β. seminis iuniperi Vnc. j, rad. rubiæ, rusci, raphani siluestris, asparagi, apij & petrosel. an. Vnc. sem. chamædr. recentis M. j, ameos, anisi, fœniculi, an. Vnc. ij, Coquantur omnia secundum artem. Deinde in B. M. stillatitium liquorem extrahes, cuius Vnc. ij. summo manè laboranti porriges. Addi etiam potest syrupus capill. ven. de duabus rad. de artemis. Dosis etiam sequentibus diebus augeri potest, si ventriculus non offendatur.

Guaiaci, aut sassafras decoctum in pituitosis corporibus vtile est, etiam cum dictamno cretico; si per duodecim, aut quindecim dies sumatur sine sudoris prouocatione. Illius experimentum refert Iacchinus in nonum Rhasis, cap. 66. *Ego, inquit, lignum Indicum coxi, & adiunxi dictamnum. Vnde mulieri, quæ iam per quinque annos nihil purgabatur, & sterilis erat & purgationem euocaui, & partum.*

Chymici commendant tartarum vitriolatum, spiritum tartari, mixturam spiritalem, sales artemisiæ, melissæ, radic. chelidonis, valerianæ.

Aqua theriacalis sequens ad hunc usum mirè est efficax,

℥. Theriaca

℞. Theriacæ vet. Vnc.v. myrrhæ rubræ Alexandrinæ Vnc.ij.ß. cinam. electi, croci orientalis, an. Drach. sem. camphoræ Drach.ij. Affunde optimum vini spiritum, ad eminentiam trium digitorum, & in leni calore tincturam extrahe. Cui per inclinationem effusæ adde spiritus tartari sextam partem. Dosis cochlear j. cum vino, aut aqua appropriata.

Dum prædicta remedia usurpantur, clysteres frequenter iniectioni maxime conueniunt, ob incumbentem recto intestino vterum; & ita componi possunt.

℞. Rad. lil. Vnc.j. ireos, valerianæ, ana Vnc.ß. mercurialis M.ij. artem. sabinæ, an. M.j. flor. chamæm. lauidulæ, an. P.j. sem. carui, nigellæ, an. Drach.j. Coquantur ad lb.j. In colatura dissolue hieræ simplicis & benedictæ laxatiuæ, an. Vnc.ß. olei cheirini Vnc.ij. elect. de baccis lauri Vnc. sem. Misce, fiat clyster.

Imò verò purgationes per interualla repetitæ erunt præstantissimæ, quæ variis modis institui possunt.

Ac primùm laudantur maxime à Gal. pilulæ de hiera simplices & compositæ; quia præterquàm quòd educunt conuenienter humores superfluos, habent etiam facultatem vias aperiendi, & expurgandi vterum. Vel

℞. Aloës Drach.iiij. massæ pilul. coch. min. 3.j. Cum succo sabinæ formentur pilulæ xx. de quibus exhibeantur num.iiij. ante prandium, tertio quòque die. Vel

℞. Aloës Drach.j. rhab. elect. 3.j.ß. diagryd. 3.j. myrrhæ, rad. asari, an. Drach.ß. spicæ 3.j. Cum syrupo de artemisia fiat massa pilul. Dosis à 3.ij. ad Drach.j. Vel

℞. Massæ pilular. cochiar. minor. Drach. sem. mercurij dulcis gr. xx. Cum syrup. ros. solut. formentur pilulæ v. vel vj. capiat summo mane.

Exteriùs verò mensium suppressorum prouocatio adiunari solet topicis sequentibus, ad vias dilatandas, humores attenuandos, & facultatem expultricem excitandam.

citandam.

℞. Radicum bryoniæ, lilior. cyperi, valerianæ, angelicæ, asari, ireos, & petroselini, an. Vnc. j. fol. artemis. lauri, rutæ, sabinæ, thymi, rosismar. pulegij, nepetæ, maluæ, mercurialis, ana. M. j. flor. sambuci, cheiri, chamomillæ, ana P. ij. gran. iuniperi Vnc. ij. Coquantur in aqua & vino albo. Colaturâ foueantur venter & inguina cum spongia.

Eodem decocto, auctâ dosi, potest parari semicupium, in quo ægra vmbilico tenus sedeat, & herbæ coctæ sacculo inclusæ ventri applicentur. Caveat tamen à sudore, qui menses potius sistit.

℞. Ol. lil. aneth. & rutacei, an. Vnc. j. sem. vini generosi Vnc. iij. iunci odorati, rad. cyclam. angelicæ. aristol. vtriusque, fol. sabinæ, an. Vnc. sem. Bulliant ad vini consumptionem. Coletur & exprimatur oleum, quo inungatur regio pubis, & pudendorum calidè forum, vel semicupium.

Suffitus humidi fiunt ex vapore decocti fœtus & semicupij, quod modicè calens operiatur patellâ perforatâ, cui annecti debet fistula oblonga, quæ collum matricis attingat; excipiatque fumum manè & serò vestibus contacta.

Siccus suffitus ita confici potest.

℞. Caryophyll. cinam. macis, an. Drach. ij. bacc. iuniperi Vnc. sem. feminis nigellæ Drach. j. styrac. calamit Drch. ij. Fiat pulvis crassior, qui carbonibus iniiciatur, fumusque excipiatur vt suprâ. Vel

℞. Styrac. calamit. ʒ. ij. thuris ʒ. j. benjoini, aliptæ mosch. ana ʒ. sem. caryoph. ligni aloes, cinam. an. ʒ. ij. Cum mucilag. gummi tragacanth. extracta cum aqua cinam. fiant trochisci pro suffumigio.

Pessaria in hunc modum fieri poterunt.

℞. Fol. mercurial. contus. M. j. pulueris hieræ picræ

&

& benedictæ laxatiuæ , an. ʒ.ij. pulu. arist. longæ ʒ.ʒ. mellis & succi mercurialis q.s. Fiat pessarium. Vel

℥. Agarici , myrrhæ , ana ʒ.ij. galbani ʒ.sem. croci ʒ.ʒ. Cum melle despumato fiat pessarium , quod linteo raro inducatur , & non diu in vtero relinquatur metu inflammationis.

Pilulæ cochix minores in parui pessarij formam reductæ menses egregiè mouent.

Iniectiones etiam in vterum fieri solent ; quæ metrenchyæ , seu clysteres vterini appellantur ; abluunt enim sordes vteri parietibus adhærentes , & orificia vasorum interna referant. Parantur autem ex decocto fœtus præscripti , demptis acrioribus ; vel ficuum pinguium cum artemisia , pulegio , mercuriali ; vel ex solo succo mercurialis depurato , in quo parùm benedictæ laxatiuæ sit dissolutum. Ad acriora enim ascendere nefas est metu inflammationis. Imò post vsum istorum , quæ intus per horam tantùm vnâ morari debent , vtile erit decoctum maluæ , hordei , & violarum iniicere , vel parùm hydromel. sero caprillo diluti.

In affectu inueterato cauteria tibiis admota plurimùm conferre poterunt. Quamuis enim illa à Sennerio reprobentur , ex eo quòd ab vtero potius deriuent , & humoribus , qui cum sanguine ex vtero fluere solent , aliam viam concilient , & inclinationem eorum ad vterum prohibeant. Attamen maximè prodesse mercurialis , Varandæi & aliorum frequentibus experimentis comprobatum est. Per ista enim vlcuscula superflui humores perpetuò vacuantur , & humorum cursus ad inferiora dirigitur. Ac tantùm abest , vt humorum superfluatorum deriuatio ab vtero fluxum mensium auertat ; quin potius eum prouocet , sanguinem puriorem , & naturæ regimini magis obedientem efficiendo , qui cum dictis humoribus ad cauteria non retrahitur. Adde

quòd isti humores, nisi per has vias educantur, retenti in venis obstructions geminat, & ita suppressionem augent. Existimamus tamen, restitutis menstruis purgationibus ad naturalem statum, cauteria esse occludenda, vt natura per vterum superflua excludere assuescat.

In prædictorum remediorum vsu quædam præcepta notatu dignissima obseruanda sunt.

Primum, Nunquam vtendum esse remediis menses mouentibus, nisi præmissis vacuationibus vniuersalibus; ne humores ad venas vteri copiosius promoti obstructions augeant, aut valdè attenuati ad partes alias irruant & grauiam mala producant. Quemadmodum narrat Schenchi in obseruationibus, quemdam Medicum Venetum mulieri suppressione mensium laboranti, non euacuata prius pituita venas obstruente, apozema quoddam dedisse, quo assumpto paulò post illa in paralyfim incidit.

Secundum, In menses mouentium exhibitione à leuioribus esse incipiendum ad validiora sensim progrediendo.

Tertium, Medicamenta menses mouentia in maiori copia esse exhibenda, quia eorum virtus retunditur in via à ventriculo ad vterum.

Quartum, Medicamenta prædicta esse exhibenda vel horis matutinis ieiuno ventriculo, vel etiam aliquando in ingressu, aut egressu balnei: ita enim in calidum ac solutum corpus illabens medicina, vires suas potenter exerit; & multo adhuc efficacius, si ante venarum inferiorum apertionem illa exhibeantur.

Quintum, Pessaria, & clysteres vterinos nuptis, & viro vtentibus dumtaxat præscribi debere; virginibus verò nascalia, fomenta, infusus, & suffumigia sufficere.

Sextum, In biliosis, aut melancholicis temperamenti, calidiora omnia medicamenta esse deuitanda, ac mitiora tantum usurpanda; illque aperientia temperata & humectantia atque emollientia esse permittenda.

C A P V T III.

De fluxu mensium immodico.

Mensium fluxus moderata quantitate, ac debito tempore procedens, naturalis est; si verò quantitatis modum excedat, vel frequentius redeat, vel diutius perseueret; immodicus ac præternaturalis censendus est.

Causæ mensium fluxus immodici eadem sunt, quas in hæmoptysis productione concurrere, suo loco, diximus; nempe anastomosis, diapedesis, diæresis, & diabrosis; quæ fiunt à sanguinis quantitate nimia, caliditate, tenuitate, vel acrimonia, ictu, casu, aut vulnere, quæ in hæmoptysis theoria fusiùs expositæ sunt; ut eadem hic repetere non opus sit. Idea lectorem ad dictum caput perlegendum remittimus.

Diagnosis ad ipsum affectum, illiusque causam dirigenda est. Fluxum mensium immodicum & præternaturalem ostendunt; difficilis tolerantia, virium lapsus, inappetentia, cruditas, & cachexia, color cadauerosus, pedum intumescencia, & alij affectus grauiore; qui caloris natiui exolutionem consequuntur.

Causarum verò diagnosis in hunc modum instituenda est.

Per diapedesim sanguinem fluere ostendunt, rarus corporis habitus, & carniū mollities, cibi & potus

usus serum multiplicare idonei ; ac præsertim ipse sanguis dilutus ac serosus , qui facile in linteis dignoscitur

Per anastomosim, vel rixim sanguinem fluere ostendunt , vulnera , casus , aut contusiones prægressæ , saltus , clamores , & gestatio ponderis insoliti in corpore plethorico, & multo sanguine referto, vel ingens æstus, frigus immodicum , coitus immoderatus , iracundia insignis , & similia. Idem contingit post partus laboriosos , vel ab imperita obstetrice ministratos , post abortus , vel diuturnam mensem suppressionem, quæ collectum nimia copia sanguinem, confertim deinde effluere facit.

Diabrosim , seu ulcerationem in utero factam indicant , sanguis paulatim exstillans cum sensu doloris & acrimoniæ , humores falsi & acres in corpore redundantes. Sanguis verò effluens primò saniosus, ichorofus, nigricans , aut flavus profunditur ; postmodum verò si ulceratio augeatur , frustula quædam partis deraduntur, à quibus deinde magna sequitur sanguinis effusio, quam sistere difficile est. Præcesserunt causæ cacochymiam generantes, ut usus ciborum acrium, salforum, putridorum, & similium.

Prognosim quod attinet. Omnis hæmorrhagia copiosior , vel diuturnior periculosa est , præcipuè ex utero, quæ non solum individuo , sed etiam speciei noxia est.

Diapedesis omnium minimè periculosa est, quia minorem efficit caloris & spirituum iacturam ; diutius tamen perdurat , propter crudioris & serosioris sanguinis protentum.

Rhixis & anastomosis maius inferunt periculum, quia magnam subito profundunt sanguinis copiam ; citius tamen curantur , quia in corporibus benè sanis & plethoricis ut plurimum contingunt.

Diabrosis verò omnium difficillima est, quia in vlcere fit substantiæ deperditio, quæ nouum istarum partium coalitum impedit.

Si virium debilitas, & symptomatum vehementia nullo modo minuat, sed in dies augeatur, ægræ interitum portendit.

In senescente muliere menstruorum nimius fluxus plerumque incurabilis, & lethalis est.

Curatio mensum fluxus immodici, eadem ferè esse debet, quæ ad immodicum hæmorrhoidum fluxum fuit proposita.

Primò enim phlebotomia reuulsionis gratiâ in brachio celebranda est, partitis vicibus, & digito per vices foramini admoto. Magnâ copiâ sanguis detrahendus est, quantum vires ferre possunt. Testatur enim Hollerius *Comment Aph. 50. sect. 5.* se multas vidisse mulieres, quæ detractò multo sanguine è vena conualluerunt, cum nullis aliis remediis posset reprimi fluxus sanguinis.

Frictiones, ligaturæ, & cucurbitulæ ad reuulsionem etiam conueniunt, vt in dicta curatione præcipue verò mamminis, iuxta Aphor. Hippocr. citatum *Mulier, inquit, si placet menstrua sistere, cucurbitulam quam magnam ad mammas appone.* Si tamen admotâ cucurbitulâ difficultas spirandi oriat, subitò auferenda est.

Purgatio pariter eadem, vt in dicta curatione, conuenire potest; eaque semel, aut bis in hebdomada erit repetenda, donec impuritati viscerum & venarum sic prouisum. Sublatis enim biliosis & ferosis humoribus, qui sanguinem fluidum reddunt, ipse sponte consistit. Si ferum magis abundare videatur, radix mechoacanum rhabarbaro conueniet.

Purgatio etiam per vomitum potenter reuellit, & ab
Hipp.

Hipp. laudatur 2. *de morb. mulierum*. Blanda autem debent esse vomitoria, & frequenter iterata; aut etiam digito in os immisso vomitus prouocari poterit. Imò verò sufficiet, eritque vtilissimum, ante prandium vomitum ciere, attamen non vomere, sed solum id tentare.

Postmodum iulepi, pulueres, opiatæ, pilulæ, aliâque remedia incrassantia, & astringentia in dicta curatione proposita hîc etiam conuenient, additis etiam narcoticis si vrgeat necessitas. Quibus sequentia vtiliter addi poterunt, à doctissimis viris experta.

℥. Cortices duorum ouorum recentium vstos, thuris, mastiches, ana Vnc. sem. margarit. præparat. coralli rubri præp. carabes, ana ℥. ij. lapid. hæmatit. smaragdi præp. ana ℥. sem. farinæ hordei sine furfure P. ij. albumina ouorum numero iv. & si opus fuerit, adde parum aquæ chalybeatæ, & fiant duæ placentæ, quæ in furno coquantur, vt possint in puluerem redigi. Dosis à ℥. sem. ad ℥. j. cum iusculo pedum veruecis summo mane. Hoc puluere multas mulieres hoc affectu satis antiquo curatas fuisse testatur Ioannes Michaël Paschalins. Laudatur quoque pulvis solus corticis oui ad ℥. j. exhibitus in aurora per aliquot dies, & habetur pro secreto.

Forestus sequentem puluerem commendat, quem dicit esse vnum ex arcanis præceptoris sui Helidæi. Accipit turturem moderatè pinguem, ab intestinis repurgatum, & lorum vino rubro astringente, & aquâ rosacea. Deinde mastiches Vnc. j. in ventre ponit, & affluit ne elabi possit: atque in veru ad ignem rotat, & inter assandum, loco butyri, aceto rosaceo aspergit, pinguedinēque ex eo defluentem colligit, & vsui seruat. Post perfectam assationem, turturem in ollam

ollam nouam vitream coniecit , luto philosophico obturatam ; & in furnum calidum demittit , vt turtur perfectè exsiccare possit , quem postea in puluerem redigit. Cuius cochlear vnum exhibet omni mane , cum aqua plantaginis , aut decocto astringente. Et pinguedine reseruata regionem renum , pubis & inguinum inungit.

Nostrates mulieres vulgare habent remedium ex floribus chamæleontis , quibus lac condensare solent. Exhibent cum iusculo , aut alio liquore. Aliæ vtuntur coagulo hædi , vel leporis ad.℥.sem. quod & sanguinem fluentem sistit & concretum in vtero dissoluit.

Succus plantaginis inter reliqua remedia præstantissimum censetur à Gal. si recenter extractus ad Vnc. iij. vel iij. exhibeatur.

Solenander dicto succo colophoniam addit , & infallibile remedium asserit , his verbis. *Ad constringendum menstruum rubeum antiquum; Accipe succi plantaginis cyathum vnum. Impone Drach. j. colophonie puluerisate & tribue egræ. Id fiat quater, & erit curata infallenter, Deo dante.*

Succus millefolij huic vsui etiam conuenientissimus est, si eius ℥.ij. vel iij. exhibeantur cum syrupo corallorum, aut alio conuenienti.

Succus vrticæ prædictis non cedit , vel etiam efficacior est : exhiberi potest solus , vel cum aliis permixtus : vel ex iis fieri potest syrupus ad vsum frequentem.

Aqua ex tenerrimis & rubentibus quercus foliis extracta prædictum profluium sistit.

Sequens autem aqua valde efficax à Mercato in hunc modum componitur.

℥. Panem ex amylo , farina hordei , & oryza confectum.

Etum. Affunde aquæ chalybeatæ lb.vij. Quibus adde rosar. rubr. sicc. P.ij. succi plantag. lb.j. rad. consolidæ maior. virentis & conqussatæ ℥.ij. candæ equinæ M.j. carnis pyrorum agrestium & cydoniorum, ana ℥.ij. portulacæ M.ij. boli armen. Vnc.j. balauft. & santal. omnium, ana Vnc.sem. Destillentur omnia per alembicum: huius aquæ capiat ℥.ij. cum syrapi de portulac. aut de rosis siccis Vnc.sem.

Pro fœminis delicatioribus poterunt parari iuscula ex decocto pedum vituli, & fol. plantaginis, vel sanguinariæ. Vel ad incrassandum sanguinem, poterit fieri iusculum ex aqua rosarum pura, & vitellis ovorum recentibus. Iisdem quoque confert conserva fructus cynorrhodi frequenter exhibita, præsertim si calida hepatis intemperies adfuerit,

Ad omne sanguinis profluuium Practici vtuntur oxycrato, largo haustu per os exhibito. Verùm in mensium fluxu pertimescendum est, quia vtero (vtpote parti membranosa) est inimicum.

Inter specifica recensentur radix filipendulæ, & cortex radiceis moti, quorum pulueres exhibentur ad ℥.j. cum liquore idoneo.

Flores nucum, quando sunt maturi & cadere incipiunt, collecti, & in puluerem redacti, exhibeantur ad ℥.j. cum vino calido mane per plures dies. Et hoc medicamine omnes habentes fluxum menstruorum sanantur, vt testatur Solenander. Specifica etiam vi suffocationibus vteri medetur.

Spica nardi tenuissime puluerata, & sumpta ad ℥.j. cum liquore idoneo, menstrua cohibet; tum etiam si ex ea nascale componatur.

Lac chalybeatum per plures dies epotum in affectu inueterato multum prodest: humorum enim acrimoniam comtemperat, eosdemque incrassat, corpus reficit,

& fluxui resistit. Hoc commendat Auicenna , Rhafis aliique Arabes, & Augenius ad cœlum extollit. Cauendum tamen ab eo est, vbi aliquid vitiosi humoris in corpore superesse suspicio fuerit.

Aquæ minerales acidulæ , vitriolatæ , ferratæ , vel aluminosæ , in fluxu diuturno cohibendo , causis eiusdem auferendis & visceribus roborandis plurimum conferunt.

Chymici tincturam corollorum valdè commendant, tum etiam vitriolum Martis, & multa alia è suis autoribus repetenda.

Pro potu vtatur ægra decocto mastiches , vel millefolij , vel lentisici sicci. In vino etiam lignum lentiscinum infundi poterit , eoque nigro , & austero, quo maximè viscera roborantur , & fluxiones cohibentur.

Diligenter obseruandum est , in affectu inueterato multum astringentia , & incrassantia non esse diu vsurpanda. Periculum enim est , ne meatus offarciant , occludant , & constringant ; atque ita obstructions generent, & visceribus præcipuis (quæ insigne damnum in hoc affectu recipere solent) plurimum officiant. Sed multò præstabilius , est in hepar roborantibus insistere: quæ quidem astringunt , attamen ita moderatè, vt astringitione obesse nequeant.

Ludouicus Septalius lib. 7. *Animadu. medic. art.* 144. decoctum corticum arantiorum , tanquam remedium certum , ita commendat , vt propria eius verba transcribere non inutile fuerit. *Post* , inquit , *huiusmodi remedia ex ratione facta , cum ea quæ aut incrassandi facultate, aut astringendi maximè conueniunt , vnum in præsentia omittendum nullo modo esse censui, quo infinitas propemodum mulieres ab hoc morbo liberaui; inter secreta aliquando reseruatum, post adolescentibus, qui sub nostra tutela ad*
praxim

praxim medicam addiscendam exercentur, etiam communicatum; nunc omnibus ad communem utilitatem, commune factum: quo ferè nunquam frustratus sum, modò ab exulcerato aliquo vase in utero fluxus is menstruorum aliquam non habeat occasionem. Est autem omninò euporiston, & facillimè parabile. Recipit autem aqua lb. vii. In qua incoque cortices trium arantiorum acidorum, aliquanto adhuc subviridium, at illos in phillyras incido, & excoquo ad duarum partium consumptionem, & factâ colatura Vnc. vii. vel ix. potandas mane do. Quòd si valentius medicamentum parare hoc ipsum volo, manipulum herbe pilosella in fine excoquendum addo. Validius adhuc redditur, si in aqua Villensi decoctio fiat; aut si in octo libris aqua fiat, ubi duae tertiae partes per coctionem absumptae fuerint, & excolatum reliquum chalybe indito ignito saepius, adhuc magis roboretur.

Exterius verò topicis medicamentis fluxus mensium immodicus cohiberi solet.

Ac primùm fomenta in hunc modum parari poterunt.

℞. Rad. bistortae, tormentillae, & corticum granatorum, ana Vnc. f. fol. plantaginis, centinodiae, bursae pastoris, equiseti, ana M. j. nucum cupressi, balaustior. granorum myrti, sumach, ana Vnc. j. Bulliant in aqua ferata & vino austero. Colatura foueatur regio pubis valdè tepidè.

Item spongia marina in aceto forti bulliat, quae supra pubem mulieris posita menstrua potenter sistit.

Semicupium ex priori decocto fatus paratum, aucta dosi, etiam conuenit. Sed cauendum ne calidum administretur, sed tantum subfrigidum; alicui calore suo vasa uteri magis aperiet. Efficacissimum est balneum decoctionis aluminis; sed sterilitatem inducit.

Linimentum, vel vnguentum post fotum, vel semicupium,

cupium, adinouendum est pubi, perinaeo & lumborum regioni, in hunc modum compositum.

℞. Ol. myrtini, de mastiche, & cydoniorum, ana ℥. j. boli armenae, sanguinis draconis, & karabes, ana ℥. j. aceti cochlear j. Fiat linimentum.

Vel adinoueri poterit unguentum comitissae, aut unguentum de bolo recenter dispensatum, vel ceratum sequens summe efficax.

℞. Picis naualis Vnc. sem. thuris masculi Vnc. j. mistich. Vnc. sem. terebinthinæ Vnc. j. sang. draconis, rosar. rubr. ana Drach. ij. Fiat ceratum renibus applicandum.

Emplastra etiam umbilico & lumbis utiliter adinuentur, ex massa emplastri contra rupturam, pro matrice, de mastiche, solis, aut simul mixtis: vel ex massa emplastri de Vigo pro fracturis, quod praestantissimum est, & absque calefactione operatur.

Cataplasmata sequentia multo efficacius operantur, & in largo sanguinis profluvio, unde vitae periculum imminet, plurimum possunt.

Parantur autem si vel bolus armena cum succo plantaginis & pauco aceto incorporentur, & adinoveantur.

Vel pulueris gypsi ℔. j. cum gummi arabici torrefacti ℥. x. & quatuor albuminibus ouorum incorporentur, & cum placentulis gossipij emplastreantur partes praedictae. Dicit Solenander, hoc cataplasma omnem muliebrem fluxum sistere vno die.

Benignius operatur, & specifica quadam vi potius, quam astrictione, cataplasma ex vrtica cocta in sartagine, pubis regioni admotum.

Iniectiones etiam fiunt in uterum per matrenchytem ex succo plantaginis solo, qui valde est efficax, & à Practicis celebratus. Et succo polygoni idem praestari poterit. Tum iisdem succis addi interdum solent mu-

cilaginis gummi tragacanthæ ℥.j. amyli ℥.j. aquæ peculi rosarum Vnc.iiij. Et in vterum infunduntur. Vel

℥. Fol. polygoni, plantag. millefolij, burfæ past. caudæ equinæ, ana M. sem. Coquantur ad lb. sem. In colat. dissolue acaciæ Drach.iiij. sanguin. dracon. boli armen. & lapid. hæmat. ana Vnc.j. Misceantur, fiat clyster vterinus,

Suffitus ex aceto supra laminam candentem effuso, & in sella perforata receptus, vtilissimus est. Vel in hunc modum componi poterit.

℥. Thuris, mastiches, ana Drach.ij. myrtillorum ladan. ana. Drach.j. succini, rosarum rubr. balaustiorum, an. Drach. sem. Cum infusione tragacanthæ in aqua rosarum, fiant trochisci pro suffumigio.

Suffitu ranarum combustarum testatur Ioannes Michaël Paschalius, se fœminam quandam curasse, quæ septem ferè mensibus hoc fluxu laborauerat. Idem etiam suffitum vngulæ mulæ hunc fluxum mirificè sistere expertum esse scribit.

Pessaria adstringentia hîc etiam vsurpantur. Quæ tamen parùm vtilia sunt, cùm vix ad officia venarum aperta possint pertingere. Si tamen venæ cervicis vteri apertæ sint, locum habere possunt, & in hunc modum componi.

℥. Succi plantag. vel centinodiæ ℥.ij. pulu. trochisc. de carabe, & acaciæ, an ℥.j. Misceantur cum albumine oui, & panno serico inuoluatur. Fiat pessarium. Vel

℥. Pulu. hypocistidis, acaciæ, boli armeni, sang. draconis, rad. consolidæ, arnoglossæ, gallarum, ana ℥. sem. succi portulacæ, vel plantag. vel syrup. de rosis siccis, aut myrtillorum q. s. Excipiantur bombace.

Parantur etiam pessaria ex foliis portulacæ, plantag. aut polygoni, vel alterius herbæ conuenientis contusæ, & in linteo inuolutæ; aut ex vnguento comitissæ lana excepto

excepto, & vtero indito.

Neque omittenda est lotio tibiæ in aqua frigida, aut decocto astringente, à Practicis vñitata, quæ cohibendo mensium fluxui non parum confert.

Circa topicorum administrationem hoc aduertendum, ne scilicet astringentia medicamenta saltem fortiora admoueantur, priusquàm reuulsiones sufficienter celebratæ fuerint, præsertim illa quæ venæ sectione perficitur. Periculum enim est, ne tumores in vtero, aut grauiore alios affectus concitent. Ideò semper, quantum morbus dare inducias poterit; tum reuulentibus, tum incrassantibus atque astringentibus internis curatio tentanda est, priusquàm ad topica illa deueniatur.

Suprà descripta curatio fluxui mensium aptari poterit, siue ab anastomosi, siue à diapedesi, siue à rhixi, seu ruptione vasorum dependeat, adhibito iudicio. At si ab erosionè, seu exulceratione oriatur, illius curatio erit instituenda, prout in vlceri vteri curatione docebitur.

In toto morbi decursu, dum prædicta remedia vsurpantur, viscerum roborationi, & correctioni sanguinis incumbendum erit, quemadmodum in fluxu hæmorrhoidum dictum est.

Ac denique sedato symptomate, prophylaxis ibidem instita, hîc etiam conferre poterit.

CAPVT IV.

De Fluore muliebri.

Fluor muliebris, vteri profluuium, seu menstrua alba, dictus, fit quando humores excrementitij ex vtero profluunt, vel continenter, vel saltem nullo ordine, nulloque circuitu.

Illi autem humores excrementitij modò albi sunt, & pituitosi, sero lactis, aut hordei cremori persimiles: modò pallidi, aut flauī, aut virides, ex bilis permutatione, modò aquosi ex serosis humoribus, modò subnigri, ex humore melancholico admixto; modò acres & erodentes, vt partes vterinas exulcerent; modò tetri & graueolentes, modò nullo odore molesti.

Fœminas adultiores, & ætate maturas plerumque malum hoc solet corripere; virgines tamen ab eo non semper sunt immunes, quod perperam nonnulli asserere ausi sunt, viarum angustiam accusantes, & temerè pronuntiantes, corruptas esse virgines, quibus fluores albi promanant. Etenim si virgines satis amplas habeant vteri venas, vt per earum ductus menses ordinarij fluere valeant, quidni etiam fluores albi per easdem vias stillare poterunt, cum saepe materia illius fluoris ipso sanguine tenuior, & fluidior sit, vtpote serosa vel biliosa; Idipsum confirmat experientia à doctissimis Medicis prolata, & quotidiano vsu à nobis etiam confirmata; castissimas atque integerrimas virgines, de quibus nulla corruptionis suspicio esse potuit, hunc affectum passas esse. Et testatur Fernelius se puellam vidisse octavo ætatis

ætatis anno , hoc malo obseſſam , ac diu poſteà graui-
ter afflictam.

Generantur autem humores iſti excrementitij , vel
in toto corpore , vel in aliqua parte principali vel in
ipſo vtero.

Si à toto corpore iſti profluant humores, vel ex pra-
uo alimento , vel ex vitioſo , & habituali totius cor-
poris temperamento generantur , & ad vterum con-
fluunt , tanquam totius corporis ſentinam , ac veluti
cloacam ad quam reliquæ partes ſeſe exonerant.

Partes verò peculiareſ , quarum conſenſu in hoc
morbo vterus afficitur , potiſſimum ſunt , cerebrum,
ventriculus , hepar , lien , meſenterium, & veſica, quæ
ſua excrementa ad partes debiliores , & receptioni ma-
gis diſpoſitas, amandant.

In vtero generantur humores iſti excrementitij, quia
propriū alimentum commutare nequit , ob debilita-
tem retentricis , aut concoctricis, ideò illud maiori parte
in excrementitium humorem facceſſit , cū imperfectè
conficiatur , vel potiùs corrumpatur. Imperfectè confi-
citur in frigida vteri intemperie , corrumpitur in cali-
diori. Et cū vterus ex concoctionis defectu , nutritio-
ne ſuà fruſtretur , nouum alimentum continuò attrahit,
quod in excrementum conuerſum , ab eo tanquam in-
utile expellitur , ac noua omnino fit attractio , vnde
continua , & copioſa fit prauus illius humoris per vte-
rum effluxus. Debilitatur vterus, & horum excremento-
rum receptioni magis idoneus redditur , à grauiditate,
partu , abortu , contuſione , inflammatione , abſceſſu,
aut exulceratione.

Diagnofis ad ipſum affectum partem affectam , &
cauſam illum producentem dirigitur.

Affectus ipſe ex ægrotantis relato facile dignoſci-
tur , eūque non raro varia ſymptomata conſequun-

tur, nempe color faciei pallidus, appetentia deiecta, nausea, spirandi difficultas, virium deiectio, oculorum tumor, & inflatio, mœror & tristitia, vrinæ crassæ & turbidæ; aliaque non pauca, quæ pro humoris peccantis diuersitate varia esse solent, vt inferius distinctè magis explicabitur.

Partem affectam, & locum in quo humores excrementitij fluorem istum efficientes generantur, sequentia indicabunt.

In toto corpore materiam istam generari iudicant, lassitudo spontanea, & grauatiua, à qua leuatur ægra, copiâ humoris excretâ, & rursus grauari incipit nouâ collecta materia; venarum plenitudo, torpor pedum, manuum accurum, quæ signa plenitudinem præcipuè ostendunt. Cacochymiam verò in toto corpore redundare significant, prauus totius corporis habitus; manuum & pedum inflationes, pruritus & mordacitas in toto corpore, si humor acrimoniæ sit particeps, & alia non pauca.

In aliqua verò parte peculiari materiam peccantem ostendunt symptomata, & excrementa cuique parti propria & particularia; v.g. iecoris, dolor, calor, aut tumor, cum excrementis biliosis; iecur esse affectum significant: eadem verò symptomata in sinistro hypochondrio apparentia, cum excrementis humorem melancholicum referentibus, ex liene fluxum procedere ostendunt. Pituitosa excrementa, nausea, inappetentia, & aliquando ingens fames, frequens ciborum corruptio, & ructus acidi, vel nidorosi, certa sunt affecti ventriculi indicia.

Dolor capitis, spumosa excrementa, consueta per os, nares euacuatio suppressa, à capite humores affluere testantur. Si nulla prædictarum partium læsarum signa appareant; ab ipso vtero fluxum procedere coniiciendum

coniiciendum est. Præterea fœmina est boni coloris, materia fluens pauca est, cum solius vteri sit excrementum. Præcesserunt causæ vterum labefactantes, vt partus laboriosus, vel abortus, casus supra ventrem aut dorsum, coitus immoderatus, præsertim si fœmina nimis iuuenis coniugio tradita sit; tumores, vlcera, aliique affectus vterum obsidentes, quorum signa in propriis capitibus proposita sunt.

Humorem verò, fluxum istum efficientem, testantur in primis colores humoris effluentis suprâ propositi, qui in linteis apparent, quibus ille excipitur; si, vt docet Hipp. 2. *de morbis mulierum*, lintea illa arefacta simplici aqua lauentur, ac in umbra exsiccantur. Tunc enim manifestè colorem referunt humoris in excrementis dominantis: quibus addi possunt ex semeiotica generali, signa humoris in toto corpore redundantis.

Signa denique proponenda sunt, quæ istum affectum à consimilibus distinguere valent. Consimiles autem sunt, excretio materiæ purulentæ ex matricis vlcere, & gonorrhœa.

A materia purulenta distinguitur, ex ipsius vlceris signis proprio capite describendis, tum etiam quia pus ipsum longè est crassius, & albicans, & minoris quantitatis, si ritè concoctum sit verò saniosum & ichorolum fuerit, quodam cruore perfusum est, & interdum filamentis partium, & cum insigni doloris sensu exire solet: tum etiam mulieres vlcera patientes in vtero, aut illius ceruice, non admittunt coitum, nisi cum molestia quæ affectum ipsum exasperat; quæ verò muliebri profluvium patiuntur, liberè, & patienter venereos amplexus sustinent. In gonorrhœa verò materia effluit in minori copia, crassitie maiore, albedine splèdidiore, & longioribus internallis, ac rarissimè

foetet ; tum si gonorrhœa sit virulenta ex impuro concubitu contracta , ex ardore urinae , pudendi vlcusculis , aliisque signis malignitatem indicantibus innotescet.

Prognosis huius affectus ex vna parte bona est , ex altera verò mala. Bona dici potest , quatenus ut plurimum vitæ periculum non infert : mala verò quatenus affectus est contumax, ac diuturnus, & curatu difficillimus : siquidem humorum superfluatorum effluxus , qui semel hanc viam affectauit, difficillimè auertitur , cum vterus , ut antea dictum est , sit sentina totius corporis , per quam etiam in statu naturali humores superflui singulis mensibus expurgantur.

Si grauior euadat affectus , multa alia mala inducere potest , nempe sterilitatem , vteri procidentiam, exulcerationem , cachexiam , hydropem , tabem.

Fluxus liuidus , cruentus , aut foetidus deterior est albo , pallido , & minimè foetido.

Quò diutius durauerit hic affectus , eò curatu difficilior est.

Vetulas hoc malum plerumque ad mortem comitatur , ob pituitæ copiam , & facultatis concoctricis imbecillitatem.

Curatio huius affectus incipienda est ab vniuersali humoris peccantis euacuatione , quæ illius naturæ conueniat. Et quia huiusmodi fluxus à pituitosis , & serosis humoribus plerumque fieri consuevit ; illos humores purgantia medicamenta erunt præcipuè vsurpanda : iisque cholagoga , aut melanagoga erunt admiscenda prout biliosi , aut melancholici humores illi admixti fuerint. Præscribi ergo poterit apozema conueniens , alterans simul & purgans , pro quatuor , aut quinque dosibus pro solenni euacuatione ; hoc continuò aduertendo medicamentis purgantibus quædam astringentia , & roborantia

borantia esse permiscenda, ne humores commoti versus vterum magis præcipitentur.

De venæ sectione dubitatur, an scilicet in hoc affectu conueniat. Cum enim hic fluor à cacochymia dependeat, & illa per phlebotomiam ad venas attracta, massam sanguinis inquinare possit, nullus videtur esse venæ sectioni locus. Adde quòd cum in chronico hoc affectu vires valdè deiciantur, & corpus non rarò ad tabem perducatur, venæ sectione ampliùs labefactandum, & alimento suo fraudandum non videtur. Ita tamen deciditur, quòd fluor iste non sit purus & solitarius, sed sanguini aliquo modo permixtus, & subruber appareat; tunc celebrari potest venæ sectio; tum etiam sit insignior sit iecoris caliditas, & biliosi succi acrimonia huic fluxui coniuncta. In aliis verò casibus, præsertim quando hic affectus inueterauit, melius est à phlebotomia abstinere.

Ligaturæ in superioribus partibus, & cucurbitulæ scapulis & dorso ad reuulsionem erunt vtilissimæ; tum præcipuè frictiones ex linteis primùm mollioribus, mox asperis, quibus quotidie Galen. utebatur in vxore Boëthi, quam intra tredecim dies curauit, vt ipse refert *lib. de præcognitione ad Posthumum, cap. 8.*

Ac præter purgationem vniuersalem supra propositam, vsuales etiam purgationes administrandæ sunt, & frequenter repetendæ; vt magis illa excrementorum illuies sensim educatur, & natura assuescat humores per aluum expurgare, qui ante ad vterum confluebant. In hunc finem syrupi magistrales, pilulæ, & opiata vsuales componi poterunt, ægrotantis temperamento, & humoribus peccantibus congruæ. In affectu pituitoso laudat Mercatus syrupum ex decocto ligni guaiaci, cum senna, turpetho, & agarico, tum etiam pilulas sequentes.

℥. Pilular. de hiera ℥. j. agarici trochiscat. Drach. j. β. Cum melle rosaceo fiant pilulæ, quarum summo mane capiat laborans sex, aut septem, tertio quoque die; postea verò earum tantum, quinto, aut sexto quoque die. Vel ad magis astringendum simul & purgandum, in quocunque temperamento, ita confici poterunt.

℥. Rhab. electi succo rosarum frequenter irrigati ℥. ij. myrobal. citrinorum, chebulatorum, & indorum infusorum in succo rosar. ana ℥. j. mastiches ℥. j. spicæ ℥. β. Cum syrupo rosaceo fiat massa pilularum, cuius dosis erit Drach. j. bis in septimana.

In fluxu seroso radix ialapæ est præstantissima, cæque in hunc modum vsu pari poterit.

℥. Rad. ialapæ subtilissimè puluerisatæ ℥. j. cinam. puluerisati ℥. β. Misceantur, & cum iure pulli fiat potio, quamumat in aurora.

Ptisana laxans per mensem quotidie exhibita, contumax vteri profluvium curavit, quod aliis remediis non cesserat, ut in observationibus nostris videre est.

Vomitus etiam in hoc affectu maximè commendatur, in iis præsertim quæ facile vomant; quia humores crudi, qui circa ventriculum cumulari solent, evacuantur, tum etiam ab utero potenter reuelluntur. Inter idonea medicamenta ad concitandum vomitum, laudatur diasarum Fernelij, cuius Vnc. sem. data cum aqua mulla, vel cum oxymelitis Vnc. j. & iure pulli tepido, bis, aut ter in mense, sine ullo labore vomitum ter, vel quater mouet.

Post sufficientes purgationes, ad discutiendas humoris superflui reliquias, sudores excitari poterunt, quibus etiam fiet conueniens reuulsio fluxionis ad vterum decumbentis. Huic rei conueniet decoctum guaiaci & saffras

assafra in pituitosis, vel *chinae* & *sassaaparillae* in biliosis & melancholicis; additis etiam herbis refrigerantibus, vel temperatis, ne magis isti succi exasperentur, & aciores euadant. Vel prouocabuntur sudores herbarum calidarum decocto, vt *nepetae*, *calamenti*, *fœniculi*, *hyssopi*, *enulae*, *chamom.* *aneth* & *similium*, cuius euaporatio in folio idoneo recipiatur. Ex quo etiam decocto balneum fieri poterit, à quo sudores excitentur. At in calidioribus naturis sufficiet balneum aquae dulcis tepidae, in quo modici tantum sudores, & blandi prouocentur.

Thermæ etiam sulphureæ sudores potenter excitant, & huius morbi reliquias absumunt: harumque usu nonnullas mulieres curatas vidimus, quæ aliis remediis restitui nequiuierant.

De diureticis non levis est difficultas, an scilicet huic affectui conueniant. Illa enim non solum urinas, sed etiam menstrua prouocant, calefaciendo scilicet, & attenuando humores in venis contentos. Attamen ab omnibus autoribus approbantur, & à Gal. ipso, qui iis usus est in vxore Boëthi. Et ratio est, quia diuretica urinas primario prouocant, menses verò secundario, & quasi ex accidenti. Deinde renes continuo serosam materiam attrahunt, vterus verò excipit tantum. Vnde credibile est, maximam istarum humiditatum partem ad vias urinae profecturam.

Diureticum autem in dicta muliere à Galeno usurpatum fuit decoctum *asari*, & *apij* in aqua communi; attamen magis temperatum efficietur in aqua *cichorij*.

Magis compositum decoctum in hunc modum parari poterit.

℞. Rad. *asari*, *apij*, ana Vnc. j. fol. *calamenthi*, *sol-danellæ*, ana M. j. fol. *sambuci* M. sem. *polypod.* & sem.

sem. carthami, an. Vnc. sem. Coquantur ad lb. j. Colaturæ dentur Vnc. v. mane. Et si purgans efficere volueris adde decocto aliquid agarici, vel turpethi in ligatura inclusi.

Dubitatur de causticis tibiæ admouendis. Cum enim humores alliciant ad inferiora, fluorem istum vterinum augere possunt. Attamen in diuturnis affectibus conuenire experientia docuit, quod per hæc emissaria inutilis materiæ portio educatur.

Si humores biliosi & acres in vitio fuerint, non solum exhibenda sunt purgantia cholagoga; sed etiam alterantia, refrigerantia, incrassantia, & leniter astringentia quales sunt iulepi sequentes.

℞. Fol. cichorij cum rad. endiuix, borrag. lactucæ, & portulacæ, ana M. sem. iuiubarum, & sebesten recentium, ana num. viij. sem. quatuor frig. maior. & papau. albi, an. Drach. β. rosar. rubr. P. j. Coquantur ad lb. j. In colat. dissolue syrup. cydon. vel de rosis siccis Vnc. iij. Fiat iulep. pro iij. dosibus.

Si verò humores melancholici redundant, remediis etiam illos respicientibus alterandi & expurgandi sunt.

Vtrique autem causæ maximè conferre poterit lactis chalybeati vsus, per 40. dies exhibiti manè ad Vnc. iv. vel v. Cui addi poterit circa finem tantillum boli armennæ, aut terræ sigillatæ.

In toto curationis decursu aduertendum est, an aliqua pars corporis vitio aliquo laboret, vt possit esse pars mandans illius fluxionis; atque ita illi parti erit medendum.

Si enim à cerebro fluentes humores huic morbo originem dederint, remedia ad eam partem dirigenda sunt, præcipuè fluxionem reuellentia & deriuantia; vt cucurbitulæ scapulis & dorso admotæ frequenter, er-
rhina

rhina, masticatoria, vesicantia, & caustica occipiti, vel brachio inusta, quorum vicem, & multò efficacius subeunt setacea. Refertque Fabricius Hidanus *curat.* 41. cent. j. se mulierem quandam diuturno fluxu muliebri laborantem, & inde ortam sterilitatem, adhibito setaceo curasse.

Si à ventriculo, hepate, aut alia quadam parte humores defluant, illi remedia appropriata adhibenda sunt.

Corpore præparato, & materiâ morbificâ magnâ ex parte vacuata, vel deriuatâ, ad roborantia & astringentia veniendum est. Quæ tamen numquam sunt adhibenda, donec antecedens materia probè euacuata & deriuata sit. Alioqui humores illi retenti, ad partes nobiliores ruunt, & grauiora symptomata excitant. Quemadmodum scribit Gal. *loco citato*, vxori Boëthi contigisse, cui ab vsu astringentium præpostero venter intumuerat, retentis serosis humoribus, qui antea euacuari solebant. Illud etiam aduertendum, vt dum vti-mur astringentibus, materia matecedens aliò diuertatur, illiusque generatio prohibeatur remediis prædictis. Inter præcipua roborantia theriaca recen etur, in corporibus pituitosis vsurpanda. Cui conserua rosarum & absinthij admisceri poterit. Vel opiata sequens erit componenda.

℞. Conseruæ anthos Vnc. j. conseruæ rad. acori vulgaris Drach. ij. specier. diarrh. abbat. & aromat. rosat. an. Drach. j. coralli rubri præparati Drach. ß. theriacæ ℥. ij. Cum syrupo condit. cortic. citri fiat opiata. Vel

℞. Conseruæ rosar. antiquæ, rad. symphyti, buglossi, & cortic. citri, an. ℥. j. corali rubri vsti, iasuræ eboris, boli amenæ, teræ nigiliatæ, sang. drac. an. Drach. j. Cum syrupo de rosis ficcis fiat opiata.

Puluis ex saluia, fassap. & balauft. sumptus manè singulis

singulis diebus cum iusculo , est remedium aulicarum mulierum.

Zecchius sequentem opiatam commendat , à se cum foelici successu sæpe vsurpatam.

℞. Gummi arabici, tragacanthi, ana Drach.ij. coralli vtriusque , cinerum putaminum ouorum , cornu cerui, feminis anethi , succini , ana ℥. iv. mellis rosar. q. s. Fiat opiata , cuius ℥. β. horis duabus ante cibum deuoranda exhibeatur. Deinde statim superbibat ægra aqua plantag. ℥. iv. cum vini rubri Drach.ij.

Iulepi fieri possunt ex aqua rosar. centinodiæ , plantag. cum syrupis myrtino , de rosis siccis , & similibus, adiectis quibusdam pulueribus ex supradictis.

Mercurialis decoctum foliorum quercus cum coagulo leporis se in frequenti vsu habere testatur , eoque se multas mulieres hoc affectu laborantes curasse, idque remedium ita parat.

℞. Decocti fol. quercus ℥. v. vel vj. coaguli leporis Drach. j. Capiat per viij. vel x. dies.

In affectu bilioso sequens syrupus roborans , astringens, & refrigerans parari poterit.

℞. Aquæ rosar. lb. iv. spiritus vitrioli q. s. vt aqua reddatur acidula , ac vix talis sentiatur ad gustum, rosar. rubr. siccarum P. iij. Infundantur frigide per biduum. Colaturæ adde sacchari rosacei q. s. vt fiat syrupus.

Ac denique astringentia medicamenta , in mensium fluxu immodico descripta , huc transfetri poterunt.

Pro potu ordinario conueniet bochetum ex rad. chinæ , vel ligno lentiscino , cum vino astringente.

Dum astringentia & roborantia vterum per os exhibentur , topica & externa admouenda sunt ; videlicet fots, femicupia, vnguenta, emplastra, iniectiones, suffus

fitus, & pessaria; qualia in fluxu mensium immodico præscripta sunt.

Antequam autem astringentia hæc topica in usum reuocentur, vterus probè detergendus est. Alioqui impuritates illæ in eo retinerentur, quæ sursum remeantes grauiorum morborum causa essent. In detergendo autem habenda est ratio humoris morbifici. Alia enim detergentia debentur humori pituitoso, alia humori biliolo.

Si humor sit biliosus, fiant iniectiones ex aqua hordei, sero lactis, aqua saccharata. Si verò pituitosus sit, parentur ex hydromelite, vel decocto absinthij, matriariæ, & similium.

Pessarium detergens etiam fieri poterit ex theriaca, & terebinthina, vel ex foliis mercurialis contusis, & panno lineo raro inuolutis.

Hiscæ utetur ante astringentia, donec vterus probè deterfus fuerit. Quod cognoscetur ex nullo, aut paucis humorum per eam partem transitu.

Ab usu detergentium suffitus primùm administrandi sunt, quia vterum exsiccant & roborant. Lique commodè parabuntur ex thure, ladano, mastiche, santalis, nucis moschata, rosæ rubris. Postmodum verò ad alia astringentia progrediendum erit.

C A P V T V.

De furore uterina.

FVror uterinus est species mania, ab intenso & effrenato coeundi appetitu orta, qui mentem de sede sua deiicit; ita ut laborantes obscœna & impudica verba passim effutiant, abiecta omni verecundia venerem furiosè

iosè expètant , & ad eam viros inuitent.

Producitur immodicus iste coëundi appetitus à seminis copiâ , acrimoniâ , & feruore naturæ leges excedente , quæ in vasis seminalibus immodicè turgens, genitalia vehementer excitat ad veneris appetitum, eaque veluti inflammat. Et ea verò materia vapores ad cerebrum demittuntur , qui rationem perturbant , eamque è sede sua deiiciunt ; quamuis ipse coëundi appetitus immodicus sine vaporum concursu per se rationem superare possit , & obruere , quemadmodum omnia pathemata vehementiora idem præstare possunt , præsertim amor immodicus , qui eroticus affectus nominatur.

Illas autem qualitates acquirit semen , quando nimis retinetur in corporibus salacibus , & multo calore præditis ; atque adeò hic affectus virginibus , aut viduis iunioribus proprius est ; quamuis etiam nuptis contingere possit , quæ scilicet ignauos habent coniuges , aut non satis adamatos , vt vasa spermatica sufficienter deplere , aut appetitum venereum satiare nequeant

Quidam volunt semen etiam putrescere , & malignam qualitatem induere , quæ graua ista symptomata producat. Verùm non facile iis est differentiam ostendere , quæ inter hunc affectum , & hysterica passionem intercedit , quæ à semine corrupto , & malignitatem adepto producitur. Licèt enim varij putredinis gradus , varios etiam malignitatis gradus efficiant, vnde magna symptomatum varietas exurgit; sufficiunt tamen qualitates manifestæ , nempe seminis copia excedens , caliditas, acrimonia , & turgentia nimia, cum phlogosi partium genitalium , ad istum affectum generandum.

Causæ verò calidum istud semen , acre , & copio-
lum

sum producentes sunt , ætas iuuenilis , temperies sanguinea & biliosa, vel melancholiæ adustæ particeps ; cibi euchymi & opipara mensa , idque magis si edulia aromatibus condiantur ; odor ipse aromatum frequens, vt moschi, zibetæ , & similia; somni longiores, & in lecto plumis mollioribus referto , blanditiæ amassorum, lectio librorum impudicorum , choreæ , & aliæ voluptates in adolescentium consortio susceptæ.

Diagnosîs huius affectus ex iis quæ dicta sunt facile elici potest. Sed quia sensim & per gradus apparere solet , illius progressus exponendus. In principio igitur dum adhuc mentis compotes sunt , mœstiores ac taciturniores euadunt , sed cum oculorum iactatione , ac lasciuiâ , & faciei rubore ; qui per interualla intenditur , præcipuè verò rei venereæ facta commemoratione , ad quam respiratio , & pulsus mutantur per sympathiam cordis , vnde Galenus , se ex pulsu cognouisse gloriatur furibundos mulierum amores ; quòd eiusmodi amantes varias subito mutationes in pulsu patiantur , dum obiecta expetita illis offeruntur , vel in memoriam reuocantur. Postmodum verò dum malum exacerbatur , incipiunt rixari , & lacrymari , ac subinde in risum effundi, multa colloqui inconcinnè & imprudenter , ex quibus nihil certi colligas. Deinde resipiscunt , donec alter paroxysmus ex materiæ motu inordinato, & sine vlla certa periodo redierit. Hoc furore percitæ mulieres morbo ad statum progresso , viros ad coitum palàm & coram omnibus inuitant , rem veneream proprio & vernaculo nomine passim inculcantes.

Quod ad prognosim attinet. Morbus iste curabilis est , si maturè medela adhibeatur. Si verò diutiùs per-

seueratuerit, & firmas radices egerit, in veram maniam degenerat.

Magna salutis spes est, quando longiora incipiunt esse interualla, aut quando corpus emaciatum instaurationi incipit, & commemoratio rei venereæ coram illis facta eas non amplius ita afficit, & perturbat.

Curatio huius affectus eò dirigenda est, vt calida intemperies tum viscerum, tum vteri præsertim, tum sanguinis, & feminis corrigatur, & humores acres ac materia seminalis euacuentur. Quod quidem sequentibus remediis perfici poterit.

Ac primùm phlebotomia pluries repetita, quantum vires ferre possunt, celebranda est; vt tota humorum massa, & ipse vterus refrigerentur, & sanguis feruidus ab vteri venis reuellatur.

Si verò mensium suppressio adfuerit, tundendæ postmodum erunt venæ inferiores, vt cursus ille naturalis humorum concitetur.

At si versus hæmorrhoidales venas sanguis pergere videatur, quod ex tumore & rubore illarum dignoscitur; admotis hirudinibus aperiendæ sunt.

Postmodum purgatio instituenda est, ex benignioribus composita, bilem, aut melancholiam educentibus, prout alteruter humor redundauerit.

Purgationi succedent iulepi præparantes humorem peccantem, refrigerantes scilicet, & leuiter aperientes, per triduum vsurpandi.

Mox purgans validius exhibendum erit, ad humores illos penitus infixos euellendos. Cui vsui confetre poterunt illa medicamenta purgantia, quæ in maniae curatione fuere descripta, quæ per interualla erunt repetenda.

Iterata purgatione, ad vterum, & vniuersum corpus refrigerandum, humorisque feruorem temperandum;
sequens

sequens balneum erit vtilissimum ; idque plures in morbi decursu erit repetendum.

℥. Fol. lactucae , salicis , nymphaeae , vitis portulacae , umbilici veneris , ana fasc. j. flor. violar. nymphaeae , & rosar. an. M. ij. Coquantur omnia pro balneo , quod ingrediatur tepide , sine sudore , bis in die longè à pastu.

Quia verò balneum integrum tam facile ad multos dies continuari nequit ; saltem semicupium ex prædicti decocti portione , imò verò ex aqua simplici paratum frequenter iterandum est ; & valdè tepide administrandum : summa etenim huiusce curationis in eo consistit , vt uterus valdè refrigeretur. Quod confirmatur insigni experimento ab Haruæo proposito , in tractatu de partu nobilis foeminae à furore , & melancholia uterina ultra decennium delirantis ; cui postquam omnia frustra tentata essent , contigit vteri prolapsus , qui non fuit repositus , donec à frigore externo illius intemperies deferbuisset. Successit res ex sententia , breuique planè conualuit , atque uterus demùm loco suo restitutus est.

Ad ulteriorem corporis refrigerationem , serum lactis per multos dies exhibitum , conuenire poterit.

Ac denique ea omnia , quæ ad maniam & affectionem hypochondriacam proposita sunt , in hoc affectu etiam conferre poterunt , prout bilis , aut melancholia illi dederit originem.

Quibus omnibus addi possunt illa , quæ proprietate specificâ semen extinguere ac refrigerare valent , in quarum numero sequentia recenseri debent.

℥. Fol. nymphaeae , salicis , viticis , ana M. iv. fol. lactucae , portulacae , umbilici veneris , ana M. j. sem. quatuor frigid. maior. lactucae & papau. albi , an. ʒ. β. anethi ʒ. ij. flor. nymphaeae & violarum , an M. j. Conquantur omnia recentia & irrorentur succo lime.

& destillentur in B. M. ac singulis aquæ libris adde camphoræ ʒ.j. Capiat ʒ.j. frequenter.

Vel ex prædictis simplicibus, vel eorum nonnullis potest fieri decoctio, & saccharo dulcorari ad plures doses, addendo camphoræ parum.

Vel fiat emulsio ex sem. frig. maior. lactucæ, & pau. albi, extracta cum aquis nymphææ, lactucæ, & salicis, cum syrupo violaceo.

Opiata in hunc modum præscribi poterit

℞. Conseruæ flor. nymphææ, violar. & viticis sen agni casti, ana ʒ.β. conseruæ rosar. Vnc. sem. caudicum lactucæ condit. Vnc j. coralli & smaragdi præpat. an. ʒ.j. Cum syrupo violac. & nymphææ, fiat opiata.

In summa delirij vehementia somnum conciliantia vtilissima sunt, tam interna, quàm externa, prout in phrenitidis & mania curatione descripta sunt.

In toto morbi decursu, clysteres refrigerantes, & blandè purgantes vsurpandi sunt, cauendo ab acrioribus, & vehementer purgantibus quæ materiam in vtero, aut in eius vasis contentam exagitant, vnde symptomata exacerbari solent.

Iniectiones etiam fieri possunt in vterum ex decoctis herbarum pro balneo aliisque remediis præscriptarum, quibus vtiliter sal Saturni addi poterit.

Clysteres. frequentes ex oxycrato ad hoc quoque conferre poterunt.

Exterius etiam linimenta refrigerantia, lumbis, pubi, & perinæo admouenda sunt, ex ol. nymphææ, vnguento rosac. vel albo refrigerante, cum succis solani, hyoscyami, nymphææ dissolutis, addendo parum camphoræ.

Tum lamina plumbea perforata supra renes continuo gestanda.

Ratione causæ coniunctæ, quandoquidem feminis illius

illius acrioris, & corrupti euacuatio morbum solvere potest; optimè consultum foret, in morbi principio, antequam deliria sint valdè conspicua, aut in eorum interuallo, si satis dilucidum extiterit, huiusmodi virgines viro iuueni ac valido iungere. Sic enim satiatio utero, & effusâ materiâ quæ in vasis illius continetur, eas curari contingit.

Si verò non ita facilè nuptiæ celebrari valeant, aut vitæ conditio id minimè patiatur; consulunt nonnulli, ut à perita obstetrice fiant frictiones & contrectationes partium genitalium, à quibus excernere possunt magnam istius seminis copiam. Sed quia illud nefas est, sufficiet, dum ægra est in balneo, perfricare leniter longè à pudendis vteri partes, ut aquæ tepore ille attemperetur, & madore laxior fiat, discutiatúrque suâ sponte seminale excrementum; ita ut manus nihil aliud præstet, quàm leuem aquæ subingressum ad penitiores vteri partes; quòd tantum aqua operetur, quantum aliud auxilium ex iis, quæ aduersus semen pugnant.

Ad eundem vsum pessaria componi poterunt ex foliis mercurialis contusis, cum pauca myrrha, aut pulvere aristolochiæ. Quæ supponi debent dum ægra est in balneo, ne nimium incalescat uterus, & post vnus horæ spatium auferri. Moxque fiat iniectio in vulnam ex sero lactis, vel decocto hordei cum pauco succo solani, semperuiui, aut cicutæ, quæ in hoc affectu peculiariter commendatur.

Ad semen expurgandum sequens bolus erit utilissimus.

℞. Terebinth. Venet. Drach. iij. agarici trochiscat. Drach. sem. dauci, cannabis pulu. ligni aloës, an. gr. viij Cum sacch. fiat bolus.

Si affectus perseveret, applicentur cauteria cruribus.

Nihil enim præstantius est, quàm materiam ad inferiora per istos fonticulos deriuare.

Quòd si lienis tumores, & obstructiones supervenerint, ut sæpe fit illis diligenter erit providendum propriis remediis.

Quia denique in hoc affectu cerebrum & cor graviter afficiuntur, ob vapores ab utero fursùm elatos, utrique providendum erit; cerebro quidem, frictionibus, ligaturis ad inferiora, cucurbitulis supra coxas & inguina frèquenter admotis; cordi verò epithematis tam liquidis quàm solidis, in virium imbecillitate præscriptis.

C A P V T VI.

De hysterica passione.

DVm semen & sanguis menstruus præter naturam retinentur in mulieribus, putresunt ac corrumpuntur, nec non malignam & venenatam qualitatem acquirunt: unde vapores maligni elevantur, & ad varias corporis partes deferuntur, propter mirum consensum quem uterus habet cum omnibus prope modum corporis partibus: & inde varia accidunt symptomata, ita diuersa, ut iure dixerit Democritus in *epistola ad Hippocratem*, sexcentarum ærurnarum innumerarumque calamitatum autorem esse uterum; & ipse Hippocr. scripserit *lib. de morbis virginum*, multis & incomprehensibilibus ferè affectionibus premi miserimas mulieres. Nos illas omnes affectiones hoc capite explicare aggredimur, & unico hysteriæ passionis nomine comprehendimus, Galenum imitantes, qui *lib. 6. de loc. affect. cap. 5.* dicit hystericam passionem

vnum

unum quidem nomen esse, varia tamen & innumera accidentia sub se comprehendere. Quamvis neoterici ferè omnes suffocationem hystericam sub titulo hystericæ passionis explicent, symptoma peculiare generis nomine donantes, propterea quòd omnium frequentissimum & molestissimum esse consuevit. In hoc tamen maximè superflui esse videntur autores præcipui, qui de morbis mulierum scripserunt, quòd diuersis capitibus varios ex vtero affectus exponunt, nempe hystericam suffocationem, capitis dolores, conuulsiones epilepticas, cordis palpitationes, arteriam in hypochondriis & dorso pulsationes, ventriculi, hepatis & lienis affectus ex vtero oriundos, & varios in variis partibus dolores ab eodem concitatos; quòd omnes illis affectus ab iisdem causis oriantur, & iisdem remediis curari debeant; ita vt autores prædicti in variis capitibus eadem sæpius, non sine lectorum tædio, repetere cogantur.

Nos igitur, vt breuiter & methodicè omnes istos affectus exponamus, operæ pretium ducimus causas eorum vniuersales præmittere, vt deinceps sigillatim ostendamus quomodo illi affectus ab his causis oriantur.

Diximus itaque ab initio, duas causas præcipuas horum omnium affectuum esse, semen muliebre, & sanguinem menstruum, dum præter naturam retinentur, & corrumpuntur, malignamque ac venenatam qualitatem acquirunt; ex quibus maligni vapores eleuantur, variaeque partes afficiunt. Cui doctrinæ generatim propositæ, duo alias maximi momenti adiungenda sunt; quorum primum est, non solum semen & sanguinem menstruum hystericas affectiones producere, sed etiam varios humores excrementitios in vterum confluentes, qui diuturnâ mora putrescunt, & tetros vapore emittunt. Huius rei fidem faciant

vetulæ non paucæ , quæ sanguine menstruo & semine destitutæ , hyster. cis tamen affectibus sunt plurimum obnoxia. Alterum est , quòd non solum vapores ex prædictis substantiis eleuati hystericos affectus producunt , sed etiam ipsi humores , qui liberum exitum non inuenientes per vias vteri (ad quem veluti sentinam , natura humores superfluos deponit) ob suppressionem mensium , vel fluoris vterini , ad partes superiores regurgitant , easque inficiunt praua illa qualitate , quam in vasis vteri , diuturniori morâ , aut per contagium seminis , aut menstrui corrupti contraxerunt.

His ita constitutis , videndum est quomodo hysterici affectus à prædictis causis excitentur , à suffocatione incipiendo , quæ omnium præcipua & magis frequens huiusmodi muliercularum affectio esse solet , multisque aliis iisque grauissimis plerumque stipatur symptomatis. Nam præter læsam respirationem , quæ interdum etiam aboletur, totius corporis refrigeratio, vocis & pulsus interceptio, imò interdum motus & sensus abolitio contingit, vt ægræ quasi mortuæ iaceant, & quædam pro mortuis habitæ, sepulturæ destinatæ fuerint , cùm tamen postea renixerint.

Inuadit autem hoc malum per paroxysmos , qui nunc frequentius , nunc rarius redeunt , nunc breuiore , nunc longiore tempore durant , pro materiæ copia , quæ nunc citius , nunc tardius colligitur , nunc etiam citius , nunc tardius discutitur. Habent enim eiusmodi causæ in corpore humano sua digestionis , & exaltationis tempora , quæ vbi attigerunt , subito & quasi in momento ad agendum erumpunt. Imò verò collecti antea in corpore huiusmodi humores , in corpore aliquandiu latere possunt , donec à causa aliqua interna

interna, vel externa commoti, venenatam auram in alias partes effundant. Frequentissimæ autem & notissimæ causæ huiusmodi commotionem & agitationem efficientes sunt res odoratæ naribus admotæ, vel alimenta dulcia assumpta, à quibus promptissimè mulieres affectibus hystericis obnoxia paroxysmum incurrunt; quod etiam non rarò præstant ira vehemens, terror, aliæque animi pathemata graviora.

Varij autem sunt huius affectionis gradus pro varia materiæ morbificæ copia & malignitate. Aliquando enim suffocatio & respirationis læsio levis est, & citò solvitur; aliquando gravis, ut omnino auferatur, & alias affectiones hystericas, ut vomitum, deliria, convulsiones, syncopem adiunctas habeat.

Communiter tamen ex semine corrupto graviora excitantur symptomata, quàm ex sanguine menstruo, aut aliis humoribus corruptis. Quantò enim semen propriam servans naturam, essentiæ suæ bonitate menstruum superat, tantò etiam ex superueniente corruptione, in maiorem & deteriore venenositatem degenerat.

Aliæ etiam huius suffocationis hystericæ differentiæ annotandæ sunt, quòd nimirum aliquando mulieres hystericæ magnam respirationis difficultatem patiantur; aliàs sese strangulari dicant, quasi fauces illis fune constringantur; aliàs verò respiratio maximè imminuatur aut aboleatur sine vlla molestia, aut suffocationis sensu. Cuius diversitatis ratio inde petenda est, quòd simplex suffocatio & respiratio difficilis pendeat à flatuum copia, qui interdum magnâ copiâ cumulantur in mulieribus hystericis; præsertim quando hystericæ passio hypochondriacæ iuncta est; qui quidem flatus, diaphrag-

ma & pulmonem comprimunt, vt in asthmae flatu-
ento contingit; sensus verò strangulationis in quo po-
tissimùm fauces constringi videntur, à peculiari auræ
venenatæ indole dependeat; quemadmodum alia ve-
nena reperiuntur in macrocosmo, quæ hanc fauces con-
stringendi & strangulationem efficiendi vim obtinent,
vt de quadam fungorum specie notum est. Varias au-
tem esse venenatas illas qualitates quæ in hysteris mu-
lieribus generantur, satis innuit Galen. 6. *de loc. aff.*
cap. 5. dum huius vaporis malignitatem torpedinis ve-
neno, phalangij morfui, & ictui scorpionis comparat,
quæ venena etsi mole sint exigua, viribus tamen maxi-
ma, in corpus humanum recepta, exiguo temporis spa-
tio, illud grauissimè afficiunt, & vehementissima sym-
ptomata inducunt. Imminuta verò aut abolita respi-
ratio fit ab iisdem vaporibus narcoticâ quadam vi præ-
ditis, qui cordi maximè & spiritibus vitalibus aduersi,
actionem eorum impediunt, vnde sequitur totius cor-
poris refrigeratio ex defectu spiritus influentis, & re-
spirationis cessatio deficiente usu. Cùm enim respiratio
ad cordis refrigerium necessaria sit, dum ab aura ista
venenata cor impensè refrigeratur, non indiget illò re-
frigerio sibi per respirationem communicato, & ita ces-
sat respiratio cessante usu. Dicere etiam possumus, au-
ram illam venenatam & narcoticam cerebrum impe-
tere & spirituum animalium influxum impedire, vnde
motus diaphragmatis & musculorum respirationi infer-
mentium impeditur. Adde quod destructo spiritu vi-
tali, animale etiam destrui necesse est, qui ex eo ge-
neratur.

Dubium soluit Galenus *loco citato*, ex eo deductum
quod passim circumfertur, hominem vivere non posse
sine respiratione, atque adeò mulieres hystericas respi-
rationis abolitionem pati nullo modo posse. Dicit enim
ex

ex summa cordis refrigeratione tolli respirationis necessitatem, quæ si vigente corde impediretur, promptus sequeretur interitus; sed exiguum calorem qui adhuc superest in corde, sola transpiratione foueri, quemadmodum animalia in latibulis per hyemem degentia solâ transpiratione viuunt, quia frigidissima sunt, & exiguum habent calorem; qui respiratione non indiget.

Præter causam suprà commemoratam hystericae suffocationis, nempe vaporem malignum & venenum; quidam aliam addunt, scilicet vteri ascensum ad partes superiores, quo ventriculus ac diaphragma comprimitur, & inde non solum suffocatio hysterica, sed etiam alia symptomata emergunt. Hunc vteri ascensum proposuit Hippocrates *lib. de natura muliebri*, his verbis. *Conuersi vteri impetunt hepar, & ad præcordia irrumpunt; sursum enim ad humiditatem feruntur, à labore nimium resiccati. Hepar autem gratiosi humoris fons est.* Bernelius verò *lib.6. pathologia, cap. 16.* hunc vteri ascensum se frequenter tactu deprehendisse affirmat, eumque instar globi cuiusdam in ventriculum elatum, ac grauiter opprimentem, vnde sæpe manu depressus est manifestèque in propriam sedem propulsus. Idem testatur Eustachius Rudius *lib.2. Præctica cap. 51.* se nimirum propriis manibus vterum ipsum vsque ad umbilicum, & nonnunquam supra ipsum eleuatum, contrectauisse, & in propriam sedem paulatim propellendo deduxisse. Galenus verò *6. de loc. aff. cap. 5.* hanc sententiam oppugnat, docetque etsi vterus aliquo modo moueri possit, atque ascendere, id tamen perexiguum esse: neque fieri villo modo posse, vt vterus vsque ad ventriculum ascendat, tantum abest, vt illum prætereundo, ad septum transversum pertingere possit. Ratio firmissima ex Anatome petitur. Siquidem vterus

quatur

quatuor validissimis ligamentis in sua sede ita firmatur ut fursùm tanto spatio attolli minimè valeat. Ad hanc tamen respondent huius opinionis defensores, in procidentia vteri ligamenta illius ita laxari, ut extra pudenda prodire soleat; atque adeò quantum descendit ad inferiora, tantum posse ascendere ad superiora ligamentis ita relaxatis. Respondemus vteri procidentiam fieri paulatim & longissimo tempore per emolli- tionem & humectationem ligamentorum à diuturno humoris pituitosi defluxu excitatam; vteri verò ascensum quem vocant, fieri in momento, & citissimè restitui, ac cessare; & omnino necessarium foret antea relaxata fuisse illa ligamenta, atque adeò vteri prolapsu laborarent omnes mulieres quæ huic ascensui obnoxia essent, quandoquidem cessantibus causis, quæ illum ascensum promouere possunt; sponte & proprio pondere vterus ad inferiora proueret, & continua procidentia laboraret.

Difficilius est respondere autopsiæ à Fernelio, Rudio, aliisque propositæ, qui se manu propria vterum percepisse aiunt globi instar ad vmbilicum & vterius ascendentem, & compressione ad suum locum propulsum. Ad hoc respondet Sennertus, corpus illud, quod tactu deprehenditur, non ipsum vterum esse, sed testes, & vas illud cæcum, quod tuba Fallopiana dicitur, à Fallopio inuentore, qui tubæ extremo orificio id comparauit. Cum enim testes vteri sint penduli, & corpus tubæ fistulosum, laxum & vagum, dum semine corrupto, & humoribus vitiosis ac flatibus replentur & turgescunt, per hypogastrium hinc inde moueri, & ad vmbilicum vsque ascendere possunt. Talem autem tumorem rotundum in testibus & tuba vteri posse contingere, qualis interdum in foeminis deprehenditur.

prehenditur, docere potest Riolani observatio in Anthropographia proposita, ubi refert se in hystericis virginibus testes deprehendisse pugno grandiores; seroso semine turgentes, quin etiam tubam vteri amplificatam & valdè dilatatam. Vesalius verò simile quippiam observavit in nobili quadam puella vteri strangulatu laborante, in qua alter testis instar maiusculæ pilæ protuberabat, croceo humore, simulque grauissimè olente, ac venenosum quid & tetrum spirante, refertus; qui humor conterminas sedes tingebat, non secus ac colon intestinum, quâ sub iecore fertur, à cystide fellea luteum reddi cernimus.

Verùm non valdè recedit Sennertus à prædictorum sententia. Posito enim quod ille asserit, testes & tubam vteri, dum semine corrupto, & humoribus vitiosis ac flatibus replentur & turgent, per hypogastrium hinc inde moveri, & ad umbilicum usque ascendere posse; cum partes illæ vtero sint contiguæ, per hypogastrium, & ad ipsum vterum moveri nequeunt, quin vterus simul moueatur, atque adedò toti vtero ex partibus suis integrantibus eique connexis, composito, motus iste facile tribui potest. Deinde si testes & tuba vteri dum vitiosis humoribus aut flatibus replentur, variè commoueri possunt, quidni etiam vterus iisdem humoribus aut flatibus refertus, iisdem motibus cieri potest; Conuincit quidem ratio Sennerti à Galeno mutuata, vterum quatuor ligamentis constrictum ad diaphragma non posse ascendere, imò ne quidem ad ventriculum; sed ad umbilicum usque proferri posse, ubi authores prædicti globum illum perceperunt, negandum non est; tum quia ligamenta illa aliquantulum extendi possunt à materia turgente,

turgente ; tum quia vterus dum inflatur , locum amplio- rem occupat , & versùs umbilicum percipi potest. Siue igitur totus vterus , siue partes illi annexæ , nimirum testes , & tuba vteri fursùm moueantur , semper ascensum vteri nominare possumus , & doctrinæ Hipp. inhærere.

Dolor capitis ex vtero variis modis contingit ; interdum enim totum caput obsidet , aliàs sicciput , aliàs occiput inuadit , aliàs circa oculos percipitur , ut è sede sua quasi erupturi videantur.

Fiunt autem isti dolores à prædictis vaporibus acribus & malignis ad caput eleuatis , & partes illius membranofas vellicantibus : humores etiã prauis ab vtero translatis hunc dolorem excitare possunt. Sanguis enim vitiosus ex vasis vteri regurgitans , & præsertim tenuior ac serosior illius portio , ad caput vsque ascendit , & in membranofas partes effusus , dolores illos procreat ; quî dolor interdum pungens & ulcerosus est ex vaporum aut humorum acrimonia. Interdum tensius à copia & multitudine tensionem efficiente , interdum verò pulsatorius , quando vapores aut humores per arterias feruntur , vel quando arteriæ partis alicuius capitis peculiaris sanguine feruido replentur.

Epilepsia ex vtero ab iisdem vaporibus acribus & malignis excitatur ; qui dum insignem acrimoniam atque malignitatem adepti sunt , partes neruofas vehementiùs & acerbiùs feriunt , vnde fit ut illæ contrahantur , & ad exclusionem rei noxiæ , motibus convulsivis agitentur.

Palpitatio cordi ab iisdem vaporibus sæpe contingit , ex vtero ad cor eleuatis , illiusque facultatem expultricem irritantibus.

In arteriis etiã dorfi & hypochondriorum pulsatio contingit

contingit ex sanguine feruido , ex vtero in illas arterias translato , easque distendente , vnde pulsatio maior fit, quæ partes vicinas feriens , pulsationis sensum in iis inducit. Fiunt tamen interdum huiusmodi pulsationes in melancholia hypochondriaca, quæ in horum affectuum diagnosi erunt distinguendæ.

Varij etiam in ventriculo , hepate & liene affectus oriuntur ex vtero. Ventriculi læsiones , deiectam appetentiam , vel eandem intensiorem vel ad absurda propensam ; vel singultus , vomitus , aut ructus aut cardialgiam excitant. Quæ omnia symptomata à prædictis vaporibus in ventriculum transmissis per arterias hypogastricas & coeliacas , vel alios cæcos ductus excitantur ; varia autem illa symptomata vapores isti inducunt , pro diuersa eorum natura diuersoque putredinis & malignitatis gradu. Prout enim calidi sunt, inappetentiam & sitim excitant. Si verò frigidi fuerint , coctionem ledunt. Absurdorum verò appetentia ex maligna humorum & vaporum qualitate dependet ; vt in pica à nobis ostensum est : ac pro diuersa malignitatis specie , fit vt appetitus magis ad hanc, quàm ad illam rem feratur , vt aliæ carbones , aliæ gysum , salem , cinnamomum , aliaque absurda appetant. Ex certa etiam malignitatis specie dependet quorundam eduliorum peculiaris auersatio , & quod mirabilius est , in quibusdam apparuit potus omnimoda auersio ; sicut narrat Lud. Mercatus de Illustri quandam muliere potum omninò auersante ; & de alia, quæ licet potum sibi porrigi expeteret , eum tamen vomitu reiiciebat , simulque grauibus aliis symptomatis vexabatur. Vbi coniecere licet humores prauos in eà muliere malignitatem fuisse adeptos , illi consimilem , quæ in hydrophobia generari solet. Negandum tamen non est , partium diuersitatem, ad quas hu-
mores

mores illi & vapores maligni deferuntur, non parùm conferre ad symptomatum varietatem efficiendam. Si enim ad os ventriculi ferantur, appetentiam lædunt & cardialgiam inducunt. Si in ventriculi cavitatem effundantur, ructus & vomitus excitant; si ventriculi tunicis hæreant, nauseam perpetuam inducunt; si acrimonia insigni præditi sint, singultum aut dolores efficiunt; qui etiam dolores à copia grauate ac distendente exoriri possunt.

Hepatis læsiones ex sanguine menstruo retento & per venas ad eam partem refluyente, facillè generantur hinc morbus virgineus à sanguine prauo, ab utero in hepar & ab hepate in totum corpus effuso, generatur. Hinc tumores, febres, alique affectus quamplurimi in toto corpore, variisque partibus oriuntur, cum omnes ab hepate nutrimentum capiant.

Si verò sanguis ille vitiosus ab utero in lienem refluat, tumores, obstructions, & affectiones melancholicæ atque hypochondriacæ excitari solent,

Ac denique mulieres varios in lumbis, cruribus aliisque partibus, dolores patiuntur ex vitiosis humoribus atque vaporibus ab utero ad eas translatis. Quæ omnia symptomata ex utero oriunda, ab aliis naturæ consimilis aliunde prouenientibus, & ab aliis causis productis, in sequenti diagnosi distinguuntur.

Primò igitur diagnosi hystericæ suffocationis ex iis quæ suprà relata sunt, maiori parte desumi potest. Apparent enim in ea symptomata enumerata, non omnia quidem in omnibus, sed quædam in his, alia in illis pro varia causarum dispositione. Illa autem symptomata sunt, læsa respiratio, in qua nonnunquam strangulari videntur; aliàs verò respiratio imminuitur, aut aboletur, sine vlla molestia, aut suffocationis sensu; totius corporis refrigeratio, vocis & pulsus interceptio, interdum

interdum etiam motus & sensus abolitio, interdum deliria conuulsiones, syncope, vomitus & singultus prædictis sociantur.

Verum ad clariorem diagnosim signa prius proponenda sunt, quæ affectum imminuentem indicant, qualia sunt; murmur abdominis cum ructu vel nausea, lassitudines, oscitationes, & pandiculationes à materia flatulenta, quæ ab utero in varias partes eleuari incipit; tristis aspectus, & pallor faciei, à retractione caloris natui versus suos fontes, excitatus.

Ingrauescente affectu sensus strangulationis urgere incipit, quasi ex grandiori bolo deuorato, quem in faucibus se habere putant. Postmodum respiratio intercipitur, & suffocatio augetur. Ac tandem actiones omnes vitales & animales deprauantur; imminuuntur, vel abolentur. Hinc deliria, conuulsiones, aliaque symptomata grauiora. In quibusdam uterus sensibilibus agitur, & quasi conglobatur, & in variis abdominis partibus globi instar percipitur. Declinante verò affectu, seu paroxysmo hysterico, humer quidam è locis muliebribus effluit, intestina obmurmurant, oculi attolluntur, genæ rubore suffunduntur, actiones animales restituntur, corpus incalescit, suspiria profunda emittuntur; sicque ægra sensim restituitur.

Ex signis propositis affectio hysterica à cognatis & consimilibus affectibus, puta syncope, apoplexiâ, & epilepsia facile distinguitur. Differentia tamen quæ inter illos affectus intercedit, peculiariter annotanda est.

Ac primum tribus signis generalibus coniecere possumus, symptomata quæ hystericae passioni, & prædictis affectibus sunt communia, ab utero dependere potius, quam à primario cordis, aut cerebri vitio. Quorum primum est, quod si ægra hysterice affectionibus sit obno-

xia, & prædicta symptomata pati non raro consueverit, dum illa de nouo adueniunt, de alio affectu cogitandum non est. Secundum est, quod mulieres, dum symptomate illa pati incipiunt, de vtero malè affecto conqueruntur. Tertium est, quod hystericae mulieres foetidis nariibus admotis, & suaueolentibus in pudenda immisissis, magnum leuamen percipiunt, quod in aliis affectibus non contingit.

Peculiariter verò à syncope distinguitur hysterica affectio, quod in illa respiratio & pulsus omnino amittitur; in hac verò aliquantulum remanet, licet valde imminutus, donec ad extremum periculum peruenerint. Secundò syncope promptius inuadit, & quasi derepente corripit ægotantem. At in hysterico affectu signa euentia præcedunt futuræ accessionis. Tertiò pallor faciei maior est in syncope, minor autem in hysterica suffocatione. Imò verò nonnullæ mulieres hystericae in paroxysmo faciem habent rubicundam, & tunc hoc solo signo affectus certissimè distinguitur. Quartò in syncope ut plurimum sudores frigidi & diaphoretici apparent, qui in suffocatione hysterica non reperiuntur. Quintò syncope breuior est, & citò ad salutem, vel ad mortem terminatur; hysterica verò suffocatio diuturnior est, & ad diem vnum, vel plures interdum perseverat. Hoc tamen aduertendum est, syncopem cum hysterico affectu aliquando complicari, quando nimirum cor grauius afficitur, vel vires admodum debilitatae sunt ex diuturniori affectu; & tunc mixta esse possunt vtriusque affectus symptomata.

Ab apoplexia distinguitur suffocatio vterina; primò quod in hac partes non sint ita resolute, neque sensus tactus omnino abolitus sit, ut in apoplexia; sed si pungantur, aut pili auellantur, manu sufficienter indicant, se dolorem sentire. Secundò in apoplecticis stertor perpetuò apparet,

apparet ; in hoc vteri affectu minimè. Tertiò hystericae mulieres post accessionem meminerunt eorum quæ dicta , aut facta sunt , quod in apoplexia non contingit.

Ab epilepsia distinguitur. Primò quod conuulsiui motus non perpetuò coniuncti sunt cum hysterica suffocatione ; nec, vbi adsunt, ita vniuersales sunt , vt in epilepsia , sed vnum vel alterum tantum membrum concutunt. Secundò pulsus in epilepticis maior est etiam quàm in statu naturali ; in hystericis verò contrario modo se habet. Tertiò in epilepsia spuma circa os apparet, in hoc verò affectu minimè. Quartò epileptici non meminerunt eorum quæ circa ipsos facta sunt , quod in hystericis fieri dictum est. Quintò hystericae mulieres in fine paroxysmi vt dormientes excitantur , cum murmure ventris inferioris, quasi vtero quiescente & in suâ sedem redeunte, & interdum magna humoris copia per vterum effluente, quæ in epilepticis non contingunt.

Oportet etiam inquirere, quomodo hystericae mulieres à mortuis distinguantur, cum plurimis historiis proditum sit , nonnullas pro mortuis habitas , & sepulturae destinatas , aut sepultas fuisse. Id quidem autores variis modis explorant. Vel enim lanam carptam aut plumas leniores ori admouendo , quæ si non moneantur , ægram pro mortua habent ; vel speculum tersum ori admovent , quod halitu emissio infici debet , si ægra vel tantillum spiret ; vel cyathum aqua plenum pectori imponunt , & si aqua nullo modo moueatur, ægram pro mortua habent. Hæc signa vt plurimum locum habent, sed perpetua non sunt, nec omnimodam certitudinem præ se ferunt , cum antea dictum sit , quasdam mulieres hystericas sola transpiratione viuere instar animalium in latibulis degentium hyemis tempore , & omninò abolitam in iis esse respirationem. Quod licet rarissimè

rarissimè contingat, cautio tamen illa obseruatione digna est, ne mulieres affectu hysterico defunctæ, ante tertium diem sepeliantur, aut saltem donec foetere incipiant.

Signa causarum etiam proponenda sunt; quæ ternario numero fuere comprehensæ; & illæ sunt semen retentum, & corruptum; sanguis menstruus item retentus, & corruptus; & cacochymia in vteri vasis aut cauitate contenta.

Si à semine retento vel corrupto hic affectus oriatur, aderunt, vel præcesserunt omnès causæ, quæ illud augere, coaceruare, & corrumpere in vasis potuerunt, vt florens ætas Veneri matura, aut illi prius assueta, quam postmodum intermiserit, temperamentum sanguineum vita otiosa, & voluptatibus dedita; victus lautus, & opiparus, tum vsus ciborum faciliè corruptibilium. In his si contingat hysterica passio, mensstruis commodè fluentibus, concludendum erit à retento semine dependere.

Si à sanguine menstruo retento & corrupto affectio hysterica dependeat, illius suppressio aut imminutio aderit, atque sufficiens expurgatio, muliere interim sufficiente coitu vtente. Et suppressionem illam quædam symptomata sequentur, vt melancholia, iracundia, torpor, somnolentia, capitis dolor, mammaram inflatio, grauitas lumborum, & crurum.

A cacochymia verò exoriri affectum vterinum ostenditur, si mensstruis commodè fluentibus, cum sufficiente Veneris exercitio, hic affectus contingat, & mulier senio vicina sit, aut valde cacochyma, vel aliquo alio vteri affectu laboret.

Aliorum verò symptomatum ex vtero prouenientium & supra descriptorum diagnosi paucis proponenda est,

Dolor capitis ex vtero proueniens cognoscitur ex eo quodd

quod menses non debite procedunt, dolor præcipue infestant vel augetur, instante vel apparète fluxu menstruorum; & vterus non rectè se habet. Distinguere etiam possumus, an vapor vel humor hunc affectum excitet. Si enim dolor grauius non sit, & per interualla recurrat, à vapore fieri certum erit. Si verò continuus sit, cum grauitate coniunctus, humorem in parte contentum indicabit; qui si biliosus fuerit, dolor erit mordax, pungens, & acutus; si pituitosas, torporem inducet; si melancholicus, tristitiam.

Cordis palpitationem: & arteriarum in hypochondriis & dorso pulsationes; ventriculi, hepatis, & lienis affectus, tum etiam dolores varios, ex vtero provenire coniiciendum erit, si alia vteri affecti signa & symptomata suprâ enumerata simul adfuerint. Tum etiam si graueolentia naribus, & suaueolentia pudendis admo- uendo, quodammodo mitescant.

Quoad prognosim attinet. Rarò hic affectus interficit ægotantes, sed valdè chronicus esse consuevit. Aliquando tamen propter syncopem superuenientem, aut insignem conuulsionem, vitæ periculum ægotantes incurrunt. Tum etiam si affectus sæpius repetat, & difficile solnatur, periculum est, ne respiratione toties læsâ, calor natiuus suffocetur, & vita deficiat.

Illa passio hysterica est deterior, in qua plures partes in consensum trahuntur; tum etiam illa quæ à semine corrupto exeritur, vel diuturnâ suppressione mensium.

In senioribus vix curatur hic affectus, propter insignem cacoh miam, quâ scatere solent. In iuuenibus plerumque cessat quando parere incipiunt.

In prægnantibus & puerperis periculosum est malum. In illis quidem propter metum abortus. In his verò ob virium post partum imbecillitatem.

Sternutatio hysterica mulieri superueniens, bona,

Robur enim significat cerebri: & illo motu maligni vapores cerebrum obsidentes discutiuntur; tum humores vitiosi in vtero contenti euacuantur.

Curatio hysterici affectus duplex instituenda est, vna in paroxysmo, altera extra paroxysmum. In paroxysmo vapores illum efficientes, discutiendi & reuellendi; humores in vtero contenti, vnde vapores illi eleuantur, euacuandi; & vterus ad propriam sedem, quando ab ea dimouetur, vt sæpe fit, iuxta doctrinam Hippocratis, reducendus. Quæ omnia sequentibus remediis impleri possunt.

Primò itaque ægra in lecto ita collocanda est, vt cervicem & scapulas accliuēs & elatas habeat. Inguina verò & femora decliua, ita enim vterus facilius reducitur.

Postea verò fieri debent ligaturæ dolorificæ partibus inferioribus, tum etiam frictiones celebrandæ earumdem partium; nec non cucurbitulæ coxis admouendæ. Tum etiam cucurbitula magnæ pectini adnota multum prodest. Cauendo tamen, ne supra vmbilicum applicetur, quod multi imperitè faciunt, sic enim vterus fursum retrahitur. Vbi conuulsiones adsunt, vel animi deliquia, frictiones asperæ conueniunt in plantis pedum, etiam cum sale & aceto; tum etiam auulsiones pilorum capitis & pudendorum; contorsiones digitorum, inclamationes altâ voce, & alia huiusmodi.

Vtile etiam in plantis pedum admouere cataplasma epispasticum in hunc modum compositum.

℞. Fol. artemis. matricar. rutæ, an. M. j. saluiæ M. sem. stercore columb. puluer. ℥. iij. saponis nigri Vnc. j. β. succini, thuris, mastiches puluerat. an. ℥. j. β. succi rutæ, & oxycrati q. s. Fiat cataplasma.

Eodem tempore fœtida & graueolentia naribus admouentur, vt plumæ perdicum combustæ, vetera coria

ria vsta, & sulphur accensum; oleum gagarinum, pomum ex assa foetida, castoreo, galbano, ruta, malaxatis cum syrupo artemisiæ, vel aceto; ferta ex ruta, tiliacetis, absinthio. Ab iis tamen, quæ ex iam dictis fortiora sunt, abstinendum, si scemina epileptica fuerit; quia ab iis cerebrum offensus agitur, unde humores in illius ventriculos præcipitantur, ac symptomata ingrauescunt.

Fumus tabaci ori & naribus ægrotantis insufflatus, eam à paroxysmo citissimè liberat.

Contrà verò suaueolentia vtero admouenda, vt moschi, aut zibetæ grana aliquot cotone inuoluta.

Naribus puluis sequens insuffletur.

℞. Piperis albi, sinapi, pyrethri, castorei, an. ʒ. j. Fiat puluis tenuissimus.

Si mulier valdè sepulta videatur, proritetur sternutamentum (iuxta Aph. Hipp. 35. sect. 5. *Mulierique hysterica molestatur, aut difficulter parit, superveniens sternutatio, bonum.*) Quod quidem etiam à prædicto pulvere non rarò proritur. Sin minùs, tantillum hellebori albi, aut euphorbij adiiciatur.

Naribus quoque oleum succini, vel etiam gagarinum illiniri poterit.

At verò clysteres laxantes & carminantes præ cæteris remediis conferunt, ad discutiendos vapores tetros paroxysmum producentes; quorum formula talis esse poterit.

℞. Fol. mercurial. pariet. artemisiæ, pulegij, rutæ, calamenti, an. M. j. sem. carui, cumini, & baccarum lauri, an. ʒ. ij. Coquantur ad lb. j. β. In colat. dissolue hieræ, & bened. laxat. an. Drach. vj. olei rutacei Vnc. iij. camphoræ ʒ. β. Misce, fiat clyster.

Si primus clyster non sufficiat, iterandus erit ex eodem, aut simili decocto. dissoluendo diaphœnici ʒ. x.

terebinthinæ vitello oui dissolutæ Vnc. j. cum oleo prædicto, camphoræ in oleo nenuph. solutæ ℥. sem.

Ac denique perseverante affectu, tertius merè hystericus & discutiens, non autem purgans iniiciendus est, qui valdè efficax ita componi poterit.

℥. Olei rutac. ℥. iiiij. aquæ vitæ ℥. j. vini generosi quartaria iij. galbani ℥. ij. Misce, fiat clyster, qui iniiciatur præmissio clystere laxante.

Clyster ex oxycrato hystericum paroxysmum statim cohibet, vapores illum efficientes comprimendo, & coagulando.

Idè præstat oxycrati eiusdem cyathus ore assumptus

Consulunt etiam Autores ventrem supra umbilicum fasciâ fortiter alligare, vt reducatur uterus, & vaporum ascensus prohibeatur.

De venæ sectione est magna dubitatio, vtrùm scilicet in ipso paroxysmo conveniat. Cùm enim tum ingens adsit virium deiectio, & aliquando de vita dubitatio, & refrigeratio totius corporis à malignis vaporibus, cor & cerebrum infestantibus, qui nullo modo per venæ sectionem excludi possunt: non est dubium, quin exusu illius, accessionis tempore, maximum immineat periculum. Huic sententiæ astipulatu Varandæus & Senertus. Contrà verò Mercatus & Rodericus à Castro statuunt, in talo venam esse aperiendam; quando affectus producitur à sanguinis menstrui copia atque retentione, & nullo alio remedio vires onere pressa, vias nimîâ redundantîâ obcœcatas, & suffocationis periculum, levari posse. Siquidem in hoc casu neque foetida, neque odorata, neque cucurbitulæ ægram à paroxysmo suscitare solent. Philippus Hœchstetterus *observationum parte secundâ*, nonnullis historiis ostendit, venæ sectionem in pede plurimum profuisse. Ita vt virgo quædam monialis, quæ aphona, & convulsa
per

per biduum fuerat, post duas horas à venæ sectione, tari cœperit, comedere ac bibere. Existimamus nos venæ sectionem posse celebrari, si pulsus fuerit validus & manifestæ plenitudinis notæ appareant. Si verò pulsus languidus appareat, esse abstinendum, & interuallum esse expectandum, in quo tutius sanguis detrahi possit.

Emplastra vtiliter sub vmbilico admoueri solent, ex massa emplastræ ceronei composita, quod emollit & discutit, atque ita melius est emplastro pro matrice vulgari, quod aliquantulum astringit, & sic vapores & humores malignos retinere potest. Fiunt etiam emplastra ex galbano & assa fœtida; vel ex gummi caragna, & tacamaacha, vel solis, vel admixtis quibusdam aromatis. Exempli gratiâ.

℥. Gummi caragnæ ʒ. sem. pulu. nucis mosch. & caryophylan. ʒ. β. olei succini gutt. iv. terebinth. ʒ. ij. Fiat empl. Huiusmodi emplastra ad formam scuti fieri debent, & in parte acuta, quæ ad vuluam vergere debet, apponenda grana aliquot moschi, vel zibetæ, ut gratum odorem vtero inspirent, ipsumque retrahant. Moschi gr. iij. excipiantur cotone, paucio oleo humectato, & intrudantur in foramen vmbilici. Deinde admoueatemplastrum paruum ex galbano liquato. Hoc quædam mulieres pro secreto vtuntur.

Vel caphuræ gr. iv. dissoluantur in ol. amygd. dulc. & vmbilico indantur, admoto desuper emplastro diapalma.

Si flatuum copia affectum fouere videatur, conuenient fodus, & semicupia ex decocto fol. rutæ, artemisiæ, thymi & calamenti, sem. fœniculi, anisi, cumini, baccarum lauri, flor. chamæm. anethi & similia.

Sacculi etiam parati poterunt, quibus includantur

tur cuminum, anisum, semen dauci, sal, ruta, furfur; & benè calidi applicentur, ac sæpe iterentur
Vel

℞. Olei rutacei ℥. iv. spiritus terebinth. ℥. β. Misce, immergatur panis recenter è furno extractus, & umbilico applicetur.

Inunctiones quoque ventris inferioris & totius vteri regionis, pectinis & lumborum non erunt inutiles: eo quòd vias dilatent, vapores attenuent, & discutiant. Eæque parabuntur ex oleo nardino, de spica, anethino, sesamino, de croco, lilior. & amygdal. dulcium.

Maximè commendant Autores suffitum ex verrucis, quæ tibiis equorum adnascuntur, quæ si in calente furno exsiccentur, & in puluerem redigantur, ac naribus suffumigium fiat, tanquam præsentaneo remedio, & magnâ astantium admiratione, solent mulieres ferè in instanti à paroxysmo liberari.

Si à semine retento affectus oriatur, nihil coitu conducibilius est, cùm mulier fuerit excitata, si viro coniuncta sit.

In coitus penuria multi consulunt pudendorum confricationem atque titillationem ab obstetrice factam, immixtis digitis in vteri cervicem oleis aromaticis perunctis. Verùm cùm id sine scelere fieri nequeat, à Medico Christiano nunquam est præscribendum.

Ad vapores istos malignos, paroxysmum hystericum producentes, discutiendos, multa per os exhiberi solent è quorum numero est theriaca vetus ad Drach. j. exhibita cum aqua artemisæ, pulegij, melissæ; trochisci de myrrha ad ℥. ij. vel ol. succini ad gut. v. vel sex cum iisdem liquoribus.

Pilulæ in frequenti usu esse consueverunt, quarum præcipuæ

præcipuæ ita componi possunt.

℞. Castorei, myrrhæ & assæ foetidæ, an. ʒ. j. saculæ bryoniæ ʒ. ʒ. sem. rutæ, & croci, an. gr. viij. Cum syrupo de artemisia fiant pilulæ xij. Capiat tres vel quatuor, quas si ægra deuorare nequeat, dissoluantur in aqua artemisiæ.

Ad vehementissimum paroxysmum sequentes vtilissimæ sunt, cumque certò sedare solent.

℞. Assæ foetidæ ʒ. j. castorei gr. vj. laudani gr. iij. Fiant pilulæ tres, vel iv. Capiat statim.

Pilulæ foetidæ maiores, licet purgantes sint, tamen in paroxysmo vtiliter exhibentur ad ʒ. ʒ. Blandè enim euacuant, nec nisi sedato priùs paroxysmo purgare consueverunt; ita vt ab operatione nullum sit metuendum periculum.

Aquæ etiam multæ exhiberi solent in paroxysmo, nimirum aqua vitæ, cinamomi, vel theriacalis.

Vel aqua specifica in hunc modum componi poterit.

℞. Rad. zedoar. sem. dauci, rad. leuistici, an ʒ. ij. myrrhæ rubræ, castorei, an. ʒ. ʒ. rad. pœoniæ ʒ. iv. visci querc. decrescente lunâ collecti ʒ. iij. Præparatis affunde aquæ matricariæ lb. iv. sem. spiritus vini lb. sem. Digestantur per triduum, postea destillantur. Dosis cochl. j. per se, vel cum aqua conueniente.

Paratu facilior, & gustui gratior, neque minùs efficax, ita componi poterit.

℞. Succor. melissæ, borrag. depurator. an. lb. ij. croci op. ʒ. j. Infundantur & destillantur in balneo. Dosis cochl. j. cum iusculo. Hæc potiuncula in communi vsu habetur.

℞. Aquæ cinam. ʒ. ʒ. aquæ naphæ ʒ. iv. castorei gr. iv. Misce, fiat potio.

Oleum succini, ad gutt. ii. vel iv. exhibitum cum aqua

aqua flor. arantiorum, vel alia specifica, paroxysmum hystericum citissimè discutit.

Potio sequens plurimum conferre solet, ut in observationibus nostris videre est.

℞. Aquar. artem. rosar. flor. arant. an. ℥. j. aquæ cinam. ℥. iij. confect. de hiacyntho Drach. j. puluer. elect. diamarg. frig. ʒ. β. croci gr. it. Fiat potio.

Aqua naphæ sola ad Vnc. iij. vel iv. utiliter exhibetur. Sed cum moscho & sang. draconis permixta, miranda præstat; quod testatur Solenander his verbis. *Mulier quædam scruissimis symptomatibus affligebatur, dolore capitis, ructu, contractione corporis, dolore inguinis, stridore dentium, aliquando in terram cadens sine voce, ore clauso, ut aperire non posset; atque hæc ex matricis vitio omnia. Remediis multis frustra factis, superueniens mulier quædam vetula dedit tredecim grana moschi, & totidem sanguinis draconis vulgaris ex ℥. iv, aquæ flor. arantiorum, sanata est, nec unquam in posterum istos dolores passa est. Idem medicamentum in simili casu à me exhibitum semper profuit, exhibitum autem aliquoties.*

Vngula alces ad hunc affectum est etiam utilissima, iuxta experimentum Apollonij Menabei, tract. de alce c. 10. his verbis. *Contra matricis suffocationem, unguem alces presentaneum esse remedium, & ab aliis audivisse, & periculo facto me cognovisse fateor. Nam accersitus ut medicam manum adhiberem cuidam mulieri suffocatione oppressæ; datâ huius unguis rasurâ cum radice Zedoarie, aliisque auxiliis ex arte adhibitis, optatum finem cum benore sum consequutus. Cum præterea intelligerem eandem sæpenuerò eo ipso morbo tentari, ut partem huius unguis collo appensam ingiter portaret, iniunxi. Quod cum sedulo fecisset, quandiu ego interfui, tribus nempe mensibus, ea semper molestiâ caruit, unde mihi multoties gratias egit.*

Camphora accensa & in aquam coniecta, ibique manens

manens donec extinguatur, præstans est remedium, ad 3.j. exhibita.

Iülü, seu catuli nucis iuglandis, in epistolis à Laurentio Scholtzio collectis, epistolâ à Thoma Moufeto ad Petrum Monauium scriptâ, hoc elogio commendantur. *In uteri strangulatu habeas singulare remedium. Iülos, siue catulos iuglandis in puluerem exsiccatos contunde. Dentur ad 3. ij. cum guttulis duabus olei succini. In eo affectu nihil unquam noui præstantius.*

In forma pulueris duo parari possunt remedia efficacissima, & à nobis pluries experta.

Vnum fit ex secundina primi partus in camino exsiccata, & in puluerem redacta. Cuius dosis est 3.j. in liquore idoneo; confestim liberat à paroxysmo.

Alterum fit ex duabus partibus sulphuris, & vna nucis moschatae. Rediguntur in puluerem, & 3.j. pondere exhibentur.

Puluis gagates ad Drach. sem. vel Drach.j. exhibitus multum potest.

Puluis granorum actes seu sambuci Quercetani, cum vini cyatho sumptus Drach.j. pondere, epilepsiam hystericam submouet, illiusque recursum impedit secundâ exhibitione.

In pulueris illius defectu, fuligo camini exhiberi potest eadem dosi, in ouo forbili.

Quia verò uterus non rarò prauis & excrementitiis humoribus refertus est, vnde tetri vapores eleuantur: illius expurgationi incumbendum est, quod commodissime fiet pessario sequenti.

℞. Diaphœnici 3.j. pulu. hieræ picræ 3.ß. terebinthinæ 3.ijj. Excipiantur stupis, & fiat pessarium.

Pro potu ordinario bibat ægra leue decoctum cinaomoni, vel carui, vel anisi.

De vino est controuersia, an in paroxysmo hystérico

fit exhibendum. Hipp. 1. *de natura mulierum*, commendare videtur. Illiusque sententiæ ratio maximè fauet. Nam summa corporis refrigeratio, & virium languor non potest melius subleuari, quàm exhibito vino generoso. Auicenna tamen omninò prohibet. Et certè, quia hic affectus ut plurimum dependet à retento semine, vel sanguine & vaporibus tetrìs, qui ab utero eleuantur: vinum tenuitate suâ, & summâ penetrandi vi materiam morificam magis exagitat. Vndè communi experientia videmus, mulieres hystericas ex usu vini in ipso paroxysmo malè se habere. Vt hæc difficultas dirimatur, dicimus vinum ordinariè non esse exhibendum tempore paroxysmi, sed tantum extraordinariè: quando scilicet ratione virium summè collapsarum, complicatæ syncopes, vel instantis mortis, cogimur ad præsentaneum illud auxilium recurrere, iam omnibus aliis frustra tentatis.

In hac curatione diligenter aduertendum est, in prægnante muliere, hysterico affectu laborante, prudenter remedia esse administranda, neque vehementiora illa ac valdè foetida esse exhibenda, ne abortus concitetur; & externis remediis, magis quàm internis, rem esse absoluendam.

In curationis decursu, cordis & cerebri ratio habenda est, & si valdè opprimi videantur, propriis remediis illis subueniendum est. Cordi, admouendo epithema ex vino, & aqua florum arantiorum, vel imperiali, aut etheriaca in vino dissoluta; aut animalia calentia eidem parti applicando. Capitis verò ratione vsurpanda ea remedia, quæ in soporosis affectibus fuere proposita.

Extra paroxysmum curatio in prophylaxi versatur, ut accessionis reditus impediatur, aut saltem retardetur. Quæ quidem causarum ablatione, & vteri corroboracione perficitur.

Primò igitur, tempore conuenienti, præcipuè vere, vel autumno, solennis euacuatio instituetur, incipiendo à portione purgante, vel alio medicamento ægro-
tantis naturæ congruo, additis perpetuò quibuldam hystericiis.

Deinde si sanguis redundare videatur, mittendus erit primùm ex brachio, postea verò ex pede; eligendo quantum fieri potest, tempus medium inter duas purgationes menstruas.

Postmodum verò, vt prauorum humorum illiuies sufficienter præparetur & expurgetur, componendum est apozema, alterans, aperiens, & purgans, ad quatuor vel quinque doses exhibendam.

Si natura ad sanguinis euacuationem per hæmorrhoidas inclinare videatur, aperiendæ sunt admotis hîrudinibus. Eaque in hoc affectu plurimùm profuisse testatur Mercatus *consilio* 13. & 14.

Post vniuersalem purgationem, ad materiæ morbificæ reliquias discutiendas, conueniet decoctum sudorificum, per plures dies exhibitum; ex ligno sassafras, aut guaiacino, cum semine fœniculi, rutæ & viticis paratum.

In eundem vsu maximè conuenient thermæ sulphuræ, & bituminosæ, quales sunt nostræ Balerucanæ, quarum vsu multas optimè habere quotidiana experientia patefacit,

In affectu diuturno, præter dicta remedia, conueniunt purgationes frequentes per pilulas vsuales, syrupos, aut potiones. Quorum remediorum formulæ ita componi possunt.

℞. Agarici trochiscati ℥.j.ß. hieræ diacolocynth. ℥.j. sem. dauci, viticis, an. ℥.j. myrrhæ, castorei, diagry diij. an. ℥.ß. terebinth. q. s. Fiat massa pilul. de qua capiat ℥. sem. vel ℥.ij. bis, aut ter in mense.

Syrupus sequens à Mercato maximè laudatur, tanquam mirabilis, & omnibus hystericis mulieribus maximè proficiuus, *conf.* i 3.

℞. Succı mercurialis, & lactis feminis carthami, an. ʒ. vj. aquæ scorzonæræ ʒ. vij. sacch. q. s. vt fiat syrupus. Cui adde interim dum coquitur, in ligatura, confectionis de hyacintho, alkermes, & pulueris electar. de gemmis, ana Drach. ij. Dosis Vnc. ij. vel iij.

℞. Rad. bryoniæ ʒ. iij. fol. sennæ ʒ. ʒ. agarici ʒ. ij. zinzib. ʒ. j. cinam. ʒ. j. Infundantur per noctem in aqua fontis. In colat. dissolue syrup. rosac. Vnc. j. Fiat potio sumenda bis, aut ter in mense.

Pilulæ foetidæ maiores bis in mense ad Drach. sem. exhibitæ sunt vtilissimæ.

In iis, quæ facilè vomunt, vtile est vomitum proritare semel, aut bis in mense, in hunc modum.

℞. Agarici trochiscati ʒ. j. ʒ. oxymel. ʒ. j. aquæ mellissæ, & artemissæ, ana ʒ. iij. Fiat vomitorium.

Chymici sal vitrioli in aqua appropriata exhibent à ʒ. ʒ. ad ʒ. j. & hystericis affectibus specificum prædicant.

Post singulas euacuationes roborantia nonnulla exhibenda sunt, qualis esse poterit opiata sequens.

℞. Conseruæ anthos, betonicæ, melissæ, ana ʒ. j. ʒ. pulu. electar. diamoschi, & diacalaminth. an. ʒ. ʒ. Cum syrup. de artemis. fiat opiata.

Theriaca sola huic vsui est aptissima, quæ in calidioribus naturis temperari poterit admixtis conseruis nymphææ, capil. ven. & simil.

Sed longè afficiatior est puluis sequens, qui diuturnas, & contumaces affectiones hystericas sanat, si frequenter assumatur ʒ. j. pondere cum vino, aut pane hostiario, vel in boli formam reductus cum syrupo artemissæ.

& Rad. gentianæ, dictamni albi, tormentillæ, pyrethri, rhapont. bistortæ, aristolochiæ rotundæ, carlinæ, baccarum lauri, angelicæ, imperatoricæ, sem. coriandi præp. sem. anisi, gran. iuniperi, mastiches, boli armenæ oriental. terræ sigillatæ, an. ℥. ii. j. β. croci orient. ℥. i. j. β. Fiat pulvis tenuiss. in vase benè clauso reseruandus.

Neque omittenda sunt illa medicamenta, quæ virtute specifica hystericis affectibus mederi consueverunt. Quæ quia maiori parte odore, ac sapore ingrata sunt, in forma pilularum frequentius exhibentur, quarum exemplum tale esse poterit.

℥. Assæ foetidæ ℥. β. castorei, myrrhæ, galbani, sagapeni, ana ℥. j. Cum melle mercuriali fiat massa, de qua capiat ℥. β. vel ℥. j. frequenter.

Platerus etiam ex vehementer odoratis pilulas componit in hunc modum.

℥. Moschi gr. vj. benjoini ℥. β. sacchari ℥. j. Cum aqua cinam. fiant pilulæ ℥. sem.

Aquæ hystericæ supra descriptæ, in paroxysmo exhibendæ, extra paroxysmum etiam utiliter usurpari poterunt, fumendo cochlear j. vel ij. manè per intervalla.

Matthiolus bryoniæ radicem valdè prædicat his verbis. *Bryonia mulieres vulvæ strangulationi obnoxias mirum in modum iuvat, adeò ut eas à strangulatu liberet, & sanet. Equidem novi mulierem quotidie ferè per annos hoc morbo vexatam, quæ tandem à quodam vulgari herbario edocta, ut vinum album biberet, in quo vitis albæ radicis ℥. j. effervuisse, dormitum itura, semel in hebdomada, cum hac medicina per annum usa fuisset, optimè ex illo morbo convaluit.*

Hepar lupi exsiccatum, & ℥. j. pondere exhibitum epilepsiam hystericam præcauere potest, si ter aut quater exhibeatur post vsualem purgationem.

Chymici ad hunc affectum vitriolum Martis commendant, eiusque granum vnum, vel duo, cum dupla sacchari portione exhibent per multos dies, cum vino, aut liquore idoneo.

Imò verò ad gr. xij xv. & xx. exhiberi potest cum conferua idonea; vel in pilulas efformari cum mucilage gummi tragacanthi.

Cremor tartari frequenter exhibitus, huic etiam affectui curando vtilissimus est.

Hæc duo remedia non solum aperiendo, sed etiam refrigerando conferunt. Sæpe enim calida intemperies in hoc affectu, vtero infixæ est, à sanguine intra illius venas retento & excalesfacto oriunda; quemadmodum dicit Galenus, in melancholia hypochondriaca esse phlogosim in hypochondriis, à sanguine in iis propter obstructions retento, & supercalesfacto: ideò ea, quæ vterum refrigerare possunt, hîc maximè conuenient; qualia sunt semicupia; oxycratum ore assumptum, & per clysteres iniectum, & similia. Quibus addere licet historiam ab Haruæo relatam in tractatu de partu mulieris, hysterice symptomatibus nulli remediorum generi cedentibus, diu laborantis; quæ tandem post multos annos ab vteri prolapsu sanitatem recuperavit. Quia nimirum vterus aëri externo expositus, refrigeratus est; sicque phlogosis illius & calida intemperies repressa.

Ipsius etiam chalybis vsus à quibusdam Practicis maximè commendatur, tanquam omnibus affectibus vterinis opportunissimus. Cuius præparationes desumuntur ex curatione obstructionis hepatis.

Cauteria cruribus admota maximè etiam conferunt. Ab vtero enim prauos humores deriuant, ratione venarum, quæ vtero & cruribus communes existunt.

Neque negligenda amuleta de collo suspensa supra regionem

regionem vmbilici ; quemadmodum antea monuimus, vngulam alces hoc modo conferre. Alij laudant radicem peucedani gestatam. Et nostrates mulieres non infœliciter gestare solent frustulum assæ fœtidæ linteo raro inclusum. Alias vidimus , quæ vulpis veretrum exsiccatum cum testiculis , de collo suspensum supra vmbilicum gerebant , & sese modo ab insultibus hystericis præseruabant.

Aliæ gestant frustulum carnis lupinæ exsiccatae , vel hepatis lupi , non sine fructu.

Quod ad remedia externa attinet , post singulas purgationes ; aut saltem semel in mense , octo , vel decem diebus ante purgationem menstruam , conuenient fots , aut semicupia , vt colliquatus humor morbi causa per referatas vias-facilius effluat. Et parari poterunt , ex rad. althææ , lilior.bryoniæ , ireos , rubiæ , valerianæ , angelicæ , fol. artemisiæ , nepetæ , matricariæ , melissæ , baccis lauri & similibus.

Ad materiæ morbificæ reliquias discutiendas , & vterum roborandum , post fotum , vel infessum , emplastrum sequens sub vmbilico admoueri poterit.

℞. Gummi tacamaachæ & caragnæ , an. ʒ.ij. aliptæ moschat. ʒ.β. sem.agni casti ʒ.ij.β. santal. omnium , ana ʒ.β. terebinth. ladani , ceræ , an. q. s. Fiat emplastrum

Si a semine retento hic affectus oriatur , vsurpentur illa remedia , quæ ad semen extinguendum , & discutiendum supra in furoris vterini curatione descripta sunt.

CAPUT VII.

De uteri inflammatione.

VTeri inflammatio est tumor illius partis à sanguine in illius substantiam effuso.

Illa autem inflammatio, vel totum vterum occupat, vel aliquam illius partem. Et vel à puro sanguine producitur, ac phlegmone simpliciter appellatur; vel bilem cum eo permixtam habet, & phlegmone dicitur erysipelatodes: vel iungitur cum pituita, aut melancholia, & phlegmone œdematodes, aut scirrholes nominatur.

Causæ ad hunc affectum producendum, aut promovendum idoneæ, variæ esse possunt: temperamentum scilicet sanguineum, plethoricum aut biliosum; naturalis vteri laxitas; & viarum amplitudo, aër impensè calidus humores inflammando, vel frigidus constringendo, & profluentia menstrua, vel fluere parata coërcendo; vehemens exercitatio, coitus immoderatus, ictus vel casus supra regionem vteri; animi pathemata graviora, præsertim iracundia, alimenta acriora, & calidiora, & quæcunque alia assumpta acrimonia insigni, atque erodendi facultate prædita, ut de cantharidibus autores referunt, quas non solum vesicæ, sed etiam vtero valde infensas asserunt; pessaria acriora diutius usurpata, medicamenta cathartica aut alterantia, qualia plerunque usurpantur à sterilibus mulieribus undecunque exquisita; mensium retentio plethoram augendo, vel nimia profusio vias relaxando & motum humorum à toto corpore in hanc partem promovendo, cucurbitulæ etiam pubis regioni admo-

æ attrahere possunt violenter ad regionem vteri, in eaque cohibere sanguinem, & alios humores. Idem præstare possunt partus laboriosus, abortus, contrectatio violenta partium genitalium ab obstetrice imperita, & gestatio foetus molesta.

Signa diagnostica sunt, tumor, calor, & dolor in regione vteri cum febre continua. Sed quia rectum intestinum & vesica eandem regionem occupant, ideo aliis signis vteri inflammatio distinguenda est; qualia sunt mensium suppressio, aut diminutio, eorumque color pallidus, aut citrinus, ac dolorifica excretio, & in mensium absentia, ichores quidam foetidi, ac putridi refudant, & locos muliebres irrigant. Quorum etiam inuestigatio claram affert diagnosim. Osculum enim interius tumidum, retractum & dolorificum apparebit: ceruix vteri rubicunda, & inflammata erit, tumentibus venulis per eam dispersis.

Si totus vterus laboret, omnia symptomata erunt vehementiora. Si magis vteri ceruicem inflammatio teneat, calor & dolor maximè ad inguina, & pudendum extenduntur. Si anterior pars laboret, maior erit visicæ sympathia; si posterior, rectum intestinum magis laborabit, & dolor ad lumbos exporrigetur. Si pars dextra, aut sinistra inflammetur; tumor & dolor circa alterutrum inguen apparebit; & crus eiusdem lateris granitate quadam afficietur.

Signa causarum ita inuestiganda sunt. Si à sanguine puro inflammatio fiat, omnia symptomata sunt mitiora; si verò bilem admixtam habeat, febris est ardentior, omnia symptomata sunt vehementiora. Si verò sanguis pituitosus sit, aut melancholicus, febris erit minus acuta sed morbus diuturnior ac contumacior. Tum etiam ad istam diagnosim referenda erunt signa humoris in toto corpore prædominantis.

Si inflammatio in suppuratum abeat ; dolor , & febris augetur , & horrores sæpè sine ordine oriuntur , plerumque tamen circa vesperam recurrunt. Omnia etiam reliquia symptomata intenduntur. Suppuratione factâ , omnia mitescunt , & tumor magis attollitur , ex quo interdum aluus , aut vrina supprimitur. Si verò inflammatio sine suppuratione discutiatur , tumor imminuitur symptomatis mitescentibus.

Si denique in scirrhum degeneret , febris , dolor , & reliquia symptomata imminuuntur , tumore perseverante & duritiem maiorem adipiscente ; tum etiam pondus , & gravitas permanet , non solum in vtero , sed in partibus etiam circumiacentibus , ut ægra corpus difficilè mouere queat.

Prognosis huius affectus bona institui non potest , quia periculosissimus est , & ut plurimum lethalis. Maius tamen vel minus periculum portenditur pro magnitudine morbi , causæ & symptomatum , in hunc modum.

Si inflammatio torum vterum occupat , morbus est deploratus ; si verò aliquam tantum partem , salutis spes adest.

Si mulieri gravidæ in vtero sit erysipelas , lethale , ex Hipp. *Aph.* 43. *sect.* 5. foetus enim propter insignem inflammationem emoritur , vnde sequitur abortus , qui in grauissimo morbo accedens , matrem iugulat. Gal. in *comment.* huius *Aphor.* dubitat num hæc sententia de omni inflammatione pronuncianda sit , & num vtero inflammatione patiente , foetus possit aliquando vivere.

Inflammatio vteri facilè in gangrænam degenerat ; quia vterus veluti totius corporis cloaca , excrementorum illuuiem recipit , à quibus calor natiuus facilè suffocatur.

Vteri inflammationi delirium, conuulsio, singultus, extremorum frigiditas, sudor diaphoreticus superueniens, mortem breui aduenturam portentunt.

Si inflammatio vteri suppuretur, solutio illius speranda est: sed vlcus sordidum sequetur, à quo ægra lenta febre contabescit, vel in hydropem incidit.

Si inflammatio in scirrhum mutetur, malum diuturnum euadit, & sæpè hydropem accersit.

Ad curationem huius affectus, sanguinis ad vterum fluxus reuellendus, repellendus, & deriuandus est; qui fluxit & in parte continetur, resoluendus. Et si tumor ad suppurationem vergat, ea adiuuanda est, ruptoque abscessu pus euacuandum. Quod fiet sequentibus remediis.

Præmissis igitur clystere emolliente, & refrigerante, mittatur sanguis è basilica lateris magis affecti; vel ab vtraque, si totum vterum tumor occupet; & phlebotomia reïteretur bis, ter, quater, pro ægræ viribus, & phlegmones magnitudine.

Post sufficientem reuulsionem, & transacto morbi augmento, vbi nulla ampliùs suspicio est fluxionis adhuc fientis; venæ inferiores aperiendæ sunt ad deriuationem à parte affecta. Quo sensu audiendus est Gal. *lib. de sang. missione*, & 13. *meth.* cum docet, in vteri inflammationibus venas poplitis & malleoli esse aperiendas. Attamen quindiu aliqua reuellendi indicatio perseuerat, satius est venas brachij aperire.

Ad reuulsionem etiam conueniunt frictiones, & ligaturæ superiorum partium, & cucurbitulæ scapulis, lumbis & dorso admotæ.

Si vitiosi humores, præcipuè biliosi in corpore abundant, qui reliquorum humorum in fluxu quasi vehiculum sint; ij lenibus medicamentis euacuandi, vt syrupo rosaceo, & violato solutiuo, mannâ, rhab.

catholicone , vel electuario lenituo ; fortiora enim humores nimium commouendo fluxionem excitarent.

Vomitoria autem , licet præscribantur ab Anicenna , minimè conuenire videntur. Si enim blanda & mitiora sint , nihil penè euacuant. Si fortiora , magnam corporis agitationem efficiunt , vnde humores commoti magis in partem irruere possunt.

Propter insignem febrem refrigerantia medicamenta vsurpanda sunt , vt iulepi & emulsiones ; quibus , si immensæ vigiliæ , dolor , & inquietudo ægrotantem vehementer afficiant , narcotica erunt permiscenda quæ etiam seorsim exhiberi peterunt.

Post primas euacuationes , topica admoueantur imo ventri , inter vmbilicum & pectinem , & circa renes , primò repellentia & refrigerantia , in forma linimenti , epithematis , & cataplasmatidis.

Linimentum fit ex oleo rosaceo loto in aceto , vel vnguento rosaceo , cerato santalino , refrigerante Gal. additò pauco aceto.

Epithema fiet ex aquis , vel decocto plantaginis , acetosæ , solani , suminitat. papau. albi & rosarum , addendo boli armenæ , sang. drac. vel terræ sigillatæ tantillum.

Cataplasma parabitur ex mica panis albissimi cum lacte cocta , cui parum olei rosacei , succi hyoscyami , vel solani , cum vitellis ouorum addatur. Vel ex farina hordei , semin. lini , fœnugr. cum oleo rosaceo , quibus etiam prædictæ plantæ contusæ addi poterunt.

Iniectiones in vterum fieri debent , in hunc modum compositæ.

℞. Fol. plantag. nymphææ , solani , endiu. ana M. j. ros. rubr. P. ij. Coquantur ad tertias , & adde olei myrtini Vnc. j. aceti ʒ. ss. Fiat iniectio.

Ex iisdem herbis contusis cum oleo rosaceo , & aceto fieri debent pessaria , & in vterum immitti.

Neque verò diutius vtendum est repellentibus & refrigerantibus , ne tumor indurescat , & in scirrhum degeneret. Ideoque cum repellentibus emollientia & resoluentia permiscenda ; eâ cautione , vt quò longius phlegmone à principio distat , maior sit quantitas digerentium. Sic prædictis remediis malua , althæa , artemisia , fœnugræcum , chamomilla , melilotus (auctâ , vel imminutâ eorum dosi) admisceri poterunt.

Interim si alius est dura , emollienda est blandè purgantibus. Imò verò ad temperandam inflammationem clysteres refrigerantes frequenter injecti plurimum prodesse poterunt , cùm vterus recto intestino incumbat. Eorum autem minima sit quantitas , vt diutius retineantur , & ne vterum comprimant ; quorum tale sit exemplum,

℞. Rad.althææ Vnc.j. fol. maluæ , violar. lactuæ; ana M.j.solani M.ß.flor. violar.ros. ana P.j. prunor. acidor.num. x. Coquantur in aqua hordei. In colat. ℥. vj. adde olei rosacei ℥.iij. Fiat clyster.

Si dolor valde vrgeat , prædictis clysteribus addi poterunt vitelli ouorum , axungia gallinæ , lac muliebne , mucilago sem.fœnugræci, lini , vel maluæ;imò & tantillum opij cum paucis croco.

Tum etiam fiant iniectiones in vterum ex lacte caprillo , vel ouillo , cum opij. & croci, ana gr.iiij. vel iv. & pauca aqua rosarum.

Vel pessariis addetur opij modicum cum paucis croco , vitellis ouorum & oleo rosaceo. Vel etiam fiant pessi ex philonio Romano cum cotone. Vel fofus anodynus in hunc modum paretur.

℞. Althææ cum rad. maluæ , violar. ana M.j. chamomilla

chamomillæ, meliloti, rosar. ana P. j. Coquantur pro
fotu.

Inclinante affectu purgatio iteranda est blandiori-
bus catharticis. At affectu ad resolutionem vergen-
te, (quod ex remissione symptomatum, & minori
partis gravitate dignoscetur,) discutientia maiori
copiâ prædictis remediis addantur. Vel fiat tale cata-
plasma.

℞. Pulveris rad. althææ Vnc. j. flor. chamomillæ,
meliloti, ana Drach. ij. fol. artemisiæ pulver. farinæ
hordei, & fabarum, ana Vnc. sem. Coque parum in
vino austero; adde pinguedinis porcinae recentis, olei
chamæmel. & liliorum alborum, ana Vnc. j. Fiat ca-
taplasma.

Fotus & infessus resolventes hîc etiam conferre
poterunt.

Si tumor resolui nequeat, sed ad suppurationem
vergere videatur, adjuvanda est sequenti cataplas-
mate.

℞. Pulveris radice althææ, flor. chamom. meli-
loti, farinæ sem. lini, scœnugræci, an Vnc. j. ficuum
pinguium num. viij. Coquantur ad pultis consisten-
tiam. Deinde adde vitellos ouorum num. iv. croci
Scrup. β. olei lilior. & butyri recentis, ana ℥. j. Fiat ca-
taplasma.

Confecto pure, quod ex caloris & doloris remis-
sione, ac quadam inundatione tangendo dignosci-
tur; abscessus disruptio procuranda est motu corpo-
ris, tussi, sternutatione, cucurbitulis admotis, in-
jectionibus detergentibus & attenuantibus, vel pessa-
riis rumpendi vim habentibus. Exempli gratiâ.

℞. Adipis anserini Vnc. sem. terebinth. ℥. ij. pulve-
ris sem. rutæ, nitri, radice iridis, ana ℥. β. Misce, & cum
lana fiat pessarium.

Rupto abscessu , puris expurgationi , & vlceris deterfioni ac consolidationi incumbendum est , prout in vlceris vteri curatione iam describenda docebitur.

C A P V T V I I I .

De ulcere vteri.

Inflammationem vteri suppuratam sequitur vlcus, quod etiam ab aliis causis dependet , quæcumque scilicet in vtero erosionem efficere consueuerunt.

Causæ igitur illius sunt , abscessus disruptus, humores acres in vterum confluentes ; acria & erodentia medicamenta in vterum immissa , vel etiam assumpta, vt de cantharidibus supra relatum est.

Causæ antecedentes sunt illæ omnes , quas inflammationem efficere posse supra docuimus , vt partus difficilis , violentus , & effrænis concubitus , fluor muliebris acrior , & diuturnus , vulnera , casus , & contusiones , & præcipuè gonorrhœa virulenta , ac lues venerea , cuius contagium vtero , illiusque ceruici facile communicatur.

Differentiæ petuntur à loco , magnitudine , figura, & complicatione cum aliis affectibus.

Ratione loci , nempe variarum vteri partium ; modo vlcus ceruicem vteri occupat , & internum illius orificium ; modo in fundo residet , quod rariùs contingit. Aliquando & frequentius internam vteri superficiem obsidet ; aliquando , sed rariùs , externam inuadit ; vnde fit nonnunquam , vt pus ab huiusmodi vlceribus emissum , per vesicam , vel intestina vacuetur ; vel si in cavitatem abdominis subsistat , abscessus
circa

circa inguina apparent , de quibus loquitur Hippoc.
Aph. 47. sect. 5.

Ratione magnitudinis , quædam magna , quædam parua , multum scilicet , vel parum spatij occupantia in vtero , dicuntur ; quæ si sint parua , & superficialia , parum à scabie & pruritu differunt ; si verò magna , & graua , ac veluti depascentia , nomæ ab Hippocr. nominantur.

Ratione figuræ , vlcera dicuntur rotunda , oblonga , sinuosa , aut fistulosa.

Ratione complicationis cum aliis affectibus , dicuntur phlegmonosa , cancrofa , scirrhusa , dolorifica , saniosa , virulenta & contagiosa.

Signa diagnostica vlceris in vtero geniti sunt ; dolor & mordicatio in vtero , vel illius cervice ; & purulentæ materiæ ex vtero emissio. Quæ diagnosis amplius illustrabitur , si causæ vlcus producentes supra relatæ præcesserint.

Si vlcus cervicem vteri occupet , ipso visu deprehenditur , immisso speculo matricis ; tum etiam contactu , manu obstetricis , vel in concubitu , in quo ægra dolorem percipit molestum. Si verò vlcus fuerit in vteri fundo , dolor percipitur versùs regionem pubis , excrementa profluunt copiosiora.

Si vlcus penetret ad externam superficiem , urinæ , aut deiectiones purulentæ apparent , vel fluctuatio quædam in abdomine percipitur , vel tumor versùs inguina , in quibus abscessum minatur.

Si vlcus simplex fuerit , & benignum , pus effluit paucum , album , minimè fætidum. Si verò fuerit malignum , & depascens , sanies erit viridis , livida , & varij coloris , cum fœtore , magno cruciatu effluens.

Si ex lue venerea duxerit originem , præcessit gonorrhœa ,

norrhœa, vel adhuc præsens est, & alia luis venereæ indicia apparebunt.

Prognosis defumitur ex Hipp. *lib. 1. de morb. mulier.* nullum scilicet vlcus vteri esse contemnendum, quia fit in parte exquisito sensu prædita, quæ sympathiam habet cum præcipuis corporis nostri partibus, & ab iis illuuiem excrementorum recipere valde disposita est.

Si vteri vlcera cancrofa, phagedænica, sinuofa, aut fistulofa euaserint, sunt vt plurimum insanabilia, & toto vitæ curriculo miseras ægrotantes crudeliter exercent.

Vlcera ceruicem vteri occupantia, facilius curantur, quia remedia iis immediatè admoueri possunt.

In mulieribus quæ ab hoc morbo conualescunt, perfectæ valetudinis signum est, quando concipere incipiunt, & semen virile commodè recipere, aut menstrua conuenienter, & sine dolore effundere.

Curatio vlceris vterini eò dirigenda, vt humorum acrium vlcus vel generantium, vel fouentium defluxus prohibeatur, & vlceris deterfio, ac congelutatio procuretur. Ad quem finem sequentia in vsum reuocari poterunt.

Ac primùm, si corpus sit plethoricum, vel vlcus coniunctam habeat phlogosim, venæ sectio ex brachio celebranda est, eaque toties repetenda, quoties nouæ fluxionis periculum instare videbitur. Tum præcipuè instante purgatione menstruâ maximè conuenit, vt illa imminuatur, quæ vlceri materiam suppeditare solet, & aliorum humorum in vterum affluxum promouere.

Purgatio etiam maximè necessaria est, vt à cacochymia corpus liberetur. Eaque institui debet ex benignioribus catharticis, vt sennâ, rhabarbaro, tamarindis, myrabolanis

myrobalanis, catholicone, & similibus; quæ frequenter iteranda est, vt vitiosi humores ab vtero auertantur: eaque tanti est hac in re momenti, vt testetur Forestus *observat.* 48. *lib.* 28. Ioannem Tiengium Medicum Amstelrodamensem, nobilem matronam ab vlcere vteri saluti restituisse, cui dabat de quarto in quartum diem Vnc.v. decocti sennæ, epithymi, rosar. rubr. myrobalanorum Indorum saccharo dulcorati, & abstergentia decocta in vterum iniiciebat.

Ad vsum frequentem syrupus magistralis componi poterit in hunc modum.

℞. Rad. symphyti maioris, & polypod. quer. recentis, ana ℥.j. corticis citri sicci ℥.vj. fol. plantag. vincæ peruinæ, saniculæ acetosæ, capill. veneris, ana M.j. liquiritiæ rasæ. & passularum mundatarum. an. ℥.j. sennæ mundat. ℥.vj. sem. carthami confusi ℥.ij. agarici recenter trochiscati in ligatura positi ℥.x. sem. melon. & anisi, ana ℥. iij. flor. cordialium, anthos, & epithymi, an. P.j. Fiat omnium decoctio in aqua hordei. In cuius portione infunde rhabbari electi ℥.β. cinamomi ℥.j. In colat. ℥.j.β. dissolue syrupi rosar. solut. ℥. iij. sacchari q.s. Fiat syrupus perfectè coctus, de quo capiat ℥.ij. vel iij. bis, aut ter in mense, cum decocto agrimoni, & plantag. vel infuso rhab. in aqua endiuia.

Si ægra facile vomat, purgatio per vomitum erit præferenda, quia humores ab vtero reuellit.

In purgationum interuallis decoctum vulnerarium diu vsurpandum est, quod in hunc modum componi poterit.

℞. Fol. agrimon. pimpinellæ, centinodiæ, plantaginis, ana M.β. rad. chinæ. ℥. iij. sem. coriandri ℥.j. passul. min. ℥.β. santali rubri ℥.j. Coque in iure pulli gallinaei. Colat. capiat manè & serò. Vel

℞. Fol. artemis. plantag. millefolij, ana M.j. rhapont. ℥.β.

℥.β. serm. viticis ℥.j. Coque in mensura vini albi , & dulcorentur saccharo. Capiat ℥.ij. vel iij. manè.

Si febris vrgeat , & magna saniei copia excernatur serum lactis erit vtilissimum , manè ad Vnc. viij. vel plures exhibitum, addendo mellis rosacei , vel sacchari parum.

Si corpus tabescere incipiat , cum vestigio febris hecticae , lac præsertim asininum cum saccharo rosaceo , per integrum mensem exhibeatur.

Sudorifica , absente inflammatione , & calidiori intemperie , etiam conferre poterunt ad vlcus exsiccandum , reuellendosque humores serosos versùs habitum corporis.

Terebinthina lota in aquâ vtero conuenienti , vt artemisiæ , matricariæ ; vel vlceri idoneâ , vt plantag. rosarum , cum saccharo rosaceo sumpta per interualla, vlcera detergit & consolidat.

Pilulæ de bdellio ad Drach. j. pro vna vice exhibitæ , vel singulis, aut alternis diebus ad ℥.j. valde etiam conferunt , & si sanguis fluat , eum compescunt.

Vel recentes eodem modo vsurpandæ , sic parari poterunt.

℥. Bdellij ℥.iiij. myrrhæ , thuris , an. ℥.j. sarcocollæ , styracis , succini , myrobalanorum chebulator. ana ℥.β. coralli rubri ℥. ij. Cum syrupo de papan. fiat massa pilularum , cui in dolore vehementi tantillum opij admisceri potest.

Trochisci alkekengi cum opio , dolore vrgente, etiam soli puluerati propinquantur.

Ad dolorem etiam leniendum vsurpari possunt eadem remedia , quæ in vteri inflammatione pro eodem symptomate fuerunt proposita.

Puluis sequens ad vlcus exsiccandum erit non parum efficax.

℥. Acaciæ, hypocist. ana ʒ. j. sanguinis draconis, amyli, radicis plantag. aristolochiæ rotundæ, ana ʒ. ʒ. boli armenæ ʒ. j. mastiches, sarcocollæ, ana ʒ. ʒ. Fiat pulvis tenuissimus, cuius dosis erit Drach. j. cum aqua plantag. rosarum, vel chalybeata.

Zacutus Lusitanus *observ.* 87. & 88. *lib.* 2. opiatam & aquam proponit, quibus se desperata vteri vlcera ad curationem perduxisse testatur. Earum descriptiones ex dictis locis repetere quis poterit.

Ad vlceris deterfionem, exsiccationem & conglutinationem variæ parantur iniectiones. Quæ tamen vsurpandæ non sunt, quin prius inflammatio auferatur, quæ non rarò huiusmodi vlceribus solet esse coniuncta; simulque dolor demulceatur, qui non solum valdè molestus est, sed etiam partem irritando fluxionem augere solet.

Ratione igitur inflammationis illius & acrimoniæ, iniiciuntur prius in vterum emulsionem seminû frigidorum, serum caprinum, vel lac integrum, aut solum, aut cum succo plantaginis & bursæ pastoris permixtû; vel, si necessitas urgeat, decoctum capitum papaveris & summitatum maltæ. Quidam Practici solâ aquâ tepente plurimùm iuvari existimant huiusmodi ægrotantes, si frequenter iniiciatur. Nec immeritò. Sic enim feruor & inflammatio temperatur, dolor demulcetur, & sordes vlcери adhærentes abluuntur. Valescus de Taranta etiam frigidam probat, his verbis. *Novi, inquit, aliquas mulieres se sentientes habere huiusmodi vlcera. Lavabant ea cum aqua frigida, mundabant deinde, & cum pannis lineis exsiccabant, & in matricem mittebant frequenter. Atque iisdem præsiidiis sæpe mutatis, hæc ipsa per se sæpe ad integram curationem sufficiebant.*

Ablatâ intemperie calidâ, & dolore sedato, aut saltem magna ex parte imminuto, ad detergentia veniendum est,

est, à mitioribus ad fortiora progrediendo.

Mitiora sunt serum lactis cum saccharo; decoctum hordei cum saccharo, vel melle rosaceo, maioris detersionis gratiâ; vel hydromel simplex.

Paulò validior erit decoctio ex hordeo, lentibus, fabis non excorticatis, & foliis apij, parietariæ, plantaginis parata, addito melle rosaceo.

Vbi valdè sordidum est vlcus, decoctum vulnerarium aqua catapultarum vulgò dictam, principem locum obtinet; cuius compositio talis est.

℞. Rad. gentianæ, rhapontici, zedoariæ, & aristolochiæ rotundæ, ana Vnc. j. vini albi lb. vj. Bulliant ad tertiæ partis consumptionem. In colat. dissolue sacchari albi lb. sem. Seruetur ad vsum.

Vel sequens decoctio parari poterit.

℞. Hordei integri, furfuris macri, & rosar. rubr. ana P. j. fol. agrimon. absinthij, caprifolij, & apij, ana M. j. fabarum & lentium, ana Drach. iij. liquirit. ras. radic. ireos Florent. & zedoariæ, ana Vnc. ij. Fiat omnium decoctio, addendo circa finem parum vini albi.

Si vlcera admodum foetida, & putrilagine infecta fuerint, decoctioni addi poterit parum vnguenti Ægyptiaci, collyrij Lanfranci, vel pulueris Mercurij dulcificati.

Vbi vlcus probè detersum, atque mundificatum fuerit, ad exsiccantia & solidantia veniendum est, quorum formula talis esse poterit.

℞. Rad. consolidæ maior. bistortæ, ana Vnc. j. fol. plantag. caudæ equinæ, bursæ pastoris, saniculæ, pilosellæ, millésolij, ana M. j. rosar. rubr. M. sem. Coque in mensura, pro iniectione.

Prædictæ, aut simili iniectioni pulvis sarcoticus sequens admisceri poterit.

℞. Rad. ireos, aristolochiæ, consolidæ maior. ana

Vnc.sem. myrrhæ Vnc.j. aloës Drach.ij. Fiat pulvis, cuius Vnc.sem.misceatur in qualibet iniectione.

Terebinthina lota cum aqua plantaginis ad 3. ij. & dissoluta cum melle, & oui vitello, iniectioni mixta valde prodest: idque magis si pulvis sarcoticus etiam addatur.

Vnguenta pompholygos, de cerusa, de plumbo, similiter cum iniectionibus, an. Drach.vj. pro vna dosi mixta vsurpantur. Sed reliquis præstat oleum ex vitellis ouorum in mortario plumbo agiturum.

Suffumigia ad vlcera profunda versùs vteri fundum inhærentia penetrant, atque desiccant: quæ ita parari poterunt.

℥. Thuris, myrrhæ, mastiches, styracis calamitæ, gummi iuniperi, ladani, an. Vnc.j. terebinth. q.s. Fiant trochisci pro suffumigio.

In vlcere contumacissimo cinnabaris addita suffumigio omne feret punctum.

Thermæ quoque siccantes, sulphureæ & aluminosæ in vlceribus diuturnis vsurpantur: eoque mulieres desperatas, tanquàm ad extremum remedium, Medici ablegare solent.

Emplastra etiam conuenientia epigastrio applicare non inutile fuerit. Siquidem eorum vires ad interiora vsque, per insensiles meatus deferuntur.

Si vlcus sit in collo vteri, linimentis inungendum est detergentibus & exsiccantibus. Detergentia in hunc modum componi poterunt.

℥. Succij apij Vnc.ij. mellis rosæ Vnc.j. sem. terebinthinæ Vnc.sem. farinæ hordei, vel orobi q.s. Leuiter bullian, & fiat instar linimenti. Vel

℥. Aristolochiæ rotundæ 3. β. marrubij, centaur. min. agrim. ana. M. sem. Coquantur in s. q. hydromel. Colaturæ adde pulu. rad. ixeos Florent. Drach.ij. farinæ orobi, mellis

mellis despumati, ana q. s. Fiat linimentum.

Admouetur etiam vnguentum diapompholygos, addendo thus, mastichem, myrrham, aloën, prout vlce-
ris ratio requirit.

Vlcere sufficienter mundato, exsiccans & cicatricem inducens vnguentum admouendum est, cuius forma talis esse poterit.

℥. Tuthiæ lotæ Vnc. s. lithargyri, cerussæ, sarcocol-
læ, ana Drach. ij. olei & ceræ q. s. Fiat vnguentum.

Interdum contingit vlcera vteri ad rectum intesti-
num penetrare, interdum verò ad vesicam; quod ostenditur pure per illas partes excreto.

Si per intestinum rectum pus effluat, clysteres le-
nientes, detergentes, exsiccantes vsurpandi sunt; qua-
les in dysenterici curatione fuere propositi.

Si verò per vesicam pus effluat, conuenient diuretica
leniora, & refrigerantia, quæ vacuent istas sordes in
vesicam transmissas, & vlceris curationem promo-
ueant, quales sunt emulsionem sem. frig. maior. quibus
succedet terebinthina, aliâque remedia pro vlcere vesi-
cæ præscripta.

Si vlcus in fistulam degeneret, quod præcipue con-
tingit, dum exterius versus coxam aperitur, quamuis
etiam in ipso vtero, eiusdemque cernice idem fieri pos-
sit. Aduertendum erit, vtrum magis conducat ægrotan-
ti, meatum iam assuetum relinquere intactum, per quem
natura vacationem excrementorum multiplicium
molitur, vel eiusdem curationem suscipere. Illud si ma-
gis è commodo ægrotantis sit, cura, saltem palliatia
dicta, instituenda per purgationes frequenter repe-
tita, & sudorifica bis singulis annis exhibenda; tum
injectiones detergentes & roborantes, atque empla-
stra diapalma, diuinum & similia superimposita. Si
verò sanatio sperari possit, eadem remedia vsurpanda
sunt.

sunt, quæ ad aliarum fistularum curationem adhiberi solent.

Si à lue venerea in pudendo, vel sinu vteri fiant vlcera, citra vniuersam huius luis curationem sanari minimè possunt. In qua perficienda per varios modos, ille qui per suffumgia cinnabaris fit, maximè confert: non solum enim ea conducent ad lueni illam è toto corpore auferendam, sed etiam peculiariter, si vteri sinu excipiatur, vt hæc vlcera citius sanentur efficient. Tum etiam in cura quæ per inunctionem hydrargyri fit, vnguenta mercurialia in penitiora illa loca erunt demittenda.

In quibusuis vteri vlceribus, si pruritus molestus illius cernicem afficiat, vt non raro solet contingere, ob humoris acris & falsi in eam partem defluxum; ad eum demulcendum conueniet pessarium imbutum vnguento enulato cum mercurio; aut Ægyptiaco dissoluto in aqua marina, aut aqua aluminola; aut butyro recenti, in quo hydrargyrum extinctum sit, addito sulphure.

C A P V T IX.

De scirrho vteri.

Scirrhi in vtero geniti natura, differentia, & causæ eadem sunt, quæ in hepatis scirrho fuere proposita; vt eas frustra hîc repetere non opus sit, sed inde erunt depromenda.

Inter causas tamen antecedentes hæc vteri scirrho propria est, eaque satis frequens, dum scilicet mulieres fluxum menstruorum, aut lochiorum patientes, sese imprudenter aëri frigido exponunt, aut aquam frigidam potant, vnde sequitur fluxus cohibitio, sanguisque retentus

retentus crassescit, & condensatur, ac tandem in parte tumorem scirrhosum producit.

Signa scirrhi in vtero geniti sunt, durities & renitentia in vteri regione, illius circumscriptionem referens; grauitas in eadem parte, & ponderis sensus, præcipue quando ægra stat, quasi vterus prolapsurus sit in pundenda: sedentibus verò, aut decumbentibus, grauitate suâ rectum intestinum premit; febris carentia, & doloris; quibus distinguitur ab inflammatione aut saltem dolor est exiguus in scirrho non exquisito, cum in vtero nullus sit. Si inflammationi succedat cessat febris & dolor, manente duritie & renitentia. Si in ipso vteri corpore sit, regionem pubis contrectando facile dignoscitur; si verò in ceruice, digiti contactu explorari potest. A mola distinguitur ex causis præcedentibus: tum quòd in mola menses si fluant, inordinate fluunt: in scirrho autem si fluant, ordinem seruant; in mola etiam mammæ lacte turgent, in scirrho autem extenuantur.

Quod ad prognosim attinet, omnis scirrhus curatu difficillimus est, durities enim valida semel contracta vix emolliri potest; adde quod calor natiuus in parte scirrho affecta admodum debilis est, vt ægrè materiam crassam & ferè lapideam discutere possit.

Magnus & contumax scirrhus hydropem tandem accersit.

Scirrhus vteri, si calidioribus & nimium humectantibus remediis tractetur, in cancerum degenerat.

Curatio huius scirrhi ad duo dirigenda est, scilicet ad causam antecedentem & coniunctam.

Ratione causæ antecedentis phlebotomia instituenda est. Primum è venis brachij, si affectus non fuerit admodum inueteratus. Postea verò ex venis inferioribus

inferioribus, præcipuè quando suppressa sunt menstrua.

Hæmorrhoidum apertio hæc etiam vtilissima est. Nam & sanguinem sæculentum euacuant, & ab utero deriuant, propter venarum communionem, quam habent cum utero.

Purgatio etiam necessaria est, per intervalla repetita, ex medicamentis melancholiam educentibus, vsurpando primùm mitiora, mox ad fortiora transfundo.

Purgantibus autem præmittenda erunt præparantia humorem melancholicum, & aperientia, in forma apozematum, iuleporum, aut iusculorum, iuxta dispositionem ægotantis.

Ac præter aperientia vulgaria, etiam remedia ex chalybe vsurpanda sunt, quibus validissimi isti infarctus rebellium & crassorum humorum, in utero aliisque partibus dissoluuntur.

Vt verò humores superflui ab utero derinentur, vtiliter admoventi poterunt cauteria cruribus, tandiu gestanda, donec purgationes menstruæ (quæ ut plurimum in hoc affectu supprimuntur) ad consuetum ordinem, ratione temporis, quantitatis, & qualitatis, redierint.

Ratione causæ coniunctæ emollientia, & resoluentia medicamenta exterius admouenda sunt, in hunc modum composita.

℞. Rad. althææ, & liliorum, an. Vnc. ij. fol. malvæ violariæ, althææ, branchæ ursinæ, ana M. j. fol. artemisiæ, nepetæ, an. M. ss. sem. lini, & scænug. an. ʒ. j. flor. chamæm. & meliloti, an. P. j. Fiat decoctio, quæ foveatur regio pubis & inguinum, cum spongia in ea imbuta & expressa.

Ad magis emolliendum, potest fieri decoctio in aqua &

& oleo dulci, vel in decocto intestinorum veruecis.

Possunt etiam addi decocto, vt potentius euadat, radices bryoniæ, & cucumeris agrestis. Nam à mitioribus incipiendum est, ad validiora progrediendo.

Ex eodem decocto, aucta dosi simplicium potest parari semicupium, quod huic rei est efficacissimum, & foci potentius.

Clysteres etiam frequentes, tum iniectiones in vterum ex eodem decocto erunt conficiendæ, quibus olea liliorum, chamæmel. aut amygdalarum dulcium addi poterunt.

℞. Olei lilior. & amygd. dulc. an. ℥. iij. mucilag. sem. fœnugr. extractæ cum vino albo ℥. i. pingued. gallinæ, anseris, & anatis, an. ℥. j. β. butyri recentis, & axungię porci, ana ℥. ij. ceræ & terebinth. q. s. Fiat vnguentum.

Sequens verò in omni scirrho probatur, & à Rhafi describitur 7. ad *Almansorem*.

℞. Bdellij, ammoniaci, galbani, ana partes æquales. Terantur in mortario cum oleo de been, & liliorum. Deinde adde mucilaginum sem. fœnugr. lini, & ficuum parem quantitatem. Fiat vnguentum.

Ex eadem materia additâ cerâ, fit etiam emplastrum efficacissimum, amouendum regioni vteri ante & retrò. Vel admoueatemplastrum diachylum ireatum.

Cataplasmata fiet ex residentia decocti foci prædicti contusa, & per setaceum traiecta, addendo farinæ sem. lini, fœnugr. ana Vnc. j. ficuum num. vj. pulueris rad. iridis ℥. ij. croci Drach. β. pingued. gallinæ, olei amygd. dulc. ana q. s. Fiat cataplasma.

Lutum bituminosum thermarum sulphurearum, & bituminosarum, vtiliter instar cataplasmatidis admouetur.

Suffitus ex lapide pyrite candente in aceto extincto,

miris laudibus effertur à Galeno, ad omnes tumores scirrhosos dissoluendos, ita vt instar incantamenti operetur. In dicto acetò satureia & parietaria incoqui poterunt. Aduertendum tamen est, ne lapis pyrites sit plumbarius, quia maximè nociturus esset.

Ac denique omnia remedia tam interna, quam externa quæ suprà in hepatis & lienis scirrhi curationibus fuere proposita, hîc etiam conferre poterunt.

Hæc tamen medicamenta in toto curationis decursu, summo iudicio ac prudentiâ moderanda sunt: ne vel induretur scirrhus, vel, quod multò peius est, in cancerum degeneret. Quod omnes Practici verentur, ex incauta, vel diuturniore auxiliorum administratione: à qua melius est per interualla desistere, vt eorum successus aduertantur. Frustrà enim pugnatur, quando scirrhus omninò indolens, lapideam naturam adeptus est.

C A P V T X.

De cancro vteri.

Cancer vteri est tumor durus, ac renitens in vteri corpore vel cervice dolorem acerbissimum, punctorium, & lancinantem præ se ferens.

Fit ab humore atrabilario in ea parte collecto, vel à scirrho male curato, qui facîle in cancerum degenerat, in ea præcipuè parte, ob sanguinis copiosum affluxum, qui in venis scirrhi vicinis retentus, nec sufficienter per menstruas purgationes euacuatus, adurit, & malignam corruptionem acquirit.

Duplex vulgò statuitur, vlceratus, & non vlceratus.

Quandiu

Quamdiu materia morbifica minoris acrimoniæ, & malignitatis particeps est, cancerum afficit non vlceratum. Acrior verò facta per putredinem, vel aduersionem, tumorem exulcerat, & cancerum vlceratum producit.

Diagnosis ex definitione proposita facile elicitur. Si enim tumor durus ac renitens in uteri corpore, aut cervice percipiatur, qui dolorem punctorium ac lancinante[m] efficiat, cancerum esse pronuntiare possumus. Evidentiùs tamen distinguitur, si oculis percipi possit, ut quando est in uteri cervice, speculo matricis adhibito: apparebit enim tumor inæqualis ac tuberosus, liuescens, aut nigricans, venarum propaginibus quasi radicibus circumleptus. Si verò vlceratus sit, saniem quandam emitit fuluam, aut nigram, & grauit[er] olentem, interdum etiam sanguinem, ob erosionem venarum quæ in partem decurrunt; tantâ copiâ nonnunquam ap[er]to aliquo vase insigniore, ut ægra vitæ periculum incurrat. His accedit febricula, anxietas, nausea, pudendorum ardor, & similia.

De prognosi hoc tantum pronuntiare licet, cancerum esse incurabilem, siue vlceratus, siue non vlceratus sit. Quod quidem ut omni cancro, etiam partes externas obsidente verum est; sic potiori iure de eo qui uterum occupat sentiendum est, ob continuam superfluitate[m] illuuiem quæ ad eam partem decurrit.

Cum igitur curatio integra sperabilis non sit; ad alteram quæ palliativa dicitur, confugiendum est. Eaque eò dirigenda, ut canceri non vlcerati vlceratio prohibeat, & ne vlceratus maius incrementum suscipiat: & in utroque doloris atrocitas temperetur. Quod fiet primùm vniuersalibus corporis euacuationibus, & aliis remediis, quæ humorem melancholicum & atrabilem

bilium alterent, euacuent, eiusque generationem impediunt. E quorum numero sunt missio sanguinis ex brachio, malleolo, hæmorrhoidibus; potiones, apozemata, iulepi, iuscula, lac, serum lactis, aquæ minerales frigida & alia huiusmodi, quæ ad cuiuslibet canceri, in quacunque parte siti, curationem à Practicis, vulgò præscribi solent. Et purgationes præsertim, frequenter iterandæ sunt, ut antecedens canceri materia subtrahatur.

Tum etiam admouenda erunt topica, quæ moderatè refrigerent & astringant, sine vlla mordicatione; linimentorum forma imprimis vsurpantur, quorum præcipua ita componi poterunt.

℞. Ol. myrtini, & rosæ. ana ℥.ij. succi solani & semperuiui, an. ℥.j. Agitentur omnia in mortario plumbeo cum pistillo plumbeo, donec nigrescant. Deinde adde lithargyri, & cerussæ in aqua scabiosa lotor. ana ℥.ij. tuthiæ præp. ℥.ij. camphoræ ʒ.β. Fiat linimentum, quo illinatur ter, aut quater in die. Vel

℞. Olei ex vitellis ouorum, & rosæ. ana ℥.j. sem. sacchari Saturni ℥.j. Agitentur in mortario plumbeo, donec colorem mutant.

Sequens cæteris præcellit, eoque tumores mammarum, qui cancerosi putabantur, prorsus curati sunt.

℞. Ol. ex vitellis ouorum ℥.ij. succi solani & veronicæ vel semperuiui, ana ℥. sem. mercurij crudi ℥.ij. Agitentur in mortario plumbeo cum pistillo plumbeo, donec crassitiem linimenti acquirant.

Linimenta prædicta in vterum immittenda sunt cum turundis oblongis, vel candelis cereis linteolo obuolutis. Iniectiones tamen multò facilius immitti poterunt, in hunc modum compositæ.

℞. Aquæ hord. lb. sem. aquæ solani, & plantag. an. Vnc.ij.

℥.ij. aquæ veronicæ ℥.j. trochiscorum alb. Rhaf. Drach.
ij. sacchari Saturni Drach. j. Fiat iniectio.

Si dolor atrociter vrgeat, adde Vnc. iv. iniectionis,
syruipi de papauere Vnc. j.

Foveatur etiam pars affecta aquis plantaginis, &
folani, vel eorum decoctis; quibus addi poterunt fo-
lia nymphææ, papaueris albi, rosæ rubræ, & cam-
phora. Quod etiam decoctum iniici frequenter pote-
rit in vterum? fietque multò efficacius, si in mortario
plumbeo agiteretur, vel saccharum Saturni eidem per-
misceatur.

Inter specifica commendantur ranæ lotæ & coctæ, &
cataplasmatibus loco impositæ; vel earum decoctio per
iniectionem adhibita. Tum etiam decoctum, aut succus
cancrorum fluuiatiliū in vterum iniectus. Sicut &
herba Roberti sumpta, vel admota.

Si cancer ulceratus sit, linimentis prædictis minera-
lium dosis augeatur, iisque cinis cancrorum fluuiati-
liū vtiliter addi poterit. Iniectionibus verò trochisci
albi Rhafis, & aqua hordei cum superiori iniectionis
materia, permisceri.

Si dolor valdè vrgeat, fomenta ex malua, althæa,
nymphæa, papauere, hyoscyamo, coriandro viridi,
anetho, semine psyllij, lacte, croco & similibus per in-
terualla vsurpanda; vel cataplasmata ex iis parata im-
ponenda. Ex quibus etiam decoctis iniectiones & femi-
cupia parari poterunt.

Hæc tamen omnia, aliquando non sufficiunt ad
immanissimum dolorem placandum, qui interdum
nullum quieti & somno locum relinquit. Vnde co-
gimur non rarò ad narcotica recurrere, quæ in hoc
affectu, propter intensum humorum feruorem, mi-
nus nocent. Et vidimus nos mulierem cancro in mam-
ma laborantem, quæ singulis noctibus, per quatuor
homo
menses,

menes, laudani gr. ij. vel iij. innoxie & cum maximo solario fumebat.

Si ex cancro ulcerato multus sanguis prodeat, ut sæpè fit, iniiciatur in vterum succus plantaginis cum tantillo thuris.

C A P V T XI.

De vteri gangræna, & sphacelo,

Gangræna est corruptio, seu mortificatio partis incipiens; vbi autem omnino corrupta, & emortua fuerit, sphacelus, seu syderatio nominatur.

In mulierum genitalibus facilè hic affectus generatur, propterea quòd istæ partes humidiores sunt & molliores; totiùsque corporis excrementa facilè recipiunt.

Inflammationi, abscessui, ulceri vel cancro malè curatis sæpissimè succedit, quando calor vitalis partis suffocatur aut destruitur. Suffocatur in magnis inflammationibus, quando plus sanguinis affluit, quàm insitus calor partis digerere, aut in pus commutare valeat. Destruitur vel à frigida intemperie illum extinguente, vel à calida dissipante ac resolvente.

Cognoscitur gangræna incipiens, ex eo quòd calor insolitus in parte percipitur; horror ac tremor inuadit cum pulsu languido ac frequenti, & animi deliquio. Et cum vtiplurimum ceruicem vteri magis hic affectus inuadat, atque adeò pars affecta oculis explorari possit, ea mollis, liuida, nigra, & cadauerosa apparet, & sine sensu pungi ac secari valet, tum foetidum ac cadauerosum halitum expirat.

Quod

Quod ad prognosim attinet. Malum hoc grauissimum est atque periculosissimum, imò vtpurimum lethale. Obseruatum tamen est à quamplurimis autoribus, vterum putredine & gangræna corruptum, vel spontè cecidisse, vel sectione ablatum fuisse, cum incolumitate mulierum; quas autorum obseruationes magno numero collegit Schenkius *lib.4. obseruationum.*

Curatio perficitur iisdem remediis, quæ ad aliarum partium gangrænas adhiberi solent, si gangræna sit in ceruice vteri, vel ad externas partes vergat; vt scarificationibus, & ablutionibus, decocto absinthij, myrrhæ, & similibus; vnguento Ægyptiaco, cataplasmate de tribus farinis dicto, quod sic habet.

℞. Farinæ hordei, fabar. orobi, ana Vnc.ij. oxymel lb.j. Coquantur ad formam catapl. Cui si addatur farina lupinorum, myrrha, aloë, & absinthium, efficacius erit.

Quod omnino corruptum, & emortuum est, amputandum sectione; aut in vteri procidentia, ligaturâ in dies magis ac magis coarctatâ & constrictâ. Quarum operationum exempla quamplurima habentur à Schenkio collecta *lib.4. obseruationum.*

Refert etiam Wierus in obseruationibus, à se curatam mulierem annorum 25. cui æstuantē caniculā tuberculum quoddam in sinu muliebri, violento forsan mariti concubitu, productum fuerat. Illi autem cū imperitus chirurgus cataplasmata minùs idonea adimouisset, intra dies non multos, pars vninersa putrescere, nigrescere, & emori cœpit, & incredibili celeritate anum versus malum progressum est. Ipse autem sequenti methodo eius curationem instituit. Primò solani & plantaginis succum vberimum, syringa in vtrumque meatum ter vel quater in die iniecit; deinde horis illis inter

intermediis lini hapsum iis succis, admixto aceti, imbutum applicuit: qui exsuccus eodem rursus permaduit liquore. Ac in eiusmodi repetita aliquoties applicatione perseveratum est, donec restingeretur feruor, desineret putrefactio. Assumebat interim quoque poticnem, singulis diebus ter, ex decocto acetosæ, scabiosæ pimpinellæ, prunor. damasc. summit. borrag. bugloss. flor. calendulæ, cum aqua, saccharo, & aceto, ad syrupi acidi longi formam apparatus. Victus erat paucus, sed refrigerans & acidus, putredinis occasionem præscindens. Tertio die incendij furia sæuitiæque putredinis remisit. Quare carnen nigram mortuamque exiguo forcipe attrahi & circumquaque à viuo, sine doloris sensu, separari resecarique iussit. Inde reliquam ad viuum vsque Ægyptiaco vnguento absumpsit. Eodemque modo ad cicatricis inductionem, ut in aliis vlceribus, progressus est.

Toto curationis decursu, cordis roborationi incumbendum est, tam assumptis, quàm admotis. Tum etiam enemata emollientia, abstergentia, & refrigerantia, frequenter infundenda, quæ propter viciniam parti affectæ plurimum opitulantur.

C A P V T XII.

De vteri inflatione, & hydropo.

VTeri inflatio, & hydrops ab omnibus propemodum autoribus confunduntur, ita ut inflationem vocent illum hydropem, qui fit à flatibus; cum hydrops simpliciter dictus ab humore aquoso generetur. Distinguuntur tamen, & datur quædam vteri inflatio, quæ hydrops dici non debet; quando nimirum à flatu subito

subitò irruente uterus inflatur ac distenditur, unde dolor intensus excitatur, quemadmodum in colico dolore contingit; atque adeò si illa inflatio non diu perseueret, sed breui discutiatur, hydropis nomen non meretur; talis sepe accidere solet in hysterice affectibus.

Duplex igitur hydrops uteri statuendus est, vnus à flatibus, qui tympaniti assimilatur; alter verò à seroso humore, qui asciti analogus est. Quidam tertium addunt à pituita, vt etiam leucophlegmatix similem speciem constituent, quæ in vsu practico rarò contingit. Nos tamen nobilem mulierem vidimus, quæ vnâ die tantam pituitæ crassæ copiam ex utero excreuerat, vt sex vel septem librarum pondus æquare potuerit: quæ procul dubio pituita diutius retenta, hydropem uteri producere potuisset.

Flatus & serosus humor uteri hydropem efficiens, vel in cavitare uteri, vel intra membranas illius, aut vesiculas continetur. De cavitare uteri est aliqua dubitatio, quomodo flatus, & humores in ea contineri valeant; cum facilis pateat exitus per uteri osculum & cervicem. Respondemus, orificium uteri internum pluribus modis occludi posse, vel à pituita crassa illi parti impacta indurata, vel à tumore scirrholo, vel aliqua alia causa. Mercatus censet pituitam mucosam excerni per orificia venarum, quæ purgationi menstruæ destinatae sunt, & ex illa pituita fieri quandam pelliculam, totam uteri superficiem internam obducentem, in qua pellicula serum & flatus contineatur. Aëtius verò putat ex illa pituita per venas uteri transmissa quosdam produci folliculos, in quibus serosus humor contineatur. Fernelius verò putat, sine osculi vitio, & ex simplici illius constrictione aquam in utero contineri posse. Omnes isti modi recipiendi sunt, & variis exemplis confirmari possunt.

Ac primum flatuum in cavitate vteri contentorum exempla referuntur à Sennerto *pract. lib. 4. par. 1. sect. 2. cap. 10.* quorum primum desumitur à Valesco de Taraita, cuiusdam Iudææ Vlyssiponenfis, quæ cum prægnantem se esse putaret, eo tempore quo partus aduenturus putabatur, magnâ flatuum copiâ exclusâ, vterus detumuit. Secundum est ex Matthæo de Gradi, qui idem propriæ vxori contigisse refert. Alia etiam exempla ex Dodonæo, Thadæo Duno, & aliis desumpta, similes casus ostendunt; & in vfu practico talia videre non rarò contingit. Quibus addere licet historiam à nobis infra in curatione ex Solenandro relatam, mulieris quæ ex suffitu nucis moschatae, flatum emisit ex vtero; cum strepitu instar sclopeti, edito.

Aquæ verò seu materiæ serosæ in vteri cavitate contentæ, exempla proponuntur ab eodem Sennerto, ex Rhafi, qui vidit fœminam, ex cuius vtero viginti quinque cotylæ aquæ effluerant: tum etiam ex Iacobo de partibus, & Dodonæo, simile quippiam referentibus. Vesalius verò fœminam dissecauit, in cuius vteri cavitate serosæ materiæ plusquàm sexaginta mensuræ Augustanæ, quæ singulæ tres capiunt libras, repertæ sunt, os verò vteri mirum in modum occalluerat.

Interdum verò aquam intra vesiculas contineri in vtero plurimi testantur autores, qui huius rei exempla viderunt in quibusdam mulieribus, quæ tales vesiculas aqua plenas per vterum excluserant. Ex eorum numero sunt, Aëtius, Valeriola, Christophorus à Vega, Mercatus, Platerus, & Fabricius Hildanus.

Aliquando etiam hydrops vteri cum graviditates complicatur, ut de propria vxore narrat Fabricius Hildanus,

Hildanus, cuius venter in monstrosam magnitudinem intumuerat, & tempore partus primum aquæ libras octodecim excreuit, post semihoram verò iterum libras nouem, & consequenter puellum sanum, & robustum peperit. Similis casus habetur apud Schenkium, sed euenta contrario, mulieris, quæ à partu foetus viui, ventris tumorem retinuit, qui successu temporis magis ac magis increfcens, ægram de medio sustulit; & vtero aperto, ingens aquæ copia in eo reperta est.

Denique ex sola osculi vteri constrictione, sine peculiari illius vitio aquæ in vtero retentæ exemplum habetur apud Fernelium *lib. 9. pathol. cap. 15.* cuiusdam mulieris hydrope vteri correptæ, quæ, quoties appetebat menstrua purgatio, omnem aquarum illuuiem ex vtero profundeabat, peluesque sex vel octo complebat aqua citrina feruentissima, dum vterus totus subfideret, collecta proximo mense par colluies, statò tempore profluebat.

Causa mediata inflationis, & hydropis vteri est caloris natiui imbecillitas, quæ vel in hepate & liene residet, & ex iis partibus flatus, pituita aut serosi humores in vterum transmittuntur, vel in ipso vtero, vnde prædictæ materiæ in eadem parte per congestionem cūnulantur.

Causæ autem quæ calorem natiuum debilitare valent, vel per se, vel per accidens, quamplurimæ sunt, ex rebus præsertim nonnaturalibus petitiæ. Sic aër frigidior, præsertim post partum imprudenter in vtero receptus, grauissima est huius affectus causa; quem etiam producere potest, si fluentibus menstruis importune occurrat, demersio frequens in aqua frigida, præcipuè fluentibus mensibus, idem præstat: tum etiam ciborum frigidorum, aut flatulentorum, vt fructuum, olerum, leguminum & acetii vsus diuturnus: aquæ frigidæ potus copiosus, & in-

tempestiuus : somnus longior , & profundior , partus vel abortus laboriosus , isque frequenter recurrens , mensium fluxus immodicus calorem natium exhaustiens , vel suppressio eundem calorem suffocans. His adde peculiare vteri morbos , vt tumores , vlcera , & similia , quæ calorem partis resolvunt ; vel etiam osculum vteri occludunt , & sanguinis menstrui , atque excrementitiorum humorum exitum impediunt.

In diagnosi huius affectus multa inquirenda sunt. Primò quo modo iste hydrops vteri particularis ab vniuersali totius corporis distinguatur.

Secundò quomodo species illius diuersæ dignoscantur , vtrum à flatu , sero , vel pituita producat. Tertiò vtrum à primario ipsius vteri affectu , vel ex vitio aliarum partium oriatur. Quartò vtrum materia peccans in cavitare vteri , vel intra membranas illius , aut vesiculas contineatur. Quintò quomodo ab aliis vteri tumoribus. Sextò quomodo à grauiditate. Septimò quomodo à mola distinguatur.

Quod ad primam quæstionem attinet. Ab hydrope abdominis vniuersali distinguitur ex eo quod in hydrope vteri tumor fundum ventris magis , occupat ; hydrops verò vniuersalis abdomen vniuersum æqualiter distendit. Præterea in hydrope vteri non tam citò apparet pallor , & extenuatio totius corporis , quemadmodum in hydrope vniuersali , in quo etiam plerumque sitis & linguæ siccitas conspicua est non autem in hydrope vteri , tum etiam in eo reliqua omnia symptomata sunt longè mitiora. Durities etiam & rententia , quando fit à flatibus , aut fluctuatio quando ab aqua generatur , tantum spatium non occupat , quemadmodum in hydrope vniuersali. Ac denique in eo aliquid flatus per intervalla ex vteri erumpit ; aut tantillum aquæ effluit , quæ manifestè ostendunt flatum vel aquam

in vterò contineri.

Secundæ quæstioni satisfaciendum est in hunc modum. Species hydropis vteri ita inuicem distinguuntur. Si à flatibus excitetur, imus venter percussus, sonitum edit, venter doloribus premitur pungitiuis, qui interdum per septum transuersum, ventriculum, lumbos, vmbilicum, aliasque partes excurrunt; nonnunquam flatus per vteri ceruicem euidenter erumpunt. Sentiunt quoque sæpenumero mulieres vterum ad ventriculum instar globi cuiusdam efferri. Respiratio interdum difficilis est; & ægra à somno excitata sæpe cum anxietate spiritum ducere cogitur. A cibo, & potu quocumque malum exacerbatur. Frequenter eructant, & à ructu melius habent. Suffocationem vteri sæpe incurrunt. Dolorem interdum, in regione hypogastrica percipiunt, vt ad motam manum ferre nequeant. Hæc signa inflationi vteri etiam, conueniunt, cum illa fiat quoque à flatibus; & in eo tantum differunt inter se hi duo affectus, vt antea diximus, quod inflatio breuioris sit durationis, hydrops verò à flatibus, multò longioris.

Si verò vteri hydrops ab humore seroso fiat, regio illa mollis & flaccida apparet; cum flatus tensionem efficiant: grauitas maior adest in parte, & sonus veluti fluctuantis aquæ, aliquid aquæ nonnunquam è pudendis extillat. Ac denique si à pituita oriatur, maior erit molities, & flacciditas partis, quæ in dies incrementum sumit, & partes circumstantes, nempe hypogastrii, pubis, perinæi, ac lumborum, tumore cedematoso affectæ conspicientur.

Ad tertium quæsitum ita respondemus. Si apparentia sint totius corporis malè affecti indicia, vt per febres acutas, vel diuturnas, hæmorrhagias immoderatas; fluxiones à capite grauiorcs, ventriculi imbecillitates, lienis vel hepatis tumores, aliosque earum partium affe-

etus contumaces, cum quibus vteri hydrops inceperit, & cum iis incrementum susceperit; maxima erit coniectura, vterum ab illis partibus per viam rheumatismi materiam hydropis suscipere. Si verò toto corpore satis benè valente, tumor iste acciderit, & particularibus ipsius vteri affectibus successerit, quales sunt, partus laboriosi, suppressiones mensium, vel nimia eorum profusiones, viscera, tumores phlegmonosi, vel scirrhusi, coniciendum erit hydropem vteri à peculiaribus istis dispositionibus dependere, & materiam illum producentem, per congestionem ex deprauata illius homiosi cumulari.

Quarto quæsito satisfiet, dicendo, materiam quæ in vteri cauitate continetur, multò ampliorem tumorem efficere quàm dum intra mēbranas continetur. Deinde quando sit ex serosa materia, maior fluctuatio percipitur, quàm vbi intra membranas coërcita est. Si verò quædam vesiculæ aquâ repletæ ex vtero deiiciantur, signum erit certissimū serosum humorem in vesiculis contineri.

Ad quintum quæsitum respondum est, hydropem vteri à tumoribus eiusdem partis phlegmonosis, vel erysipelatosi distingui, ex eo quòd in hisce febris adest, & dolor ad leuissimum contactum sese exasperans; tum inflammatio vsque ad partes genitales exporrigitur. A tumoribus verò scirrhusi & cancrosi distinguitur; quòd in eo sit tanta durities, quæ digitis comprimentibus resistat, sed potius cedat. ac veluti in sœueam deprimatur.

Sexto quæsito satisfaciendum est in hunc modum. In graviditate tumor non est ita æqualis ac depressus, sed acuminatus, & fastigium, atque eminentiam quandam circa vmbilicum præ se ferens. Secundò, in graviditate post aliquot menses, mulieres melius se habent vt plurimum, quia grandior foetus maiorem humorum partem

partem absorbit, qui primis mensibus laborem faciebant; at hydrops quò vterius progreditur, eò maiores procreat molestias. Tertiò in graviditate fœtus commotio manifestè percipitur post tertium mensem, vel quartum; quod in hydrope non contingit. Fit tamen aliquando, vt quando hydrops à flatibus exoritur, palpitatio quædam in vtero sentiatur, sed illa à motu infantis facîle distinguitur, qui magis æqualis est, & plures ventris partes occupare solet. Quartò in graviditate mammæ intumescunt, in hydrope verò extenuantur, ac graciliores euadunt.

Ad septimum quæsitum respondemus, in mola gravitatem quandam à mulieribus in ventre sentiri, quæ in hydrope vteri non apparet; & quando ægræ decumbant in alterum latus, pondus percipere in illud lapidis instar deuolui. Deinde in mola fluxus mensium effrænes per intervalla, tertio scilicet aut quarto quoque mense contingunt, quod in hydrope vteri non fit. Ac denique in mola mammæ intumescunt, & aliquando lac in iis apparet; cuius rei contrarium accidit in hydrope.

Quod ad prognosim attinet. Simplex vteri inflatio, quia diuturna non est, periculo vacat. Si tamen citò non curetur, in verum hydropem degenerare potest.

Hydrops vteri, si ab humore benigno, & minimè corrupto producat, solet quidem malum esse diuturnum; successu tamen temporis curationem recipere potest, imò interdum ex vtero aqua spontè effluit, & mulier conualefcit.

Si verò humor prauus sit, acer, aut putridus, quod ex symptomatis grauib, innotescit, morbus periculosus est, & plerumque lethalis. Si enim à proprio vteri vitio affectus dependeat, integram denotat functionum naturalium istius partis ruinam, vnde vniuersalis hy-

drops tandem accersitum. Si verò vterus per consensum aliarum partium patiatur, hepatis nempe, lienis, aut ventriculi, eo maior erit labes, & inde totius corporis ruina impendet. Hinc rectè Aëtius, qualis est vterus in muliere, tale, est ut plurimum reliquum corpus.

Si flatus, aut aqua in vteri cavitate contineatur, facilius curatur, quàm si intra membranas, aut vesiculas concludatur.

Huius affectus curatio iisdem ferè remediis perficitur, quæ ad hydrôpis & chloroseos curationem fuere proposita. Quibus etiam peculiaria quædam, huic affectui magis appropriata subnectenda sunt. Ac primum, quod ad phlebotomiam spectat, in affectu recenti, à suppressione mensium producto, & plenitudine aliquâ adhuc apparente, illa convenire poterit. Alioqui noxia futura est, cum calor nativus admodum debilitatus, atque imminutus sit; & continuæ obstructions, ab humore frigido productæ, hydropis vniuersalis metum incutiant.

Purgatio verò omninò necessaria est, eaque frequenter repetita, quemadmodum in prædictis affectibus præcepimus.

Post sufficientem purgationem, aperientia, diuretica, & menses mouentia erunt usurpanda, in prædictis etiam locis descripta: quibus addi poterunt sequentia.

℞. Rad. apij & rubiæ tinctor. an. ʒ.ß. fol. sabinae, matricariæ, pulegij, an. P.j. sem. dauci ʒ.j. Coquantur in iusculo pulli columbini, colaturam capiat mane per plures dies.

Ante iusculi assumptionem vna ex sequentibus pilulis deglutatur.

℞. Castorei opt. myrrhæ, rubiæ tinct. an. ʒ.ß. croci ʒ.j. Cum succo limon. formentur pilulæ ix.

A quibus medicamentis valido exercitio vtendum est. Quo quidem non solum excrementa in visceribus & corporis ambitu concepta , calore mediante dissipari possunt; verum & totum id, quod in vtero continetur , ruptis exercitij vehementia pelliculis, foras euocari potest.

Si mulier facile vomat , bis in septimana vtiliter vomitus prouocabitur. Quo non solum humores ad vterum confluentes reuocabuntur , & educuntur, sed etiam dictæ pelliculæ vtero inhærentes , & interdum aquosum humorem continentes , motu & agitatione vehementi disrumpi forsan poterunt , vadè humoris noxij fluxus consequetur.

Ad dictum humorem in vtero contentum discutendum , bolus sequens erit efficacissimus.

℞. Boracis mineralis ʒ. β. croci ʒ. β. Cum succo sabinae fiat bolus , bis in septimana sumendus.

Sudorifica etiam in hoc affectu non parum proficua sunt : iis enim humores serosi & pituitosi, siue in vtero, siue in toto corpore contenti , discutuntur & euacuantur.

Interim innatus ventriculi calor roborabitur , tam assumptis, quàm admotis; in affectuum illius partis curationibus descriptis.

Exteriùs verò topica remedia admouenda sunt , ad vterum roborandum , & humores in eo contentos discutiendos idonea.

Ac primùm parari poterunt fomenta & semicupia, ex decocto radicum bryoniae , cucumeris agrestis; foliorum ebuli , mercurialis , sambuci, origani , calamenti, absinthij, rutæ, saluiæ, maioranæ, thymi , lauri , pulegij, artemisiæ ; seminum genistæ , dauci , cumini, anisi, feniculi , baccar. lauri & iuniperi ; florum , chamomillæ, meliloti , rorismarini. Ex quibus etiam fieri poterunt

sacculi decocti in vino albo. Vel decoqui poterunt prædicta, aut eorum nonnulla in lixiuio cinerum farnentorum.

Vt autem melius operentur prædicta fomenta, applicanda sunt ante & retrò : ægræque sudare debet, si possit, in lecto, vel stupha commodè parata. Quod quidem semicupij beneficio præstari etiam poterit.

In hydrope flatuoso forus sicci magis erunt proficui; ex sacculis paratis ex milio, sale, cumino furfure in sartagine torrefactis, & vino irrotatis.

Post forum liniatur infimus venter oleo nardino, anethino, rutaceo, absinthite, abrotoni. Quæ si arte chymicâ fuerint elicita, multò efficaciora futura sunt.

A litu admouebitur emplastrum de baccis lauri; vel cataplasma ex stercore vaccino, ouillo, seminibus apij, petroselini, cumini, & melle cocto.

In eundem vsum commendatur pellis recens mactatæ ouis, vino meraciori calido irrorata, & ventri calidè admota.

Clysteres frequenter iniiciendi sunt, ex decocto absinthij, origani, pulegij, rutæ, centaurij, & similibus. Vel ex oleo rutæ, nucum, anethi, & vino albo, aut Hippocratico, aut maluatico. In quibus dissolue benedictam laxatiuam, diaphœnicum, hieram diacolocynthis, terebinthinam, confectionem è baccis lauri, mel anthosatum, & similia.

Iniectiones in vterum, humoribus in eo contentis euacuandis, plurimum conferre poterunt, in hunc modum compositæ.

℞. Rad. asari ℥.iiij, fol. pulegij, calaminthæ, an. M. sem. fabinæ P.j. mechoacan Drach. j. sem. anisi, cumini, ana Drach. sem. Coquantur, & in colat. Vnc. vj. dissolue olei irini & sambucini, ana Vnc. j. Fiat iniectio.

Ad eundem finem pessaria conficiuntur ita parata.

℞. Colocynth. & mechoac. ana ʒ. j. falis nitri ʒ. ʒ. mellis cocti q. s. Fiat pessarium. Vel

℞. Rad. cyclam. esulæ, ana ʒ. j. sem. nigellæ romanæ ʒ. ʒ. mellis q. s. Fiat pessarium. Vel

℞. Elaterij ʒ. ʒ. caricarum contusar. q. s. Fiat pessarium.

Quando inflatio fit à flatibus, maximè conducit suffitus ex nuce moschata, à Solenandro commendatus, his verbis. *Mulier quædam puerpera se intempestivius ante tempus debitum ventris committens & aëri, incidit in intorerabiles dolores, neque potuit restitui. Tandem supervenit obstetrix vetula benè exercita. Iussit sibi afferri nuces tres myristicas grossè contusas. Tum supponebat fictilem testam cum carbonibus ignitis agræ mulieri, statim insperso nucum myristicarum pulvere, testam ita supposuit, ut inspersi pulveris suffitum exciperet pudendis, per infundibulum inuersum. Per superiora eodem tempore eundem suffitum excepit. Qui ubi penetrasset, mulier statim exclamat. Necessariò reddenda mihi alvus. Qua voce vix edita, auditus est sibilus & strepitus, qualis eliditur, cum pulvis tormentarius alicui pyxidi angusta inclusus, accenditur. Qui spiritus ubi elisus proruperat, in ipso protinus momento mulier sanitati restituta est. Isti à experientiâ monitus, in simili casu aliquotis postea idem remedium genus admotum, utile & proficuum inveni sæpe numero.*

In eodem casu vtiliter admouetur cucurbitula umbilico, cum multa flamma, flatu enim egregiè discutit.

In affectu verò humorali cauteria cruribus admouenda, ut per eos fonticulos vteri sentina sensim exhauriatur.

Sic etiam thermæ sulphuræ & nitrosæ à plerisque laudantur, tam potu, quam balneo. Dummodò in-

signis feritor iecoris, aut totius corporis non sit illi coniunctus.

Ad vteri dolorem, in hoc affectu sæpè infestantem, commendat Amatus Lusitanus aquam vel decoctum florum chamæmeli ℥.iv. vel v.exhibitum.

Ac denique si à partu inflatio contingat, non opus est aliâ purgatione, quàm eâ quæ per vterum fit. Quæ si non satis procedat, iuuanda est pessariis attrahentibus, & cucurbitulis femoribus affixis, cæterisque remediis in mensium suppressione descriptis. Et si flatus adfuerint, suffitus ex nuce moschata suprà propositus, erit opportunissimus.

C A P V T XIII.

De vteri procidentia.

QVando vterus situm suum naturalem amittit, & versùs pudenda prolabitur, vteri procidentia, seu prolapsus nominatur.

Variae sunt illius differentiæ, secundùm magis & minus tantum differentes. Interdum enim sola cervix interior prouoluitur in vuluam: aliàs totum vteri corpus procidit, seu non prominet extra vuluam, & in illius margine apparet osculum vteri interius, instar glandis virilis, aut oui anseris perforati. Aliàs fundo etiam inuerso prominet extra vuluam, instar scroti virilis, aut oui struthiocameli, cum tamen rugosus sit, ac superficie inæquali præditus: ac denique aliquando ita relaxatur, vt ad femora vsque deuoluatur.

Causa proxima vteri procidentiae est ligamentorum, illius corpus, & cervicem in suo loco naturali continentium, ruptio vel relaxatio.

Ruptio

Ruptio ligamentorum fieri potest ab omnibus causis violentis, vt ictu, casu, saltu, oneris grauioris subleuatione, vel gestatione, compressione abdominis violenta, tussi vehementi, & diuturniori, sternutatione violenta, præcipuè in puerperio, alui compressione forti, partu difficili, auulsione violenta foetus, aut secundinæ, conatu vehementi vteri ad expellendum aliquid sibi molestum, vt foetum mortuum, molam, aut secundinam: tunc enim contingit vtero, docente Galeno *lib. 3. de facult. nat.* quod duobus Athletis, cum sese mutuò deicere conantur, vterque in terram prolabitur; his adde frequentem cucurbitularum admotionem femoribus, & quamlibet corporis & animi agitationem vehementem.

Relaxatio ligamentorum excitatur etiam ex variis causis, vt catarrho diuturniori, cruditatibus variis, quæ in vterum velut sentinam totius corporis amandantur. Hinc mulieres quæ fluore albo diutius laborant, vix hoc malum euitare possunt, præcipuè seniores, quæ illi maximè sunt obnoxia. His accedunt causæ externæ, vt balnei vsus frequentior, & præsertim in aqua frigida; aër austrinus & humidior, præcipuè post partum in vtero susceptus; alimenta humidiora, potus vberior; otium, somnus prolixior, & omnes aliæ causæ, quæ humoris pituitosi prouentum eiusque in vterum confluxum promouere possunt.

Signa diagnostica sensibus ipsis patent. Vterus enim in pudendo obuius fit instar oui gallinacei, vel anserini, aut glomeris fili, cum sensu ponderis pudendo incumbentis, dum erecto corpore stant. Dum verò sedent, aut aluum exonerant, dolor vehemens percipitur circa regionem pudendi & ossis sacri. Si multum promineat, dolor & ardor maior sentitur; vrina paulatim egreditur & vuluam in transitu mordet.

Causæ procidentiam excitantes ita distingui possunt. Si à laxitate ligamentorum fiat, sensim generatur, minorem habet dolorem, & præcesserunt purgamenta alba, vel aliæ causæ vterum humectantes, eiusque ligamenta relaxantes. Si verò fiat à ruptione ligamentorum, dolor est vehementior, & sanguis interdum erumpit; ac præcesserunt causæ, quæ violenter ligamenta rumpere potuerunt.

Quod ad prognosim attinet. Affectus per se periculosus non est; valdè tamen turpis & molestus, progressionem ac deambulationem liberam, conceptionem, & conuenientem menstruorum expurgationem impediens.

Interdum tamen mortem inferre potest, si dolor, febris, conuulsio, aut alia quædam grauia symptomata accedant,

Interdum etiam ab aëris intemperie, aut violenta impulsione corrumpitur, & gangræna afficitur, quæ partem amputare cogit.

Recens affectus, in quo vterus non valdè prominet, faciliùs curatur, quam si inueteratus sit, & magis egrediatur.

In iunioribus faciliùs, quàm in adultioribus vterus in proprium locum restituitur.

Quæ à ruptione ligamentorum orta est procidentia incurabilis est.

Ad curationem, vterus in suum locum naturalem retrudendus est, ibidemque continendus; & ligamentorum vitium corrigendum. Si nempe disrupta fuerint agglutinantibus, si relaxata, exsiccantibus, astringentibus, & roborantibus. Quæ omnia sequentibus præsidiiis perfici poterunt.

Primò itaque, quò vterus in suum locum faciliùs reponatur, aluus & vesica exonerandæ sunt, ne cervicem
vteri

vteri comprimendo , illius reductionem impedian ; siquidem ceruix vteri recto intestino incumbit , sibi que incumbentem habet vesicam.

Postmodum verò mulier in dorsum supina recumbens , diuarcatis cruribus , genibusque sursùm attractis , manibus vterum introrsùm premat ; sursumque in ceruicem trudendo , sicque inuertendo adigat , donec in sinum vsque omnia remearint. Vel , si ægrè succedat , obstetricis opera id peragat , vt bacillo crassiori obtuso linteis inuoluto hoc faciat , quo & in sinum profundius , quàm solis manibus potest repelli. Aut vt minùs lædatur , pessarium ex panno lineo sæpiùs conuoluto , filoque strictè ligato paretur , & huic vsui accommodetur.

At si prolapsus vterus intumuerit , ita vt sinum denudè subire non possit , tumor ante omnia erit tollendus. Et si inflammatio sit , quæ huic senandæ competunt , erunt adhibenda. Si alia inflatio , quæ eam discutiunt , vsurpanda ; fetus nimirum , infessus , & inunctiones emollientes & resoluentes. Rodericus à Castro tumentem vterum betæ decocto abluat , deinde aceto & sale subinde insperso , ac sic imminuto tumore reducit.

Idem Rodericus scribit , ad vteri repositionem plurimum conferre , si Medicus , vel Chirurgus cauterium actuale , aut aliud ferrum candens manu ostendet , & in vterum inferere velleingat. Ita enim natura contrahitur , & cum ea vterus ipse , tum etiam quæcunque alia pars extrà prominens. Refert enim quemdam exercitatissimum Chirurgum intestina per vulnus abdominis exeuntia , hâc industriâ reposuisse , cum reliqua remedia non profuissent. Candens etenim ferramentum magnum coram patiente manu gestans , vulneri applicaturum se finxit. Cuius rei subito terrore

terrore intestina è vestigio in suum locum retracta fuere.

Auenzoar 2. *Theizir*, tract. 5. cap. 4. quippiam non absimile proponit. *In principio*, inquit, quando apparet hac agritudo, *Medicus eam leniter poterit curare. Et reducitur omnibus istis modis, videlicet manu, si vis, & si non, fac eam supinam iacere, & fac quod aliquis sedeat super pectus suum, & alius super crura, & fac eam terrere, ponendo circa pedes eius aliqua reptilia, sicut sunt mures & lacertæ, aut rane, vel his similia; ex quibus multum terrefiat, & velit fugere, trahendo pedes & crura ad se; & inde omnia membra, & corpus totum simul contrahantur. Et hac de causa matrix intrò redibit ad suum locum.*

Zacutus Lusitanus Auenzoarem secutus, sequentem historiam, obseruat, 86. lib. 2. proponit. *Cum, inquit, accederem ad foeminam, qua ab anno & dimidio vterum prolapsum habebat, cum duritie summa; difficile videbatur, ob tensionem posse ad suum locum reduci, maxime cum dicat Auenzoar, in principio hoc opus celebrandum esse; cum adhuc uterus non contraxit callum. Multa sum præsidia pro hoc morbo curando machinatus. Inseffiones adstringentes, pessaria, emplastra, confectiones. Tandem laboriosè luctatus nihil profeci. Ad hoc præsidium accedo. Suppono mulieris cruribus mures filo alligatos. Quibus positis & per femora vagantibus, foemina metus ingens incutitur, & repente, (mirabile visu.) uterus in propriam sedem reducitur. Hoc facto, emplastro contra rupturam vteri regioni, & inguinibus appposito, à malo in posterum tuta remansit.*

Antequam uterus reponatur, priùs inungendus est mulicagine rad. consolidæ, vel infusione gummi tragacanthi. Postea aspergendi pulueres, qui asperitatem nullam

nullam habeant , ne vterum , aut illius cervicem lædant ; sed glutinandi magis , quàm astringendi vi polleant. Qualis esse poterit in hunc modum præscriptus.

℥. Thuris , mastiches , & sarcocollæ lacte muliebri nutritæ , ana Drach. j. mumia , gummi arabici , acaciæ , hypocistidis , ana Drach. sem. Fiat pulvis tenuissimus , inpergendus vt dictum est.

Idem pulvis ad formam vnguenti admoueri poterit , si cum dictis mucilaginitibus , aut oleo hypericonis , aliòve consolidante permisceatur.

Postquam vterus conuenienter fuerit repositus , omni arte in suo loco continendus est , muliere in lecto remanente aliquantulum inclinata , & cruribus extensis molliter , & ita coaptatis , vt vnum alteri incumbat. Ac per aliquot dies in hoc statu maneat , immisso etiam lanæ , aut bombacis , vel etiam spongiæ frustulo in sinum vuluæ , quod irrigatum fuerit vino austero , aut aqua rosacea , in quibus acacia , aut hypocistis dissoluta fuerit.

Ad huiusmodi retentionem iuuandam , cucurbitulæ sub mammis & vmbilico cum multa flamma frequenter erunt admouendæ.

Tum etiam benè olentia naribus erunt admouenda , & foetida genitalibus subiicienda , nisi mulier hysterica suffocationi sit obnoxia.

Foueantur dictæ partes decocto astringentium , ex vino rubro , & aqua ferrata parato.

Semicupium etiam ex eodem decocto , à Præcticis usurpatur. Quod tamen cautione indiget. Periculum enim est , ne ex illo situ vterus denuò pronoluatur extra suam sedem , potissimum in principio , dum adhuc recens est affectus. Vbi autem diutius ægotantem detinuerit , eaque conuenienti subligaculo

subligaculo præmunita fuerit, non parum conferre poterit.

Post semicupium suffitus etiam erit utilissimus, ex thure, mastiche, sandaracha, & rosis rubris paratus. Alij verò commendant, tanquam specificum, suffitum ex pelle anguillæ sale conditæ.

Injectiones in uterum multò efficacius operabuntur, in remediis quæ exterius admouentur: eæque componentur ex decocto fots, aut semicupij.

Linimenta & emplastra hîc etiam conuenient, quæ in fluxu mensium immodico, & fluore albo fuere descripta, & infra etiam ad abortum præcauendum proponuntur.

Per os assumptis medicamentis astringentibus & roborantibus, vteri retentio etiam adiuari potest. Et inter illa pulvis sequens sæpe sumptus huic affectui peculiariter accommodatur.

℞. Rad. tapfi barbati Drach. ij. fol. myrti, sem. pastinac. domesticæ, ana Drach. j. rasuræ cornu cerui Drach. sem. cineris conchar. Drach. j. coralli rubri Drach. ij. Fiat pulvis. Dosis ℥. j. cum vino austero.

De astringentibus hisce medicamentis tam internis, quàm externis, hoc obseruandum; cautè esse vsurpanda, si menstrua statim periodis adhuc profluant, ne supprimantur, & grauiora mala inde oriantur. Tempus autem huiusmodi remediis magis idoneum est, vbi fluxus mensis præterit.

Ista remedia per duodecim, aut quindecim dies erunt continuanda. Simul que cura est habenda, ne alius pigrior sit, aut laxior. Si enim fæces duræ sint, vterus in iis egerendis faciliè præcipitatur; & fluida nimium alius ligamenta vteri relaxat.

Dum prædicta remedia vsurpantur, causæ antecedenti occurrendum est, iis quæ humores pituitosos, vteri

vteri ligamenta relaxantes, euacuare & discutere valent.

Ac primum purgationes conuenientes instituire oportet. Quæ tamen non sint perturbantes & violenter operantes, ne vterum de nouo præcipitent, adductis in eas affatim partes humoribus.

Nonnulli vomitum probant, quòd humorum fiat reuulsio ad superiora. Et eo nomine quidem esset proficius, ni aliâ ratione esset metuendus. Quod nimirum magno conatu perficiatur, & non minùs quàm sternutatio vterum propellat. Imò verò docuit experientia, nihil esse efficacius ad partum difficilem, & fœtum citò excludendum, quàm vomitorium exhibitum.

Post sufficientem purgationem, decoctum guaiaci per tres hebdomadas exhibendum est, vt singulis diebus manè sudor eliciatur. Vesperis autem fœtus imò ventri adhibeatur ex saluia, origano, maiorana, thymo, matricaria, tanaceto, absinthio, ruta, rosis rubris, radicibus cyperi, calamenti, nucibus cupressi, & similibus, decoctis in aqua fabrorum, & vino rubro. Post fœtus suffitus & linimenta suprà descripta adhiberi poterunt.

Loco sudorifici, vel etiam post vsum illius thermæ sulphuræ, quales sunt nostræ Balneicæ, erunt præstantissimæ: rarumque vsum multas conualuisse comperit.

Vt autem à procidentia, quæ facilè iterum recurrit, fœmina secura sit: aut si nulla perfectæ curationis spes sit, subligaculum adhibendum, quòd vulgo *Zona Hippocratis* nominatur. Hoc enim munitæ mulieres, sine pro lapsus periculo ambulare, & munia quotidiana exercere possunt; tum vterus ab externo frigore defenditur. Paratur autem ad eum ferè modum, quo fasciæ ad herniam parari solent.

Pessaria quoque in deploratis uteri procidentibus utilissima sunt, quæ à nonnullis componuntur ex subere satis oblongo, & cera superinducta. Alij ex sola cera conficiunt, & ex iis nonnulli formâ rotundâ, alij ovali, quadratâ, triangulari, aliâve formâ; quæ in ipsam uteri cavitatem inducuntur, & nunquam eximuntur, atque uterum in suo loco retinent: ita tamen ut mulieres omnia munia consueta exerceant, cum viris sine incommodo coeant, concipiant, utero gerant, & pariant. Quod pluribus exemplis confirmatur à Francisco Rosseto de partu Cæsareo *sect. 6. cap. 5.* & Baubino in *appendice ad Rossetum*. Quæ omnia ad verbum transcripta sunt à Schenkio & Sennerto, capitibus propriis, ubi videri possunt.

C A P V T XIV.

De uteri clausura.

Virgines uteri clausura laborantes atretæ, seu imperforatæ nominantur. Illa autem clausura in tribus locis fieri solet, scilicet in osculo uteri interno, in eiusdem ceruice, & in osculo anteriori, quod vulva nominatur. Generatur verò aut à primâ conformatione, quando membrana quædam uteri orificio, aut ceruici obtenditur; vel à vulnere, aut ulcere præcedente, quibus coalescentibus, fit partium ceruicis uteri, aut labiorum coalitus; vel à tumoribus meatum interiorem obturantibus. Vel denique à compressione, strictura, aut distorsione, quæ pudendi virilis, & seminis ingressum, tum etiam menstruam purgationem præpedire solent.

Diagnos. ex parte facilis est, ex parte verò difficilis. Si clausura sit in externo orificio pudendi, sensibus ip-

lis dignoscitur. Si verò in ceruice, aut orificio vteri, non animaduertitur, nisi dum menstrua erumpere incipiunt, aut fœminæ generationis operi incumbunt. Adueniente nimirum menstruæ purgationis tempore, dolores, & tormina in regione vteri certis periodis sentiuntur, cum ponderis sensu: nullus tamen sequitur mensium effluxus. Coniecturam augebit, si virgo benè habita sit, nullaque cachexia, aut obstructionibus affecta. Perseuerante affectu intumescit vterus, vt virgines grauidæ videantur, & interdum totum corpus, quod etiam liuore quodam, ex redundantia sanguinis, infectum apparet. Si verò clausura ceruicem vteri occupet, in primis coïtibus dignoscitur, quando scilicet pudendum virile non admittit.

Si denique orificium vteri clausum sit, difficile cognoscitur; id tamen peritæ obstetricis manu aliquo modo explorari potest, illiusque coniecturam faciet, si semen virile post eiaculationem statim egrediatur.

Quod ad prognosim attinet. Si clausura sit in orificio pudendi, curatu facilis est, & leui sectione resoluitur. Si verò penitiores partes occupet, longè difficilior em curacionem admittit.

Quando à membranâ meatus clauditur, facilius curatur; quando verò à materia carnosâ sit coalitus, vt post vlcera contingit, curatio est difficilior.

Clausura interior vteri orificium occupans incurabilis est, chirurgica enim instrumenta illic aptari nequeunt.

Curatio vteri clausuræ cum à Chirurgia maxima ex parte petatur, idcò eam paucis expediemus.

Si à primo ortu clausura vteri contracta fuerit, simplici sectione aperienda est. Cuius modus amplâ narratione describitur à Sennerto *cap. proprio*.

Si verò ex vlcere clausura ortum duxerit, vt in lue

venerea contingit; aduertendum est, an sit tantum carnis excreſcentia, meatum non omninò claudens; an integer parietum ceruicis, aut labiorum coalitus. Si enim caro tantum excreuerit, tentandum est, præmissis euacuationibus conuenientibus, primum carnis augmentum prohibere siccantibus & discutientibus medicamentis, postmodum carnem tandem imminuere medicamentis ex thure, aristolochia, cortice thuris, rosis, balauſtiis, mastiche, myrrha, aloë, & similibus. Quæ si non sufficiunt, ad carnem absumentia minùs dolorifica transeundum est, vt alumen vstum, vnguentum ægyptiacum, & similia. Ac tandem, sine hoc quidem hoc modo consumptio obtineri possit, caro in gyrum præcidenda instrumento illo, quo polypi tolluntur. Si verò ceruix vteri omninò coaluerit, tentandum est vlcus nouare, & medicamentis prædictis carnem superfluam tollere. Sin minus, sectio instituenda est, eo prorsus modo, quo naturalis ceruicis vteri coalitus curatur.

Si à tumore aliquo meatus vteri occludatur, propria remedia illi decernenda sunt, qualia in vteri inflammatione, scirrho, & cancro fuere proposita.

Si fiat à compressione ceruicis vteri, vel osculi illius interioris, causa comprimens auferenda, quæ varia esse potest, nimirum calculus vesicæ, tumor recti intestini, omentum pinguius, crura, aut femora distorta, ac diuoricata, quorum curationes à suis locis repetendæ.

In strictura, quo potissimum sit à duritie, vel siccitate, agendum est humectantibus, emollientibus, & laxantibus, semicupiis, fotibus, linimentis & pessariis; sicque relaxatâ parte, immittatur cannula plumbea, vel ex cera albâ optimè concinnata, & butyro, aut oleo emolliente irrigata, quam perpetuò gestet, vel saltem noctu dum decumbit, & interdum immittatur
pessus

peffus ex cotone conuenienter constructus, & inunctus vnguento de althæa, vel simili.

In distortionem eadem ferè curandi methodus obseruanda est: & cannula ita sit conformata, vt in contrariam partem distortionis molliter deflectat: sicque vteri ceruix ad locum debitum paulatim reducetur.

CAPVT XV.

De Sterilitate.

Sterilitatis nomen non ad eò strictâ significatione in hoc loco vsurpatur, vt tantum omnimodum concipiendi defectum, & integram abolitionem significet, sed in ampla & lata, vt omnem concipiendi impotentiam, omneque impedimentum comprehendit. Quando nimirum mulier ea ætate, quâ ad concipiendum habilis esse debet, & viri consuetudine vtens, non concipit. Et talis defectus *ἀγρία*, seu *ἀτενρία* nominatur.

Hæc autem sterilitas, seu concipiendi impotentia à pluribus causis excitatur, quas omnes, clarioris doctrinæ gratiâ, ad quatuor capita reuocare possumus, iuxta quatuor operationes naturales, quæ ad conceptionem perficiendam requiruntur. Quarum prima est, vt mulier in congressu venereo virile semen conuenienter in utero recipiat; secunda, vt semen receptum debito tempore retineat; tertia, vt illud in utero foueat, & conseruet; quarta, vt debitam materiam suppeditet ad embryonis conformationem & incrementum necessariam. Hinc quatuor conceptionis impedimenta oriuntur; si nempe mulier semen non recipiat, non retineat, non conseruet, & non nutriat.

Receptio seminis impeditur à pluribus causis, ex re-

bus naturalibus, nonnaturalibus, & præternaturalibus. repetitis. Inter res naturales primùm recensetur ætas iuëcula, in qua ob exiguitatem, & stricturam partium genitalium, mulier virile pudendum admittere non potest, aut certè nisi cum summo dolore, qui eam concubitum auersari cogat. Eundem effectum præstat ætas prouectior; siquidem in virginibus senioribus partes genitales, defectu exercitij venerei, marcidæ, ac vietæ factæ sunt, ac strictiores redditæ, ut penem virilem facillè postmodum admittere non possint. Quæcunque etiam natura claudæ, distortæ cruribus, vel depressa coccige existit, vix possunt commodâ in concubitu figurâ præstare, quæ ad seminis debitam receptionem necessaria est. His adde pinguedinem nimiam, quæ vias vteri angustat, & aqualiculo prominentiore, iustum & commodè viri cum scemina cōgressum impedit. Ac denique temperies vteri frigidior torpidas mulieres reddit, ut nulla propemodum voluptate in coitu fruantur, aut tardius saltem excitentur; ita ut internum vteri orificium tempestiuè non aperiatur ad semen virile recipiendum.

Inter res nonnaturales animi pathemata principem locum obtinent, ac in primis odium inter coniuges, quo mulier ab huiusmodi voluptate auersa, non suppeditat spiritus sufficientes, quibus turgere debent genitalia tempore congressus, ut matrix quasi gestiens semini virili occurrat, idque benignè excipiat, attrahatque in cauitatem suam; simulque proprio semine in ea voluptate effuso perfundat, & irriget, atque ex amborum commixtione conceptio oriatur.

Res verò præternaturales, quæ seminis receptionem impedire possunt, in morbosis dispositionibus versantur, quæ partibus genitalibus, aut illis vicinis aduenire solent: ut tumores, vlcera, obstructions, astrictiones, clausuræ, distortionēs, calculus vesicæ, & aliæ huiusmodi.

Secundum

Secundum mulierum vitium conceptionem impediens quando scilicet semen non retinetur, vel à nimia uteri humiditate depēdet, quando scilicet uterus multis excrementitiis humoribus refertus est, à quibus laxior factus, non debite constringitur ad semen receptum exacte retinendum, vel orificium illius laxius redditum, nō potest sese sufficienter constringere ad semen retinendum; quod præcipue contingit ex abortu, vel partu laborioso, in quo fibræ uteri diuelluntur, & nimium laxantur cum orificio interno. Illa autem humiditas immodica & à proprio temperamento, & à causis externis humidioribus, ut balneo, otio, victu humidiori, vel præcipue à fluore albo excitari potest; qui quidem fluor albus, siue fluor muliebris frequentissime accidit, cum uterus sit veluti cloaca, ad quā omnes corporis partes suas superfluitates deponunt, ita ut hæc omnium frequentissima, & magis ordinaria sterilitatis causa esse soleat.

Tertia verò causa conceptionem impediens, quando nimirum semen non nutritur sufficienter in utero, ab iis dependet, quæ semen corrumpere apta sunt, ut intemperies uteri quælibet; frigida nimirum quæ semen extinguit, calida quæ spiritus dissipat; humida quæ debitam seminis crassitiem diluit; & sicca quæ semen absorbit: atque ita semen ab huiusmodi intemperiebus corruptum, à naturali sua constitutione deiectum, conceptioni ineptum efficitur. His addunt autores maleficia & incantationes, à quibus conceptionem impediri posse apud omnes in confesso est. Res etiam externæ, seu alimenta, & venena idem præstare possunt, quæ ab autoribus recensentur, nempe inter alimenta; acetum, mentha, sisymbrium aquaticum, fabæ & similia. Inter venena verò, aut saltem deleteriam quandam qualitatem, ad sterilitatem inducendam obtrinentia, lapis gages, vulua capræ, aut mulæ, noctiluca, sapphirus, smaragdus

smaragdus & similia. Ac denique morbi maligni, & labe quadam venefica inquinati semen maxime corrumpere, ac generationi ineptum reddere valent, ut phthisis, elephantiasis, lues venerea, vlcerata foetida & cancrofa.

Quarta denique sterilitatis causa, quando scilicet foemina debitam materiam non suppeditat ad embryonis conformationem & incrementum, ex seminis aut sanguinis menstrui defectu dependet; sic nimis iuuentulae, & vetulae non concipiunt, propter vtriusque materiae defectum. Aetas autem conceptioni idonea vulgo definitur à 14. anno ad 50. Imò verò licet materiae illae non deficient, si dispositiones prauas adeptae sint, generationis incapaces fiunt. Prauae autem illae dispositiones à variis intemperiebus, aliisque morbis induci possunt, tum etiam ex praua victus ratione illaudabilem sanguinem producentis. Sic foeminae multis fructibus crudis & aquae frigidae potu sese ingurgitantes, serosum sanguinem cumulant, generationi ineptum. Fateri autem oportet nonnullas mulieres concepisse quibus nunquam menses effluerat, ut ex plurimorum autorum observationibus colligitur. Verum dicendum est, quòd si in illis mulieribus materia defuerit ad menstruas purgationes efficiendas, non defuit tamen ad conceptionem; sed tanta illius copia colligebatur, quanta superesse solet mulieribus, quae purgantur, licet non suffecerit ad menstruas purgationes.

Causis haecenus propositis adiungi debet certa seminum, virilis, & foeminei improporatio, qua fit ut rectè inuicem commisceri, & in vnam embryonis generationem conspirare nequeant; licet in neutro coniugum aliquis defectus sensibilis non appareat. Et contingit interdum, ut idem vir cum alia muliere, & eadem mulier cum alio viro prolem suscipiat, cum tamen simul

simul iuncti steriles permanserint. Fit etiam ut mulier per decem aut plures annos viro cohabitet, & non concipiat: postea verò concipere, & parere incipiat: cuius euentus causa est mutatio temperaturæ, quæ progressu ætatis fit, ob quam semen aliam temperiem recipit, quæ cum antea seminis virilis temperaturæ improporcionata esset, per ætatis mutationem proportionata euasit. Illa autē improporcio in eo præcipuè versatur, quando viri valdè intemperati, cum mulieribus eodem intemperaturæ excessu laborantibus coniunguntur, putà calidiores viri cum fœminis calidioribus, frigidiores cum frigidioribus; ista enim intemperamentum nullam mediocritatem conciliare possunt duobus seminibus, & aliis causis ad generationem necessariis. Quidam etiam ad qualitates occultas confugiunt, ob quas semina conuenire, aut discrepare asserunt, etiam si nullus primarum qualitatum excessus appareat.

His etiam addunt auctores occultam quandam dispositionem, qua nonnullæ mulieres steriles redduntur, licet nulla causa manifesta appareat.

Signa diagnostica sterilitatis, iuxta quatuor propositas causarum classes percurrenda sunt.

Ac primùm causæ seminis receptionem impediētes difficilem non habent diagnosim, & ipsis, sensibus conspicuæ sunt. Facile enim dignoscitur ætas tenerior, aut prouectior; mala partium vteri vicinarum cōformatio, ut quando mulieres claudæ sunt, vel crura distorta, aut depressam coccygem habent; & pinguedo nimia. Frigiditas verò vteri in tertia causarum classe indagabitur. Odium inter coniuges, ex eorum, & adstantium relato innotescet. Morbi etiam particulares seminis receptionē impediētes, vtrum ores, vlcera, obstructions, astrictiones, clausuræ, distorsiones, partium genitalium exploratione ab obstetrice, vel chirurgo innotescunt.

Ex causis feminis retentionem impredientibus, quæ secundam classem, constituunt, humiditas nimia in tertia classe exponetur; abortus verò, & partus laboriosus ex mulieris relatu dependet.

Tertiæ classis causæ, quæ scilicet semen corrumpere valent, accuratiorem requirunt diagnosim, quam nos in hunc modum persequimur.

Frigida vteri intemperies inde dignoscitur, quòd fœmina coitum non appetit, minori que in eo voluptate afficitur; facies illi mollis, albicans, & obscura est; stupido sensu prædita est circa pectinem; lumbos, & crura; crudum ac tenue semen excernit, & cum exigua voluptate, menses supprimuntur, vel parce atque inordinate procedunt, suntque pallidi, ac decolores. His accedit prægressa victus ratio refrigerans, in fructuum & olerum usu diuturno, & largo frigida potu consistens.

Humidiorem vteri intemperiem arguunt, laxus fœminæ habitus, & mollis; vita sedentaria; fluores albi frequentes, ac fermè assidui, menses copiosi, tenues, & aquosi; coitus inappetentia; lumborum gravitas, ad abortum proclivitas, urina copiosa, & victus ratio humidior.

Calida intemperies cognoscitur ex habitu virili ac robusto, qualis in viraginibus existit; facie rubicunda; pilis ac superciliis nigri; voce forti, ac virili; his addatur iracundia frequens, ad omnes actiones promptitudo nimia, sitis inexplata; urina flava; menstruorum paucitas color ruber obscurus, calor & acrimonia, ut sæpè pudenda exulcerent; pruritus genitalium, magna ad venerem proclivitas; prompta & celer feminis excretio in coitu; pollutiones frequentes, ac libidinosa insomnia.

Siccam verò vteri intemperiem significant; men-
sum

sum paucitas, oris vteri siccitas, pruritus & fissuræ quæ rhagades nominantur; pauca in coitu seminis excretio; ex nimio coitu molestia, corporis gracilitas.

Si ex maleficio seminis corruptela, & sterilitas, contingat, aberunt omnia alia signa, quæ causas manifestas indicare possunt; aderit autem aliquod diuortium inter coniuges, cuius neuter rationem satis appositè reddere potest; imò & interdum seminis vtriusque eiectio, rarò, difficulter & cum labore fit.

Alimenta aut venena semen extinguentia si assumpta fuerint, ex diligenti mulierum interrogatione, & astantium relatu perdiscendum est.

Ac denique morbi maligni semen extinguere valentes, ut elephantiasis, lues venerea, alique propriis signis innotescunt.

Quarta sterilitatis causa, quæ in menstrui sanguinis defectu, aut prava qualitate præcipuè consistit, dignoscitur primò ex nimia totius corporis pinguedine, ad cuius nutritionem sanguis absimitur, & foetui alendo non suppeditatur. Idem ostendit corporis gracilitas, & summa macies. Cum enim sanguis non sufficiat ad corporis nutritionem, vix superesse poterit ad foetus incrementum.

Ac denique ea omnia quæ sanguinem absumere, & multum imminuere possunt, si præcesserint, vel affuerint, eiusdem penuriam in corpore significant; ut labores immensi, vigiliæ immodicæ, ieiunia austera, larga hæmorrhagia, febres acutæ, vel diuturnæ, vlcera fistulosa, & cauteria multum fluentia.

Nimia etiam sanguinis quantitas interdum seminis, atque embryonis nutritionem impedit; obruitur enim semen à nimia illa copia, & vim suam plasticam exercere non potest. Hoc contingere solet in mulieribus

mulieribus plethoricis, ac rubicundioribus, genio & crapulæ indulgentibus, quibus uterus perpetuo quasi madore proluitur.

Praua verò sanguinis qualitas, seu cacochymia ex prauo mulieris habitu, menstruorum colore, aliisque conditionibus alienis? & praua victus ratione prægesta, innotescet.

Seminum vtriusque coniugis improportio difficile cognoscitur. Si tamen ambo calidiori admodum, aut frigidiori temperamento præditi sint, ex illa intemperie improportionem provenire coniiciemus, si aliæ sterilitatis causæ manifestæ non appareant.

Difficilius adhuc cognoscitur sterilitas, quæ ab occulta quadam dispositione dependet, nullis illius causis manifestis apparentibus. Apud autores tamen multa reperiuntur experimenta, quibus internosci possit, an mulier à nativa cōstitutione sterilis sit. Quæ licet omnimodam certitudinem non habeant, coguntur tamen interdum Medici ea in usum reuocare, in gratiam principum, & magnatum, quibus licet sterilitatis causâ diuortium facere.

Hippocrates *Aphorism. 59. sect. 5.* Si mulier, inquit, non conceperit; scire autem velis an conceptura sit, pannus circumtectam infernè suffias. Et si odor videatur per corpus ire ad naves, & os, scito quod ipsa ex se ipsa sterilis non est.

Idem Hippocrates fœminam fœcundam dignosci putat, si caput alij derafum & purgatum in uterum subdatur. Si postridiè odor ad os peruenerit, eam ad conceptionem aptam; sin minus, ineptam esse.

Vel galbanum ad ignem emollitum, sericòque inclusum, muliebris uteri orificio nocte indito, caputque totum linteolo odorato obligato; manè si vertex mulieris galbanum redolet, mulier probè purgata, & fœcunda erit.

Idem

Idem experieris, si parum balsami aquæ admixtum, & bombace exceptum in vterum immiseris, & femori alligaueris; quod si tunc vterus traxerit, fœcunditatis est probatissimum signum.

Amatus Lusitanus, sequens, ut probatissimum laudat: Capit coaguli leporis 3. j. quam aqua calida dissolutam, mulieri in aqua calida existenti, ieiuno ventriculo propinat. Si mulier tunc dolores ventris sentit, fœcundam; sin minùs, sterilem illam pronuntiat.

Multri quoque ex vrina sterilitatem colligere volentes eam hordeo affundunt. Hec intra decimum diem si germinet, pro fœcunditatis nota; si non germinet, pro sterilitatis certo argumento agnoscunt.

Alij denique filiquis, vel fursuri vrinam affundentes sterilitatis notam ex eo obseruant, si vermes in eo generari videant.

Pro huius diagnosis coronide aduertendum est, ac diligenter inquitendum, num viri culpâ aut defectu generatio impediatur. Frustrâ enim mulier multorum remediorum vsu torqueretur. Sterilitas à viro procedens dignoscetur ex morbis partes genitales illius obsidentibus, ut erectione lasa, seminis defectu, testiculorum tumoribus, gonorrhœa, aliisque. Huius etiam rei coniecturam faciet, si vir timidus extiterit, & effœminatus, frigidus naturâ sit, & barba careat, tardè semen excernat, idque frigidum habet; quod tale ab vxore excretionis tempore in vtero sentiatur, nullam, aut exiguam habeat coitus appetentiam, & quàm minimam in eo percipiat voluptatem. Ac denique si causæ præcesserint, quæ semen Infœcundum reddere valeant.

Prognosis iuxta causarum suprâ enumeratarum seriem instituenda est.

Ac primùm ætas tenerior conceptionem non impedit, nisi ad tempus, & illa ætate adultiore expectanda est. Ætas vero prouectior omnimodam conceptionis desperationem inducit. Si tamen adhuc menstrua procedant ordinatis periodis, quædam superesse potest conceptionis spes, sed admodum exigua in his mulieribus in primis quæ quadragesimum ætatis annum excesserunt; quia licet mulieres quæ iuniores pepererunt, in ea etiam ætate concipere soleant; ille tamen quæ nunquam grauidæ fuerunt, exiguam spem habere debent, in ea ætate concipiendi, quia uterus tamdiu otiosus, marcidus ac vietus factus est, & ad concipiendum inhabilis.

Quæ à praua membrorum conformatione sterilitas inducitur, vt in iis quæ claudæ sunt, aut crura distorta habent, vel coccygem depressam, incurabilis est.

Si verò à nimia pinguedine, aut aliqua vteri intemperie non admodum inueterata, sterilitas procedat, curatio sperabilis est, maciem inducendo, & intemperiem corrigendo.

Illa verò quæ ab aliis morbis inducitur, vt tumore, vlcere, obstructione, fluore albo, mensium defectu, vteri prolapsu, phthisi, elephantiasi, lue venerea, aliisque, curatu faciliior, aut difficilior est, prout dicti morbi facilem, aut difficilem curationem admittunt.

Ad curationem huius affectus quæcumque ex causis prædictis eum producere valent; earum remotioni incumbendum est.

Ac primùm angustia partium genitalium ob ætatem iuuenulam curatione non indiget; siquidem ætatis progressu ad conuenientem amplitudinem reduci-tur. Interim tamen coitus abstinentia est necessaria, ab illo

illo enim præmaturo partes istæ à naturali constitutione deiciuntur.

Quæ verò à parua statuta, aut ætate proejectiore procedit, incurabilis est; tentari tamen potest emollientibus, & relaxantibus medicamentis adhibitis, si adhuc menstruæ purgationes profluxerint.

Nimia obesitas extenuante victus ratione, & conuenientibus euacuationibus erit corrigenda.

Si ex praua victus ratione sterilitas dependere videatur, vt in gulosis, ebriosis, aut hydropotis, ad exactam viuendi normam huiusmodi mulieres reducendæ sunt; omnisque excessus tum cibi, tum potus, penitus circumcidendus.

Viragines, & robustiores mulieres ad naturam virorum quodammodò accedentes, vt reddantur aptæ generationi, effœminandæ sunt omni artificio, & ad mores sexui congruos efformandæ, interdictis omnibus eduliis crassioris succi, laboribus, & exercitationibus, ac procurato conuenienti menstruorum fluxu, vt illius immoderatâ copiâ eneruentur ac mollescant. Tum si menstruorum fluxus ad id non sufficiat, frequenti purgatione, ac venæ sectione immuantur humores, & balneis sæpius iteratis, aliisque alterantibus totus habitus humidior & frigidior redatur.

Si ab vteri clausura, distorsione, obstructionibus, tumoribus, aut vlceribus sterilitas producta fuerit; illis prouidendum est remediis in eorum curationibus propositis.

Quæ ab occulta quadam dispositione, eaque natua dependet, incurabilis est, eaque sedulò exploranda, ne frustra remedia vsurpentur.

Si à maleficio, aut incantatione, aut occulta pharmacorum vi, sterilitas inducta fuerit, perexiguus est

medicinæ

medicinæ locus: sed ad preces, atque orationes confugiendum est, quæ à viris pietate præstantibus ardenti animo fusæ, diuinum auxilium eliciunt.

Aduersus tamen pharmaca, occultâ vi sterilitatem inducentia, nonnulla proponuntur ab Autoribus amulæta, quæ proprietate quâdam malignæ huic qualitati aduersantur. Vnde voluit Cardanus, priapum lupi gestatum omnes illas fascinationes dissolvere. Alij valdè commendant adamantem & hyacinthum. Antiqui hypericum vocabant fugam dæmonum. Eadem vis etiam tribuitur scillæ, eryngio, rutæ, sagapeno, ab utroque coniuge gestatis. Deindè huic negotio plurimum conducere certum est, ut huiusmodi fascinati confidenti animo ista contentur maleficia & incantationes aspernari. Tum (si auctor maleficij ignoretur) ut locorum mutatione, domos, cubilia, vestes, & supellectilem relinquant, in quibus vis illa venefica & fascinatoria sæpè absconditur.

Si calidior intemperies sterilitatis causa fuerit, eadè curatio adhibenda est, quæ in calida iecoris intemperie fuit proposita. Quod si maior fuerit caliditatis excessus, ad ea erit recurrendum, quæ pro furore uterino fuere descripta. In quibus tamen remediis caphura non admittenda est, quia fœcunditati plurimum nocere creditur.

Siccitas immodica conceptioem impediens curabitur victu analeptico; & si maior sit consumptio, ad curam hecticorum erit reuocanda, videlicet lactis vsum, balneum frequens, & similia.

At verò omnium frequentissima sterilitatis causa est frigida, & humida intemperies totius corporis & uteri, quam fluores albi sæpissimè comitantur, eorumque curatio specialis ex proprio capite desumenda. Peculiariter verò dictis intemperiebus sequentia adhibeantur

buntur remedia, quæ à prudenti Medico variari poterunt; ita ut magis, vel calefaciant, ut exsiccant, prout vel frigiditas, vel humiditas magis in vitio fuerint.

Ac primum humores pituitosi in corpore restan-
tes, euacuandi sunt purgantibus medicamentis, diure-
ticis & sudorificis. Nec non reuulsiones quædam insti-
tuendæ sunt cauteriis, brachiis, ceruici, aut cruribus
adhibitis. Tum partes principes roborandæ theriaca,
mithridatio, tabellis aromatici rosati, confectio-
ne alkermes & similibus. Nec non purgationes per in-
terualla repetendæ, si cacochymia redundare videat-
ur.

Postmodum ad ea veniendum est, quæ proprietate
specificâ vterum roborare, conceptionem adiuuare, &
veneri stimulos addere nata sunt; quorum innumeræ
apud Autores describuntur formulæ. Nos præcipuas
hic seligemus,

Ac primum opiata in hunc modum componi pote-
rit.

℞. Radic. eryngij & satyrionis saccharo condit. ana
℥.j. zinziberis viridis conditi ℥. β. auellandar. nucleor.
pini, pistacior. an. ℥.vj. nucem moschar. saccharo con-
dit. num. j. sem. ecucæ, & nasturtij, an. ℥.ij. cineris priapi
tauri, renum scincor. & rasuræ eboris, an. ℥.j. confect. al-
kermes ℥.iiij. diambrae, & diamoschi dulc. an. ℥.j. β. am-
brae gris. ℥.β. Cum syrupo condituræ cortic. citri, fiat
opiatæ, de qua capiat ad quantitatem vnius castaneæ in
introitu lecti, bis aut ter in septimana, superbibendo vi-
ni generosi, vel Hippocratici parum.

In forma pulueris sequentia exhiberi poterunt.

℞. Sem. erucæ, sileris montani, an. ℥.β. rasuræ eboris,
cinam. nucis moschat. an. ℥.j. moschi (in iis quæ ferre
cum possunt) gr.iiij. santali albi ℥.iiij. Misce, fiat puluis
detur ℥.j. ex vino generoso. Vel

℥. Sem. erucæ, pastinacæ sylvestris, cinam. nucis moschat. pulueris electar. diambrae, & diamoschi, ana ʒ. j. matricis leporis, testiculi apri, priapi cerui, caryophyll. an. ʒ. β. moschi, ambræ, an. gr. vj. sacchari ad pondus omnium. Misce : fiat puluis, dosis ʒ. ij. cum vino generoso.

Summæ efficaciz creditur secundina mulieris exsiccata, & in puluerem redacta, ad ʒ. j. exhibita.

Alio pro secreto habent puluerem ex hepate & testiculis porcelli, quem solum scropha edidit : eumque sterilitatem arcere asserunt, tam in viris, quàm mulieribus.

Matthiol. in Dioscoridem ammi semen prædicat his verbis. *Ammi legitimi semen, quod ex Alexandria affertur, mirificè præstat ad mulierum sterilitatem. Nam compertum est huius tantum seminis auxilio plures prolificas effectas. Siquidem si propinetur manè dragma pondere ex vino meraco, aut carniem iure in tenuem puluerem contritum, alternis diebus, tribus horis ante cibum, futuram pollicetur prolem. Sed oportet, maritum cum uxore rem habere iis tantum diebus, in quibus illa semen non ebiberit.*

In quibus mulieribus viscerum calefactio timeatur, rasura eboris erit vtilissima, ad ʒ. j. cum vino albo sumpta, per quatuor, aut quinque dies post purgationem menstruam.

Essentia satyrionis à Crollio descripta hîc maxime excellit, si ea ad ʒ. j. vel ij. vsque ad ʒ. j. in vino maluatico exhibeatur.

Eiusdem satyrionis sal est etiam valdè efficax, ad ʒ. β. cum vino maluatico, post purgationes menstruas exhibitum.

Decocta varia in eundem vsum componi solent. Efficacissima sunt quæ sequuntur.

℥. Rad. eryngij ʒ. j. artemisiæ, nepetæ, an. M. j. Coque
in

in vno albo. Detur cyathus vnus manè & vesp̄eri cum
 ʒ. j. trypherae magnae sine opio, per dies nouem.

Quercetanus sequens maximè commendat.

ʒ. Testiculorum arietis præparati in vino, & exsic-
 catorum, matricis leporis eodẽ modo præparata, & ex-
 siccata, macis, cinam. caryophyllor. zinzib. albi, sem.
 ammeos, an. ʒ. ij. croci ʒ. j. ʒ. medullæ nucum commu-
 nium auellandarum, pistaciorum, an. ʒ. iij. Contundenda
 contundantur; & tandem coquantur in ʒ. ij. vini mal-
 uatici ad ʒ. partis consumptionem. Huius decocti ca-
 piat post mensium fluxum ʒ. iij vel iv. manè tribus ho-
 ris ante cibum, idque tribus diebus consequentibus;
 quartâ verò marito inungatur.

Aqua stillatiua sequens est etiam valdè efficax.

ʒ. Cinam. caryophyll. nucis moschat. macis, an. ʒ. j.
 cubebarum, piperis longi, galangæ, zedoariæ, sem. am-
 meos, seseleos, an. ʒ. ʒ. gran. iuniperi ʒ. j. vini albi ge-
 nerosi, aquæ rorisinar. maioranæ, melissæ, an. q. s. Stent
 in digestionẽ sex diebus, & postea distillantur, ac manè
 & vesp̄eri cochlear. ij. vel iij. exhibeantur.

Pena & Lobellius maioranæ tenuioris, delicatioris,
 & minutæ vocatæ oleum stillatitium coagulo leporino
 remistum, & moschi tantillo, tanquam arcanum pro-
 ponunt conceptui facilitando, nulli referandum.

Si mulier saluæ hortensis succi heminam cum mo-
 dico sale potauerit quartâ menstruæ purgationis die,
 deinde post horæ quadrantem viro se commiscuerit,
 infallibiliter eam concipere multi graues viri testan-
 tur. Quo remedio etiam post magnam pestilentiam,
 Ægyptias fœminas ad multam sobolem peruenisse
 Aëtius testatur.

Prædictis remediis internis topica erunt adiungen-
 da. In quorum vsu diligenter erit obseruandum, prius-
 quàm de exsiccatione, astrictione, & corroboracione,

uteri cogitemus, ut attrahantur prius, & expurgentur sordes in illius cauitate contentæ; ne vel in partes nobiles refluant, vel illius substantiæ magis affigantur. Prius igitur utrum expurgantia immittenda sunt, in hunc modum composita.

℥. Diaphœnic. & hieræ picræ, an. ℥. β. terebinthinæ & mellis mercurialis, an. ℥. j. castorei ℥. j. Misce, & ad conuenientem consistentiam artificiosè reducantur, & fiant pessaria in utrum immittenda. Vel

℥. Hieræ picræ ℥. β. agarici trochisc. puluerat. ireos flor. ana ℥. j. mithridatij veteris & diaphœnici, an. ℥. ij. Cum succo mercurialis fiat pessarium linreo obuolutum, quod immitti debet horâ somni & per duas aut tres horas detineri.

Si uterus magnâ excrementorum copiâ luxuriat, pessarium validius immittendum erit, præmissâ iniectione sequenti.

℥. Fol. absinthij, artemis. mercurialis & rutæ, an. M. j. β. pulpæ colocynth. ℥. j. agaric. trochisc. ℥. β. zinzib. & myrrhæ, an. ℥. j. Fiat decoctio in aqua, & vino albo ad ℥. j. in qua dissolue mellis rosat. ℥. ij. Iniiciantur huius decocti ℥. iij. in utrum, continuando per tres aut quatuor dies, manè, & dum ibit cubitum, post fluxum menstruorum. Postea immittatur pessarium sequens.

℥. Hieræ picræ, & benedictæ laxat. an. ℥. j. pulpæ colocynth. agarici trochiscat. an. ℥. β. spicæ nard. sem. nigellæ rom. & fol. sabinæ puluer. an. ℥. j. Incorporentur cum melle anthosato, & includantur panno serico. Fiant pessaria, quorum vnum immittatur in vuluam dum ibit cubitum, & ibi maneat per duas horas, deinde abluatur pars vino albo.

Ad utrum roborandum, astringendum, & exsiccandum sequentia vsurpari poterunt.

℥. Rad. aristol. rotundæ ℥. β. ligni aloës ℥. iij. nucum cupressi

cupressi, & rad. cyperi, an. ʒ. ij. calami aromat. ʒ. j. fol. dictamni cretici, saturæ, & fol. myrti, an. M. j. myrrhæ electæ, styrac. calamit. & benjoini, an. ʒ. ij. ʒ. flor. stœchiad. anthos, & maioran. an. P. j. Coquantur in f. q. vini albi generosi. In colat. lb. j. ʒ. dissolue trochisc. de alipta moschata ʒ. ij. ambre griseæ & moschi, an. g. vj. zibetæ gr. v. Fiat iniectione manè & sero calidè per aliquot dies.

Ante, vel post iniectionem suffumigium sequens usurpari poterit.

℞. Trochisc. garliæ & aliptæ moschat. an. ij. styrac. calamit. benjoini, & ladani puri, an. ʒ. ʒ. ligni aloës & rhodij, an. j. sem. nigellæ rom. cubebar. & caryophyll. an. ʒ. iv. succini & gummi tacam. an. ʒ. j. ʒ. macis ʒ. ʒ. Fiat omnium pulvis, ex quo cum aqua flor. arantiorum, in qua eliquatum fuerit gummi tragac. formentur trochisci: quorum vnus, aut alter supra prunas iniiciantur, & fumus excipiat per infundibulum,

Pauperes suffumigentur cum æquis partibus myrrhæ, thuris, ligni aloës, styrac. benjoin. cinnam. & caryophyllor. Post iniectionem & suffumigium, sequens immittatur pessarium.

℞. Thuris, mastiches, an. ʒ. ij. trochisc. galliæ & aliptæ moschat. an. ʒ. iv. radic. bistortæ, nucum cupressi, rasur. eboris & rosar. rubr. an. ʒ. j. styrac. benjoini & ladani, an. ʒ. ij. calami aromat. & cyperi, an. ʒ. ʒ. Malaxentur cum aqua flor. arantiorum, deinde cum panno lineo raro formentur pessaria duo debitæ magnitudinis; quorum vnus immittatur in introitu lecti, illito illius apice oleo nucis moschatae cum zibera permixto.

Cæterum de allio hortensi refertur, si cum oleo de spica conteratur, & in linteam rarum, oblongi sacculi modo conformatum, intrudatur, ac in vuluam profun-

dè pellatur, cessantes menses potenter moueri, & vterum mri:â voluptate affici, ac repurgari: vt hinc multis facta sit via ad conceptionem, diu antè desperatam.

Ante iniectiones roborantes & suffumigia potest vsurpari semicupium per horam ante lecti introitum, idque in hunc modum compositum.

℥. Rad. bryoniæ, imperat. valerian. ireos, enulæ campan. an. ℥. iij. fol. maioran. artemis. nepetæ, pulegij, mercurialis, saluiæ, lauri, an. M. iv. baccar. lauri & iuniperi, an. ℥. j. Coquantur pro semicupio.

At verò pro balneo thermæ sulphureæ & bituminosæ præstantissimæ sunt, & ad eas quamplurimæ mulieres, tanquam ad asylum, confugiunt.

Post balneum & suffitum, regiones pubis, & perinæi inungendæ sunt sequenti linimento.

℥. Olei nardini & moschatellini, an. ℥. j. β. ol cheirini ℥. β. pulu. electarij diambrae, & diamoschi, ana ℥. j. β. styrac. liquidæ ℥. j. ziberæ ℥. β. moschi, ambræ gris. an. g. vj. ceræ albæ parum. Misce, fiat linimentum, quo inungantur dictæ partes, & interius inungatur zibetâ, aut balsamo Indico naturali. Vel tempore coitus viri penis zibetâ inungatur.

Tandem emplastra perinæi, & lumborum regioni applicentur, quæ gestentur continuò, vel singulis noctibus, vsque ad vltimam, quâ menses erumpere solent, septimanam. Eaque in hunc modum parabuntur.

℥. Massæ emplastri pro matrice ℥. iv. massæ emplastri de mastiche ℥. ij. gummi tacamaacha, & caragænæ, an. ℥. j. plu. rad. tormentil. & bistortæ, an. ℥. iij. pulu. enis myrtill. ℥. ij. pulu. aromar. rosat. ℥. iv. Malaxentur cum ol. cydonior. admixtâ ℥. j. ol. nucis moschat. Extendantur super alutam, & formentur duo emplastra; quorum vnum sit rotundum, pectini adiouendum; alterum quadratum, lumbis applicandum.

C A P V T X V I.

*De morbis acutis & chronicis
prægnantium.*

MOrbi acuti, & chronici prægnantium non aliam habent essentiam, aliâmvē diagnosim, ac dum non prægnantes, aut etiâ viros obsident, ideoque hîc peculiarem eorum Theoriam proponere non opus est; sed illa ex propriis capitibus repetenda,

Prognosis verò illorum morborum eadem non est, quandoquidem in grauidis longè periculosiores sunt, & sæpissimè lethales. Sic apud Hip. *Aph. 31. sect. 5. Grauidam mulierem morbo acuto corripî, perniciosum.* Siue enim cum febre morbus, sit duplex impendet à morbo periculum, vt docuit Gal. *in comm. huius Aph.* vnum à febre ipsa fœtum perimente, alterum à victu tenui, qui ad morbi acuti curationem necessarius est, fœtui autem alendo non sufficit. Siue autem sine febre acutus morbus fuerit, vt epilepsia, apoplexia, tetanus, morbi magnitudini, ac vehementiæ mulier & fœtus resistere nequeunt, neque vehementia remedia, quæ ad illorum morborum curationem requiruntur, ferre possunt. Sciendum tamen est, istam prognosim non esse perpetuæ veritatis. Multas enim mulieres morbis acutis laborantes euadere, tum autorum testimoniis, & exemplis, tum quotidianâ experienciâ notum est.

Chronici verò morbi, vt febres intermittentes, catarrhi, tenesmi, aliquæ abortus periculum minantur: & si eum non inferant, vix ante partum curari possunt, sed vsque ad tempus illius perseverant.

Morbi acuti, & chronici in primis, & vltimis gesta-

tionis mensibus periculosiores sunt, quàm in mediis
 In primis enim mensibus vincula quibus fœtus vtero
 alligatur, sunt imbecilliora, vt faciliùs dinellantur; &
 fœtus tenerior à causis illis præternaturalibus faciliùs
 opprimitur. In postremis verò mensibus, sexto nimirum,
 septimo, & octauo, fœtus grandior multo indiget ali-
 mento, quo in morbis prædictis destituitur. Adde quòd
 prædicta ligamenta non ita firmiter hærent, quemad-
 modum in tertio, quarto, & quinto mense, in quibus
 minus est periculum abortus. Idèd Gal. fœtum in vte-
 ro egregiè comparat fructibus ab arbore pendentibus;
 qui in ortus sui principio tenerrimos habent pedicu-
 los, vt facile à vento aut quauis alia commotione vio-
 lenta excuti possint: dum verò ad maturitatē accedunt,
 minùs firmiter habent, quàm in mediis temporibus.

Curatio etiam prædictorum affectuum in prægnan-
 tibus satis insignem habet diuersitatem circa diætā,
 & magna remedia, venæ sectionem scilicet & purga-
 tionem; quibus addi possunt medicamenta per alias
 vias euacuantia, nimirum menses mouentia, diuretica,
 & sudorifica: quia metus est, ne ab huiusmodi euacua-
 tionibus abortus concitetur. De his ergo tantum hîc
 agere constituimus, reliqua ad peculiaria cuiusque
 morbi capita-reiicientes.

Quod ad diætā spectat. Illa in morbis acutis non
 adeò tenuis imperanda est prægnantibus mulieribus,
 ne fœtus genio suo fraudetur; neque tamen adeò
 liberalis concedenda, vt ea febris promoueatur; sed
 mediā quadam viâ incedendum est, ea tamen cautione
 adhibita, vt in primis gestationis mensibus tenuior vi-
 ctus instituat, in postremis verò paulò crassior, &
 copiosior, quàm fœtus eo tempore maiori indiget ali-
 mento. Si tamen in ea diætā aliquid peccandum sit, sa-
 tius est ad paulò pleniorē victum accedere, quàm
 nimis

nimis exquisitum; ex matris enim & fœtus viribus præcipuè salus speranda est.

Circa venæ sectionem, statim opponitur Aphorismus Hippocr. 31. sect. 5. *Mulier utero gerens sanguine ex vena misso abortit, & præcipuè si fœtus sit grandior.* Et ratio reducitur à Galeno in comment. quia sanguine detracto fœtus suo fraudatur alimento, vnde abortus consequitur. Ex altera verò parte in pluribus prægnantium morbis, præcipuè verò acutis, ut pleuritide, peripneumonia, febre continua, & similibus, plebotomia esse necessariam, & posse administrari, non solum primis, sed etiam mediis, imò & interdum postremis graviditatis mensibus, usu quotidiano ostenditur. Eaque omisâ tum mater, tum fœtus in summum vitæ discrimen coniicitur. Et huic posteriori sententiæ seniores Medici suffragantur, neque ab Hippocratis & Galeni mente dissentiant. Ea enim tantum de causa mulierem gravidam sectâ venâ abortire voluerunt, quia extracto sanguine subtrahitur alimentum fœtui. Si igitur talis venæ sectio dari potest, qua fœtui alimentum nō subtrahatur, nullum ex ea imminet abortus periculum. Talis autem datur primum in prioribus gestationis mensibus, dum fœtus est minor, & minori alimenti copia indiget; tunc enim ipsi alimentum non subtrahitur, præsertim si quædam plethoræ indicia apparuerint. Sicque à primo mense usque ad quintum venæ sectio tuto administrari poterit. In mediis verò & postremis mensibus, maiori circumspectione opus est, quia fœtus maior, maioriq; egens alimento, non ita tuto phlebotomiam ferre potest. Attamen si mulier sanguine abundet, & copiosa admodum non fiat venæ sectio, tuto potest mitti sanguis, quia hinc sedabitur morbus; nec tantum alimentum fœtui subtrahetur, ut hinc mulier abortum incurrat. Si autem aliter

videtur sensisse Hippocrates, animaduertatur quòd modo longè diuerso nos venam secamus, ac antiqui faciebant, qui ad libras, nos vero ad vncias mittimus. Imo vero ad præseruandas mulieres ab abortu, nullum est præstantius remedium, quando is contingit ex nimia sanguinis copia foetus obruente & suffocante, in foeminis, quæ extra grauiditatem menstruis temporibus copiosè eum per plures dies expurgant. Sic Petrus Salius Diuersus lib. de morbis particularibus cap. 22. *Testor ego, inquit, me plurimas ab abortu in quem frequenter inciderant, ex sola sanguinis missione primis mensibus facta, præseruasse. Non ita tamea censendum est de hac sanguinis missione, vel moderata, vel parca in utero gerentibus administranda, ut tanquam non veniat etiam in usum, si copiosè fiat. Interdum etiam in ultimo mense copiosa sanguinis missio facta, non spernendum attulit iuuamentum. Et ego aliquando hanc venæ sectionem copiosè factam in ultimo mense, instante partus tempore, dum utero gerentes ardenti conflictarentur febre, plurimòque abundarent sanguine, tentant; & hinc remissionem febris, ac partus accelerationem sperans, verumque ex sanguinis missione consequutus, summa cum vtilitate administravi, foetusque & matrem unà periclitantem ex hoc solo remedio saluavi. Quod remedium in aliquibus prætermisum, & à Medicis verba solum Hippocratis, & non ipsam rem ponderantibus, neglectum, fuit in causa, ut conceptus sæpè unà cum matre, à plenitudine & feruore sanguinis suffocatus, miserabiliter perierit. Hæc Salius. Amatus Litanus curat. 57. sect. 1. mulieri annos octo decim natæ, semestrem vterum gerenti, & causone laboranti, quater venam aperuit cum fœlici successu. Et Roder. à Castro lib. 3. de morbis mulierum, cap. 21. scribit, se mulieri Vlyssiponensi in octauo mense pleuritide correptæ, & ab aliis Medicis pro deplorata relicto, qua-*

ter etiam sanguinem misisse, eamque conualuisse, ac filium sanum peperisse. Ac denique, si nobis aliquid ex propriis experimentiis depromere liceat, sequentem historiam, quæ insignis est, & notatu dignissima, hîc annotabimus. *Vxor Ioannis Vieules ciuis Monspeliensis, tres abortus consequentes passa fuerat variis temporibus gestationis: dum quarto gravida esset, circa finem mensis secundi, correpta est iisdem ventris, & lumborum doloribus, qui aliorum abortuum prodromi esse consueverant. Vocatus ad eam, & aduertens mulierem sanguineo temperamento præditam, & plethoricam, statim sanguinem mitti iubeo ad Vnc. iv. & intra dimidiam horam prædicti dolores omnino quieverunt, & mulier ita benè habuit, ut reliqua remedia, ad præcautionem abortus à me præscripta, admittere noluerit. Illa autem symptomata apparuerant eo prorsus tempore, quo ipsa extra graviditatem menstruas purgationes pati consueverat. Tertio demùm graviditatis mense, eâdem periodo, similia redeunt symptomata. Illa me statim vocatum, rogat ut iterùm venæ sectionem præscriberem, cùm præterito mense adeò præsentaneum lenamen ab ea percepisset. Me igitur votis ipsius annuente, sanguis denuò mittitur, pari prorsus euentu. Quarto itidem mense, quinto, sexto, septimo, & octavo, iisdem symptomatis periodicè recurrentibus iterata fuit phlebotomia, & mulier statim liberabatur. Vltima phlebotomia celebrata fuit octo diebus ante principium noni mensis, cum eodem fructu; & circa finem noni mensis dicta mulier peperit filium vitalem, & benè habitum.*

Non est tamen quòd hisce exemplis persuasus iunior Medicus, audacior fiat in sanguine mittendo postremis gestationis mensibus. Sed morborum & mulierum habitus diligenter oportet circumspicere, ut illis remedia conuenienter aptari valeant. Hoc perpetuò in memoriam

riam reuocans, peccata omissionis leuiora esse peccatis commissionis, & satius esse in re dubia infra subsistere, quàm ultra debitos limites progredi. Attamen ubi manifestas sanguinis mittendi indicationes intuetur, præmonitis astantibus, multò maius ex morbi sæuitia, quàm ex venæ sectione, tum abortus, tum vitæ matris ac fœtus imminere periculum; audacter sanguinem detrahet; hoc nihilominus aduertendo, vt sanguinis missio sit parciore, non copiosa, quæ fœtui alimentum subtrahere possit. Et si multitudo sanguinis largiorem eius detractionem desideret, partitis vicibus, non semel, id exequendum erit.

Prædictus igitur Hippocratis Aphorismus non absolute venæ sectionem interdicit, sed tantum admonet, vt Medici cautiores sint in ea celebranda. Quod à Cornelio Celso eleganter proditum est lib. 2. cap. 10. his verbis. *Antiqui primam, ultimamque ætatem sustinere non posse hoc auxilij genus iudicabant. Persuaserantque sibi mulierem gravidam, quæ ita curata esset, abortum esse facturam. Postea vero usus ostendit, nihil ex his esse perpetuum, aliasque potiores obseruationes adhibendas esse, ad quas dirigi curantis consilium debeat. Interest enim, non quæ ætas sit, nec quid in corpore intus geratur, sed quæ vires sint. Ergo si iuuenis imbecillus est, aut si mulier, quæ græuida non est, parum valet, malè sanguis emittitur. Emoritur enim vis si quæ supererat, & hoc modo erepta est. At firmus puer, & robustus senex, & græuidam mulier valens, tuto curantur. Hæc Celsus. Recentiores quidam ausi sunt venas inferiores aperire in græuidis mulieribus, ad curationem epilepsiæ ex utero, bubonis venerei & pestilētis, imò & abortus præcautionem; vt videre est apud Zacutum Lusitanum in Praxi med. mirac. obser. 23. lib. 1. & obseru. 130. & 151. lib. 2. Qui propriis & aliorum experimentis ostendere nititur, eam phlebotomiam*

phlebotomiam posse tuto celebrari. Quæ prudentibus Medicis pensanda relinquo.

Diximus ab initio huius capitis, nullam esse diuersitatem in affectibus prægnantium curandis, nisi circa magna remedia; quæ in iis ita determinanda est, ut nimirum affectus, qui non grauidas occupant, ut vomitus, inappetentia, & similes, in non grauidis magis indigeant purgatione, quam venæ sectione, quia fiunt à cacochymia in ventriculo, & toto corpore redundante: in prægnantibus verò magis egeant phlebotomia; quia fiunt ex sanguine retento ab ipso grauiditatis initio. Et docuit experientia vomitum, qui prægnantes frequenter infestare solet primis gestationis mensibus, à purgationibus exacerbari; à venæ sectione verò plurimum subleuari; imò verò in totum auferri, si usque ad solutionem symptomatis singulis mensibus iteretur,

Purgationis verò usum in grauidis mulieribus definiuit Hippocr. *Aph. I. sect. 4. Vtero gerentes, inquit, sunt medicandæ, si materia turget, quarto mense, & usque ad septimum. Sed ha minùs; à iuniori autem fœtu, & seniori cauere oportet.* Galen. *in comm.* dicit eandem esse proportionem fœtus, & fructuum arborum. Hi siquidem in prima generatione debilioribus pediculis continentur, & ideo facilè decidunt, quando vehementior ventus ipsos concusserit. Postea verò aucti difficilem habent à plantis dissolutionem. Sicuti rursus cum perfecti sunt, sponte suâ sine vi extincta decidunt. Eodem modo mulieres primis & vltimis mensibus abortum patiuntur, quia in illis fœtus minùs firmiter utero alligatus est. Attamen nostro hoc sæculo purgationes quolibet fere grauiditatis mense administrari solent, in morbis qui excrementorum dominatu, & cacochymia producuntur, turgente, vel concoctâ materiâ; quotiescumque maius impendet periculum ex parte illius cacochymiae

cacochymia morbum committentis, quàm ex commotione à purganti medicamento excitata. Audaciores hac in parte Medicos fecerunt blanda & innoxia medicamenta, quibus hodie utimur, ut sunt rhabarb. myrobalani, cassia, manna, senna, agaricus, & similia. Attamen habenda perpetuò ratio sententiaë Hippocratis; tutiusque mediis mensibus, cautiùs verò primis & ultimis purgantia medicamenta esse exhibenda. Præterea pilularum usus in gravidis perpetuò debet esse suspectus; tum quia corpus magis conturbant, tum etiam ratione aloës, quæ propter insignem amarorem fœtui infensa est, & ora venarum aperire creditur. Quòd si aliquando illius usus necessarius videatur in grauioribus ventriculi affectibus, qui prægnantes non raro primis gestationis mensibus infestare solent, lauetur diligenter cum aqua rosacea, ut eius acrimonia tollatur; vel admisceatur astringentibus, & roborantibus, ut rhabarbaro, mastiche & similibus.

Euacuatio autem quæ fit per clysteres, non omninò tuta est, quia comprimendo vterum potest abortum excitare. Vbi igitur illius opus fuerit, & in mulieribus assuetis huic remediorum generi, in minori quantitate componi debent, & ex iis quæ molliendi & leniendi potius, quàm validè purgandi facultate prædita sunt.

Denique de sudorificis, diureticis, & mensibus mouentibus ita pronuntiandum est; menses mouentia proprie dicta in gravidis nunquam esse usurpanda. Diuretica verò, quia menses quoque mouere apta sunt, debent esse suspecta; & si morbi necessitas aliquando eorum usum postulet, leuiora erunt eligenda. Ac denique sudorifica tutius administrari poterunt, quia per habitum corporis humores educunt, vnde nullum

imminet

imminet abortus periculum. Ita ut nonnullæ mulieres in media grauiditate à lue venerea, illæso fœtu, liberatæ fuerint.

CAPUT XVII.

De Abortu.

ABortus est immaturi fœtus exclusio, atque aded fœtus mortuus in utero, non dicitur abortus, donec excludatur. Siue ergo fœtus viuus, siue mortuus excludatur, qui nondum maturus est, neque debitum accretionis, quam in utero recipere debet, terminum attigit, abortus dicendus est.

Causæ abortus aliæ internæ sunt, aliæ externæ.

Internæ ad quatuor capita referri possunt, nempe ad humores, ad fœtum, ad uterum, & ad morbos matris.

Humores abortum efficere possunt, dum quantitate, vel qualitate peccant.

Quantitate peccant excedente vel deficiente.

Quantitas excedens reperitur in plethora; sanguis enim copiosior, quàm ad fœtus nutritionem requiritur, ad uteri venas fluit, & instar purgationis menstruæ excluditur, simulque fœtum elidit.

Quantitas deficiens humoris alibilis ex iis causis procedit, quæ fœtui alimentum subtrahere valent, ut inedia, siue voluntaria sit, siue coacta, ut cum grauidæ omnem cibum auersantur, aut vomitu reiiciunt; tenuis diæta in morbis acutis, immodica sanguinis euacuatio per nares, hæmorrhoides, uterum, vel phlebotomiam immodicam, vnde Hipp. Aph. 34. sect. 5. *Mulierem utero gerenti, si alius multum fluat, periculum est, ne abortiat.*

riat. Huc referenda est summa totius corporis gracilitas, in qua tantum sanguinis non suppetit, ut fœtui alendo sufficiat. De quo Hippocr. *Aph. 44. sect. 5. Quæ præter naturam tenues uterum gerunt, abortiunt, donec habitiores euaserint.*

Ratione fœtus abortus accidere potest, si sit nimis grandis, ut propter molem in utero contineri non possit; hinc sæpè contingit paruas mulieres abortum pati, præsertim si viris grandioribus iungantur, quorum soboles magnum incrementum capeffit, & non habet satis amplum locum ad illud perficiendum, unde Hipp lib. de superfœt. *Mulier, inquit, si quæ concipiat quidem, & frequenter, sed fœtus bimestres, trimestres, aut quadrimestres, & vetustiores statò tempore semper & certo excutit, illud est referendum ad uteri angustiam, quæ augescentem fœtum amplius continere non potest.* Numerus etiam excedens abortum efficere potest, ut si duo, tres, vel plures in utero contineantur, periculum est, ne uterus nimia sarcina grauatus, illos præmaturè excludat, unde frequens fieri solet gemellorum abortus. Mortuus etiam fœtus ad hanc classem referri potest, ad cuius exclusionem natura continuò insurgit.

Ratione uteri abortus contingit, si non sit satis amplus, & capax, ut sufficienter dilatari possit pro incremento fœtus, quemadmodum suprâ relatum est ex Hipp. de superfœt. Tum etiam si aliquid præternaturam in utero succreuerit, ut inflammatio, tumor scirrhosus, abscessus, & quamplurimi alij morbi. Ac denique si uterus sit humidior & laxior, ut fœtum satis commodè continere nequeat.

Ratione morborum matris, duplici ratione abortus contingere potest. Primò, cum morbi fœtui communicantur, à quibus extinguitur, vel ita debilitatur, vis
conueniens

conueniens nutrimentum, aut incrementum recipere nequeat, quales sunt febres continuæ, & intermittentes, lues venerea, & alij complures. Secundò cum à dictis morbis magnæ euacuationes, aut graues corporis commotiones excitantur, vt hæmorrhagiæ copiosæ, à quacumque corporis parte fiant; alui profluvia, grauis syncope, epilepsia, vomitus, & tenesmus; qui supra omnes alios morbos abortum efficere consuevit, quandoquidè à frequenti ac ferè continuo egerendi conatu, qui tenesmum perpetuò comitatur, muscoli abdominis assidue contrahuntur, & vterum magis comprimunt, quàm intestinum rectum, cui superiacet, & ex continua illa compressione, fœtus exclusio tandem subsequitur.

Causæ externæ abortum promouentes, aliæ fœtum enecant, aliæ cibum illius subtrahunt, aliæ fœtus acetabula, quibus vtero alligant, dissoluunt.

Fœtum enecant animi commotiones graues, vt ira, tristitia, terror, &c. cib ardentè expetiti & denegati, medicamenta cathartica fortiora, menses mouentia, partum adiuantia: quæ fœtum enecare creduntur; odores tetri, & præcipuè fumus extinctæ lucernæ.

Cibum fœtui subtrahunt, inedia, & immoderata sanguinis euacuatio, præcipuè dum fœtus est grandior, docente Hippocr. *Aph. 60. sect. 5.*

Vteri acetabula dissoluunt, exercitatio vehemens, saltatio, cursus, equitatio, aut vectio durior, qualis est carrucarum; grauioris oneris gestatio, aut è terra eleuatio, casus violenter concuriens, ictus ventris fœtum contundens, abdominis motus vehemens, à tussi, vomitu, alui fluxu, sternutatione, conuulsione, clamore, & immoderata venere, aut petulante. Ac denique motus brachiorum vehemens, aliquid violenter attrahendo, rotam agitando, aut aliquid simile agendo

abortum maximè promouere potest.

Signa abortus præsentis per se manifesta sunt. Abortum verò præcedentia & illum futurum demonstrantia hæc sunt: lumborum, cõxarumque grauitas insolita, & ad motum segnities, appetentia deiecta, rigor aut horror per vices recurrens; capitis dolor, præsertim circa oculorum radices; laterum, ventrisque superioris constrictio; mammarum detumescentia, & extenuatio, vnde ex Hipp. *Aph. 37. sect. 5. Si mulieri utero gerenti mæmæ subito extenuentur, abortus sequitur.* Significat enim mammarum illa extenuatio sanguinis defectum in venis utero, & mammis communibus, ob quem fœtus periclitatur. Si verò à causa aliqua externa abortus concitetur, vnde sequatur violenta fœtus agitatio, & vasorum disruptio, cum dolore illarum partium, spiritus, & sanguis ad partes genitales ruunt, quibus mæmæ destitutæ, extenuantur. Prætereà lac copiosum è mammis effluens partum imbecillum, & hinc metum abortus indicat, ex Hippoc. *Aphor. 52. sect. 5.* Si verò dolores frequentes, & ferè continui renes & lumbos excrucient, qui versùs pubem, & os sacrum exporrigantur, cum quodam ex utero egerendi conatu, certum imminētis abortus indicium est. Dolores enim illi membranas, & ligamenta, quibus fœtus utero alligatur, tendi ac diuelli significant. Quòd si dolores illos, & conatus sanguis purus, vel serosus, vel aqua ex utero profluens, subsequatur; abortum instare, & disrupta vasa ac membranas, atque os vteri apertum esse significat. Eodem tempore situs fœtus mutatur, & qui antea sublimis, & fastigiatus, ventris medium occupabat, iam conglobatus versùs pudendâ prouoluitur: tum etiam non rarè grauià symptomata consequuntur, vt rigores, tremores, cordis palpitationes, animi deliquia, hæmorrhagiæ copiosæ.

His addere licet quod docuit Hip. 2. *epid. text. 71.* quod si à causis paternis violentioribus, puta ictu, vel casu, & similibus, vehemens dolor, & perturbatio, in grauida excitetur; statim, vel saltem eadem die sequitur abortus; si verò minor fuerit vis causæ externæ, ad tertium diem abortum differri posse, quo elapso cessat abortus periculum, quia vulnera huiusmodi tertio, ad summum quarto die recrudescere solent, vel admodum mitigati, vnde foetus denuò in utero confirmatur & retinetur. Quod præceptum maximi est in praxi momenti, ut prægnantes mulieres post violentum causæ alicuius externæ insultum, in lecto per triduum, aut amplius quiescant, remedia abortum prohibentia vsurpent.

Prognosis abortus varia institui potest in hunc modum.

Ex abortu mulieres magis periclitantur, quam ex vero partu, quia violentior est, ac tempore alieno fit. Ut enim in fructibus maturis pediculi ab arbore laxantur, & fructus spontè decidunt: ita in partu naturali vasa, & ligamenta quibus foetus utero alligatur, spontè laxantur, & solvantur, quæ in abortu spontè abrumpi necesse est.

Quamplurimæ mulieres propter abortum steriles euadunt, ob insignes lacerationes, quæ uteri dispositiones omnino euertunt.

Insignes hæmorrhagiæ, ad quas syncope, deliria, & convulsiones sequuntur, mortem inferre solent; & testatur Aretæus se nullas vidisse seruatas ex iis, quibus in abortu, aut post abortum, convulsiones superuenerunt.

Inflammatiō uteri ex abortu contracta ut plurimum lethalis. Sanguis enim in uterū magnā copiam affluens, non expurgatur, sed in eo putrescit, & ad superiora regurgitat, vnde febres æstuosæ, palpitationes cordis, catarrhici, aliæque symptomata suprà enumerata.

Aborsus in primipara periculosior, quia inassueta doloribus, & angustiores habent istas vias, diutius ac vehementius torquetur.

Mulieres admodum graciles aut crassæ in abortu magis periclitantur: illæ quidem propter infirmitatem, hæ verò propter constrictionem viarum per quas excluditur fœtus.

Aborsus periculosior est, sexto, septimo, & octavo mense, quia tunc grandior fœtus maiori cum molestia & difficultate excluditur.

Fœminæ quæ laxiorem & humidiores uterum habent, sine noxa ut plurimum abortiunt primis, potissimum mensibus; quia partes istæ facillè cedunt, unde minor sequitur molestia.

Hippocrates 2. *epid.* asserit abortum sexaginta dierum masculinum conferre in mensium suppressionibus. Per mensium suppressiones, intelligit tantum diminutiones, quando scilicet mulieres sufficienter aut commodè non purgantur mensuris periodis; per huiusmodi enim abortum aperiuntur viæ illæ obstructæ, & sanguis allicitur versùs uterum, qui parcius antea fluebat. Huius Hippocratis sententiæ veritatem observasse videntur nostrates mulierculæ, quæ in abortu paucorum mensium, vernaculo sermone, & velut adagiali pronunciant: *La femme avortade es miege empreignade*; id est, fœminam abortum passam semiimpregnatam esse.

Curatio abortus in præservatione posita est; qui enim iam factus est, restitui non potest. At quæcunque eum consequuntur symptomata, cum symptomatis enixarum communia sunt. Illa autem abortus præcautio duo præcipua habet capita. Vnum extra graviditatem: alterum in graviditate.

Extra graviditatem omnes prævæ corporis dispositiones

tiones, quæ abortum concitare solent, remouendæ sunt: vt plethora, cacochymia, & peculiare vteri morbi, v.g. intemperies, tumores, vlcera, & similia.

Plethora, & nimia sanguinis copia, vteri venas reſeruat, aut foetum intus ſuffocat. Huic, ſi pura & ſimplex fuerit plethora, ſanguinis miſſio medetur, quæ illius redundantia ſatisfaciat.

Cacochymia verò, aut bilioſa eſt & acrimoniae pariceps; vt venarum orificia aperiat; aut naturam ſtimulando, expultricem excitet, quâ etiam foetus vnâ cum noxiis humoribus excludantur; aut propter excrementorum copiam in prima regione cumulatam, ventrem diſtendendo, foetum ſuffocat; aut in toto corpore ſanguinem vitiat, & foetui alendo inutilem reddit; aut nimiam humiditatem foetus retentionem impedit, vel vteri acerbula mucore plena reddit.

Huic cacochymia medebitur etiâ pliebotomia, ſed pariori manu celebrata, cum præcipuum curationis caput ſit, frequenti purgatione ſuperuacanea corporis excrementa detrahere. Quibus interiiciuntur ea, quæ viſcerum intemperies, humorum acrimoniam, ſi adfuerit, demulcent, vel tenuitatem iacraſſant. Aut ſi humores pituitoſi luxurient, ſudorificis, diureticis, aliſque remediis erunt diſcutiendi. Hic tamen ſedulo obſeruandum, in quacumque cacochymia cauteria mirum in modum prodeſſe ad præcauendum abortum: quod ſpeciatiim annotat Zacutus Luſitanus hiſ verbis. *Feliciſſimo experimento obſeruauimus, frequentem abortum ex vitioſis humoribus ad vterum à toto demandatis, ſuaque praua facultate, vel copia foetum enecantibus, hoc ſolo præſentaneo auxilio impediri. Fœmina plures hac ipſa de cauſa frequenter abortiebat. Ex iis quadam foetum ſeptimeſtrem, quaſtremeſtremve, lacerna tamen, & omni putrilagine infectum, ſapius enixe, non niſi hoc præſi-*

dio, tam in brachiis, quàm cruribus, semper tamen ad originem fluxionis celebrato, à tantis malis lenari potuerunt, & debito ac constituto tempore fœtus sanos, & nulla labe fœdatos in lucem edidère.

Peculiari vteri vitia, vt nimia humiditas, tumores, vlcera & similia, erunt auferenda remediis in propriis cuiusque affectus capitibus descriptis.

In grauiditate, si eadem causæ adfuerint, maior est difficultas; quia prægnantes non ita faciliè quæcunque ferre possunt remedia. Ne tamen auxiliis destitutæ, in summo abortus & vitæ periculo versentur, quædam remedia vsurpanda sunt.

Præsentē igitur plethôra, etiam in grauida muliere, sanguis detrahendus est, primis potissimum mensibus; idque bis aut ter, si opus fuerit. Hoc perpetuò obseruando, ne magnâ copiâ vnicâ vice detrahatur. De qua sanguinis missione fusiùs egimus præcedenti curatione.

Vbi verò insignis cacochymia redundauerit, purgatio blanda frequenter iteranda est, mediis præsertim mensibus gestationis. Et si intemperies humida, catarrhosa, mucosa, vel flatuosa infestauerit, ad diætam sudorificam in robustioribus, saltem leuiorem, transcendere aliquando licet.

Interim toto gestationis decursu astringentia & roborantia, quæ abortum prohibere nata sunt, in vsum reuocanda sunt. Quorum non pauca in fluxu mensium immodico descripta sunt, hisque sequentia vtiliter addi poterunt.

℞. Granor. tinctor. rad. tormentillæ, ana ʒ. iij. mastiches ʒ. j. β. Fiat puluis, de quo per intervalla detur ʒ. β. vel quantum in cuspide cultri contineri poterit.

Vel

℞. Coralli rubri Drach. ij. granor. kermes, ossium da ctyl.

daetyl.an. 3. j. rasuræ eboris 3. β. margarit. non perforat.
 3. j. Fiat pulvis.

Vel grana aliquot mastiches singulis diebus manè deuorentur.

Nostrates mulierculæ in frequenti vſu habent semen plantaginis, quod manè ad 3. β. circiter assumunt cum vino diluto, ouo, aut iusculo; vel per se singulis fere diebus, toto gestationis tempore, non sine fructu.

In eundem vſum opiata componuntur valde efficaces, quarum exemplum sequens esse poterit.

℞. Conseruæ ros. 3. ij. cortic. citri condit. 3. vj. myrobal. conditor. pulpæ daetyl. an. 3. β. coralli præp. marg. præp. & rasuræ eboris, an. 3. j. Cum syrupo cydon. fiat opiata, de qua capiat magnit. castaneæ frequenter.

Si forma liquida magis arrideat, decoctum tormentillæ cum conserua rosarum viriliter exhibeatur.

Tabellæ sequentes sunt vtilissimæ. Siquidem roborant, & corpus ab excrementis sensum liberant, licet aliquando sensibilibus non euacuent.

℞. Macis, trium santal. rhab. sennæ, corall. margaritar. an. 3. j. sacchari in aqua rosar. dissoluti 3. iv. Fiant tabellæ, pond. 3. iij. Capiat vnam bis in septim. per se, vel in paucis iusculo dissolutam.

Exteriùs verò admonenda erunt vnguenta, & emplastra, in hunc modum composita.

℞. Picis naualis 3. β. thuris 3. j. mastiches 3. β. sanguinis drac. & ros. rubr. ana Drach. ij. Fiat ceratum. Vel

℞. Olei myrtini & mastich. ana 3. j. santali rubri, citrini, hypocistidos, acaciæ, an. 3. β. spodij, rosar. rubrar. an. 3. ij. boli armen. terræ sigillat. rasuræ eboris, ana 3. ij. terebinth. cum aqua plantag. lotæ 3. j. ceræ q. s. Fiat ceratum, quod supertendatur linteis, & renibus applicetur.

Emplastra componuntur ex massa emplastri promatrice, & contra rupturam, regioni pubis & lumborum applicanda; vel in sequentem modum.

℥. Massæ empl. pro matrice ℥. iij. rad. bistortæ, acaciæ, hypocist. cortic. malor. granat. ana ℥. β. ladani ℥. vj. Malaxentur cum succo cydon. & fiat massa emplastri ad usum dictum.

Circa emplastra hoc animaduertendum, ea non diu esse gestanda, sed per interualla remouenda. Alioqui diutius lumbis affixa adeò renes calefaciunt, ut miserræ mulieres aliquando urinæ ardore afficiantur; vel calculos, arenulas, & interdum sanguinem mingant.

Neque omittenda sunt ea, quæ ex proprietate fœtum retinere dicuntur; ut lapis ætites de collo suspensus, magnes umbilico admotus, coralla, iaspides, smaragdi, ossa de corde cerui legitima, & similia sub axillis gestata, vel de collo suspensa.

Zacutus Lusitanus *obs.* 152. *lib. 2. Praxis adm.* inter cætera commendat zonam, ex corio equi marini confectam; & illius defectu corium lupi utiliter usurpari posse asserit.

Ut autem horum remediorum felix possit esse euentus, summa quies imperanda est, tum corporis, tum animi; tum etiam coitus abstinentia, qui vterum vehementer exagitat. Dum enim se vterus aperit ad comprehensionem seminis, quo maximè oblectatur, fœtum recentem, & nondum firmiter adhærentem propellit.

Si verò non obstantibus remediis prædictis, propter causæ vehementiam, siue illa interna fuerit, siue externa, abortus immineat, sequentibus auxiliis illi erit succurrendum. Ac primùm dolores & tormina quamprimùm apparuerint in ventris fundo, versùs pubem, in umbilicis & osse sacro, eorum sedationi incumbendum est,

est, tam sumptis, quàm admotis, pro varietate causarum adhibitis. Si enim ob cruditates & flatus excitetur abortus, (quod est frequentissimum, quando incipit, à causa interna,) exhibendus erit pulvis ex aromatico rosato, & sem. coriandri compositus. Imò aqua imperialis exhiberi poterit, si maior sit pituitæ, & flatuum congeries.

Eodem tempore applicentur abdomini carminantia, ut sacculi ex sem. anisi, fœniculi, fœnugræci; floribus chamom. sambuci, anthos, & stœchados compositi. Vel placenta rosacea frixa in sartag. cum vino generoso, & pulvere nucis mosch. & coriandri conspersa. Vel omentum veruecis recenter mactati, aut palmo eiusdem calidè admotus.

Si hisce dolores non cesserint, iniiciatur clyster ex vino & oleo confectus, in quo philonij Rom. 3. ij. dissolui poterunt. Aut etiam narcotica per os, in minori dosi exhiberi, ad frænandum flatuum, & humorum impetum, ut in colico dolore fieri consuevit.

Si verò propter dolores contumaces, aut causæ externæ violentiam sanguis apparere incipiat, reuellentia remedia administranda sunt. Ut frictiones superiorum partium, & ligaturæ dolorificæ, tum cucurbitulæ scapulis, sub mammis & utrique hypochondrio admotæ. Imò verò si mulier fuerit plethorica, non erit abs re sanguinem detrahare, tum apparente sanguine, tum præcipuè antequam appareat, & partitis vicibus, non assatim educere.

Quæ si non sufficiant, fluxu sanguinis perseverante, ad astringentia veniendum est & incrassantia, tum alimenta, tum medicamenta; atque ita pulveres & opiatæ supra descriptæ exhiberi poterunt. Tum etiam succus plantaginis recenter extractus, necnon syrupus de papau. ad Vnc. j. cum pulvere boli armeni, aut sanguinis

draconis.

Exteriùs verò admoueri poterunt fots astringentes & roborâtes, ex corticibus granat. nucibus cupressi, calycibus glandium, balaustiis, acinis vuarum, & similibus in aqua fabrorum & vino rubro decoctis.

Vel sacculus rosis & balaustiis impletus, coquatur in vino rubro, & ventri calidè applicetur.

His etiam accedere possunt cerata & emplastra prædicta. Vel ad magis astringendum, fiat cataplasma ex pulueribus astringentibus, cum terebinthina & albuminibus ouorum, quod extendatur super stupas, & vnum applicetur vmbilico, alterum renibus calidè. Stupæ applicandæ vmbilico, madeant in vino; applicandæ renibus, in aceto.

Sequentia duo remedia pro secreto habentur, & fœtum certò retinere creduntur, si antequàm fœtus à cotyledonibus diuulsus fuerit, vsurpentur.

℞. Folia auri num. xij. spodij Drach. j. germina trium ouorum non subuentaneorum. Misceantur probè, donec aurum sit in minutissima diuisum. Postea dissoluantur in dimidio cyatho vini albi, & detur manè per triduum.

Eodem tempore sequens cataplasma admoueaturn.

℞. Thuris masculi puluerati ℥. ij. albumina ouorum num. v. Agitentur simul super priinas, semper mouendo ne concrecant. Addendo terebinthinam, ne nimis adhæreant. Postea stupis excipiantur, & quantum ferre poterit, calidissima vmbilico applicentur bis in die, manè & serò, per triduum prædictum.

CAPUT XVIII.

De partu difficili.

Partus difficilis appellatur, qui debitas atque ordinarias naturæ leges non servat, in eoque longius tempus infumitur, & dolores subito vehementiores, aliaque symptomata grauiora eum comitantur.

Plures illius causæ assignari possunt, tum internæ, tum externæ. Internæ dependent vel à matre, vel ab utero, vel à fœtu.

Ex parte matris partum difficillem reddere potest, debilitas totius corporis, vel natiua; vel propter aetatem, ut in iuueniculis, & vetulis; vel ob morbos quibus in graviditate mulier afflicta fuit, aut adhuc affligitur. Ad hoc etiam conferre potest macies, & siccitas nimia totius corporis, vel pinguedo, & crassities vias uteri comprimens, & angustiores efficiens; ossium uterum ambientium mala conformatio, ut in claudicantibus, flatus intestina distendens; calculus, aut tumor præter naturam vesicam occupans, uterumque comprimens; & pulmonis, aliarumque partium respirationi inferuentium praua constitutio, quia spiritus cohibitio ad fœtus exclusionem valde necessaria est.

Ex parte uteri, varij illius morbi partum difficilem reddere possunt, ut tumores, ulcera, obstructions, astrictiones, obturationes à causis præternaturalibus oriundæ.

Ex parte fœtus contingit partus difficilis, quando vitium aliquod in eo reperitur ratione substantiæ, quantitatis, figuræ, & illi adiunctorum.

Ratione substantiæ vitium in fœtu est, quando mor-

tuus est, aut putrefactus, aut labe aliqua infectus, aut ab aliquo morbo debilitatus, ut nihil virium conferre possit ad suam exclusionem.

Ratione quantitatis foetus partum non adiuuat, quæ vel continua est, vel discreta. Ratione quantitatis continuæ vitiosus est, si grandiori corpore, aut capite præditus sit, unde laboriosa exclusio sequitur. Ratione quantitatis discretæ, ut quando plures sunt in utero; sic partus gemellorum laboriosior ut plurimum esse consuevit.

Ratione figuræ seu situs in utero, partus difficilis variis modis contingit; ut quando foetus in pedes, aut manibus præuiis exire conatur, vel vnum tantum pedem, aut manum alterutram exerit, vel duplicatus egredi conatur, nates aut ventrem ad uterum orificij offerens.

Ratione adiunctorum foetus; conringit difficultas in partu, quando membranæ foetum obuoluentes tenuiores sunt, ut citius quàm par sit, disrumpantur; unde sequitur præcox aquarum effusio, sicque resiccatum manet uteri orificium tempore exclusionis foetus; vel quando crassiores sunt & densiores, ut facile à foetu disrumpi nequeant.

Externæ causæ dependent ex rebus necessariis, & contingentibus. Res necessariae sunt illæ quæ non naturales vulgò nominantur. Sic aër frigidus & siccus, & flatus Aquilonaris, parturientibus valdè insensus est, quia totum corpus constringit, sanguinem & spiritus ad interiora repellit, & infanti à repentibus illis locis exeunti valdè noxius est. Aër etiam feruidior spiritus dissipat, & foetus ac foetæ vires exhaurit, inflammationem febrilem facile inducit in corpore iam cacochymo & exagitato.

Alimenta cruda, aut concoctu difficilia, aut astringentiâ magnâ copiâ ante partum assumpta, difficilem eum reddere possunt, debilitato ventriculo, & constipatis viis communibus, quæ hîc maximè patere debent.

Somnolentia, & stupor, matris & fœtus impetum retardant, & naturam inualidam ostendunt.

Motus parturientis intempestivus partum maximè retardat, cum illa, ubi opus est, stare, ambulare, decumbere, vel in sella obstetricis sedere renuit, vel importunè agitur; unde contingit fœtum, vel non posse exire secundum debitam figuram, vel illam amittere ob matris motus præposteros.

Excretorum retentiones tempore partus, ut urinæ vesicam distendentis, sæcum induratarum in recto intestino; & hæmorrhoides valdè tumentes, uteri cervicem coarctant, & naturam à conatu parturiendi auerunt.

Ac denique animi pathemata vehementiora, ut timor, tristitia, iracundia, partus facilitatem plurimum impedire possunt.

Ad res contingentes referuntur ictus, casus, vulnera, quæ partui plurimum nocere possunt; tum etiam astantes, qui parturientem adjuvare debent, validæ nimirum mulieres, & famulæ, quæ illam sublevent, & fulciant dum est ipso enixu, & præsertim obstetrix petita, quæ uniuersæ huic actioni præsidere debet. Si enim illa in officio suo errauerit, partus difficultatem inferre solet. Interdum enim obstetrices citius parturientes incitant ad conatus expulsionis, & spiritus cohibitionem, dum adhuc ligamenta fœtus utero firmiter adhærent; unde virium exolutio subsequitur, quæ postmodum in ipsa partus hora non sufficiunt. Imò verò dum obstetrices parturientibus præmaturè persuadent, tempus pariendi

ad

instare; sit ut illæ omnes vires ad excernendum fœtum intendunt, & sæpenumero vasis violenter diuulsis, in non leue discrimen præcipitentur.

Cognoscitur partus difficilis, tum ab ipsa parturiente, tum ab assistantibus, & præcipuè ob obstetrice. Ac primùm si longiori tempore maneat fœmina in laboribus partus, v. g. per duos, tres, quatuor, aut plures dies, cum verè naturalis partus intra 24. horas perfici debeat. Deindè signum difficilis partus est, si dolores partus sint languidi, & per longa interualla recurrant, & dolores ad dorsum potius, quàm versùs pudenda vergant. Causæ verò difficilis partus ex ipsarum parturientium relatu, & ipsa autopsia maiori ex parte dignoscuntur. Sic debilitas ægræ, macilentia, aut pinguedo nimia, ex habitu corporis deprehenditur. Morbi vteri propriis indiciis dignoscuntur. Fœtus debilitas ex debili, & tarda motione dignoscitur. Fœtus verò mortui signa capite sequenti innotescunt. Magnitudo fœtus ex parentum statura colligi potest, præsertim cum vir magno corpore præditus, cum pusilla muliere coniunctus est. Quando verò hæc deficiunt, & matris conatus satis validus est, fœtusque sese commouendo, sufficienter exitum affectat, partus tamen difficilis, ac laboriosus est; indicio est secundinam esse fortiolem, quæ non faciliè dirumpi valeat. Cuius rei coniecturam augebit, si aqua & humiditas in labore non profluit. Præpostera fœtus figura ab obstetrice deprehenditur, & reliqua, vtdictum est, ipsa autopsia innotescunt.

Prognosim quod attinet, Partus difficilis ex se periculofus est, & in eo interdum mater, interdum fœtus, & interdum vterque extinguitur.

Si mulier quatuor diebus in partu laboret, vix fieri potest quin fœtus moriatur.

Affectus soporosi & conuulsiones in partu difficili superuenientes, sunt ut plurimum lethales.

¶ Sternutatio in partu difficili superueniens, bona, ex Hippocr. in Aphorism.

Ad curationem partus difficili, primò omnes causæ quæ illum retardare valent, quantum fieri poterit, auferendæ. Deindè partum adiuuantia remedia methodicè administranda.

Ac primùm vulgare est apud mulieres aquæ cinnamomi cochl. j. aut alterum exhibere. Vel ipse cinnamomi puluis cum paucis croco, vel confect. alkerm. 3. ss. cum iusculo propinari poterit. Tum etiam crocus solus ad ʒ. ss. in singulis iusculis, aut singulis horis, cum modico vino sumptus vtilissimus est. Vel

℞. Olei amygd. dulc. & vini albi, ana ʒ. ij. croci & cinnamomi, ana ʒ. xij. confect. alkerm. Drach. sem. syrupi capillor. ven. ʒ. j. ss. Misce, fiat potio.

Si hæc non sufficiant, & validioribus agendum sit, sequens potio erit efficacissima, frequenti vsu à nobis comprobata.

℞. Dictamni cretici, Aristoloch. vtriusque trochiscorum de myrrha, ana ʒ. ss. croci & cinam. ana gr. xij. confect. alkerm. Drach. sem. aquæ cinam. ʒ. ss. aquæ naphæ & artemisiæ, ana Vnc. j. sem. Fiat potio.

Inter efficaciora recensentur oleum succini, cinnamomi, & extractum croci, quæ in exigua quantitate multum operantur; scilicet extractum croci ad gr. v. vel vj. oleum cinnamomi ad gutt. iv. vel v. oleum succini ad gutt. xij. vel xv. cum vino, iusculo aut alio liquore.

Sternutatio partum accelerat, ex Hipp. Aph. 35. sect. 5. Difficiliter parienti superueniens sternutatio, bonum. Illa prouocabitur puluere sequenti.

℞. Hellebori albi Drach. sem. piperis longi ʒ. j. castorei

storei ḡ.v. Fiat pulvis, qui insuffletur in nares ad pifi magnitudinem.

Idem Hippocrates aliud præscribit remedium *lib. I. de morbis mulierum*, quod ab omnibus ferè Autoribus est prætermissum. Illud autem est sectio venæ inferioris, his verbis proposita. *Si verò, inquit, prægnans multo tempore cobibeatur & parere non possit, sed diebus pluribus ex partus dolore laboret: sit autem iuuenis, & in vigore, & multo sanguine referta, secare oportet venas in malleolis, & sanguinem detrahere, virium respectu habito.* Quamvis à Practicis nostris nunquàm in vsum reuocetur huiusmodi remedium, & videatur maximè reformidandum, cùm in partu vires vnicè necessariae sint, quæ à venæ sectione infringi possunt. Tamen si à plethora difficultas pariendi oriatur, quod innuere voluit Hippocr. cum dixit, *si mulier sit iuuenis, & in vigore, & multo sanguine referta*; non est dubium, quin maximè conferre possit, cùm venæ plurimo sanguine refertæ omnes vias interiores angustiores efficere soleant. Vnde fit, vt in dolore nephritico similis phlebotomia sæpè miranda præstet, & calculorum tum in renibus, tum in vteribus contentorum, exclusionem faciliat.

Non solùm autem internis remediis propositis, sed etiam externis, partus difficilis adiuuari poterit.

Obstetrix itaque vterum parturientis frequenter inungat oleo lilior. amygd. dulc. sem. lini & similibus.

Tum etiam foueatur venter inferior decocto emolliente, ex rad. alth. lilior. fol. maluæ, violar. artemis. sem. lini, fœnugr. flor. chamom. meliloti,

Clysteres acres iniiciantur, quorum irritatione expultrix etiam vteri stimuletur, & depleta intestina ampliorem locum vtero relinquent.

Vmbilicus inungatur oleo succiui. Quidam fel gal-
linæ nigræ laudant, eidem parti admotum.

In vsum etiam venire possunt ea, quæ proprietate
specifica partum iuuare creduntur; vt lapis ætites, vel
magnes, styrax calamita, & reliqua coxis alligata.

Hartmannus oculos leporis, mense Martio capros,
laudat: qui studiosè eximendi, ne comprimantur ni-
mis, & cum pipere in orbe exsiccandi. Horum vnus
ventri cum pipere ita alligetur, vt venter à pupilla
tangatur, & fœtum, siue mortuum, siue viuum educet.
Quo facto, mox amoueatur, ne vterum planè propellat.
In mola etiam valere asserit.

Cauendum etiam est, ne puerpera gemmas in an-
nulis aut alio loco gestet, sed omnes deponat; nam
multæ ex iis, proprietate specifica, fœtum retinere cre-
duntur.

Si fœtus debilior videatur, reficiendus est tum robo-
rantibus matri exhibitis, vt vino calente, confectione
alkermes, aqua cinamomi; tum externis, vt crusta pa-
nis, aut placentâ rosaceâ, puluere nucis moschat. ci-
nam. caryophyll. granor. kermes sinapisatâ, & aquâ im-
periali, aut vino repente irrigatâ. Vel frustulo carnis
veruecinæ parum asso supra craticulâ, & aquâ rosaceâ,
vel flor. arantior. irrigato; omento veruecis nuper
mactati adhuc calente, & similibus.

Si præpostero modo fœtus egredi incipiat, vt bra-
chio vno aut pede primùm emisso, vel altero quopiam
modo; obstetrix nullo modo talem partum excipiat,
sed in vterum retrudat, & ad legitimam formam con-
uertat. Quod fiet puerperam in lecto supinam collocâ-
do, capite demisso & clunibus elatis. Postea ventrem
ipsius versùs præcordia blandè comprimendo, & in
vterum fœtum ipsum compellendo. Postea verò obste-
trix alia forma exeundi occasionem infanti ministret,

artificiosa manu procurans, vt faciem tergo matris obuertat, deinde nates & crura versùs matris vmbilicum eleuet, & ad legitimum partum acceleret.

Sublata omni partus spe, aut etiam matre iam morti proxima, nonnulli Autores ad sectionem Cæsaream accedunt, de qua Franciscus Rossetus elegantissimum edidit tractatum, vbi multis rationibus & exemplis conatur ostendere, illam posse aliquando succedere. Attamen quia hæc operatio est periculi & terroris, plena, raro aut nunquam tentanda est Medico prudenti, si nomini suo consulere voluerit.

C A P V T. XIX.

De fœtu mortuo.

IN partu difficili ob magnos & diurnos labores sæpè fœtus extinguitur; interdum etiam ante labores partus ex causis præternaturalibus, quales sunt eæ quæ abortum prouocare consueuerunt, eum mori contingit, & si nondum determinatum pariendi tempus attigerit, abortum facit; si verò ad illud tempus peruenerit, facit partum difficilem, quia ad legitimum & naturalem partum fœtus cum matre cooperari debet, vt è carcere suo egrediatur.

Omnes igitur causæ partum difficilem efficere valentes, si maiores & grauiores sint, fœtum extinguere possunt. In primis verò fœtus extingui solet, si adeò præposterâ figurâ prodeat, vt nullo modo excludi possit, neque ab obstetrice, vel chirurgo extrahi, aut in meliorem situm conuerti. Cum enim hoc modo in orificio hæreat, & omnem matris conatum eludat, sic vt in istis conatibus, variisque motibus & cōpressionibus, interdū
mater

mater & fœtus, interdum mater sola, & interdum fœtus solus moriatur. Admiratione dignum est, quod refert Fabricius Hildanus de duabus mulieribus ex partu laborioso extinctis, in quibus vterus disruptus inuentus est, & caput infantis in ventris capacitatem demissum. Vnde colligere est quantus sit validi fœtus impetus ad sui exclusionem moliendam.

Cognoscitur fœtus mortuus, quando motus illius cessat, quem prius in vtero aut mater ipsa sentiebat, aut obstetrix percipiebat admotâ manu, aut aliis rebus repentibus, & roborantibus, quibus illius vis sopita solet exsuscitari: maior ponderis sensus cum dolore abdomen infestat, quando fœmina de latere in latus sese conuertit, fœtum ex vna parte in alteram instar lapidis dilabi percipit, ventris inferioris frigiditas tactu deprehenditur, extincto calore nativo, & dissipatis spiritibus, qui in fœtu continebantur; oculi redduntur concaui, & perturbati: facies, & labra pallent, partes extremæ frigidæ, ac liuidæ apparent: mammæ flaccidæ euadunt, ac tandem putrescente fœtu, ichores fœtidi & saniosi ex vtero emanant; abdomen quod vapores eleuatos inflatur, teter odor, & graueolens spiritus, non solum ex ore matris, sed etiam à toto corpore exhalat. Si ante fœtum secundina excludatur, certissimum est fœtus in vtero mortui indicium.

Quod ad prognosim spectat, periculosissimus est fœtus in vtero mortuus, & nisi maturè excludatur, febres, lipothymias, sopores, conuulsiones, & mortem inferre solet.

Aliquando tamen fœtus in vtero mortuus per longum tempus seruari potest, vt plurimis historiis à variis autoribus relatis constat, quas tanquàm raros casus magno numero collegit Schenkius, & transcripsit Sen-

netus, multarum mulierum, quæ fœtus in vtero mortui corrupti officula, per vterum, aluum, vesicam, & tumore in abdomine aperto excreuerunt.

Nos vnâ vidimus, quæ omnia fœtus ossa per vmbilicum excreuit, & postea coalescente vmbilico perfectè restituta est.

Curatio tota versatur in fœtus exclusione, vel extractione. Cum enim maximum vitæ periculum imminet ex longiori fœtus mortui in vtero mora; quamprimum ex signis propositis certò concluditur fœtum esse demortuum, ad illius exclusionem properandum est. Illa autem iisdem remediis promouetur, quæ ad iuuandum partum fuerunt proposita. Ex iis tamen fortiora & efficaciora eligenda sunt, quibus nonnulla maioris adhuc efficaciam addi potuerunt in hunc modum.

℞. Fol. sabinae siccor. rad. aristol. rot. trochisc. de myrrha, castorei, an. ʒ. j. cinam ʒ. ʒ. croci ʒ. j. Misce, fiat puluis, de quo capiat ʒ. j. cum aqua sabinae. Vel

℞. dictamni cretici, sabinae, boracis, an. ʒ. j. myrræ, rad. asari, cinam. croci, an. ʒ. ʒ. Misce, fiat puluis, dosis ʒ. j. cum dicto aut simili liquore.

Interim admoueantur pudendo, pubi & perinæo fœtus emollientes prædicti, addendo rad. bryoniæ, cucumeris agrestis, ieros Floren. aristol. rot. & flores genistæ.

Post fœtum inungantur eadem partes vnguento de arthanita, vel sequenti.

℞. Aristol. rot. colocynth. & agarici, an. ʒ. j. gummi ammoniaci in vino soluti, & fellis tauri, ana ʒ. ij. olei cherini q. s. Fiat vnguentum.

Pessarium etiam in vulnam immittatur.

℞. Rad. aristol. rot. siccos, hellebori nigri, colocynth. myrræ, an. ʒ. j. galbani, opopanacis, an. ʒ. ʒ. Cum felle bouis, fiat pessarium. Vel

℞. Ammon. opopan. castor. serap. hellebori nigri
staphis,

staphis, aristol. rot. pulpæ colocynt. scam. an. ʒ. j. euphorb. ʒ. j. Cum succo rutæ, cyclam. cucum. agr. & felle taurino fiat pessarium.

Zacut. Lusit. *observ.* 154. lib. 2. *Prax. adm.* fœtum nonimestrem in vrero mortuum, & grauiissima symptomata excitantem, exclusum fuisse testatur huius pessarij vi, & balnei oleagini, cum decocto medicamentorum aperientium & vias dilatantium commixti.

Suffitus ex galbano, vel vngula asinæ per infundibulum recipiatur.

Si res cunctetur diutiùs, vtile erit constantibus viribus, catharticum medicamentum exhibere; quo simul educuntur vitiosi humores, qui in hoc statu facilè & citò colliguntur, & consecutione quadam fœtus propellitur.

Angelus Sala in triumpho emeticotum, testatur se fœlicissimo cum successu pluries in hoc casu exhibuisse mercurij vitæ ʒ. iv. vel v. idque remedium potentissimè fœtum mortuum excludere & reliquis remediis præuallere. Quod tamen propter vehementem suam operationem, summa cautione & Medici prudentia indiget.

Si medicamentis diu tentata fœtus mortui eductio obtineri nequiverit, ad Chirurgicam operationem veniendum est. Eaque fit, vel instrumentis, quemadmodum à Paulo Ægineta describitur; vel manus solius ministerio, prout docetur à Carolo Stephano, Bauhino & aliis; quæ omnia à Schenkio & Sennerto diligenter transcripta sunt.

CAPVT XX.

De secundina retenta.

IN partu naturali secundina vtplurimum statim post fœtum excludi solet, aliquando tamen in vtero retinetur, vnde grauissimum imminet vitæ periculum.

Causæ istius retentionis internæ sunt, nimia tunicarum istarum densitas & crassities, propter quam vteri parietibus firmius adhærent, earumdem intumescencia, ab humorum affluxu qui in partu laborioso concitatur; virium exolutio ex partu laborioso facta, vt non sufficiant ad secundinarum exclusionem; & oris vteri occlusio post fœtum eiectum. Causæ verò externæ sunt aëris frigiditas, cuius vi secundina repellitur, & vteri orificium occluditur; odoraamenta quædam, quibus vterus sursùm allici, vel exagitari potest; animi pathema graue, vt timor, vel terror subitò adueniens, morositas parturientis, quæ in eo situ permanere non vult, vel eos conatus præstare, qui ad hoc opus perficiendum requiruntur; infantis pondus nimium, quo ex improviso vmbilicus disrumpitur, remanente intus secundinâ; & imperitæ obstetricis error, quæ vasa vmbilicalia citius rescuit, aut non tenuit sinistrâ manu, vt debebat: si enim dimittantur, retrahuntur ad vterum, & in eo cum secundinis latent, quæ earum extractioni inseruire debebant.

Diagnosîs secundinæ in vtero retentæ per se facilis est; aliquando tamen frustulum illius separatur, & in vtero remanet, cuius notitia non est aded facilis; cognosci tamen potest ex eo quòd vterus post partum adhuc in excernendo laborat, quamuis leuiores sint illius

illius conatus, doloris & caloris sensus in vtero percipitur, & post aliquot dies, teter ac cadauerolus halitus ab vtero exhalat.

Periculosissima est secundinæ retentio, & si per aliquot dies in vtero moretur, fœtum putredinem acquirit, vnde febris acuta, nausea, lipothymia, dyspnœa, sudor diaphoreticus, extremorum frigiditas, hysterica suffocatio, epileptici insultus, & mors tandem subsequitur.

Hippocrates 2. *epidem.* exemplo vxoris cuiusdam coriarij, innuit bonum esse, si sanies copiosa breui per pudendum effluat, spes enim est membranas illas putrefactas, vel marcore consumptas, sexto vel septimo die effluxuras.

Secundina retenta iisdem remedijs expellitur, quæ ad fœtum mortuum fuere proposita, quibus addere licet nonnulla specifica ab Autoribus tradita.

Gesnerus & Augenius plurimum laudant equi castrati testiculos, frustulatim incisos & in furno siccatos. Illorumque pulueris datur, quantum tribus digitis capi potest, cum iure pulli: idque si opus sit, bis aut ter repetatur.

Ruladus olei iuniperi guttas xxx. fœliciter exhibuit.

Alij iubent puerperam dentibus cepam comprimere, succumque deglutire, idque ter, quaterve dentibus in cepam adactis, succoque semper elicitò ac deglutito, repetere: postea vini calidi cyathum superbibere, vnde citò liberatur.

Forestus refert de obstetrice quadam, quæ à Iudæo Medico secretum sequens acceperat. Sumebat folia leuistici viridia, contundebat & succum exprimebat cum vino Rhenano optimo, eiusque cyathum propinabat.

Angelus Sala mercurium vitæ commendat, vt in fœtus mortui educatione.

His addenda erunt sternutamenta, suffitus, fomenta, linimenta, aliâque tum externa, tum interna, supra descripta in partu difficili.

Sequens decoctio à muliere quadam nostrate usurpata miranda præstitit.

℞. Aceti rosæ. ℥. viij. vel x. folior. lauri & baccarum eiusdem, ana M. iij. placentam rosaceam ex aqua distillata relictam, in frustra dissectam, num. j. Bulliant in lebetæ, & eo decocto lauentur diu coxæ & tibiæ calidè, ab inguinibus ad pedes usque; ex eo vterus spontè apertus est, ac secundina decidit. Huic decocto commodè addi poterit myrrhæ & aristol. vtriusque, ana ℥. j.

Inter alia verò remedia multum potest manus periti Chirurgi in vterum immissa, antequàm inflammatio, vel inflatio augeatur. Sic enim apprehensis secundinis & molliter circumductis, poterit illas extrahere, mulieremque à tot symptomatis & remediorum molestiis liberare.

Si nullo modo secundina educi potuerit, sed firmiter vtero hæreat, & in eo putrescat, suppurantia in vterum immittenda sunt, admixtis detergentibus, ut id quod putrefactum est sensim educatur. Ad id laudat Rondeletius vnguentum basilicum, præsertim si dissoluatur in decocto sequenti.

℞. Fol. malvæ cum rad. M. iij. rad. aristol. vtriusque, an. 3. vj. sem. lini & scœnogr. an. 3. β. violariæ M. j. florum chamom. & centaur. min. an. M. β. Fiat decoctio in aqua, admiscendo, si magnâ suppuratione opus est, aliquid olei; si verò maiori deterfione, vnguenti Ægyptiaci parum.

C A P V T XXI.

De fluxu lochiorum immodico.

FLUXUS lochiorum immodicus non ex quantitate, aut tempore durationis æstimandus est; quia in diuersis naturis, ætatibus, ac vitæ generibus, varius admodum est; sed ex difficili tolerantia, & vitium deiectione, quæ ex eo contingit.

Causæ illius sunt, vasorum apertio nimia, vel lacertio in partu difficili, vel secundinarum violenta extractio; vel sanguinis copia maior; quæ per rotum gestationis tempus in vteri venis collecta fuit, vel eiusdem tenuitas, & acrimonia, quæ vasorum oscula nimium aperit, & naturam ad excretionem stimulat.

Cognoscitur fluxus lochiorum immodicus ex viribus, ut dictum est, quæ exhaustis spiritibus deiciuntur; tum sanguis grumofus effluit; iisque accedit cibi fastidium, dolor in hypochondriis, cum ventris tensione; pulsus debilis & frequens; visus obtenebratio; aurium tinnitus, animi deliquium, & conuulsio.

Cum omne sanguinis profluvium periculosum sit, ex eo quod sanguis est vitæ nostræ thesaurus: sic fluxus lochiorum immodicus magis periculosus est propter labores partus prægressos, à quibus facta est vitium resolutio. Maius autem, vel minus adest periculum pro maiori vel minori sanguinis effluxu, & symptomatis leuioribus, aut grauioribus, quæ illi superueniunt; Vnde apud Hipp. *Aph. 35. sect. 5. simuliebri profluvio conuulsio, aut animi deliquium superueniat, malum.*

Curatio sanguinis fluxus immodici in illius cohibitione

bitione tota versatur. Summa tamen cautio adhibenda est, ne quod per huiusmodi purgamenta excerni consuevit, intus retineatur, & grauissimorum affectuum causa euadat. Atque adeò si affectus non vehementer urgeat, à lenioribus incipiendum erit, ad potentiora, si opus fuerit, sensim progrediendo.

Ac primùm sanguinis impetus cohibendus est alimentis incrassantibus, vt panatellis, gelatinis, oryza, amylo, cum iusculis pedum vituli, pyris, cydoniis coctis, carnibus assis succo granatorum aspersis,

Cibus paulò copiosior exhibeatur, non tamen vnâ vice, sed potius frequenter, cum hoc modo calor & spiritus, qui expulsionem in utero adiuuant, ab utero ad ventriculū auocentur, & vires instaurentur. Vitelli ouorum huic vsui conueniunt: nam & facilè coquuntur, & calorem ad ventriculū auocant.

Potus sit aqua ferrata, vel extinctionis auri, vel in qua parum mastiches bullierit. Deindè sanguinem ad partes superiores reuellentia remedia usurpanda sunt, vt frictiones & ligaturæ partium superiorum, cucurbitulæ sub mammis, & utrique hypochondrio admotæ.

Vtile etiam est manus fouere in vino calente, in quo confectio alkermes vel theriaca dissoluta fuerit.

Tum etiam venter fasciâ mediocriter constringatur: quia hoc modo comprimuntur vasa, & fluxus immodicus impeditur.

Lumbis admoventur lintea oxycrato madefacta, quibus sanguis in vena caua contentus temperatur, illiusque motus inhibetur.

Si fluxus valdè immodicus sit, viresque deiciat, vt vitæ periculum immineat; ad fortiora remedia confugiendum est. Et inter alia sequens potio vtplurimum succedit.

Cap. XXI. De fluxu lochior.immodico. 417

℞. Aquar. plantag. naphæ & rosar. an. ℥. j. syrupi corallor. vel illius defectu, de rosis siccis ℥. j. salis prunellæ ℥. j. sang. dracon. ℥. β. Fiat potio.

Si diutius duret fluxio, pulvis, vel opiata ad plures doses præscribi potest in hunc modum.

℞. Lapidis hæmatitis ℥. iv. pulu. boli armeni, coralli rubri, margarit. præpar. an. ℥. j. sem. plantag. coriandri præpar. & granor. sumach, an. ℥. ij. Misce, fiat pulvis tenuissimus, de quo capiat ℥. j. cum decocto centinodiæ & syrupo cydoniorum.

℞. Conseruæ rosar. & rad. symphyti, an. ℥. j. boli armeni. trochisc. de carabæ & corall. an. ℥. j. Cum syrupo corallor. vel de rosis siccis fiat opiata, de qua capiat ad magnitudinem castaneæ, superbibendo parum aquæ potus ordinarij.

Exteriùs verò fatus & vnguentum vtiliter admouebuntur, quorum formula talis esse poterit.

℞. Summit. lentisci rubri, plantag. cupressi, oliuæ, & polygoni, ana M. j. rosar. rubr. P. ij. granor. myrti ℥. j. β. nucum cupressi num. vj. corticum granat. P. ij. Coquantur in aqua chalybeata & vino rubro astringente, & colaturâ foueantur partes muliebres valde tepidè & fere subfrigidè.

℞. Vnguenti comitissæ ℥. ij. succi plantag. ℥. j. Agitentur simul, & fiat linimentum, applicandum post fatus.

Iniectio in vterum etiã potest fieri ex succo plantag. à Galeno laudatò §. *methodi*, vel decocto fatus prædicti.

Reliquis remediis non conferentibus, venæ sectio in cubito præsentaneum est remedium, si paulatim & per quædam interualla sanguis educatur; sic enim multas deploratas conualuisse experientia docuit.

Ac denique perseverante affectu omnia remedia, quæ pro fluxu mensium immodico sunt descripta, hîc etiam conuenire poterunt.

Inter remedia autem pro fluxu mensium immodico proposita habentur cataplasmata, regioni pubis, & lumborum applicanda, quibus sequens addi poterit, fluxui præsertim lochiorum immodico maximè conueniens.

℥. Fuliginis camini purissimæ Vnc. viij. Subigatur cum aceto fortissimo, & fiat cataplasma renibus applicandum.

De somno peculiariter hîc annotandum, dum sanguis copiosè effluit, eum esse peritus arcendum. Multæ enim ex eo de medio tolluntur, quia calor ad interiora retractus maiorem fluxum efficit. Et si aliquando is concedendus sit, aliquis ex ministris semper adesse debet, qui ægrotantis pulsum & respirationem obseruet.

Denique si grumi sanguinis in vtero subsistant, ibique dolorem & tensionem excitent; danda opera, vt maturè educantur, ne putredinem contrahentes, tetros vapores transmittant ad cerebrum & cor, febrémque concitent. Ideò puerpera, si vires ferant, leui deambulatione vti debet, vel erecta aliquandiu stare, aut in sella perforata sedere, quasi veller deiicere. Quod si non sufficiat, decocto hordei tepido cum paucis oxymelite, vel melle rosaceo in vterum iniecto dissoluendi sunt. Caute tamen hic agendum est, ne dum grumi educantur, sanguis de nouo conciretur.

CAP V T XXII.

De suppressione lochiorum.

Bonus ac foelix puerperij successus ex conuenienti lochiorum effluxu præcipuè dependet, quãdoquidem impuritates, quæ per nouem gestationis menses in venis vteri, ac toto corpore colliguntur, per istas euacuationes expurgari solent. Si verò illæ supprimantur, aut imminuantur, infinita mala & pericula inde oriuntur, nempe febres acutæ, phrenitides, mania, melancholia, angina, pleuritides, peripneumonia, vteri inflammationes, & alij tumores ut plurimum maligni.

Causæ istius suppressionis aut imminutionis sunt, sanguinis crassities, vasorum angustia, vel obstructio, quæ liberum effluxum impediunt; aër frigidus incautè in vtero susceptus, quia vasorum orificia constringit, refrigeratio pedum, & aquæ frigida potus, metus, terror, tristitia, & alia animi pathemata, quæ sanguinem ab vtero auertunt.

Diagnos is istius suppressionis per se manifesta est. Imminutio verò ex quantitate sanguinis effluentis desumenda non est, quandoquidem mulieres aliæ plus, aliæ minus sanguinis superflui habent. Sed integra illius cognitio ex symptomatis superuenientibus elicitur, qualia sunt, ventris intumescencia, dolor inum ventrem, lumbos, & inguina occupans; faciei rubor, spirandi difficultas, oculorum perturbatio, rigores, febres, animi deliquia, & alia symptomata supra enumerata.

Prognosis elicitur ex symptomatis propositis, quæ huic affectui superuenire diximus: cum enim maiori parte periculosa sint, causam etiam eorum valde periculosam arguunt.

A prædicto periculo liberantur puerperæ, si quædam alia euacuatio fiat, quæ lochiorum vicem aliqua saltem ex parte supplere valeat, vt hæmorrhagia narium, aut hæmorrhoidum: vrinæ profusio cum fuliginoso sedimento, aut sudor copiosus. Aut si post aliquot dies ex vtero liuida, nigra, & graueolentia effluere incipiant. Metuendum tamen est, ne ex corrupto sanguine vlcera in vtero excitentur.

Curatio suppressionis lochiorum, in eorum prouocatione tota consistit, eaque molienda est remediis, quæ sanguinem ad inferiora prouocant, & vteri vasa aperiunt.

Ac primùm clysteres emollientes, laxantes, & aperientes iniiciendi sunt, in hunc modum compositi.

℞. Rad. althææ & lilior. ana Vnc. j. aristol. vtriusque, an. Drach. iij. fol. maluæ, althææ, parietar. mercurial. ana M. j. sem. lini & fœnugr. ana Vnc. sem. flor. chamom. & sambuci, ana P. ij. Coquantur ad ℔. j. In colat. dissolue olei aneth. & lilior. ana Vnc. j. hieræ simpl. ℥. sem. vnguenti de arthanita Drach. j. Misce, fiat clyster.

Friktiones fiant in cruribus, deorsum versus; ligaturæ dolorificæ digitorum pedis. Cucurbitulæ admoueantur inguinibus & coxis, & nonnullæ scarificentur.

Si hæc non sufficiant, aperiantur venæ poplitis aut vtriusque cruris; vel etiam hæmorrhoidum, si natura eò vergere videatur.

Si febris excitetur ex lochiorum suppressione, venæ sectio in brachio celebranda est, vt in morbis puerperarum dicitur.

Fotus sequens ventri inferiori & pudendo admoueatur.

℞. Rad. althææ, lilior. bryon. angelic. & aristol. vtriusque, an. Vnc. j. fol. mercurial. artemis. pulegij, sabina, calamenc. ana. M. j. sem. lini & fœnugr. an. Vnc. j. flor. chamom.

chamom. melil. sambuci, tanaceti, ana P.j. Contundantur & incidantur vt artis est, & imponantur duobus sacculis, qui decoquantur in aqua fontis, & applicentur calidè vicissim.

Post fotum inungantur dictæ partes oleo lilior. amygdal. dulc. & sesamino, addito croco.

His etiam addi possunt pessaria & suffumigia, in suppressione mensium proposita, à mitioribus incipiendo.

Per os exhibeatur decoctum rad. aperitiuarum, cinam. & cicerum rubrorum cum pauco croco. Vel

℞. Radic. aperitiu. ana Drach. ij. fol. betonic, endiu. capill. ven. ana M.j. schœnanth. P.j. sem. anisi & fœnic. ana ℥. j. cicerum rubr. cochl. j. Coquantur ad lb̄ j. sem. Colaturæ adde aquæ cinam. Drach. ij. syrup. de s. rad. ℥. iij. Dentur ℥. iv. bis in die.

Antequàm febris augeatur, exhibere aliquando licet trochisc. de myrrha Drach. j. cum vino albo vel aqua fœniculi.

Forestus etiam præsentè febre, sequenti vritur decocto.

℞. Hordei mund. M. j. glycyrrh. ras. ℥. sem. schœnanthi Drach. j. sem. Coquantur ad lib. j. pro iij. dosibus.

Debilibus verò schœnanthi Drach. j. in iure pulli bullire iubet, & exhibet.

Purgatio etiam conuenire potest, septem vel nouem diebus à partu, ex infusione rhab. agaric. aut sennæ; vel cum iusculo laxante ex herbis, ac rad. aperientibus cum senna parato; vel cum mannæ Vnc. j. sem. in iusculo dissolutæ.

CAPV T. XXIII.

De torminibus à partu.

TOrmina puerperis adeò frequenter contingunt, ut paucissimæ ab iis immunes sint. Attamen horum dolorum ratione, Medicorum opem implorare non solent, quia intra biduum, aut triduum cessant. Si quando tamen acerbiores sint, aut diutius perseuerent, Medicos vocare coguntur, qui antequam remedia præscribant, eorum causas perlustrare tenentur.

Causæ igitur præcipuæ torminum, & dolorum, qui à partu contingere solent, sunt sanguinis copia, crassities, acrimonia, & vasorum angustia. Cum enim venæ uteri per nouem menses ab ordinaria sanguinis excretionem cessarint, & ille interea magnâ copiâ congestus fuerit, nec non diuturniori mora crassiciem, & acrimoniam adeptus; dum per angustas vias transit, dolores parit, qui per intervalla recurrunt, quoties uterus nouam sanguinis excretionem molitur; eaque peracta cessant, donec iterum alius sanguis egredi conetur.

Fiunt etiam interdum huiusmodi tormina à flatibus, aut frigore in uterum suscepto, sed minus frequenter.

Distinguuntur hi dolores ab aliis qui ventrem infestare solent, ex continuitate, & intervallis, quæ excretionem sanguinis interpolatas sequuntur. Et ipsæ mulieres eos faciliè distinguunt.

Sanguis crassior in grumos faciliè concrescit; tenuior verò ex tenuitate, & colore viuido, aut subflauo cognoscitur.

Si à flatu oriatur dolor, ille magis vagus est, & plures ventris partes occupat, neque sequitur excretionum

num sanguinis interualla. Si aër frigidus in vterum admissus fuerit, ex iis quæ circa ægram acta sunt deprehendi poterit.

Periculosi non sunt huiusmodi dolores, sed plerumque maximè molesti. Ideò quamprimùm tollendi aut demulcendi saltem.

Curatio huiusmodi torminum eò dirigenda est, vt vasa vteri laxentur, sanguinis crassitie, attenuetur, acrimonia temperetur. Quæ omnia sequentibus præfidiis obrineri poterunt.

Ac primùm puerperæ venter fasciâ leniter constringatur, vt vterus subsideat, neque hûc illûc commoueri possit, vt à partu non rarò, propter subitam euacuationem solet contingere.

Deinde olei amygdal. dulc. recenter extracti Vnc. iij. cum syrupi violacei Vnc. j. sem. vel vini hippocratici Vnc. ij. exhibeantur.

Clysteres iniiciantur ex lacte cum saccharo & vitellis ouorum.

Vel parari possunt ex decocto flor. chamæm. & artemisiæ cum iure pulli, addendo oleum liliorum & vitellos ouorum.

Inungatur venter oleis carminantibus & aperientibus, vt oleo anethino, rutaceo, iasmino, vel sequenti magnæ efficacix, quod ad hunc vsum tempore idoneo componi debet, & in officinis asseruari.

℞. Rad. aristol. rot. iridis & pœoniæ, an. ʒ. j. cyperi. ʒ. ʒ. folior. siccor. artimis. matricar. origani, calamenti, pulegij, dictamni cretici, absinth. sabinæ, rutæ, betonicæ, saluiæ, an. M. j. flor. anthos, stœchados, lauendulæ, chamom. anethi, hyperici, sambuci, ana M. ʒ. granor. lauri & iuniperi, an. ʒ. ʒ. cumini, sem. rutæ, pœon. dauici & agni casti, an. ʒ. iij. caryophyl. nuc. moschat. cinam. zinzib. ana ʒ. ij. styrac. & myrrhæ, an. Vnc. j. Omnia con-

tula & incisa misceantur, & macerentur in olei veteris lb.vj. addendo vini albi parum. Et ponantur in vase fictili bene clauso, spatio vnus hebdomadae, & fiat ebullitio supra cineres calidos, spatio quatuor, aut quinque horarum; & postea exprimatur oleum, ac recodatur ad usum. Si non habeatur paratum urgente necessitate, bulliant simplicia dicta in æquis partibus olei & vini albi ad vini consumptionem, postea exprimatur oleum.

Fotus etiam fieri potest ex decocto artemisiae, matriariae, melissae, fol. lauri, calament. sem. dauci, cumini, carui, flor. cheiri & chamomillae, in aqua & vino albo vel lacte parato. Vel sequens cataplasma admoveatur.

℞. Cepas in aqua bene coctas num. iij. vel iv. Contundantur in mortario, addendo sem. lini & cumini contusor. an. M. j. flor. chamom. tantundem, farinae hordei q. s. vt fiat cataplasma. Et si opus sit, adde parum aquae, in qua cepae decoctae fuerint. Extendatur super linteam, & umbilico calide applicetur.

Vtile etiam est pelle veruecinâ ventrem munire cum adhuc calet, & recens detracta est. Huius enim calor nostro affinis, doloris causam concoquit & mitigat; tum etiam impedit, ne cutis abdominis contrahatur in rugas.

Per os verò sequentia exhiberi possunt.

Sem. dauci puluerat. Drach. j. vini albi Vnc. iij. Misce, detur calide bis in die. Vel

℞. Nucis moschat. anisi, cinam. an. ℥. j. Misce, fiat puluis, detur cum vino albo. Vel olei nucis moschat. ℥. j. cum iusculo exhibeatur. Vel

℞. Nucleorum dactylorum & persicorum, an. 3. sem. nucis moschat. ℥. iij. puluer. diamarg. calidi Drach. ij. anisi 3. j. acinam. ℥. ij. croci ℥. ss. sacchari ad pōdus omnium. Fiat puluis tenuissimus, cuius dentur 3. ij. cum vino albo, bis aut ter in die, si urgeant dolores.

Forestus decoctum flor. chamom. in cereuisia, vel decoctum artemisiæ & chamæm. in iure pulli propinauit felici successu.

Præstat mox à partu ius galli veteris tribus diebus summo manè, ieiuno stomacho, porrigere cum modico cinnamomi & croci.

Sequens puluis, statim post partum sumptus, à torminibus mirè præseruat. Ita vt si primiparæ exhibeatur, in sequentibus partibus nullomodo à dictis doloribus torqueri credatur.

℞. Rad. consolidæ maior. exsiccatae ʒ. j. nucleor. persicor. & nucis mosch. ana ʒ. ij. succini ʒ. β. ambræ griseæ ʒ. β. Fiat puluis, de quo capiat ʒ. j. cum vino albo; & si febris adfuerit, cum iusculo.

Pro potu ordinario vtatur ægra decocto artemisiæ & cinamomi.

Si à biliosis & acribus humoribus tormina generentur, eodem ferè modo curantur, quo dolor colicus à bile. E.g.

℞. Syrupi violac. borrag. an. ʒ. j. mucil. de sem. cydoniorum aquâ viol. extract. ʒ. sem. aquæ borrag. scörzonæræ, an. ʒ. iij. Misce, fiat iulep. pro ij. dosibus. Vel

℞. Ol. amygdalar. dulc. ʒ. ij. syrup. violac. ʒ. j. aquæ borrag. ʒ. β. Misce, pro vno haustu.

Externa quoque medicamenta vias laxantia & emollientia adhibeantur, quæ eadem operâ dolorem sedant.

Enixas post partum sæpè dolor exercet in inguine, ex vtero in illo conglobato. Curatur admouendo umbilico emplastr. ex galbano & assâ fœtida, in cuius medio grana aliquot moschi ponantur.

CAP V T XXIV.

De morbis acutis puerperarum.

QUod suprà de morbis acutis prægnantium diximus, id nunc de morbis acutis puerperarum possumus repetere, non aliam scilicet habere essentiam, aliãve diagnosim, ac dum non puerperas, ac etiam viros obfidet. Vt hîc peculiarem eorum theoriam proponere non opus sit, quæ ex propriis capitibus facile desumi poterit.

Illi autem morbi acuti ut plurimum sunt febres, continuæ; tum essentielles, ut synochus putrida, tertiana continua, & reliquæ; tum symptomaticæ quæ inflammationes internas, ut pleuritidem, peripneumoniam, hepatidem, phrenitidem, & alias comitantur.

Est tamen peculiaris febris species, quæ omnibus prope modum puerperis contingit, *febris lactis* vulgò à mulieribus nominata, eaque circa tertium, aut quartum puerperij diem accidere solet, cum lac in mammis copiosius generari incipit; oriturque ex sanguinis ab utero ad mammas refluxu, eiusdemque motu & agitatione. Quæ quidem febris inter ephemeræ plurium dierum recensetur, neque ullis indiget remediis, quia intra triduum, vel quatrimum, nempe circa nonum diem sudore soluitur. Distinguitur à putridis, quòd. ferè circa quartum diem inuadit, mammæ lacte repleti incipiunt, & duritie, dolore, ac calore affici; cum dorsis, & scapularum grauitate & calore, tum puerperia rectè fluunt, quod in putridis rarissimè contingit.

Febres autem putridæ puerperis superuenientes à tribus causis oriuntur; nempe lochiorum suppressione,

ne, aut imminutione, prauorum humorum congerie gestationis tempore cumulata, ac in partu agitata; aut diætæ erroribus. Nonnulli addunt fluxum lochiorum immodicum, qui potius signum est latentis cachymix febrem excitantis, illius verò causa propria esse non potest.

In suppressione lochiorum sanguis, & vitiosi humores qui per gestationis decursum cumulati sunt, ad venas maiores regurgitant, ibique putrescunt, & interdum ad hepar, lienem, aliasque partes feruntur, in iisque inflammationes concitant. Aut si in venis vteri morentur, putredinem concipiunt, atque ita febrem pariunt, etiam in iis sceminis, quæ antea inculcata valetudine frui videbantur.

Si verò rite fluentibus lochiis febris oriatur, illa vel ex bilioso humorum apparatu, vel ex diætæ erroribus prouenit. Praui humores ex partus laboribus, ac doloribus agitati, calorem, & putredinem facile concipiunt, febrémque excitant. Diætæ errores variis modis contingere possunt. Ac primùm in victu, in quo puerperæ plurimùm peccare solent, pluribus & copiosis ferculis sese ingurgitantes, quæ sufficienter concoqui non possunt, & in corpore putredinem contrahunt. Alter error committitur, dum puerperæ frigido aëri sese imprudenter exponunt, præcipuè urgente febre ex lacte, quæ per sudores, & diaphoresim solui consuevit. A frigore autem ambiente incautè admissa, diaphoresis impeditur, unde fit vt febris illa, quæ per se salutaris erat, & paucis diebus cessatura, in putridam periculosam mutetur.

Est & alia causa satis frequens febris puerperarum, cum videlicet secundinæ integræ non excluduntur, sed quædam illius portio intus remanet. Id potissimùm contingit in hepate vterino, cuius portio interdum vtero

annexa relinquitur; eaque putrescit; unde lochia virescentia, malè olentia, & cadauerosa promanant; & nisi intra paucos dies ab utero separetur & excludatur, in maximum vitæ discrimen ægotantem præcipitat, cum ipsi utero sphacelismum inducere valeat.

Si sanguinis grumi, vel aliud quid præternaturale, post partum in uteri cavitæte remanserit; illud inde diagnosci potest, quod ceruix uteri mollis, & aperta remanet, nec internum illius orificium clauditur, neque sursum uterus retrahitur: cum omnibus ritè se habentibus post partum, uterus sursum trahatur, illiusque ceruix, atque orificium breui tempore claudatur. Huius rei experimentum proponitur ab Haruæo tractatu de partu; de muliere, quæ febre maligna, cum summa virium iactura laborans abortiuit; & post exclusionem fœtus integri, atque incorrupti; prostratis tamen viribus, cum pulsu vermiculante, & sudoribus frigidis, moribunda videbatur. Ipse vero uterum explorans, eius orificium laxum, molle, & patentissimum deprehendit unâ cum malè olentibus lochiis: & digitis immisiss molam, oui anserini magnitudine, foraminibusque aliquot (atram, viscidam, & fœtentem putrilaginem in se habentibus) præditam extraxit, statimque inde à prædictis symptomatibus liberata est, & breui conualuit.

Contingit etiam in nonnullis, orificium uteri statim à partu adeò constringi, ut detentus intra uterum sanguis subito grumescens, & putrefactus, sæuissima inducat symptomata, cumque nullâ arte exitus ei parati possit, præsentaneam mortem inferat. Refert tamen Haruæus loco citato historiam mulieris à se curatæ, cum tali affectu laboraret. Pudendi labra tumida erant, & feruida; orificium uteri durum, & clausum. Ipse vero instrumento ferreo immisso per vim aliquantulum aperuit, ut iniectionem per siphunculū admitteret: indeque grumescens,

gruiescens, ater foetidusque sanguis ad libras aliquot efflavit, cum præsentì ægræ leuamine.

Prognosis harum febrium in eo tantum differt à prognosi similium febrium, quæ non puerperis, contingunt, quod ex laboribus partus vires sunt magis dejectæ; & ex suppressione lochiorum, maior est in venis humorum redundantia; & vtrinque maius impendit periculum.

Ad prognosim etiam facit, & crises imprimis prævidendas, celebris illa quæstio, an computatio dierum morbi debeat fieri à principio morbi, an à die partus. Cuius decisio paucis stabilienda est in hunc modum. Si partus fuerit naturalis, nullis symptomatis grauib. comitatus; & lochia optimè procedant, febris verò post aliquot dies accedat: computatio non debet fieri à die partus, sed à die febris, quæ ab aliqua alia causa, eaque præternaturali, fuit concitata: nempe humoribus præiis intus latentibus, vel ab aliqua causa externa. Si verò partus fuerit difficilis, & præternaturalis, febris verò post tres aut quatuor dies oriatur; computandum est à die partus; quia tunc cœpit totius corporis œconomia euerti; humorumque perturbatio fieri, quam deinceps febris consequitur. Si in grauib. vulneribus, capitis præsertim, licet febris non inuadat, nisi post quartum, vel quintum diem; computatio tamen fieri solet à die accepti vulneris; quia tunc temporis humores commoueri cœperunt, & ad febrem disponi.

Curatio istarum febrium ab aliarum curationibus non differt, nisi circa magna remedia, venæ sectionem scilicet & purgationem, in quarum administratione non exigua est difficultas, quam tamen nos breuiter diluere conabimur.

Quod ad venæ sectionem spectat, in acutis puerperarum

rarum affectibus celebrandam, tanta est Autorum dissensio, propter pugnautes inuicem indicationes, ut vix duo reperiantur, qui in eandem omnino sententiam coeant. Nos eam quæ ad sapientiorum mentem magis accedit, & in usu practico feliciter succedit, omittis ambagibus, sequentibus theorematis hæc proponemus.

Morbus acutus puerperam aggreditur, vel in principio puerperij, vel in medio, vel in fine.

Si contingat in principio, & mulier copiose purgetur, nulla alia tentanda est sanguinis euacuatio, quam quæ à natura rectè & conuenienter operante dirigitur. Si verò lochiorum expurgatio supprimatur, aut minuat, secantur venæ inferiores, & copiose sanguis mittatur, quoniam tunc temporis copiosa esse debet, ex præscripto naturæ, lochiorum euacuatio.

Si medio tempore morbus acutus superveniat, duo consideranda sunt. Vnum, an materia morbifica in vno loco particulari contineatur & conculcet, aut sit per venas dispersa. Alterum, an mulier conuenienti expurgetur mensurâ vel, non. Si morbus fiat à materia sparsa, ut in febribus; & mulier non perfectè purgetur, venæ inferiores aperiendæ sunt: quia & materia morbifica minuetur, & naturalis fluxus prouocabitur. Si verò mulier sufficienter expurgetur, morbusque inualecat, nec euacuatio naturalis morbo satisfaciat: venæ inferiores etiam aperiendæ sunt, tantumque detrahendum, ut ex duabus euacuationibus perficiatur, quod morbus exigit, ut docuit Galen. 9. meth. cap. 5.

Si febris admodum intensa, magnumque incendium adfuerit, id fiat quod in morbo à materia in loco particulari conculcata & putrescente agendum esse iam dicturi sumus.

In morbo acuto particulari, ut pleuritide, peripneumonia, angina, & similibus, aduertendum est, an fluxio tantum

tantum fieri incipiat, ita ut morbus sit tantum imminens, vel incipiens, & perexigua sanguinis quantitas in parte collecta sit. Tunc enim venæ inferiores aperiendæ sunt, ut reuulsione factâ ad opposita distantissima præposterus ille humorum motus inhibeatur. Si verò iam bona ex parte fluxio facta sit, & inflammatio genita, eaque valdè vrgeat, siue mulier expurgetur sufficienter, siue non; statim venæ superiores aperiendæ sunt è directo partis affectæ, quia talis euacuatio à parte affecta sanguinem educit. At si venæ inferiores aperiantur, quæ nec proximæ sunt parti affectæ, nec ab eâ euacuare possunt; & virtus ab euacuatione labefactabitur, & materia in loco particulari conculcata non minuetur. Atque ita vel totum ferè sanguinem educes, ad reuellendam materiam morbificam à parte affectâ; vel priùs mulier à morbo perimetur, quàm facta fuerit reuulsio sufficiens. Neque metuendum est, missio sanguine à venis superioribus, ne retrahatur sanguis ab utero, quia in illis casibus partes superiores sanguine abundant. Et quamvis multus extrahatur, non ita inaniuntur venæ, ut aliunde nouum sanguinem attrahere cogantur. Ad maiorem tamen cautelam, non erit inutile, antequam sanguis mittatur, frictiones celebrare in cruribus, & consequenter ligaturas dolorificas facere in medio ipsorum, quæ detineantur donec missus fuerit sanguis, & paulò post venæ sectionem soluantur; ac subinde cucurbitulas iisdem partibus applicare, vel saltem frictiones repetere. Hinc habere poterimus materię peccantis eductionem, & naturalis fluxus conservationem.

Idem faciendum est in febribus ardentibus & vehementibus. Quia licet materia sit sparsa, attamen incendium tantum est circa cor & viscera, ut minoris & longinquæ venæ apertione non ita extinguì possit, sicut

proximæ & maioris, qualis est basilica.

Hæc curandi methodus, non solum in puerperis, sed etiam in reliquis mulieribus morbo acuto correptis, & menstruas purgationes patientibus obseruari potest.

Si in fine puerperij morbus acutus inciderit, idem agendum est vt in medio; iisdem conditionibus obseruatis; hoc animaduerso, vt quod magis distat mulier à principio, eò tutius venæ superiores aperiri valeant; quod autem illa vicinior est, etiam medio tempore, id ipsum maiori cum præmeditatione exequamur. Et si morbus non instet, neque vrgeat illius acuties, ac naturalis expurgatio copiosa fuerit, prorsus abstineamus. Si verò purgatio fuerit imminuta, venas inferiores, ad supplementum debitæ quantitatis, secabimus. Si tamen oppositum contigerit, seruetur id, quod vrgente acuto morbo agendum esse diximus.

Purgationis verò vsus in puerperis morbo acuto correptis, sequentibus concludetur theorematibus.

Dum lochia naturaliter profluunt, nunquam purgatio administranda est; periculum enim est, ne ab opere suo natura diuertatur.

Si verò puerperia præter naturam se habeant, considerandum est, an quantitate peccent, vel qualitate.

Si quantitate peccauerint, eaque imminutâ; & mulier vel omnino nihil, vel insufficienter pargetur: postquam omnia remedia promouendis huiusmodi purgamentis idonea, frustra vsurpata sunt; & materia morbifica concocta apparet, transactis octo, decem, vel duodecim diebus à partu, secundum maiorem vel minorem morbi vrgentiam, leuiori pharmaco purgatio institui poterit, à vehementioribus prorsus abstinendo.

Si lochia qualitate peccent, ita vt fluxio albida, vel alterius coloris non naturalis prodierit, coctâ ex istente materia

Cap. XVIV. De morbis acutis puerperat. 443
materiâ , vltimo puerperij tempore tutò purgatio ad-
ministrabitur.

In genere autem hoc perpetuò obseruandum , quò
longiùs puerpera distat à die partus , eò tutiùs medica-
mentum purgans posse administrari , & contrà. Nam
experientia docuit , mulieres purgamentorum suppres-
sione laborantes , si post septimum , aut nonum diem
alui fluxu corripiantur , vt plurimùm liberari. Si verò
primis diebus , videlicet secundo , tertio vel quarto
diarrhœa acciderit , vt plurimùm interire.

Atque ita (Deo sit laus & honos) affectuum mulie-
brium curationes absolutæ sunt.





PRAXEOS
 MEDICÆ
 LIBER XVI.

*De affectibus Articulorum, &
 Rheumatismo.*

PRÆFATIO.



ICET omnes articulorum affectus ab
 iisdem causis dependeant, & ratione
 tantum loci affecti inter se differant,
 iisdemque remediis curari soleant;
 nonnulla tamen reperitur differentia
 inter ischiadem, & aliorum articulorum dolores,
 ob partium ischij articulationem componen-
 tium structuram & amplitudinem; cuius ratione
 quandam in nonnullis remediis diuersitatem obti-
 net: ideo seorsim de dolore ischiadico agere con-
 stituimus.

stituimus. Et quia rheumatismus cum arthritide magnam habet affinitatem, illius ideò expositionem hoc in loco subnectere visum est. Atque adedò liber istè tribus absoluetur capitibus; quorum primum erit de arthritide; secundum de dolore ischiadico; tertium de rheumatismo.

CAPVT PRIMVM.

De Arthritide.

A Rthritis est dolor articulorum ex interuallis ferè inuadens, ab humorum influxu excitatus.

Partes dolore affectæ sunt membranæ, tendines, nerui, omnesque partes neruosæ articulis vicinæ, quæ ab humore in eas influente distenduntur, vel ab eiusdem acrimonia punguntur & vellicantur. Ligamenta verò ab ossibus oriunda sensus expertia sunt. Rarò autem humores arthritidem efficientes in ipsas articulorum cavitates influunt, nec nisi in affectu diutissimè perseverante, & vbi ampliores sunt cavitates, vt in dolore ischiadico diuturno, in quo nonnunquam os femoris excidit, laxatis ligamentis, aliisque partibus articulum connectentibus; & tunc articuli cavitas mucosâ pituitâ repletur, vt est apud Hippocr. *Aph.* 59. *sect.* 6.

Quæritur hoc in loco, cur ab humoribus in partes neruosas & membranosas influentibus, easque distendentibus aut vellicantibus, non fiat conuulsio. Respondemus, partes, quæ in arthritide magis afficiuntur, esse membranosas, quæ cùm motui nullo modo inseruiant, conuulsionem efficere non possunt quantumuis

quantumvis distendantur, aut vellicentur. Licet autem tendines & nervi motui dicati etiam dolore afficiantur, convulsionem tamen non pariunt; quia ut fiat convulsio, debent muscoli retrahi versus suum principium, & illa retractio debet fieri per contractionem nervorum, qui in eos inferuntur; quando verò à musculis egressi sunt, aut ad extremitatem eorum pervenerunt, licet distendantur, musculos contrahere non possunt.

Quatuor arthritidis differentiae ab authoribus vulgò constituuntur, ex diuersis articulis affectis repetitae: chiragra, cum manum dolor occupat; ischias, cum coxendicem inuadit; gonagra, cum genua: & podagra, cum pedes huiusmodi dolore afficiuntur. Reliquorum verò articulorum dolores generico arthritidis nomine donantur: licet Paræus propria iis nomina imposuerit, à partibus affectis desumpta; dolorem in maxillae articulis residentem, syagonagram appellans; in ceruice, trachelagram; in spina dorsi, rachysagram; in humero, homagram; in cubito, pechyagram. Sed istae nomenclaturae in usum medicum relatae non fuerunt. Ideò sufficit aliarum partium dolores ad commune, & genericum arthritidis nomen referre.

Aliae praeterea dantur arthritidis differentiae, quod alia sit generalis, omnes aut saltem plurimos corporis articulos occupans; alia particularis, vni tantum articulo inhærens: alia insita, & congenita, à parentibus hæreditario iure contracta; alia aduentitia, à causis externis & erroribus in victu commissis induta.

Humores autem arthritidem efficientes, non solum in articulos, sed etiam interdum in alias partes, ut caput, dentes, latera; imò & partes internas, ut iecur
&

& lienem , influere possunt , in iisque varios dolores excitare , qui tamen arthritici dicendi non sunt , quamvis à materia arthritidem efficiente generentur.

Omnes autem dolores articulos occupantes arthritidis nomen non merentur ; sunt enim interdum tumores in articulis , præcipuè in genibus , à quibus etiam dolores excitantur , ab humoribus crassis , pituitosis & melancholicis profecti , & diutissimè perseverantes , qui ad dolores arthritico , non referuntur , sed diuersam omninò naturam sortiuntur. Quæ diuersitas ex peculiaribus arthritidis characteribus in diagnosi describendis , clarius innotescet.

Causa proxima & immediata arthritidis est humor serosus , sua vel quantitate partes sensiles articulos ambientes distendens , vel acrimonia vellicans. Serosam esse illam materiam inde colligitur , quòd humores crassiores in articulos tam faciliè confluere non possunt , & tumorem in articulis magis conspicuum efficerent , qui perexiguus esse solet , imò verò in principio nullus apparet , licèt dolor acerbissimus excite- tur : adde quòd ille tumor nunquam suppuratur , quod aliis humoribus crassioribus sæpè contingit , si tantillum sanguinis secum admixtum habeant. In arthritide autem sanguis ad articulos attrahitur , qui ex inflammatione partis innotescit : nunquam tamen suppuratio contingit , propter seri prædominium , quòd suppuracioni resistit.

Illud autem serum rarò purum atque sincerum est , sed alios humores , aut ichores eorum secum admixtos habet ; vnde diuersitas insignis exoritur , pro maiori vel minori humorum permixtorum acrimonia , à quibus maior vel minor dolor excitatur. Tumor aliquando est notabilis magnitudinis , aliquando

vix apparet: color aliis est rubicundus, aliis flauus, aliis albus: in quibusdam malum citò soluitur, in aliis longiùs protrahitur; interdum caliditas ingens & feruor partem affectam occupat, aliàs nulla aut perexigua apparet; quandoque calida admota profunt, aliàs verò nocent, & frigida conferunt. Negandum tamen non est, serum per se maiorem vel minorem acrimoniam habere, prout magis vel minùs salis heterogenea, quæ ex alimentis in corpore cumulantur dissoluere, & in sese recipere soleat, (hinc omne serum falsum est,) prout maior, vel minor salis copia in eo recipitur, & prout salia illa maiorem vel minorem acrimoniam obtinent, maior vel minor dolor excitari consuevit.

Quia verò in arthritide, quemadmodum in omni fluxione, quatuor considerantur, materia fluens, pars mandans, pars recipiens, & viæ per quas fit fluxio; postquam materiam fluentem exposuimus, de reliquis est agendum.

De parte mandante est aliqua dissensio. Fernelius omnem arthritidis materiam, quam pituitosam, & tenuem esse vult, à capite defluere existimat. Non quidem à cerebro ipso, cuius excrementa vel per nares excernuntur, vel per palatum effluentia, ad os, fauces, asperam arteriam, aut ventriculum propelluntur: sed ab externis capitis partibus, & extra caluariam positis. Cum enim venæ quamplurimæ ab externis irregularibus deductæ eò excurrant, excrementa sua tenuia ac serosa ibi deponere asserit, cum capitis cutis crassa densaque sit, & humores per eam facile non expirent, temporis progressu ibi cumulari, & per summa corporis sub cute ad articulos defluere existimat. Alij verò caput quidem fluxionis arthriticæ ori-

stimat.

ginem agnoscunt, sed à partibus illius interioribus, cerebro nimirum effluere censent. Alij denique à visceribus in imo ventre continentis, putà hepate, & liene, vtero, aliisque, tum etiam à toto corpore, humores illos noxios per venas & arterias in articulos defluere pronunciant. Quæ omnes sententiæ, meo quidem iudicio, ex parte veræ sūt, ex parte verò falsæ. Veras esse censemus in eo, quod humores arthritidem committētes, à capite per internas & externas partes, & à visceribus, totòque corpore per venas & arterias defluere pronuntiant. Falsas verò asserimus in eo, quod vel solas capitis partes externas, vel internas tantum, vel sola viscera inferiora materiam arthritidis suppeditare voverunt. Cum enim totum corpus conflatile sit, possunt omnes partes humores superfluos ad articulos transmittere, si illi eorum receptioni dispositi sint. Dispositio autem articulorum, humoribus illis recipiendis idonea, ut partis recipientis conditionem hinc datā occasione explicemus; est eorundem imbecillitas, vel natiua à parentibus iure hæreditario contracta, vel asciticia à causis præternaturalibus inferiùs exponendis, oriunda. Cum igitur certissimo theoremate ab omnibus Medicis receptissimo sancitum sit, partes robustiores excrementa sua deponere in debiliores, asserendum est omnes partes prædictas superfluitates suas in articulos posse deponere, si illi imbecilliores facti sufficienter resistere nequeāt. Et ut sigillatim opiniones prædictæ confutentur: Fernelijs quidem satis perspicuè ostendere videtur humorem extra caluariam collectum per summa corporis, & sub cute in articulos defluere, cum interdū dolor in capite incipiat, inde ad cervicem, humeros, ac tandē in articulos excurrat. Sed nunquam ab aliis locis, aliisque partibus humores in articulos deferri, nullo modo probat, neque vllus post

ipsum probare poterit. Sic etiam qui à solo cerebro fluxiones huiusmodi fieri dicunt, contra sensum pugnare videtur. Cum enim partes articulos ambientes, venas & arterias recipiant, per quas sanguis nutritionis causa ad eas transfertur; quidni etiam serosus humor in maioribus vasis collectus, ad easdem partes per easdem vias deferri poterit? Hoc docuit præcisè Gal. *com. Aph. 20. sect. 3.* Vbi docet in tuberculis & doloribus articulorum profundum corporis expurgari, vitiosis humoribus à partibus principalibus ad ambitum corporis protrusis. Hoc etiam ostendit febris, quæ in arthritidis principio sæpe excitari solet; fit enim illa à serosa illuie in venis contenta, & commota, atque ebulliente, quando natura ad illius exclusionem sese accingit: & cum foràs omninò eam transmittere nequeat, ad partes ignobiliores & debiliores deponit. Tertia verò sententia, quam Sennertus defendit, à ratione etiam aliena est, & in eo peccat, quòd nunquam à cerebro fluxiones podagricas fieri cõtendit. Cum enim ad omnes alias partes, tum internas, tum externas, fluxiones à cerebro decumbant, quomodo articuli ab iis poterunt esse immunes? Et si humores catarrhum efficientes per venas & arterias defluunt non ratò, vnde febres catarrhales passim oriuntur; humores verò in venis, & arteriis contenti (vt ipse Sennertus asserit) ad articulos faciliè confluunt: demonstratiuè concluditur, fluxionem fieri à cerebro in iuncturas. Illum præterea humorum defluxum à cerebro per venas, ostendit copiosa vrinarum profusio, quæ fit non rarò, cerebro ab insolaru, aut nimio frigore commoto; tunc enim humores serosi in cerebro collecti agitantur à causis illis procatasticis, & ad venas arteriasque propelluntur; per quas ad renes & vesicam confluunt, vnde copiosa illa vrina promanat.

Causa interna proxima & immediata arthritidis sufficienter hætenus exposita; iam ad causas externas & procatarticas transeundum est: quas in tres classes, clarioris doctrinæ gratiâ, distribuere possumus. Prima est earum, quæ materiam generandæ arthritidi idoneam suppeditant. Secunda earum, quæ articulos debilitant & relaxant. Tertia denique earum, quæ humoris morbifici affluxum ad articulos promouent.

Ad primam classem referuntur, quæcunque crudorum ac serosorum humorum, omnisque cacochymix prouentum adiuuare possunt, vt alimenta crassa, & concoctu difficilia, ac valde excrementitia; crapula, & ebrietas frequens; Venus immoderata; vnde arthritidis Bacchi & Veneris filia dicitur; otium, & vita sedentaria, ac consuetarum exercitationum intermissio; somnus longior, & vigiliæ intempestiue; euacuationum consuetarum siue naturalium, siue artificialium intermissio; metus, tristitia, & sollicitudo diuturna.

Ad secundam classem referuntur, labor & motus vehemens; veneris vsus frequens, illius præsertim, quæ corpore erecto exercetur; articulorum refrigeratio & humectatio; balneatio frequens, articulorum contusio, luxatio, fractura.

Ad tertiam classem referuntur, aer frigidus humores exprimens, & calor eosdem fundens ac liquans & exagitans, meatusque aperiens; cibi acres & salsi humores attenuantes, vinum tenue ac generosum, exercitium immodicum, Venus effrænata, ira vehemens, aliæque animi pathemata immoderata.

Signa diagnostica alia imminenti, alia præsentem arthritidem significant,

Imminentis signa sunt: sensus in articulis solito exquisitior, vt à leuissima causa lædantur, putà noui cal-

cei compressione, ambulatione longa, vel leui aliquo ictu, aut ad lapidem aliudve corpus duriusculum illusione. Febris plerumque arthritidis inuasionem antecedit, quæ sit à serosis humoribus, aliisque in venis & arteriis contentis, commotis & exagitatis, dum natura eos ad partes illas ignobiliores expellere nititur. Viciniorem verò arthritidis insultum, & quasi incipientem significant, torpor & formicationis sensus in articulis, & quidam in iis feruor præter consuetudinem inuadens.

Præsentem arthritidem significat dolor iam actu articulum excrucians, quem plerumque tumor, & rubor comitatur; & si statim à principio non appareat, paulò post saltem excitatur. Pedis pollicem, & præcipuè sinistrum dolor frequentius inuadit, & ad alios articulos non rarò postmodum exporrigitur. Febris ante dolorem apparens interdum perseverat; interdum non antecedit, sed cum dolore inuadit.

Signa causarum etiam aduertenda sunt. Licet enim humor arthritidem efficiens à prædominio serosus sit, aliorum tamen humorum cum sero permixtorum notitia necessaria est, ut iis remedia aptari valeant.

Ac primùm bilem cum sero redundantem significant, dolor vehemens & lancinans, tumor exiguus, color subrubens aut subpallidus, calor magnus, & febris in statu perseverans, febris intensa, vrina tenuis, flava, & subrubra, auxilium à frigidis, læsio à calidis.

Pituitæ cum sero redundantis signa sunt, tumor partium affectarum sublaxus, qui impressis digitis forueam relinquit; dolor minùs acerbus, vrinæ crassæ ac perturbatæ, læsio à frigidis, auxilium à calidis, calor ferè nullus, color albus à naturali parum recedens.

Melancholiæ redundantis signa sunt color partis obscurus

obscurus ad liuorem tendens, dolor profundus, vrina tenuis & aquosa, lassitudo totius corporis, eiusdemque temperamentum ad melancholicum accedens.

Quod ad prognosim attinet. Arthritis periculosa non est, sed dolorum vehementia molestissima, & duratione cōtumacissima, vt totā vitā plerūque perseneret, ægroscque ad senectutem comitari soleat, imò verò longæuitatem nonnullis conciliet, ex eo quòd natura humores vitiosos, ex quibus alij morbi periculosiores generari poterant, ad articulos per certa interualla propellit; sicque partes nobiliores à prauis humoribus liberat.

Contingit tamen non raro in corporibus debilioribus, vel iam senio confectis, vt quādo natura humores noxios intus coaceruatos expellere nō valet, morbi inde lethales oriātur; vt febres acutissimæ, viscerū inflammationes, apoplexiæ, conuulsiones, phrenitides, orrhopnææ, cordis palpitationes, alique granissimi affectus.

Licet diathesi arthritica visceribus penitissimè infixæ, & natiua articulorum imbecillitas radicitus extirpari nequeant; possunt tamē arthritidis insultus maximè retardari; ita vt nonnulli sola vini abstinencia, alij purgationibus vsualibus frequenter iteratis, & per multos annos sese ab arthriticis doloribus seruauerint.

Hippocr. 2. *Prorrhet.* multos arthriticos sanari posse affirmat; eosque ab illis qui sanari non possunt, distinguit his verbis. *De podagra hoc dico: quicumque aut senes sunt, aut circa articulos callos tophaceos habent, aut ærumnosè viuunt, siccam aluum habētes: hi omnes sani fieri non possunt humana arte, quantum ego noui. Sanat quidem hos optimè dysenteria, si supervenerit; Sed & alia eliquationes valde prosunt, quæ ad infernos locos repunt. Qui verò iuuenis est, & circa articulos nondum callos habet concretos, & acuratè viuit, & laboris amans est, & aluum bonam habet ad obediendum pro studiorum ratione: hic sanè*

Medicum intelligentem nactus, sanari poterit.

Insanabili etiam arthritidi meritò ea annumerari debet, quæ hæreditaria est.

Si podagricis varices superuenerint, soluitur podagra, ex Auicenna. Quia humores ad articulos fluere consueti, ad exteriores cruris partes deriuantur.

Si arthritidis suas periodos seruare consueta non reuertatur, grauissimos & sæpè lethales morbos portendit, nisi materia morbifica diligenti prophylaxi sublata fuerit. Si enim ob debilitatem naturæ materia intus cummulata non expellatur, maximos morbos & periculosissimos producit.

Quibuscumque morbi podagrici fiunt, iis sedata in 46 diebus inflammatione, finiuntur. Hipp. Aph. 49. l. 6. In partibus enim exiguo calore præditis materia morbifica nonnisi longo tempore discuti potest. Certa tamen & perpetua non est illa periodus ab Hipp. proposita; nonnulli enim citius, alij tardius sanantur; quod dependet ex materiæ morbificæ quantitate, crassitie, vel contumacia; partium affectarum robore aut imbecillitate, & ægrorum obsequio in victus, ac remediorum administratione.

Omnis arthritidis curatio in eo consistit, ut humoris ad articulos influxus inhibeatur; qui iam influxit & articulis inhæret, submoueatur; & dolor interim, si acerbus fuerit, leniatur. Quæ omnia sequentibus remediis præstari poterunt.

Ac primùm sanguinis detractio erit convenientissima, si illius penuria non adsit, & humor pituitosus non abundet; quia ab humoris in articulos fluentis motu sanguis exagitur, & quasi ebullit, & à dolore in partem affectam attrahitur: illius idè reuulsio necessaria est, quæ fit ex opposito partis affectæ: atque adèd si brachium dextrum afficiatur, in sinistro vena secanda; si dexter

dexter pes laboret, vena dextri brachij aperienda. Idem quoque de brachio & pede sinistro dicendum. Est autem sanguis detrahendus statim ab ipso morbi initio, & quantum opus est, si vires ferant, vnica vice detrahendum: Sin minus, iteratis vicibus, donec plenitudini sit satisfactum.

Hoc præ oculis semper habendum est, copiosam sanguinis detractionem, in iis qui illam facile ferre possunt, morbum maximè abbreviare, si statim ab initio celebretur, aut p artitis saltem vicibus.

Purgatio etiam quamprimum, & in ipso paroxysmi initio instituenda est: sic enim fluens & fluxurus humor ab articulorum viis auocatur, & ad intestina attrahitur. In ista autem purgatione duo notatu digna obseruanda sunt, à Solenandro, practico insigni, pluries annotata.

Primum est, vt purgatio illa fiat non blandiori aliquo, & leniente medicamento, quo humores magis commouentur quàm euacuantur, & in articulos precipitantur, vnde dolor & tumor acerbior iis sæpè solet succedere; sed aliquo ex fortioribus, quod humorem commotum euacuet, & ab articulis auertat. Alterum est, vt exhibito medicamento artus supra genua, & cubitos obuoluantur aliquo defensiuo, quo humor fluens, si quis assumpto medicamento commotus est, intercipitur, vt minus, minoremque impetu in articulos decumbat.

In eum vsum ex bolo, malicorio, balauistiis, radicibus bistortæ, vel tormentillæ, rosis, cum albumine oui & aceto conficit vnguentum, idque inductum tæniis seu fasciis palmum latis, & mediocriter longis, supradictis locis obuoluit. Si nec ista ad manus sunt, simplici poscâ tinctas circumdat, arque, quod minimum est, diem totum relinquit. Vbi autem fluxio est vehemens,

hemens, fasciæ inducit linimentum ex bolo, sanguine draconis, albumine oui, & oleo rosat. omphacino: vel prius sine oleo compositum, cui ne siccatum & induratum dolores excitet, parùm olei præditi, aut vnguenti comitissæ addendum erit.

Ad hanc autem purgationem exequendam, præscribetur à perito Medico medicamentum ægrotantis naturæ, & humoribus in toto corpore redundantibus accommodatum: vel aliquod ex specificis purgantibus, quæ in præseruatione proponentur.

Euacuatio quæ fit per vomitum hîc etiam utilis est, in iis qui faciliè vomunt; quia breuiore viâ humores euacuat, atque adeò non ita metus est vt ad partem affectam ruant. Blanda autem vomitoria exhibenda sunt, quæ tantùm partes ventriculo vicinas euacuant. Si enim vehementia sint, & à venis attrahant humores, eosdem ad articulos præcipitare poterunt. Tum post vomitiones purgatio per inferiora etiam molienda est; imò si vnica non sufficiat, erit iteranda.

Post sufficientem purgationem, sudorum prouocatio maximè conferre poterit; sic enim serosa materia per habitum corporis discutietur. Verùm cum in arthritidis inuasionem fiat quasi quædam ebullitio, & plerumque febris adsit, calida sudorifica non conuenient, sed tantùm temperata; ex quibus commendat Sennertus cornu cerui vel crudum, vel sine vstione præparatum, aut solum, aut cum aqua cardui benedicti; tum etiam antimonium diaphoreticum. In affectu diuturno, & absente febre, decoctum chinæ, salis parillæ, aut sassafra potest exhiberi, & herbis refrigerantibus, vt cichorio, endiuia, acetosâ, borragine alterari. Vel solummodò post detersum sudorem, iusculum pulli prædictis alteratum assumatur.

Martinus Rulandus sequenti sudorifico vſus eſt feliciter.

℞. Summit. centaur. min. M. ij. rad. aſari Vnc. ij. Bulliant in aquæ lb. x. ad medias, & colentur. Capiat Vnc. viij. calidè manè per aliquot dies, & ſudet.

Foreſtus verò laudat decoctum radicis bardanæ ſeu lappæ maioris ; quod incidat, diſcutiat, ſudores & vrinas moueat. Refertque quemdam arthriticum in lecto decumbentem , vt nullum membrum mouere poſſet, biſſe cereuiſiam calidam, in qua radix lappæ maioris cocta erat ; qua epota , cum nullis remediis à Medicis curari poſſet, plurima minxit alba inſtar lactis, & à doloribus liberatus fuit.

Hercules Saxonia panis recenter è furno extracti decem aut duodecim ordines , ſecundùm omnem corporis circumferentiam admouet, quibus ſudor copioſè prouocatur, & dolores auferuntur.

Conuenit etiam non parùm ſtupha humida ex decocto ebuli, lauri, ſaluia, roriſmarini, & ſimilium cum vino albo parata ; vt illius decocti fumum recipiat æger in doliolo, vnde copioſus ſudor excitatur.

Aquæ etiam thermaleſ balneo ſudores prouocant, & materiam in articulis contentam promptè diſcutiunt. Idèd cùm ægri eas adire nequeunt , aqua earum transferri ſolet , & in lebetè caleſcieri pro balneo. Eraſtus *conf.* 15. hoc reliquis præfert ad mitigandos dolores ; ſed in aqua tantum ſalis incoquit , vt guſtus clarè ſalſedinem percipiat.

In principio fluxionis , temporibus vacationum intermediis , quæ eam ſiſtant exhibenda ſunt ; qualiâ ſunt , quæ in calidi catarrhi curatione propoſita ſunt præcipuè verò iulepi ex aquis , vel decoctis & ſyrupis refrigerantibus & incrallantibus.

Imò verò interdum neceſſitate vrgente narcotica

exhibenda sunt : nam & fluxionem sistunt, & dolorem atrocem mitigant. Ex his theriaca recens erit opportunissima, & sæpè iterari poterit sine periculo ad 3.ß. vel 3.j. Cui vtiliter, ad fluxionem cohibendam, tantillum boli admisceri poterit. Huius tamen loco laudanum opiatum, aliæque narcotica substituere non erit inconueniens.

Post debitas euacuationes celebratas, aliàsque interna exhibita, quæ causam antecedentem respiciunt ; ad topica deueniendum est, quæ dolorem demulcent & causam coniunctam discutiunt. Quæ statim vsurpanda non sunt, antequàm vniuersalia prædicta præmissa fuerint ; alioquin plus damni, quàm commodi afferre solent. Vel enim materia, quam natura ad articulos expellere conatur, ad interiora repellitur, vnde grauius symptomata excitantur ; vel articulis impingitur, dolorque exasperatur ; vel pars effœminatur laxaturque, atque ita fluxus augetur.

Quæ cum vulgò non obseruentur, & topica non satis tempestiuè & cautè adhibeantur, plus plerumque damni, quàm vtilitatis inde ægri percipiunt. Topica autem ista vel dolorem solum respiciunt, vel causam simul doloris, humorem scilicet qui affluxit, doloremque & tumorem excitat.

Dolorem lenientia hîc maximè necessaria sunt, quia symptoma grauissimum vires deiecit, & humores ad partes affectas attrahit. Præterà usu anodynorum partes relaxantur, & humor qui antea ad profundiores circa articulum partes fluebat, ad exteriores & ambientes diffunditur. Vnde arthritici dolores, antequàm pars intumescat, sunt vehementissimi : mitigantur verò vbi pars intumescit. Anodyna autem medicamentis partibus arthritide laborantibus admouenda, plurima proponuntur ab Authoribus. Præcipua verò
sunt

sunt quæ sequantur.

Lac tepens parti dolenti admotum, cum pannis lineis in eo intinctis, dolorem demulcet; tum etiam si pars eo irroretur, præcipuè cum primùm ex mamma detrahitur; quod maximè commendat Amatus Lusitanus curat. 41. cent. 6. his verbis. *Qui podagra ingentes dolores patiebatur, capram intra cubiculum suum adducere, & ex ea lac supra membrum dolens, & male affectum emulgere curabat; quo dolores euidenter imminui sentiebat. Nec quidem iniuriâ. Nam lac sic recens emulsi non dolores demulcet, & mitigat ac remittit. Est autem remedium Turcarum Principibus commune, & familiare satis, à te qui lucrum & honores petis, in pretio habendum.*

Ex eodem lacte paratur cataplasma de mica panis, quæ in eo incoquitur, addendo vitellos ouorum, & tantillum croci.

Folia etiam hyoscyami, aut violariæ in lacte vel posca decoquuntur, & parti vtiliter admoventur.

Paratur etiam cataplasma ex pulpa rad. althææ, cum lacte permixta.

Ex pulpa cassiæ fit etiam cataplasma, vel sola, vel cum oleo rosaceo aut sequentibus permixta.

℥. Medullæ panis albi in lacte decoctæ lb. ss. medullæ cassiæ ℥. iij. Fiat cataplasma. Vel

℥. Medullæ cassiæ ℥. iv. theriacæ recentis ℥. ss. farinæ hordei & auenæ, ana ℥. iij. micæ panis albi ℥. iv. lactis vaccini lb. ij. vel iij. Coquantur omnia in formam cataplasmatismatis, quod applicetur calidè partibus dolentibus. Si addideris vitrioli calcinati, & subtilissimè puluerati ℥. ss. vel ℥. j. multò præstantius efficies.

In principio arthritidis, quæ pedis pollicem tantum adurit, sequens admoendum erit.

℥. Album.

℥. Album ouor. num. ij. salis triti parum, aceti rosgutt. aliquot. Excipiantur stupis, & applicentur.

Alia etiam fiunt cataplasmata summæ efficaciz, in hunc modum composita.

℥. Aquarum verbasci albi & filicis totius, ana lb. β. vitoli calcinati subtilissimè puluerati ℥. j. β. farinæ ℥. iv. croci ℥. ij. Fiat cataplasma.

℥. Maluæ cum radicibus quantum vis. Coque in fictili nouo, cum æquis vini & aceti partibus, ad tertiaz partis consumptionem; deinde adde fursaris secalis crassioris q. s. ad conficiendum cataplasma. Quod benè subactum, & panno lineo inductum applicetur partibus dolentibus calidum quantum fieri potest. Hoc maximè commendat Solenander.

Refert Forestus, miraculosum esse cataplasma compositum ex lenticula aquatica, & floribus chamæ. in lacte coctis, addendo farinæ hordei parum.

Montagnana in acerbissimis doloribus sequens præstantissimum esse affirmat.

℥. Vitell. ouor. num. x. Conquassentur in frixorio, cum lb. β. olei rosacei. Coquantur leuiter ad inspissationem, addendo croci ℥. ij. & calidum applicetur.

Admonetur à plerisque in principio fluxionis, cataplasma ex sale & fuligine, cum albuminibus ouorum subactis.

Vel ex flor. chamæ. ℥. ij. rosar. rubr. ℥. j. β. flor. verbasci ℥. β. Puluerentur & coquantur in lacte dulci ad cataplasmatitis consistentiam, addendo vitell. ouor. num. iij. vel iv.

Vel ex farinæ hordei, & fabarum, ana M. j. flor. chamæ. & ros. ana M. β. aquæ verbasci, fol. salicis, ana q. s. vel aquæ plantag. & vini, ana q. s. Incorporentur omnia

omnia simul in formam cataplasmatiſ.

Fomenta etiam partibus dolentibus admouenda, varia componi poſſunt in hunc modum.

℥. Fol. verbaſci ℥b. vj. vini rubri ℥b. ij. Trita macerentur per aliquot dies. Deſtilletur aqua, quâ foueantur partes dolentēs tepidē, cum linteis eā imbutis. Vel

℥. Flor. verbaſci q.ſ. Iis ampulla vitrea impleatur, & orificio obturato ſoli exponatur: ſic enim in liquorem diſſuunt, qui linteo parti affectæ impoſitus dolorem lenit.

Sal Saturni in ſpiritu vini tenuiſſimo diſſolutum mirē dolores ſedat.

Aqua ſpermatis ranarum menſe Maio deſtillata, partibus dolentibus impoſita, mirē dolores lenit, & partis inflammationem ac ruborem temperat. Cum illa etiam ſequentia vtiliter admifceri poterunt.

℥. Aquæ ſpermatis ranarum, rapſi barbati, & filicis, ana ℥b. j. ſ. In quibus infunde tuthiæ, lithargyri, ana ℥j. vitrioli calcinati, aluminis, an. ℥j. Foueantur partes dolentes tepidē.

Acetum ex infuſione lithargyri paratum, & nonnihil euaporatum, vt omninō dulceſcat, admodū prodeſt arthritidi calidæ.

Oleum ex pedibus vituli extractum, ad dolores arthriticos ſedandos præſtantiffimum eſt, & hoc modo elicitur.

Pedes vituli contundantur, & oſſa confringantur. Deinde coquantur ad putrilaginem. Oleum aquæ ſupernatans miſce cum aqua vitæ & ſale, iſſque partes dolore affectæ illinantur.

Olea & pinguedines à plurimis etiam uſurpantur. Sed cū inflammatio, quæ in membris arthritide laborantibus contingit, ad eryſipelatis naturam utplurimum

rimùm accedat, pingua illa plus nocere, quàm prodesse non rarò possunt, cùm poros obstruendo humorem noxium intus retineant, & ita dolorem augeant.

Quemadmodum refert Sennertus, virum quendam arthriticum, summo cum fructu vri solitum ad dolores sedandos caseo ouillo planè recenti imposto, verùm sæpè renouato. Quamprimùm enim à calore partis calefactus pinguescere, & quasi butyrum fundere caseus incipiebat, dolor intendebatur. In quibusdàm tamen corporibus oleum rosaceum, & similia conuenire poterunt, saltem cum aliis medicamentis permixta; quandoquidem pro variis hominum naturis varia conferre solent. Ideo ingens remediorum numerus habendus est, vt passim immutari valeant; quia vix vllum inueniri potest adedò efficax, vt omnibus æquè prosit. Exempli loco sequentia habeantur.

℞. Medullæ panis albiss. lb.ß. Coque in lacte recenti ad pultis consistentiam. Deinde adde mucilaginis sem. althææ ʒ.ij. farinæ seminis lini, fœnugr. ana Drach.ij. pulu. flor. chamæm. meliori, aua ʒ.j. croci ʒ.i.ol.ros.ʒ.j. Misce, fiat cataplasma.

Vel cataplasmati de mica panis suprà descripto oleum rosac. admisceri poterit.

Linimenta & vnguenta etiàm parari solent ad dolorem demulcendum.

℞. Vitell. onor. num. ij. vel iij. Dissoluantur cum oleo rosac. vel violac. vel vino, & tepidè applicentur.

Balsamum Saturni cum ol. violato, vel ros. paratum, dolorem sedat efficacissimè.

℞. Cerussæ ʒ.ij. Dissolue in aqua endiuiz, & modico aceti. Fiat liquidum vnguentum.

Ex eadem cerussa fit emplastrum magnæ efficacix, quod ab initio morbi admoueri potest, etiam tumore atque inflammatione præsentē; eiusque compositio talis est.

℥. Ol. commun. ℥. j. vini ℥. j. β. Bulliant ad mediam vini consumptionem. Deinde adde cerussæ subtilissimè pulueratæ ℥. j. camphoræ ʒ. ij. Coquantur ad emplastri consistentiam. Vbi magnæ est inflammatio, loco vini acetum est reponendum. Extendatur emplastrum super lintea, ut commodius partes obuoluantur.

Carellus viuis parti laboranti admotus dolorem valde demulcet.

Dolore admodum sæuiente ad narcotica licet confugere; quamuis ea diu in parte retinenda non sunt, cum calido nativo & nervis sint inimica.

℥. Fol. hyoscyami M. ij. solani, semperuiui, ana M. j. capitulum papaueris hortenſis P. j. rad. mandragor. ʒ. j. florum chamæm. violar. ana P. j. Fiat decoctio in aqua vel lacte, qua foveatur locus.

Residentia pistetur, addendo farinæ sem. lini ʒ. j. β. farinæ tritici ʒ. ij. ol. chamæm. ʒ. ij. Fiat cataplas. Vel

℥. Spiritus vini, per croci infusionem flauescens Vnc. iiii. camphoræ ʒ. j Bulliant parum. Deinde dissolve opij ʒ. j. Eoque liquore pars dolens illinatur. Tutum & efficacissimum est remedium.

Folia nicotianæ recentia, contusa & admota dolorem arthriticum sedant, & vim quandam narcoticam obtinere dicuntur.

Causam verò dolorem efficientem quod attinet, fluenti in partem debentur repellentia; fluxæ verò deriuantia, & resoluentia.

Attamen repellentia hîc improbâtur, saltem sola, & sine aliorum permixtione adhibita. Nam si humorum in partem influxum omninò impediunt, metus est ne illi

illi ad partes internas retrocedentes periculosos affectus inducant, nisi ad aliquem alium articulum transferantur. Adde quòd humor iam influxus ad partem intimiùs impingitur, vnde dolores acerbiores excitantur. Attamen si maximus in principio fiat humorum, præcipuè calidorum, affluxus, ex quo doloris acerbitas metuenda sit, eum quadamtenùs reprimere conueniet, admotis repellentibus, non solis, sed cum anodynis permixtis, post vniuersales & sufficientes euacuationes. Tunc enim nimis laxantia humorum affluxum promouent. Itaque prædictis cataplasmatis, aliisque remediis, plantaginem, lactucam, portulacam, semperuiuum, & similia addere licebit, vt & aceti tantillum. Exempli gratia.

℞. Farinæ hordei ℥.iiij. Coque in oxycrato, adde vitellos ouo.num.ij. croci ʒ.j. Fiat cataplasma. Vel

℞. Ros. rubr. M.j. far.fabar. hord. & fœnugr. ana ʒ.j. fantali rub. ʒ.j. β. flor.chamom. P.j. Coctis & confusis addantur vitell. ouorum num.ij. aceti ʒ.iiij. ol. rosacei q.s. Fiat cataplasma.

Inter deriuantia remedia locum habent hirudines, parti dolenti admotæ, post sufficienter euacuatum corpus: tunc enim valdè profunt, præsertim cum venæ in parte affecta distentæ, & sanguine turgidæ apparent.

Resoluentia verò medicamenta sub variis formis vsupari solent, aquæ nimirum, olei, vnguenti, balsami, fomenti, suffitus, cataplasmatibus, emplastri, & similibus, in sequentem modum composita.

℞. Vitrioli albi, & viridis, ana ʒ.j. camphoræ ʒ.ij. aquæ vitæ & vini albi, an.℔.j. Misceantur, atque cum intinctis pannis applicentur. Vel

In vrina calx viua extinguatur, & cum ea per resistentiam, aut colaturam deputata, locus dolens foueatur.

tur. Idem ex calce, & aceto factum probatur.

Martinus Rulandus in centuriis suarum curationum, aquam suam antipodagricam mirè prædicat, cuius descriptionem nunquam proposuit. Eam autem ita se habere existimant Libavius, Petrus, alique.

℥. Aquæ fontis ℔.j. aquæ fortis ℥.β. sublimati 3.j. Bulliant per horæ quadrantem. Hoc liquore panni line madefacti partibus dolentibus tepidè applicentur.

Quercetanus in Pharmacopœa sequentes proponit.

℥. Muria, salis, & urinae pueri, ana partes æquales. Distillantur, & aqua foucantur partes cum linteis, sæpè renouandis.

℥. Folior. & flor. sambuci viridium, an. ℔.j. Conrudentur & macerentur in aqua vitæ, idque per duos dies vel tres. Distillantur per vas vitreum vel cupreum ad siccitatem.

℥. Spiritus vini rectificati ℔.ij. mellis purissimi ℔.j. Distillantur in balneo vaporoso. Sic duos distillabis liquores. Primus est aqueus. Secundus multò fortior, & sulphureus, quem seorsim reserua. Magmati siue remanentiæ adde croci orientalis integri ℥.j. sem. terebinthinæ Venetæ ℥.ij. castorei 3.vj. tartari ad albedinem calcinati ℔. sem. salis fusi Vnc.j phlegmatis vitrioli à suo spiritu non separati 3.iv. lixiuij sarmentorum ℔.ij. Macerentur per xxiv. horas. Dein distillatur ad siccitatem. Liquor qui inde emanabit, seruetur etiam seorsim. Facibus remanentibus affunde priorem aquam reseruatam. Macerentur & distillantur. Tandem omnes liquores distillatos misce, & denuò per balneum vaporosum distilla. Hanc dicit Quercetanus esse miræ facultatis, & sibi communicatam à quodam Germano celeberrimo, tanquam singulare donum, affirmante hanc esse ipsam aquam Martini Rulandi. Sequæ eximios illius effectus

vidisse testatur in sedandis arthriticis doloribus, si lintecola in eadem mediocriter calefacta & demersa membro dolenti applicentur.

Idem Querceranus in consilio de arthritide, gloriatur se sibi reservare aquam suam antipodagricam, tanquam veterano militi aliquid athletici artificij. Quam dicit fieri ex aqua fontana simplici, in qua iteratè & aliquoties extinguit quædam metalla, cui addit duas substantias metallicas, quæ vel per os ritè præparatæ dari solent: quarum spiritus impressi in aqua prædicta, vim ei tribuunt penetrandi ad radices usque morbi, atque verè resoluendi & attenuandi materias tartareas, gypseas atque sales in iuncturis concretos, à quibus tam intolerandi dolores excitantur.

Huic fortè non absimilis, nec inferior est quæ sequitur.

℥. Calcis viuæ lb. iv. Extinguantur in aquæ fluuiialis l. q. & relinquantur in cella vinaria trium dierum spatio, vt melius sal extrahatur ex calce. Postea parùm bulliant, & coeantur per manicam Hippocratis. In colat. lb. xx. extingue septies, aut nouies, primò laminas chalybis ignitas; secundò laminas cupri ardentes; tertio vitriolum ad albedinem calcinatum ad Vnc. x. quarto antimonium liquefactum in crucibulo ad lb. β. quinto lithargyri vel cerussæ in crucibulo calefactæ lb. β. mercurij præcipitati albi vnica locatione loti ℥. β. aris vsti subtiliter triti ℥. β. Post extinctionem horum mineralium, aqua superseadeat in cella vinaria decem dierum spatio. Postea parùm bulliat, & coeantur per manicam Hipp. Hac aqua calente lintea duplicata imbuantur, & applicentur frequenter.

Inter fatus partu faciles commendatur ille, qui fit ex sale ammoniaco septies sublimato, & in vino aut aqua ritè dissoluto. Vel ex vrina iuuenis bene sani usque

que ad medietatem cocta, & cum linteis admota.

Scribit Solenander *conf. 24. sect. 4.* quemdam senem podagricum sibi hoc modo facere medicinam solum. Cum tumor & dolor magnus, locusque rubens erat, accipiebat salem, cinerem, urinam pueri, & acetum. In iis commixtis madefactum, & expressum pannum laneum album, applicabat aliquoties, sicque dolor magna ex parte sedebatur.

Quemadmodum antea diximus, olea anodyna in arthritide parum conuenire; idem de oleis resoluentibus hic dicendum est, quia poros cutis occludant, sicque liberam transpirationem impediunt, & calorem augent, neque propter viscidam suam substantiam ad intimas articulorum partes penetrare possunt, ut humores salios, acres & tartareos in iis latitantes temperent ac resoluant. Attamen si prædicta olea per retortam destillentur, huic usui maxime idonea, utpote valde penetrantia, ac minimè viscida efficientur. Ex illis præstantissima sunt oleum cheirinum, hyperici, & de vitellis ouorum, quæ simul mixta, & per retortam destillata, dolori sedando, eiusque causæ discutiendæ utilissima sunt.

Oleum etiam scorpionum Matthioli, modo prædicto destillatum, præstantissimum est.

Oleum ad idem etiam est efficax.

At cæteris omnibus præfertur, & non solum à Chymiatis, sed etiam à Doctoribus dogmaticis, ut Cratone, Platero, aliisque laudatur oleum ex ossibus humanis, eodem modo paratum, quo oleum de lateribus conficitur: nimirum ossa humana non humata, contracta, & ignita in oleum vetus iniiciuntur. Postea verò oleo imbibita contunduntur, & in retortam coniiciuntur, sicque vi ignis extrahitur oleum.

In ossium humanorum defectu, aliorum animalium

ossa subrogari poterunt.

Sequens etiam erit valde utile.

℥. Mastiches, thuris, myrrhæ, ammoniaci, opopanax, bdellij, mumia; an. ʒ. ij. vitriol. lb. j. mellis lb. ij. tartari ʒ. j. β. spiritus vini lb. iv. Distilletur oleum, ex quo pennâ illinatur pars dolens.

Ad dolorem sedandum & materiam arthritidis resoluendam laudatur etiam liquor limacum, in hunc modum compositus.

In manicam Hippocratis coniice limacum integrorum M. j. Tum super illos iniice salis communis M. j. super salem seminis ebuli subtilissimè triti M. j. & sic vicissim, limaces, salem, semen; donec omnium sigillatim quatuor vel quinque strata confeceris. Manica dependeat in cella vinaria humida. Et post paucos dies distillabit ex ea liquor lubricus, & pinguis, quem soli exponito per quatrimum, & locum affectum eo illinito.

Vnguentum resoluens in hunc modum componi poterit.

℥. Chamæpit. absinthij vulgaris, & summit. rorism. an. M. j. flor. chamom. meliloti, rosar. an. P. j. ol. & vini an. lb. β. Bulliant ad vini consumpt. Expressioni adde ceræ q. s. ad vnguenti consistentiam. Inungatur calidè pars affecta. Intra 24. horas pars intumescit, & dolor cessat.

Cataplasmata etiam resoluentia, & dolorem sedantia varia confici possunt. Præcipua verò sunt hæc.

℥. Furfuris tritici lb. j. salis ʒ. j. sapæ q. s. Decoquantur ad formam cataplasmatum. Vel

℥. Farinæ fabar. lb. β. Decoquantur in vini s. q. addendo aquæ vitæ & butyri parùm. Fiat cataplasma. Vel

Ebuli folia tenera aut sambuci contusa applicentur, vel cum butyro frixa in sartagine, in formam placentæ.

Radix bryoniæ contusa cum aqua vitæ est etiam valde

de efficax.

A nonnullis etiam commendatur radix aronis, cum stercore vaccae permixta.

Sequens verò à Solemandro laudatur, quod sine insigni calefactione resoluit, dolorem sedat, & articulos roborat: Potestque tutò post paroxysmi principium, circa quintam morbi diem, applicari.

℞. Pulu. ros. rubr. ℥. ij. mastiches ℥. j. camphoræ ʒ. β. farinæ hordei lb. β. Coquantur in vino albo, continuè agitando, donec inspissetur, & calidum applicetur.

Emplastra deum magno vsui esse solent. Præcipua verò sunt hæc.

℞. Thuris, mumix, colophonix, an. ℥. j. mastiches, myrrhæ, coralli albi, an. ℥. β. axungix humanæ ʒ. vj. gummi ammon. & bdellij in aceto solut. an. ʒ. iij. terebinth. ℥. β. olei vulpini & rosac. an. q. s. Fiat emplastrum.

℞. Rad. ireos florent. & hermodactylorum puluerat. an. ʒ. vj. emplastri oxycroci, & de mucilag. an. ℥. ij. resinæ pini ℥. j. Malaxentur simul, addendo ol. lumbric. q. s. Fiat massa emplastri.

Emplastrum diapalma seu diachalciteos maximo in vsu est, vel solum, vel additâ camphorâ, in hunc modum.

℞. Massæ emplastri diapalma lb. β. camphoræ ʒ. ij. Misceantur simul, & applicentur partibus affectis. Vel in formam sparadrap.

℞. Massæ emplastri diachalcit lb. β. de sulphure ℥. j. styrac. calamit. & benjoini, an. ℥. β. gumm. tacam. ℥. ij. olei hyperici & lumbric. an. ℥. j. styracis liquid. ℥. j. β. cetae nouæ q. s. Liquefactis omnibus simul, immergatur tela bis aut ter, quæ politia & siccata seruetur ad usum.

At verò idem emplastrum cum sequentibus permixtum, inter excellentissima remedia arthritica censerì debet.

℥. Emplastri diachalcit. vino rubro austero soluti, & ad vini consumptionem cocti ℥. j. myrtill. ros. rubr. mastiches, tartari vini rubri puluerat. an. Drach. ij. chamæp. & chamæm. odorati veri puluerat. Drach. β. Fiat emplastrum, applicandum vbi tumor valdè imminutus fuerit.

Tandem in dolore diuturno & valdè contumaci, à materia præsertim frigida oriundo, confugiunt nonnulli ad vesicatoria, partibus affectis admota. Eorum mentionem facit Sennertus, sed quæ anodynis permisceantur. At emplastro vesicatorio, quod in nostris officinis habetur, solo & impermixto, sapientissimus Varandæus præceptor meus feliciter usus est: eoque curauit magnum & contumacem tumorem genu occupantem, cum alij Medici multas purgationes, & diætam sudorificam, necnon topica permulta frustra vfurpassent.

In omnium autem prædictorum remediorum usu hoc vnice annotandum est, vt à iuuantibus & lædentibus sumatur indicatio; quandoquidem variæ sunt hominum naturæ, varia temperamenta, & variij generis excrementa in iis colliguntur, vnde summa in morbis varietas solet exoriri. Idèd quod vni prodest, alteri sæpè est inutile. Quod maximè usu venit in arthritidis curatione. Eaque ratione vnicuique practico medicamentorum sylua habenda est, vt si vnum frustrà tentetur, ad aliud atque aliud confugere possit: ea semper diligendo, quæ rationali methodo magis consentanea videbuntur.

Quando arthriticis tophacea, & nodosa est, difficillimè curatur, præsertim si inueterata sit. At nodi recentes emollientibus & resoluëntibus fomentis, vnguentis & emplastris; dissolui possunt. Specifica verò sunt quæ sequuntur.

Galen. valdè commendat emplastrum compositum ex caseo veteri & acri, cum decocto pernae suillae salicæ subacto.

Alij pedes suillos falsos decoquunt, quousque in mucilaginem conuertantur. Postea admiscunt casei antiqui partes duas, puluer. nasturt. partem vnā, vt fiat emplastrum. Vel

℞. Succī nicotianæ Vnc. iij. ceræ citrinæ Vnc. ij. resinæ pini Vnc. j. sem. terebinth. Vnc. j. olei chamom. q. s. Fiat ceratum molle. Vel

℞. Baccarum orientalium (quas Galli vocant, *coques de Leuant*) myrrhæ, ana ℔. β. Puluerentur & simul misceantur cum aceto forti in formam cataplasmatīs.

Gummi ammoniacum in aceto dissolutum potenter emollic.

Rulandus tumores istos duos inungit manè, meridie, & vesperi oleo seu balsamo sulphuris calente, & desuper emplastrum diasulphuris calens applicat.

At vnicè confert emplastrum sequens, quod præter doloris sedationem, etiam ex articulis materiam tophaceam extrahit.

℞. Vitrioli rom. ℔. j. aluminis rupei ℔. sem. salis Vnc. iv. Hæc omnia coniunctim calcina in catino terreo, euaporando saltem, donec spiritus etiam exhalare ceperint. Quibus odore perceptis, statim desiste à calcinatione, & refrigerescant omnia, ac puluerentur.

℞. Huius puluer. & farinæ hord. ana partes æquales. Misce cum facibus vini ad formam pultis, quam supra laciniam extende, ad spissitudinem cultus, & applica loco affecto. Exsiccatam massam cum facibus vini iterum dissolue, & applicare perge, donec primùm discussus dolor; postea verò ex articulis ipsis contortis omnes topi consumpti fuerint. Interim tamen sæpe fit, vt cutis aperiatur, quod formidandum non est. Vel

enim sponte suâ postea vlcera coeunt, vel cerâ saltem emplastri loco impositâ consolidantur, ipsis articulis denudè mobilibus & agilibus redditis.

Si denique nimis inueterata arthritidis & prorsus nodosa fuerit, præcedenti curâ mitigatio quidem dolorum speranda est, sed tophi vix cedunt; ideo caustico leuiori curis aperienda, deinde emplastro attractiuo ex gummatibus tophi eximendi.

Articularis doloris iam præsentis curatio prædictis perficitur. Sed quia hic affectus per interualla, præcipue vere & autumno, redire solet; illius prophylaxis instituenda est. Quæ quidem eò respicere debet, ut materia ad articulos ruituræ collectio impediatur: aut si quæ collecta sit, auferatur. Ac denique ne articuli tam facile humorem influentem recipiant, impediatur materia collectio, optimâ victus ratione, & remediis viscerum intemperiem corrigentibus. Materia collecta auferetur remediis euacuantibus. Et articuli non tam facile recipient, si roborantibus confirmantur.

Diætam quod attinet, licet ea in hoc casu maxime, imò præcipui sit momenti; instituti nostri ratio eam describere non patitur.

De potu tantum dicemus, vinum arthriticis esse maxime noxium, multosque eius abstinentiâ penitus fuisse liberatos. Si tamen æger propter alia valetudinis incommoda non possit ab eo omnino abstinere, bibat pauciferum, seu aquosum & valde dilutum. Hollerius loco vini commendat melicratum valde dilutum, scilicet ex aquæ partibus 40. vel 48. & mellis parte vna, quod tamen non conuenit picrocholis & sitibundis.

Bochetum sequens omnibus naturis conuenit, & plurimis valde profuit.

℞. Rad. saltæ paril. ℥.ij. liquirit. Vnc.j. cinam. & sem. anisæ ℥.ss. Fiat puluis tenuissimus. Cuius cochl. j. misceatur.

miscetur cum ea aquæ quantitate, quæ pro vno pastu
sufficit. Agitentur in duobus vasis ter, aut quater.
Postea colentur pro potu ordinario, singulis pastibus
idem iterando.

Vacuationes verò quod attinet, phlebotomia pri-
mum instituenda est, præsertim vere & autumnò; in
iis qui sanguine abundant, eiusque efferuescentiæ ob-
noxij sunt.

Purgatio verò non solum vere & autumnò, sed
etiam quater in anno, imò & singulis mensibus in val-
de cacochymis celebranda est. In quem usum multæ
purgantium formulæ circumferuntur huic affectui spe-
cificæ. Præcipuæ verò quæ sequuntur, à prudenti Me-
dico ita usurpandæ, ut plerumque immutari debeant,
tum ratione materiæ, tum ratione dosis, iuxta varia
ægrorum temperamenta.

℞. Sennæ mundat. turbith. hermodactyl. & rasu-
ræ cranij non humati, an. Drach. j. diagrydij Drach. β.
Fiat pulvis, de quo capiat Drach. j. cum aqua iux arthri-
ticæ, vel iusculo. Vel

℞. Salsæ paril. ℥. j. sennæ mundat. Drach. vj. turbith.
hermodactyl. ialapæ, mechoac. anc. Vnc. β. agaric. tro-
chisc. Drach. ij. diagrydij, cinam. an. Drach. β. Fiat pul-
vis. Cuius Drach. j. infundatur in vino albo per noctem.
Capiat æger manè vinum & puluerem.

Electuarium caryocostinum à Petro Bayro miris
laudibus effertur, & ab omnibus Practicis approbatur,
eiusque descriptio habetur in Pharmacopœa Baudero-
nij. Datur ad Vnc. β. Sed in calidioribus naturis illius
usus poterit esse noxius.

Rhasis pilulas suas laudat eo encomio, quòd *incedere
non valentes faciant ire pedes*. Illæ autem ita se habent.

℞. Aloës optimæ Vnc. sem. rosar. rubr. ℥. ij. hermoda-
ctyl. alb. à cort. exterioribus mundatorum ℥. j. β. diagry-

dij Drac.j. Cum aqua iuæ arthriticæ & melle rosac. fiat massa pilul. Cuius dosis erit Drach.j.

Vtiles etiam sunt quæ sequuntur.

℥. Aloës, hermodactyl. an. ʒ. β. chamæpit. Drach. ij. chamædr. stœch. arabic. an. ʒ. j. sem. hyperici ʒ. β. Cum terebinth. Venetâ fiat massa pilul. quæ quia minùs purgant, frequentius exhiberi poterunt.

Per vomitum etiam facta euacuatio in præseruatione magno successu adhibetur, si æger eum facile ferat. Quod indicauit Alfaraius insignis Medicus, his verbis. *Vomitum*, inquit, *utilior est laxatio*, ad *eradicationem grossorum humorum*, qui sunt ab *infra genũs & usque ad pedem*; sicut in dolore sciatico, & dolore genuum, & similibus.

Prouocari autem poterit vomitus singulis mensibus per biduum sequens, quia secundus dies prioris reliquias extrudit. Hunc autem meliùs succedere quidam obseruarunt, cum Luna in signo aliquo ruminante, ut Tauro vel Capricorno, reperta fuerit. A cœna autem prouocare utile est, ingestis priùs cibis variis, pinguibus, acribus aliisque in magnâ copîâ. Postcâ ventriculum fricando, & digitos in fauces immittendo. Quod si non sufficiat, vomitorium exhibendum est, præsertim ex radic. asari & genistæ decocto conflatum, quæ alioqui in arthritide curanda idonea esse solent.

Illâ etiam quæ per sudores fit euacuatio, sanguinem à serosis excrementis repurgat, & causam arthritidis antecedentem educit. In hunc vsum institui poterit diætâ sudorifica vere & autumnò, ex decocto salsæ parchinæ, sassâfras, aut etiam guaiaco, prout ægri temperies suadere videbitur.

At sine sudorum prouocatione, per simplicem diaphoresin, materiam morbificam educens decoctum,

à recentioribus quibusdam Practicis in vsum renocatum est, cum eximio fructu. illius compositio, & utendi modus talis est.

℞. Rad. falsæ parill. antimon. crudi, & putaminum nucum, an. ℥. vj. rad. chinæ ℥. j. ligni Brasiliiani parum, aquæ lb. ix. Bulliant ad medias; antimonium, & putamina puluerentur, & in nodulo includantur, qui in olla suspendatur, ne fundum attingat. Colaturæ capiat bonum haustum, manè tribus horis ante pastum; post meridiem quatuor horis à prandio, & tribus horis post cœnam per xv. dies, præmissâ venæ sectione & purgatione vniuersali.

Ex residentia, cum pari aquæ quantitate, fiat bochetum, ad quartæ partis consumpt. pro potu ordinario, addendo coriandri & liquirit. q. s. ad saporis gratiam.

Ad arthritidem præcauendam, eiusque radices in visceribus latentes extirpandas, quidam Practici commendant vsum antipodagricorum, per annum integrum ebibitorum, quibus multos in integrum fuisse liberatos pronuntiant. Ex multis eorum formulis sequens præcipua est.

℞. Salsæ parillæ ℥. iv. s. hyperici, fol. chamæp. & chamædr. an. ℥. iij. aristol. rotund. ℥. vj. angelicæ ℥. iij. cinnam. ℥. ij. caryophyll. ℥. iv. croci ℥. ij. Omnia in tenuissimum puluerem redacta incorporantur cum mellis Hispani cocti q. s. Fiat opiata, qua vtatur æger per annum integrum, sumendo singulis diebus veris, autumnii, & hyemis ℥. j. s. æstate tantum ℥. j. & abstineat omnino diebus canicularibus. Vinum bibat valdè dilutum, & abstineat à venere.

Horum antipodagricorum instar forsan esse poterit decoctum chamædryos, quod propterea Carolo Quinto Imperatori à Genuensibus Medicis valdè commendatum

commendatum erat : & testatur Solenander, plurimos qui hoc medicamentum per sexaginta dies bibissent, penitus fuisse liberatos. Huius decocti compositio talis est.

℞. Chamædæros dum floret, lectæ, & benè afferuata M.j. vini mediocris maturi lb. iij. Coque in duplici vase per hor. quinque. Colati vini capiat æger haustum, corpore ad sudorem composito, præmissâ purgatione.

De calidis autem istis medicamentis hæc notandum; ea non solum calidis naturis non prodesse, sed etiam immedicabiles resolutiones, aut alia incommoda inducere, ideoque summa cum præmeditatione ea esse exhibenda.

Tutiùs & forsan vtiliùs vsurpari poterit opiata sequens, quæ minùs calefaciendo, totum corpus sensim, & per epicrasim ab omni superfluitatum illunie repurgat.

℞. Sennæ mund. ℥. β. turbith. hermodact. an. ℥. vj. ligni guaiaci, sassapar. & rad. sassap. an. ℥. β. rad. chinæ ℥. j. β. ligni nephritici ℥. ij. trium santal. an. ℥. j. β. anisi ℥. ij. mellis optimè depurati ℥. iv. Fiat opiata. Dosis ℥. j. per integrum annum, exceptis diebus canicularibus.

Inter vulgares homines quidam pro magno remedio prophylactico habent; ut tres alliorum bulbi integri manè deglutiantur, continuando per mensem integrum. Etenim ventriculum calefaciunt, & roborant, citra hepatis, aliorumque viscerum calefactionem: nam integri cum fæcibus excernuntur, sed cocti, & pituitâ viscidâ obuoluti, quam à ventriculo, & intestinis deturbant.

In arthritide biliosa aquæ acidulæ, vitriolatæ, & refrigerantes plurimum conferunt. Ita ut earum usu plures

plures ab ea immunes per longum tempus euaserint.

Ad eundem finem laudatur ab Hippoc. lib. de morbis, vsus lactis asinini, quod etiam pluribus arthriticis multum contulisse experientia docuit.

Ac denique omnia remedia, quæ calidiori hepatis intemperiei corrigendæ, eique visceri roborando idonea sunt, hæc etiam conuenire poterunt, prout supra in eiusdem intemperiei curatione descripta sunt.

Si verò serofus humor à cerebro defluens, ut plerumque fit, huic affectui dederit originem, cerebri ratio habenda maximè est: ut nimirum intemperies illius corrigatur, & humores in eo geniti deriuentur & discutiantur. Quibus vsibus conuenient cauteria, vesicatoria, errhina, masticatoria, pulueres, cucuphæ, suffitus, aliæque remedia, in affectuum cerebri curationibus proposita.

Vltimum præcautionis caput est, ut articuli roborentur, ne tam facile humorem influentem recipiant. Aduertendum tamen, roborantia medicamenta, non solum frustra, sed etiam noxiè usurpari, nisi materia antecedens, & fluxurus humor remediis prædictis sollicitè auferatur. Alioqui hæc roborantia vel humorum ad articulos influxum impedire nequeunt: vel si impediunt, ad partes nobiles refluunt humores isti, & multò grauiora mala concitent.

Inter præcipua roborantia vinacea numeranda sunt, quæ materiæ morbificæ reliquias discutiunt calore actuali, & astringendi vi partes maximè roborant. Duretus in Hollerium ea ita commendat. *Sed mirificè prodest vinaceorum vsus tempore vindemiarum, si vinacea exportentur ex torculari in horreum, & stragulis operta incaliscant. In his ager contineat pedes, tibias, crura, aut brachia,*

bila, vel etiam totum corpus. Postea verò addit Gallico idiomate; Je l'ay practiqué cent fois, il n'y a rien de meilleur sous la chappe du Ciel.

Solenander verò *consil. 21. sect. 4.* hoc remedium sequenti elogio prædicat. *Sed inter optima remedia & turissima, quæ partes etiam affectas roborant, ac calorem innatum fouent, hoc ponendum, & diligenter singulis annis, cum amplius fieri nequeat, usurpandum. Videlicet, ut tempore vindemia immergantur pedes atque manus affecta vinaceis, post expressionem calentibus adhuc, vel musto calido calefactis, manè per dies quindecim. Ac possem nominare virum præstantem, cui hoc medicamentum communicavi, atque ab eo præclaro munere sum donatus: qui planè incedere non poterat, & isto remedio, beneficio Dei, restitutus est. Quò autem vitæ maturiores sunt, eò plus adiumenti vinaceorum usus affert.*

Thermæ sulphuræ, & nitrosæ, quales sunt nostræ Balerucanæ; non solum sudores euocando, ut antea dictum est, materiam arthritidis discutiant; sed etiam roborando articulos, ad præcautionem non parum conferre possunt; quemadmodum si per modum embrochiæ, vel duciæ capiti admoueantur. Earundem thermarum lutum partibus infirmis applicatum, eas etiam corroborat.

In thermarum defectu lotiones pedum, aut fortis aliarum partium parari poterunt, ex decocto herbarum nervualium, additis quibusdam astringentibus, ut balaustris, myrtillis, nucibus cupressi, alumine, & sale, cum aqua ferrata & vino rubro.

Commendantur etiam inunctiones frequenter usurpatæ, in hunc modum composita.

Ol. myrtini vel rosacei ℥.ij. salis ℥.j. Misce, fiat linimentum. Vel

℞. Ol. omphanici Vnc. ij. mastichi Vnc. j. salis torrefacti ʒ. ij. boli armen. ʒ. iij. sang. dracon. hypocist. thuris, mastich an. Drac. j. sem. Terantur singula per se prius subtilissime, tum cum oleis misceantur in formam unguenti.

Non parum etiam utile est ad articulos roborandos emplastrum diachalciteos, seu diapalma impositum: estque utile in omni arthritide, à quocumque humore ducat originem. Scribitque Solenander *cons. 25. sect. 4.* se novisse quosdam, qui aliàs frequenter podagræ paroxysmis tentari consueverant, usu huius emplastri continuo, & purgationibus per intervalla assumptis, quinquennium integrum ab istis doloribus liberatos fuisse. Atque emplastrum hoc non inquinat, non pruritum aut pustulas excitat, neque odore, aut aliâ qualitate molestum est. Aptatur autem ad formam membri. In pedibus ex aluta tenui fiunt calcei, qui hoc emplastro obducti pedibus aptantur. Eadem aluta emplastro hoc oblita carpis, & aliis partibus applicari potest. At verò idem emplastrum diachalciteos, in vino decoctum, & cum pulvere myrtill. rosar. mastiches, tartari, chamæpit. chamomillæ permixtum, quale supra in curatione descriptum est, ad eosdem usus multò præstantius est. Et nos vidimus arthriticos, qui huiusmodi emplastrum in pedibus & carpis continuo gestarent felicissimo successu.

CAPUT II.

De dolore ischiadico.

Dolor ischiadicus ab aliis arthritidis speciebus in eo præcipuè differt, quòd in his dolor solos articulos occupat; in illo verò non in sola est coxendice, sed etiam summam natem, & lumbos & os sacrum occupat, ac in femur, tibiámque & extremum pedem exporrigitur. Quod fit propter nernos à lumbis & osse sacro emergentes, qui ad coxendicem feruntur, & inde ad femur, tibiám, & pedes disseminantur.

Causa huius doloris eadem est, quæ in aliis arthritidis speciebus fuit proposita.

Diagnosís ex loco affecto desumitur, vnde etiam nomen habet; dolor enim præcipuè ischij regionem occupat. Hoc etiam habet peculiare, quòd nullus tumor, nulláque inflammatio, aut coloris mutatio apparet, quemadmodum in aliis arthritidis speciebus fieri solet, quia humores affluentes in partes profundiores, & ampliores, multáque carne contextas sese insinuant, & vsque ad corporis superficiem, ipsamque cutem non diffunduntur.

Prognosis doloris ischiadici hoc habet peculiare, quòd diu perseverans coxæ luxationem infert: humor enim serosus & pituitosus in articuli cauitatem, quæ amplissima est, sese insinuat, & si diu in ea immoretur, pars illius tenuior discutitur, crassiori remanente quæ mucosa redditur, & ligamenta articuli ossa connectentia emollit ac relaxat, vt os coxæ ex aluco suo exeat, vnde luxatio contingit, ex qua etiam claudicatio sequitur, & cruris totius tabes, atque atrophia; quia

qula os è sede sua elapsum musculos, venas, & arterias comprimit, vnde motus impeditur, & sanguis ac spiritus in partes inferiores commodè fluere non possunt. Prædictam doctrinam confirmant duo Hipp. Aphorismi, nempe Aph. 59. sect. 6. *Quibus diuturno coxendicum dolore infestatis coxa excidit, rursúmque incidit, iis mucores superveniunt.* Et Aphor. 66. eiusdem sectionis; *Quibus diuturno coxendicum dolore infestatis coxa excidit, iis crus contabescit, & claudicant, nisi urantur.*

Curatio doloris ischiadici cum reliquarum arthritidis specierum curatione multa habet communia; in multis tamen differt, propter loci affecti structuram, & amplitudinem; idè à prædictis distinguenda fuit, & seorsim in hoc capite describenda.

Ac primùm præmissò clystere, aut levi pharmaco, vena brachij eiusdem lateris aperienda est, ad reuellendum: postea verò ad deriuandum, secari debet in poplite, aut iuxta malleolum anteriorem illa vena, quæ ob insignem vtilitatem, quam affert in hoc affectu, ischiadica nominatur; quæ & sæpe sola secta hunc affectum sanat.

In crure dolente secari solet, licèt & in sano apertam admodum profuisse, subitoque omnem dolorem sustulisse visum fuerit.

Gal. lib. de vena. sect. cap. 18. *Memini, inquit, me ischiadas vno die, factâ ex cruribus euacuatione, curasse, nempe ubi non ex frigore, sed impletis sanguine, quæ in coxa sunt, venis, prouenissent; quare secta in poplite vena illis commodior est, quàm in malleolo.*

Ex hæmorrhoidibus etiam sâguis per hirudines educus, mirum in modum ischiadicis opitulatur, quòd sanguis in coxendicum venis contentus educatur: harum enim partium maximus est per venas consensus.

Purgationes fortiores hîc locum habent ; nam leuiores, humores magis ad partem affectam præcipitant. Ideò conueniunt maximè pulueres arthritici, caryocostinum, pilulæ de hermodactylis & similia. Chymici purgationes mercuriales, & antimoniales in robustis corporibus sæliciter aliquando vsurpant.

Mercurius dulcis cum scammonio, vel aliis purgantibus exhibitus satis frequenter, humorem ischiadem efficientem potenter eradicat.

Vomitoria à multis præferuntur purgantibus per aluum, cum per locum à parte affecta remotiorem, humores vitiosos euacuent. Asarum reliquis præfertur à Rondeletio.

Post sufficientem purgationem, ad topica veniendum est. Et quidem repellentia quod attinet, illa minimè conueniunt, quod metuendum sit, ne humores ad partem affectam magis promoueantur ; sed statim initio resoluentia admouenda sunt : primò mitiora & minus calida, ne magis humores ad partem attrahant ; postea vehementiora, in hunc modum.

℞. Rad. bryoniæ lb. ij. rad. ebuli lb. j. baccarum iuniperi lb. β. fol. iuæ arthriticæ, menthæ, maior. saluiz, rorismarini, flor. chamom. meliloti, ana M. iv. Fiat decoctio pro semicupio, quod ingrediatur bis in die per biduum, aut triduum. In principio parari poterit decoctum ex aqua sola, postea ex aqua & vino albo.

Ex eodem aut simili decocto potest foveri pars dolens calidè frequenter.

Sacculi etiam parari poterunt ex sale, millio & fure fritis in sartagine cum vino generoso, & calidè applicari.

Vel componi etiam poterunt sacculi efficaces, ex solis granis iuniperi contusis, & prædicto modo in sartagine calefactis.

Inunctiones

Inunctiones etiam conuenient ex ol. chamom. aneth. lilior. irino, nardino, & rutac. quæ partes exteriores relaxando, motum humorum ad eas conciliabunt, vt sic internæ minus afficiantur.

Oleum scorpionum Matthioli inunctum, est etiam valde efficax.

Ad potentiùs resoluendum aqua balsami Guidonis, inunctione admota erit præstantissima.

Vnguentum de althæa partes exteriores laxat, & materiam morbificam blandè discutit: idè circa initia eo intingi poterit totum crus, & tibia vsque ad extremum pedem, iuxta ignem luculentum.

In progressu vero sequens potentiùs & calidiùs ad-moueri poterit.

℞. Ol. lumbric. de lateribus, & de terebinth. ana ℥.ij. ol. vulpini ℥.j. gummi ammoniac. & sagapeni aqua vitæ solutor. an. ℥.vj. castorei pinguis ℥.ij. euphorbij. ℥.ij. ceræ q. s. Fiat vnguentum.

Sapo durus cum spiritu vini dissolutus optimus, inunctione facta ad ignem.

Oleum de lateribus solum, post sex cucurbitulas parti dolenti, & in ambitu eius admotas, calidè impositum, postea tegendo linteis valde calidis, contumacem dolorem ischiadicum vnâ diè curauit.

Lacuna *Comment. in Diosc.* vnguentum sequens tanquam mirabile commendat.

℞. Succor. rad. & fol. ebuli, ana ℥.j. olei chamom. ℥.vj. Bulliant ad succor. consumptionem. Deinde adde ceræ q. s. aceti guttulas aliquot ad penetrationem. Fiat vnguentum.

Cataplasma ex iberide multum laudatur ab Authoribus, quod hæc planta huic affectui curando sit valde efficax. Id componi poterit in hunc modum.

℞. Iberidis M. iv. Decoquantur in vino & contun-

dantur, addēdo farinæ lupinor. orobi & fabar. a pulueris rutæ siccæ, flor. chamæm. & rad. costi, an ol. terebint. Vnc. sem. ol. lumbric. q. s. Fiat cataplasma.

Platerus plurimùm prodesse testatur, si saluia recens in tegulam cauam ignitam posita, sæpèque ne aduratur agitata, & hoc modo semicōcta, aceto perfundatur, regulæque linteis obuoluta sub ægri coxa ponatur, vaporque indè excitatus excipiat.

Non parum etiam conducit panis recenter è furno extractus valdè calens, per medium sectus, aqua vitæ irroratus & admotus.

Ad materiam morbificam foràs extrahendam conuenit cucurbitula, in summa parte doloris, quæ ad os sacrum pertinet, quater repetita sine scarificatione.

Ad idem valdè conferunt hirudines octo vel decem parti affixæ, quæ à Paulo & Aureliano probantur. Et Zacutus Lusitanus se decem horarum spatio dolorem ischidiacum sustulisse asserit, qui omnibus aliis remediis auferri non potuerat.

Emplastra verò in frequentissimo vsu sunt, & hac in re plurimùm possunt. In eorum tamen vsu hoc perpetuò obseruandum, quemadmodum de aliis in genere dictum est, vt primò mitiora admoueantur, quæ si parum profuerint, ad vehementiora transcendere poterimus. Quem etiam ordinem nos in eodem formulis describendis obseruabimus.

℞. Picis naualis ℥. ij. sulphur. commun. subtilissimè triti ℥. iij. mastich. ℥. ij. terebinth. ℥. β. Misce, fiat empl.

℞. Picis naualis ℥. ij. gummi ammoniac. bdellij in aceto dissolut. ana ℥. j. sulphuris viui, turbith. hermodact. an. Vnc. sem. castorei Drach. j. terebinth. parum, ceræ q. s. Fiat emplastrum.

℞. Gummi ammoniaci & sagapeni in aceto dissol. & denuò inspissat. an. Vnc. ij. empl. diachylon. cū gummis

mis ℥.j.β. Liquefiant omnia simul. Deinde adde cinna-
baris, & æris vñti, an. Vnc. j. auripigmenti & viridis æris,
an. Drach. ij. Fiat massa emplastri. Si vesicæ excitentur,
ponatur linteam inter partem & emplastrum.

Si malum pertinaciter hæreat, ad vesicatorium trans-
eundum est, quod parti admotum materiam morbifi-
cam euellit. Emplastrum igitur vesicatorium applican-
dum est, vel solum, vel vt mitius agatur, cum aliquo ex
prædictis, æquis partibus permixtum: sic enim per lon-
gius tempus in parte poterit detineri. Vel sequens de
hono dispensari poterit.

℥. Picis naualis, ceræ, picis albæ, ana Vnc. j. sem, co-
lophonæ, thuris, mastiches, ana Drach. ij. euphorbij, la-
dani, sulphuris viui, opopan. ammoniac. bdellij, galbani,
sagapeni, an. ℥. β. styrac. calamit. benjoin. ana ℥. ij. can-
tharid. ℥. iij. galangæ, caryophyll. an. ℥. ij. styrac. aliquid
q. s. Fiat emplastrum.

In diuturno affectu causticum tibix lateris dolentis
materiam morbificam deriuat, & morbum interdum
tollit. Zechius ad mouendum esse vult parti tibix exte-
riori. Si verò suspicio fuerit catarrhi à cerebro defluen-
tis, alterum etiam occipiti ad mouendum est. Id enim
aliquando ischiadicum dolorem antiquum curauit, qui
nullis aliis remediis vinci potuerat. Tum denique alia
remedia cerebri intemperiem corrigentia non erunt
omittenda.

Zacutus Lusitanus cauterium retrò aures inustum,
quando fluxio à capite irruit, cum miro successu in
vsum se vocasse asserit, & peculiari historia confirmat
obs. 160. lib. 2.

Toto curationis decursu clysteres frequentes ini-
ciendi sunt, vt materiæ morbificæ portio ad intestina
deriuetur. Tum etiam ad doloris causam proximam
discutiendam sequens aliquando profuit.

℥. Vini generosi lb. sem. ol. nucum & rutac. an. ℥. iij. ol. terebinth. Vnc. sem. Misce fiat clyster, iniiciendus quoties dolor vrget.

Clyster verò sequens humores à parte affecta potenter extrahit, propter viciniam quam habet cum intestinis.

℥. Pulpæ colocynth. Drach. j. furfuris macri M. j. vini albi lb. j. sem. Coquantur ad lb. j. Ex colatura fiat clyster, qui seruetur per horam.

Dolor ischiadicus interdum à bile, & humoribus calidis generatur; qui quidem dignoscitur cum dolor est acerbissimus, & pungitiuo similis, exacerbationes alternis diebus sæuiores efficiuntur, habitus est gracilis, temperamentum biliosum, ætas iuuenilis, regio & tempestas calida, dolor à calefacientibus exacerbatur, morbi præcesserunt biliosi, victus calefaciens, exercitatio vehemens: tunc enim ad bilem & calidam intemperiem remedia dirigi debent. Ideò conuenient venæ sectio, purgationes cholagoga, nunc lenientes, nunc etiam vehementer purgantes, additis diagrydiatis, vt materia morbifica educatur; iulepi refrigerantes, clysteres mollientes, & refrigerantes, lac, balneum, aliâque remedia in calida hepatis intemperie proposita. Hoc perpetuò cauentes, vt aperientia vitentur, incrassantia potius eligantur, qualia in catarrho calido & tenui proposita fuerunt.

Dolore acerbiori existente narcotica exhiberi possunt, præsertim syrupus de papauere, quo dolor sedatur, & fluxio cohibetur humoris incrassatione.

At longè potentiùs operatur laudandum opiatum ad gr. iij. vel iv. exhibitum; quod etiam in clystere ex iusculo, vel lacte dissolutum, præmisso alio laxante, dolorem sæpè in momento sedat.

Topica erunt mitiora, vt ol. lilior. violac. chamæmel.

& amygd. dulcium: cataplasmata ex lactuca, solano, endiua, farina hordei, cum oleis prædictis; & circa declinationem fomenta, linimenta, emplastra mitiora, & minus calefaciëntia.

Materia dolorem ischiadicum efficiens aliquando suppuratur, & in abscessum conuertitur: quod docuit Hipp. 3. epid. in historia Eupolemi, qui talem abscessum passus est, & ex eo tabidus interiit. Si abscessus aperiat, vlcus remanet sordidum & cacoëthes, quod etiam ad tabem perducit. Eam tamen cum vlcere curatam sæpe à se fuisse gloriatur Zacutus Lusitanus, obseruat. 126. lib. 1. decocto ligni sancti, & radicis falsæ parillæ. Quæ obseruatio legenda, & sedulo meditanda est.

CAPV T III.

De Rheumatismo.

POST arthriticos affectu propriè dictos, de Rheumatismo agere operæ pretium est, propter magnam analogiam, quæ inter hosce affectus intercedit; quæ sanè tanta est, vt vulgus medicorum qui Rheumatismi naturam ignorant, eum arthritidem vniuersalem nominare soleant. In vtroque enim affectu dolor articulorum reperitur; sed in hoc differunt, quòd in arthritide soli articuli dolent; in Rheumatismo verò non solum articuli, sed etiam totum corpus, media scilicet inter articulos spatia, muscoli nimirum, eorumque membranæ, ac præsertim periostia, totusque corporis habitus; imò vtero interdum corporis partes internæ, vt ventriculus, intestina, vterus, pulmo, rheumaticos affectus experiuntur.

Licet autem catarrhus rheumatis nomine donetur apud Græcos : differt tamen ab eo rheumatismus ; quia in genere quidem fluxionis est , sed alterius naturæ ab fluxione , quæ vulgò catarrhus nominatur , qui quidem à cerebro tantum exoritur , & vnam aut alteram solummodò partem infestat , cum rheumatismus ab internis visceribus , tum venis & arteriis procedat , & in corpus vniuersum effundatur.

Hic affectus , morbus nouus non est , attamen à veteribus non est sufficienter descriptus. Illius delineatio habetur apud Hippocr. *lib. de loc. in homine* , & apud Galen. *1. de differ. febr. & 1. de composit. med. secundum genera*. Sed omnium maximè insignis ac perspicuus locus hunc affectum explicans *1. in lib. 1. de differ. febr. cap. 7.* continetur , his verbis. *Huiusmodi quapiam ratione provenire scito rheumaticos nominatos affectus , toto videlicet corpore infirmo , principibus verò illius partibus , paululum licet insit sanguinis , grauari tamen solitis , eumque ad carneas cutis partes protrudentibus.* Unde legitimam rheumaticæ affectionis naturam in eo sitam esse constat , iuxta Galeni doctrinam , quòd corpus vniuersum ea impotentia sit affectum , vt vbi principem eius partem aliquo sanguine grauari contigerit , licet non sit in copia plurimum excedens , ad carnosas partes , & habitum corporis transmittat.

Illud autem crudè & simpliciter admitti non potest , quoc dicitur à Galeno , partes principes sanguine grauatas , eum ad carneas cutis partes protrudere. Inde enim inflammationes & tumores in illis partibus exorirentur. At constat experientia in rheumatismo nullum tumorem , nullam inflammationem , nullamque coloris mutationem in partibus dolentibus
vt plurimum

ut plurimum apparere.

Causa igitur proxima & immediata huius affectus est humor serosus, qui propter tenuitatem, partes in tumorem non eleuat, & propter substantiam minimè suppurationi idonea, nullum vnquam abscessum producit, sed tantum dispositionem quandam inflammatoriam ex feri feruore oriundam.

Origo autem primaria huius effectus hepati adscribenda est, quod feruida intemperie affectum, atque debilius redditum, alimentum non satis nutritioni conueniens generat, & totum corpus pari imbecillitate afficit, ut ita superfluitatum receptioni reddatur maximè idoneum. Ex eadem verò hepatis intemperie ac imbecillitate, multus fit prauorum humorum proventus, qui in venis & arteriis diutius retenti, prauam quandam acquirunt corruptelam, ibique colliquantur, & in feri, atque ichorum naturam abeunt, & tanquam onus graue expelluntur à natura ad partes ignobiliores; cum satis robusta non sit, ut eos extra corpus omnino eliminare valeat. Illi autem humores serosi & ichorosi summa acrimonia præditi, partes ad quas deducuntur, lancinant & pungunt, unde dolores & cruciatus oriuntur. Licet autem hepar primariam huius affectus originem præ se ferre à nobis censeatur; à cerebro tamen humores istos interdum immediatè defluere ex eo patet, quod sæpe dolores in ceruice incipiunt, postmodum verò ad humeros & brachia descendunt. Verum prima humorum acrium generatio fuit in hepate feruidiori, qui ad cerebrum translati, confluunt postmodum in subiectas partes.

Quamuis autem modo veluti critico humores isti à renis expellantur, motus tamen eorum non est ita subitus, sed lentè & paulatim efficitur: cum nempe

h h s

humores

humores illi prauī, & corrupti in venis feruent & ebulliunt, ac postmodum à venis sensim expelluntur, ac veluti euomuntur, vnde nautiosis venarum, satis appositè, motus iste appellari solet.

Humorem autem serosum esse causam præcipuam horum dolorum multiplici ratione conuicitur. Primo quòd nullam coloris mutationem, nullumque tumorem vtplurimum partibus inducit; licet aliquando, cum humor valde copiosus est, in exiguum ac præter-
brum tumorem partem eleuet, qui tamen facile discutitur. Secundo, quòd dolores illi admodum mobiles sint, & nunc hanc, nunc illam partem inuadant, & ab vno loco in alium subito mutantur, priori subito immuni reddito, ac dolore omnino vacuo: quæ re-
pentinæ mutationes non nisi ab humore mobili, sum-
mæque tenuitate prædito fieri possunt. Tertio, quòd sudoribus sæpe morbus iste terminetur. Quarto, quia pleonexia serosa multa in hisce ægrotantibus appa-
rent indicia; nempe vrinæ tenues ac copiosæ, potus quantitatem excedentes, & magna feri copia in san-
guine detracto apparens.

Licet autem serosus humor sit causa præcipua & frequentissima dolorum qui in Rheumatismo contingunt, non est tamen à ratione alienum, flatu aliquando concurrere ad eorum productionem. Cuius rei coniecturam facere potest subita doloris permutatio de loco in locum, & quòd non est pondus, aut grauitas in partibus dolentibus. Hæc est Auicennæ sententia, qui hunc affectum describere videtur, illiusque generationem flatibus tribuere, *fen. i. lib. 3. tract. 2. cap. 7.* his verbis. *In dolore facto ex flatibus extensio augetur, & grauitas minuitur: & aliquando est cum punctione, quandoque etiam cum corrosione; & in flatuoso dolore quidem grauitas nulla est. Et quandoque etiam cum*
ipso

ipso fit permutatio doloris frequens de loco ad locum. Hæc Auicenna : quibus sequentia subiungit , quæ ad rheumatismi descriptionem propius accedere videntur. *Est flatus est quandoque in tunicis membrorum, & villis, sicut in colica flatuosa ; aut in tunicis musculorum, & sub membranis, & super ossa ; aut in circuitu musculorum, inter carnem mollem, & cutem ; aut in ipso membro latitans, ut in musculus in pectore.*

Si quis verò obiciat, morbos à flatibus oriundos non randiu durare, cum flatus facile discutiantur. Respondemus, flatum in partibus dolentibus contentum facile discuti, vnde frequens dolorum permutatio contingit ; sed mineram adesse in venis, ex qua fieri potest continua flatuum eleuatio, qui postmodum ad partes prædictas deferuntur. Minera autem flatibus generandis idonea est humor crassus, viscidus, & pituitosus, quem in rheumatismo laborantibus sæpissime redundare ostendit. sanguis ipsis detractus, qui non raro crassus & glutinosus est, pituitam crudam & putridam referens.

Diagnosis huius affectus, ex iis quæ dicta sunt, facile elici potest : paulò vberius tamen explicanda est. Primo igitur partes doloribus afflictæ, nempe musculi, eorumque membranæ & periostia hunc affectum à reliquis omnibus distinguunt. Licet enim dolores veneri, artus & internodia occupent, & maximè periostia ; differunt tamen in eo, quod non ita vniversaliter corpus totum infestant, neque ita continui sunt, noctu tantum, & parum interdiu exercuciantes, neque ut plurimum à consuetis officiis ægrotantes auertunt : cum rheumatismus ipsos lecto penitus affigat, ut sese vix commouere valeant, neque à ministris, nisi cum maxima molestia, & dolorum exacerbatione, moueantur. Ac denique alia luis venereæ signa adsunt, vel præces-

serunt,

ferunt , vt gonorrhœa , bubo venereus , caries pudendi, & similia.

Alia etiam symptomata hunc affectum concomitantia ad illius diagnosim plurimum conferre possunt. Admotâ enim manu partibus dolentibus , caloris & acrimoniæ sensus percipitur ; febris vt plurimum adest , sed ea perexigua , interdum vetò nulla. Sanguis qui detrahitur planè corruptus est , crassus & glutinosus ; tum post multas phlebotomias sero copioso diffluit , ita tamen mutatus , vt sanguinis speciem amiserit. Postquam cessauit , vel intermisit dolor , nulla remanet imbecillitas in parte , vt in arthritide contingit. Purgantia medicamenta , & topica ab initio vsurpata nihil profunt , imò morbum & dolorem augent : in declinatione verò vtraque sunt proficua.

Quod ad prognosim attinet ; affectus iste rarò , aut nunquam vitæ periculum infert , sed longitudine suâ magnam parit molestiam : ad duos enim vel tres menses perseuerat , si sit sine febre ; imò verò interdum , præcipuè si non rectè curetur , ad annum , vel plures annos extenditur. Franciscus Portus , qui eleganti carmine decadem medicam scripsit , agens de rheumatismo , refert seipsum per biennium ferè hunc morbum expertum esse , quem tandem superauit admittentibus sex Medicis Parisiensibus , illius temporis illustrioribus , Bassino , Ellinu , Belliquerco , Sanjacobo , Seguino , Hollerio.

Si cum febre rheumatismus oriatur , breuior esse solet , sed diris cruciatibus , & acerbioribus ægrum exercet : & tunc intra 20. vel 40. dies soluitur , aut maximam saltem patitur imminutionem.

Rheumatismus aliis morbis superueniens , vt apoplexiæ , & conuulsioni , periculum imminuit , transla-

ta materia morbifica à partibus internis ad habitum corporis.

Sudores in declinatione morbi aduenientes, salutare.

Vrinæ crassæ & multæ in declinatione prodeunt, morbi solutionem afferunt.

Ad curationem huius affectus, materia morbifica reuellenda, mitiganda & euacuanda est, viscerum intemperies corrigenda, omniumque partium, tam mandantium, quàm recipientium robur conseruandum est.

Quæ omnia sequentibus remediis præstari poterunt.

℞. Fol. maluæ, violar. betæ, lactuc. borrag. an. M. j. semin. anis. ʒ. ij. Coquantur ad quart. v. In colatura dissolue mellis violac. & butyri recent. an. ʒ. ij. Fiat clyster iniiciendus horâ commoda, & interandus singulis, vel ternis diebus per integrum morbi decursum.

Relecto clystere vena aperienda est alterutrius brachij, & detrahendæ sanguinis ʒ. viij. vel ix. Non refert ex quo brachio sanguis primùm detrahatur, quâdoquidem pluries iterâda est phlebotomia, atque adeò vtriusque brachij venæ sæpiùs erunt pertundendæ. Singulis igitur diebus ab initio sanguis detrahendus est, donec morbus remiserit, & dolores imminuti fuerint. Nec refert si per 10. 12. aut etiam plures dies sanguis detrahatur, quandoquidem iste morbus hoc habet peculiare, vt ex frequenti venæ sectione vires non deiiciantur, sicut in aliis morbis solet contingere. Ideoque mihi in vsu est in huiusmodi affectionibus, dum venæ sectionem adeò frequentem præscribo, ne ægrotantes, vel adstâtes terreantur à toties repetita phlebotomia; hanc restrictionem addere, vt continuetur singulis diebus missio sanguinis, donec imminuti fuerint dolores, aut vires multùm debilitatæ. Cùm autem huius euacuationis
vsum

usum continuando, virium deiectio inde non emergat, eam ægrotantes libere patiuntur, eiusque frequenti iterationi facilem assensum præbent. Facilem autem illam tolerantiam facit sanguinis conditio, qui in hoc morbo admodum putridus semper educitur. Copiosæ huius sanguinis euacuationis utilitatem ostendit experientia; siquidem ex ea sedulo continuata morbus qui longus esse consuevit, ut in prognosi dictum est, intra latis breue spatium non raro euincitur. Et docet eadem experientia, hæmorrhagiam largam huic morbo superuenientem eum omnino resolueret. Hoc subinnuere visus est Hipp. *Aph. 74. sect. 4.* Quibus steratus abscessus futurus ad articulos, eos liberat ab abscessu urina multa, crassa, & alba, qualis in laboriosis febribus quarto die quibusdam incipit fieri: si vero etiam ex naribus fluxerit sanguis, breui admodum solutio fit. Humorum enim decubitus, qui ad articulos frunt, cum rheumatismo quandam habent analogiam. Tum etiam idem Hippocrates quandam rheumatismi adumbrationem proponere videtur 2. *Prorrh.* illiusque generationem suppressæ hæmorrhagiæ consuetæ adscribit, his verbis. Quibus circa articulos dolores sunt, & tumores, & sedantur non podagrico modo: in iis comperies viscera magna, & in urina subsidentiam albam, & quæ sequuntur. Postea addit: Fit autem hic morbus iis, quibus in pueritia & iuuentute sanguis ex naribus fluere solitus, desuit.

Dum phlebotomiæ celebrantur, clysteres, (ut antea dictum est,) singulis vel alternis diebus usurpandi, tum etiam iulepi exhibendi, qui viscerum intemperiem corrigere, & humorum acrimoniam atque agitationem cohibere valent. Huic usui maxime conducit aqua papaueris rhæados, quæ cum valde proficua sit in hoc affectu, sola exhibenda est mane &

Terò ad Vnc. vi. cum syrupo de limonib. vel granator. ad formam iulepi; quamquam sine syrupo non minoris sit efficaciæ.

Pro potu ordinario ptisana ex hordeo, gramine, & liquiritia, vel ex decocto rad. acetosæ, vel tinctura rosarum vsurpari poterit: a vino prorsus abstinendo, quod omnium fluxionum vehiculum est maximum.

Purgatio in huius affectus principio, augmento, & statu nullum affert auxilium; imò verò noxia est: fluxiones enim irritat, & dolores intendit, quemadmodum in omnibus inflammatoriis dispositionibus euenire solet. At in declinatione necessaria est, & multoties celebranda, idque blandis medicamentis, vt per epicrasim cacochymia in vniuerso corpore restagnans educatur. Ad hunc finem potio sequens præstari poterit.

℥. Sennæ mundat. & tamarind. an. ʒ. β. semin. anil. & cremor. tart. an. ʒ. j. fol. acetos. M. β. Coquantur ad ʒ. iij. In colatura dissolue manna & syrup. rosæ an. ʒ. j. Fiat potio per interualla, iteranda pro arbitrio Medici curantis.

Si forma boli magis arrideat, ita componi poterit.

℥. Cassiæ recēter extractæ ʒ. vi. cathol. duplic. ʒ. iij. rhabarb. puluer. & cremoris tart. an. ʒ. j. Cum saccharo fiat bolus.

Si efficacius purgare desideres, adde bolo, vel porioni rad. jalap. ʒ. j.

Si purgationes istæ non sufficiant ad affectum (sæpe admodum contumacem) prorsus eradicandum, ad vehementiora purgantia, vt electar. diaphœnic. diaprun. solut. & alia huiusmodi confugiendum erit, modo febris absit. Ego semper hunc affectum sustuli, postquam

quam prædicta remedia rem absolvere nequiverant, mercurio dulci sexies sublimato, aliquoties exhibito ad gr.xx. cum scammonij vel resinæ ialapæ gr.x. Cuius curationis exemplum videre est in observationibus meis, nempe *obseru. 41. cent. 3.* & vnicus clyster ex vino emetico paratus hunc effectum curauit in nobili muliere, vt habetur *obseru. 22. eiusdem centurie.*

De sudorificis idem dicendum est, quod de purgantibus iam dictum; ea nimirum in principio, augmento, & statu non esse proficua, imò verò plurimum nocere; quod vulgares Medici experiuntur, qui veri catarrhi specie delusi, & morbi contumaciæ perterriti, ad sudorifica confugiunt, vnde morbus geminatur, & dolores intenduntur. Attamen in declinatione, post debitas purgationes, nullâ febre præsentē, plurimum conferre possunt; eaque parari possunt ex decocto chinæ, vel falsæ parillæ; vel proleci possunt sudores in laconico, cum vapore spiritus vini, aut decocti alicuius appropriati.

Post sufficientes euacuationes; imò dum illæ celebrantur, partium principum, & totius corporis roborationi incumbendum est; quam indicationem Galenus 1. *de diff. febr. cap. 6.* vbi rheumaticam affectionem exponit, reliquis præferendam asserit, his verbis. *Mérito ergo in his curandis scopus est, non euacuatio, sed totius corporis roboratio.* Quod quidem ita intelligendum est, non quòd nulla omnino competat euacuatio; idem enim Galenus huius affectus curationem orditur à missione sanguinis; ac si excrementa prauam qualitatem habuerint, etiam adhibet purgationem, sed quòd magis & frequentius roborantibus, minùs verò, & parcius purgantibus agendum sit. Certum tamen est, partes non posse roborari, nisi priùs excrementorum illuies, quæ onerantur, expurgata fuerit.

Illæ autem roborantia refrigerandi vi prædita esse debent, siquidem (ut antea dictum est) feruida hepatis intemperies primam huic morbo originem præbere solet. Horum maxima supellex apud authores inuenitur: Ex his nos quatuor proponemus, quæ efficaciora, & minus ingrata existimauius.

Primum ex tinctura corallorum, cuius ℥.ij. æger sumere poterit, manè duabus horis ante pastum, singulis diebus vacuis ab aliorum remediorum usu.

Quia verò tinctura corallorum diu seruari nequit, ad usum longiorem in syrupum reducitur cum saccharo; cuius cochlearia duo manè sumi poterunt: sed multò minor est illius efficacia, quàm tincturæ simplicis.

Secundum est conserua fructus cynorrhodi, quæ gustui gratissima est, hepar refrigerat, & leui adstrictione corroborat. Hanc sumere potest æger ad nucis magnitudinem, manè & sero.

Tertium est electarium triasantali quadruplicato rheo, in tabellas redactum, cuius ℥.ij. singulis diebus sumi poterunt, superbibendo parum aquæ potus ordinarij.

Quartum ex tinctura rosarum, cuius cyathum vnum æger haurire debet semel, bis, ter, in die, longè à pastu. Illius præparatio talis est.

℥. Rosar. rubrar. siccar. ℥.j. aquæ tepidæ lb. iij. spiritus sulphus. aut vitriol. ℥.j. β. Infundantur per horas, vj. Colaturæ adde sacchar. albi lb. β. Seruetur in vase vitreo ad usum.

Prædicta remedia, vel eorum nonnulla alternatim, usurpantur, ne natura eidem assuescat.

Curato affectu prophylaxis ad aliquod tempus est necessaria, ne nouâ accumulata materiâ recidua contingat. Illa igitur præcipuè versabitur in purgatione periodica, semel aut bis in mense iteranda, quod

commodè fiet syrupo Magistrali sequenti, qui magis alterando, & roborando hepar, quam purgando proderit.

℞. Succor. recenter expressor. & per residentiam depurat. ex foliis endiu, cichor, agrimon. fumar. lupulor, & bugloss. ℥. iij. succi pomorum redolentium recenter express. & depurat. ℥. ij. sennæ mund. ℥. vj. epithym. ℥. ij, rhabarb. elect. & agaric. recenter trochisc. an. ℥. j. macis & caryophyll. an. ℥. 6. Infundantur, & decoquantur, vt artis est, donec colaturæ supersint quart. v. in quibus dissolue sacchar. albi quart. v. Fiat syrupus perfecte coctus, de quo capiat ℥. ij. semel aut bis in mense, cum iusculo pulli, aut vituli, foliis borrag. pimpinell. ceterach. & agrimon. alterato.

Venæ sectio etiam vere & autumnio erit conuenientissima.

Præterea ad hepatis feruorem temperandum vtilissimum erit balneum aquæ tepidæ, quod per totam æstatem frequenter erit iterandum: vel vt commodius vsurpari valeat, semicupium sufficiet.

In eundem finem conferua cynorrhodi, aut opiata iisdem facultatibus prædita, & tabellæ triasantali, frequenter vsurpari poterant.

His accedet optima victus ratio ex cibis boni succi, & concoctu facilibus, vt perdicibus capis, pullis gallinaceis, & pipionibus; præcipuè verò iusculis & consummaris, iuribus carniū expressis, & similibus, quæ omnia sumenda sunt in mediocri quantitate, vt facilius concoqui valeant.




PRAXEOS
 MEDICÆ
 LIBER XVII.

De Febris.

PRÆFATIO.

MAGNA à non paucis authoribus circa februm theoriam, & therapiam volumina conscripta inueniuntur; in quibus controuersia innumera, & ardua disputationes agitantur. Quæ, ut in scholis utilissima sunt, imò & necessaria; plerisque tamen Medicis extra Academias artem exercentibus, tedium pariunt. Illi siquidem breuem atque dilucidam morborum theoriam expetunt, quæ eorum naturæ, causis, & signis, tam diagnosticis, quàm prognosticis intelligendis, & curationi (cui toti incumbunt) ritè obeunda; sufficiat

sufficiat. Nos in toto hoc opere, votis eorum satisfacere conantes, omnes controuersias ablegauimus, earum tantum quæ ad praxim maxime necessaria visæ sunt, decisiones breuiter exponentes. Quod etiam in febrium expositione obseruauimus: & prætermisiss omnibus controuersiarum ambagibus, quæ in scholis ad nauseam continuo tractantur; ea tantum, quæ ad praxim maxime faciunt, exposuimus. Hunc verò librum clarioris doctrinæ gratia in tres sectiones distribuimus, generalem illam diuisionem sequentes, quâ febres diuiduntur in simplices, putridas, & pestilentes. Atque adeò huius libri sectio prima febrium simplicium. Secunda putridarum. Tertia verò pestilentium explicationem continebit.



SECTION I.

De febribus simplicibus.

P R Æ F A T I O.

FEBRIS quæ simplex nominatur, in tres species subdividitur, quarum alia dicitur ephemera; alia synochus simplex, seu imputris; alia verò hectica. Ideò huius sectionis tria erunt capita. Primum febris ephemeræ. Secundum synochi simplicis.

plicis. Tertium hæcticæ naturam & curationem explicabit.

C A P V T P R I M V M.

De febre ephemera.

Febbris ephemera plerumque generatur à causis externis, & corporis animique motibus vehementibus, ut ira, curis, labore, dolore, vigiliâ, & inediâ, quibus spiritus inflammantur. Item somno & mœröre, quibus humores & vapores calidi intus coërcentur. Item calefactione à sole, igne, hypocausto, quibus feruidus aer inspiratione attractus, & per insensiles poros admissus spiritus inflamat. Item crapula, & præsertim cibo potuque calidiori magna copia sumpto, ut piperatis, & vino generoso, quibus vapores suscitantur plures, quam exhalare queant. Item excrementorum calidorum retentione, non solum sæcum & vrinæ, sed præcipue fuliginum, quæ per habitum excludi solent, si pori insensiles claudantur à frigore, balneo aluminoso, & similibus.

A causis etiam internis generatur febris ephemera, ut bubone, aliisque crurum, aut brachiorum tumoribus, præcipue dum suppurantur; extremitatum erysipelate, quando materia calido loco conclusa, non sua putredine, sed tantum qualitate cor afficit. Item vasorum obstructione leni, qua fuligines retentæ febrem accendunt; ut in destillationibus solet fieri, dum illæ in calidis naturis, aut densiori corporis habitu contingunt. Hanc febrem significant, tam ex enumeratis causa aliqua prægressa; tum pulsus celer, frequens, magnus; respiratio etiam magna, & frequens, & capitis dolor & calor; frigoris, & horrois absentia, necnon lassitudi-

nis spontaneæ, aut inappetentiæ. Aliquando tamen rigor, aut horror adesse potest, in iis videlicet, quæ à Solis ardore, vel frigore initium habent. Calor etiam adest tangentibus suavis, ac blandus, vrina concocta, naturalis similis, nisi ab obstructione, vel cruditate immutetur. Intra 24. horas plerumque solet terminari, cum molli sudore, licet aliquando ad tertium diem extendatur. quem si transgrediatur, in synochum simplicem, aut putridam, vel hecticam degenerat.

Ad illius curationem antiqui maximè utebantur balneo aquæ tepidæ, cuius etiam in statu sano vsus erat frequentissimus. Sed cum nostris temporibus abierit in desuetudinem, in huiusmodi febre etiam obsoleuit, & minimè tutus habetur, propter plethoram, cacochymiam, putredinem, aut fluxionem, quæ in talibus corporibus possunt existere, aut timeri ne accidant.

Sed potius curetur huiusmodi febris victu refrigerante & humectante, ut cremore hordei, iusculis refrigerantibus, potu hydrosacchari, ptisanæ vulgaris, aut aquæ fontanæ, cum syrupo limon. aut capill. ven. permixto.

At verò pro causarum varietate curatio aliquantum varianda est. Sicque ephemeræ ab æstu, vel Solis ardore competit victus refrigerans, translatio ægri in locum frigidiorum; & oxyrhodinum fronti, sincipiti, & temporibus admotum, si dolor adfuerit, qui ab insolatu ut plurimum generari solet.

Si à frigore producat, præsertim cum æger ab exercitio æstuans in aërem frigidiorum repente sese contulit sudor pronocandus est, maximè in fine accessionis.

Si à cutis densitate & pororum occlusionem, eadem debetur curatio; & utrique huic causæ vinum obli-

phorum

phorum valdè dilatum concedendum est, quia meatus aperit, & sudoris prouocationem adiuuat.

Si à labore duxerit originem, quies imperanda est, & victus vberior, ac concoctus facilis concedendus. Si à lassitudine, frictiones celebrandæ. Iræ, animi tranquillitas & hilaritas opponenda est, bilisque frænanda cibo & potu refrigerante. Tristitiæ eadem animi recreatio conuenit, & vini tenuis vsus. Si à vigiliis febris duxerit originem, somnus erit conciliandus. Si ab inedia, victus euechymus & refrigerans instituendus. Si à crapula vel cruditate, inedia & cibi abstinencia conferet, non omisis stomachum roborantibus, sumptis & admotis: nec non clystere molliente & laxante cruditatis portio erit auferenda. Si corruptio metuatur, vomitus prouocandus est, vel purgatio instituenda. Si fiat ab obstructione, aduertendum est, num plethora, vel cacochymia redundet; hisque phlebotomia, aut purgatio decernenda est. Et si obstructio facile non resoluitur, in alias febres morbus degenerat, quarum curationes suis locis erunt describendæ.

C A P V T II.

De Synocho simplici.

CAusæ ephemeram excitantes si incidant in corpus plethoricum, denso habitu præditum, febrem synochum inducunt. Solus tamen sanguis abundans, venas infarciens, pluresque vapores produciens, quàm expirare valeant, hanc febrem producere potest.

Hanc significant corporis habitus crassus, tumidus; color corporis, & faciei rubicundus; capitis dolor

tensiuus, somnolentia, pulsatio temporum, inquietudo, pectoris angustia, respiratio difficilis, & frequens; pulsus magnus, æqualis, frequens, plenus; venæ sanguine turgidæ, unde lassitudo tensiva oritur; urina crassa, colore à naturali parùm recedens, sed paulò rubicundior; calor ad tactum mitis, halituoso vapore perfusus; febris æqualiter procedit; nempe vel in eodem tenore persistit: vel decrescit paulatim, vel crescit æqualiter, non per intervalla remittit. Unde tres illius petuntur differentiæ. Quæ enim continuò augetur, epacmastica; quæ continuò decrescit, paracmastica; quæ eundem tenorem servat, homotonos seu acmastica nominatur. Ad quartum diem extenditur, & aliquando ad septimum; tum hæmorrhagia, vel sudore terminatur, ac si ulterius protrahatur, in synochum putridam degenerat.

Illius curatio sanguinis euacuatione, refrigeratione, & meatuum apertione perficitur. Galenus 9. *meth. cap. 4.* duobus remediis eam absolvit, missione sanguinis ad animi deliquium, & aquæ frigidæ largo potu.

Venæ sectio in hoc affectu absolute necessaria est, cum à sanguinis copia generetur; eaque statim celebranda, quacumque horâ vocatus fuerit Medicus, nisi ventriculus cibis refertus fuerit, quorum concoctio expectanda est per aliquot horas. Et licet copiosè sanguis mittendus sit, dicatque Gal. *loco supra citato*, se plerosque hac febre laborantes subito curasse phlebotomiâ usque ad animi deliquium, quam sequebatur alui fluxus, vomitus biliosus, & sudor copiosus. Attamen nostris hisce temporibus obsolevit largior illa sanguinis euacuatio, quæ non vacat periculo, cum referat ipse Gal. *lib. de cur. rat. per venæ sect.* c. 12. tribus Medicis contigisse, talem phlebotomiam celebrantibus, ut pro animi deliquio mors

mors aduerterit. Satius igitur est repetitis vicibus eam sanguinis quantitatem educere, quæ ad morbi curationem necessaria est.

Ante venæ sectionem, si aluus non sit libera, aut intestina cruditatibus scateant, clyster emolliens, & laxans iniiciendus est.

Aquam frigidam quod attinet, eam Galenus tanta copia exhibendam esse præcipit, ut æger palleſcat, tremat, & toto corpore refrigeretur; sicque afferit eam calorem igneum extinguere, solidas partes roborare, inutiles humores per aluum, per urinas, & per sudores excernere. Ad illius autem exhibitionem multas cautiones adhibendas præcipit, nempe, ut in vigore febris, concoctionis signis apparentibus, exhibeatur; ut æger per sanitatem frigida assuetus sit, firma habet viscera, & succi plena; corpus eusarcum, & quadratum; viribus polleat validis atque constantibus, non sit refertus crassis viscidisque humoribus, neque tumorem aliquem habeat in visceribus, neque ventriculus, gula, aut nervosum genus debilia sint. Alioqui si conditiones istæ defuerint, periculum est, ne in spirandi difficultatem, hydropem, tremorem, conuulsionem, lethargum, aut alium grauem affectum præcipitetur. Obsoleuit etiam hoc remedij genus nostro hoc sæculo, cum omnes istas conditiones obseruare difficile sit, & ex præpostero illius usu tanta immineant pericula. Satius enim est aliis remediis sanguinem, & totum corpus refrigerantibus, iisque tutoribus uti; ut iulepis, & aperientibus emulsionibus, epithematis, linimentis, & omnino victu refrigerante. Iulepi parantur ex decocto hordei, aut acetosæ, & cichoraceorum, vel aquis cichorij, endiuia, acetosæ, lactuæ, additis sytupis de cichorio simpl. limon. granat. oxysaccharo, &c. Quibus etiam, ad

maiolem aperiendi & refrigerandi vim iis conciliandam, guttulæ aliquot spiritus vitrioli, aut sulphuris addi possunt. Si aquæ destillatæ crudiores videantur, leuiter bulliant cum modico specierum triafantali, vel diamargariti frigidi.

Emulsiones in hunc modum parari poterunt.

℞. Amygd. dulc. excorticat. & macerat. in aqua ros. ℥. j. quat. sem. frig. maj. & papau. albi, an. ℥. ij. Contundantur in mortario marm. sensim affundendo aquæ hordei lb. j. β. In colat. dissolue sacchari rosac. ℥. iiij. Fiat emulsio pro tribus dosibus, bis in die sumendis. Quæ maximè conueniet, & iulepis præferetur, si vigiliæ adfuerint.

Epithemata cordi & hepati admouenda, in hunc modum parabuntur.

℞. Aquæ rosar. buglossi, & lactucæ, an. ℥. iiij. acet. rosac. ℥. j. pulu. elect. diamarg. frig. ℥. j. sem. camphoræ gr. vj. Fiat epithema, admouendum regioni cordis.

℞. Aquar. endiu. cichor. acetosæ, an. ℥. iv. acet. rosac. ℥. j. β. trium santal. ℥. ij. β. Fiat epith. admouendum regioni hepatis.

Linimentum refrigerans hepati & lumbis admouendum ex oxyrrhodino, vnguento rosaceo, refrigerante Galeni, vel cerato santalino oxycrato ablutis.

Si morbus protrahi videatur, a phlebotomia purgatio instituenda est, ne serosa & biliosa excrementa putrescant, indeque putrida febris oriatur. Remedia tamen vsurpanda, quæ citra calorem, & agitationem id præstent, vt cassia, manna, syrupus rosac. tamarindi, catholicum, & similia.

Huc accedat conueniens victus ratio, nempe refrigerans & humectans, eaque tenuis, ex iusculis, cum herbis refrigerantibus paratis; prunis & pomis acidis coctis

coctis, cremore hordei, vel panatellis.

Potus sit decoctum hordei, aqua simplex cocta, vel in quam panis immerfus sit, vel cum syrupo capill. ven. limonum, aut granat. permixta.

CAPVT III.

De febre hectica.

HECTICA febris, seu habitualis occupat partes solidas, quæ corporis habitum constituunt, & vulgò dicuntur spermaticæ, vel carnosæ; rum etiam ratione illarum partium magis fixa est & radicata, quàm aliæ, quæ sunt in spiritibus aut humoribus. Eam quoque ob causam habitualis dicitur, quòd in habitu consistat, ac difficile à subiecto remoueri possit.

• Multiplices habentur huius febris diuisiones. Primò enim alia est hectica primaria, quæ à principio inuadit; alia secundaria, quæ aliis febribus succedit, Secundò, febris hectica vel simplex est & solitaria, vel cum febre putrida complicata. Tertiò, alia à corde incipit; alia ab aliqua alia parte, vt pulmone, hepate, liene, renibus, vtero, aliisque partibus inflammatis, vlceratis, corruptis, aut aliquo alio graui morbo obsessis. Et hæc febris quamuis $\xi\eta$ habeat in corde, & toto corpore, symptomatica tamen vulgò dicitur, propter primam originem, quam ab aliis partibus sortita est.

• Tres hecticæ gradus constituuntur à Galeno. Primus est ipsum febris hecticæ initium, in quo vix corpus extenuatur; rorida tamen corporis humiditas efferuescit, absumitur, & exsiccatur. Secundus complectitur augmentum, in eoque est euident corporis extenuatio,

tio, & carnosâ, atque adiposâ substantia perit. Tertius status morbi, & postremum illius tempus continet; nunquam enim vergit ad declinationem, cum in eo gradu sit incurabilis: tum namque substantia corporis fibrosa & membranosa consumitur, corpusque ita extenuatur, ut facies Hippocratica sit, & ossa pellibus tantum circumtectâ appareant. Postremus iste gradus marasmus nominatur, vel potius hectica marasmodes; cum in vero marasmo frigiditas cum siccitate coniungatur.

Causæ febris hecticæ diuiduntur in externas, & internas. Ad externas referuntur quæcunque reliquas etiam febres generare possunt, si continua vehemens sit calefaciendi actio, vel corpus huic feбри concipiendæ aptum occurrat. Tales sunt calor Solis, aut ignis, exercitium vehemens, cibi & potus calefacientes, excretiones immodicæ, ut in diarrhœa, & dysenteria; animi pathemata vehementiora, ac denique inedia in corpore bilioso, calido & sicco; cum dicat Galenus diatritarios, huiusmodi corpora in febres ardentes & hecticas, abstinentiâ cibi triduanâ, perduxisse.

Causæ internæ sunt febres ardentes, & pestilentes, quæ humidum cordis absumunt, celeriter. Tum febris lenta diuturna. Tum etiam affectus peculiaris alicuius visceris, ut inflammatio, vlcus; vel putredo alicuius humoris in eo contenti; vel denique ipsius membri corruptio, quæ febrem lentam & hecticam facere solent.

Horum affectuum membra peculiariora obsidentium, & febrem hecticam producentium exempla habemus satis manifesta. Nam quod ad inflammationes attinet, Galenus ex inflammatione septi transversî se hecticam vidisse refert. Ex vlcere verò hecticam complicatam in

phthisi quoridie animaduertimus. Putredo humoris in viscere contenti fit in obstructionibus magnis; vel abscessibus frigidis. Membri denique corruptio in pulmone sæpè contingit; aliquando in iecore, in hominibus vinosis, & qui calidis multis vtuntur aromatibus: sanies enim quædam in hepate gignitur, quâ illius substantia corrumpitur. Hanc febrem se aliquando vidisse Fernelius affirmat, & signa illius esse dicit, quòd vinum auidissimè cupiant, carnes verò maximo odio prosequantur.

Cognoscitur febris hectica simplex, quòd continua sit, sine vlla accessione, semper sibi similis, non crescens, nec decrescens, nisi quòd augetur vna, duabus, aut tribus horis à cibo. Calor in hypochondriis primo tactu mitis, pòst acer, mordax, aridus. Pulsus parvus, frequens, & celer; febrem non percipiunt ægri, pigri sunt, & ad motum desides, & cum difficultate mouentur, eò quòd virtus langueat. Arteriæ calidiores sunt partibus circumstantibus, quod tactu pòst lotionem ex aqua frigida dignoscitur. Vrina naturali similis est, tum colore, tum sedimento. In proëssu oleosa supernatant, & sedimenta farinacea sunt, quod est signum colliquationis.

Speciatim verò non solùm singulos gradus; sed etiam imminentem febrem hecticam ita dignoscere possumus.

Imminens febris hectica dignoscitur, si causæ prædictæ præcesserint; nempe si febris ardens in corpore calido sicco, raræ contexturæ, in aëre æstuantè præcesserit, periculum est, ne æger in febrem hecticam incidat. Et remedia eam præcauentia vsurpanda sunt.

Primus hecticæ gradus, si cum putrida fuerit coniuncta, difficillimè dignoscitur: si sola sit, non facilè.

In prima die omnia signa ephemeræ. In die sequenti augetur ariditas, non calor. Tertiâ die non repetit, non aucta euidenter, non diuinuta. Ac tandem vnâ, aut duabus horis post cibum caliditas nonnihil aucta apparet.

In secundo gradu æger non percipit se febrile, quamuis percipiat alterationes à cibo. Ariditas manifesta est, pulsus minor & celerior, cum duritie quadam.

Tertij gradus signa sunt manifestissima, oculi concaui, sordes, in iis siccæ, & squalor, ossium prominentiæ conspicuæ, viuidus flos coloris extinctus: cutis vniuersa arida, præcordia vehementer contracta, vt videantur carere intestinis. Pulsus sentitur sub ventriculo in omnibus extenuatis.

Quia verò febris putrida cum hæctica non rarò copulatur, vtraque exactè distinguenda est, cum maximi sit in curatione momenti, quæ admodum varia tunc temporis existit. Hæc autem complicatio dignoscetur, comparando signa hæcticae proposita, cum signis febris putridæ, quæ infra suo loco describentur.

Primus gradus faciliè curatur. Tertius, vt dictum est, incurabilis est. Secundus medio modo se habet, & quo magis accedit ad primum, vel tertium, ita facilius, aut difficilius curatur. Frequentius accidit febris hæctica à decimo octauo anno ad trigessimum quintum: eo enim tempore calor intensior est, faciliusque marcorem inducit. Qui verò ante hanc ætatem, vel paulò post hæcticâ corripuntur, facilius euadunt, ac nonnunquam curantur; præcipuè verò mulieres.

Ad curationem huius febris primùm aduertendum est, num hæctica pendeat à partis alicuius morbo: tunc enim curatio ad eum morbum dirigenda est: cum etiam

num simplex ea sit, an complicata cum febre putrida. Ei in hoc casu, putrida primum tollenda est venæ sectione, & purgatione, nec non remediis aperientibus, & putredinem inhibentibus, febre interim hecticâ non neglectâ. At verò si simplex & solitaria sit febris hectica, solis refrigerantibus & humectantibus, nec non analepticis curatio absoluitur; quorum materia ex diætâ, & pharmaca erit desumenda,

Diætâ, ut in omnibus chronicis affectibus multum potest, in hoc præsertim plus præstat, quam medicamenta. Illa idcirco exactè præcipienda est, ut scilicet ad totius corporis refrigerationem & humectationem dirigatur. Aër itaque si naturâ suâ mediocriter frigidus sit, vel temperatus, tali utendum est; sin minus, corrigendus, ita ut ad frigidum & humidum declinet. Ea ratione Galenus 10. *method. cap. 8.* æstatis tempore, aëre existente calidiori, agrum degere præcipit in loco subterraneo, qui frigidissimus sit, & maximè perflatus, & ad Septentrionem vergens. Quo solo remedio nos hecticum, extremâ macie confectum, intra mensem restitutum vidimus. Deinde caliditas aëris in conclavi alteranda est aquâ frigidâ, de vase in vas transfusâ, cuius etiam strepitu somnus conciliatur; tum etiam pavimento aquâ frigidâ subinde asperso, vel herbis refrigerantibus in illo frequenter sparsis; turbâ quoque hominum ingredi prohibitâ: nam hoc quoque cubiculum calefacit. Quando verò aër frigidissimus est, eum esse admittendum Galenus præcipit, quatenus respirando attrahitur, ut qui calorem cordis maximè refrigeret; quamvis minimè conferat, quatenus extrinsecus agrum contingit, quod cutis poros condenseret, & transpirationem prohibeat. Attamen maius fore ex frigida inspiratione commodum affirmat, quàm ex cute condensata incômodum; præsertim cum illud

illud vitari possit, operimentis corpus probè muniendo. Aduerte tamen, si febris hecica fuerit ex ulcere pulmonis, aërem frigidum non conuenire ratione vlceris, sed temperatum in actiuis, ad calidum vergentem; in passiuis siccum. Quâ ratione Galenus phthicos mittebat ad Tabias, montem Vesuuium dictum, vbi aër siccior erat.

Cibi esse debent refrigerantes & humectantes, citòque nutriendes, vt iuscula pulli, gallinæ, capi, vituli, hœdi, veruecis, vitelli ouorum, cum hordeo mundato, lactuca portulaca, endiuia, borrag. acerosa, carnes vituli, hœdi, porcelli, phasiani, perdicis, lepusculi, & similibus; panatellæ, hordeata, atienata, oryzata, cum saccharo, & paucis amygdalis, vel potius cum sem. frig. maioribus Carnes elixæ præferuntur assis, quæ facilius inflammantur, & in bilem vertuntur; elixa magis humectant. Si tamen assis æger delectetur, ea minus coquenda sunt, & temperanda succo limonum, citri, arantiorum, vel omphacio insulso.

Pisces vsurpari poterunt, quia refrigerant & humectant. Sed eligendi saxatiles, & qui tenerâ carne sunt præditi, in mari, aut aquis puris natantes.

Inter fructus poma laudantur, quia frigidum sanguinem generant. Conueniunt quoque pyra, pruna damascena, & briniolensia cocta cum saccharo, tum etiam passulæ mundatæ, quæ in sequentem modum præparatæ corpus alunt citra calefactionem.

℞. Passul. mundat. lb. j. Temperentur in aqua endiuia, buglossi. & rosar. & abluantur diligentissimè, vt vis laxandi amoueatur. Postea in iisdem aquis decoquantur leuiter, addito paucio saccharo ad perfectionem, cum quo seruentur vsui, iisque vtatur manè, & post singulos pastus.

Quia verò hecici infixum habent solidis partibus calorem

calorem, quo alimenta facile & promptè dissipantur: illis idè præscribere solent Practici alimenta solida, & viscosa, extremitates animalium, carnes limacum, cancrorum, testudinum, ranarum. Cum enim illæ carnes viscosæ sint & humidæ, facile agglutinantur partibus, nec facile absumuntur à calore febrili: sicque partium solidarum, siccitatem remorantur. Non desunt tamen qui hæc alimenta reiciant, quia ægrè concoquantur, & magnum ventriculo negotium facessunt. Quod dissidium ita conciliatur. In hectica incipiente, dum adhuc robusta est facultas coctrix, conueniunt hæc alimenta crassa & viscosa. In confirmata verò non sunt exhibenda, quod difficile concoquantur. Adde quod ita præparata & elaborata exhibeantur, vt facile concoqui possint, nempe vel elixantur ad consumptionem, vel contusa ex illis parantur. Inter alia testudines terrestres maxime laudantur ad hecticas febres, non solum simplices, sed tabificas; & variis modis præparantur. Vel enim in aqua decoquantur, donec dissoluantur. Mox corticibus abiectis, caro ab ossibus separata rursus coquitur, cum cichorio, acetosa, borragine, hordeo mundato, & prunis in hectica simplici. At in hectica pulmonis coquitur cum foliis rubi, portulacæ & plantaginis. Ius bibatur, & carnes edantur per dies viginti. Vel contusum ex his paratur, vel conficiuntur pastilli ex carne testudinum, cocta in aqua hordei cum amygdal. dulcibus, pineis, sem. frigidis, & saccharo. Qui leuiter concoquantur in furo, & in prandio ac cœna exhibentur. Formula talis esse poterit.

℞. Carnis testudinis in aqua hord. elixatæ Vnc. iv. amygd. dulc. infus. in aqua ros. Vnc. vj. pineor. eodem modo infus. Vnc. ij. quat. sem. frig. maj. an. Vnc. j. anili non puluerati, sed in furo leuiter cocti Drach. j. sem. *Tem. II.* k k cinam.

cinam. 3. ij. sacchari in aqua ros. dissoluti ad pondus omnium, fiant morsuli.

Loco testudinum vsurpatur pulpa caponis, & perdicis, sitque confectio, quæ vulgò *pasta regalis* nominatur, ad hecticos instaurandos idonea, in hunc modum.

℥. Pulpæ caponis, & perdicis elixatæ, an. 3. iij. amygd. dulc. in aqua rosac. macerat. 3. iv. pinearum 3. j. β. sem. papau. albi 3. ij. gummi arabic. & tragacanthæ, an. 3. j. β. manus Christi perlata 3. ij. Cum pauca aqua rosarum fiat pasta regalis, auro obducta.

Iis qui infirmiores habent ventriculum, gelatinæ, iura & destillata instaurantia exhibentur. Gelatina in hunc modum parari poterit.

℥. Caponem electum, poplitem vituli, vel femur veruecis, pedes vituli num. 2. aut veruecinos num. 6. Coquantur in aqua fontana ad sufficientem consumptionem. Iusculum coletur per expressionem, & pinguedo remoueat. In colat. dissolue sacchari albi lb. j. albumine ouor. num. 6. croci, vel cinam. parum. Agitentur simul, postea bulliant leuiter, ac transmittantur per manicam Hippocratis bis aut ter. Tandemque iusculum excipiat in vasculis, vbi concreset in gelatinam. Si croci aut cinamomi sapor displiceat, vel magis refrigerantem gelatinam desideres, adde eorum loco succum limonis, vel citri vnus.

Iura instaurantia variis modis parari possunt. Hoc cæteris longè præstat.

℥. Caponem benè habitum. Deplumetur, exenteretur, ac in frustra diuidatur, à quibus pinguedo & pellis detrahantur. Adde, si vis, carnem vituli aut veruecis etiam in frustra diuisam, & ab omni pinguedine liberam Ponantur in olla vitreata, in cuius medio sit craticula ex ligno, aut alia materia confecta, super quam
frustula

frustula dicta ita concinrentur, ut ollæ fundum vacuum remaneat. Postea olla optimè clausa suo operculo, probè lutato cum farina aqua subacta, ponatur in B. M. bulliente per quinque horas. Distillabit in fundum ius limpidum, cusus cochlearia duo vel iij. cum iusculis, aut per se, ter aut quater in die exhiberi poterunt.

Huiusmodi carniū destillationes per descensum factæ hecticis instaurandis sunt valdè idoneæ. Quæ verò per ascensum fiunt, licet spiritus reficiant, minimum tamen nutriunt, ac solidam substantiam non re-
stant.

Potus sit aqua hordei, vel sola, vel cum syrupo acetoso, aut granatorum mixta, vel aqua panata cum poco saccharo. Si tamen ventriculus admodum infirmus fuerit, vinum aquosum & valdè dilutum concedendum est, quod coctionem & distributionem iuuat. Galenus 10. meth. cap. 5. & 6. aquam frigidam exhibet, eaque se multos à marasmo præseruasse gloriatur. Attamen in illius exhibitione maxima cautio adhibenda est. Dum enim corpus valdè extenuatum est, periculum est ne pusillus calor omnino extinguatur. Idcirco imminente hectica tantum conferre potest, aut in eius principio, & in assuetis, & corpore adhuc satis copioso sanguine referto.

Motus corporis non conuenit, sed quies potius impetranda est, quamuis ante cibum, si vires ferant, idoneum esse possit leue aliquod exercitium; aut eius loco molles frictiones, non multæ, institui possunt, præcipuè statim à somno, incipiendo ab inferioribus partibus: nam internos humores ad exteriora euocant. Et fricandus tantum æger, donec leuis rubor apparere incipiat, nam si vterius pergatur, corpus exsiccabitur. Coi-

tus in primis fugiendus est, quo corpus maxime resolu-
 utur.

Somnus nec longior, nec breuior sit. Nam longior
 viscerum calorem auget, recurrende ad interiora calo-
 re breuior corpus magis exsiccat. Minus tamen incom-
 modi ex paulo longiori, quam ex iusto breuiori oritur,
 quia somnus valde humectat, quod in hac febre maxi-
 me expetendum est. Dormiant in molli strato, eoque
 laneo, non plumeo, commodamque latitudinem ha-
 bente. Linthea saepe immutent, quæ aqua rosarum antea
 irrorata fuerint.

Alius si pigrior fuerit, proritetur glande aut cly-
 stere, ex iusculo pulli cum hordeo, malina, & violaria
 parato: addendo cassiam, mel violac. butyrum, & vi-
 rellos ouorum.

Denique animus in tranquillitate & hilaritate ser-
 uandus est, fugiendo vehementes animi perturbationes,
 ut iram, tristitiam, metum.

Ex pharmacacia delumuntur medicamenta hecticis
 idonea, tum interna, tum externa. Inter interna, pri-
 mum purgantia consideranda sunt: cum adiectio hic ma-
 gis necessaria sit, quam detractio, vix ea conuenire pos-
 sunt, nisi hectica putrida adiuncta sit. Si tamen prima
 regio excrementis repleta videatur, propter cruditates
 à debili ventriculo productas, tuto purgatio institui
 poterit ex cassia, malina, aut syrupo rosaceo. Imo vero
 aliquando, si vires non sint debiles, exhiberi poterit
 infusum rhei, cum decocto prunor. tamarind. myrobal.
 buglossi & violar.

Alterantia vero medicamenta in formam iulepo-
 rum, iusculorum & emulsionum redigi poterunt in
 hunc modum.

℞. Aquar. endiu. lactuæ, acetosæ, an. \mathfrak{z} . iv. syrupo
 violacci, nymphææ, pomor. ana \mathfrak{z} . j. Misce. Fiat iulep.

pro tribus dosibus, bis in die sumendis, & per plures dies continuandis. Vel

℞. Hord. integr. P. j. fol. endiu, cichor, lactuæ; pimpinellæ, ana M. j. flor. borrag, buglossi, violar, & nymphææ, ana P. j. prunor, damasc, par. iij. Coquantur ad ̄. j. β. In colat. dissolue syrupi de cichorio simplicis, & de nymphæa, ana ʒ. ij. Fiat iulep. pro iv. dosibus.

Ex iisdem simplicibus cum pullo gallinaceo, vel gallina iuniori decoctis, parari potest iusculum ad eundem usum. Vel

℞. Rad. chinæ ʒ. j. β. hordei integri P. ij. quat. sem. frig. maj. ʒ. β. Contundantur, iisque impleatur venter capiant pulli iunioris. Fiat iusculum; cui adde sacchari rosac. ʒ. β. Capiat per longum tempus. Reficit, & impingnat.

℞. Amygdal. dulc. excortic. & in aqua frig. infusar. ʒ. j. sem. quat. frig. maj. & papau. albi, ana ʒ. j. Contundantur in mort. marmor. sensim affundendo aquæ hord. ʒ. j. In colat. dissolue manus Christi perlata ʒ. iv. Fiat emulsio pro tribus dosibus.

Si intensius refrigerare est animus, adde vnicuique dosi iulepi, vel emulsionis, salis prunel. ̄. ij. vel ʒ. j.

In usu refrigerantium hoc observandum, ne potentiora statim, & frequenter usurpentur; calorem enim debilem possent extinguere. Utillius autem est sensim quam subito refrigerare. Humectantia verò semper tutiora sunt, quam refrigerantia, quia lente suas exercent operationes.

Dum prædicta remedia usurpantur, viscerum corroboracioni incumbendum est opiatâ convenienti, quæ in hunc modum confici poterit.

℞. Conseruæ flor. borrag buglossi, & violar, ana ʒ. j. conseruæ flor. nymph. ʒ. β. pulu. electar, diamarg. frig. ̄. iv. rasuræ eboris, ossis de corde cerui, ana ʒ. β. margarit,

margarit. præp. & coralli præp. an. ʒ. j. fol. auri num. iij.
Cum syrupo de pomis, fiat opiata.

In summa extenuatione, clysteres nutrientes frequenter iniiciendi sunt, ex iusculo pulli, vel capitis veruecis, cum saccharo, & vitellis ouorum. Eorum autem quantitas exigua esse debet; alioqui compressis intestinis vim expultricem irritarent.

At inter cætera remedia hæcticis maximè idonea, lac principem locum obtinet, cum omnibus dotibus præditum sit, quæ in hoc morbo desiderari possunt, quippe quod refrigerandi & humectandi vi præditum est; multum nutrit, & faciliè distribuitur. In illius usu eadem cautiones adhibendæ sunt, quæ in phthiseos curatione fuerunt propositæ.

Inter remedia externa balneum aquæ dulcis primas obtinet; potenter enim refrigerat & humectat, partesque externas relaxat, ut promptius alimentum excipiant. Apud veteres balneorum usus erat frequentissimus, & quatuor partes habebant. In prima nonnihil calida exuebantur. In secunda erat solium aquæ calidæ. In tertia solium aquæ frigidæ. In quarta verò sudores, & madores abstergebantur. Galenus 10. *meth. c. 19.* harum balnei partium usum ita moderatur, ut ægri in primam partem balnei deducantur, quæ vapore balnei incalescebat, ut pori aperiantur, deinde oleo dulci perfusi, in aqua calida immergantur ad corporis humectationem: post repentinè in aquam frigidam iniiciantur, subitoque educantur, exsiccentur, oleoque inungantur, ut poris condensatis humiditas inducta retineatur. At verò cum iam diu obsoleuerit illa antiquorum in balneorum usu diligentia, à Practicis etiam nostris derelicta est illa hæcticorum balneandorum methodus, quæ nec satis tuta iudicatur. Siquidem metuendum esset, ne frigidæ occursum repentino corpus læderetur, ægerque

que subitum contrariarum, qualitarum occursum ægrè ferret. Consultius enim, & compendiosius ab iis factum est, dum ægros in balneum aquæ moderatè calidæ coniiciunt, manè, depositis excrementis naturâ vel arte, duabus vel tribus horis post assumptum iusculum, vel lac, vel vitellos ouorum: in quo tamdiu æger immorari debet, donec spontè tepescat, ac tandem refrigeretur. Cùm enim Galenus balneum frigidum post calidum, adeò necessarium censuerit, ut calidum sine frigido nihil prodesse existimet: frigidæ vices supplentur, si tamdiu æger in balneo moretur, donec spontè tepescat, & refrigeretur. At si nimis tardè hæ mutationes fiant, ut æger tædio afficiatur, aquæ frigidæ affusione balneum ad libitum tepescere & refrigerari poterit. Hæc tamen cautio adhibenda est, ut cùm triplex qualitas in eodem balneo haberi possit, æger in calida parum immoretur, in tepida diutius, in frigida minimum.

Licet autem antiqui ex aqua simplici balnea parare consueuerint, vtilius tamen est ea magis humectantiâ efficere, decoctis in iis herbis emollientibus & humectantibus, ut malua, althæâ, violariâ, &c. vel hordeo & amygdalis confusis, præcipuè æstatis tempore, quia balneum ex decocto herbarum citius corrumpitur. A balneo æger linteis calidiusculis molliter detergendus est. Postea verò inungendus oleo violaceo, amygdal. dulc. cum butyro insulso. Postmodum, ubi parum requieuerit, iusculum, vel aliud ferculum ei exhibendum est.

Balneum ex hydrelæo à Zacuto Lusitano maximè laudatur *observ. 35. lib. 3. Praxis admiranda*; eoque asserit iuuenem quendam curatum fuisse, cui balneum ex aqua simplici, & lac caprinum nihil profuerant. Tantæ utilitatis rationem ex eo desumit, quod balneu

ex aqua dulci paratum, cui olei copia adiuncta sit, ten-
tas partes emollit; siccas, & arefactas humectat; &
poros obstrictos, ac præ siccitate coniucentes ape-
riendo, ad exumas, maximeque distantes corporis par-
tes, alimentum attrahit.

Quando æger non potest vti balneis, admoventur
epithemata cordi, & hepati, in hunc modum compo-
sita.

℞. Aquæ rosar. nymphææ, & portulac. an. ʒ. iij. succi
granatorum ʒ. j. pulu. electar. diamarg. frig. ʒ. ij. ossis de
corde cerui ʒ. j. camphoræ ʒ. iv. Fiat epithema, cordi
admoendum.

℞. Aquar. endiu. lactucæ, & cichorii, ana ʒ. iij. aceti
rosac. ʒ. j. trium fantal. ana ʒ. ij. spody ex ebore ʒ. j. Fiat
epithema, hepati admoendum.

Poterit etiam inungi regio hepatis vnguento rosa-
ceo, vel cerato fantalino. Verum oleis, & vnguentis
parcius vtendum, quia febrem aliquando augere pos-
sunt.

Inter symptomata, quæ huic morbo superuenire so-
lent, præcipuum est alui fluxus, qui ægros ad interi-
tum solet perducere. Qui quidem frænandus est
decocto hordei excorticati, & tosti pro potu
ordinario, syrupo cydoniorum, rosar.
siccarum, lacte chalybeato, oryza
cocta in lacte, &
similibus.

SECTIO II.

De febribus putridis.

PRÆFATIO.

FEBRES putridæ diuiduntur in continuas, & intermittentes. Continuæ generantur, quando putridus vapor, seu calor præter naturam, qui à putrescentibus humonibus oritur, continuò cor affligit, caloremque continuum in eo excitat, vnde etiam febris calor in vniuersum corpus continuò diffunditur. Intermittentes verò fiunt, quando iidem vapores per intervalla quædam ad eor deferuntur.

Continuæ rursum diuiduntur in essentielles, seu primarias, & symptomáticas. Primariæ, seu essentielles dicuntur, quando putredo in venis communibus, & extra partes priuatas accenditur. Symptomática verò, quando in parte peculiari inflammata putredo, aut suppuratio fit: è qua ob vasorum communionem vapor putridus cordi continuò communicari potest; quales apparere solent in pleuritide, peripneumonia, hepatide, aliarumque partium internarum inflammationibus. Continuæ primariæ rursum duplices sunt. Aliæ enim sine vlla exacerbatione, aut remissione, à principio ad finem porriguntur, & *συνεχὴς* continentes appellantur. Aliæ verò manifestas habent exacerbationes & remissiones, & *συνεχὴς*, seu continuæ, generis nomine solent appellari. Et illæ rursum ab

exacerbationum, & remissionum diuersitate, in tres species diuiduntur. Aliæ enim tertianæ continuæ dicuntur, quæ tertio quoque die exacerbantur. Aliæ quotidianæ, quæ singulis diebus. Aliæ verò quartanæ, quæ quarto quoque die reduplicantur. Intermit- tentes etiam in tertianas, quartanas, & quotidianas diuiduntur; prout earum paroxysmi tertio, vel quarto quoque die, vel singulis diebus regredi consue- runt. Aliæ etiam dantur febrium differentia, quæ vel accidentales sunt, vel ex prædictarum compositio- ne ortæ, quas omnes sigillatim & breuiter explicabi- mus.

C A P V T P R I M V M.

De febribus putridis continuis.

ETSI variæ sint febris putridæ continuæ species, ea- rum tamen omnium curationem simul describere statuimus, eò quòd eadem ferè omnibus conueniant remedia, quorum nonnulla secundum magis, & minùs tantum varianda sunt: quod ex Medici iu- dicio, & artis usu magis, quàm præceptis parti- cularibus dependet. Nos tamen, quantum fieri po- terit, in quo vnaquæque differat, suis locis annotabi- mus.

Febres continuæ primariæ, seu essentielles generari solent ex putredine humorum, qui in venis, & arteriis maioribus continentur. Et pro varia humorum putref- centium natura variæ species emergunt.

Synochus putrida nullis paroxysmis, aut exacerba- tionibus distinguitur, sed illius vniuersum tempus vnâ veluti accessione, consumitur, quæ à principio ad finem pertingit.

pertingit. Eiusque, sicuti & simplicis, tres constituuntur differentia. Quarum prima est, quæ à principio ad finem qualis perdurat. Secunda, quæ paulatim augetur. Tertia, quæ paulatim decrescit. Prima acmaistica, seu homotonos nominatur, fitque cum toto morbi decursu par est modus putredinis. Secunda epacmaistica dicitur, cum plus putrescit, quàm dissipatur. Tertia paracmaistica appellatur, cum minùs putrescit quàm dissipatur. Licet autem huiusmodi febres continuò crescant, aut decrescant, aut eundem tenorem seruent; hoc tamen non impedit, quin illæ quatuor habeant tempora, si ad salutem terminentur; sed alia longiora, alia breuiora, si iuxta symptomatum vehementiam considerentur. Sic enim homotonos breuissimum habet principium & augmentum; longum verò statum. Epacmaistica longum habent augmentum: paramaistica longam declinationem, reliqua autem tempora citissimè transeunt. Sciendum autem est, febrium putridarum tempora dupliciter considerari; vel quoad symptomata, vel quoad coctionem, & cruditatem; quæ duo in aliis febribus plerumque coincidunt: in synochis verò non item. Earum enim tempora non tam ex symptomatum incremento & decremento, quàm ex signis concoctionis æstimari debent, quæ in vrinis præcipuè apparent.

Duæ autem synochi, seu continentis febris species à Galeno proponuntur. Vna ex sanguine putrescente, de qua agit 2. meth. cap. 1. & 9. tum etiam 9. meth. cap. 3. & 5. Altera ex bile putrescente in maioribus vasis, de genere febrium ardentium, quam explicat 2. de diff. febr. cap. 2. & 2. de cris. cap. 6. Prima dicitur synochus sanguinea, altera verò synochus biliosa. Licet enim tota humorum massa in venis conte

guinis. nomen obtineat, quatuor tamen illius partes agnoscuntur, quarum magis temperata sanguis speciatim nominatur; calidior, bilis; crudior & frigidior, pituita; crassior autem & faculentior, melancholia. Iam vero si pars illa magis temperata, quæ sanguis proprie dicitur, reliquas copia superet, & tota massa putredinem concipiat, synochus sanguinea efficitur. Si vero tenuior sanguinis pars, & calidior, quæ flauæ bilis naturam æmuletur, reliquas partes superet, & putredinem concipiat, synochus biliola exoritur.

Ab iisdem causis synochus putrida generatur, quæ synochum simplicem solent producere. Sicque non solum cutis conspiciatur, sed vasorum etiam obstructio à multo sanguine, & crassis ac lentis humoribus impaetis, hanc febrem efficere solet. Cum enim per huiusmodi obstructions fuliginosorum vaporum transpiratione impediatur, putredo generatur in sanguine intra venas redundante.

Tertiana continua, quæ tertio quoque die magis affligit, à sanguine cacochymo bilioso in vena caua putrescente ducit originem. Illiusque causæ sunt ea omnia, quæ humorem hunc multiplicare possunt; ut hepatis calida & sicca intemperies, alimenta calida & sicca, ætas iuuenilis; inedia, aut victus tenuis, & parcius; exercitatio vehemens, & frequens; calida & sicca aëris constitutio, vigiliæ nimia, & similia.

Quotidiana continua, (quæ barbaris *lunca* nominatur, quod latentem atque absconditum quemdam calorem habeat,) à pituitoso sanguine intra venas putrescente producitur, & ideo singulis diebus suas habet exacerbationes. Corpora pituitosa solet adori ut infantium & puerorum, tum etiam senum, necnon eorum qui habitu sunt corporis obeso, otio,

& crapulæ dediti, locaque humida inhabitant. Minus frequens esse solet hæc febris, quia, pituita difficiliter putrescit.

Quartana continua, quæ quarto quoque die intenditur, fit à sanguine melancholico in venæ causæ rariis putrescente. Eamque omnia efficere possunt, quæ humorem melancholicum generare, eique putredinem inducere valent. Rarissima tamen esse consuevit.

Differentiæ febrium accidentales à prauis symptomatibus desumuntur, quæ essentialibus complicari solent, ab iisque denominantur. Inter eas recenseri solent, febris ardens, colliquans, horrida, alsodes, elodæ, lyncopalis, epiala.

Causus, seu febris ardens proprie ea dicitur, ex Galeno 3. *Epid. com. 3. text. 34.* quæ duabus hisce symptomatis perpetuo comitata est, calore scilicet ardente, & siccitate inextinguibili, quantumvis ægri bibant. Dicitur autem ab eodem Galen. *com. 4. de vict. rat. in acut. 1. 13.* in legitimam, & notham, Legitima, seu exquisita est, quæ dicta duo symptomata semper & euidenter coniuncta habet. Notha vero, in qua illa symptomata sunt minus vehementia, siccitasque est minus intensa, nec corpus ita viritur. Legitima, & proprie dicta fit ab humore bilioso, intra maiora vasa cordi vicin putrescente. Notha vero fit à bile cum pituita permixta, vel pituita sola in iisdem vasis putrescente. Hinc patet, febrem ardentem legitimam nihil aliud esse, quam febrem tertianam continuam, cuius materia acrior & copiosior sit, & in maioribus vasis cordi maxime vicinis contineatur; cum materia tertianam continuam simpliciter efficiens sit in vasis à corde remotioribus. Rursum exquisitæ febris ardentis duæ sunt species. Vna, quæ à principio ad finem vnicam dumta-

xat accessionem obtinet, quam synochum biliosam supra nominauimus, & synochus ardens etiam nominatur; quæ fit, cum bilis putrescens vasa omnia cordi propinquissima occupat. Altera, quæ plures in se continet accessiones, & ardens periodica dicitur, fit ab eadem bile contenta in vasis cordi vicinis, sed non omnibus, aut non ita propinquis, quemadmodum in synocho ardente. Ita vt tertiana continua, synochus ardens, & ardens periodica inter se tantum differant, prout bilis magis, aut minus acris, copiosa, & cordi vicina est.

Febris colliquans est etiam de genere ardentium, quæ propter calorem ingentem, confestim pinguedinem, carnem, partiumque solidarum substantiam, vel aliquando humores in venis contentos colliquat, atque dissoluit per insensilem transpirationem, sudores, urinas, aut deiectiones. Excitari solet à materia tenui, acri, & biliosa, quæ vehemens concipit incendium. Eique non raro ad iunctam esse malignam & pestilentem qualitatem docet Gal. *com. in 3, Epid. sect. 3. sent. 57.*

Horrida febris. *φριχάδης*, Græcis appellata, ea dicitur, in quâ horrores frequenter solent accidere. Fitque ex mixta materia, biliosa scilicet, & pituitosa, aut serosa, quæ cum inæqualiter moueatur, horrores istos excitare solet: nempe vel succensa bile humores crudos putrefaciente & commouente; vel tenui, acri & ferosâ materiæ portione partes sensiles & membranas vellicante; vel denique naturâ crudum humorem frustra excutiente. Hinc retracto ad centrum calore, frigent extrema; mox eodem emicante, incallescunt.

Assodes etiam febris ad ardentem referenda est, in qua ægri iactantur, & frequentibus inquietudinibus anguntur, grauitè morbum ferentes, cum nausea vt plurimum

plurimum, & vomitu. Quia exoriri solet ex afflictione ventriculi ab acri & bilioso humore, eius orificium, vel tunicas mordente.

Elôdes dicitur illa febris, in qua sudores perpetuò funduntur: fitque ab ingenti humorum putredine, aut malignitate, substantiam corporis dissolvente.

Syncopalis febris ea dicitur, in qua syncope, aut animi deliquium frequenter ægotantem corripit. Duæ illius species ponuntur ab Auicenna. Vna ex bile tenui, acri & venenata. Altera ex pituita multa, aut crudorum humorum copia. Prior syncopalis minuta appellatur, quia fit ab humore paucò, sed tenui, & venenato. Posterior ab eodem vocatur syncopalis humorosa, siue repletionalis, quia à multa crudorum humorum copia generatur. Idcirco ad pituitosas febres referri consuevit. Et ab aliis tantum differt, quod in hac maior crudorum & pituitosorum humorum copia redundat. Et præterea coniuncta est oris ventriculi debilitas, ex qua in primis ægri frequenter in syncopen incidunt.

Epiala febris dicitur à Galeno 2. *de differ. febr. cap. 2. & lib. de inaequali intemper. cap. 8.* quando eodem tempore, per vniuersi corporis minimas particulas, calor & frigus sentitur. Quamuis enim vna & eadem pars contrariis alterationibus affici nequeat: id tamen, quod de febre epiala dicitur, de minimis particulis quoad sensum, non autem reuera minimis intelligendum est. Hanc febrem duobus modis fieri docet Galenus. Vno quidem, à pituita vitrea cum bile amara permixta, & in vniuersum corpus diffusa. A bile enim caloris, à pituita frigoris sensus infertur. Altero autem, à pituita vitrea sola, sed partim putrefacta, partim putredinis experte. Cum enim pituita vitrea frigidissima

frigidissima sit, crassa & lenta, non promptè putrescit, nec tota simul, sed tantùm per partes; ita ut una eius portio putrida sit, altera imputris remaneat. Istius igitur pituitæ per sentientes partes delatæ portio quæ nondum putrescit utpotè frigidissima, frigoris sensum inducit: ea verò quæ putredinem concepit, caloris sensum infert. Atque ita corpus vniuersum eodem tempore calorem & frigus percipit. Platerus etiam febris epialæ generandæ modum excogitauit, quando scilicet febres intermittentes eodem die coincidunt, ut frigus posterioris accessionis incipiat, antequam calor prioris desinat; vel etiam quando intermittentes cum continuis concurrunt, ut unus febris calor cum alterius frigore eodem tempore possit coincidere.

Dantur etiam aliæ febrium continuarum accidentales differentię, quæ cum ad febres symptomáticas referri soleant, in earum expositione iam delineanda discutientur.

Quamuis autem symptomaticum febrium curatio a morborum particularium, ex quibus oriuntur, curatione dependeat: earum tamen ratio proponenda est, ne cum essentialibus confundantur.

Illæ igitur febres symptomáticas nominantur, quæ ab humorum accensione & putredine in aliquo viscere contenta, oriuntur. Cuius generis esse solent febres illæ, quæ sequuntur pleuritidem, perineumoniam, phrenitidem, anginam, hepatitis, aliasque partium internarum inflammationes, vlcera, vel abscessus.

Aduerrendum autem est diligenter (quod maximum est in praxi momenti, & a paucis animaduersum) non omnes perpetuò febres, quæ cum partium inflammationibus coniunguntur, esse symptomáticas; sed quasdam
etiam

etiam esse essentielles, quibus inflammationes prædictæ succedere soleant. Fit enim plerumque, ut sanguis corruptus, aut pravis humoribus refertus, postquam febrem excitavit, exagitetur à natura, & tanquam sibi noxius expellatur ad partes debiliores, aut humori recipiendo magis idoneas: unde in iis inflammatio producit, quæ febrem istam non efficit, sed illi potius succedanea est. Sic nobis frequenter in usu practico videre licet ægrotantes, ab initio febre continuâ laborantes per vnam aut alteram diem, antequam dolor lateris & alia pleuritidis signa appareant. Sic multi tertio, vel quarto febris die in phrenitidem incidunt, sic arthritici ferè omnes antequam dolore, tumore, & inflammatione articulorum afficiantur, febre continuâ per vnam, aut alteram diem laborare solent. Sic qui erysipellate tentantur, febre aliquandiu afficiuntur, antequam erysipelas appareat. Idipsum ostendit vrinarum dispositio, quæ in huiusmodi inflammationibus notas putredinis in venis contentæ manifestas produnt. In principio enim crudæ apparent, in progressu verò signa coctionis in dies incrementis ostendunt. Tum sanguis è vena admodum corruptus interdum educitur. Quæ non fierent, si febres eiusmodi essent tantùm symptomatice, aut ab illis inflammationibus simpliciter dependentes.

Istæ autem febres, siue symptomatice sint, siue primariæ, & comitatæ partium inflammationibus, suas habent differentias accidentales. Si enim inflammatio sanguinea sit, febris illa phlegmonodes nominatur: si biliosa, erysipelatis naturam referens, typhodes nominatur. Peculiariter verò erysipelas ventriculi & intestinorum, febrem lipyriam accersit, in qua exteriora rigent, & interiora vruntur. Incendium enim internum, sanguinem & spiritus ad locum inflammatum attrahit,

vnde calor ita intenditur, vt interiora vti videantur, cum siti inextinguibili: exteriora verò frigore afficiantur, calore & spiritu destituta.

Lenta febris etiam ad symptomaticas referri consuevit, quæ oritur ex latente obstructione, ac putredine visceri adedò contumaciter adhærescente impactaque, vt substantia visceris plerumque labefactetur. Et cum putredinis portio in venas effundatur, sanguinique permisceatur, febrem excitat lentam, & adedò mitem, vt nullo graui symptomate ægro molesta sit, & æger vix se febrile sentiat. Putredinis tamen aliquæ notæ in pulsibus & vrinis apparent. Interdum verò ex visceris alicuius putredine, ac corruptione exoritur febris lenta, quòd per venas visceri insertas, putridi, & calidi vapores ad cor expirent. Frequentissimè autem talis febris in phthisicis excitatur, quæ in hecticam degenerat. Fit etiam interdum, cum hepatis, aut lienis substantia putredinem concepit: vel cum circa mesenterium, omentum, aut pancreas, aliasque partes putredo incidit; vel etiam interdum cum foetus, aut secundina in vtero putrescit. Hincque febres, non solum lentæ, sed etiam aliquando acutæ, pro ratione putredinis diuersa, oriuntur. Ac denique ad hoc febrium lentarum genus referuntur illæ febres, quæ in cachecticis reperiri solent, & virginibus chlorôsi laborantibus; easque Fernelius ex serosâ pituitâ in corpus effusâ leui putredine prouenire statuit.

Præter hætenus enumeratas febrium continuarum differentias, quæ frequentissimæ sunt, & vulgò ab Auctoribus proponuntur; dantur etiam nonnullæ à causis peculiaribus & extraordinariis oriundæ, quæ in vfu practico interdum solent apparere. Exemplo esse poterit casus à Zechio relatus *conf.* 46. de quodam infante, vix secundum ætatis annum agente, & febre continuâ laborante

laborante, cum grauiſſimis ſymptomatis, nempe inquietudine, moribus conuulſoriis, & nauſea continua; cui etiam malum morem eſſe coniunctum inde coniiciebatur, quoddam tam graua ſymptomata febr. non reſponderent. Omnes etenim partes externæ frigeabant, licet internæ vterentur, quo ex calore circa thoracem & hypochondria, necnon ex arida, nigraque lingua intelligi facile poterat. Cuius cauſa erat ſanguis putreſcens in ventriculo conteatus. Cum enim huic infanti loquela impedita fuiſſet, ob innaturalem linguæ cum partibus ſubiectis colligantiam, & præſertim cum ea membrana, quæ frænum dicitur; idè nuper illi à Chirurgo lingua cultello à ſubiectis partibus ſeparata fuerat. In quo opere aperta vena aliqua ſanguinem in ventriculum effuderat, qui illic putreſcens calidos, putridos, ac veluti venenatos vapores in cor & cerebrum expirando, omnium commemoratorum ſymptomatum cauſa fait. Quomodo autem cauſa hæc animaduerſa, & ſublata fuerit, operæ pretium eſt ex Zechij hiſtoria hîc recenſere. Si quando, inquit in appendice huius conſilij, mecum ipſe diligentius conſidero, quàm difficile ſit morbo internos, eorumque cauſas interiores aſſequi, in eam ſententiam facile deſcendo, Hippocratem 2. de morb. vulgaribus, ſect. 4. non ſine maxima præmeditatione ſcriptum reliquiſſe, in omnibus obſcuris morbis tractandis oportere Medicum diligenter inueſtigare primum morbi inſultum, hoc eſt, primam occaſionem unde quis egrotare cœperit. Illinc enim & morbi, & cauſa cognitio ut plurimum dependet. Ecce exemplum. Nobiliſſimi infancis morbus ſanè acutiſſimus, unà cum cauſa obſcurus admodum erat, niſi mihi de pueri, & nutricis vita, & conditionibus diligenter percontanti ab eius parentibus ſignificatum fuiſſet, quoddam diebus ante primum morbi inſultum à Chirurgo quodam ſecta illi fuit membrana, quâ lingua cum partibus ſubiectis alligabatur. Rurſus inter-

rogati num ab hoc opere statim prorum collocauerint infan-
tulum, atque num sanguis ab ore fluxerit; utrumque nega-
runt. Vnde statim conieci ego, sanguinem à loco vulnerato
in ventriculum precipitatum, ibique putrefactum, morbi &
symptomatum commemoratorum causam extitisse. Nec mea
me fefellit opinio; quandoquidem oleo amygdal. dulcium ad-
ciendum vomitum propinato, sanguinis concreti purulen-
tique notabilem copiam enomuit. Ad hæc unà reiecto cly-
stere, sanguinis corrupti grumos permultos excreuit. At-
que statim (Deo immortalis fauente) remissa fuit febris, cessa-
ræque cœperunt symptomata omnia. Vnde valenter & anidè
mammis nutricis lac exugere cœpit, totaque sequenti nocte
placide dormiuit, neque in posterum quicquam mali per-
sensit.

Signa februm putridarum continuarum diagnosti-
ca alia continuitatem, alia putredinem, alia peculiare
earum differentias ostendunt.

Continuitas facillè dignoscitur ex eo, quòd febris
assidua sit, & ad apyrexiam non desinens.

Putredinem verò significant calor acrior & morda-
cior, quàm reliquarum, ab acri & mordaci fuligine, ex
putridis humoribus exhalante, productus. Pulsus non
solum magnus, & frequens, ac non rarò inæqualis; sed
etiam hoc habet peculiare, ut systole velocior sit, quàm
diastole; quia expulsio fuliginosorum excrementorum
magis vrget, quàm refrigeratio. Vrinæ initio crudæ, aut
parum concoctæ. Exacerbationes certis temporibus fa-
ctæ, quod tamen in synochis locum non habet. Rigor
in prima inuasionem apprensus. His accedunt sympto-
mata varia, febres putridas plerumque comitantia; ut
nausea, vomitus, grauitas corporis, dolor capitis, deli-
rium, vertigo, singultus, anxietas, morsus oris ventricu-
li, sitis, asperitas & nigrities linguæ, tensio hypochon-
driorum, aliæque. Hanc autem præcesserunt lassitudo
spontane

spontanea, motus grauis, somnus turbulentus, vigilæ, hypochondriorum tensio, difficilis spiratio, capitis dolor & pulsatio, nausea, inappetentia, excrementa foetida, & copiosa, crebra pandiculatio, & oscitatio, aut eorum nonnulla.

Peculiares verò februm putridarum continuarum differentia sequentibus signis distinguuntur.

Synochus putrida eadem habet signa, quæ in simplici fuerunt proposita, sed vehementiora: calor enim acrior est, vigilæ, dolor capitis, sitis, inquietudo, aliæque symptomata vehementiora. Tum pulsus inæqualis est, ut maior systole, quàm diastole appareat, urinae crudæ, rubræ & crassæ.

Biliosam febrem indicant calor deurens, pulsus valdè frequens, & velox, urina acris, flammea, initio semper cruda, sine sedimento, nausea, vomitus biliosi & deiectiones, magna anxietas, sitis ingens, oris amaritudo, linguæ ariditas & nigrities, vigilæ, delirium, lassitudo, ulcerosa præcedens, color faciei pallidus, aut citrinus, ætas iuuenilis, temperamentum calidum & siccum, tempus æstiuum, victus ratio calida & sicca, vacuationes biliosæ suppressæ. si Tertianæ verò continua à synocha biliosa distinguitur, quòd illa tertianas habeat exacerbationes, hæc verò illis omninò careat, & eodem tenore procedat.

Quotidianam continuam indicant, calor initio magis vaporosus quàm mordax, post nonnihil acer, sed inæqualis, propter humoris crassitiem, quæ difficulter dissolvitur; urinae initio albæ, aquosæ, & conturbatæ, post nonnihil rubræ, & crassæ; pulsus rarior, tardior, & minor, quàm in reliquis febribus; sitis nulla, aut exigua, sudor rarus, nisi adsit pituita salsa; facies subtumida, laxa, & subliuida, somnolentia, inappetentia, excretiones pituitosæ, temperamentum frigidum & humidum, ætas

senilis, tempus hyemale, victus frigidus & humidus, pituitæ euacuatio suppressa, quotidiana exacerbatio.

Quartanam continuam significant calor minùs acer quàm à bile, sed acrior quàm à pituita; similiter quoque sitis maior quàm in quotidiana, minor quàm in tertiana; pulsus initio tardus, rarus, languidus, pòst validior, crebrior, valdè inæqualis. Urina in principio tenuis, pòst varia; corpus aridum & macilentum, color fuscus aut obscurus, temperamentum frigidum & siccum, ætas inclinans, tempus autumnale, aut magnas inæqualitates habens; vita multis curis & sollicitudinibus implicata; hæmorrhoidum fluxus suppressus, tumor lienis, exacerbatio quartana.

Causi seu febris ardentis signa pathognomonica sunt antea proposita, nempe calor corporis deurens, & sitis inexpugnabilis. Hoc tamen annotandum est, si tussis aliqua superuenerit, sitim inde minui, ab humore scilicet qui ex vicinis locis attrahitur, quamuis nunquam, durante febre, illa auferatur. Signa vero assidentia sunt ea omnia, quæ febrem biliosam indicare supra declarauimus. Ea tamen quæ notham ardentem significant, prædictis multò remissiora sunt.

Colliquantem febrem significant, subita corporis consumptio atque emaciatio; oculi concaui, collapsa tempora, nares acutæ; deiectiones rufæ, pingues, scetidæ, viscosæ, corpulentæ, sinceræ, biliosæ, & spumosæ, urinæ pingues & oleosæ.

Febres horrificæ & absôdes cognoscuntur per ea, quæ in earum descriptionibus proposita sunt.

In febre elôde mader continuò lento humore cutis, & calor ad tactum non multum acer est. Distinguitur malignitas à copiosa putredine, quòd in causa maligna urinæ ferè naturales, vel ab illis non admodum diuersæ
apparent,

apparent; vel quædam vrinis innatant instar telæ araneæ, quando fit colliquatio pinguedinis; vel si cum vrina corpuscula erui vel hordei speciem referentia prodeant, quæ carnis colliquationem denotant; vel denique vrinæ multitudo per multos dies apparés, quando sanguis & humores colliquantur: His omnibus accedit maxima virium exolutio; pulsus parvus, contractus, neque valdè frequens est. In magna putredine vrinæ crassæ & confusæ, pulsus magnus, mollis, frequens.

– Syncopalem febrem significant lipothymia, & animi defectus frequentes. Minuta verò ab humorosa distinguitur, quòd in illa biliosæ, in hac pituitosæ febris signa suprà recensita appareant.

– Epiala febris ex eo solùm dignoscitur, quòd eodem tempore calor & frigus in toto corpore persentitur.

– Febres denique symptomaticæ, tum etiam comitatæ, cognoscuntur ex iis, quæ in earum historia proposita sunt.

– In singulis autem febrium putridarum continuarum speciebus signa prognostica describenda sunt, quibus earum euentus prælagiri possit.

– Ac primùm, quod ad synochum putridam spectat, cum illa de genere sit febrium acutarum, periculo non vacat. Attamen si concoctionis signa euidentia appareant die quarto, & nullus committatur error, salutari-ter die septimo terminabitur. Si verò tardiùs signa concoctionis appareât, ad vndecimum vel decimum quartum extendi poterit. Si verò concoctionis signa nulla appareant, ægrique tornatilem faciem, seu instar sphæræ rurgidam habeant, morbi longitudinem significant. Vrina quantò rubicundior ab initio, cæteris paribus, tanto, securior, & citò morbum solutum iri significat, si

in ea signa concoctionis appareant : at cum cruditatis signis, mortis periculum minatur, præcipuè si vires sint debiles. Urina alba pessima, mortemque ut plurimum portendit. Ex synochi differentiis paracmastica securior, acmastica periculosior, epacmastica periculosissima. Præterea synochus exquisita & benigna rite curata, secuta ; non exquisita, & malignitatis particeps, cum sævis symptomatis, & virium debilitate, periculosa.

Biliosæ verò febres quatenus acutæ, sunt etiam periculosæ ; idque magis vel minus, pro maiori vel minori intemperie, symptomatum vehementia, & virium robore. Intemperies æstimatur non solum absolute ex ipso caloris gradu, sed etiam comparatè ad statum ægrotantis naturalem ; ut quò maior est ab eo recessus, maius immineat periculum. Sic febris ardens in sene, vel hyemis tempore adueniens, lethalis est ut plurimum. Symptomatum vehemètia consideratur in actionibus animalibus, vitalibus, & naturalibus, in excrementis, qualitatibus mutatis, & propriis accidentibus, quorum enumeratio integrum opus exigit, prout à nobis exposita sunt in sectione tertia nostræ semeioticæ, ex Hippocratis Aphorismis, prognosticis, prorrheticis, & Coacis prænotionibus deprompta, quæ in hunc locum faciliè transferri possunt. Ac denique vires cum symptomatum vehementia comparandæ sunt : Si enim validæ sint, & aduersus hostium sæuitiam sufficere posse videantur, bene sperandum est : sin minus, meritò metuendum.

Quotidiana continua longa esse consuevit, ob humoris crassitiem & contumaciam : si tamen plures euacuationes accidant in illius decursu, breuior esse solet. Periculum illius metiri oportet, comparatione factâ symptomatum vehementiæ cum virium robore. Ac præcipuè

præcipuè metuendum est, ne in cachexiam, aut hydro-
pem degeneret, propter hepatis & lienis obstructio-
nes, quæ in hisce longis febribus contingunt.

Quartana continua primaria rarissima est, interdum
tamen intermittens in eam degenerat, tuncque utplu-
rimùm lethalis est.

Febris colliquans, horrida, assôdes, elôdes, & synco-
palis, quia nomina sua mutuuntur ex pravis symptoma-
tis quibus stipatæ sunt, ideò ratione illorum periculo-
sissimæ sunt, & lethales utplurimùm.

Februm denique symptomaticarum prognosis ex
partium affectarum præstantia, symptomatum vehe-
mentia, & virium robore desumenda est.

In omni autem februm putridarum curatione indi-
cationes desumendæ sunt à febre, eius causa, & viri-
bus. Priora duo sui ablationem indicant; tertium sui
custodiam. Hæc fient trium communium instrumento-
rum therapeuticorum ministerio, diætâ nimirùm, chi-
rurgiâ, & pharmaciâ.

Diætâ in omnibus febribus biliosis debet esse refri-
gerans & humectans, in pituitosis & melâcholicis ma-
gis calefaciens & attenuans. Aër igitur frigidus & hu-
midus sit, qui inspiratione ad cor attractus, illius in-
cendium maximè contemperat. Attamen ad illius oc-
cursum corpus denudare nefas est, cum diaphoresis
maximè necessaria impediatur, & fuligines, ac sudores
intrò repellantur. Interim tamen stragulis leuibus mol-
libusque æger operiendus, neque nimis integumentis
onerandus; tum plumea strata auferenda, laneis tan-
tùm utendo, quibus etiam magno vigente æstu, coria
insternere conueniet. Lectus sit spatiosus, ut in eo æger
locum mutare possit. Eiusdem linteamina, & indusia
frequenter mutanda, contra vulgi opinionem, modò
non sint recentè lota, aut lotionem redoleant, & non

instet criseos tempus, in quo nihil mouendum, ne natura inotus perturbetur. Radij solares à conclaui arcendi, hominùmque frequentia vitanda. Aqua de vase in vās sæpiùs transfundenda. Pavimentum cubiculi aquā cum aceto, aut aquā rosacea conspergendum; vel herbis floribusque frigidis, vt sòlis vitis, salicis, nenupharis, cannarum, floribus rosarum, violarum, & nymphaeæ, quæ in loco frigido asseruentur, & Sæpiùs in die mutantur, hæc enim siccata calefaciunt. Si nimia frigiditas sit, in hyeme, igne sine fumo aliquantulùm contemperanda est. In febribus tamen pituitosis aër modicè calidus & siccus esse debet.

Alimenta quod attinet, victus tenuis esse debet in acutis febribus. Et in eo ita seuera fuit antiquorum diligentia, vt potissimam curationis partem in illo còstituerent. ægrisque febre acutissima laborantibus victum tenuissimum imperarent, ac sola ptisana hordei ægros nutrent, vtpotè febricitantibus maximè conueniente, cùm refrigeret & humectet, simulque extenuet & æperiat, nullamque euacuationem cohibeat. Duplex autem ptisana erat. Vna simpliciter dicta, siue ptisana integra non colata, altera colata, quæ cremor hordei nominatur. Hordeum è corticibus mundatum, in aqua simplici coctum & in massam conglobatum, est ptisana integra: hæc postea cum expressione colata, cremor, aut succus hordei dicitur.

At nostris temporibus, in hac saltem regione, mulierum contumaciâ, & Medicorum indulgentia factum est, vt in quibusvis febribus, quantumvis acutissimis, iuscula semper concedantur ex decocto carniū gallinæ, capri, veruecis; eaque vtplurimùm tertia, aut ad summum quarta quaque hora exhibeantur. Æstate verò pulli gallinacei, aut carnes hœdinæ prædictis addi solent. Tum etiam per vices, ex pullo solo cum herbis

bis refrigerantibus, ut lactuca, endiuia, acetosa, portulaca, iuscula conficiuntur. Vel ordinariis etiam iusculis succus limonum, arantiorum, aut granatorum, vigente magno ardore febrili, aut intensa putredine, permiscetur.

Præterea in febribus minus acutis panatellæ exhibentur, bis aut ter in die, ex pane loto cum iusculo confectæ. Hordacea etiam aliquando usurpantur, ex ptisana colata antiquorum cum iusculo carniū prædictarum, & saccharo parata; vel etiam sine iusculo, additis amygdalis dulcibus. Sed plerumque ea ventriculum grauant, ideoque iusculorum simplicium, & panatellarum vsus commodior visus est. Cum tamen utilissimum sit hordei mundati tantillum cum carnibus decoquere, & inde iuscula parare.

In longis febribus plenior victus ex carnibus pullo-
rum, vituli, gallinæ, capi, perdicis, veruecis, aut earum contusis, & consummatis, similibusque conuenit.

Circa tempus exhibendi cibos hoc in primis obseruandum, ut nunquam tempore exacerbationis, sed in remissione febris exhibeantur. Si verò exacerbatio longior fuerit, in declinatione ipsius æger cibandus erit.

Pro potu vulgò usurpatur in omnibus febribus continuis ptisana recentiorum, ex decocto hordei, & liquiritiæ parata. Cui, si febris ardentior sit, addi potest aliquid lactucæ, acetosæ, tamarindorum. Frequentius tamen addi solet rad. graminis, vel acetosæ, quæ aquam vini colore eleganter inficit. In longis verò febribus addi potest rad. fœniculi, petroselini, semen anisi, coriandri, aut cinamomum. Posteriora tamen tantum addenda sunt, quoties ventriculus debilis à potu offenditur.

℞. Prisanæ vulgaris ex hord. & liquir. ℥. ij. spir. sulph. q. s. ad gratam acid. cornu cerui ad albed. calcin. ℥. j. Vtatur pro potu ordinario, vas vsus tempore agitando.

Vsurpatur etiam aqua panata, vel sola, vel saccharo dulcorata; vel cum modico aceti permixta, vel aqua simplex decocta, vt cruditas ipsius auferatur, cui interdum permiscetur saccharum: tum aliquando nonnihil succi vel syrupi limonum, granatorum, berberis, aut cerasorum, vel spiritus vitrioli aut sulphuris quod sufficit ad gratam aciditatem; vel salis prunellæ tantillum, si potentiùs refrigerandum sit.

Laudatur aqua, in qua macerantur tamarindi, berberes, aut pruna.

Decoctum prunorum brinolensium gustui gratissimum est.

Vel coquitur hordeum cum tamarindis, & sub finem addito santalo citr. & cinam. aromatizatur. Qui potus non solum sitim sedat, sed aluum laxat, hepar refrigerat, & corroborat.

℞. Sacchari ℥. viij. salis prunellæ ℥. j. Fiat pulvis, permiscendus prisanæ pro potu ordinario. Cui etiam, siti admodum urgente, spiritus vitrioli admisceri poterit.

De spiritu vitrioli & sulphuris hoc diligenter aduertendum, in febribus putridis magnum esse illius usum; quia insignem vim habet refrigerandi, aperiendi, putredini resistendi, inflammabilitatem humorum prohibendi, & sitim sedandi. Attamen in pleuritide, peripneumonia, hæmoptoë, phthisi, cæterisque pulmonis affectibus, (nisi à crassa pituita vasa illius obstruente ortum habeant) ventriculi inflammatione, dysenteria, sanguinis mictu, renum & vesicæ vlceribus plurimum nocere, & ab eo abstinendum esse.

In febribus à bile valdè tenui & calida, aut cum tenui, acrique destillatione coniunctis, acida non conueniunt; sed potiùs leuiter incrassantia, vt syrupus violaceus, & de ros. siccis, cum aqua hordei, vel panata, vel cocta simpliciter, permixtus.

Vbi humores crassi lentiq. abundant, syrupus acetosus loco prædictorum erit vtilissimus.

Solent etiam interdum conseruæ rosarum, violarum, buglossi cum aqua cocta, vel aqua hordei misceri, & per manicam Hippocratis traici pro potu ordinario, cui aliquot guttæ spiritus vitrioli vtiliter addi possunt. Vel paratur tinctura rosarum, colore, & sapore iucundissima, in hunc modum.

℞. Rosar. rub. siccarum ℥. j. aquæ tepidæ lb. iij. spiritus sulphuris, aut vitrioli ℥. j. β. Infundantur per iij. aut iiij. horas frigide. Colaturæ addè sacchari albi ℥. iij. aquæ rosar. lb. β. Fiat iulep. clarus pro potu ordinario.

Iulepus Alexandrinus non parum etiam utilis & iucundissimus est, qui ita componitur.

℞. Aquæ fontis lb. j. aquæ rosar. succi limon. & sacchari albi, an. ℥. iij. Coquantur lento igne dum despumauerint.

Quod ad reliqua diætam spectantia attinet, somnus maximè utilis est, vigiliæ noxiæ. Nimiùs tamen somnus calorem natium obruit, & excrementorum euacuationem impedit. Quies necessaria est in febribus acutis; in longioribus verò leuis exercitatio utilis. Danda etiam opera est, ne ea quæ secundum naturam expelli debent, retineantur; licet omnis immodica euacuatio quæ vires exhaurit, cohibenda, omnesque vehementes perturbationes eliminandæ.

Inter chirurgica præsidia phlebotomia principem locum obtinet. Non solum enim plenitudinem euacuat

cuat, siue ad vasa sit, siue ad vires, siue in toto, siue in aliqua parte; sed etiam influxum humorum obstruentium reuellit, totum corpus refrigerat, & perspirabile reddit, putredinem arcet, & putrescentium humorum concoctionem adiuuat. Statim igitur & ab initio morbi sanguis detrahendus est (nisi virium infirmitas prohibeat, vt in febre syncopali, aliisque casibus,) idque aluo prius laxatâ enemate, aut supposito-rio. Quantitatem sanguinis iudicabit plethora, vires, ætas, anni tempus, consuetudo, aliæque circumstan- tiæ. Veteres in synocho putrida, & ardente febre san- guinem mittebant ad animi deliquiũ. Sed multò tutius est, (vt in synochi simplicis curatione à nobis dictum est,) partitis vicibus quantitatem necessariam educere, quàm ægrum subito in vitæ discrimen conicere. Aui- cenna in febre ardente, & tertiana continua venæ sa- ctionem prohibet, nisi vrina crassa, rubràque fuerit. Metuit siquidem ne bilis magis efferuescat, cuius fræ- num sanguinem esse dicit. Verùm à sapientioribus exploditur hæc sententia, cùm huiusmodi febres hæ- morrhagiâ sæpè à natura ipsa iudicentur; tum phreni- tidas interdum aliàsque inflammationes producant. Denique cùm phlebotomia potenter refrigeret, ebul- litionem potius cohibet quàm excitet, cùm non solus sanguis, sed bilis etiam cum eo permixta, educatur; ita vt in ea massa quæ superest in venis maioribus, eadem maneat sanguinis ad bilem propor- tio, quæ prius inerat. Imò verò, cùm vena secatur, si vegetæ sint ægri vires, & sanguis confertim erum- pat, solus putris, & naturæ molestus excernitur, re- manente in venis puriore, quod à paucis Authoribus est annotatum, quamuis in vsu practico passim obseruetur. Si enim sanguis è vena guttatim effluat, purissimus est, quia motu proprio è vena egreditur. At si cùm impetu erumpat

erumpat, impurus & putris apparet, naturâ deterio-
rem massæ sanguinis partem expellente. Parcius tamen san-
guis mittendus est in naturis admodum biliosis, æstate
mediâ & sub canicula, quàm in aliis naturis; & tempo-
ribus. In pituitosis verò, & melancholicis febribus mi-
nori copiâ sanguis mittendus est, & perpetuò summa
ratio habenda est coindicatium, & contraindicantium;
cùm febres quotidianæ ut plurimum contingant in
pueris aut senibus, regione frigidâ, aut tempestate hy-
berna, quæ sanguinis quantitatem à morbo, vel causa
morbifica indicatam imminuunt. Quando febris fit
à nimio labore, parcius mittendus sanguis. Si ex nimio
veneris usu febris contingat, phlebotomia perniciofa.

Circa tempus venæ sectionis aduertendum est, non
statim ab assumpto alimento venam esse aperiendam,
sed peracta ventriculi concoctione, & alio ab excre-
mentis liberâ. Præterea tempore remissionis febris,
sanguis est detrahendus, non autem in vigore illius:
tunc enim natura vim impetumque morbi, ac venæ se-
ctionem ferre nequit. Quod ad iterationem phleboto-
miæ spectat, si ea ad euacuationem necessaria est, eodem
die instituenda; si reuulsionis causa, diuersis diebus.
Nam ubi euacuandum est, præcipuè in acutis, subito
corpus in alium statum transferendum est; tum sæpè
accidit, ut morbus mox principium percurrat, ut post-
ea venæ sectione non ita commodè uti liceat. In reuul-
sione verò respicimus ad motum humoris, quia re-
ctius fit, si diuersis vicibus & interuallo interiecto
natura contrario motui quasi assuescat. Interuallo enim
temporis sanguis in partes effusus regurgitat in venas,
& iterata venæ sectione vtiliter extrahitur. Iterandam
esse venæ sectionem intelligimus, si sanguis primò de-
tractus valdè putris fuerit, cuiusque in venis magna co-
pia superesse videatur.

Imò verò licèt sanguis ab initio purus, ac minimè corruptus appareat, non tamen desistendum est ab illius detractiōe, quin potiùs ea continuanda est, donec impurius & corruptior appareat. Et certè vtilissimè obseruari potest in febribus acutis præceptum ab Hippocrate traditum 4. *de victus rat. in morbis acutis*, in pleuritidis curatione; vt scilicet sanguinis detractiōnes continuentur vsque ad coloris mutationem; vt si ab initio corruptus educatur, continuetur euacuatio, donec purior appareat: & contrà si ab initio laudabilis prodeat, eousque educatur, donec impurus & corruptus extrahatur.

Est tamen quædam diuersitas adhibenda in vtroque casu. Si enim ab initio sanguis laudabilis educatur, iteratio debet fieri ex eadem vena; vt sanguis putridus in profundo corporis residens, citiùs educatur. Si verò ab initio sanguis putridus educatur, ex altero brachio sanguis est detrahendus, & consequenter ex vtroque brachio alternandæ sunt phlebotomiæ.

Si verò symptomata dumonstrent putredinem subesse in interiore ramo venæ cavæ descendenti; vt æstus & dolor lumborum, urinæ rubor, & crassities; post duas aut tres phlebotomias in brachiis celebratas è saphena sanguinem mittere conueniunt, eamque euacuationem bis aut ter repetere.

Si in postremis sanguinis missionibus portio quædam laudabilis appareat, ita vt non adeò putridus videatur vt antea; signum est naturæ restaurantis & restituentis nouum sanguinem, & probum in putridi vacuati locum. Contra verò, si quò magis educitur, eò deterior appareat, signum est morbum in peius ruerè, & putredinem augeri; vndè partium interiorum narcosis metuenda est.

Vena in cubito, vel basilica, vel mediana vtplurimùm
secunda

secunda est ex brachio dextro frequentius, ex sinistro vero interdum, cum videlicet maior tensio in sinistro hypochondrio, quam in dextro percipitur. Aliquando tamen in pede vena vtiliter aperitur, si reuellendum sit, & vires sint debiles, & materia caput petat, & capitis dolor ac vigilia infestent.

Frictiones in febribus putridis raro usurpantur, nisi in synopalibus, quarum curationem, in symptomatum curationibus, in fine huius capitis trademus.

Cucurbitulae vero frequentius usurpantur, praecipue cum febrificatione, & sunt vicaria venae sectionis, quando vires, aut aetas illas usum non permittunt.

Pharmaceutica remedia duplici genere comprehenduntur, quorum alia euacuantia, alia alterantia nominantur. Sub euacuantibus comprehendimus purgantia, vomitoria, sudorifica, & diuretica. Sub alterantibus vero refrigerantia, attenuantia, incidenda, aperientia, roborantia. Quorum omnium compositionem & usum, iuxta praxeos ordinariae methodum, seriatim describemus.

Atque ut a purgantibus incipiamus, maxime controuertitur apud Autores, an illa in principio febrium putridarum exhibenda sint. Quod dissidium, multis disputationum ambagibus, ita resoluendum est. Ratione materia febrim putridam continuam immediate producentis, quae in venis maioribus continetur, purgationem in principio non conuenire, nisi ea turgeat, id est, ita exagitetur a natura, irritata ob prauam eius qualitatem, eamque expellere conante, ut inde excretioni magis disposita sit, & ex illa turgentia metuumendum sit, ne in aliquam partem nobiliorem irrumpat; quod tamen quia raro contingit, ut plurimum illius cococctio expectanda est, antequam per medicamenta purgantia eiusdem euacuatio suscipiatur. Ratione vero materiae in prima

rigore contenta, si plurima illa sit, quæ febrem augeat, naturam grauet, eamque à materia in venis contentæ concoctione auertat, purgantia altero à venæ sectione die exhiberi poterunt, sed leuiora, quæ primam tantum regionem euacuent. Humores autem vitiosos & excrementitios in prima regione, hoc est ventriculo, intestinis, mesenteria, aut circa præcordia redundare cognoscimus ex nausea, oris amaritudine, siti, dolore stomachi, aut alterius partis in ventre inferiori contentæ; alui fluxu, aliisque symptomatis, quorum ratione aliquando purgatio ipsi venæ sectioni præmittenda est. Erunt autem huiusmodi medicamenta, cassia, manna, tamarindi, catholicum, electuarium lenitium, diaprunum simplex, syrupus rosaceus, de cichorio compositus cum rheo; quæ variis modis concinnari poterunt, in hunc modum.

℥. Cassiæ recentē extractæ ʒ. j. pulpæ tamarind. ʒ. β. Cum saccharo fiat bolus. Vel

℥. Catholici ʒ. vj. electarij lenit. vel diaprun. simpl. ʒ. β. cremoris tartari ʒ. j. Fiat bolus. Vel

℥. Fol. endiu. cichor. acetos. an. M. β. tamarind. ʒ. β. Coquantur ad ʒ. iij. In colat. dissolue catholici ʒ. β. mannæ & syrupi rosac. an. ʒ. j. Misce. Fiat potio.

Si medicamentum paulò fortius desideres, addere potes rhab. ad ʒ. j. vel ʒ. iv. in aqua endiuix, vel cichorij, infusum cum santalo citrino. Imò verò & interdum, si febris non sit intensior, sennæ ʒ. ij. vel iij. decocto addi poterunt.

Quidam rhabarbarum reiiciunt, quia calefacit; tum etiam mannam, & syrupum rosaceum, quia dulcia cum sint, facile in bilem vertuntur. Verùm cum aquis, vel decoctis refrigerantibus rhabarbarum infusum, vel manna aliæque dissoluta, nullum asferre possunt incommodum; præcipuè

præcipuè si in dictis decoctis addantur tamarindi, qui ad hunc usum maximè commendantur, vel pulpa eorum simul exhibeatur.

Nonnulli vtuntur in biliosis febribus sero lactis caprini, idque appositè; nam & ardorem febrilem temperat, & bilem euacuat, & viscera corroborat. In cyatho vno feri lactis infundunt per noctem rhab. ʒ. j. vel ʒ. j. β. Vel addunt syrupi rosac. ʒ. ij. aut tres, exhibent manè, & postea alias duas libras propinant, ne totum serum medicamento sapore inficiatur.

Purgatiomem quæ fit in principio febrium putridarum, vulgus Medicorum vocat minoratiuam: eam verò quæ fit concoctâ materiâ, eradicatiuam: quæ etiam in principio conuenit, (vt dictum est) ex sententiâ Hippocratis, si materia turgeat. Illa autem turgentia, seu orgasmus materiæ morbificæ cognoscitur, ex eo quòd æger percipit in variis partibus dolores leues ac fugaces, admodumque mobiles. Varias etiam patitur in facie, aliisque partibus coloris mutationes, vt nunc rubeat, nunc palleat aliquâ faciei parte. Ac denique anxietatibus & inquietudinibus maximè torquetur.

Illud tamen Hippocratis præceptum de purgatione in turgentia materiæ, in praxi ordinaria non obseruatur: sed potiùs apparente humorum orgasmo ad phlebotomiam tutiùs confugimus, sicque faciliùs præcaneamus, ne humores commoti irruant in aliquam partem nobilem, qui à medicamento purgante magis exagitati, promptiùs in eam præcipitari possent.

Aliquando etiam in principio harum febrium vomitus prouocandus est, cum videlicet ægrum nausea aut vomitus valdè vrget: tunc enim natura per superiora materiam morbificam euacuare nititur, & Medicus illius motum adinuare debet. Sæpèque accidit, vt magna materiæ copia in ventriculo, & vicinis locis continea-

tur, quæ per vomitum quamprimum educenda est; cum nulla tam capiosa & excrementitia materia concoctio expectari queat; & quodcunque ingeritur, in humorem consimilem immutetur, aut peccantem materiam au-
geat. Rectè enim annotavit Fernel *lib. 3. meth. medic.* q. omni illuviem in ventriculo, liene, pancreate, mesenterio, & cauis hepatis contentam per vomitum com-
modè expurgari, quæ interdum medicamentis per in-
feriora purgantibus, etiamsi pluries exhibitis deturbari nequiverit. Et non rarò fit, ut materia per vomitum reiecta, febris ab initio tollatur, quæ longa alioqui fu-
tura esset, materiâ illâ in penitiores corporis partes transmissâ, & sanguini permixtâ.

Ex vomitoriis autem medicamentis, cum triplex epi-
rum gradus constituatur, mitiora eligenda sunt, ut aqua
hordei tepida cum oleo amygdalino, vel communis, vel
cum aceti albi exigua quantitate. Item syrupus acro-
sus, aut oxymel simplex, cum iure pulli, vel decocto
sem. anethi, raphani, aut triplicis, quibus etiam oleum
addi potest. Quæ omnia ad lb. j. vel maiorem quanti-
tatem exhibenda sunt, nam in minori quantitate assum-
pta retinentur in vetriculo. Cum autem debiliora hæc
vomitoria non sint valdè efficacia, ad mediocria ali-
quando confugere licet, quæ in tertianæ intermitten-
tis curatione infra proponuntur.

Clysteres verò non solum in principio morbi ante
venæ sectionem, sed etiam toto illius decursu iniiciendi
sunt singulis, vel alternis diebus, si alvus liberè non
fluat, compositi ex decocto emollientium & refrige-
rantium, ut hordei, prunor. maluar. violar. mercuri-
alis, branchæ, ursinæ, triplicis, lactucæ, endivæ,
semperuini, nymphææ: dissoluendo catholicum, cas-
siam, diaprun. simpl. saccharum rubr. mel violaceum,
mercuriale; ol. nymphææ, violac. &c. in febre ta-

men intentioni facius est olea non addere, quia facile inflammantur.

Nota primò semper vini maioris in decocto vnius clysteris, quam as tres, vel iiij. tantum esse præscribendas, quia potentissimè refrigerat, & maiori copia viscerum, intestina labefactare posset.

Nota secundò in omni febre biliosa clysteres non actu calido, sed leuem tantum teporem adeptos, esse iniciendos.

In pituitosis febribus sunt decocta ex herbis emollientibus, cum sem. anisi, fœniculi, carthami, flor. chamom. & meliori; dissoluendo hieram, diaphœnie, mel rosaceum, mercuriale; oleum chamamel, anethinum, vel commune.

Cum verò, ut suprà annotatum est, integra, & absoluta purgatio, quam eradicatiuam nominant, non nisi concocta materia instituenda sit, Medicus ab ipso morbi initio post primam venæ sectionem, & primarum viarum euacuationem, ea medicamenta visurare debet, quæ humores crudos præparant ad concoctionem, & euacuationem, simulque calorem febrilem contemperant, putredinem arcent, & obstructions referant, qualia sunt iulepi, iuscula, emulsiones, aliæque infra recensenda.

Iulepi componuntur in materia biliosa, ex syrupis de limonibus, granatorum, de agresta, acetosa simplicia, de succo acetosa, de cichorio simplici, oxysaccharo, cum aquis endiuia, acetosa, graminis & cichorij.

Vel melius ex decoctis rad. acetosa, cichorij, foll. acetos. capill. ven. scariolæ, dentis leonis, seminum frigidorum, tamarindorum, cum syrupis prædictis.

Interdum verò ad intensius refrigerandum, sal prunelle additur ʒ. j. pondere, pro ynaquaque iulepi dosi;

vel spiritus vitrioli, aut sulphuris q. s. ad moderatam aciditatem.

Acida in biliosis febribus nunquam omittenda; quia amara dulcificantur per acida; quæ si intensa sint in suo gradu, ut spiritus vitrioli, aut sulphuris; ipsius aloës, & colocynthidis amaritudinem dolent. Bilis autem flaua suo amarore spoliata, mortua est, & innoxia.

Ex succis etiam parari possunt iulepi, summæ efficacæ & gustui gratissimi, in hunc modum.

℞. Succi pomor. redolent. recenter extracti, & per residuum depurati ℥. iv. succi limon. ℥. iiij. aquæ rosar. ℥. ij. succi granat. ℥. j. sacchari albiss. lb. β. Fiat iulep. clarificatus pro iiij. dosib.

Si bilis valdè acris, & tenuis sit, quæ orgasmum faciat, & vel diarrhœam, aut grauem aliquam aliam fluxionem pariat, incrassantes iulepi componendi sunt ex aquis lactucæ, portulacæ, papau. rhœad. nymphææ, rosar. cum syrupis violaceo, iuiubino, de rosis siccis, de succo portulacæ, papau. rhœad. papau. albi; vel ex decoctis lactucæ, portulacæ, plantag. flor. nymphææ, papau. rhœad. & violar. cum syrupis prædictis.

Notandum tamen, syrupum violaceum, aliôsque dulciores solos non esse exhibendos: tum quia laxant stomachum: tum etiam quia antequam in venas penetrent, ventriculi calore in vaporem calidum conuertuntur, qui postea sitim intendit. Idcirco aliquid syrupi cuiusdam acetosi sumper admiscendum, ut facilius penetrent venas, & magis calori febrili resistent.

In progressu febris, apparente concoctione, decoctis prioribus adduntur rad. asparagi, liquiritiæ, folia agri-monij, pimpinellæ, hepaticæ, capill. ven.

In febribus pituitosis & chronicis magis incidentia, attenuantia, & aperientia præscribuntur; à debilibus

ribus tamen incipiendo, qualia sunt syrupus acetosus, capill. ven. byzantinus, cum decoctis agrimon. capill. ven. betonica, liquirit. passul. In progressu verò prædictis adduntur syrupi de duabus, & quinque radic. acetosus composit. de hyssopo, oxymel simplex & composit. Decocto verò adduntur rad. 5. aperitiuæ, fol. hyssopi, cardui bened. & (si materia sit valdè impa-cta, viscida, & lenta) chamædryos, & centaurij minoris. Quibus si sal tartari, & spiritus vitrioli addantur, scilicet operantur.

In febribus melancholicis adduntur quæ vim aliam quam humectandi obtinent, ut syrupus violac. buglossi borrag. de pomis, circa initia: Postea verò de fumaria, de epithymo, de 5. rad. oxymel scilliticum, cum decoctis primùm buglossi, borrag. ceterac. capill. ven. fumariz, lupulorum; deinde cuscuthæ, scordij, centaurij minoris, corticum capparum, fraxini, & tamarisci.

Ac denique in nothis febribus, ex variorum humorum miscella oriundis, prædicta remedia commiscenda sunt; ita tamen, ut eorum quæ prædominantem humorem respiciunt, maior quantitas præscribatur.

Pro delicatioribus iuscula medicata, iuleporum loco, præscribi solent: tum etiam ne ægri eiusdem remedij diutiùs usurpari tædio afficiantur; eaque componuntur ex prædictis rad. & herbis, gustui gratiores eligendo, cum pullo gallinaceo, vel frustulo gallinæ, aut capi: iisque interdum, quando magis refrigerandum est, salis prunellæ 3. j. vel spiritus vitrioli guttæ aliquot addi possunt.

In febribus tamen lentis & diuturnis, à contumacibus obstructionibus productis, chamædryos, licet amara, cum cichoraceis in iusculis decoqui potest; & Montanus in consiliis decoctionem cichorij, & chamædryos in iusculis velut admirandam prædicat, in iis, quibus

febris longa cum obstructionibus coniungitur.

In febribus pituitosis decoctum chamæ præstans, ex Zacut. obseru. 20. prax. admir. lib. 3.

Emulsiones etiam hic locum habent, & iulepis gratiores ut plurimum esse solent. Tum maxime usurpantur, ubi febris siccam viscerum intemperiem habet comitem, vel catarrhum tenuem, vel pulmonis, & partium spiritualium phlogosim; vel denique, ut remedium formulæ immutentur, nec ager longioris iuleporum vius tædio afficiatur. Harum autem emulsionum com-

positio in præcedentibus curationibus descripta est.

Aqua frigida, magnâ copia exhibita, in febribus etiam putridis continuis, à veteribus usurpari solebat, & à recentioribus quamplurimis laudatur. Verum quemadmodum in synocha simplici suspectam illius vsum esse diximus; sic iam prudenti Medico consultius fore ducimus ab ea abstinere, propter rationes dicto loco propositas.

Conferet tamen aliquando in magno æstu febrili aqua frigida bonum haustum ad Vnc. x. vel xij. cum guttis aliquot spiritus vitrioli exhibere: ab ea enim iidem interdum effectus produciuntur, quos Galenus aqua frigida tribuit, ab Ib. iij. vel iv. exhibita. Cum tamen inde ea pericula metuenda non sint, quæ Galenus ipse ex præpostera magnæ illius aquæ frigida copiae exhibitione saepe contingere fatetur. Spiritus enim vitrioli facit quo minus aqua obstructiones au- gear; quâ potius eas aperit, & cito penetrat, atque viscera peruadit, nec moratur in hypochondriis, ut aqua frigida simplex; sed aquis mineralibus & acidulis valde affinis euadit; quæ licet magnâ copia sumatur, non grauant hypochondria, & citissime reiciuntur, necnon obstructionibus referendis opportunissima sunt.

Ad vires reficiendas, quæ in omni febre vehementi plurimum deficiuntur, conueniunt opiatæ, & condita roborantia, composita ex confertis rad. buglossi, fol. acetosæ, acetosellæ, stipitum lactucæ; flor. buglossi, borrag. violar. cichorii rosarum; pulpæ citri, quæ vulgò acidum citri nominatur. Quibus adduntur pulueres coralli, margarit. rasuræ eboris, cornu cerui, diamarg. frig. triafantal. diarrhod. abbat. confect. alkermes, de hyacintho; quæ vulgò in sequentes, aut similes formulas reguntur.

℞. Confertæ flor. borrag. buglossi & rosar. ana ℥. ij. confect. alkerms. ʒ. j. β. pulu. electar. diamarg. frig. rasuræ eboris, coralli præp. & margarit. præp. ana D. β. sacchar. rosar. ad pondus omnium, folia auri num. iij. Fiat conditum, auro coopertum, quo vtatur frequenter ex cochleari per se, superbibendo parum aquæ potus ordinarij, vel cum eadem aqua pro potu admisceatur, vel cum iusculis.

℞. Confertæ cichorii, acetosæ, lactucæ, & acidæ citri, ana ʒ. β. pulu. santali citrini, & margarit. præp. ana ʒ. j. spiritus vitrioli ʒ. β. Cum syrupo violaceo fiat opiatæ.

℞. Confertæ flor. buglossi, rosarum & violar. ana ʒ. j. aquar. endiuiz, acetosæ, & borrag. ana ʒ. iij. Misceantur simul. Calefiant super cineres, & per colum traiciantur. Deinde adde confect. alkerms. ʒ. ij. pulu. elect. diamarg. frig. ʒ. β. coralli præparat. margarit. præpar. & rasuræ eboris, ana ʒ. j. syrupi de limon. & granat. ana ʒ. iij. Misce. Detur singulis vicibus cochlear j.

Pro delicatioribus, & in magna virium exolutione iulepus sequens gustui gratissimus componi poterit.

℞. Aquar. acetosæ, naphæ & rosar. ana ʒ. j. β. syrupi de limon. & granat. an. ʒ. j. β. confect. alkerms. ʒ. j. Misce. Vtatur ex cochleari frequenter.

Vsurpatis per aliquot dies remediis alterantibus, & humores noxios præparantibus, ac concoquentibus, eorum purgationi incumbendum est inclinante febre, & quando concoctionis signa apparent, vitando dies criticos. Idque paulò fortioribus medicamentis, quàm quæ in principio vsurpanda præcepimus; cuius generis sunt senna, rhabarbarum, agaricus, catholicum duplex, & similia; quorum materia & dosis peccantibus humoribus, & naturis ægrotantium, à perito Medico erunt accommodandæ. Nonnulli etiam ad diagrydiata audēt transcendere, vt diaprun. solut. diaphœnicum, electarium de succo rosar. aut diacarthami. Quæ tamen in febribus continuis rarissimè vsurpanda sunt, cùm scammonium humores maximè inflammare soleat, & sitim vehementer excitare; idque præcipuè in febribus ardentibus, quibus plurimùm noxia sunt diagrydiata medicamenta. Imò verò rhabarbarum, etsi benignum ac præstantissimum medicamentum, in valdè biliosis febribus apud nonnullos suspectum est, propter calefaciendi & exsiccandi vim, quâ insigniter præditum est. Quamvis illius noxa magna ex parte præcaueri valeat, vt antea dictum est, eius infusione factâ in aquis refrigerantibus, eamque permiscendo cum decocto tamarindorum, & herbarum refrigerantium, addendo cassiam, syrupum rosac. de cichor. compos. & similia.

Si febris protrahatur, purgatio erit identidem repetenda, interiectis præparantibus, & concoquentibus; donec tota illius minera sublata fuerit. Alioqui, si ante integram febris solutionem à purgatione cessetur, periculum erit recidiuæ. Quod tamen præceptum restrictione quadam indiget. Si enim post repetitas pluries purgationes febris lenta perseveret, quæ ægrum sensim absumat, & in tabem præcipitare videatur; optimum

num erit purgationes intermittere, & febrem solâ virtus ratione, alterantibusque remediis oppugnare. Contingit enim aliquando, vbi praua quædam est viscerum affectio, diuturnitatis febris causa, vt quamdiu medicamenta exhibentur, tamdiu morbus persistat. Fatigatur enim natura, quæ inde vires resumens, morbi causam concoquit, & concoctam expellit.

Si tamen febris lenta ab obstructionibus oriatur, qualis in pueris sæpissimè contingit, frequens purgatio, eaque leuissima, per epicrasim humores educens, morbum auferre solet; si præsertim ex rhab. componatur, quod & obstructiones aperit & viscera corroborat. Cuius elogium à Mótano celebratum, *cons. 10. de febr.* hîc transcribi meretur. Ille curam proponens pueri, febre lentâ ex obstructionibus laborantis; *Inter reliqua, inquit, quod semper certâ fide à me longo experimento probatum est, laudo vt singulis diebus sumat infusionem rhab. in aqua endiuia. Nunquam enim vidi febrem ex obstructione, hoc remedio non esse sublatam, si modo pertinaciter quispiam in eius usu perseuerauerit. Quandoque enim crassissimos humores impactos, & obstructiones, quæ ob caloris imbecillitatem facile tolli non poterant, ex rhab. assumptione curatas vidi. Consueui igitur accipere libram aquæ endiuie, in qua drachmam rhab. infundo, in panno lineo inuolutam. Deinde singulis diebus Vnc. iv. illius infusionis, factâ aliquâ expressione, accipi iubeo circa auroram; & est eiusmodi dosis puerorum; neque desisto ab hac potione, priusquàm videam omninò & febrem, & obstructiones fuisse sublatas. Auferuntur enim proculdubio, si reliqua rectè fiant, & curationi consentiant. Hæc Montanus. Apud nos autem in communi vsu est bocheum rhabarbari, quod huiusmodi pueris, febre lentâ cum obstructionibus laborantibus, fœliciter exhibemus*

bemus pro potu ordinario. Et sic rhab. drachmam semi. vel Drach. j. (prout puer ægrius, vel facilius eius saporem ferre potest) crassiusculè tritam, & nodulo inclusam infundendo in aquæ fontis lb. iij. vel iij. frigide per diem integrum. Eiusque vsus continuatur per mensem, aut diutius, si morbi contumacia id postulet. Etque interdum, si febris admodum remissa sit, & corpus pituitosum, aliquid vini additur, ad ingratum rhab. saporem corrigendum.

Post purgationem materiæ morbificæ, natura plerumque in morbi declinatione per vrinas excernere reliquias consuevit, quod ex iis copiosioribus, vel crassioribus colligere licet. Illius morus adiuuandus est diureticis medicamentis, iisque temperatis; qualia sunt emulsiones, & aperientia in iulepis, & iusculis supra descripta; quibus, si febris admodum remissa sit, aliquid radic. fœniculi, & petroselinæ, vel fol. absinthij, addi poterit, idque præsertim in febribus pituitosis, ut quotidiana continua.

Si verò natura ad habitum corporis materiæ morbificæ reliquias propellat, sudorifica usurpanda sunt, non calida illa quidem, quæ magis propriè sudorifica sunt, sed alia temperata, quæ eadem ferè sunt cum diuretici: & prout attenuandi vi prædita sunt, humores disponunt, ut facilius a natura per locum sibi magis convenientem expelli valeant. His tamen addi possunt aquæ cardui bened. scabiosæ, spiritus vitrioli, aliæque in febribus malignis fusiùs describenda.

Præter interna remedia extrinsecus etiam varia adhibentur, ad calorem febrilem contemperandum, patrum principum robur confirmandum, vel poros cutis relaxandos, & fuliginem, caloremque febrilem foras attrahendum. Epithemata nimirum, linimenta, aliæque cordi, hepati, aliisque partibus admouenda.

Quæ calori temperando destinata sunt, non nisi in statu, aut declinatione ad mouenda, dum calor ad exteriora se se diffundit, non in principio, vel augmento, dum circum viscera adhuc residet, nec etiam in stante crisi.

Cordi epithema ad mouendum, in hunc modum componi poterit.

℞. Aquar. buglossi, acetosæ, nymphææ, rosar. an. Vñ. ij. aceti rosar. vel succi limon. Vñ. j. pulu. electar. diamarg. frig. & triasantal. an. Drach. j. camphora, & croci, an. gr. v. Misce. Fiat epithema, applicandum tepide cum panno scarlatino.

Ad magis roborandum, & odoris gratiam epithemati conciliandam, adde aqua naphæ Vñ. ij. confect. alkerm. Drach. j.

Vel magis roborare est animus, epithemata solida cordi applicantur, in hunc aut similem modum composita.

℞. Conserua buglossi, & rosar. ana Vñ. j. confect. alkerm. Drach. ij. pulu. electar. diam. frig. Drach. j. sem. Cui succo limon. vel aqua rosar. fiat epithema solidum, applic. post liquorem.

Vel forma linimenti magis cardiacum ita paratur.

℞. Confect. alkermes & de hyacinth. ana Drach. ij. pulu. elect. triasantali, & diamarg. frig. an. Drach. ij. Cum aqua rosar. fiat huius linimenti, quo illinatur regio cordis.

Ad roborandum quoque & fuligines, caloremque febrilem foras euocandum, maxime conueniunt pulli columbi, per ipsam secti, & regioni cordis applicati, qui etiam non raro sinapitari solent pulueribus cardiacis, vt diamarg. frig. & triasantali. Vel antequam applicantur, regio cordis confectione alkermes, & linimento cardiaco illinitur.

Hepati quoque epithemata admoueri solent, in hunc ferè modum composita.

℞. Aquar. endiuia, cichorij, acetosæ, & rosar. ana Vnc. iij. aquæ lactucæ Vnc. ij. aceti rosac. Vnc. sem. pulu. electar. triasant. Drach. j. sem. spodij Drach. sem. camphoræ Scrup. sem. Fiat epithema.

Ad potentiùs refrigerandum, ex succis aliquando epithema confici poterit, in hunc modum.

℞. Succu cichorij, endiuia, ana ℥. sem. succi lactucæ, & aceti rosac. ana Vnc. ij. pulu. trium santal. Drach. ij. Misce. Fiat epithema.

Non solùm autem hepati, sed etiam vniuersæ hypochondriorum regioni epithemata refrigerantia adhibere vtilissimum est; illa enim non solùm pepasum promouent, sed etiam viscerum intemperiem emendant: & impediunt, ne partes principes in marasum lethalem incidant.

Eadem hepatis regio inungenda erit sequenti linimento, quod etiam renibus atque lumbis applicari poterit.

℞. Vnguenti ros. ℥. j. sem. cerati santalini ℥. j. succi endiuia ℥. j. sem. ol. rosac. & ceræ, an. q. s. vt fiat liniment. Cui addatur aceti rosac. parum vnctionis tempore.

Testibus etiam refrigerantia vtiliter adhibentur, propter maximum consensum, qui ipsis cum partibus principibus intercedit; illis idè refrigeratis totius corporis incendium, magna ex parte restinguitur. Ad hunc vsum tale epithema componi poterit.

℞. Aquar. nymphææ, plantag. rosar. & cichorij, ana Vnc. iij. aceti rosac. Vnc. j. sem. vini Vnc. ij. Misceantur, hisque immergatur linteam, quo actu frigido testes inuoluantur.

Manuù & pedum refrigerationes maximum quoque iuuamentum afferunt; ob eundem consensum, quem habent

habent cum toto corpore, propter arterias, venas, & nervos, quæ ad illas partes desinunt.

Neque timendum est, ne excrementorum difflationem impédiant. Siquidem pauca sunt, quæ ex illis partibus effluunt; & ideo maius ex refrigeratione iuumentum, quàm nocumentum emergit.

Manibus itaque contrectantur pilæ marmoreæ, eburneæ, æneæ, aut plumbeæ. Vel macerantur manus in aqua frigida, cui vini & aceti tantillum mixtum sit. Plantis pedum admoventur folia lactucæ, nymphææ, aqua & aceto immersa. Vel ad utrarumque partium lotionem decoctum sequens parari poterit.

℞. Fol. lactucæ, violar. semperuiui, portulac. fol. vitis, salicis, ana M. j. cap. papau. num. xij. vel fol. eiusdem (si adsint vigiliæ) M. j. aceti ℥. j. vini albi ℥. ij. aquæ fontis q. s. Fiat decoctio. Cui adde, si lubet, lixiuij parum, ad corroborationem articulorum. Hoc lauentur manus & brachia, pedes, & tibiæ, tepidè, bis in die, aut semel hora somni.

Aduertendum porrò est, antiquos balneis aquæ dulcis frequenter vsos esse in febrium putridarum curatione, ut videre est apud Galen. *lib. de marcore, cap. 7. 11. meth. c. 9. & 10. tom 1. ad Glau. c. 9.* Eaque vel frigida administrabant in febre vehementissima, ut ardente exquisita; vel tepida in declinatione febrium, & concoctionis signis apparentibus. Verùm nostra ætate, non sine periculo huiusmodi balnea administrari possunt, & in vno tantum casu conueniunt; quando scilicet febris in diuturnitatem abit, & corpus calidum & siccum, ac squalidum occupans, in hæticam degenerare posse videtur.

Hoc etiam pro coronide addendum, solutâ per crissim febre, materiæ morbificæ reliquias purgatione esse auferendas; præcipuè si per sudorem, aut hæmorrhagiam

giam facta fuerit crisis. Hisce enim euacuationibus tenuior tantum materiæ portio educitur, crassior vero relicta nouum concipit incendium, & recidiuam efficit. Sola itaque crisis, quæ fit per alui fluxum, solet esse san- cura. Cui tamen non ita fidendum est, ut ab omni pur- gatione prorsus abstineamus. Sordent enim adhuc præcordia, & affluens alimentum corrumpunt, unde aut recidiua oritur, aut alterius morbi causa. Ita- que multo satius est (quod à recentioribus nonnullis fuit obseruatum) semel atque iterum repetito blando cathartico, ita reliquias omnes abstergere, ut omnis recidiuæ metus, omnisque morbi alterius occasio tol- latur.

C A P V T II.

De Symptomatis febres putridas comitantibus.

OMnes fere Autores, qui de febribus scripserunt, symptomata febres comitantes, vel illis superue- nientia, eorumque curationes in fine operis descripse- runt, ut omnibus febrium generibus optime accommo- dari valeant. Quod eorum consilium tamen si minime improbandum cenfeo, attamen commodius multo ad praxeos usum censuerim, si illa febribus putridis con- tinuis immediate subnectantur, cum in his porissimum, & vehementia esse soleant, & peculiaries medelas ex- postulent.

Quamuis igitur plurima symptomata, multis ex su- pra enarratis remediis, causa, morboque accommodatis emendari soleant: non pauca tamen ipso morbo mo- lestiora, peculiarem curam requirunt, quæ his summa-

Cap. II. De sympt. febr. putrid. comitant. 561
tim describenda est.

Dolor capitis, vigilie & deliria, iisdem propemodum remediis curantur reuellentibus, repellentibus, deri-
uantibus, resoluentibus, & anodynis. Reuellentia sunt
clysteres emollientes, & laxantes, purgationes blandæ,
phlebotomia, cucurbitulæ, lotiones pedum. Repellentia
sunt frontalia, oxyrhodina, vnguenta, vel linimenta.
Deriuantia sunt sectio venæ frontis, vesicatoria. Ad re-
soluentia referuntur olea nonnulla; & animalia capiti
admotæ, quæ etiam sunt anodyna. Per vsum autem præ-
dictorum remediorum exhibentur iulepi, & emulsio-
nes, ad humores calidos & acres temperandos, ac de-
mulcendos. Hisce omnibus accedunt narcotica, non
nisi maximâ urgente necessitate, & reliquis non confè-
rentibus vsurpanda. Quorum omnium medicamento-
rum materia in phrenitidis, & doloris capitis à causâ
calida curatione, descripta reperitur. In eorum tamén
administratione hoc vnicè obseruandum, ne instante
crisi in vsum vocentur: motum enim naturæ perturba-
re, & crisin impedire valerent. Quod tum de cætetis,
tum de narcoticis præsertim est audiendum.

Ad vigilias & deliria plurimùm confert cataplasma
plantis pedum admotum, ex cucurbitis recentibus con-
tusis, foliis semperuiui maioris, lactucæ, & similibus.
Tum etiam lotiones pedum, ex decocto herbarum re-
frigerantium. Sic enim frigiditas per neruos cerebro
communicatur.

Conuulsiones in febribus, præcipuè malignis, ali-
quando contingunt, à malignis vaporibus cerebri me-
ninges vellicantibus. Quibus mederi oportet clysteri-
bus reuellentibus, ac cucurbitulis; tum exhibendo fre-
quenter in iulepis, aut iusculis puluerem epilepticum,
de gutteta vulgò dictum, aut alium consimilem. Ac de-
nique inungendo spinam dorsi oleo chamæ. violæ.

amygdal. dulcium, & de nuce India.

Somno profundo febribus superuenienti eadem adhibentur remedia quæ in soporoso affectuum curatione fuere descripta; hoc tantum obseruando, vt ea quæ intus assumpta nimis calefaciunt, minimè vsurpentur.

Sitis febricitantium sedatur præcipuè potu refrigerante & humectante. Attamen si intentior sit, vt potus moderatus ei non sufficiat, (immoderatus enim plurima infert incommoda; & ægrum non raro in vitæ discrimen præcipitat) aliis auxiliis fallenda atque demulcenda est.

Primò itaque frigidus aër inspiretur, æger in silentio maneat, ore clauso per nares expiret, & somno indulgeat.

Deindè abluatur os aquâ hordei tepidâ, aut aquâ in qua decoctæ sint iuiubæ, sebesten, pruna, lactuca, portulaca, & similia.

Teneat in ore æger frustum rad. liquirit. à cortice mundatæ, & in oxycrato maceratæ. Vel colluat os aquâ hordei, aut simplici, cum modico aceti, aut cum succo granatorum, limonum, vel tantillo spiritus vitrioli.

Vel teneat in ore acinos granatorum, aut laminam mali citrij, limonis, vel aurantij maceratam in aqua rosarum, saccharo adiecto; vel stolones lactucæ, endiuiz, aut portulacæ, folia acetosæ, taleolas anguriæ, cucurbitæ, cucumeris, in aqua frigida prius macerata. Vel cerasa acida, vel ribes, vel tamarindos, vel frustulum crystalli, vel prunorum acidorum nucleos, quibus nonnihil pulpæ adhæreat, & similia.

Vtile est etiam ad sedandam sitim, saccharum aqua rosarum madefactum cum spiritu vitrioli, atque iterum exsiccatum.

Si leuioribus hisce sitis tolli nequeat, permittendus est potus, non initiis exacerbationum, neque in augmento, nisi paucissimus; sed in vigore, & potissimum ubi ad declinationem vergit: tunc enim largior potus calorem foras diffundit, & sudorem aliquando mouet; præcipue in febrium intermittentium paroxysmis, in quorum declinatione ad satietatem non raro potum haurire conuenit. Varia potus materia in huiusmodi febribus conueniens superiori capite descripta est.

Si verò sitis ab humore bilioso in ventriculo contento ducit originem, is per vomitum, aut deiectionem expurgandus est. Vomitus prouocabitur, si æger sit nauseabundus, syrupi acetosi simpl. ℥. j. β. cum aqua hord. aut decocti raphani ℥. v. Sin minus, purgetur bolo ex cassiæ ℥. j. & pulpæ tamarind. ℥. iij. vel mannæ ℥. ij. in decocto prunorum & tamarindorum dissolutis; vel potione sequenti.

℥. Cassiæ recenter extractæ ℥. vj. mucilag. sem. psyllij ℥. β. decocti hord. prunor. & tamarind. ℥. iv. syrupi rosar. ℥. j. Misce. Fiat potio.

Linguae & faucium ardor, siccitas & scabrities curatur variis remediis, dictis partibus admotis, & in ore detentis, in huuc modum compositis.

℥. Mucilag. sem. cydonior. ℥. j. mucilag. sem. maluar. ℥. β. specier. diatrag. frig. & sacchari candi, ana ℥. j. sacchari albi q. s. Fiat eclegma. Vel

℥. Mucil sem. psyllij, aut cydon. extract. cum aqua lactucæ, vel rosar. ℥. β. syrupi viola. limon. aut granat. ℥. j. β. Misce. Capiat parū per interualla, & in ore detineat. Vel

℥. Sem. cucumeris ℥. β. sem. cydon. ℥. ij. gummi tragacanth. ℥. j. β. Contundantur semina, & gummi dissoluatur in albumine oui. Misceantur omnia, & fiant trochisci ore detinendi. Vel

℥. Sem. psyllij, cydon. an. ℥. j. β. gummi tragacanth.

℞. sacchari candi ℥. iij. Cum mucilag. gummi traga-
canth. fiunt trochisci. Vel linteo raro includantur, vt
fiant noduli, qui macerentur in aqua rosar. & ore te-
neantur.

Si profundius asperitas hæserit, fiat gargarisma ex
decocto hordei, rad. althææ, fol. lactucæ, portulac.
flor. violar. addito melle rosac. syrup. violar. vel sac-
charo cando, vel axymel. simpl. & simil.

Si sordes linguæ adhæreant, vt plerumque fit, sæpe
detergenda est linteo asperiori intincto oxycrato. Cui
etiam succus semperuiui, & sal prunellæ interdum
addi poterit.

Si ardor sit intensior, cum insigni linguæ nigredine,
magis refrigerantia cum humectantibus permiscean-
tur, in hunc modum.

℞. Succorum lactucæ, semperuiui, limonum, an. ℥. j.
mucilag. sem. cydon. sacchari candi, ana ℥. ℥. sacchari
albi q. s. Fiat looch. Vel

℞. Semperuiui recentis M. j. aceti rosac. ℥. iij. aquæ
hordei ℥. j. Coquantur ad tertiæ partis consumpt. In
colat. dissolue salis prunellæ ℥. j. β. alum. ℥. j. syrup.
viol. & de moris, an. ℥. j. Fiat gargarismus. Vel sal pru-
nellæ solum in aqua semperuiui dissoluitur, eoque vti-
lissimè lingua, & fauces abluuntur; nec non eius par-
ticula absorberi potest, vt ad œsophagum simili ardore
affectum peruenire possit.

Exteriùs verò guttur & collum illinantur ol. violac.
& butyro recenti in aqua rosarum lotis, quibus veluti
vltum guttur humectari possit.

Ad refrigerandum admoueri possunt, vnguentum
rosaceum, refrigerans Gal. & similia. Sed multò effica-
ciùs admouentur folia lactucæ, & portulacæ trita, ac
duobus linteis inclusa. Vel millepedes contusi eodem
modo admoueri possunt.

In magno poteris ardore, qualis in febribus solet contingere, totum pectus inungendum est oleo violaceo, nymphææ, & amygd. dulcium. Imò vero, æstu plurimum vrgente, fomenta eidem parti admoueri debent ex decocto hordei, lactucæ, nymphææ, borraginis, violarum & similium composita, quibus irrigationes ex oleis præditis debent succedere. Quandoquidem, ex præscripto Galeni, & Auicennæ, in huiusmodi febribus, magna cura thoracis, utpotè caloris fornacis, habenda est. Ea verò remedia, iuxta Tralliani præceptum, rarò frigida, quia intrò calorem repellunt; nec tepida, quia laxant; sed actu calida, potentiâ verò frigida admoueri debent.

Dolor lumborum in febribus excitatur à sanguine feruido & copioso in vena caua ebulliente. Sedari autem debet clysteribus emollientibus & refrigerantibus, emulsionibus ex seminibus frigidis paratis, addendo sal prunellæ; inunctionibus earum partium ex vnguento refrigerante Galeni cum succo semperuiui maioris, & camphora, vel vnguento populeone, vel ol. rosac. nymphææ, & papauerino; vel epithemate ex aqua plantaginis, rosarum, aceto rosaceo, & camphora, vel oxyrrhodino ex aqua rosarum, oleo rosaceo, & aceto parato, quæ omnia actu frigida in æstate, subtepidâ in aliis temporibus admouenda sunt.

Inquietudines quæ in febre assidue & paroxysmis tertianæ intermittentis solent contingere, curantur præcipuè purgatione humoris biliosi ventriculum, aliasque partes sensiles vellicantis, idque per vomitum, aut secessum, prout natura hanc vel illam viam magis affectare videtur; tum clysteribus ad inferiora reuellitur. Mox quies omni arte procuratur & potus frigidus exhibetur; nec non iulepi refrigerantes, quibus interdum

syrupus de papauere, vel laudani tanrillum vtilissime permiscetur. Eriam in vigore paroxysmi syrupi de pap. ʒ. j. vtiliter exhibetur.

Syncope in febribus syncopalibus vulgò dictis solet contingere, quarum duo genera constituuntur, vt superiori capite dictum; & vna dicitur syncopalis minuta; altera verò humorosa. Quarum curationes, vt potè ab aliarum febrium putridarum curationibus longè diuersas, prædicti symptomatis ratione, huic loco referuauimus.

Syncopalis minuta, quæ à biliosis humoribus, acris, & venenatis generatur, in hunc modum curanda est. Aër sit frigidus, & humidus, parùmque astringens, vt exolutio prohibeatur. Victus tenuis, refrigerans, & instaurans, ex iusculis pullorum cum acetosa, portulaca, &c. decoctorum, quibus addi potest aqua rosar. succus granat. & parùm sacchari. Panis infusus in succo granatorum, vel aurantiorum exhiberi poterit, si victus paulò plenior sit concedendus, nec non cremor hordei, aut panatellæ cum succo granatorum, aut limonium. Tum iura restaurantia ex carnibus expressis cum dictis succis. Robustioribus exhibentur vitelli ouorum cum omphacio, testes gallorum, carnes pullosum, gallinæ, perdicis iisdem succis alteratæ.

Potus tempore pastus, si non adsit inflammatio alicuius visceris, sit vinum aquosum non vetustum, nec vaporosum. Extra pastus, aut si aliqua sit inflammatio, aqua hordei, aut aqua panata, cum syrupo granat. limon. acidi citri, iulepo rosac. &c.

Somnus extra paroxysmum conuenit, in eodem nocet. Ac denique maximè fugienda, quæ iram, tristitiam, & similes affectus concitant.

In paroxysmo flabellis refrigerantibus, & irrorationibus odoriferis, spirituum resolutio supprimenda est.

Faciès aspergenda aquâ frigidâ, vel rosar. cum aceto. Eâdem quoque testes in viris, & mammæ in mulieribus frigidè foueri poterunt.

Si calor cum spiritibus à corde ad exteriora non reuocetur, reuellendus est frictionibus extremorum, ac vellitionibus; tum nares sæpè apprehendantur, pili vellantur, nomîne proprio sæpè æger inclametur. Detur mica panis in succo granat. infusa, aut vinum tenue odoriferum, aquâ rosar. dilutum: Et vrgente necessitate, aquâ cinam. cum aqua rosarum. Interim iura restaurantia non omittantur, quibus confectio alkermes, aliæque admisceri poterunt. Potiones quoque cordiales sæpè ex cochleari exhibendæ, in hunc modum compositæ.

℞. Aquæ ros. Vnc. ij. aquæ naphæ Vnc. j. aquæ cinam. Vnc. β. confect. alker. 3, j. margarit. præp. & coralli præp. an. 3. β. manus Christi perlata 3. vj. Misce. Fiat potio. His accedere possunt opiata, & condita superiori capite descripta.

Medulla panis adhuc calentis aquâ rosac. & aceto irroretur, & ori, naribusque admoueat.

Cordi epithemata refrigerantia, & roborantia applicentur.

Ad pueros densandos, & impediendam dissolutionem, inuoluatur æger linteo consperso puluere rosar. balaustiorum & santalorum; vel irrorentur lintea aquâ rosar. cum modico aceto.

Totum corpus, præcipuè dorsum, illinatur sequenti linimento.

℞. Ol. rosar. omphac. Vnc. j. β. myrtill. cydon. mucilag. sem. psyllij, ana 3. vj. gummi arab. dissoluti in aqua ros. 3. ij. ceræ albæ q. s. Fiat linimentum.

Ventriculi ratio præcipuè habenda est, quod in eo præcipuè humor noxius cumuletur. Illinenda autem est illius regio oleo rosaceo, & cydon. tum imponatur pa-

nis tostus maceratus in succo cydonior. & granat. acidorum. Vel magno urgente æstu foueatur tepidè decocto portulacæ, & rosarum, vel etiam succo solani, portulacæ, vix acerbæ, adiecto ol. rosac. & cydoniorum.

Sublata syncope, & resectis viribus, ad febrem, eiusque causam tollendam conuertendus est animus. Quod fiet alterantibus, & euacuantibus, quæ febribus ardentibus idonea superiore capite descripsimus.

Syncopalis humorosa, quæ ab humorum pituitosorum, & crudorum multitudine producitur; contraria ferè est curatio ei quæ minutæ ascripta est. Siquidem aer debet esse temperatus, ad calidum inclinans, lucidus, purus, & siccus. Cibi boni succi, & facilis concoctionis, præparati cum hyssopo, fœniculo, aliisque. Potus sit vinum tenue, & oligophoron. Somnus & vigiliæ moderatæ.

At frictiones in primis maximè commendantur à Galen. 12. met. cap. 3. eæque ab initio morbi celebrandæ sunt linteis asperioribus supernè deorsum, primùm in pedibus & cruribus; post in brachiis, humeris, & dorso. Lintea prius suffiantur styrace, ligno aloës, thure, caryophyllis, &c. Vbi à frictione artus abundè incaluerint, inungantur oleo anethino, chamæmel. irino, costino, aliisque resoluentibus. Huiusmodi frictiones plurimùm laudantur, quia calorem cum spiritibus, ac materiam noxiam vires suffocantem ad exteriora euocant.

In paroxysmo æger excitandus est narium apprehensione, aurium fricatione, pilorum auulsione, inclamatione, &c. Præterea ori & naribus odorata admoveantur, vt aqua cinam. flor. aurantiorum, acetum infusionis caryophyll. mica panis intincta vino Hippocratico, quæ etiam per os exhiberi potest; aut ipsum Hippocraticum solum, aut aqua cinamomi, aut potio cardiaca sequens.

℞. Aquar. melissæ, rorism. & flor. aurant. ana ℥. j. aquæ cinam. Vnc. sem. confect. alkerm. ʒ. j. syrupi condituræ cort. citri & caryophylli nostratis, an. Vnc. j. Misce. Fiat potio, quæ detur ex cochleari frequenter. Opiata etiam in hunc modum componi poterit.

℞. Conseruæ flor. buglossi, anthos, & cort. citri condit. ana Vnc. sem. nucis moschat. condit. ʒ. iij. confect. alkermes ʒ. ij. specier. diambra, diamoschi dulcis, an. ʒ. j. Cum syrupo condit. cort. citri fiat opiata.

Cordi admoueri possunt epithemata, & pulli columbini; ventriculo & testibus fomenta, aliæque administrari, quæ in virium imbecillitate fuere proposita.

Dum hæc fiunt, ad frictiones identidem redeundum est, quæ nunquam in hoc affectu omittendæ.

Refectis aliquantùm viribus, materia morbifica educenda est per clysteres & purgationes (in quibus hiera cum agarico, ratione ventriculi, multum prodest) quæ blandæ, & frequentes esse debent, interiectis tamen præparationibus idoneis.

Inappetentia omnibus propemodum febribus communis est. Dum enim ventriculus calidâ intemperie afficitur, fames imminuitur, & sitis augetur. Aliquando tamen ita deiicitur appetentia, ut ægri vix iuscula haurire possint. Fitque illud cibi fastidium à viscosis humoribus in ventriculo collectis, aut illius tunicis imbibitis; vel à corruptis, malignisque vaporibus ventriculum obsidentibus. Curari debet euacuatione causæ morbificæ per vomitum, aut secessum, idque ab initio, diluto rhab. & tamarindorum. In declinatione verò, si febris non sit valida, cum hiera picra in decocto hordei, cicerum, absinthij, aliorumque detergentium dissoluta. His succedere debent clysteres detergentes, qui confectione quâdam à ventriculo reuellunt. Præterea exhibenda sunt frequenter acida & refrigerantia, ut sy-

rup. limon. granat. cerasa acida, &c. per se, vel cum aqua frigida exhibita. In declinatione, aut cessante febre, syrupus de absinthio pontico vtiliter dari poterit, vel solus, vel cum syrupis, aut succis acidis permixtus. Cibi offerantur ægro magis grāti. Vt enim docet Hippocr. *Aph. 38. sect. 2.* paulò deterior, sed suauior cibus, & potus, meliori, sed insuauiori præferendus. Per rara autem intervalla cibus non multus assumatur, frequentior enim & copiosior inappetentiam vel sanis inducit. Condiuntur verò cibi, modò rursus absit, omphacio, aceto rosac. succo limon. Si æger ita abhorreat ab omnibus cibus, vt nihil omnino assumat, iniiciantur clysteres nutriendes bis aut ter in die; eductis prius excrementis clystere detergente. Soluta omnino febre, si remaneat inappetentia, æger modicè se exerceat, vtatur capparibus, saxifraga, oliuis, locum muret, & migret ad aërem frigidiorē. Ac tandem, si hæc non sufficiant, vtatur vino absinthie, & pilulis de hiera, quæ humores ventriculi tunicis impactos potenter abstergunt.

Singultus & vomitus febribus superuenientes variis oppugnantur remediis, quorum materia ex singultus, & vomitus curationibus à nobis descriptis erit repetenda, & singulis febricitantibus, hisce symptomatis correptis, cum delectu ac iudicio accommodanda. Cauendum tamen maxime est, ne vomitus criticus vlla ratione cohibeatur. Singultus interdum ex immodico refrigerantium usu procedit, vt testatur Lemnius, referente Schenkio his verbis: *Singultus in febribus nonnunquam sequitur intemperatum refrigerantium usum iulapiorum. Quo modo affectos inconsulta temeritate Medicorum plures vidi, idque symptoma contra omnium opinionem vini potu sustulimus.*

Fluxus alui febribus putridi superueniens, si criticus sit, cohibendus non est; neque symptomaticus statim initio,

initio, si vires admodum non deiciat, ne humor vitiosus ad partes principes recurrat. Quando cohibendus est, id fit purgatione blanda, & simul astringente, clysteribus detergentibus, & roborantibus; assumptis, & admotis incrassantibus, roborantibus, & astringentibus. Quæ omnia ex diarrhææ curatione erunt desumenda, à leuioribus incipiendo, & ad fortiora, si necessitas urgeat, paulatim progrediendo.

Sudores, si critici non sint, sed symptomatici, viresque maximè deiciant; cohibendi erunt aëris refrigeratione, conspergendo aquam frigidam, folia salicis, & vitis supra pauium; & si opus sit, fenestras aperiendo; corporis euentilatione paulatim facta sub leuibus integumentis, ac molli culcitra detracta: Item facie oxycrato frequenter conspersa; ac denique usu medicamentorum frigidorum astringentium; qualia sunt epithemata refrigerantia cordi, hepati ac toti ventri admouenda, & subinde immutanda. Vnguenta ex ol. rosac. myrtino, mucilaginib. & puluer. astringentibus composita, toti corpori, & præsertim spinæ dorsi applicanda. Pulueres ex rosis, balauistiis, malicorio, myrtillis, mastiche, terra Samia, &c. collo, thoraci, alis, & inguinibus inspergendi; vel æger inuoluatur linteo irrorato oxycrato cum pulueribus prædictis, cauendo tamen, ne inflammatio aliqua, aut tumor aliquis præter naturam in hypochondriis lateat: tunc enim ab astringentibus, saltem validioribus, est abstinendum. Sudor abstergendus non est, sed linendus, ut ad poros cutis concreescens, alium effluere prohibeat.

Per os verò exhibenda incrassantia, astringentia, & roborantia, ut hordeata ex decocto lactuæ, & sem. frig. parata; iuscula instaurantia cum succo granatorum, agrestæ, pulueribus corallor. margarit. rasur. eboris, santalorum,

talorum, aut balaustiorum. Iulepi ex aquis rosar. lactu-
cæ, portulac. cum syrupo granat. de rosis siccis, aut
cydonior. Opiatæ ex conserua rosarum, corallis, mar-
garitis, terra sigillata, puluer. diamarg. frig. triasanta-
li, &c.

A P P E N D I X.

In februm acutissimarum & perniciosarum cura-
tione hoc diligenter aduertendum, rarissime eas fieri
sine interna & peculiari visceris cuiusdam affectione,
& plerumque inflammatione. Quare nunquam omit-
tenda cura hypochondriorum, capitis, thoracis, vteri,
renum & vesicæ: vt omni ratione inuestigemus quæ
harum partium insigniter laboret, & ei, quoad fieri po-
test, subueniatur.

C A P V T) III.

De febre tertiana intermittente.

Febbris tertiana intermittens fit à bilioso humore ex-
crementitio, in prima corporis regione contento,
ac putrescente.

Illam autem vel legitima est, & exquisita: vel illegiti-
ma, notha, seu spuria.

Legitima seu exquisita horis 12. terminatur, & pro-
ducitur à bile naturali putrescente. Notha verò seu
spuria paroxismos habet 12. horas excedentes. Quod
si 24. horas excedat, tertiana extensa nominatur. Fit-
que vel à bile præternaturali putrescente, vel à natu-
rali, aliis humoribus, præsertim pituitæ, permixta.

Item tertiana alia simplex est, alia duplex, alia tri-
plex.

plex. Simplex dicitur, cuius paroxysmi tertio quoque die, hoc est alternis diebus, recurrunt. Duplex verò, quando paroxysmi singulis diebus inuadunt. Et quamvis in hoc à quotidiana non differat, vtrique tamen distinguitur per signa propria, bilem, aut pituitam redundantem indicantia, quæ suis locis exponentur. Aliquando tamen in tertiana duplici duo paroxysmi eadem die apparent, alterâ die remanente liberâ; idque recentiores nonnulli vocant duas tertianas, & à tertiana duplici distinguunt. Quæ tamen distinctio est exigui momenti. Triplex tertiana fit, quando duorum dierum spacio tres apparent paroxysmi, Rarissima est hæc febris. Vnum tamen illius exemplum proponitur à Galen. 2. de cris. cap. 9. Et nos aliud vidimus anno 1637. in quadam viro nobili, qui singulis 16. horis febris tertianæ paroxysmum patiebatur. Et singuli paroxysmi intra 10. au 12. horas per sudores iudicabantur. Fiunt autem diuersi hi paroxysmi à diuersa materia, in diuersis locis putrescente, ita vt vnaquæque peculiarem focum obrineat.

Humores autem febres tertianas producentes, in prima potissimum regione cumulantur; hepate nimirum, cystide fellea, ventriculo, mesenterio, pancreate, aut venis illarum partium.

Earum causæ sunt illæ omnes, quæ bilem excrementitiam generant; nempe calida & sicca hepatis intemperies, ætas iuuenilis, aëris constitutio calidior, vigiliæ, curæ, iræ, ieiunia, ciborum calidorum vsus, exercitatio nimia. His accedunt ad tertianæ nothæ productionem, causæ pituitam, & melancholiam generantes. Hinc illi, qui calidiori hepate præditi sunt, & ex crapula, ac praua victus ratione multas cruditates generant, ex bilis cum crudis humoribus permixtione, tertianis nothis obnoxij sunt. Hinc etiam ætatis tempore crudi

di humores, ex caloris nativi imbecillitate, fructuum esu, & nimio potu geniti, bili permixti, tertianas nothas pariunt.

Signa diagnostica tertianæ exquisitæ sunt, quod hæc febris statim cum insigni rigore incipit, quo à quotidiana distinguitur, in qua levis tantum horror, aut frige factio apparet. Deinde rigorem sequitur calor intensus, acer, & mordax, sitis intolerabilis, respiratio magna, & frequens, vigiliæ, capitis dolor, & interdum deliria. Rigorem etiam sequitur interdum vomitus biliosus, vel alui fluxus. Urina aliquando flava est, rufa, vel rubra. Accessiones ultra 12. horas non extenduntur, & sudoribus terminantur. Præterea præcesserunt causæ bilem generantes supra enumeratæ.

In tertiana notha signa omnia prædicta sunt remissiora, quàm in exquisita, sed intensiora, quàm in quotidiana. Et prout maior, vel minor pituitæ copia bili admixta fuerit: paroxysmi ad tertianæ exquisitæ, vel quotidianæ paroxysmos magis vel minùs accedunt; tum ratione intensiōis symptomatum, tum ratione durationis ipsius paroxysmi. Ita ut tertianæ nothæ paroxysmi ad sexdecim, octodecim, & plures horas extendantur. Quamquàm interdum possint esse breviores ob materiæ paucitatem, & intra octo, decem, aut duodecim horas terminari.

Prognosis desumitur ab Hippocr. *Aph. 59. sect. 4. Tertianæ, inquit, exquisitæ septem circuitibus, ad summum indicantur. Et Aph. 43. eiusdem sectionis. Febres quocunque modo intermiserint, periculum abesse significant. Quod tamen intelligendum est de tertianis febribus omnis malignitatis expertibus. Dantur enim tertianæ malignæ, & pestilentes, quæ quamvis evidentes habeant intermissiones: ægrotantes tamen non rarò de medio tollunt. Præterea multa febre tertianæ possunt supervenire, quæ*
vita

vita periculum inferre possunt, quamvis febris ex se periculosa non sit.

Scribit Haly, & vulgatissimâ docetur experienciâ, in tertianâ laborantibus, si vlcera, aut pustulæ in labiis & naribus erumpant, finem febris prælagire. Est enim quædam veluti crisis, quæ ad illas partes fit.

Alii fluxus febre tertianæ superueniens, materia iam concocta, eam soluit. Et hæc vnica est via, quia huiusmodi febres perfectè iudicantur. Cùm enim illarum focus in cystide fellea, vel hepate, vel mesenterio, aliisque partibus primæ regionis contineatur; etiam si quæ singulis accessionibus effertur exhalatio, in habitum corporis irrepens, vel sudoribus, vel insensili transpiratu, vel papulis expurgetur: manet tamen crassamentum, quod nisi beneficio naturæ, vel medicamentorum per alium expurgetur; aut febris diuturnæ, aut obstructionum, aut recidivæ, aut aliorum morborum contumacium causa esse solet.

Breues & securæ esse solent febres intermittentes, si bonus sit totius corporis habitus; si viscera bene sint affecta; si ver aut ætas adsit; si æger non multo vtatur alimento, & parcè bibat. Contrà verò longiores, & contumaciores esse solent, si prava adsit iecoris, aut lienis affectio; si æger abundet humoribus pituitosis, aut melancholicis; si hyems, vel autumnus vigeat; si æger multo vtatur alimento, aut potu multo calorem opprimat.

Curatio, vt in aliis febribus, ad febrem, eius causam, & vires dirigenda. Febris indicat refrigerantia; causa, eadem refrigerantia, tum concoquentia, & euacuantia; vires, roborantia.

Ac victus ratio primùm instituenda est refrigerans, & humectans; eadem prorsus in tertiana exquisita, quæ in febribus continuis fuit proposita. At in tertiana
notha

notha, eaque simplici, paulò plenior victus imperandus est, præcipuè si illa in longitudinem abeat: tunc enim solida alimenta exhibenda sunt die intermissionis, & quinque vel sex horis ante accessionem. In tertiana verò duplici, quemadmodum in tertiana exquisita, solis iusculis, aliisque forbilibus alimentis æger nutriendus est.

Potus gratissimus in tertiana notha, ex Foresto.

℞. Aquæ fontis lb. ij. cinam. ʒ. sem. sacchari Vnc. iij.

Hæc cruda per manicam Hippocratis traiciantur.

In accessione autem alimentum exhibendum non est, iuxta sententiam Hippocr. *Aph. 11. sect. 1.* Natura enim, vt docet Galen. *in comment.* cibi concoctione auocatur à concoctione humorum morbificorum: adde quòd in accessione tetto vapore vniuersum corpus perfunditur, qui cibum recenter sumptum labefaciat, & maxima parte corrumpit. Attamen si accessio adeò longa fuerit, vel corpus ægrotantis adeò talidum & siccum, gracile, & raræ texturæ vt faciliè dissoluatur, & ad finem paroxysmi sufficere non valeat; etiam in accessione cibandus æger est, quod melius fiet in statu, quàm aliis temporibus. Quamuis etiam in principio, & augmento, urgente necessitate, cibum offerri possit. Sic enim Gal. 10. *meth. c. 5.* hac febre laborantes, calido & sicco temperamento præditos, quibus aduersissima est inedia, ne in syncopen inciderent, etiam in principio accessionum cibare coactus est. Ad eiusque imitationem Amatus Lusitanus *cur. 68. cent. 4.* pichrocolo, & meram bilem euomentì, vnde syncope oriebatur, panem lotum agresta aspersum, paroxysmi initio exhibuit, sicque prædicta symptomata inhibuit.

Illud præterea tum in hac, tum in aliis febribus intermittentibus est obseruandum, vt æger ante paroxysmum, neque potum, neque cibum assumat, neque somno

somno indulgeat. Vtiliter tamen aluum deponet, injecto clystere, si opus fuerit, modo ille ante initium paroxysmi iniiciatur.

Institutâ igitur victus ratione idoneâ, ad materiæ morbificæ euacuationem statim progrediendum est; quæ cum in primis viis hæreat, non solum clysteribus, sed etiam medicamentis assumptis aluum laxantibus, tum vomitoriis educenda est.

Clysteres in tertiana exquisita fient ex decocto emolliente & refrigerante, cum cassia, catholic. diapr. simpl. aut solutiuo. In notha verò fiet decoctio ex emollientibus & incidentibus, dissoluendo diaphœn. mel rosac. &c.

Aluum laxantia medicamenta in tertiana exquisita erunt eadem, quæ in febribus continuis fuere propo- sita. In notha verò addetur agaricus, senna, catholi- cum, diaphœnicum, aliâque ex curantis Medici iudi- cio, iuxta varias ægrorum constitutiones, eligenda. In quacunque vero specie cremor tartari vtiliter medica- mentis addi poterit, quia obstructions aperit, poten- ter detergit, & nihilominus refrigerat. Medicamenta purgantia die intermissionis exhibenda sunt, idque matutinis horis, vt vulgo solet fieri, si intermissio in eas horas incidat. Alioqui tempus inter duas accessio- nes medium eligendum. Et quâvis horâ diei ac noctis exhiberi potest medicamentum, modo illa ab acces- sionibus plurimum distet, & ventriculus assumptum prius alimentum concoxisse videatur.

In tertiana autem duplici difficile est horam exhibendi medicamento eligere, cum non rarò tres aut qua- tuor tantum horæ duobus paroxysmis intercitant. Imò interdum adeò longi sunt paroxysmi, vt alter incipiat antequam prior desierit, vnde febres subintrantes no- minantur. Tunc enim occasio præceps exactam Medi-

ci diligentiam postulat. Commodior autem exhibendi medicamenti hora ita eligenda est, ut in tertiana duplici non subintrante, in fine paroxysmi exhibeatur, eâ ad sequentem paroxysmum distantia, ut antequam ille inuadat, operatio medicamenti absoluta sit. In febre autem subintrante exhiberi debet medicamentum in declinationis principio, simulatque tantillum remittere incipit. Et in utroque tribus horis ab assumpto medicamento iusculum exhibendum est: ita tamen ut tres aliæ supersint horæ ab assumpto iusculo, antequam paroxysmus inuadat. Atque adeo sex horis, ad minimum exhibendum est medicamentum ante proximum paroxysmum.

Quod ad vomitoria spectat, ea quæ de iis in cõtinuarum febrium curatione dicta sunt, hic etiam commodius aptari possunt; cum humorum illuies in ventriculo, mesenterio, & cauis hepatis contenta, quæ huiusmodi febres solet producere, per vomitum aliquando educatur; quæ tamen interdum medicamentis per inferiora purgantibus etiam pluries exhibitis, deturbari nequiverit, ut rectè Fernelius annotavit. Atque ita, si in principio paroxysmi æger vomitibus torqueatur, eum naturæ motum rectè sequetur Medicus. Et cum mitiora vomitoria plerumque non sufficiant, ad mediocritatem veniendum est; quale in primis est asarum, cuius in pulverem redacti ʒ.ʒ. ij. vel ʒ. j. exhibetur cum iusculo, aut alio liquore cõuenienti. Alij decoctum illius exhibent, quod paratur ex ʒ. iij. rad. asari decoctis in iusculo pulli, vel aqua hordei & passularum. Chymici vitriolum album præparatum, & salem vitrioli usurpant, tum etiam aquam benedictam, quæ ex croco metallorum fit. Quæ quidem, ut & cætera medicamenta ex antimonio desumpta, sicuti materiam in primis viis stabulantem nonnunquam fœliciter euacuant, ita prudentem & pe-

ritum, qui ea exhibeat, Medicum desiderant. Alioqui sunt veluti 'culter acutus in manu infantis, aut gladius in manu furiosi.

Expurgatis primis viis vno saltem medicamento, vena aperienda est die intermissionis. Imò verò si corpus sit plethoricum, & vrinæ rubræ, ac crassæ appareant, curatio vtiliter à phlebotomia inchoabitur, melius enim postmodum purgatio procedet.

Si sanguis valdè calidus, adustus, aut putridus appareat, phlebotomia erit iteranda; quod tamen à Medici iudicio pendere debet, iuxta propriam ægrotantis constitutionem.

Post purgationem & phlebotomiam, præparationi humorum incumbendum est per iulepos, in febribus continuis propositos, quorum materia varianda est, prout pituita, vel melancholia bili permixta est, vt etiam dicto loco annotatum est.

Interim verò dum prædicta remedia fiunt, calor febrilis temperandus est epithematis refrigerantibus cordi & hepati admotis, qualia in febribus continuis fuere proposita. Hâc curatione adhibitâ, vt non nisi in summo febris vigore; aut potius in declinationis principio admoneantur.

Hepati etiam, & lumbis vnguentum rosaceum aut refrigerans Galeni applicari poterit.

Clysteres etiam emollientes & refrigerantes in fine paroxyfmi, vt ante illius inuasionem erunt vtilissimi.

Præparatâ materiâ per aliquot dies vsu iuleporum, purgatio iterum instituenda est, ex fenna, rhab. catholice, syrupo rosaceo; addendo agaticum, si redundet pituita. Et si æger sit robustus, addi potest diaprun. solut. electar. de succo rosar. vel diaphoenicum.

Purgato iterum, post vsum iuleporum, corpore; si accessiones redeant, & ad longius tempus continuari

videantur, signum est humores crassos & pertinaciter inhærentes, febrem fouere, & obstructions producere: quorum ratione abstergentia, aperientia, & incidentia usurpanda sunt. Eorum autem præcipua sunt, absinthium, quod valdè commendatur à Galeno 1. ad Glauco. c. 9. & centaurium minus, quod ratione virtutis eximie quam habet in curandis febribus, *febrifuga* nominatur. Quia tamen ea calida sunt, frigidorum commixtione temperari possunt in hunc modum.

℞. Rad. gram. cichorij, & asparagi, an. Vnc. j. fol. agrimon. acetosæ, cichorij, endiuie, ana M. j. absinthij vulgaris, & centaurij min. ana M. sem. Coquantur ad lb. j. In colat. dissolue syrupi limon. ℥. iij. Fiat iulep. pro tribus dosibus matutinis.

Finitis iulepis, purgans medicamentum iterum exhibendum est. Vel vomitorium, si natura per illam viam euacuationem affectet. Tunc enim, apparentibus scilicet concoctionis signis, huiusmodi febres feliciter per vomitum non rarè curantur. Et Gal. 1. ad Glauco. cap. 10. multos solo vomitu ab hac febre curatos esse scribit. Imò verò quotidiana docet experientia, aquam benedictam huiusmodi febres ut plurimum eradicare, nisi contumaces viscerum obstructions obstant. Multa huius rei experimenta proposita sunt à Martino Rulando in centuriis curationum. Sed vehemens est, ut antea dixi, medicamentum, nec nisi summâ cautione exhibendum. Quidam huius aquæ ℥. j. cum infusione Vnc. sem. fol. sennæ exhibent, sicque magis per secessum, quàm per vomitum operatur.

Alij usurpant guttam gummi, alij mercurium dulcem cum scammonio. Quæ remedia cum potenter euacuent, febres huiusmodi sæpissimè eradicant, sed robustioribus tantum corporibus exhibenda.

Hisce remediis ut plurimum febres tertianæ, non solum

Cap. III. De febre tertiana intermit. 581

solum legitimæ, sed etiam nothæ solent succumbere. Si tamen adhuc pertinaciter obstant, (vt sæpè fit) solennis purgatio instituenda est, apozemate per triduum propinato, ex materia iuleporum, addendo sennam, rhabarbarum, agaricum, syrup. ros. de cichor. comp. & similia. Imò verò, licet ante huius apozematis vsum tertiana febris soluta sit, vtilissimum est apozema exhibere, si spontaneum alui profluuium non contigerit. Infida enim est illa solutio, & recidiuam minatur, cum reliquæ euacuationes, quæ per sudorem, aut insensilem transpirationem fiunt, portionem tantum humorum tenuiorem euacuent, crassiori intus remanente, quæ non nisi per aluum educi potest.

Antequam apozema exhibeatur, si tensio sit in hypochondriis, admoueatur fucus emolliens, attenuans, & roborans; in hunc modum compositus.

℞. Rad. althææ, gram. & asparagi, ana Vnc. j. rad. enulæ camp. & cortic. median. tamarisci, an. Vnc. sem. fol. maluæ, violar. agrimon. capill. ven. & absinthj, an. M. j. sem. lini, & fœnugr. an. Vnc. j. flor. chamom. melilot. rosar. an. P. j. Coquantur in tribus aquæ partibus, & vna vini albi sub finem additi, cum aceti Vnc. ij. Foveantur hypochondria calidè manè, & serò per biduum ante vsum apozematis.

Post fotum illinantur eadem partes sequenti linimento.

℞. Ol. lilior. amygdal. dulc. & tamarisci, an. Vnc. j. vnguenti de althæa Vnc. ij. ceræ parùm. Fiat linimentum.

Si non obstantibus hisce remediis pertinax febris in longitudinem abeat, & facies tumida, ac subpalpida appareat, tum pedes vesperti intumescant: his remediis ægri tractandi sunt, quæ ad hepatis obstructions vulgò præscribi solent. Inter cætera verò maximè laudatur à Montano decoctum cichorij, & chamædryos

in iusculo, quod dicit esse admirandum in febribus longis ab obstructione pendentibus.

Notandum tamen est, febris tertianæ longitudinem à calida & sicca iecoris intemperie aliquando foueri, quæ humorem biliosum, nouarum accessionum fomitem, continuò producit. Quod sæpe obseruatur in multis, qui sicco & squalido corporis habitu præditi, & omninò biliosi, citra tensionem viscerum, & citra humoris copiam, per tres aut quatuor menses, calidiori præsertim anni tempore, tertianam passi sunt. His valida purgantia, valde aperientia, & calefacientia nocent. Sed victu refrigerante & humectante, iulepis, & iusculis simili facultate præditis, tractandi sunt. Et superflui humores clysteribus emollientibus & refrigerantibus, cassiâ, tamarindis, catholicone, & syrupo rosac. sensim expurgandi. Sed præsertim balnea aquæ tepidæ hîc miranda præstant, calidam & siccam intemperiem visceribus impressam extinguendo. Iis vtatur æger die intermissionis citra sudoris profusionem.

Interdum etiam febris tertianæ longitudo à praua quadam diathesi visceris alicuius iecoris præsertim, aut mesenterij dependet; quæ purgationibus quantumuis repetitis curari nequit, quia praua illa qualitas in viscere remanens, humorem nouum quotidie accumulat, qui accessiones fouet. Quæ quidē praua qualitas diureticis, sudorificis, aliisque resoluentibus aufertur.

Hisce facultatibus prædita sunt, absinthium, centaurium minus, carduus benedict. rad. dictamni, pimpinellæ, tormentillæ, aliæque; ex quibus fiunt decocta, pulueres, & similia, per plures dies exhibenda ante accessionem.

Vulgò exhibetur teriaca ad Drach. j. cum vino albo, ante accessionem, tribus vicibus repetendo.

Alij nucem iuglandem cum saccharo, aut melle conditam eodem modo exhibent.

Vbi theriacæ caliditas timetur, sola primùm exhibetur, & desuper aquæ plantaginis cyathus propinatur. Hoc frequenter utebatur Varandæus præceptor meus tanquam specifico.

Idipsum præstare potest vini Hippocratici cyathus vnus, ante accessionem exhibitus, eoque remedio gratissimo multi curati sunt.

Sedulò tamen aduertendum est, vt hæc omnia remedia non nisi præmissâ diligēti purgatione exhibeantur.

Zechius in frequenti vsu habebat pilulas sequentes, quæ ad aperiendas obstructions, hepar roborandum, & viscerum discrasias tollendas, sunt efficacissimæ.

℞. Trochisc. de rhab. de eupatorio, & de absinthio, an. Drach. sem. puluer. elect. diarrhod. ℥. j. Cum syrupo de absinthio, fiat massa pilular. de qua capiat Drach. j. manè per triduum, superbiendo iusculum, ex cichoraceis, & capillaribus paratum.

Montanus verò exhibebat per multos dies trochiscorum de absinthio, vel de rhab. Scrup. j. cum iusculo, in quo hordeum; radix petrosel. cichorium, & borrago bullierant.

Exterius illinatur hepatis regio manè & vesperi ante cibum, linimento parato ex cerati santalini Vnc. ij. succi cichorij Vnc. sem. succi absinthij Drach. ij. & aceti rosac. momento.

Ventriculi pariter regio hoc illinatur linimento.

℞. Ol. nardini, de absinthio, & cydon. an. Vnc. sem. galliæ moschi. ℥. j. ceræ albæ q. s. Fiat linimentum.

Præter remedia hæctenus proposita, quæ regularem, & methodicam curationem respiciunt; multa alia dantur specifica, & empirica, tam interna, quam

externa ; tum à practicis laudata , tum apud vulgus vſitatiffima ; è quorum infinito propemodùm numero , nos hîc ſelectiora proponemus. In horum autem remediorum album referenda ſunt ea , quæ ſuprà ad corrigendam prauam diatheſim, iecori, aut meſenterio impreſſam, & febres longas efficientem, ſunt propoſita. Quibus ſequentia cum fructu addi poterunt.

Ac primùm ſpiritus ſulphuris in tertiana legitima, vel ad legitimam plurimùm accedente , poſt venæ ſectionem , & purgationem , in vigore paroxyſmi , cum aqua portulacæ exhibitus, ardorem febrilem potenter extinguit ; & ſi humor ſit tenuis, eum per ſudores expellit, vt nouis paroxyſmis materia non ſuppetat, & ita interdum morbus radicitùs euellatur. Eius datur à ʒ.β. ad ʒ. j. cum aquæ portulac. Vnc. iv.

Aliquando verò dictus ſpiritus cum ſale abſinthij miſcetur , qui magnæ etiã eſt efficaciz ad curandas febres intermittentes. Compoſitio talis eſt.

℞. Salis abſinthij Drach. β. ſpiritus ſulphuris ʒ. j. aquæ card. bened. Vnc. iv. Miſce. Capiat æger inſtante acceſſione & poſtmodùm pluribus veſtibus tegatur.

Aliqui ſuccum plantaginis depuratum , & epotum ad Vnc. iv. per horam ante acceſſionem, tertianam febrem ſanare aſſerunt. Alij cum aceto , & croco exhibent in hunc modum.

℞. Succi plantag. Vnc. iv. aceti roſac. Vnc. ſem. croci gr. iij. Miſce, capiat duabus horis ante acceſſionem.

Manardus præ cæteris remediis commendat decoctum chamom. vel aquam eius deſtillatam, ad Vnc. iv. per horam ante acceſſionem exhibitam.

In vulgari vſu habetur , & ſæpe feliciter ſuccedit potiuncula , confeſta ex aquis roſarum , plantag. & aqua vitæ , ſingulis ad cochlearis menſuram, exhibenda ante acceſſionem.

Exteriùs verò sequentia vſurpantur.

℞. Fol. hyſſopi, & tanacetì minutin inciſor. ana P. j. myrrhæ Drach. ij. macis, nuciſ moſch. caryophyll. & cinam. ana Drach. ſem. terebinth. Venetæ, & ſucci tanacetì, an. Vnc. j. Miſce. omnia, & extendantur ſupra placentam roſaceam, frixam in ſartagine cum vino generoſo; quæ panno lineo inuoluta, applicentur calidè regioni ventriculi, per horam ante acceſſionem. Vel

℞. Abſinthij, & menthæ viridis, ana ℥. j. cruſtæ panis aſſatæ, & in aceto roſac. infuſæ ℥. β. pulpæ cydon. vel cydoniati cum melle conſecti Vnc. ij. maſtiches Vnc. ſem. macis & nuciſ moſchas. an. Drach. ij. Omnia piſtentur fortiffimè cum ol. cydonior. Fiat cataplaſma, quod calidè applicetur ante paroxyſmum; ſudorem prouocat, & ventriculi dolorem aufert. Vel

℞. Nuciſ Moſchatæ, caryophyll. & cinam. an. Drach. iij. myrrhæ & zibibis, an. Drach. ij. Fiaſ puluis, qui excipiatuſ pice liquida, & fiat emplaftrum, admo-
dum regioni ſtomachi.

Hepati quoquè ſequens cataplaſma vtiliter admo-
ueri poterit.

℞. Santali albi, & rubr. an. Drach. j. farinæ hordei Drach. iij. aloëſ ℥. ſem. flor. violar. & roſar. ſiccar. ana ℥. j. Cum ſucco abſinthij & aceto, fiat cataplaſma, applicandum regioni hepatis, horâ vnâ ante acceſſionem.

Neque omninò reiicienda ſunt ea remediâ, quæ vulgò carpiſ applicari ſolent. Non ſolùm enim hiſce vulgi opinio expletur, quòd pleroſque hiſce remediis ſanatos exiſtimet. Sed etiam aliquid præſtare poſſunt, vires ſuâs cordi communicando per arterias inſignes, quæ ad carpoſ decurrunt. Horum verò præcipua ſunt quæ ſequentur.

℞. Fol. plantag. & chelidon. maj. ana M. j. telæ araneæ, ſem. vrticæ, fuliginis camini, & ſaliſ com-

munis, ana Drach. j. aceti fortiss. q. s. Fiat cataplasma, applicandum carpis paulò ante accessionem, & ter, aut quater iterandum.

Auricula muris contusa, cum sale, & aceto, & carpis admota ante accessionem, maximæ à nonnullis creditur efficaciæ.

Ab aliis laudatur semperuium minimum, seu mam-milla muris eodem modo parata.

Alij folia bursæ pastoris cum sale & aceto trita commendant.

Platerus corticem interiorem ramorum nucis in aceto maceratum carpis applicat, & se fœliciter hoc remedio vsum testatur.

Alij denique vesicas excitantia, vt allia, cepas, ranunculum, & similia applicant; quæ minus tuta, & valdè incommoda sunt.

*2. fol. mil. & fol. ros. pr.
pule. bonbard. non q. s.*

C A P V T IV.

De febre quotidiana intermittente.

Quotidiana intermittens ita appellatur, quod il-lus paroxysmi singulis diebus repetant. In quo tamen cum duplici tertiana, & triplici quartana con-uenit, sed propriis signis ab iisdem distinguitur. Rariss-ima est hæc febris, atque ex sexcentis ægrotis feбри-les accessiones singulis diebus patientibus, vix vnus quotidianâ laborat.

Generatur hæc febris à pituita putrescente in pri-ma corporis regione. Ideoque ea omnia, quæ priuatam in corpore cumulare possunt, huius febris causæ esse possunt. Qualia sunt viscerum temperies frigida & humida, ætas senilis, aut puerilis; vita otiosa; tempus hyemale

Cap. II. De sympt. febr. putrid. comitant. 587
hyemale, alimenta frigida & humida, somnus longus,
& similia.

Signa dianōctica ea sunt, quæ pituitam in corpore
redundantem significant; ut corporis moles ampla,
mollis & obesa, color albus, aut pallidus, sensus he-
betes, somnus profundus, in somnia aquarum. Tum
hæc febris, ut plurimum nocturnis horis solet inuade-
re, idque sine rigore, sed cum frigore tantum, aut leui
horrore; quandoquidem materia benigna, & naturæ
non adeo infensa, minus ipsam laceffit; ideoque calor
non cum impetu, ut in tertiana, sed sensim ad interiora
reuocatur. Transacto frigoris tempore, calor segniter
accenditur, & inæqualiter, ut modò frigus, modò calor
sentiatur. Calor deinde mitis est; ac minimè deurens,
sitis exigua. Urinæ in principio albæ, tenues & crudæ:
in progressu verò crassiores, & coloratiores apparent.
Pulsus paruus, rarus & tardus. Præcordia intumescunt,
& magna ex parte inflantur ac distenduntur. Paroxyf-
mi ad 12. horas extenduntur, & non desinunt in inte-
gram ἀνύψιαν: quia hæc febris similis est igni in lig-
nis viridibus accenso, qui & tardè accenditur, & mul-
tū fumi relinquit. Aliquando paroxysmus ad 24. ho-
ras extenditur, & febris continua apparet.

Hæc autem signa plurimum euariant, & intensiora
vel remissiora apparent, prout pituita, vel simplex est,
vel aliis humoribus permixta; tum etiam pro varia
specie pituitæ putrescentis. Vnde ex Galeno *lib. de*
plenitudine, cap. 11. à pituita salsa, siticulosi; ab acida,
fameliciti; à dulci, somnolenti; ab insipida, inappetentes
fiunt. Sic etiam quæ ab acida, aut vitrea pituita fe-
bres producuntur, cum rigore solent inuadere.

Febris hæc perpetuò longa esse consuevit, ob mate-
riæ morbificæ crassitiem & contumaciam, & ad 40.
dies, interdum ad 3. aut 4. menses extenditur. Nec pericu-
lo

culo vacat, cum in cachexiam, hydrôpem, lethargum, aliôsq̃ue grauissimos affectus degeneret. Maior vel minor longitudo, ex crudiratis & concoctionis signis indicabitur, tum etiam ex euacuationibus, quas plerumque natura per vomitum, aluum, aut sudores molitur. Illæ enim apparentes; breuiorem morbum significant. Si verò natura nihil moliat, longiorem.

Quotidiana diurna periculosior est nocturna, ut docuit Hipp. 3. *Epid. sect. 5. text. 64.* Diurnam appellat, quæ interdiu incipit, & noctu intermittit; nocturnam contrà. Cuius prognostici ratio est, quia diurnæ longiores habent accessiones. Cum enim ad noctem usque extendantur, in qua densatur corporis habitus, fit ut vapores putridi intus retineantur, nec ita libere transpirent; unde longiores fiunt accessiones, & ut ipse asserit Hipp. ad tabem sæpissimè perducunt. Adde quod, cum intermissio noctu contingat, noctu etiam cibare ægrum cogimur, quod intempestiuum est, & ægrum vigilare cogit, quo tempore dormire deberet; unde plurimum læditur, debilitatur; totaque illius œconomia subuertitur.

Curatio eadem ferè adhibenda est, quæ in tertiana notha & diuturna fuit proposita. Ita tamen, ut inter præparantia humores, & obstructions aperientia, selegantur ea, quæ maiorem attenuandi & incidendi vim obtinent. Tum etiam in hac febre peculiaris ventriculi ratio habenda est, qui plerumque grauiter laborat; ideòque roborantibus tam internis, quàm externis reficiendus est. In primis autem maximè conducit cataplasma ex mentha & absinthio, in febris tertianæ curatione propositum.

Zacutus Lusitanus duo remedia proponit, quibus se febres pituitosas contumacissimas expugnasse gloriatur.

Cap. V. De febre quartana intermit. 589
rat. Vnum est decoctum chamæmeli, in hunc modum
compositum.

℞. Flor. chamæm. P. iij. comar. absinthij pontici
P. ij. Coque in lb. iij. aquæ, ad medietatis consum-
ptionem. Colaturæ adde sacchari albi ℥. iv. Capiat
manè Vnc. v. vel vj. singulis diebus.

Alterum est decoctum chinæ & guaiaci ad' xxv.
dies exhibitum; quod licet à Medicis timeatur in
cuiusmodi febribus, propter nimiam calefaciendi &
exsiccandi vim; maximè tamen commendatur ab iis,
qui de Indicis aromatis peculiare libellos scripsere.
Aduertendum autem est, Zacutum Lusitanum in re-
gione frigida & humida Medicinam exercuisse, vbi
tutius hæc remedia vsurpari possunt. Ideoque in alijs
calidioribus, non nisi corporibus valde pituitosis &
cachecticis exhibenda.

C A P V T V.

De febre quartana intermittente.

Quartana febris illa est, quæ paroxysmos habet
quarto quòque die recurrentes; fitque ab humo-
re melancholico in prima regione putrescente.

Humor autem melancholicus alius naturalis est, ex
crassiori & terrestriori alimenti portione genitus, fri-
gido & sicco temperamento præditus. Alius præter-
naturalis, ex bilis adustione oriundus, atque adeò ca-
lidus & siccus. Hinc duæ quartanæ species oriuntur.
Quæ enim à melancholia naturali fit, legitima quar-
tana nominatur; quæ verò à præternaturali, spuria.
Quamquam spuria etiam generari possit à melanco-
lia naturali, cum bilis portione admixta.

Rursùm

Rursùm febris quattana alia simplex est, alia duplex, alia triplex. Simplex est, cum vnus tantùm paroxysmus quarto quôque die contingit. Duplex vero, quando paroxysmi duo per duos dies continuos accidunt, tertius autem dies paroxysmo vacuus est. Triplex denique est, quando singulis diebus paroxysmi contingunt, quemadmodum in quotidianas, & duplici tertiana. Hæ autem duplices, & triplices quartanæ sũt ab humore melancholico in variis locis putrescente.

Signa diagnostica sũt primùm ea, quæ humorem melancholicum in corpore redundantem significant. Quibus addendus est quartanarius circuitus, tanquam signum pathognomonicum. Sed & forma paroxysmi, ab aliarum febrium paroxysmis diuersa, eius diagnosis constituit. Incipit enim cum oscitatione, pandiculatione, & grauitate totius corporis; quam sequitur frigus, postmodùm horror, & rigor, quo ossa confringit videntur: vnde dolor qui à quartanariis percipitur, *δονόπ* nominatur. Calor etiam paulatim accenditur in materia frigida & crassa. Pulsus rarior & tardior, quàm in reliquis febribus. Urinæ in principio albæ, tenues, & aquosæ in progressu verò coloratiores & crassiores redduntur. Teliæ autem signa in quartana legitima apparent. In spuria verò vehementia symptomatum maior, humorem tenuiorem, & calidiorem significat. Attamen non in eo solum spuria quartana à legitima distinguitur, quòd in illa calor, sitis, vigiliæ, & alia symptomata vehementiora sũt; sed etiam quòd legitima primò & per se affligere incipit, nulla alia febre prægressa. Spuria verò aliis febribus tum continuis, tum intermittentibus succedit, ex humoris adustione dictas febres committentis, qui per illam adustionem in melancholiam præternaturalem degenerat.

Duplex quartana per accessionum periodos facile dignoscitur.

diagnoscitur. Triplex verò à tertiana duplici, & quotidiana distinguitur, non solum signis humorem redundantem indicantibus, & paroxysmorum forma; sed etiam quòd antequam fiat triplex, apparuit primum simplex, aut duplex quartana. Nunquam enim, aut perquam rarissimè febris quartana à triplici incipit, sed simplex, aut duplex in eam degenerat.

Quod ad prognosim attinet, febris hæc longissima esse consuevit, & quæ autumnò incipit, ut plurimum tota hyeme perseverat, nec nisi accedente vere finitur. Imò nonnullæ ad annum, vnum, vel plures extenduntur. Æstivæ tamen breviores sunt. In omnibus autem perpetuo coctionis signa sunt attendenda, quæ eam brevi solutum iri significant; & cum his urinæ etiam nigrae bonis ægri rebus apparent.

Quartana legitima longior est spuria; quia hæc fit ab humore tenuiori, illa à crassiori.

Tutissima esse solet, præsertim legitima, nullo gravi alicuius visceris affectu comitata. Spuria verò periculosa est. Tum si hepar, alivæve pars præcipua, graue aliquod damnum patiatur, in hydròpem degenerat.

Senes qui sexagesimum ætatis annum superant, febre quartana affecti, ut plurimum moriuntur: quandoquidem calor eorum debilis materiam adeò contumacem superare non potest.

Febris quartana intermittens in continuam mutata, ut plurimum lethalis est. Quia fit mutatio illius febris, quæ foràs mouetur, in eam quæ intrò. Quod hyeme maximè contingit, dum excurrentibus succis frigus se opponit, eosque in intima corporis penetralia repercutit. Id etiam contingit medicamentorum purgantium acriorum, & vehementiorum intempestiuo usu. Inde enim ex simplicibus quartanis, duplices, triplices, & continuæ generantur.

Quartana epilepsiæ superueniens, eam soluit, iuxta Hipp. Aph. 70. sect. 5. *A quartana correpti non admodum conuulsionibus capiuntur. Si verò prius capiantur, & quartana superuenerit, liberantur.* Ratio autem huius rei est, quam proponit Gal. in comment. quia materia crassa epilepsiam efficiens, longo huius febris calore attenuatur & concoquitur. Necnon concussionem totius corporis, quæ in rigore fit, facilius excutitur. Addere possumus, prauos humores in cerebro, aliisque partibus, aut etiam in venis latitantes, ad hypochondria, & ignobiliore partes, ubi est quartanæ minera, transferri, & prædictas partes deserere.

Dysenteria febri quartanæ superueniens salutaris, iuxta sententiam Hipp. Aph. 48. sect. 6. *Lienosis difficultas intestinorum superueniens, bonum.* At in quartana ut plurimum lien malè afficitur, & melancholicus humor quartanæ, & lieni affecto communis est. Hoc tamen intelligendum est de dysenteria, quæ intra breue tempus finiatur: quæ enim longior est, lethalis esse consuevit, ut habetur Aph. 43. eiusdem sectionis. *Qui lienosi difficultate intestinorum corripuntur, iis superuenientem longam dysenteriam aqua inter cutem, aut leuitas intestinorum excipit, & moriuntur.*

Hæmorrhagia è naribus febri quartanæ superueniens, pessima est. Quia humor quartanam efficiens nequit per nares euacuari, propter crassitatem & frigiditatem. Et cum talis euacuatio symptomatrica sit, & diu perseverans hydropem accersat; statim cohibenda est, apertâ vniâ basilicâ, è qua sanguis putris emanat, cum è naribus purus excernatur.

Curatio quartanæ duplex instituenda est, ad duas illius species referenda. Longè enim diuersa esse debent quæ spuria, ab iis quæ legitimæ debentur remedia.

Atque ut à quartana legitima incipiamus, ad illius causam expugnandam statim animus conuertendus est, spretâ etiam ipsâ febre. Cùm igitur illius causa sit humor frigidus & siccus, crassus & terrestris, calefacientia, humectantia, & attenuantia vsurpanda sunt. Tum etiam opportunis temporibus materia peccâs erit euacuanda, quod tamen non nisi longo tempore præstari potest; propter summam humoris contumaciam, & morbi longitudinem. Antequam verò ea remedia in vsum vocentur, victus ratio idonea præscribenda est. Utatur igitur æger cibis boni succi, facilis coctionis, tenuis substantiæ, & mediocriter calefacientibus atque humectantibus, ut carnibus iuniorum animalium, & auium montanarum, ouis recentibus & forbilibus, piscibus saxatilibus. Conceduntur in statu & declinatione pisces saliti, cappares & oliuæ. Gal. 1. *ad Glauc.* etiam piper, & sinapi concedit. Ex herbis commendantur borrago, buglossum, pimpinella, spinacia, radix fœniculi, petroselinum, ac præ cæteris rapæ, quæ in aqua prius coquendæ, postmodum in iusculo pingui, quod quartanariis vtilissimum est. Crato *in consiliis à Scholtzio collectis*, se multos quartanarios curasse gloriatur secundo raparum decocto, cum saccharo, & butyro permixto. Ex fructibus poma, & pruna cocta, passulæ, ficus pingues, amygdalæ, dactyli, nuclei pinei. Ac denique ad condiendos cibos conueniunt, cinnamomum, nux moschata, crocus.

Abstineat ab iis alimentis, quæ crassa & tenacia sunt, ac tardiorem exitum habent, ut à carne porcina, bubula, ceruina, leporina, & auium palustrum. A leguminibus, brassica, pane furfuraceo, caseo, nucibus, castaneis; & carnibus multo sale conditis, aut fumo induratis. A fructibus, & oleribus crudis, aceto & omphacchio, quia humorem melancholicum fermentare cre-

duntur, quemadmodum omnia acida.

Potus sit vinum album optimè defæcatum, aut rubellum, tenue & oligophorum, cum aqua in qua cortices tamarisci, aut folia agrimonij maduerint; vel decocto salsa parilla, vel aqua hordei chalybeata.

Exigua sit alimentorum quantitas, quæ vires tantum conseruare valeat; nimia enim ciborum copia cruditates generat, quæ diuturnitatem febrî conciliant. Maxime verò parce bibendum est, cum nihil hanc febrem magis contumacem reddat, quam nimia potus & humidorum copia: iis enim lien repletur, ac distenditur. Crato potum omninò interdicat in paroxysmo, quod maxime conferre curationi asseuerat. Die paroxysmi æger cibandus est sex horis ante illius inuasionem. Postea verò nihil sumat, donec finitus fuerit. Somnus prolixior utilis est, quia humectat; vitandus tamen est initio accessionis. Levis exercitatio ante cibum diebus intermissionis confert, aut eius loco frictiones totius corporis, depositis prius alui excrementis. Aluus si spontè non fluat, glande, aut clystere excitetur. Hilaritas denique concilietur, mœstitia arceatur.

Institutâ in hunc modum victus ratione idoneâ, ab initio euacuatio levis instituenda est clystere infecto, & medicamento exhibito, Clyster in hunc modum parari poterit.

℞. Rad. buglossi Vnc. ij. herbarum quatuor emollientium, mercurialis, betæ, ana M. j. prunor. dulc. par. v. 4. sem. frig. maj. & anisi, an. Drach. ij. epithymi Drach. iij. Coquantur ad lb. j. sem. In colat. dissolue cathol. Vnc. j. olei violac. & chamæm. ana Vnc. j. sem. sacchari rubri Vnc. j. Fiat clyster, iniiciendus pridie sequentis potionis horâ commodâ.

℞. Sennæ mundat. ʒ. β. sem. anisi ʒ. j. fol. borrag. & fumar. ana M. j. liquirit. ʒ. iij. Coquantur ad ʒ. iij. In colat.

lat.dissolue mannæ, & syrupi rosac.ana ℥.j. Fiat potio.

Gal. 1.ad Glau. c. 11. præcipit, vt ab initio febris hæc blandis & benignioribus medicamentis tractetur; alioqui periculum est, si fortiora vsurpentur, ne ex quartana simplici, duplex, aut triplex, vel etiam continua efficiatur.

Post primam istam purgationem sanguis detrahendus est è basilica sinistra. Si tamen hepar affectum sit, è brachio dextro etiam detrahi potest. Ridendæque est eorum sententia, qui expectandam esse volunt concoctionem, vt sanguis mittatur, quod tunc temporis fluxilior & tenuior sit: Melius enim cōcoquitur, & præparatur, si prius quantitas illius imminuta fuerit. Neque etiam audiendi sunt illi, qui sanguinis missionem non admittunt in quartana, nisi illius redundantia per venarum turgentiam, aliaque signa apparuerint. Perpetuò enim ab initio est plethora ad vires, nisi quartana aliis febribus longis successerit. At summa commendatione dignum est Galeni præceptum 1.ad Glau. quo vult, vt si sâguis primò detractus niger & impurus appareat, maior illius copia educatur: si verò ruber & purus sit, parca manu detrahatur, neq; amplius phlebotomia iteretur. Dies accessionibus vacui sâguinis missioni, quemadmodum & purgationi, opportuni sunt. Nonnulli tamen ipso accessionis die sanguinem detrahunt, quinque aut sex horis ante inuasionem illius. Quod satis commodum est, cùm tunc temporis humores moueri incipientes, facilius educantur. Zacutus Lusitanus venæ sectionem in plenilunio celebratam plurimùm cōferre asserit. Tunc enim ob lunæ vim, humor ille terrenus ebullit, & fluxilior fit, promptiùsque venâ sectâ educitur. Hôcque remedio eo tempore celebrato plures leuatos, alios à morbo prorsus immunes euasisse testatur, qui pluribus aliis auxiliis non cesserat. Botallus verò

contra Galeni, omniumque Medicorum placita, phlebotomiam frequenter iteratam quartanam curare aſſerit, etiam quæ hydropem minetur, ſuamque ſententiam rationibus & exemplis confirmare nititur. Quæ tamen veluti paradoxa reiicienda eſt, cum per refrigeratione quæ toti corpori, multo ſanguine detracto, inducitur, materia morbiſica craſſior & contumacior euadat.

Hæmorrhoidum fluxus in febribus quartaniſ vtiliſſimus eſt, & multi quartanarij hæc évacuatione liberantur. Cum enim venæ hæmorrhoidales ſint rami venarum meſaraicarum, in quibus morbi huius materia continetur, dum aperiuntur, cauſam morbi proximam euacuant. Si igitur fluxus hæmorrhoidum contingat in iis qui ei aſſueti ſunt, impediendus non eſt. Si verò parciſior fuerit, adiuuandus. Tum etiam, ſi natura eò inclinare videatur (quod per ani pruritum, aut tumorem, aut guttas aliquot ſanguinis emanantes cognoſcimus) proritandus eſt affixis hirudinibus.

In quibus verò hæmorrhoides numquam fluere conſueuerunt, malleoli vena, poſt brachij phlebotomiam, vtiliter aperitur; vnde sæpè febris mox ceſſat, vel vt citiùs deſinat, vnà cum aliis remediis vſurpata efficere poteſt. Idque in primis, mulieribus quibus menſtruæ purgationes ſuppreſſæ ſunt, aut parciùs fluxere.

Apertio ſaluatellæ manus ſiniſtræ ab antiquis, & neotericis non paucis probatur, & quartanam curare dicitur. Ab aliis verò quamplurimis reiicitur, quòd nullâ ratione fulciatur, cum ſit ramus à venis brachij productus. Attamen cum pluribus experimentis à nonnullis celebretur, non omninò negligendam cenſemus. Alij autem in ipſo lunæ coitu aperiendam ſtatuunt. Alij verò inclinante lunâ, duabus horis ante acceſſionem, & per tres vices, tribus acceſſionibus conſequentibus, quod nonnullis fœliciter ſucceſſit.

Post primas illas euacuationes, humorum concoctioni & præparationi incumbendum est iulepis quibusdam in hunc, aut similem modum compositis.

℞. Rad. asparagi, brusci, cichorij, buglossi macerant. in vino albo, ana ℥. j. cortic. tamarisci ℥. β. fol. borrag. buglossi, ceterac. capill. ven. fumarie, chamædr. chamæpit. an. M. j. liquirit. ℥. j. flor. iij. cordial. ana P. j. Coquantur ad t̄b. j. β. In colat. dissolue syrupi byzantini, & capill. ven. ana ℥. ij. Fiat iulep. pro iv. dosibus matutinis, quæ etiam ulterius continuandæ sunt ad multos dies, materia enim contumax longâ indiget præparatione. Vel si æger sit delicatior, iuscula componenda sunt ex portione simplicium prædictorum, gustui gratiora seligendo, iisque vtiliter, tum etiam iulepis, cremor tartari addi poterit.

Præparantibus hisce remediis purgantia interferenda sunt, ut tertio, vel quarto quocunque die catharticum aliquod exhibeatur, hac cautione adhibitâ, ut quamdiu materia est valdè cruda, mitiora vsurpentur, incremente verò coctione paulò validiora. Purgantium autem materia notissima est, ut peculiari illius enumeratione non opus sit.

Vtile est aliquando apozema præparans simul & euacuans in quatuor, aut quinque doses præscribere, ut bona materiæ morbificæ portio educatur. Quod componi poterit ex materia iuleporum prædictorum, additis purgationibus. Attamen si humorum crassities & contumacia, cum frigida viscerum intemperie morbi longitudinem, & hydrôpem minari videantur; ad potenter incidentia confugiendum est, ex quibus apozema sequens componi poterit.

℞. Rad. s. aperit. in vino albo maceratarum, ana ℥. j. rad. enulæ camp. gentianæ, aristoloch. & asari, ana ℥. β. fol. chamædr. agrim. lupulor. borrag. ceterac. absin-

thij, & centaurij min. ana M. j. liquirit. raf. & passul. mundat. ana \mathfrak{z} . j. sennæ mundat. \mathfrak{z} . j. β . epithymi \mathfrak{z} . j. agarici recenter trochiscati \mathfrak{z} . iij. zinzib. & caryophyll. ana \mathfrak{z} . j. Coquantur ad lb. j. β . In colat. dissolue syrupi de cichor. compositi cum rheo \mathfrak{z} . v. trochiscor. de capparibus, salis absinthij, & tamarisci, ana \mathfrak{z} . j. Fiat apozema pro quinque dosibus matutinis.

In chronico hoc morbo obstinata perseverantia necessaria est, ut continua remediorum vicissitudo illius causam concoquat & expurget. Unica enim ferè hæc causa est, cur multi quartanarij incurati maneant. Siquidem post paucorum remediorum usum, tædio affecti reliqua prorsus abijciunt & dedignantur.

Ad diuturniorem igitur usum purgantia quædam vsualia habenda sunt, frequenter iteranda. Eaque in syrupi magistralis, aut pilularum vsualium, aut aliam quamvis formam concinnari possunt.

Syruppus magistralis ex materia apozematis, triplicata purgantium dosi, componi poterit.

Pilulæ vsuales ita præscribi poterunt.

\mathcal{R} . Aloës opt. succo absinthij diligenter nutritæ \mathfrak{z} . β . gummi ammoniaci in aceto soluti, & iterum inspissati \mathfrak{z} . ij. myrrhæ electæ \mathfrak{z} . j. β . turbith. gummosi & agarici recenter trochiscati, ana \mathfrak{z} . ij. diagrydij \mathfrak{z} . j. salis absinthij & tamarisci, an. \mathfrak{d} . ij. croci \mathfrak{d} . β . Cum oxymel. simpl. fiat massa pilular. de qua capiat \mathfrak{z} . sem. vel \mathfrak{d} . ij. bis in septimana.

Si æger calidiori temperamento præditus sit, sequentes pilulæ vsurpari poterunt.

\mathcal{R} . Polypod. quer. \mathfrak{z} . β . rad. asari, sem. genistæ, an. \mathfrak{z} . j. passul. corinth. \mathfrak{z} . crysalli tartari \mathfrak{z} . j. sem. flor. buglossi & borrag. an. P. sem. Coquantur in aquæ fontis s. q. De colat. optimè clarif. cape lb. sem. succi pomor. redolent. optimè depurati \mathfrak{z} . iv. In quibus infunde sennæ mundat.

dat. ʒ. j. turbith. & agarici, an. ʒ. iij. macis, caryophyll. ci-
nam. & epithymi, ana ʒ. j. Digerantur per quattiduum
in B.M. Postea colentur & exprimantur. Insuper adde
extracti aloës cum aqua endiuivæ & acetosæ parati ʒ. j.
myrrhæ in vino ad ignem dissolutæ, & colatæ ʒ. ij.
salis tartari ʒ. j. Euaporentur omnia, & inspissentur
ad lentum ignem, addendo sub finem specierum diar-
rhod. abbat. & lætif. Gal. ana ʒ. j. salis absinthij & ta-
marisci, ana ʒ. sem. extracti croci ʒ. sem. Fiat massa
pilular. ad vsum dictum.

Purgans etiam medicamentum valdè familiare, &
paratu facillimum, sed vtilissimum, componi potest ex
decocti absinthij ʒ. iij. in quibus sennæ ʒ. ij. infusæ
fuerint, sumendo per interualla.

Purgantia hæc medicamenta exhiberi solent pridie
paroxyfmi, quia ægri tunc temporis robustiores sunt.
Non pauci tamen ante paroxysmum ea exhibenda esse
contendunt, quia per accessionem agitata materia, fa-
ciliior ad expulsionem redditur. Hanc sententiam ful-
ciunt autoritate Hippocratis, *lib. de affectionibus*, qui
pharmacum deorsum purgans exhibendum esse vult
in ipsa apprehensione. Et quamvis ex Gal. sententia,
liber ille Hippocratis non sit, sed generi illius Polybii;
non tamen idcirco fidem ei derogandam esse volunt,
cum & Polybus ille vir doctissimus fuerit, & experien-
tia frequens huic sententiæ subscribat; provt ab Arcu-
lano, Gentili, Amato, Lusitano, aliisque proponitur,
qui horis quatuor ante accessionem exhibendum esse
medicamentum præceperunt. Quod tamen maxima
cautione, & Medici prudètia opus habet, cum inchoa-
tam euacuationem superueniens horror intercipiat, &
in accessione fiat humorum motus, pharmaci motui
contrarius; unde ingentes turbæ in ægrotantis corpore
excitari possunt. Ideo non nisi in robustioribus corpo-

ribus hæc methodus tentanda est.

Maior & communior est Medicorum consensus in vomitoriis medicamentis initio paroxyfmi exhibendis, quia natura eo tempore ad eam euacuationem magis prona est. Neque dubium est, vomitum in principio paroxyfmi excitatum, & pluries, cum paroxyfmi incipiunt, repetitum, mitiorem, breuioremque morbum efficere. Vomitoriorum materia in febris tertianæ curatione exposita est. In febre tamen quartana asarum reliquis præferendum est, ad ʒ. j. in puluer. radactum, & cum vino albo exhibitum, ac ter, aut quater repetitum.

Temporibus purgationum intermediis clystères frequentes iniiciendi sunt, qui naturam ad intestina humores noxios expellere assuefaciunt, & aliquid de materia morbifica in venis malaricis contrita sèsim educunt.

Perseuerante morbo, cum plerumque diuturnus sit & pertinax, interdum quiescere oportet, & à remediis per mensem, aut circiter abstinere; vt interea natura diuturno remedium vfu fatigata, sese recolligat, & humoris morbifici concoctioni incumbat. Postea verò ad præparantia & purgantia redeundum erit.

At verò in morbo diuturno iisdem perpetuò remedium formulis insistendum non est, ne iis natura assuescat, ægri verò nimio eorum tædio afficiantur. Tum quia à mitioribus ad validiora tum purgantia, tum aperientia transeundum est. Variæ purgantium formulæ supra propositæ sunt. Aperientia verò, præter iulepos & apozemata prædicta, sequentia in progressu morbi usurpari poterunt, concoctionis signis apparere incipientibus.

℞. Vini albi lb. iij. rad. enulæ camp. Vnc. ij. cortic. rad. cappar. ʒ. β. summitat. absinthij vulgaris sicci ʒ. j. Infundantur per triduum in B. M. Seruentur omnia simul, & huius vini capiat æger ʒ. ij. vel tres singulis diebus, manè horis duabus ante pastum. Sequentes verò pilulæ,
vel

vel seorsim, vel simul cū vino prædicto vsurpari poterūt.

℞. Rad. gentianæ 3. ij. aristoloch. rotund. 3. j. β. artemisiæ 3. j. bryoniæ siccæ 3. iij. myrthæ, & croci, ana 3. j. rad. asari 3. ij. aloës 3. j. Cum oxymel. scillit. fiat massa pilular. de qua capiat 3. j. singulis debus per se, vel paulò ante assumptionem vini prædicti.

Hiscæ pilulis chalybs præparatus vtiliter addetur, si æger post earum assumptionem deambulare valeat. Chalybis enim vsus in omnibus febribus chronicis vtilissimus est, obstructiones contumaces, quæ illas fouere solent, potenter dissoluendo.

Vel ad aperiendum simul & roborandum opiata sequens vtiliter præscribi poterit.

℞. Conseruæ rad. enulæ camp. conseruæ fol. absinthij, & capil. ven. ana 3. j. cortic. citri condit. 3. β. confect. alkerm. 3. iij. myrobalanos condit. num. ij. puluer. elect. diarrhod. abbatis 3. ij. salis absinthij, & tamarisci, ana 3. j. croci 3. ij. Cum syrupo condit. citri, fiat opiata, de qua capiat ad magnit. castaneæ, singulis diebus manè, duabus horis ante prandium. Vel si manè æger sumat alia remedia, poterit capere opiatam duabus horis ante cœnam.

Ad idem commendatur, tanquam remedium præstantissimum, extractum chamædryos, cum sale tamarisci permixtum, in formam pilularum.

His accedant discutientia & diaphoretica, quæ in declinatione morbi, ad illius reliquias discutiendas, apparentibus concoctionis signis, vtilissima sunt. Non solum enim dictas morbi reliquias discutiūt; sed etiam intemperiem longo morbo contractam corrigunt, habitum corporis malum emendant, ac ventriculum, hep. par, aliâque viscera, diuturnitate morbi debilitata, corroborant. Ex his primū locum obtinet theriaca, ab antiquis & neotericis ad hūc vsū commendata. Exhibe-

tur horâ vna ante paroxysmum 3.j. pondere, cum vino aut decocto chamædryos. Vel si nimia caliditas timeatur, cum decocto agrimonij, succo, vel aqua plantaginis. Reiterandum est medicamentum per plures paroxysmos. Potest etiam exhiberi manè extra paroxysmum per aliquot dies: Sed paulò ante paroxysmum fœlicius operatur; quia augmentum frigoris prohibet, humoremque febris causam, iam efferuescere incipientem, commodiùs discuti, & hoc modo paroxysmum vel imminuit, vel si materia paucior sit, prorsùs tollit. Hic tamen summa cautio adhibenda est, ne theriaca, vel similia medicamenta calidiora, cruditis temporibus exhibeantur; fundunt enim humores putridos, vnde confusio & febris incrementum; ita vt quartana simplex in duplicem & triplicem, imò verò continuam aliquando degeneret. Quemadmodum contigit Eudemo Peripatetico, vt refert Gal. lib. de præcogn. ad Posth. c. 2. & 3. In quo quartana simplex, exhibitâ à Romanis Medicis intempestivè theriacâ, in triplicem versa est. Postmodum tamen apparentibus concoctionis, signis, exhibitâ eadem theriacâ, à Galeno curatus est.

Ex aliis diaphoreticis, commendantur à nonnullis radices chinæ, salsæ parillæ, quarum decoctum primum, & secundarium per 20. dies exhibitum, contumaces quartanas interdum curat. Efficaciùs autem operatur, si decocto primario purgantia misceantur.

Alia etiam remedia ante paroxysmum exhibentur, quæ huic febri creduntur specifica, & versus declinationem usurpata sæpissimè paroxysmos inhibent, & quartanam curant. Horum autem præcipua hæc sunt.

℞. Fol. plantag. recentium M. j. acetosæ recentis M. ss. aceti & theriacæ, ana quart. j. Destillentur, & huius aquæ capiat æger 3. iij. dimidiâ hora ante paroxysmum. Vel

℞. Saccha

℞. Sacchari candi ʒ. iiij. zinzib. ʒ. ij. camphoræ ʒ. j.
Fiat pulvis. Detur ʒ. j. cum aqua calida.

Crocus in puluerem redactus ad ʒ. ʒ. cum vino albo
exhibitus ante accessionem, eam valdè imminuit.

Semen rutæ syluestis ante paroxysmum exhibitum
cum vino albo, curat.

Heurnius asserit, sequentibus trochiscis, vnicâ exhi-
tione, etiam hyemis tempore, multos fuisse liberatos
à febre quartana.

℞. Seminis rutæ, petroselini, myrrhæ & theriacæ
recentis, an. ʒ. j. opij ʒ. ʒ. Fiant trochisci parui. Dabis
vnum cum aqua ante paroxysmum. Narcotica equi-
dem eximiam vim habent ad cohibendum paroxys-
mum, Sed nisi maior humoris morbifici portio ante à
euacuata sit, & obstructions plurimùm imminutæ,
noxam inferre possunt; cùm humores vitiosos in cor-
pore retineant, & obstructions, aliósque morbos gra-
uiores generent. Attamen in exigua quantitate exhibi-
ta, & aperientibus, incidentibusque permixta, vt in
hisce trochiscis, minùs nocere possunt.

Ad cohibendum etiam paroxysmum, horâ vna ante
illius inuasionem, purgantia leuiora vtiliter exhiben-
tur, quæ sollicitando naturam potiùs, quam purgan-
do, humores reuellunt; eo nomine talia præscribi
possunt.

℞. Sennæ mundat. polypod. querc. thymi, epithymi,
ana. ʒ. j. flo. borrag. P. j. Fiat decoctio ad ʒ. iiij. Capiat
hora vna ante paroxysmum. Vel

℞. Sennæ mundat. ʒ. iiij. turbith ʒ. j. cinam. ʒ. ʒ. croci
& zinzib. ana ʒ. ʒ. sacchari ad pondus omnium. Fiat
pulvis, diuidendus in tres partes. Capiat vnam ante
paroxysmum cum vino albo.

Quercétanus in Pharmacopœa maximè laudat pi-
lulas de sagapeno Camilli, quorum vnam tantum ex-
hibet

hibet initio paroxysmi, continuando ad aliquot dies; & paulò post inūgendo spinam dorsi linimēto composito ex theriaca, aqua vitæ, & oleo laurino, vel de spica. Tum duabus aut tribus horis post pilularū deuorationem, exhibēdo iusculum, cum rad. aperientibus, borragine, buglosso, thymo, & pomo curtipendulo paratum.

Dictæ autem spinæ inunctiones, ad rigorem leniendum vtilissimæ sunt, & frequenter vsurpendæ, etiam si prædictæ pilulæ non exhibeantur. Sunt enim in frequenti vsu, quando rigor & vehemens & importunus est. Fiuntque huiusmodi inunctiones non solum ex prædictis, sed etiam aliis quamplurimis medicamentis; vt oleo anethino, chamæmel. irino, costino, rutaceo, de piperibus, aliisque calidioribus; cum aqua vitæ, theriaca, caryophyllis, castoreo, sinapi, pipere, aliisque permixtis. Efficacius autem operantur hæc linimenta, si horâ vnâ ante paroxysmum spina ad ignem inungatur; deinde æger in lectum calidum deferatur, & lateres calentes vino perfusi odorifero, ac linteis inuoluti, plantis pedum, volisque manuum admoueantur.

Dum prædicta remedia vsurpantur, lienis cura specialis habenda est, quoniam ea pars in hoc morbo perpetuò afficitur. Ideoque diu continuari poterunt fomenta, linimenta, & emplastra, quæ ad lienis obstructions vulgò præscribi solent.

Imò verò interdum balneum aquæ tepidæ post plures euacuationes apprimè conducit, non solum ad lienem emolliendum; sed etiam ad totum corpus humectandum, & concoctionem materiæ morbificæ adiuuandam. Diebus intermissionis vsurpari poterit, cauendo tamen diligenter, vt tepidum saltem administretur. Si enim calidius fuerit, periculum est, ne fusi humores in varias partes præcipitentur, & periculosissimos abscessus producant.

Denique

Denique non omnino negligenda sunt, quæ carpis admoueri solent, cum etiam non infimæ notæ autores illis aliquid tribuant. Rondeletius enim sequenti remedio magno cum successu se vsum esse asserit.

℞. Folior. sambuci, saliuæ, pedis columbini, rutæ, an. M. β. calthæ tertiam partem M. j. salis & vini parum. Omnia simul trita carpis admoueantur ante accessionem. Crato radices vrticæ contusas, & cum aceto maceratas brachiorum & pedum arteriis applicat. Et refert Sennertus, ciuem quendam, cum toto autumnus & hyeme quartana laborasset, tandemque acutissimos in sinistra scapula dolores persentiret, mulieris cuiusdam persuasum, ranunculum carpo applicasse, & pustula excitata, à febre & dolore liberatum fuisse.

Spuria quartana iisdem ferè remediis curari debet, quæ pro tertianæ curatione fuere proposita; addendo in decoctis iuleporum & apozematum, ea quæ humorem atrabilarium peculiariter respiciunt. His etiam accedere poterunt omnia remedia magis temperata & minus calefacientia, quæ pro quartana legitima hactenus fuere proposita.

Conuenient itaque in principio borrago, buglossum, fumaria, lupuli, acetosa, cichorium, ceterac. scolopendria, agrim. poma redolentia. Quorum decocta, aquæ stillatitiæ, & interdum succi depurati in iulepi, apozematis, aut syrupi magistralis forma præscribi poterunt.

In progressu verò prædictis addere licebit cortices radicum capparum, median. tamarisci, enulam campanam, polypod. absinthium.

Dum vitur æger hisce præparantibus, purgantia frequenter interiicienda sunt, eaque ysurpanda pridie accessionis, & bis in septimana iteranda. Ad hunc vsum

vsus variæ formulæ componi poterunt. Sed pro declarationibus ptisana laxans, syrupus de pomis Sapor seu compos. aut iusculum pulli, borragine, buglossa, & pimpinella alteratum, cum sennæ ʒ. iij. vel Vnc. ʒ. vtiliter vsurpari poterunt.

Venæ sectio non omittatur in principio, & sanguinis copia detrahatur, quæ sanguinis quantitati & qualitati, & ægotantis ætati ac temperiei convenire videbitur.

Si morbus in longitudinem abeat, ubi sanguinis feruor se remiserit, vomitoria vtiliter vsurpari poterunt, in iis præcipuè qui nauseam & vomitum in accessionem initiis patiuntur. Inter vomitoria febris quartanæ proficua, asarum (vt supra dictum est) principem locum obtinet, in vino albo ad ʒ. j. exhibitum, & pluribus vicibus repetitum, si vnâ, aut alterâ exhibitione morbus discussus non fuerit.

His accedent foci & linimenta hypochondriis adhibita, ad prauam viscerum diathesim corrigendam, (quæ nouam continuò accessionibus materiam suppeditat) humorémque valdè impactum emolliendum & attenuandum; quæ in hunc modum præscribi poterunt.

℞. Rad. althææ, lilior, enulæ camp. cortic. rad. caprar. & mediani tamarisci, an. ʒ. j. fol. maluæ, althææ, parietariæ, borrag. buglossi, pimpinellæ, absinthij, ana M. j. semi. lini, & petroselin. an. ʒ. ʒ. flor. chamom. meliloti, anethi, ana P. j. Fiat decoctio in tribus partibus aquæ, & vna vini albi sub finem additi, quâ foueantur hypochondria, bis in die, longè à pastu.

℞. Unguenti de althæa ʒ. j. ʒ. olei lilior. chamæ. rosacei & absinthij, ana ʒ. sem. Fiat linimentum applicandum post fotum.

Vel, olæ sola vtiliter apponuntur cum lana succida,

Ac denique balneum aquæ tepidæ, vel solius, vel in qua emollientia & temperantia bullierint, vt ex hordeo & amygdalis, vt vulgò solet fieri, ad hunc affectum expugnandum erit conuenientissimum. Siquidem viscerum intemperiem corrigit, atræ bilis siccitatem ac feruorem emendat, dura emollit, vias reserat & laxat, & crudos humores concoquit. Quapropter frequens illius vsus erit conuenientissimus, adhibitis cautionibus, quæ supra enumeratæ sunt.

Illius autem operatio maximè iuuabitur, si in ingressu balnei præparantia medicamenta, & obstructions reserantia exhibeantur. Inter quæ primas obtinet decoctum absinthij, & enulæ campanæ, quod omnibus humoribus contumacissimis præparandis accommodatissimum est, modò nimius viscerum feruor non contraindicet. Quo in casu aliorum supra enumeratorum admixtione temperari poterit.

Dum verò hæc fiunt, leues purgationes frequenter iterandæ sunt, vt supra monuimus. Et in vera declinatione, concoctionis signis apparentibus, etiam specifica in quartana legitima descripta, in vsum vocari poterunt.

In toto autem morbi decursu thoraci prospiciendum est, ne æger in tabem præcipitetur, humor enim peccans vim erodendi habet.

C A P V T VI.

*De febribus compositis, seu complicatis,
& speciatim de hermitriteo.*

GAL. lib. 2. de crisib. c. 7. & 9. lib. 2. de diff. febr. c. 7. & Auic. fen. 1. lib. 4. tract. 4. cap. 16. multas proponunt febrium

februm compositiones. Quatenus scilicet vel complicantur putridæ cum non putridis, ut dum hæcticæ putrida complicatur; vel putridæ cum putridis, idque pluribus modis. Nempe vel continuæ cum continuis, vel intermittentes cum intermittibus, vel intermittentes cum continuis.

Continuarum duarum compositio apud Authores controuertitur, & in praxeos vſu vix animaduertitur.

Intermittens complicatur cum altera intermittente, vel eiusdem generis, vel diuerſi. Eiusdem generis intermittentes compositæ ſunt tertiana duplex, aut triplex; item quartana duplex, aut triplex, quæ ſuis locis fuerunt expoſitæ. Diuerſi generis ſunt, quando tertiana cum quotidiana, aut quartana complicatur; quod etiam rariffimè in vſu practico obſeruare licet.

Intermittentes cum continuis duobus modis complicantur, nempe tertiana intermittens cum quotidiana continua; vel quotidiana intermittens cum tertiana continua. Et vtræque hemitritæus nominatur, quæ in duas ſpecies prædictas diuiditur.

Illam tamen verè & propriè hemitritæus eſt, quæ fit ex tertiana intermittente & quotidiana continua: atque adeò fit ex flaua bile extra, & pituita intra vaſa putreſcente. Ab Hippocr. & Gal. in 1. *Epid.* horrida nominatur, quia non ſolùm horrorem facit initio acceſſionis; ſed etiam toto morbi decurſu, & præcipuè in principio & augmento, coëuntibus in vnum duabus acceſſionibus, febris tertianæ ſcilicet & quotidianæ, cum multis reduplicationibus; quæ nihil aliud ſunt, quàm motus horridi inæquales, in eadem acceſſione certis interuallis recurrentes, ob mutuam pugnam duarum februm: In qua ſi pituita ſuperauerit, ſequuntur horrores, extremorumque perfrigerationes. Deinde

de verò vincente bile, corpus calefit, & febris ad vigorem tendere videtur; cum rursus redeunte ad pituitam victoria, denuò refrigerentur, horreantque: & pugna hæc durare consuevit, donec febris ad vigorem peruenerit. Hinc fit, vt alternis diebus tantum isti rigores appareant, dum scilicet paroxysmus tertianæ vrget, & cum quotidiana coniungitur.

Dum verò quotidiana sola vrget, nullus solet fieri horror. Notandum tamen est, quasdam reperiri febres malignas, quæ sine commixtione tertianæ & quotidianæ, sine vlllo concursu bilis & pituitæ horridæ sunt, in iisque horrores contingunt ex vaporibus acribus & malignis, qui ex materia corrupta febrium malignarum eleuantur, & partes sensiles feriunt ac vellicant.


Hæc autem semitertiana propriè dicta, vel exquisita est, in qua æqualis bilis & pituitæ putrescentis copia redundat, qualis iam descripta est; vel notha, quæ rursus duplex est. Vel enim bilem habet exuperantem, vel pituitam. In illa maiora sunt tertianæ symptomata, in hac quotidianæ. Atque ita si bilis exuperat, horridior fit tota febris, & aliquando rigorem sibi associat; tum feruidior fit huiusmodi febris, & aliquid bilis per vomitum, aluum, aut sudores excernitur. Pituita verò præualente, frigus vehementius extremas occupat partes, & pauci adsunt horrores; ac pulsus magis, & diutius comprimitur, tardiusque accessio inualefcit, ac longum post tempus consistit; non tamen aut sitim, aut magnum affert incendium,

Dignoscitur ista febris ex iis quæ dicta sunt; quod continua & horrida sit, cum multis reduplicationibus, maximisque symptomatis; quòd accessio diebus imparibus inuadat cum horrore: paribus verò cum

aliquo tantum frigore extremorum. Pulsus in ea frequens & inæqualis. Urinæ crudæ, tenues & decolores, interdum turbidæ sunt, cum nullo, aut malo sedimento. Differentiæ verò dignoscuntur ex iis, quæ proposita sunt, æqualem vel inæqualem bilis, & pituitæ quantitatem indicantibus.

Quod ad prognosin attinet, periculosa est ista febris, & in ea ventriculus, partēsque nervosæ plurimum afficiuntur. Et consuetudinem habet linguæ siccitatem, sitim, animi defectionem, vigiliam, & interdum delirium ac soporem. Inter acutos morbos, ratione bilis; & inter chronicos, ratione pituitæ, ab Hippocr. numeratur in 1. *Epid.* Et dicit Auic. ad mensem usque septimum interdum prorogari, necnon in morbos chronicos ac febrem hecticam interdum desinere.

Curatio huius febris ex iis desumenda est, quæ ad tertianam & quotidianam expugnandam necessaria sunt: Et cum continua sit, eâ methodo erit tractanda, quam ad omnes continuas putridas, *cap. 1. huius sectionis*, proposuimus. Ita ut bile magis dominante, ea quæ bilem respiciunt, magis vsurpentur. Pituitâ verò prævalente, eam præparantia & purgantia magis præscribantur. Ac denique utroque humore æqualiter redundante, utraque remedia pari proportionem misceantur.



SECTIO III.

De febribus pestilentibus.

P R Æ F A T I O.



VTORES ferè omnes qui de febribus scripserunt, febrem pestilentem à maligna distinguunt, ac de singulis deorsum diuersis tractant capitibus; ita vt febris pestilentis nomine veram pestem intelligant: malignam verò eam, quæ vulgò purpurata nominatur, aut quæ licet epidemica sit & contagiosa, minus periculosa est, ex eaque plures seruantur, quàm intereant: cum veræ pestis essentia in eo consistat, vt ex ea plures intereant, quàm seruentur. Attamen cum huiusmodi febres inter se differant tantùm secundum magis & minus, seu maiorem & minorem malignitatis gradum, & eadem methodo curatiuâ, eademque materiâ medicâ oppugnari debeant: conducibilibus nobis visum est, omnes illas febres in eodem capite includere, & generali febris pestilentis nomine donare. Atque ita sectio hæc postrema duobus absoluetur capitibus, quorum primum erit de febre pestilentis; alterum verò de variolis & morbilis. Cum enim iis febris maligna perpetuò adiuncta sit, meritò in hac parte ab omnibus Autoribus tractari solent.

CAPVT PRIMVM.

De febre pestilenti.

Febbris pestilens ea dicitur, quæ non intemperie sola aut putrido tantum calore, sed etiam malignâ & venenatâ qualitate infesta est. Hæc, ut plurimum, popularis & epidemica esse consuevit, ut eodem tempore quamplurimos homines eâ correptos videre liceat. Aliquando tamen sporadica est, ex prauis humoribus & venenatam qualitatem adeptis, oriunda.

Contagiosa etiam est, ita ut non solum ex causa communi, æris nempe, aut alimentorum vitio, sed etiam ægrotantium consortio, contrahi valeat.

Febris maligna etiam vulgò nominatur, cum pluri mi tamen morbi maligni & cacoëthes nominentur, ob praua & sæua symptomata, in quibus venenata qualitas nulla reperitur, in qua sola pestilentis morbi essentia consistit.

In quacunque igitur febre venenata illa qualitas reperiatur, seu diaria sit, siue hæctica, siue putrida, pestilens iure merito dicenda est. Quamuis diaria & hæctica valdè controuertantur, de quo videantur Autores.

Illam autem venenatam qualitatem ex humorum corruptione oritur, quæ non in simplici temperamenti immutatione, aut vulgari putredine consistit, qualis in febribus putridis reperitur; sed in totius naturæ, insitæque substantiæ destructione. Quemadmodum vinum dum in acetum conuertitur, omnimodam corruptionem patitur; dum verò in vappam commutatur, simpliciter putrescere censetur.

Differt autem febris pestilens à peste, tanquam species

ties à genere, quia pestis dari potest sine febre, vt docuit Hipp. 3. *Epidem. multis in locis*; tum etiam Gal. in *expositione eiusdem libri, & lib. 6. de med. facultatibus, cap. de terra Samia*. Quapropter ratio suffragatur, cum venenata qualitas non habeat necessario sibi adiunctam putredinem; à qua febris exoritur. Potest enim venenata illa qualitas produci in humoribus per integram substantiæ eorum corruptionem; & nouæ formæ introductionem; à qua dependet illa maligna qualitas. At certum est, quoties noua forma introducitur, priorem corrumpi, ad easque mutationes esse necessarias alterationes præuias, non autem putredinem: ideoque humores talem corruptionem pati posse citra putredinem. Quia tamen humores corporis nostri putredini maximè obnoxij sunt, rarò tantam corruptionem pati possunt, quin putredo etiam interueniat. Quapropter rariores sunt illæ pestes, quæ febrem non habent comitem. Imò verò per intensam, profundam, ac sordidam (vt vocant) putredinem; talis corruptio plerumque suscitari solet. Ita multæ febres, quæ à principio non sunt pestilentes; si Medici ignorantia aut negligentia, vel ægrotantium inobedientia, vel curarum externarum sæuitia malè tractentur, intensiori facta putredine, in malignas & pestilentes desinunt. Quòd verò sæpe corruptio putredinem præcedat, colligitur ex iis qui per contagium peste afficiuntur: in quibus maligna & venenata qualitas prius communicatur, eaque corrumpuntur humores, hancque postmodum corruptionem putredo subsequitur. Vnde fit, vt peste affecti primis interdum diebus febre careant, quæ deinde apparere incipit, cum putredo accenditur. Simile quippiam apparet in parte gangræna affecta, quæ prius corrumpitur, postea verò putrescit.

Fit igitur febris pestilens, quando humores corrupti

& venenatam qualitatem adepti ad putredinem deueniunt. Et sic illa duplici modo cor afficit, nempe calore putrido, & maligna qualitate.

Hæc autem humorum corruptio non semper est vni-formis, sed aliquando magis, aliquando minùs intensa est; & pro variis illius gradibus, venenata qualitas ex ea producta magis vel minùs perniciofa est. Vnde febrium malignitas maior vel minor exoriri solet. Hincque exorta est vulgaris distinctio febrium pestilentium apud Medicos, in pestilentem simpliciter vel propriè dictam, & malignam; pestilentem vocantes propriè dictam, in qua vera pestis, est quæve peculiarem hunc habet characterem, vt. ex ea plures intereant, quàm feruentur; malignam vero simpliciter appellantes eam, quæ minùs perniciofa cùm sit, ex ea plures feruantur, quàm intereant.

Febris pestilentis differentiæ desumuntur vel à materia, in qua venenata illa qualitas producitur; vel à loco, in quo eadem materia continetur. Et ita sequuntur febrium putridarum differentias, quæ ratione materiæ putrescentis diuiduntur in synochos, tertianas, quartanas, & quotidianas; prout materia putrescens est sanguis, bilis, melancholia, vel pituita. Ratione verò loci, in quo humores putrescentes continentur, in continuas & intermittentes diuiduntur; prout dicti humores in venis, vel extra venas stabulatur. Ita febres pestilentes, aliæ dicuntur synochi, aliæ tertianæ, quartanæ, vel quotidianæ; aliæ continuæ, vel intermittentes. Quamuis dixerit Hipp. *Aph. 43. sect. 4.* febres intermittentes periculo carere, quomodocumque intermiserint: quod tantum intelligendum est de iis, quæ nullius sunt malignitatis participes. Videmus enim singulis ferè annis, in hac saltem regione, febres tertianas intermittentes, quæ summæ malignitatis sunt participes, tertiâ, vel quartâ

quartâ accessione ægros de medio tollere : alias , quæ eos in grauissimum vitæ discrimen coniiciunt maxima symptomatum sæuitia.

Aliæ sumuntur febris pestilentis differentiæ ab intenso , & remisso ; provt scilicet aliæ sunt maiores, aliæ minores ; aliæ maioris, vel minoris malignitatis participes. Maiores, vel minores simpliciter dicuntur, provt maior, vel minor est putredo, tum calor præter naturam ex ea emergens, intensior aut remissior est. Maligniores verò aut benigniores, pro maiore, aut minore qualitatis venenatæ intensione. Hinc fit vt aliquando febris pestilens habeat summam putredinem, & malignam qualitatem in summo positam : tumque sæuissima esse consuevit, in eaque ratione malignæ qualitatis, facultas vitalis maximè affligitur : ratione verò summæ putredinis ceteræ quoque læduntur facultates, sæuæque subsequuntur symptomata. Aliquando verò in hac febre putredo est summa , & maligna qualitas remissa ; tumque febris molesta est ratione putredinis , vitalis autem facultas minùs affligitur. Contra aliquando putredo remissa est, praua verò qualitas intensa : tumque febris ratione putredinis non ita praua profert symptomata, & remissior apparet , vires tamen magis labefactantur. Quandoque enim ita remissa est putredo , vt ferè nulla sit ; maligna verò qualitas admodum intensa : tumque fit febris, quæ nec ægro, nec astantibus videtur molesta ; sed mitis omninò primo aspectu videtur , cùm tamen exitialis admodum sit. Adaucta enim maligna qualitate vires deiciuntur, còrque omninò obruitur. Hæcque non solum ægris & astantibus, sed etiam ipsis interdum Medicis imponit ; cùm nullo nec cruditatis, nec prauitatis humorù signo præsentè, pulsu etiam in statu ferè naturali còstituto, & corporis calore ad tactum, prima fronte, miti ac blando apparente, ad interitum ducat.

Simile quippiam in prima etiam differentia solet contingere, cum scilicet summæ malignitati coniuncta est. Eiecta enim opportunis remediis putredine, ac signis futuræ salutis apparentibus: mors tamen interdum à non correctâ maligna qualitate subsequitur.

Ac denique differentiæ febris pestilentis desumuntur ab adiunctis: eæque plurimæ sunt & euidentissimæ. Nullum enim est paruum symptoma, nec vllum morborum exitialium genus, quod cum hac febre interdum non coniungatur. Symptomata sunt, dolores capitis, vigiliæ, deliria, sopores, sitis, nausea & vomitus, appetitus deiectio, syncope, virium languor, singultus, inquietudines, alui fluxus, sudores, & similia, quæ aliis etiam febrium generibus sunt communia.

At vnicum datur symptoma, febris pestilenti proprium & peculiare, quod in reliquis febribus non contingit; maculæ nimirum purpureæ in toto corpore, ac præcipuè lumbis, pectore, & dorso apparentes, moribus pulicum plerumque similes, quæ peticulæ, seu petechiæ ab Italis vulgò nominantur; & febres hoc comitatæ symptomate, purpuratæ, seu petechiales appellantur. Neque enim in omnibus febribus pestilentibus apparent huiusmodi maculæ purpureæ; sed quando apparent, febris pestilentis indicium præbent certissimum. Purpureas autem maculas nominauimus, quia vt plurimum colore purpureo infectæ sunt. Non raro tamen violaceæ, virides, liuidæ aut nigræ apparêt, & tunc longè deteriores sunt, maioremque malignitatem significant. Licet autem vt plurimum huiusmodi maculæ pulicum moribus similes sint; maiores tamen aliquando sese produnt, vt referant vibices, seu liuores flagellis inductos; tumque deteriores sunt. Aliquando verò amplissimæ sunt, & partes integras, magnamque corporis partem; brachia nimirum, crura,
vel

vel dorsum occupant : tumque partes rubore infectæ apparent; qui intra paucas horas sæpe euanesceat, atque iterum reuertitur, quasi per paroxysmos, dum febris suas patitur exacerbationes; in quibus sanguis ebulliens, ad superficiem corporis exhalationes tenuiores emittit; à quibus nulla fit cutis eleuatio, sed ea tantum rubro colore inficitur. Non raro tamen ex huiusmodi ebullitionibus cutis in variis partibus eleuatur cum rubore quodam: & tumores quosdam in cute efficit molles & latos, qui intra paucas horas euanescent, & vulgò ebullitiones sanguinis nominantur. In his atque prædictis est semper aliqua malignitas, sed ita leuis, vt nullum minetur periculum, nisi morbi progressu intensior euadat. Differunt autem maculæ prædictæ, pulicum morsibus simillimæ, ab exanthematis, quæ etiam in huiusmodi febribus interdum apparere solent, eaque annotauit Hipp. in *Epidemiis*; habentque eminentiam, & sunt de genere tumorum, qui ad suppurationem, vel exulcerationem quandoque deueniunt. Maculæ autem purpureæ nullam (vt dictum est) habent eminentiam, & antiquis incognitæ, posterioribus tantum sæculis à recentioribus descriptæ sunt.

Quod ad morbos attinet, qui cum febre pestilenti coniunguntur, idem quod de symptomatibus dictum est, affirmare licet: plurimos nempe morbos exitiales cum his febribus cōiungi, nempe phrenitides, anginas, pleuritides, peripneumonias, hepatis inflammationes, dysenterias, aliósque quamplurimos. Sed præcipui morbi, qui in febre pestilenti reperiuntur, duo sunt, nempe bubo pestilens & carbunculus, qui intensissimam esse indicant venenatam qualitatem, & non nisi in vera peste reperiuntur, eamque vt plurimum comitari solent, ita vt ipsius pestis nomine apud vulgus indigitari soleant.

Causæ febrium pestilentium aliæ sunt internæ, aliæ externæ. Internæ aliæ immediatæ, aliæ mediatæ.

Immediata huius morbi causa (vt antea monuimus) est corruptio humorum cum putredine coniuncta. Ex corruptione prauam & venenatam acquirunt qualitatem, ex putredine verò febris generatur.

Causæ verò mediatæ sunt plethora, cacochymia & obstructiones. Plethoram autem non ad vasa, sed ad vires intelligimus, quæ cum non ita à natura regantur, facile corruptionem & putredinem concipit. Cacochymia verò seu prauorum humorum copia, facile corrumpitur atque putrescit. Obstructiones denique omnia febrium genera producere aptæ sunt: quatenus humores in loco calido & humido conclusi, si non libere transpirent, facile putrescunt. Causæ internæ mediatæ ab authoribus vulgò morbosus apparatus nominari solent; & tanta est illius efficacia, vt solus interdum febrem pestilentem remissiore, quæ maligna simpliciter, aut purpurata vulgò nominatur, producere valeat, absque causæ externæ & communis interuentu. Videmus enim sæpe in constitutione minime epidemica, & nullo morbo populariter grassante, quosdam ex praua humorum conditione febribus hisce correptos, quæ multis malignarum febrium symptomatis, etiam maculis purpureis, stipatæ sunt.

Circa obstructionem hoc aduertendum, eam quidem necessariò concurrere, tanquam causam præcipuam in febribus malignis, quæ fiunt à causis internis, & sporadicæ sunt. Epidemicas verò, quæ fiunt à causa communi, pestilenti scilicet aëris statu, vel per contagium generantur, non necessariò talem habere causam. Ex sola enim aëris corrupti inspiratione, vel ex solo contagio concipitur venenata qualitas, qua humores corporis à propria natura deflecentes, sponte in putredinem

nem dilabuntur. Quemadmodum enim fructus horarij, aliæque res faciliè putrescibiles, licèt maximè perflectantur, à putredine tamen vindicari non possunt: sic etiam humores, cum qualitatem illam perniciosam conceperint, proclives in putredinem redduntur: ita ut, etiamsi nulla sit præsens obstructio, in putredinem ac febrem necessariò incidant. Attamè inductâ hoc modo in humores putredine, cum à illi natura amplius non regantur, obstructiones plerumque generare solent, quibus febris intenditur; sicque in his febribus obstructio concurrat, quæ licèt ab initio causa febris non fuerit, subsequitur tamen, & à causis labe pestilenti infectis fouetur.

Causæ externæ febrium pestilentium sunt sex res non naturales, quæ ut necessariæ sunt, ita necessariò corpus nostrum alterant: & quando à statu naturali valdè recedunt, malignas & venenatas qualitates in nobis generant. Et his principem locum obtinet aër ambiens: qui prout causa communissima est, ita morbi communes ab illius vitio ut plurimum exoriri solent.

Vitiosus autem fit, hominibûsque noxius triplici potissimum ratione. Prima, si salubribus ventris non diffletur. Secunda, si putrium ac foetidarum exhalationum inquinamento polluitur. Tertia, si primarum qualitatum excedente, vel præpostera conditione ita homines afficiat, ut inde prauæ & malignæ humorum putredines generentur.

Prima satis euidens est. Si enim aër non diffletur, & ventis agitetur, faciliè corrumpitur. Vnde Hipp. 3. *Epid.* pestilentem constitutionem grauissimam describens; *sine aura*, inquit, *usque annus hic fuit.*

Secunda verò efficacissima est & frequentissima, quando scilicet putridi, terri & maligni vapores aëri commiscantur, cumque inficiunt, qui à variis rebus excitari

citari solent, stagnis videlicet, lacubus, paludibus, piscinis, aliisque locis quietis, aut cœnoso humore refertis, vel in quibus linum, aut cannabis maduerit. Vel ex cloacarũ, sterquiliniorum, & angiportuum fœtore, Vel à strage cadauerum insepultorum; vel ex antris, & specubus, in quibus aër diutissimè conclusus fœdamentum acquisiuit putredinem; terræ motu, aut alio casu apertis.

Tertia verò ratio, quæ in primarum qualitarum excessu, inæqualitate, vel præpostera conditione consistit, variis modis potest contingere, ac præcipuè quando in caliditate & humiditate plurimùm excedit. Illæ enim qualitates quando extraneæ sunt, & aduentitiæ, ac supra statum naturalem auctæ, sunt principia putredinis. Hinc constitutio austrina, per anni tempestates diu perseverans, apud Hippocratem in *Epidemiis*, fuit causa præcipua omnium febrium pestilentium, quæ ibi describuntur.

Sicca verò aëris constitutio, licet ex sententia Hipp. sit humidiori salubrior, quia tamen omnis qualitarum excessus naturæ nostræ inimicus est, certum est sicciorē constitutionem valdè excedentem & extraordinariam, febres pestilentes producere, præsertim si cum caloris excessu iuncta sit. Huius exemplum habetur luculentum apud Liuium *lib. i. dec. 4.* ob nimium scilicet squalorem Romæ pestem fuisset factam, quòd siccitate eo anno plurimùm laboratum fuerit, neque cœlestes modò aquæ parcè descenderint: sed terra quoque ingenito humore egens, vix ad perennes aquas suffecerit. Hæc autem sicca constitutio eatenus febres pestilentes inducit, quòd humores supra modum exusti in anthracum, carbunculorum atque adeò pestilentis febris materiam degenerant, & admodum inspissati graues obstructions produçunt, ex quibus maligna putredo

In materia alioqui disposita facile generatur. Adde quod immodica hæc aëris siccitas fruges corrumpit, debitam iis denegans maturitatem; cum videlicet eas e terra citius euocat, nutrimentum dein vberius, post parcius largitur, unde inæqualiter concoquuntur, cum extrinsecus sint adustæ, intrinsecus verò adhuc planè crudæ, instar carnum nimia ignis violentiâ adustarum: & sic indigestionis, variarumque cruditarum causa existunt.

Frigiditatem etiam immodicam pestilentes febres producere probatur ex Hipp. 1. Epid. sect. 5. tempest. 2. quo loco inquit. *In Thaso paulò ante Arcturum, & sub Arcturo multa & magne spirante Aquilone pluuia. Vbi ex nimia frigiditate, illius tempestatis venenositate & malitiâ venatur.* Tum apud Liu. lib. 5. dec. 1. pestilentem constitutionem à vehementi frigore exortam legere est, his verbis. *Insignis annus hyeme gelidâ ac niuosâ fuit, adeò ut via clausa, Tiberis innauigabilis fuerit. Tristem hyemem, siue ex intemperie cœli raptim mutatione in contrarium factâ, siue alia de causa, grauis pestilensque omnibus animalibus æstus excepit.* Et huius euentus ratio in promptu est, quod nimirum prohibito naturali effluxu, ex cutis densitate ob ambientis aëris frigus facta, maiorem fieri putrefactionem contingit, & grauius venenum; hincque periculosiores febres, quàm æstiuis temporibus, in quibus ipsa aëris conditio, licet quodammodo præstet mali principium, meatus tamen reddit patientiores, per quos facile quod putrescit, exhalat, & naturales ac præternaturales effluxus promptè expirant.

Inæqualitates temporum harum febrium causæ esse consueuerunt; quando scilicet modò calor modò frigus, modò siccitas, modò humiditas sibi inuicem succedunt, vel frequenter recurrunt, vel diutius durant. Ut quando post diuturnos æstus, frigus glaciæ irritat, vel

vel post longas pluuias extrema siccitas inboritur, aut contrà. Vel cum præpostero ordine in hyeme calet, aut friget in æstate. Hæ autem temporum inæqualitates ad febrium pestilentium generationem conferre possunt; quia in iis maxima fit humorum conturbatio, ex qua prauam acquirunt conditionem, & à naturali statu valdè alienam, morbisque malignis producendis idoneam, in illis præcipuè corporibus, quæ per illorum temporum decursum, ex praua victus ratione plethoram, cacochymiam, vel insignes obstructions contraxerunt.

Ad hoc etiam causarum genus, æris nimirum vitium, referuntur maligni syderum influxus, qui ærem immutando variis modis corpora viuentium afficere consueuerunt. Huiusmodi esse aiunt coïtum planetarum superiorum, Saturni, Iouis, & Martis in signis humanis, qualia sunt Virgo & Gemini, ac tū potissimum, cū Mars dominatur. Ab iis autem morbi inferuntur non alia ratione, quàm per æris muntationem, quæ tanta esse debet, vt illius naturam ac substantiam corrumpat. Illa verò immutatio duobus modis fit; vno per qualitates manifestas, quādo scilicet à syderum influxu ær ad caliditatem & humiditatem, aliòsque primarum qualitatū excessu tantoperè & tam diū immutatur, vt inde tandem in propria substantia vitiosus enadat: Altero per qualitates occultas, quando scilicet ab occulta syderum vi, absque insigni primarum qualitatū excessu, æris substantia ita immutatur, vt certū quendam corruptionis gradum acquirat, vitæ nostræ inimicum. De primo nullus dubitat, cū ex communi Philosophorum consensu satis constet, hæc inferiora gubernari à superioribus constellationibus. Et quemadmodum æris alterationes, quæ in quatuor annis temporibus cōtingunt, ab annuo solis motu oriuntur: sic maxima

xima annorum diuersitas, quâ vnus valdè humidus, alter valdè siccus existit, cùm sol eundem singulis annis in Zodiaco cursum teneat, non potest nisi à variis syderum aspectibus dependere. Alter verò modus, quia occultus est, non æquè facilè ab omnibus conceditur. Attamen communi Astrologorum sententiâ sancitum est, astra triplici ratione agere in hæc inferiora, motu, lumine, & influenza. Motus & lumen hæc inferiora alterant secundùm primas qualitates & præcipuè calorem. Influentiæ verò, tum primas illas qualitates (frigiditas enim v.g. quæ inducitur à Saturno, non potest à motu & lumine dependere) tum etiam latentes & occultas qualitates inducunt. Cùm enim morbi pestilentes sæpe eueniât, nullâ factâ in aëre quoad primas qualitates, insigni mutatione; sed iis grassantibus aër purus admodum appareat, & purior interdum, quàm in aliis constitutionibus non pestilentibus; neque præcesserint tempora admodum calida & humida, ex quibus insignes putredines solent exoriri; coniiciendum est à maligno quodam syderum influxu morbos istos pestilentes originem traxisse. Adde quòd pestes in media hyeme sæuire soleât, quas nulla in primis qualitatibus insignis alteratio præcessit. Tunc enim occultis syderum viribus huiusmodi morbi assignandi sunt, cùm illa, ex Astrologorum sententia, vim habeant corrumpendi aërem, non facta in eo insigni aliquâ mutatione secundùm primas qualitates. Et illud est diuinum in morbis, quod agnouit Hippocrates, & Galeno interprete, in aëre quidem est, sed à cœlo & minus manifestis causis producitur. Tum etiam ab eodem Hippocr. innuitur 2. Epid. sect. 1. quando dicit, *morbum & tempus sibi inuicem correspondere, nisi quid in superiori natura innouetur.*

Neque obstat, quod ex Platonis sententia in Epinomide

mide adducitur, nempe cœlum & syderum concursus semper bonum in hæc inferiora influere, ab iisque non nisi conseruationem ac beneficium inferri. Et Arist. 9. Metaph. c. 10. dicit, in his quæ sempiterna atque ætherea sunt, neque malum, neque errorem, aut corruptionem inueniri. Auerrhoës verò 1. Cœli, c. 24. Corpora, inquit, cœlestia continent elementa, conseruant ipsa, & vniuersaliter sunt eis quasi forma. Vnde colligitur, non posse eadē veneno & maligna qualitate afficere. Adde quòd, si ex astrorum influxu morbi pestilentes excitarentur, illi eodem tempore mundum penè vniuersum afficerent, cū illi influxus causæ vniuersales sint, & cœlorū circumactione omnes mūdi plagas afficiāt. At huiusmodi morbi aliquam tantū regionem peculiariter inuadūt. Ac denique si astra dicerentur malefica, Deus qui ea creauit, autor maleficij dici posset, quod est impietate plenissimum.

Hæc, inquam, propositæ veritati nihil officiunt, iisque in hunc modum satisfieri potest. Omnes substantiæ creatæ duobus modis considerantur; vel quatenus entia sunt, & ad complementum vniuersi, & perfectionem concurrentia, & tunc omnia bona sunt; ens enim & bonum reciprocantur, nihilque à Deo opt. max. omnium bonorum autore creatum est, quod malum simpliciter dici debeat. Vel considerantur ratione operationum, & tunc possunt dici malæ, quatenus alteri creaturæ damnum inferunt, ex insita antipathia, & inimicitia. Quamuis autem huiusmodi antipathia penè innumeræ in mundo reperiantur, non desinunt tamen omnes dici bonæ, ratione sui auctoris, nimirum Dei; & ratione vniuersi, cuius perfectio in varietate potissimum consistit. Præterea rerum creatarum operationes duobus modis malæ dici possunt; absolute & simpliciter, vel secundum quid. Absolute malè dicuntur.

rum, quando omni tempore, in omni loco, & occasione perpetuò malum efficiunt. Et nulla potest reperiri creatura, quæ in hoc sensu mala sit. Secundum quid malæ dicuntur, quando vni nocent & alteri prosunt. Et sic nihil adeò noxium reperitur in rerum natura, quin ex alia parte suos etiam habeat vsus, quorū gratiā creatum est. Sic omnia venena, quamuis homini, aut aliis animalibus noxiosissima, tamen conuenienter vsurpata, multa bona & cōmoda iisdem afferre solent. Et in re medica nullum ferè reperitur adeò lethale venenum, quin ex eo artis peritiā, salutare medicamentū eliciatur. Ac denique astrorum actiones in hæc inferiora duobus modis considerantur, vel respectu totius mundi sublunaris: elementa omniaque mixta continentis: & tunc cœlorum ac syderum actio simpliciter benefica est, generans, conseruans, viuificans, omniāque alia beneficia præstans, quæ ad conseruationem vniuersi necessaria sunt. Et in hoc sensu verissimum est, hæc inferiora à cœli syderūque influxu foueri ac conseruari. Vel considerantur respectu peculiaris naturæ; ac conditionis huius, vel illius elementi, huius, vel illius viuentis. Et tunc nullum est inconueniens dicere, dari quosdam influxus alicui elemento, vel viuenti, hoc vel illo modo secundum aliquam sui partem affectis, noxios atque perniciosos quod quidem ex ipsorum astrorum vitio minimè dependet (sunt enim perfectissimæ cuiusdam naturæ) sed potius ex rerum his subiectarum imperfectione, quæ insignem mutationem sine propriæ substantiæ corruptione pati minimè possunt. Variæ autem illæ astrorum naturæ, & variæ qualitates, ex vario eorum concursu in hisce inferioribus productæ, à summo rerum opifice constitutæ sunt ad conseruationem vniuersi, quod tamen variis, & tam inuicem repugnantibus naturis conflatum, tanta etiam in astrorum

influxibus diuerſitate indiguit, vt omnia in quodā velut æquilibrium conſeruariet. Ex qua tamen influxuum diuerſitate vix fieri poteſt, quin aliqua rerum adedò inter ſe diſſimarum particula interdum patiatur, non in tota aliqua ſpecie (quod tēderet ad deſtructionem vniuerſi) ſed tantum in aliquibus indiuiduis, minori reſiſtentia præditis & vtplurimum malè affectis, & in aliquā tantum æris parte maligni influxus receptioni magis diſpoſita. Vnde concludendum eſt, ea vitia præcipuè dependere ex defectu rerum inferiorum. Si quidem multa loca videre eſt adedò perfectæ æris conditione, & æquabili hominum temperie donatā, vt quantumvis maligni aſtrorum cōcurſus influant, nunquam tamen peſtifera lue tententur.

Ad idem cauſarum genus referri ſolent luminarium defectus, & eclipses, inſolita meteora, & præſertim cometae, qui nunquam apparere ſolent, quin morbi epidemici ac peſtilentes, variæque in mundo mutationes ſubſequantur, prout multarum hiftoriarum experimentis confirmatum eſt. Vnde ille peruulgatus Claudiani verſiculus,

In cælo nunquam ſpectatum impunè cometem.

Cuius rei teſtis luculentiffimus fuit cometa ille crinitus, qui anno 1618. verſus Orientem apparuit die 27. menſis Nouemb. & deinceps toto ferè menſe Decemb. conſpectus eſt mobilis, & fulgidus. Illius pars denſior, & ſolidior ſoli obuerſa ortum intuebatur, & tum claro ſplendore, tum magnitudine in arcum compacta & conglobata Venerè longè ſuperabat. Reliqua eius pars tenuior, minùs à ſole illuſtrata propter tenuitatē ſuam, in barbæ protenſæ modum diſfuſa procedebat, & verſus occaſum porrigebatur. Primùm apparuit hic cometa ſub Libra circa Æquatorem; ſed primario peculiari motu inde ſerebatur ad ſeptentrionem per per-

des Virginis, per medium Bootem, & caudam Vrsæ maioris. Ac tandem paulatim decresciente lumine, dissipata materia disparuit inter Vrsam maiorem, & Draconem. Motu communi syderum ferebatur ab ortu ad occasum, sed paulò velocius stellis moueri videbatur. Nam primis apparitionis suæ diebus oriri solebat paulò ante horam quintam matutinam, postea verò hora quarta & ante quartam oriebatur, atque ita deinceps donec mediam noctem & concubitum ortu suo anteuerteteret. Hunc verò cometam morborum malignorum, & pestilentium, nec non etiam bellorum, quibus vniuersa penè Europa hæctenus deuastata est, præsagum ac prænuntium fuisse; credere non alienum est.

Quamuis autem aër inter causas mediatas febrium pestilentium & malignarum principem locum teneat: certum tamen est alias res non naturales ad earundem generationem concurrere, prout iam breuiter & sigillatim exponere aggredior.

Secundum post aërem locum obtinent alimenta, quandoquidem ex praua victus ratione contrahitur morbosus apparatus, qui est causa sine qua non, & efficiens interna febrium malignarum & pestilentium. Vnde à Gal. lib. de cibis boni & mali succi, & I. de diff. febr. cap. 3. ex prauis aut corruptis alimentis morbos pestiferos exoriri demonstratum est. Illa autem alimenta praua dici consueuerunt, & horum morborum causæ multis nominibus.

Primò quidem, quando fructus terræ, & arborum, ex praua anni constitutione, putà humidiori, vel sicciori; vel ex nebulis corruptis, à cœnosis putridisque locis emissis; vel aliqua tempestate: aut maligno denique syderum influxu corrupti, prauos succos ingest producant.

Secundò, quando magna adest annonæ caritas & penuria: vnde vulgare illud, ὁ λοιμὸς μετὰ λιμὸν, *pestis post famem*. Tunc enim inops plebecula vilioribus, prauisque alimētis sese implere cogitur, vnde praua exoritur cacochymia. Et quod multò deterius est quando penuriæ copia illico succedit: sese enim tunc multis cibis subitò ingurgitant, qui à languente partium calore rectè concoqui nequeunt, & inde malignam contrahunt putredinem.

Tertiò, quando alimenta quæ natura sua bona sunt, aliqua ratione putredinem quandam, aut prauam qualitatem acquirunt. Talia sunt triticum, hordeum, legumina, & aliæ fruges, quæ vel diutiùs asseruatæ, vel malè expositæ in loco humidiori, aut aliter male affectæ, rubiginem, aut qualitatem quandam putredinosam acquisierunt. Tales sunt carnes diutiùs asseruatæ, aut malè olentes, vel quæ non manu hominis, sed vi morbi extinctæ sunt: quemadmodum narrat Iulius Obsequens, in Insula quæ Lipara appellatur, cùm mare ab Ætnæ montis ignibus ex terræ motu magnâ vi euomit, incaluisse, piscēsque cōcoxisset, iisque ad littus reiectis cùm incolæ auidius vescerentur, grauem pestilentiam fuisse subsequutam.

Neque minor est in potu efficacia, quando vina putrida & corrupta sumuntur, vel aqua bibitur ex putridis & cœnosis lacubus, aut alio quouis modo infectis. Quemadmodum historiarum fide proditum est, numerosos ex exercitus, ex huiusmodi aquarum vſu, popularibus morbis fuisse deuastatos.

Duæ res non naturales hætenus expositæ, nempe aër & alimenta, præcipuam vim obtinent ad febrium malignarum generationem. Reliquæ verò quatuor, nimirum excreta & retenta, motus & quies, somnus & vigilia, animi pathemata, minoris sunt efficaciz, & concurrunt,

concurrunt tantum ut causæ adiuuantes, vel corpus disponentes ad malignam putredinem concipiendam; ut ex earum expositione statim apparebit.

Retentiones mensium in mulieribus, aut alterius vacuationis consuetæ in viris, ut hæmorrhoidum, & hæmorrhagiæ, & alui fluxus, qui in nonnullis per interualla solet contingere; si in constitutione epidemica accidunt, morbum malignum solent producere. Illa enim, quæ tanquam superflua, & naturam onere grauantia excernuntur, si intra corpus retineantur, facile concipiunt putredinem. Sic nimix euacuationes aut sanguinis, aut aliorum humorum corpus maximè debilitant, efficiuntque ut calor natiuus imbecillior factus, aeris vitiosi, aut pestilētis inquinamēta facile recipiat.

Quod ad motum, & quietem spectat, certum est nimium otium efficere, ut calor natiuus liberam euentilationem minimè recipiat, atque adeo humores putredinem concipiant. Sic nimia exercitatio poros valde aperit & calorem dissoluit, unde fit ut corpus debilius redditum, & magis penetrabile, contagij seminata faciliè recipiat.

Nimius etiam somnus multum facit excrementorum prouentum, & corpus replet humiditatibus, quæ facillimè putrescunt. Nimix verò vigiliæ cruditates generant, & illæ faciliè putrescunt, quia à calore nativo satis commodè non reguntur: tum quia ex iis multæ fiunt obstructions, à quibus prohibita transpiratio, & tandem putredo generatur.

Denique animi pathemata corpus vehementer exagitare solent, humoresque conturbare: atque adeo ad hanc litem capessendam maximè disponunt, atque in primis timor & tristitia, quæ spiritus vitales introrsum reuocatos quasi suffocant, unde cordis vires ita franguntur, ut minus veneno resistere, primisque morbi insultibus obistere valeant. Imò verò humores commoti

in venis, & vehementer conturbati, à naturali constitutione deiiciuntur, malignamque putredinem concipiunt. Adeò vt nonnulli existimauerint, in obsidionibus & castris, morbos pestilentes non tam ex praua victus ratione, & cadauerum fœtore, quàm terrore, metu, anxietate, & mortis formidine prouenire, quæ humores exagitet, eosque tumultuari ac fluctuare faciat.

Signa febris pestilentis, alia futurum morbum indicant, alia præsentem demonstrant, alia præteritum commemorant. Quæ omnia proponenda sunt, quia à primis præseruatio desumitur; à secundis curatio, ab vltimis præcautio quædam in iis, qui nondum febre pestilente correpti sunt.

Quæ futuram febrem pestilentem prænuntiant, à tribus desumuntur; nempe à corporis dispositione, à præsentia causarum, & à quibusdam mediis dispositionibus.

Corpora ad febrem pestilentem disposita sunt, quæ prauos congestere succos ex praua victus ratione, & præpostero sex rerum nonnaturalium vsu antea enarrato. Vel quæ plethorâ oneratâ plurimum se ingurgitant, aut intempestiuè, ac inordinate se replent. Præterea quidam cacochymia & plethoræ expertes, ad hunc morbum concipiendum sua disponunt corpora, dum molestissimis pathematis animum excruciant, vel immodicæ veneri indulgent; ab hisce enim duabus causis frequentius multò febris pestilens produci consuevit; quandoquidem ab iis, etiam in bonos humores corruptela faciliè inducitur. Animi enim accidentia spiritus à propriis distrahunt operationibus. Venus nimia omnes virtutes labefactat. At distractis spiritibus, virtutibusque labefactatis, humores in alienam transeunt naturam, corruptelam quandam consequuti.

Demum

Demum quibus membra principalia imbecillia, aut labe quadam affecta fuerint, siue ob ortu, siue à prauo victu, aut alia quapiam causa externa; qui calido & humido temperamento præditi sunt, qui rariori aut densiori habitu corporis donati, omnes febri pestilenti concipiendæ dispositi sunt. Siquidem corpora calida & humida putredini obnoxia, rara, omnibus iniuriis patent, densa non liberè transpirant.

Præsentia causarum, quæ febrem pestilentem producere possunt, eam futuram portendunt: atque adeò præpostera tempestatum conditio, annonæ caritas, bella & aliæ causæ suprâ enarratæ, quando apparent hunc morbum imminere significant.

Mediæ dispositiones sunt, quando præsentē corporis dispositione & causis supradictis, videmus in homine mœstitiam insolitam, timorem inexplicabilem colorem faciei immutatum; ad oblata non bene se habere, insomniis prauis perturbari, lassitudine spontanea, siti, vigiliis, nausea infestari; facile erit coniecere, febrem pestilentem imminere: hæc enim omnia indicant humores alienam naturam adipisci, & corruptelam concipere, à qua febris pestilens oriatur.

Præsentem febrem pestilentem declarantia signa exactè proponenda sunt. Ideò omnes fontes percurrendi, ex quibus morborum diagnosi elici potest. Qui quidem fontes à triplici genere symptomatum desumuntur, quæ symptomata sunt effectus morborum, & causæ non nisi per suos affectus commodè significari possunt. Atque adeò alia signa ab actionibus læsis, alia ab excretis alia verò à qualitatibus mutatis erunt desumenda. Quibus fontibus quartus erit adiungendus, ab affectibus superuenientibus desumptus. Ad quorum rectam intelligentiam sequentia præmittenda sunt.

Primò sciendum est, eadem ferè symptomata febrem pestilentem propriè dictam, tum malignam simpliciter significare, & vtriusque signa per maius tantum, & minus inter se differre; ita vt in pestilenti sit maior symptomatum sæuities, in maligna verò minor. Esse tamen nonnulla acidentia, quæ magis propria sunt vni, quàm alteri, suis locis indicabimus.

Secundò notandum est, nullum dari signum harum febrium verè pathognomonicum, quo scilicet posito febris pestilens necessariò ponatur, & sublato auferatur; nedum bubonem, aut carbunculum in verè pestilenti; cum in multis etiam verè peste laborantibus non appareant, & dentur bubones ac carbunculi malignitatis expertes: Neque maculas purpureas in febre maligna, quamvis illa à pluribus Medicis purpurata nominetur; cum in multis eâ laborantibus nusquam compateant, & interdum erumpere soleant in mulieribus mensium suppressionem patientibus, & in nonnullis pueris ob leuem quandam sanguinis ebullitionem, nullâ tamen apparente febre, quod nobis in vtrisque non rarò videre licuit. Attamen ex omnium signorum syndrome & collectione, certa harum febrium diagnosi facilè stabiliri potest.

Tertiò aduertendum est, omnia signa à nobis proponenda in omnibus ægrotantibus non reperiri; sed partem tantum eorum, quæ tamen sufficiat ad morbi speciem ad amissum constituendam. Pro varîa enim corporum dispositione & morbi intensiõne, aut remissione, nunc hæc symptomata, nunc illa magis elucere solent.

Denique sciendum est, febris pestilentis & malignæ signa (quamvis in aliis etiam febribus reperiantur) fieri tamen quodammodo pathognomonica in hac febre,

duplici

duplici ratione. Primò, quia in hisce febribus peculiarē quandam conditionem præ se ferunt, quæ in aliis febribus non reperitur. Nam capitis dolor, nausea, vomitus, caloris modus, & cætera signa, dum pestilentibus febribus accidunt, peculiarē conditionem & malignam acquirunt, quā differunt à se ipsis, dum in aliis febribus apparent; quod vel mediocriter exercitaris in operibus artis innotescit. Secundo, quia symptomata inter se non servant eam proportionem in his febribus, quæ in vulgaribus reperitur: ita ut calor ad tactum mitis, pulsus non valdè immutatus, exiguam febrem ostendant: cum iis tamen dolor capitis ingens, vigiliæ, & interdum deliria, aliæque symptomata febrem ardentem consequi solita, plerumque coniungantur. His positis signorum seriem describamus, ab actionibus læsis incipientes.

Quia igitur cor in hoc affectu potissimum afficitur à maligna & venenata qualitate, idè illius actio, nimirum pulsus, variis modis immutatur, pro temporum varietate, ac diuersa morbi conditione. Interdum enim in principio est ferè connaturalis, & sanorum pulsui simillimus; ut docet Gal. 3. de presag. c. 4. In progressu tamen & morbi augmento frequens, paruus, debilis & inæqualis apparet. Frequentia tamen perpetuò maior erit, quam pro ratione caloris adaucti; quia cor laceffitum à maligna qualitate sese magis exagitat, quam euentilandi caloris necessitas requirat.

Hanc etiam febrem significare valent cardialgia, seu oris ventriculi dolor, quem tanquam malignum damnauerat Hippocr. 1. progn. his verbis. *Oris ventriculi dolor cum præcordio distento, & capitis dolor, malignum.*

Sitis aliquando magna, quæ superat caloris febrilis copiam ac modum; aliquando verò eiusdem carentia,

cum intensa febre, & linguæ siccitate, vtrumque enim malignitatis est indicium.

Ingens ciborum inappetentia, quâ multi omnia alimentorum genera, non secus ac ingratissima medicamenta, horrent. Hæc autem solet exoriri à malignis vaporibus ventriculum afficientibus.

Nausea, vomitus ab eadem causa, in principio præcipuè morbi eueniens, isque ita diuersus, vt nonnulli assumptum alimentum statim euomant; alij statim quidem ab assumpto iusculo, at non iusculum ipsum, sed varios humores reiiciant; alij quæuis alimenta probè retinentes, aquam, iulepos, omnem denique potulentam materiam assumptam statim emittant, superstitè interim siti ingente, cum linguæ siccitate & nigredine.

Horror frequens, & inordinatus, sæpiùs in die contingens, ab halitibus acribus mordacibus & à natura nostra alienis ad partes sensiles delatis, excitatus; qui in aliis febribus putridis rarò contingit, quoniam in ipsis halitus eandem non obtinent malignitatem. In febribus tertianis intermittentibus malignitate præditis, ex horrore & frigore malignitatis signum interdum desumi potest. Contigit enim aliquando, vt in principio paroxysmi, accedente leui frigore, aut horrore, tanta caloris retrocessio accederet, vt caro prægelida esset, facièsque moribundi simillima appareret, pulsusque adeò exiguus, vt omninò nullus videretur. Subsequèbatur postea calor, qui tamen in augmento, nec in statu ad tactum validus, nec acer percipiebatur; imò caro vel tepido calore prædita, vel subfrigida vsque ad declinationem perseuerabat. Pulsus accenso calore magis apparebat, sed paruus, inæqualis, frequens & admodum debilis erat: multaque alia febrium pestilentium symptomata comitabantur, quæ
satis

satis confirmare poterant, non solum continuas, sed etiam intermittentes dari febres pestilentes, ut antea monuimus.

Totius corporis lassitudo, grauitas, veluti membrorum contractio in principio morbi apparent, ob predictos vapores in totum corpus delatos.

Capitis dolores, vigiliae, & deliria, quae omnia sunt ab eadem causa, vaporibus scilicet acribus & venenatis; qui prout cerebri membranas impetunt, dolorem capitis efficiunt: prout verò ipsam cerebri substantiam calefaciunt & exsiccant, si levis sit alteratio, vigiliis tantum efficiunt; si verò intensior, etiam deliria producunt. Ad hæc verò symptomata multum confert, præter calorem & siccitatem, venenata qualitas, quandoquidem in febribus vulgaribus talia symptomata non sunt, nisi multò maior sit intemperies. Dolor verò in hac febre hoc sibi peculiariter vendicat, ut varius admodum sit, nec semper eundem locum affligens. Interdum enim sinciput tantum, aliàs occiput, frontem, aut supercilium lancinans dolor occupat. Interdum & alias partes, ut scapulas, latus, dorsum, aliamve corporis partem. Interdum eidem parti continuò affixus, aliàs locum mutans, & nunc hanc, nunc illam discrucians.

In nonnullis sopores & comatosi affectus contingunt, in iis scilicet, qui habent cerebrum pituitosis excrementis refertum: quæ quidem pituitosa excrementa à vaporibus calidis ex partibus inferioribus eleuatis, liquantur, & functiones cerebri impediunt.

Vrina aliquando urinae sanorum simili, quando scilicet humores plus peccant malignâ qualitate, quam putredine, & primis interdum diebus talis perseverat, postea fit crassa & perturbata. Interdum in statu concocta apparet, licet ad interitum ruant ægrotantes. Interdum

terdum tenuis est, & cruda, nullum continens sedimentum, aut illud excrementi potius naturam referens, quàm veri sedimenti. Frequentius tamen crassa & turbida apparet, ac intensioris coloris; & crassum, rubrum, ac conturbatum, diffusumque habens sedimentum. Ac denique omnes prauæ urinarum dispositiones in hoc morbo possunt contingere, pro variis humorum putrescentium ac corruptorum alterationibus.

Alui fluxus biliosi, qui vel ex se oriuntur, vel à leui causa irritantur, vel leui clystere, aut pharmaco; & postea contumaciter perseverant, multosque ad interitum perducunt. Sic refert Hipp. 3. *Epid.* in pestilenti constitutione ibi descripta, plurimos alui fluxu, & dysenteria fuisse sublato. A maligna enim qualitate humores ferociore redditi naturam impensè stimulant & irritant, ita ut eos per vias sibi obuias eicere conentur. In illis autem alui excrementis ingens foetor inesse solet, ex ingenti putrilagine humores occupante.

Lumbricorum copia, in principio potissimum huius morbi, excerni consuevit: insignis enim putredo humores maximè disponit, ut ex iis lumbrici generentur.

Sudores frequentes, parui, minuti, & inutiles principio morbi prodeuntes.

Calor ad tactum mitis ac blandus, ut vix febrile videantur; unde Gal. 9. *simpl. cap. de bolo Armena*, & Auic. *sen. 4. lib. 1. cap. de febre pestilenti*, docent febres pestiferas calorem mitem & placidum frequenter habere. Et ratio est, quia febres huiusmodi magis fiunt à maligna & venenata qualitate, quàm à vulgari intemperie, vel putredine.

Oculorum rubor in hoc affectu frequentissimè apparet, quia à vaporibus acerbis sursùm eleuatis cerebri meninges quandam veluti inflammationem concipiunt,

piunt, eamque tunicæ adnatæ, quæ ab iis ducit originem, facile communicant.

Denique maculæ purpureæ pulicum moribus similes, peticulæ, vel petechiæ à recentioribus appellatæ, propriè & peculiariter febrem malignam significant. In nullo enim alio febris genere reperiuntur; utpote quæ ex prava & venenata sanguinis, vel aliorum humorum qualitate putredini coniuncta oriuntur. Apparent tamen aliquando in aliis affectibus, citra febrem pestilentem, maculæ quædam prædictis consimiles, sed à diuersissima causa prodeuntes; nempe à sanguinis tenuitate nimia, qui à calore, aut facultate expultrice agitated, extra capillares venas in cute efflorescit. Illæ potissimum solent contingere in iis, qui sanguinis fluxum patiuntur, ex eo quod ille factus fuerit tenuior & aquosior: tum etiam in lienosis, ictericis, & diuturnas viscerum obstructions patientibus, iisque omnibus (ut summatim dicam) qui propter viscerum debilitatem, sanguinem generant aquosum, & in cachexiam proclives sunt. In his enim sanguis tenuior factus, modò per naves, modò per aliam partem effluit, modò etiam à capillaribus exiens venis, in partes cutaneas transmittitur; ubi retentus proprium amittit colorem, & vel liuidus, vel niger, vel puniceus efficitur, variisque macularum differentias profert; quæ tamen à maculis febrium pestilentium diuersissimæ sunt, & nihil aliud quàm sanguinis tenuitatem aquosam, atque imbecillitatem iecoris præ se ferunt. Hæ autem maculæ febribus pestilentibus superuenientes, ab humoribus putrescētibus & prava qualitate infectis, oriuntur. Prætereà huiusmodi maculæ aliquando criticè, aliquando symptomaticè erumpunt. Criticè quidem, cum vel ex parte, vel totaliter superatâ putredine, pravaque correctâ qualitate, natura corruptû humorē ab internis ad externa

externa transmittit, tuncque semper sequitur imminutio morbi. Symptomaticè verò, cum natura materiæ morbificæ quâritate, vel qualitate praua stimulata, ante illius concoctionem, & prauæ qualitatis correctionem, ad partes cutaneas materiæ portionem transmittit. Et hinc nullum subsequitur agrotanti leuamen, sed potiùs factò inutili naturæ cum morbo certamine, deuictæ magis, quàm vinctis naturæ indicium est.

Colores harum macularum diuersi sunt, & diuersitatem humorum ostendunt à quibus generantur. Rubra siquidem à sanguine puriori: virides, puniceæ, lividæ, & nigrae à sanguine bilioso, & magis, vel minùs adusto. Quod ad quantitatem spectat, aliàs plures, alias pauciores huiusmodi maculae apparent; quandoque maiores, quandoque verò minores. Apparere incipiunt aliquando quartâ, quintâ, septima, vel nonâ, vel alia iudicatoria die, si ad bonum fuerit excretio; aliquando etiam aliis diebus, cum minùs fida & vtilis fuerit. In omnibus interdum corporis partibus, frequentissimè tamen in lumbis, pectore & ceruice apparere solent.

Affectus verò febribus pestilentibus superuenientes præcipui sunt, exanthemata, pustulae oris & vlcera, carbunculi, bubones, & parotides.

Exanthemata à maculis purpureis differunt; ex eo quòd maculae ad qualitates mutatas ipsius cutis, cum nullo modo emineant; exanthemata verò ad tumorum genera referantur. Sunt enim varorum instar aliquando, aliàs verò minora, granis milij simillima. Aliquando rubra sunt, à sanguine genita; aliquando alba, à pituita, vel sero; flaua, à bile, punicea, à bile exusta: livida vel nigra, à maxima exustione, vel mortificatione. Quædam symptomaticè, quædam criticè, quædam medio modo erumpunt. Alia exsiccantur simpliciter, alia suppurantur, alia vlcerantur.

Ad hæc referri possunt pustulæ in ore apparentes, quæ omnes prædictas exanthematum differentias nanciscuntur, & aliquando adeò malignæ sunt, ut cibum & potum ægrotantes vix tolerant. In tenera ætate sæpe mortem afferunt, cum sibi ipsis vim à ingerendum cibum non inferant. Hæ pustulæ plerumque in vlcera degenerat, quæ maximam ægrotantibus pariunt molestiam, motum linguæ, & præcipuè deglutitionem impediunt.

Aliquando tamen immediatè, & nullis pustulis præcedentibus, generantur vlcera in ore, aphthæ Græcis appellata: quorum plures sunt differentiæ. Alia enim sunt superficiaria, alia profunda; alia munda, alia sordida; alia benigna, alia maligna; alia cum crusta, alia sine ea. Et crusta aliquando est alba, aliquando flaua, livida, aut nigra. Quæ sunt profunda, sordida & maligna, & cum crustâ nigra, deteriora.

Carbunculi & bubones in variis corporis partibus, sed præcipuè circa corpora glandosa solent accidere; quia expultrix facultas à maligna qualitate irritata, à partibus interioribus, præcipuè nobilibus, ad exteriores perniciosam materiam expellit: unde à cerebro ad glandulas post aures, à corde ad axillas, à iecore ad inguina, materia hæc transmittitur, unde parotides & bubones generantur. Quæ tumorum genera in febre verè pestilente potissimùm apparent, præsertim bubones, qui apud vulgus pestis nomine donantur. At carbunculi, & parotides, etiam in febribus malignis erumpunt, sed quæ summum malignitatis gradum adeptæ sunt, & ad verè pestilentium naturam proximè accedunt.

Signa commemoratiua potissimùm usu veniunt, quando vocantur Medici ad visitanda defunctorum cadavera, in illis temporibus, in quibus vagantur morbi pestilentes

pestilentes, aut quædam eorum est suspicio, ut iudicetur an ex iis morbis interitus acciderit.

Et primum in dictis cadaueribus apparent aliquando maculæ, de quibus supra mentio facta est; interdum verò vibices, ac si flagellis perculsa fuissent: hæc enim sunt venenati morbi indicia; quandoquidem in iis, qui ex assumpto veneno perempti sunt, eadem signa solent apparere. Illæ autem maculæ pestilentem morbum magis significant, si livido, aut nigro colore infectæ sunt. Idem etiam testantur exanthemata supra enumerata, præsertim si pravo colore infecta sint: tum etiam multò magis bubones, parotides, & carbunculi. Quibus addi possunt signa, quæ in decursu morbi apparuerunt: Eorum enim commemoratio certam demonstrationem efficiet.

Prognosis febrium pestilentium adeò incerta est, ut nihil de earum euentu possit certò constitui, donec manifesta victoriæ alterutrius partis, naturæ scilicet, vel morbi, indicia appareant; quod non solet contingere, nisi circa finem status, aut principum declinationis. Ideò prudens Medicus differre ac suspendere iudicium suum debet de morbi euentu, in principio & augmento.

Proponenda tamen sunt indicia præcipua, ex quibus magnam elicere poterimus coniecturam, an morbus lethaliter, an salutariter finiturus sit, quorum adminiculo quid sperandum, aut metuendum sit, poterimus prævidere, sine certa tamen fiducia: nam experientia nos docuit, plurimos cum perniciosissimis signis euasisse; alios verò cum salutaribus è medio sublato. Omnia autem signa prognostica prætermittimus, quæ omnibus morbis acutis communia sunt, de quibus fusè egit Hipp. in Prognosticis, Coacis, Prorrheticis, & Epidemlis, tum etiam in Aphorismis, quæ hîc etiam
suum

suum locum habere possunt. Sed illa tantum proponemus, quæ febribus pestilentibus magis peculiaris sunt; ab iisque certior prognosis elici potest.

Illæ autem ex iisdem fontibus desumentur, ex quibus diagnostica desumpta sunt.

Primo igitur in hisce febribus, pulsus æqualitatem, ac tenorem seruans, licet febris maxima appareat, spei semper aliquid præstat. Contrà verò inordinatus, inæqualis, & contractus, periculosus, præsertim si à principio debilis appareat. Istæ autem pulsuum differentię non ita perniciosæ sunt in febribus malignis, quemadmodum in febribus vulgaribus. Quamvis enim pulsus intermittens in iuvene ita sit lethalis, ut testetur Galenus, se plurimos senes & pueros cum pulsu intermittente liberatos vidisse, iuuenem verò neminem: In febribus tamen malignis nos iuvenes non paucos, pulsus intermittētem per multos dies habentes, euasisse vidimus. Pulsus sanorum pulsibus similes admodum periculosi: significant enim naturam præ imbecillitate à coctione abstinere. Vbi enim praua & perniciosâ qualitate vires admodum debilitantur, natura debilis facta concoctionē materiæ non aggreditur, humorēque qui morbum excitauit, non attingit: unde non tentata coctione, nec labor sequitur, febrisque vel nulla, vel minima est. Huius rei exemplum habemus in tumoribus externis, in quibus quamdiu pars ferè obruta est à copia, vel praua qualitate materiæ, nec dolores, nec febres fiunt: cum verò natura aduersus materiam illam pugnare aggreditur, càmque in pus conuertere tentat, febris tunc temporis plurimum intenditur. Sic in febribus malignis ægri interdum à febre immunes videntur, cum tamē in peius, & ad interitum ruant, ut videre est apud Hipp. 3. Epid. sect. I. ægr. 2. ubi Hermocrates à 20. die ad 24. febris expers visus est, cum tamē 26. obierit.

Delirium in hac febre frequentissimum est, neque metuendum cum à sommo compescitur, tum præcipue si cum copioso sudore evanescat: Signum enim est materiam à cerebro ad corporis habitum reuocari. At perseverans delirium perniciosum est: in veram enim phrenitidem degenerare significat.

Contractiones & subsultus membrorum in hac febre frequenter contingere soliti, convulsivi motus sunt, & admodum periculosi, idque magis, si cum delirio coniungantur, maximam enim cerebri læsionem significant.

Motus tremuli manuum & linguæ funesti esse solent, & plurimum damnantur ab Hipp. *progn.* Maximam enim arguunt virium imbecillitatem, & naturam ostendunt à morbo deviãtam.

Surditas licet in principiis morborum acutorum periculosissima sit, iuxta doctrinam Hippocratis; tamen in statu morbi apparens, salutem portendit, præcipue in febribus malignis. Et nos millies observauimus, hisce febribus laborantes, quibus surditas in statu superuenerat, aliis symptomatis quantumuis periculosis existentibus, omnes euasisse; indicium enim est cerebrum satis validum noxios humores ab internis partibus, ad exteriores derrudere.

Sternutamenta, ex Hipp. *in prognosticis*, in morbis etiam exitalibus (modò non sint affecti pulmones) spem solutionis adferunt. At in febribus malignis, quantumuis sæua symptomata periculum portendant, securitatem pollicentur.

Cardialgiæ frequentes, aut singultus, periculum minantur, & ventriculorum grauius à venenata qualitate affici significant.

Maxima ciborum auersio, periculosissima est. Significat enim ventriculum à maligna qualitate superatum, eiusque

eiúsque temperiem omninò euerſam, vt laudabile alimentum, ſibi in ſtatu naturali familiariffimum, reſpuat & auerſetur.

Suppreſſio omnium euacuationum in principio, & augmento morbi, in bonis habetur. Significat enim materiæ morbificæ tantam non eſſe malitiam, vt naturam irritet ante debitum tempus; ſed naturam adhuc vincere, & ſuo tempore excreturam, modò non adſit nota aliqua decubitus humorum ad caput, ventrem, aut aliquam ex præcipuis partibus. At in ſtatu morbi nihil excerni, ſed ſigna in aliquo principaliũ mēbrorũ deteriora apparere, malum eſt. Indicio enim eſt, aut morbum diutius duraturum, aut dubiam admodum præſtituram ſalutis ſpem. Materia ſiquidem quæ pluribus diebus euinci non potuit, aliquòd grauius damnum in eodem membro adfert, vt phrenitidem, lethargum, aliáque poſt vndecimum, vel 14. diem orientia, quæ difficillimè quibuſuis adhibitis auxiliis expugnari valent.

Sanguis per venæ ſectionem eductus, ſi nullum præ ſe ferat vitium, ſed purus, & ſecundùm naturam ſe habere videatur, periculofus. Euidens enim ſignum eſt plus adeſſe venenofæ qualitatis, quàm putredinis; aut putredinem in venis cordi proximis latitare, quæ venæ ſectione educi non poſſit.

Ex vrinis in febre peſtilenti nulla ferè prognofis elicitur, aut admodum incerta. Non ſolùm enim confuſa, perturbata, tenuior, aut craſſior vrina, vt in aliis febribus mala eſt: ſed etiam illa, quæ vrinis ſanorum conſimilis eſt. Imò verò multi, coctionis ſignis manifeſtè in vrinis apparentibus, iis que denuò recrudeſcentibus, è medio ſublatis ſunt. Attamen vrinæ concoctæ, & laudabile enæorema habentes, idque multis diebus perfeuerans, & de die in diem magis ſeſe vniēs, ac in matu-

lae fundum sensim descendens, certā salutem perpetuò pollicetur, etiam in febribus malignis ac pestilentibus. Fieri enim non potest, ut facultas naturalis valida & robusta, quæ in hisce urinis elucescit, aduersus malignam qualitatem non insurgat, eamque tādē superet. Ideò sæpe in febre maligna laborantibus, grauissimisque symptomatibus afflictis, & in maxima astantium trepidatione, foelicem euentum ex coctionis signis in urinis perseverantibus, summā fiduciā prædiximus.

Vrina pinguis & oleaginea, nigra, aut liuescens, cum hypostasi nigra, aut liuescente, certum exitium prænunciat.

Copiosa admodum urina, quam febris imminutio non sequitur, periculosa est, quia colliquationem significat.

Sudores in hac febre, etiam si cum requisitis accidāt conditionibus, nedum in die decretorio, raro solent eam ex toto iudicare. Imò interdum primo die ex sudore febris remittitur; deinceps verò symptomata ingrauescunt alia, post multos sudores succumbit æger. Sudores enim copiosi morbum non imminuentes, ex colliquatione totius corporis oriuntur. Neque ob id credendum est, in hac febre nusquam prodesse criticos sudores. Nam quò minus venenositatis febris obtinuerit, eò magis prodesse poterunt; ut in aliis febribus vulgaribus. Observatione etiam compertum est, longè utilius esse si frequentibus sudoribus æger à principio morbi corripiatur (dummodò ex sudore non se deterius habeat:). Signum enim est naturam paulatim materiam attenuare, & per sudorem excernere.

Alui fluxus incertum omnino est præsagium. Nam in principio morbi sæpe salubriter fluit, quod etiam aliquando esse lethale signum experientia docuit. Rursum præmissa aliqua coctione visū est ab alui fluxu laboran-

borantem interim, nonnunquam verò liberari. Ita tamen distinguendum est. Cum venenosa qualitas præpollet, quò magis à principio per alui fluxum prolabitur materia, eò securior est. At cum ex humorum putredine maiori parte morbus oritur, deterius se habent hi, quibus aluus à principio soluitur.

Maculæ purpureæ cum plures sunt, maiores, & caloris benignioris, & criticè erumpunt, naturæ victoriam prænunciant. Si verò pauciores, minores, & pravi coloris & symptomaticè excernantur naturam succumbere significant. Præterea si retrocedant, postquam apparuerint, pessimum signum est; indicant enim materiam morbificam ad interiora refluerè.

Exanthemata in variis partibus apparentia maioris malignitatis soboles sunt, quàm maculæ purpureæ, atque adeò maius periculum portendunt.

Carbunculi & bubones maximam testantur malignitatem, & maximum periculum minantur, cum eas febres comitari soleant, quarum peculiariis character in eo constitutus est, ut ex iis plures intereant, quàm servetur. Anthraces, & bubones, quò longius à corde consistunt, citius crescunt, & ad maturitatem perveniunt; eò minùs periculosi sunt. Attamen si derepentè, & cum pravis symptomatistumores augeantur, malum est. Carbunculi valdè magni, fædi coloris, cum ulcere depascente, aut qui in gangrænam mutantur, lethales sunt. Quemadmodum etiam ij, qui cordi vicini sunt, aut guttur occupant. Experientia observatum est, carbunculos plures paucis esse periculosiores, & contrà bubones plures paucioribus esse securiores. Parotides in febribus malignis & purpuratis, in augmento statu, lethales. Si verò vel tantillum inclinante morbo apparere incipiant, & ad suppurationem veniant, salutare.

Curatio febris pestilentis in duas partes diuiditur. Quarum vna continet præseruationem illorum, qui eâ nondum correpti sunt; altera curationem actu ægrotantium.

Præseruatio præcipuè consistit in ablatione causarum, quæ corpora feбри pestilenti recipiendæ idonea efficiunt, eamque in iis generare possunt. Illæ autem sunt internæ, vel externæ. Internæ sunt corporis dispositio, plethora, cacochymia, & obstructiones. Externæ præcipuæ sunt aër vitiatuſ, & contagium vagans. Corpora huic morbo disposita sunt, quæ à natura, vel accidenti sunt præter modum humida, debilia, laxa & rara, densa & compacta. Humidiora corpora exsiccanda: quæ autem sicciora sunt, in eodem statu conseruanda. Humidiora igitur vitare debent victum pleniorē, largiorēque potum, & omnia alimenta humidiora; quales sunt in primis fructus horæi, olera, pisces, lacticia: aërem austrinum, palustrem, & præcipuè nocturnum, otium, somnum longiorē, præsertim meridianum, balnea, & alia omnia quæ corpus humectare possunt.

Corpora debilia victu analeptico, & roborantibus medicamentis instaurentur. Rara & laxa eâdem, quâ humida, præcautione indigent. Densa verò & compacta, quia feбри pestilenti recipiendæ omnium maximè disposita sunt, à plethora, cacochymia, & obstructionibus magis sedulò liberanda sunt. Quæ causæ cùm in omnibus corporibus hanc febrem producere valeant, tanquam causæ internæ, vt antea dictum est, earum remotioni perpetuò incumbendum.

Plethoræ debetur venæ sectio, modò nihil contraindicer, vt tempus anni calidius aut frigidius, & pestilens aëris status, in quo non est mittendus sanguis, nisi

nisi plethora ad vasa manifestè vrgeat; vel cōsueta aliqua sanguinis euācuatione per menses, hæmorrhoidas, aut hæmorrhagiam nasiū suppressa fuerit. Exhausto enim sanguine facilius inspiratus aer pestilentem imprimet actionē, difficiliusque, si morbus superueniet, ab eodem patiens ob vires aliquantulum imminutas, euadet. Quēmodum his, qui post sectam venam venenum hauerunt, facilius hoc penetrat, & illi difficilius liberantur. Tum etiam in metu veneni assumpti à venæ sectione abstinemus. Sic etiam Galenus *lib. 1. de different. febr. cap. 4.* vbi præseruationem à febre pestilenti proponit, purgationem quidem, & obstructionum aptionem præscribit, nullam verò plhebotomia facit mentionem.

Cacochymia debetur purgatio, eaque humoribus peccantibus appropriata, præmissa præparatione idonea, si ea necessaria videatur; hac cautione adhibita, vt benigna tantum vsurpentur medicamenta, ab iis abstinendo, quæ malignam & deleteriam habent qualitatem. Quibus etiam vtile erit admiscere nonnulla bezoardica, & vim alexipharmacam habentia.

Obstructiones fiunt ab humorum multitudine, crassitie, & lentore. Multitudo euacuantibus, crassities attenuantibus, & lentor abitergentibus medicamentis auferetur.

Ratione causarum externarum præcautio institueda est; primum aeris excessus corrigendo: calidiorem scilicet refrigerando, vt in febribus continuis docuimus; humidiorē exsiccando, accensis ignibus, tum in viis publicis, tum in priuatis domiciliis, idque ex lignis odoratis, quantum fieri poterit, iunipero, lauro, toremarino, & similibus. Secundo omnes causas remouendo, quæ aerem inquinare possunt, & supra recēsitæ fuere. Tercio inquinamenta in ipso aere suscepta con-

sumendo ac dissipando. Quod fiet accensis ignibus, ut in humiditate corrigenda dictum est; & suffitibus est odoratis atque alexipharmacis. Tum etiam agitatione aëris vehementi, ad quam tormenta bellica frequenter explosa erunt efficacissima.

Quod si aër valde perniciosam qualitatem induerit, ut inde febris verè pestilens exurgat omnium præseruationum præstantissima est cœli mutatio. Illi tamen qui manere coguntur vel inter ipsa inquinamenta, & cum ægrotantibus versari, multis aliis cautionibus indigent, & antidotis frequenter uti debent. Quæ omnia ab Autoribus, qui de peste ex professo scripserunt, fusè explicantur, inde repetenda: cum nostrum institutum sit ea leuiori pede percurrere, quæ in veræ pestis curatione maximè propria sunt. Quandoquidem pauci melioris notæ Medici tam periculoso exercitio sese exponere audent. Contrà verò cum per totos viginti annos & in Gallia, & in Europa vniuersa, plerique omnes Medici in febribus malignis, & purpuratis curandis occupati fuerint: opere pretium duximus, hanc nostram curationem ad eam febris pestilentis speciem, quæ maligna simpliciter, & purpurata vulgò dicitur, dirigere. Ita tamen, ut veræ pestilentis curationi etiam inseruire valeat; cum, ut ab initio diximus, eandem materia medica, iisdemque indicationibus vtraque oppugnari valeat.

Curatio igitur actu ægrotantium dirigenda est ad febre, putridinem, & malignam qualitatem. Febris oppugnanda est refrigerantibus & humectantibus. Putredo euacuantibus & alterantibus. Maligna qualitas alexipharmacis. Quæ omnes intétiones triplici instrumento medico adimplendæ sunt, in sequentem modum.

Victus ratio in hac febre eadem instituenda est, quæ in febribus continuis fuit proposita. Hoc saltem obseruando,

seruando, vt acida in potu & iusculis præscripta frequentius vsurpètur, vtpotè putredini & malignæ qualitati oppugnandæ maximè idonea. Deinde circa potum hoc etiam annotandum, vini vsum in hac febre aliquando esse proficuum, vtpotè insigne cardiacum, & malignæ qualitati maximè aduersum. Sæpè tamen valdè nocere, febrilemque calorem plurimum intendere. Ideò Medici prudentia hîc apprimè necessaria est, vt morbi naturam, & ægrotantis temperiem contempletur; ex his enim vini exhibendi indicatio desumenda est. Si namque febris sit admodum exigua, venenata verò qualitas plurimum intesa, & corpus ægrotantis pituitosum; tutò & foeliciter vinû in potu exhibetur, sed valdè lymphatum. Contra verò in febre intesa, & bilioso corpore vinû exhibere perniciosum est. Hæc à nobis obseruata sunt infinitis experimentis, ac præsertim in febre purpurata, quæ Monspelij grassata est anno 1623. post vrbs obsidionem; quæ tantæ malignitatis particeps fuit, vt tertia ad minus ægrotantium pars de medio sublata fuerit, & à vera peste solo bubone distincta fuerit; cum non solum ecchymata, & exanthemata rubra, liuida, & nigra sed etiam carbunculi & parotides frequenter apparerent. Iis enim ægrotantibus, quibus pulsus erat parum frequens, & pulsui sanorum ferè similis, lingua humida, & nulla sitis, vinum exhibuimus foelici successu; illiusque continuationem indicabat leuamè inde emergens, & quòd ex illius vfu febris nullatenus intensior euadebat, neque sitis, aut linguæ siccitas excitabatur. Iis verò, quibus febris erat intensior, cum siti, linguæ siccitate, scabritie, aut nigredine, vinum prorsus interdicebamus, eosque in refrigeratium, acidulorumque potuum vfu perpetuo detinebamus. Aduertendum tamen est, primis morbi diebus vinum nunquam esse exhibendum, ne materiæ

crudæ nimum exagitantur; sed tantum circa statum; cum malignitatis signa sese magis exerere incipiunt. Attamen Zacutus Lusitanus *obs. 93. lib. 1. praxis admiranda*, refert se in febre maligna, præsentè siti intensâ, cum linguæ siccitate & nigredine, ægro iam desperato, vinum exhibuisse felicissimo successu, ut hoc solo remedio restitutus fuerit. Verum hîc Celsi sententiam adducere non alienum est; *Sapè quos ratio non restituit, temeritas adiuvat.*

Instituta victus ratione, à phlebotomia inchoanda curatio est, præmisso clystere; ea enim maximè convenit ratione magnitudinis morbi, calidæ intemperici, & putredinis. Verum in quantitate sanguinis metienda, summa prudentia necessaria est, cum ratione malignæ & venenatæ qualitatîs non cõferat, imò potius noceat: ab ea enim facultas vitalis maxmè labefactatur: & qui veneno assumpto sanguinis missionem patiuntur, in exitium præcipitari solent: Ideò si maligna & venenata qualitas putredini prævaleat, quod ex propriis signis suprà propositis facile internoscit poterit, minori copiâ sanguis mittendus est. Si verò putredo magis infecta sit, quàm venenata qualitas, maiori copiâ detrahendus. Arque ita, si ex morboſo apparatu potissimum, & putridis humoribus intra venas coercitis, febris maligna oriatur; iterari turò potest phlebotomia, semel, bis, aut ter, donec sarcina humoris vitiosi in venis cõtenti exonerata sit. Idque in primis, si visceris cuiusdam inflammatio adesse, aut imminere videatur, quod non raro in febribus malignis solet contingere. Mature autem & à morbi initio instituenda est phlebotomia. Si enim progressu malû fuerit, & in totâ massam sanguineam malignitas diffusa, non solum nõ cõfert, sed etiâ naturam maximè debilitat, ita ut Autores quamplurimi, transactò die quartâ sanguinẽ mittendum non esse censeant.

cescant. Imò verò cùm febres malignæ in variis temporibus diuersam admodum habeant naturam, ex diuerso malignitatis gradu oriendum, quando illæ grassari incipiunt, sedulo obseruandum est, quodnam ægri ex venæ sectione emolumentum capiant. Nonnullæ enim de synochorum genere, & in quibus intensior est putredo, malignitas verò, quarum natura in vna propemodum malignitate consistit, sectâ venâ magis perniciosæ fiunt. Hoc apparet in vera peste, in qua multorum & probatissimorum Autorum experientia omnes, ægri, quibus secta vena fuit, è medio sublatis sunt; Ita vt etiam in pleuritide pestilenti, sanguinis missionem insignem noxam attulisse, & morbi sæuitiam intendisse affirmant. Imò verò in aliis morbis epidemicis, minori malignitate præditis, in quibus tamen sola ferè malignitas erat in vitio, idem euentus animaduersus est. Sic refert Vvierus in catarrho epidemico, qui anno 1580. per totam Europam vagatus est, & ex quo omnes ferè euadebant, ita vt vix millesimus quisque moreretur; tamen ferè omnes quibus secta vena fuerat, interiisse. Obseruandum autem est diligenter, quod docuit Gal. 14. *meth. c. 10.* in carbunculorum curatione venæ sectionem ad lipothymiam cōuenire, vt sanguis ebulliens à quo fit carbunculus, magnâ copiâ educatur. Cùm tamen idem Gal. *lib. de curat. per vena sect. c. 14.* in phlegmonosis tumoribus sanguinem detrahendum esse præcipiat vsque ad coloris mutationem, nisi vires sint debiles, aut phlegmone maligna fuerit. Quibus innuitur, Galenum copiosam sanguinis missionem admittere in carbunculo simplici, & malignitatis exparte; in maligno verò & pestilenti minimè; quod superiori præcepto à nobis proposito ad amissim conuenit.

Circa tempus, & interualla in venæ sectionis iteratione adhibenda, hoc aduertendum; vt si morbus lentè procedat; sanguinis detractiones accelerandæ non sint: franguntur enim vires ante tempus; ita vt toti morbo exantlâdo sufficere nequeant. Provt igitur morbus mouetur; sic Medicus celerius, aut tardius venæ sectionem celebrare debet.

An verò exanthematis seu maculis purpureis apparentibus sit secanda vena; maximè controuertitur. Nonnulli enim existimant piaculum esse exanthematis apparentibus sanguinem sectâ venâ detrahere; quòd tunc temporis humores ferantur à centro ad circumferentiam, qui motus omninò adiuuandus est; & per venæ sectionem contrarius omninò motus humoribus concilietur, sanguisque trahatur à circumferentia ad centrum, cum factâ partium interiorû inanitione, necessarium sit sanguinem in exterioribus partibus contentum, ad interiores recurrere; quod disertè docuit Gal. 6. de sanit. tuenda cap. 10. sanguinè nimirum sectâ vena à corporis mole vniuersa ad internas; partes remigrare. Et idem Galen. com. in 6. Epid. Simon; illi, de quo Hipp. sermonem habuit, latas pustulas habenti; vomitum ea de causa non profuisse coniecit, quòd succi ad cutem vergentes per eam sint euacuandi.

Attamen sanioribus doctorum sententiis sancitum est, maculis purpureis apparentibus in morbi principio, & iis diebus, quibus venæ sectio celebrari consuevit; si antea sanguis sufficienter detractus non fuerit; etiam tunc tēporis quantitate moderata esse detrahendum; neque vllum inde imminere periculum, cum illa exanthematû eruptio, quæ sit in principio morbi, critica non sit, sed tātum symptomatica, ex insigni sanguinis ebullitione, & humorum malignorum ac putrescentium feruore oriunda; atque adeò non possit impediri natura

naturæ motus, qui nullus est tunc temporis. Si enim corpore existente plethorico, cum lotio crasso ac rubro, exanthematum apparentium ratione habeat sanguinem non dextraxeris; vix natura tantam humorum copiam superare poterit, & periculum erit, ne illi in partem aliquam interiorem irruant, in eaque perniciosam inflammationem generet. Sanguis tamen eo tempore cautiùs, & minori copia detrahendus est, non ut venæ admodum inaniantur, unde retractio humorum ab exterioribus ad interiora possit succedere; sed tantum ut nimia earum plenitudo tollatur, quâ demptâ venæ nouum sanguinem non attrahunt, sed in se concidunt, ac nonnihil laxantur, & coarctantur, ut meliùs sanguinem in iis relictum continere ac regere valeant. Sicque iuuatur motus & expulsio naturæ ad superficiem corporis. Leuatâ enim parte oneris quod premebatur, illud quod relinquum est, faciliùs excutit & expellit. Quod nobis in Medicina faciêda passim innoxescit, dū sæpè eadem die qua secatur vna in acutis febribus, imò paucis interdum post venæ sectionem horis, copiosos sudores, eosque criticos ac salutares erumpentes conspiciamus. Imò verò, quamuis satis valida esset natura, ut totum illum sanguinem redundantem regere sufficienter valeret; cum in corporibus plethoricis sanguis plenumque crassior esse soleat, & per huiusmodi ecchymata, tenuissima tantum sanguinis portio exhalet, crassior in venis remanens magis ac magis computresceret, & longè periculosiorè morbum efficeret. Còsultissimum tamen existimò, paulò post venæ sectionem plures cucurbitulas admoovere, ut motus humorum ad exteriora magis adiuetur; de quarum cucurbitularum administratione paulò inferiùs agetur. Notandum autem diligenter, quod suprà à nobis dictum est, tempus esse obseruandum, quo exanthemata apparere incipiunt. Si
nempe

nempè in principio morbi, & ante quartum diem id fiat, quo tēpore eorum eruptio critica esse non potest, & nullum ægro leuamen ex eā emergit, sed potius symptomata ingrauescunt, vnde venæ sectio nullo modo pertimescenda est. At si post quartum diem erumpunt, idque magna copia, vt inde æger melius habeat, ac symptomata remittantur; satius multò est à venæ sectione abstinere, & plures cucurbitulas cum scarificatione affigere, vt motus ille humorum ad exteriora multum promoueatur.

Quæ de venæ sectione hæctenus à nobis dicta sunt, intelligenda veniunt de ea quæ fit in brachio, quæ cōfestim multitudinem sanguinis imminuit. Aliquando tamen sectio venarum inferiorum vtilissima est, si nempè vires debiliores fuerint, & prædictam venæ sectionem antea vsurpatam vltèrius ferre nequeant. Tum præcipuè confert hæc phlebotomia in mulieribus; est enim, vt inquit Oribasius *lib. 7. c. 10.* mulieribus propria, multumque efficax, quippe quæ naturalis excretionis modum imitetur. Imò verò citra mensium euacuationem mulieribus utilis est ista vacuatio, quia ex lege naturæ in venis vtero vicinis plurimo sanguine abundant. Confert etiam iis, in quibus metuenda est translatio humorum ad cerebrum, quæ frequenter in hisce febribus solet contingere, & phrenitidem generare. Quod faciliè indicabūt (vt suprà in prognostico dictum est) vrinæ tenues, albæ, & decolores: iisque ira se habentibus, sectio venarum inferiorum erit vtilissima. Refert etiam Oribasius *loco citato*, se febre pestilenti correptum, detractis per venas inferiores sanguinis lb. ij. conualuisse: & omnes qui eodem remedio vsi essent, fuisse liberatos.

Easdem vires obtinet apertio hæmorrhoidum, quæ hirudinū applicatione perficitur. Cùm enim hoc modo

sanguis

sanguis paulatim educatur, minima consequitur virium exolutio. Ab intimis tamen visceribus, quibus solet incendium adesse, & mali fomes, sanguis reuel- litur. Melancholicis præcipue plurimum conuenit, quia in iis natura plerumque per has vias limosum sanguinem educere consuevit.

Post sufficientem venæ sectionem, reuulsiones celebra- bræ sunt per cucurbitulas, tū siccas tū scarificatas. Siccas quidē quādo simplex reuulsio molienda est: sca- rificatas verò, quando sanguinis redundantis copia pe- nitus ablata non est per venæ sectionē, quā vires vlti- riùs fere nequiuērūt. Siquidē multò minori viriū iactu- ra sanguis per cucurbitulas educitur: & præterea vene- nati spiritus intus latitantes ad extetiora retrahuntur.

Sed de locis, in quibus applicandæ sunt cucurbitu- læ, inter Autores non conuenit. Alij enim, & imprimis Itali ferè omnes, cēsent partibus inferioribus, cruribus scilicet, & natibus tantum esse applicandas, vt materia venenata à corde ad distantissimas partes reuellatur. In scapulis verò ac dorso non conuenire, quia humo- res noxios attrahunt ab aliis partibus versus cor. Alij contra scapulis & dorso admotas cucurbitulas maxi- mē conuenire existimant, vt humores & vapores vene- nati trahuntur à centro ad circumferentiam, qui motus naturæ motui in hoc morbo maximē consentaneus est. Nos autem in omnibus locis prædictis cucurbitulas admo- uēdas esse censemus: opportunumque esse à par- tibus inferioribus incipere, vt portio quædam mali- gnitatis ad remotiores partes retrahatur. Sed quia in partibus illis inferioribus admotæ cucurbitulæ vene- natos humores, ac vapores à corde & partibus illi vi- cinis sufficienter trahere nequeunt: conducibile est partibus cordi vicinis, scapulis scilicet ac dorso admo- uere. Hoc enim modo naturæ motus maximē iuuatur,

cum experientia doceat, macularum eruptionem ad illas præcipuè partes fieri, quæ frequenti cucurbitularum admotione plurimum adiuuatur. Quod præ cæteris Mercatus eleganter tradidit, his verbis. *Interim tamen dum corpus aliis remediis tractatur, cucurbitas paruas, seu plures aut pluriès adhibere oportet. Quod si maxima fuerit imbecillitas, & venenositas, citra scarificationem, aut cum leuissima. Sin autem & sanguinis vitiosi aliquid superesse cognouerimus, cum scarificatione. In quo sanè usu & indicatione consultissimum est eas scarificare, quæ in dorso è regione cordis affiguntur. Quod sanè inuentum tam sæpè esse momenti usus demonstrauit, ut anxietates, & pulsus inæqualitatem, ac alia sanissima accidentia ab eis protinus subsidere visum sit. Quamobrem donec veneni accidentia quodammodo mitescere, ac supersedere visum sit, ab eis desistendum non est.*

Ratio verò, cui prioris sententiæ assertores innituntur, parui est momenti, quia metuunt ne humores noxi ab aliis partibus ad cor retrahantur. Hoc enim forsàn aliquem posset habere locum, si in principio morbi, præsentè totius corporis plenitudine, adhiberentur. At post vniuersalem euacuationem phlebotomiâ sufficienter celebratam, admotæ, nullum tale possunt inferre periculû. Quod luculentissimo pleuritidis exemplo fit manifestissimum, in cuius principio si cucurbitula lateri dolenti admoueat, attrahet, sine dubio fluxionem magis ac magis ad partem affectam. Sed cum post multas sanguinis missiones admoueri soleat, non solum nihil ab aliis partibus ad affectâ attrahit, sed illud quod parti infixum & incuneatum est, ad exteriora potentissimè trahit, ut inde integra sæpè morbi solutio subsequatur. Quamuis in hoc affectu tractio ad partem affectam magis metuenda sit, quia externa ferè & cucurbitulæ vicina est.

Zacutus Lusitanus *obs.* 13. *lib.* 5. *prax. admiranda*, plurimum commendat cucurbitulas scarificatas, prope inguina, & axilles admotas: his enim vitiosus succus ad partes ignobiles, & communia emunctoria attrahitur, ad quæ natura solet eum vtiliter deponere.

Inter reuulsoria remedia meritò etiam referuntur frictiones partium extremarum, cum linteo asperiori, frequenter repetitæ. Sed præcipuè commendatur illa, quæ fit in toto corpore cum linimento Aëtij, quod in hunc modum componitur.

℞. Ol. amygdal. dulc. & aquæ fontis, an. ʒ. iij. salis nitri ʒ. ij. Bulliant ad aquæ consumptionem, & manibus hoc oleo inunctis perfricetur calidè totum corpus manè & serò. Aëtius oleum sabinum præscripsit. Sed quia calidius est, meritò à Baptista Montano oleum amygdalarum dulcium substituitur. Hoc linimentum cutis poros aperit, vt natura commodius vapores venenatos ad eam transmittere valeat.

Potenter etiam prauos ac venenatos ichores attrahunt & reuellunt vesicatoria variis partibus admota. Vulgò adhibentur posteriori parti ceruicis: hinc enim & materiam veneficam eliciunt, & à capite deriuant, comatosisque affectibus, qui non rarò in hisce febribus solent contingere, percurandis inseruiunt. Attamen vbi maxima est malignitas totum corpus occupans, & sæuissima symptomata vrgent, vnicum vesicatorium non sufficit, sed plura admouenda sunt. Soleo ego in magna morbi sæuitia quinque locis admouere, ceruici nimirum, vtrique brachio, parte interiori inter cubitum & humerum; & vtrique femori, parte etiam interiori inter inguina, & genua, cum felici successu.

Summum huius remedij vsum ex Galeno elicere possumus, qui *l. 5. meth. cap. 12.* refert ex febre pestilen-

ti omnes euasisse, quibus exulcerationes in variis corporis partibus contigerant, euacuatâ nimirum per ea vlcera materiâ morbificâ. Cùm tamen ex huiusmodi vesicatoriis stranguria sæpissimè contingat (cantharides enim virtute ipecificâ impetunt vesicam) opportunum erit eo tempore emulsiones exhibere, quibus vrinæ acrimonia temperabitur. Hoc etiam symptoma præcaueri potest, si emplastro vesicatorio semina ameos puluerata permisceantur, quæ hac facultate donata sunt, vt prohibeant, ne cantharides nocumentum vesicæ inferant.

Inter reuulsiora remedia referri etiam potest cataplasma ex raphinis à Cratone laudatum; Raphanus, inquit, quia magnam vim habet attrahendi malignitatem materiæ, vtile est scobem eius pedibus, sale & aceto prius mundatis, alligare. Sequens verò cataplasma ad eundem usum vtilius esse poterit.

℞. Rasuræ raphani, & bryoniæ vtriusque, ana ℥.ij, sem. nasturtij hortensis ℥.j. granorum paradisi ℥.ss. salis marini ℥. iij. Mixta irrorentur aceto fortissimo, & excipiantur s.q. saponis liquidi. Fiat veluti cataplasma, applicandum plantis pedum è stupis pexis, calidè, horâ somni.

Huic cataplasmati vtiliter addi poterunt folia rutæ, vrticæ, saluiæ, scordij, stercus columbinum, succus rutæ, & acetum.

Cataplasma ex cochleis contusis similem habet efficaciam, potenter attrahit ad inferiora humores, & vapores noxios; quemadmodum Galenus illud maximè commendat ad aquas hydropicorum potente attrahendas & discutiendas.

Hæc reuulsoria remedia locum habere solent toto morbi decursu, post vniuersales euacuationes, phlebotomiam scilicet, & purgationem; de cuius usu nunc agendum

agendum est, ut à remediis chirurgicis ad pharmaceutica progrediamur.

Plurimum autem inter practicos controuertitur, utrum in febrium malignarum initio purgatio debeat institui. Multi hanc omninò reiiciunt, non solum propter vulgatum Hippocratis præceptum, *concocta esse medicanda, non cruda*: sed etiam quia in hoc morbo humores maligni à purgantibus medicamentis nimium exagitantur, & malignam qualitatem latius diffundunt naturamque acriter stimulant perniciosa alui fluxus inducunt. Cum alioqui in hisce febribus fluxus colliquantur sæpius contingere, ægròsque de medio tollere soliti sint. Alij verò contendunt, tantam esse interdum prauorum ac venenatorum humorum copiam in primis viis stabulantem, ut nisi purgante medicamento in principio tollatur, aut valde imminuatur, reliquam humorum massam inficiat, ut à natura, quantumvis alexipharmacis, roborantibusque medicamentis adiuta, superari nequeat.

Nos hoc dissidium ita componendum esse existimamus; nimirum in huius morbi principio, quantum fieri potest, à purgationibus medicamentis abstinendum esse, ob rationes in priori sententia allatas; & putridorum humorum illuuiem in primis viis stagnantem (quæ maximo equidem curationi impedimento esse consuevit) clysteribus frequentibus potius, quam purgante medicamento, esse educendam. Si tamen tanta sit in prima regione cacochymia, ut clysteribus sufficienter educi non possit videatur; (quod præcipue contingi, quando humores prauis in ventriculo redundat, tumque adest summa inappetentia, oris amaritudo, nausea & vomitus; vel quando adest lumbricorum copia; vtilissimum est tunc temporis purgante medicamento eam educere, ut materia morbifica in venis contenta

postmodum commodius edomari valeat. Quæ quidem materia ante concoctionem educi non potest, & in illa tantum locum habet sententia Hippocratis, *concocta esse medicanda*. Sed materia in prima regione contenta, & excrementorum illuvies, nullâ præmissâ præparatione, aut concoctione educi potest, & solis clysteribus, ut antea dictum est, plerumque expurgatur. Illa autem medicamenta, primam tantum regionem euacuantia, ex benignioribus eligenda sunt, vitando vehementia, imò etiam mediocria. Atque adeò usurpari tutò poterunt cassia, manna, tamarindi, syrupus roseus, & de cichorio compositus. Vixque licet ad sennam & rhabarbarum transcendere, aut saltem non nisi in exigua quantitate, malignâ urgente cacochymia, cæteris permiscere. Horum medicamentorum formulæ in febrim putridarum continuarum curatione, & purgatione in principio earum instituenda, propositæ sunt.

Enemata verò non solum in morbi principio, ad primam regionem ab excrementis liberandam; sed etiam toto morbi decursu usurpanda sunt, si alius spòte non fluat, idque singulis, vel alternis diebus. His enim quotidiana excrementa educitur, & quædam materiæ morbificæ portio sensim detrahitur. Tum etiam humores ad superiores partes vergentes ad contraria loca, eaque naturæ consentanea, retrahuntur. Hæc autem enemata ex decocto emolliente ac refrigerante componenda sunt, additis laxantibus benignioribus: acria enim & diagrydiata nimium irritant naturam ad excretionem & sæpè alui fluxus perniciosos inducunt.

Imò verò satius est nulla purgantia in vigore morbi enematis admiscere, ne alui fluxus excitetur, qui huic affectui frequentissimus est. Ita ut potiùs fomèti interioris rationem obtineant, quàm remedij laxantis.

Quòd

Quodd si aluus in morbi decursu liquida appareat, non idcirco ab enematis abstinendum, sed modicè detergentibus & refrigerantibus vtendum. Et in iulepis dissoluendus est syrupus granatorum cum puluere coralli præparati.

Dum prædicta remedia in vsum vocantur, febrilis caloris, putredinis, & malignæ qualitatis correctioni incumbendum est remediis sequentibus.

Ac primùm iulepi alterantes in februm putridarum continuarum curatione propoliti erunt conuenientissimi, ex decoctis præcipuè rad. acetosæ, cichorij, graminis, bugloss. lapathi acuti, fol. endiuia, cicborij, acetosæ, pinellæ, capil. ven. tamarindorum Quibus addenda erunt, quæ proprietate specifica venenatam qualitatem oppugnant, alexipharmaca vulgò dicta; vt radices pentaphylli, tormētillæ, carlinæ, fol. scordij, card. benedict. scabiosæ, scorzonæ, vlmariæ, flores calendulæ, & veronicæ rubræ; frusta limonis, aut citri, & semina eorundem; cortices pomorum redolentium, rasura cornu cerui &c. cum syrupis de limonibus, granatorum, acetoso simplici, de succo acetosæ, & oxysaccharo. In iisque frequentius acida medicamenta, vt succus mali citrij, vel limonis spiritus sulphuris, aut vitrioli admiscenda sunt: putredini enim & venenatæ qualitati maximè resistunt.

De malo citrio refert Athenæus, in Ægypto quondam homines morte damnatos, feris expositos, ab aspidibus quidem demorsos fuisse, & nihil inde damni perpeffos; eò quod cum ad supplicium ducerentur quedam muliercula commiseratione ducta, citria poma ad refectionem, & sitim compescendam illis edenda obtulisset: quibus assumptis nihil à lethali virulætarum bestiarum ictu noxæ persenserint. Omnes autem mali citrij partes vim quandam alexipharmacam obtinent;

ideò vtiliter in taleolas disiectum, cum rad. & herbis prædictis ad iulepos conficiendos decoquitur, & prætereà vtiliter aquæ potus ordinarij infunditur, eique fragrantiam à cortice, & aciditatem à succo conciliat: quamvis solus succus refrigerandi facultate præditus sit.

Spiritus acidi sulphuris & vitrioli à Chymiatri præcipuè summis efferuntur laudibus. Et præstantes eorum dotes diutinâ experientiâ comprobata effecerunt, ut apud Galenicos iam diu recepti sint, ac communiter vsurpari. Vt verò pateat, quanto in pretio apud priores habeantur, sufficiet nobis vnius Mundireri verba hîc in medium afferre, quæ habentur *cap. 15. lib. de pestilentia*, ubi de spiritu vitrioli, & sulphuris, aliisque ex sulphure partis medicamenti agens: *Nulla inquit, est putredo, cuius vires non frangant: nulla infectio, quam non superent, nulla humorum depravatio, quæ per ista non superetur. Sanè (ut liberimè loquar) si mihi vitriolarum medicamentorum vsus vel interdiceretur, vel inhiberetur, ego ad pestis curationē nunquam, vel saltem inermis accederem.*

Iisdem iulupis interdum addi potest sal prunellæ, quod potèter refrigerat, & febrilem odorem extinguit; habetque prætereà vim quandam diaphoreticam, cuius ratione febribus malignis vtilissimè accommodatur.

Iuleporum loco pro delicatioribus interdum substitui poterunt iuscula medicata, ex foliis borraginis, acetosæ, pimpinellæ; aliisque herbis gustui gratioribus, corticibus pomor. redolent. pulpa, & acido citri, cum pullo gallinaceo; iisque sal prunellæ ad magis refrigerandum interdum addi potest.

Emulsiones etiā parari poterunt ex amygdalis dulcibus, semin. frig. maj. cum decocto iuleporum. Et ad maiorem qualitatis venenosæ oppugnationem, seminibus prædictis addi poterunt semina citri, napi, & card.

card. benedicti. Ad saporis verò gratiam, syrupi prædicti admisceri poterunt.

Toto autem morbi decursu alexipharmaca vsurpanda sunt, non solum iulepis, iusculis, & emulsionibus permixta, vt antea dictum est, & iam vltcrius dicetur; sed etiam in alias formas concinnata. Quia verò non omnia indiscriminatim vsurpanda sunt; nec quolibet morbi tempore; vt eorum vsus legitimus probe distinguatur, in quatuor classes distinguenda sunt. Prima continebit ea, quæ præter specificam qualitatem, quæ veniens resistunt, frigida & sicca sunt, ac modicè astringunt; sicque putredinem cohibent, confirmant & roborant, venenum coërcent; ne tam faciliè in totum corpus diffundatur, partiumque dissolutioni compressione quadam obsistunt; vt bolus armena, terra sigillata, corallus, radix pentaphylli, tormentilla. Secunda complectetur ea, quæ frigiditate sua, & substantiæ tenuitate putredini resistunt, & malignitatem coërcent; vt succus limon. spiritus sulphuris & vitrioli, tum acida omnia, & ipsum acetum. Tertia comprehendet calida, & diaphoretica, quæ venenatos humores & vapores à corde expellunt, eosque à centro ad circumferentiam educunt; vt angelica, zedoaria, dictamnium, vlmatoria, scordium, carduus benedictus, scabiosa, theriaca, mithridatum, aqua theriacalis. Quarta denique continebit ea, quæ specifica vi, sine vlllo primarum qualitatum excessu, venenatam qualitatem oppugnant, vt lapis bezoardicus, cornu cerui & monocerotis, trochisci viperini, & similia.

Primæ, secundæ, & quartæ classis remedia in principio, & augmento magis conueniunt. Tertiæ verò in statu, & declinatione. Maxime autem varianda sunt hæc medicamenta, & miscenda, pro vario malignitatis, aut putredinis gradu; pro varia febris intensione, vel rea-

missione; & vario ægrotantium temperamento, sexu, ætate, aliisque circumstantiis, quarum decisio ex Medici iudicio atque prudentia tota dependet, neque certis regulis determinari potest. Hoc tantum admouebimus, quod est notissimum; quando scilicet vehemens febris exardet, refrigerantibus & acidis præcipue inhærendum, calida verò & diaphoretica non esse exhibenda, quæ tamen maximè conueniens, ubi febris remissior est, & maligna qualitas præcipuum facessit negotium. Ex his igitur varia componi possunt medicamenta pro arbitrio Medici curantis. Ne tamen tyrones eorum formulis omnino destituantur nonnullæ hæc subnectendæ sunt, ad quarum imitationem infinitas alias in rem præsentem concinnare poterunt.

℞. Rad. acetosæ, bugloss. tormentillæ, ana ℥. j. fol. endiuia, cichorij, acetosæ, pimpinellæ, an. M. j. tamarindor. ℥. j. Coquantur ad ℔. j. In colat. dissolue syrup. de limon. & granat. an. ℥. j. β. Fiat iulep. pro iij. dosibus, bis in die sumendis: addendo unicuique dosi confect. de hyacinth. ℥. j. lap. bezoard. gr. vj

Hæc iulepi forma in febris initio conuenire poterit. Ea tamen intensa admodum existente, & temperatura corporis biliosa, addi poterit unicuique dosi salis prunellæ ℥. j. vel spirit. sulphuris, aut vitrioli q. s. ad moderatam aciditatem, vel utrumque simul. In febre verò non admodum intensa, addi poterunt decocto radices carlinæ, & pantaphylli folia scordij, & scabiosæ.

℞. Amygdal. dulc. excortic. ℥. j. sem. melonum, cucurbitæ, napi, citri & card. bened. an. ℥. ij. Contundantur in mortario marmoreo, sensim affundendo decocti iulepi prædicti ℔. j. β. syrupi de limonibus ℥. iij. salis prunellæ ℥. ij. Fiat emulsio pro iij. dosibus, bis, aut ter in die sumendis.

Toto morbi decursu utatur æger in iusculis, confectio

zione de hyacintho : vel puluere sequenti gustui non ingrato.

℞. Coralli præparati, margaritarum præparat. rasuræ eboris, cornu cerui, & lapid. bezoard. ana ʒ. j. Misce. Fiat puluis, de quo detur ʒ. ss. cum singulis iusculis.

Nouatores hodierni, gemmas, margaritas, corallium, & omnia cardiaca in vniuersum ab usu medico proscribere conantes; & febres omnes, etiamnùm malignas, sola venæ sectione, & apozematis simpliciter refrigerantibus curantes; hoc saltem experimento circa corallium, & margaritas, conuincantur: quòd illa in puluerem redacta, si in aceto, succo limonum, aut spiritu vitrioli, aut aqua forti infundantur, omnem horum liquorum acrimoniam tollant. Vnde videre est eadem medicamenta intus assumpta, humorum acrimoniam, & malignam qualitatem demulcere, & ad moderatam reducere. Qui solutiones perlarum aut corallorum in succo limonum, aut aceto destillato factas degustarunt, hoc probè norunt.

Vbi maligna & venenata qualitas plurimùm viget, alexipharmaca in iulepis, iusculis, aquâ potus ordinarij, & omnibus quæ assumuntur exhibenda sunt: vt assiduo & indefinente conflictu infensus hostis oppugnetur.

Lapis bezoardicus solus ad gr. v. vel vj. exhibetur eum aqua vlmariæ, scorzonetæ, cardui bened. aut alia consimili, non solum ad malignam qualitatem oppugnandam, sed etiam ad diaphoresim adiuuandam; virtute siquidem sudorifica pollere hic lapis vulgò creditur. Quam tamen probari Autores non pauci in dubium reuocant, quòd nullum sensibile effectum ex lapidis illius exhibitione videre potuerint. Et certè (vt ingenuè fateor) non potest magna fiducia huic lapidi

adhiberi, quandoquidem etsi vero ac genuino lapidi bezoardico eæ facultates concedantur, quæ illi ascribuntur; quia tamen magnum illius pretium efficit, ut quamplurimi propolæ in eo adulterando strenuam operam nauauerint, vix alios quàm adulterinos hodiè habere possumus. Cuius rei testimonium luculentum indè elici potest, quòd rerum Indicarum scriptores testentur, lapidem bezoardicum apud ipsos Indos rarum, & magni pretij esse; cum apud nos tamen magna copia, & satis vili pretio reperiatur.

Maior fides haberi debet radici illi, quæ nostro sæculo ab Hispanis ex India allata est, quæ *contrayeruam* nominant; quod vocabulum herbam alexipharmacam significat, quoniam illius pulvis aduersus venena præsentissimum est remedium, eaque per sudores, aut insensilem transpirationem euacuat. Illamque plantam existimant commune esse alimentum, quo animalia lapidem bezoardicum generantia vesci consueuerunt; ex eaque præcipuè vim alexipharmacam tribui lapidi bezoardico. Radicis huius pulueratæ ℥.j. vel ʒ.ß. exhiberi potest; cum aqua cardui bened. aut aliis medicamentis permisceri.

Mindereus puluerem sequentem prædicat.

℥. Sacchari candi ʒ.iiij. zinzib. albi ʒ.ij. camphoræ ʒ. j. Fiat pulvis, cuius dosis ʒ. j. cum liquore idoneo. Monet verò idem Autor, in magnis capitis, & ventriculi doloribus cautè esse vtendum camphora, quam tamen maximè commendat in morbis pestilentibus; & tempestiuè datam plus prodesse asserit, quàm vel pretiosa quæuis medicamenta bezoardica. Hunc puluerem calidiorem censeo ratione zinziberis, & ad illius imitationem sequentem composui, quo vsus sum felici successu.

℥. Bezoardici miner. ʒ.iiij. salis prunellæ ʒ.ij. camphoræ

phoræ 3.j. Misce. Dosis 3.j. cum aqua card. bened. aut aliò liquore idoneo.

Ex fragmentis pretiosis etiam pulueres concinari possunt, quorum tamen vires multi irrident, alij eas suscipiunt; vnde ab Arabum temporibus vsque ad nostram ætatem, variæ compositiones officinales ex iis paratæ inueniuntur, vt electuarium de gémis, & confectio de hyacintho. Verùm in morbis venenatis smaragdum insignem vim habere prædicant nonnulli, inter quos numerandi sunt Auenzoar, Mindererus, & Zacutus Lusitanus. Auenzoar. *teisyf. tract. 1. c. 5.* refert se ipsum ex veneno laborantem, hoc solo remedio fuisse curatum. Mindererus *lib. de pestilentia cap. 15.* narrat se mulieri febre pestilenti correptæ, quæ omnia remedia auersabatur, puluerem sequentem exhibuisse, quem sine odore, vel sapore transglutire poterat; eoque assumpto, abactis sæuorum symptomatum seditionibus, & in salutem protinùs conuerso morbo, euasisse.

℥. Smaragdi præpar. lapid. bezoard. orient. ana gr. vj. hyacinthi præp. gr. iij. Misce. Fiat pulvis pro vna dosi.

Zacutus verò Lusitanus *obser. 87. lib. 3. praxis admirande*, refert nobilem quendam Lusitanum, diuturno alui fluxu ex veneno assumpto laborantem, & in talem deductum, à quo affectu nullo abstergentium, astringentium, & alexipharmaticorum vsu liberari potuerat; solo smaragdi vsu curatum fuisse, cuius puluerem sumebat in conserua cydoniorum alternis diebus ad gr. xij. & cum quinquies sumpsisset, à fluxu immunem euasisse.

Medici Mòspelienses vtuntur in hac febre, tanquam alexipharmaco vtilissimo, nullâ calefaciendi vi prædito, trochiscis viperinis, qui ad confectionem theriacæ vulgò

vulgò concinnari solent, còsque exhibent à ʒ j. ad ʒ. ʒ. cum aquis cordialibus, vel iulepis.

Melior tamen foret caro viperina exsiccata, nulla venenosa qualitate prædita (vt vulgò creditur) sed potiùs virtute alexipharmacâ potenti, quæ in decoctione multum imminuitur; ad trochiscos enim parandos in aqua decoquitur. Ideò præstantiores effectus observamus ex corde, & hepate viperarum, solâ exsiccatione præparatis.

Tertiæ classis alexipharmaca, quæ nimirum diaphoretica & sudorifica sunt, non nisi in statu morbi, aut declinatione (vt antea dictum est) exhiberi debent. Quod quidem intelligendum est, dum in febre maligna simpliciter, & purpurata vsurpantur: nam in vera peste ab ipso morbi initio vsurpanda sunt, vt venenata qualitas breui hominem iugulatura, citò & potenter oppugnetur, malignisque vapores discutiantur. Imò verò in maligna simpliciter, si venenata qualitas putredini prævalere videatur, etiam à principio exhibenda sunt in minori dosi; ea eligendo quæ minori calefaciendi vi prædita sunt, & permiscendo iulepis, aliisque medicamentis refrigerantibus supra propositis.

Horum autem medicamentorum diaphoreticorum varij sunt gradus. Alia enim calidiora, vt angelica, zedoaria, dictamnium, theriaca, mithridatium, aqua theriacalis. Quæ quidem nunquam exhiberi debent quando febrilis ardor maximè viget, sed tantum eo plurimum remisso, & malignitatis signis valdè prævalentibus. Alia verò minori caliditate prædita sunt, vt scabiosa, carduus benedictus, vlmaria, scordium; quæ tutius etiam vigente febre administrari possunt. Et hæc in vsu practico maximè distinguenda sunt. Quod ad formulas spectat, unusquisque eas variare potest, pro vario caloris febrilis, & malignitatis gradu. Nos ta-

men eas, quas maioris efficaciae esse existimamus, hinc describemus.

℞. Aquar. vlmariæ, & card. bened. ana ℥.ij. succi limon. ℥.j. theriac. vet. 3.℔. 3.ij. vel 3.j. prout maior vel minor calefaciendi metus est. Misce. Fiar potio, sumenda tepidè, corpus tegendo paulò plus solito. Si magna sit vehementia symptomatum, recens theriaca magis conveniet, propter vires opij adhuc in ea vigentes, quarum ratione vehementia symptomatum temperabitur, & humorum efferuescentia coerceretur; imò verò interdum, quando usus theriacæ non videtur idoneus, præcipuè in morbi principio, vel augmento, laudanum opiatum ad gr.ij. exhibitum, & alexipharmacis permixtum, multum prodest. Illius enim virtute narcoticâ & congelante, feruentes spiritus cordi infestissimi, figuntur quasi, & materia morbifica, (quæ dum est in fluxu, perniciosissima est) sistitur ac penè immota manet. Undè cõtingit, ut natura à malignis humoribus, & spiritibus non lacescita, recollectis viribus, alexipharmacorum virtutem faciliùs sibi applicet.

Aqua theriacalis ipsi theriacæ præferenda videtur. Cùm enim tenuissima & valdè spirituosâ sit, faciliùs citiusque penetrat, totumque corpus pervadit, ac sudores prolicit. Quia verò plures habentur illius descriptiones, varia earum dosis esse debet, prout ex magis vel minùs calidis medicamentis composita est. Nos præcipuas hinc proponemus.

Ac primum aqua theriacalis Bauderonij præstantissima est, vtpotè valdè temperata. Non enim alium recipit liquorem, quàm acetum, & succum limonum, à quibus calida ingredientia valdè temperantur. Ideòq; ab 3.℔. ad 3.j. exhiberi potest in aquis vel decoctis sudorificis. Quamvis tamen præ cæteris, quæ à variis Autoribus proponuntur, hæc minùs calefaciens existat;

nos tamen aliam excogitauimus paratu facillimam, quæ maiori refrigerandi vi prædita, non minùs febrem, quàm malignam qualitatem oppugnet, sicque toto morbi decursu, & in quocunque illius tempore vsurpari valeat. Eiùsque compositio talis est.

℥. Limones recentes & succulentos num. xij. Cortices & semina eximantur, succus exprimatur, eiq; adde cortices prædictos, & semina, succi scordij lb. iij. succi acetosæ, rutæ captariæ, scabios. & card. bened. an. lb. j. rasuræ cornu cerui ℥. iv. theriacæ veteris ℥. vj. Cortices limonum in tenues laminas diuidantur, semina contendantur, & herbæ, quæ minùs habent succi, inter contundendum succo limonum irrorentur, omniæque destillentur in B. M. Huius aquæ detur ℥. j. per se, vel cum aliis liquoribus permixta.

Aquæ theriacales calidiores fiunt cum vino albo, aut spiritu vini; æque cautiùs & in minori dosi exhibendæ; magis tamen penetrant, & sudores mouent, ac præcipuè in vera peste locum habent. In certis tamen casibus à Medico prudenti in vsum vocari poterunt. Ex variis earum descriptionibus nos duas insigniores hic proponemus.

℥. Rad. angelicæ, carlinæ, gentianæ, tormentillæ, zedoariæ, cornu cerui, ana ℥. j. trium santalor. ana ℥. ℥. theriacæ ℥. iij. camphoræ ℥. j. Contendantur omnia, & infundantur in vini albi generosi lb. ij. in loco calido, per triduum. Deinde destillantur in B. M. & aqua seruetur ad vsum. Dosis erit à ℥. ij. ad ℥. ℥. in iulepis refrigerantibus, addendo spirit. vitrioli, ad inflammabilitatem illius corrigendam.

℥. Spiritus vini opt. rectificati lb. j. ℥. theriacæ vet. Vnc. viij. myrrhæ electæ Vnc. iv. croci Orientalis Vnc. j. camphoræ Vnc. sem. Infundantur per 24. hor. in B. M. Postea destillantur in eodem balneo, & eliciatur aqua

aqua summè efficax.

Chimici bezoardica sua mineralia valdè prædicant, quòd sudorifica, aut saltem diaphoretica sint, nullam tamen calefaciendi vim habeat: idque probare contendunt ex insipido eorum sapore, ratione cuius etiam delicatioribus quibusvis ægrotantibus, & ingrata medicamenta respicientibus facile possunt exhiberi. Laudant præterea illam quam vocat mixturam simplicem, vel mixturam spiritalem, ex aqua theriacali camphorata, spiritu tartari, & vitrioli compositam; eiusque Drachm. j. iulepis, aut potionibus alexipharmacis adscant.

Medicus febrilium malignarum curationi incumbens, varia in promptu habere debet alexipharmaca, eaque per vices immutare, ne natura vni & eidem assidue usurpato, nimium assuescat, illiusque vires contemnat. Adde quòd non vna & eadem semper est veneni natura, sed pro varietate corporum admodum diuersa: ita ut quod vni profuerit, alteri non conferat. Idè postquam per aliquod tempus vno usus fuerit alexipharmaco, ad aliud & aliud transire erit utilissimum.

Dum prædicta diaphoretica usurpantur, si quando eorum operatione augere est animus, ut potentiùs venenum ad superficiem corporis educant, externa quædam remedia possunt adioueri: nempe cucurbitulæ, tum siccæ, tum scarificatæ plures & plures admotæ; & vesicatoria, de quibus antea dictum est, quæ in statu morbi præsertim maximè conueniunt, & quo tempore sudorifica medicamenta exhibentur; ac etiam ol. scorpion. Matthioli, quod ab omnibus practicis multum commendatur; virus enim in profundo corporis residens ad exteriora euocat. Idè corporis emunctoria, ut inguina, & axillæ; tum etiam pulsus temporum, manuum & pedum, hoc oleo calente frequenter inungi debent

debent; nempè ter, aut quater in die, vel etiam triâ quâque horâ. In huius olei penuria parari potest linimentum ex theriaca succo limonum dissoluta, addendo croci & camphoræ tantillum.

Si quando natura veneni malignitate oppressa, & quasi deuicta nihil prorsus agere, sed vinctis quodammodò manibus collum submittere videatur, fortissima quæque diaphoretica, etiam maiori dosi, exhibenda sunt, vt consternati cordis vires, quasi stimulis quibusdam concitentur. Tùmque aquæ thiriacales, aut bezoardica potentiora & maiori penetrandi vi prædita (quæ etiam additâ camphorâ plurimùm intendi poterit) vsurpanda sunt. Exteriùs verò tunc temporis fotus sequens assumptorum vim mirificè iuuabit, malignorùmque vaporum diaphoresim promouebit. Hac enim methodo non pauci ab Orci confinio liberati sunt.

℞. Rad. angelicæ, & gentianæ, ana ℥.ij. fol. melissæ, origani, scordij, ana M. ij. sem. cad. bened. ℥. j. flor. chamom. verbasci, meliloti, hyperici, centaurij minor. stœchad. anthos, & calendulæ, ana P. ij. Fiat decoctio, addendo sub finem parùm vini albi, quæ foueantur pedes, inguina, axillæ, & latera, calidè cum spongiis.

Si linguæ siccitas, sitis & alia febrem aq. è prævalere, ac malignam qualitatem ostendant; hoc fotu abstinendum est, & illius loco gallina per spinam diuisa, vel pulmo, aut omentum veruecis recenter mactati, ventri admoueantur.

In toto curationis decursu virium ratio maximè habenda est, quæ venenata qualitate valdè deiciuntur. Exque fulcientur primò iusculis conuenientibus ex decocto caponum paratis, quibus, urgente necessitate, iura carniùm stillatitia addi poterunt, ac præcipuè aqua caponis

aponis per descensum in B.M. parata, vt hodiè vulgò fit. Confectio de hyacintho in iusculis vires recreat, & malignam qualitatem oppugnat. In iisdem iusculis gelatina cornu cerui vtramque etiam indicatinoem implet. Labentibus omninò viribus ad confectionem alkermes licet confugere, modò febrilis calor non vehemens vrgeat. Ac denique vinum omnium cardiaco- rum potentissimum est, de cuius vsu in hoc morbo; supra in victus ratione actum est. Solus vini odor vi- res admodum recreat, & multò magis frustum panis allatum, in vino odoro, & aqua rosarum maceratum, ac naribus oblarum.

Tum etiam confectio alkermes, & de hyacintho portionibus alexipharmacis admisceri solent. Vel in maxima virium imbecillitate potiones merè cardiacæ concinnari possunt in hunc modum.

℞. Aquæ naphæ & rosar. an. ʒ. j. β. confect. alkerm. ʒ. j. syrupi de pomis ʒ. j. succi limon. ʒ. iij. Fiat potio. Si febris non sit intensa, aqua cinam. ad Drach. j. vel iij. addi poterit, & interdum ambra grisea ad gr. v. vel viij.

Neque tamen in maxima virium ruina, calida illa roborantia tantoperè metuenda sunt, vt febris aug- mentum formidantes ægrum ab imminente mortis discrimine liberare nolimus; quandoquidem vrgen- tioris perpetuò maior ratio habenda est, & resectis aliquantulum viribus, quod roborantia calida plus æquo inflammant, refrigerantibus validis, vt sale prunellæ, & spiritu vitrioli, in iulepis, & potu ordina- rio permixtis postmodum contemperari potest. Hæc methodus à prudenti Medico obseruata, non solum in roborantium, sed etiam alexipharmacorum & su- dorificorum calidiorum exhibitione feliciter succedit.

His accedent epithematum, & animalium applica- tio regioni cordis, foris genitalium ex confectione

alkermes in vino dissoluta, sacculi ventriculo admo-
uendi, aliaque tum interna, tum externa remedia in
affectibus cordis, *cap. de virium imbecillitate*, paulò fu-
siùs à nobis descripta.

Quod ad epithemata spectat, in iis cautio adhiben-
da est. Siquidem Authores quamplurimi vsum eorum
reiciunt, quòd ex refrigerantibus, & repellentibus
componi soleant, aquis nimirum herbarum frigida-
rum & aceto, à quibus venenata qualitas ad cor reper-
cutitur, illiùsque diaphoresis, quæ perpetuò adiuuan-
da est, impeditur. Verùm ratio hæc vsum epithema-
rum nequit impedire, cùm ea ex aquis cordialibus &
diaphoreticis, nullaque astringendi, aut repellendi vi
præditis, & sine aceto (quod tamen multi admittunt)
componere possimus, additis cardiacis, iisque simul
iunctis fient epithemata, non solum cordis robur su-
stinentia, sed etiam poros cutis aperientia ut, per eos
maligni vapores faciliùs transpirent. Huiusmodi epi-
thematum exemplum tale esse poterit.

℞. Aquar. scabios. & card. ben. ana Vnc. iv. aquæ na-
phæ Vnc. ij. confect. alkerm. Drach. ij. pulu. elect. dia-
marg. frig. Drach. j. croci, & camphoræ, an. gr. vj. Fiat
epithema, applic. regioni cordis tepidè, frequenter.

℞. Confect. alkermes Vnc. sem. pulu. elect. triasant,
& diamarg. frig. ana Drach. j. sem. aquæ naphæ parum.
Fiat linimentum applicandum eidem patri post vsum
epithematis prædicti.

Epithemata etiam hypochondriis admo-
uenda, hic etiam omittenda non sunt, propter rationes in febrium
putridarum curatione circa eorum vsum propositas,
quorum etiam materia inde desumi poterit.

Deiunctâ tandem remediis prædictis malignâ, & ve-
nenatâ qualitate, remissâque febre, ac morbo ad decli-
nationem vergente, coctionisque signis manifestè ap-
parenti

parentibus; purgatio instituenda est, quæ ægrotantis viribus & constitutioni, à Medico exercitato aptari poterit. Nos in tyronum gratiam vnicum exemplum hæc proponemus.

℞. Sennæ mundat. Vnc. β. sem. anisi Drach. j. fol. scabiosæ & scordij, an. M. sem. liquirit. Drach. iij. Coquantur ad Vnc. iij. In colat. dissolue rhab. in aqua buglossi cum fantalo citrino infusi ℥. iv. mannæ & syrupi rosac. ana ℥. j. Misce. Fiat potio.

Neque verò ut plurimum in morbi declinatione & statu conualescentiæ, vnica purgatio sufficit; sed ea non raro bis, tervè per intervalla repetenda, ut pravi humores funditus eradicentur. Alioqui periculum est recidiuæ, aut saltem ægroti longè tardiùs conalescunt. Quia natura, etsi satis potens sit illas materiæ morbificæ reliquias contere: id tamen non nisi multo tempore præstare potest, & interim corpus pristinum robur tardiùs recuperat.

Ad integrum huius curationis complementum, superest tantum, ut de correctione symptomatum, quæ huic morbo superuenire solent, aliquid dicamus. Eorum autem curatio eadem propemodum est, quæ *sect. 2. huius tract. cap. 2.* fuit proposita; ubi symptomatum febres putridas comitantium curationes tradidimus. Et illa symptomata cum iis quæ febribus malignis accidunt, eadem ferè sunt, per magis tantum & minus differentia; idè eadem remedia in utroque morbo iis aptari poterunt. Nos tamen in hoc loco, quæ frequentius nobis in febrium malignarum symptomatis edomandis usurpata sunt, quæve magis profuere, paucis annotabimus. Simulque morborum hisce febribus superuenientium curationes proponemus.

Ac primùm in dolore capitis, vigiliis & delirio conueniunt in principio reuellètia omnis generis, ut aper-

tio venarum inferiorum, & hæmorrhoidum, clysteres emollientes, frictiones partium inferiorum, cucurbitulæ primò suris, postea dorso, & scapulis admotæ, tum siccæ, tum scarificatæ; & vesicatoria, quæ in delirio simplici à materia biliosa excitato, brachiis & femoribus erunt admovenda. Si verò cum delirio stupor & somnolentia adfuerit, etiam ceruici, deinde repellentia fronti admovenda, & oxýrrhodina; de quibus hoc notandum, ea minùs convenire in febribus malignis, quàm in putridis simpliciter; quia venenatorum vaporum difflatio omni arte procuranda, non autè intùs retinenda. Idèò leuiora priùs repellentia admovenda sunt, & si vehementia dictorum symptomatum ad fortiora confugere nos cogat, diù non sunt vsurpanda.

Inter repellentia leuiora recensetur frontale commune ex flor. nymphææ, violar. & rosar. sem. frig. maj. & granis alkermes, vapore aceti irroratum. Quod si non sufficiat, sequens admonebitur.

℞. Vnguenti populei Vnc. j. confervæ rosar. & violar. ana Vnc. sem. ol. rosacei Vnc. vj. aceti rosac. Drach. ij. Misceantur omnia, & excipiantur stupis pexis, & duobus linteis inclusa fronti applicentur.

Interea emulsiones quatuor sem. frigid. maj. vsurpari poterunt, à quibus vapores frigidi, & benigni ad cerebrum transferri, & dicta symptomata demulceri solent. Quæ si non sufficiant, narcotica addentur, quæ acrium & malignorum vaporum ascensum ad cerebrum mirum in modum prohibent, & somnum conciliant. Ea tamen parvâ dosi vsurpanda, vt syrup. de papav. ʒ. β. Vel vrgente necessitate laudani opiat g. ij. cum conferva rosarum utiliter exhibebuntur; vel in iulepo aliquo dissolventur, vel illius loco theriaca recens ad ʒ. β. Hæc tamè narcotica raro & in parva dosi vsurpanda, quia venenum concentrant, quamvis sudorifica

rifica à nonnullis habeantur.

Post repellentia per vnum, aut alterum diem vsurpata, ad deriuantia veniendum est, inter quæ recensetur vesicatorium ceruici admotum, de quo suprà, cui addenda est sectio venæ frontis; ex eaque detrahendus est sanguis ad $\mathfrak{z}.$ v. vel vj. & felicitè succedit, dummodo sufficienter antea per venas brachij sãguis detractus fuerit. Affigantur etiam hirudines pone aures. Quod remedium vtile quidem est, sed priori minùs efficax, quia per hirudines tenuissima tantum sanguinis pars educitur, cùm per venam frontis aliquando in phrenitide sanguis impurius, & magis corruptus educatur, quàm ex vena brachij. Tandem in statu phrenitidis, aut declinationis principio, resoluentia admouenda sunt, præcipuè verò animalia, aut eorum partes, vt pulmo vèrucinus, qui pullis columbinis, & catellis commodior est, eo quòd totum ferè caput molliter amplectitur. Hæc autem animalia humores noxios in cerebro contentos partim resoluunt, partim concoquunt atque maturant, vt natura postmodum eos facilius expellat. Malè à nonnullis in principio phrenitidis admouetur, quia calorem augendo, fluxionem ad cerebrum magis promouent & delirium intendant.

In linguæ inflammatione, siccitate, & nigredine conueniunt remedia dicto loco proposita, præsertim ea quæ ex aqua, vel succo semperuiui & sale prunellæ composita sunt. Quibus sequens ex Minderero addi poterit, quippè quod maximè conferre experientia docuit.

\mathfrak{L} . Butyri recentis in aqua rosac. loti $\mathfrak{z}.$ ij. salis prunellæ $\mathfrak{z}.$ ss. Misce, & seruetur in aqua frigida. Detur ipsi, vel fabæ magnitudine sæpius in die, & diu in ore detineatur: Curationis probè succedentis signum est, si fuligo atra decedat, ac lingua rimis dehiscens humescere

Incipiat: sicque cutis ramenta, tanquam excoriationes, decidant, ita ut faucium exuias ægri sereatu reiciant. At tum palatum dolitat, & tenuissima cuticula qua conuestitur, ob teneritudinem vix quicquam ferre potest; sed leui acore, & vix perceptibili acrimoniâ offenditur; quod cum prægressæ inflammationis stigmata ad hunc ferat, nouâ pelle vestiendum, ac sic penitus & refrigerandum, & persanandam currit. Huic vsui conuenientissima erit sequens gelatina.

℞. Sem. psyllij, & cidon. ana 3. j. β. gummi tragacant. 3. j. Cum aquæ rosar. s. q. extrahatur mucilago satis liquida, cui adde syrupi violacei parem quantitatem. Fiat instar gelatinæ, quâ vtatur frequenter ex cochleari, diuque ore contineat.

℞. Lac calens gargarizatum dolorem lenit, inflammationem temperat, linguam & fauces humectat, & venenum attrahit.

Pilulæ sequentes commodè vsurpari poterunt.

℞. Sem. cucumer. mundat. & contus. 3. j. gummi tragacant. subtilissimè puluerat. 3. β. albuminis oui q. s. Formentur pilulæ, quas teneat in ore frequenter. Vel

℞. Sem. cucurbitæ, & melon. mundat. & papau. albi, ana 3. j. liquirit. & tragacanth. ana. 3. j. β. Contundantur & puluerentur, cum mucilag. sem. cydonior. extracta cum aqua rosar. fiant pilulæ in ore detinendæ.

Quia verò hæc linguæ inflammatio, siccitas, & nigredo ex interno incêdio procedit, ad illius extinctionem conuenient iulepi valdè refrigerantes, quibus addetur sal prunellæ, & spiritus vitrioli. Tum etiam in aqua potus ordinarij eadem permisceri poterunt.

Siris intensissimæ curatio dicto loco sufficienter fuit proposita. Sed in febre maligna scilicet extinguetur duobus remediis proximè laudatis, nempe

salc

fale prunellæ, & spiritu vitrioli in iulepis aqua potus ordinarij.

Inappetentiæ, nausæ, vomitus, & singultus curationes ex dicto loco desumendæ sunt. De vomitu tamen hoc addimus, eum interdum febre maligna correptos ita diuexare, vt omnia iniecta statim reiiciant, & quamuis sitis, & linguæ siccitas, & nigredo adsint, nullum tamen potulentæ materiæ genus ferre possint: sed omnes iulepos, emulsiones, ptisanas, aquam etiam simplicem statim post assumptionem euomant. Huic symptomati grauissimo statim medetur, quasi miraculo; sal absinthij ad ʒ.ij. in succi limonum recentis cochleari exhibitum, vt experientia didici.

Alui fluxus in hoc morbo frequentissimus est, in eoque Medici prudentia valdè necessaria est. Si enim cohibeatur præposterè, materia venenata intus retinetur. Si verò non cohibeatur, vires deiciit, ægrumque non raro ad interitum ducit. In illius curatione ita procedendum. Si ita moderatus sit, vt vires non deiciat, cohibendus non est, sed clysteribus roborantibus tantum moderandus. Si veto immodicus sit, & vires admodum deiciat, colliquatius esse consuevit, & audacter cohibendus, quod summâ efficaciam præstabit thetiaca recens, ad ʒ. ʒ. vel laudanum opiatum ad gr. ij. vel .iij. Sæpè tamen obseruaui, alui fluxum perniciosum, ex quo æger ad interitum ruere videbatur, potioribus diaphoreticis magna dosi exhibitis, quasi momento cohibitum fuisse, fugato scilicet veneno, quod intestina, aliâque viscera vellicando, fluxum illum syntecticum efficiebat.

Lumbrici hoc morbo laborantes sæpissimè infestant, & ex summa humorum putredine copiosi generantur. His è corpore educendis cōuenient clysteres dulces, & potiones cōtra vermes, præcipuè quæ ex decocto

scordij parantur. Siquidem scordium aduersus malignitatem & lumbricos æqualiter confert. Vt autem illius caliditas temperetur, cum portulaca, acetosa, & cornu cerui decoqui poterit. Tum etiam cornu cerui vstum vtiliter decoquetur. Siquidem Forestus *obs. 4. lib 6.* testatur, nullum remedium æquè profuisse febre maligna laborantibus, in quibus lumbricorum copia & alui fluxus aderant, ac cornu cerui vstum, cum iulepis ad Drach. j. exhibitum.

Quando maligna & venenata qualitas in hisce febribus valdè prædominatur, vt ad pestilentium propriè dictarum naturam accedant, in iis plerumque sunt parotides & carbunculi. Eorum idèd curatio hîc subnectenda est.

In parotidis principio, quamprimum illa apparere incipit, pars recipiens laxanda, & si tumor segniter increseat, attrahentibus admotis, & alexipharmacis, ac diaphoreticis exhibitis, naturæ ad eas partes materiam morbificam expellentis motus adiuuandus est. Ad partem laxandam fiet injectio ex vnguento de althæa, admotâ postmodum lanâ succidâ. Attractio fiet admotis catulis, aut pullis columbinis; quibus etiam dolor temperabitur. Validiùs attrahunt emplastra ex fermento, caricis, cepis, columbino stercore, addendo butyrum, pinguedinem gallinæ, axungiam suillam recentē, & ol. lilio. vel amygdal. dulcium. Si attrahentibus hisce pars nimium incalcescat, & dolor nimis intendatur, fiat eorum intermissio per interualla, admouēdo interim cataplasma de mica panis, aut olea prædicta, lanâ succida excepta, vel vnguentū de althæa, vt suprâ. Et quia pars non est capax materiam morbificam sufficienter recipiendi; ad portionem illius deriuandam admouendum est vesicatoriū posteriori parti ceruicis, simulque diaphore

phoretica supra enumerata frequenter vsurpanda. Euocata materia ad partes exteriores, tentetur suppurationis, admoto cataplasmate ex rad. althææ, lilior. caricis, farina lini, axungis, & oleis prædictis composito. Suppuratione facta tumor aperiatur, reliquum materię concoquatur, continuato cataplasmate, vel admoto emplastro diachylone. Vlcus mundificetur digestiuo communi ex terebinthina, vitellis ouorum, & oleo rosaceo. Tum etiam vlcus teneatur diu apertum admota turunda, vt totum virus per illud sufficienter expurgeretur, & tandem ad cicatricem perducatur. Hoc tamen obseruandum, tumorem ita crescentem, vt periculum suffocationis immineat, ante perfectam maturationem esse aperiendum: sic enim aliqua materię portione educta, tumor aliquantulum subsidebit, & suffocationis periculum euitabitur. Pari modo si intensissima sit malignitas, vt æger morbo succumbere videatur, antequam tumor ad maturitatem perductus sit; aperiendus etiam est ante tempus, vt veneni vis expiret, vnde salus ægri subsequi non raro consuevit. Hæcque ratione in vera peste bubones ante suppurationem aperiri solent.

Denique silentio præterire nefas est insigne experimentum, quod mihi contigit in febre illa epidemica, quæ Monspelij sæuissimè grassata est anno 1623. ita vt media ferè pars ægrotantium interierit. Peculiariter verò quibuscumque parotides superueniebāt (quod solebat contingere circa nonum, vel vndecimum morbi diem) omnes intra biduum interibant; præcedente, aut eodem tempore accedente delirio, stupore, motibus convulsivis, & pulsu inæquali, frequenti, minutulo, & quasi formicante. Cum autem plures huiusmodi vidissem, qui neque alexipharmacis frequenter adhibitis, neque attrahentibus parotidi admotis iuvari potue-

rant; animo reuoluens si quâ viâ liberari possent à tam certo exitio: Tandem cogitare cœpi, ideò parotides febribus hisce superuenientes sinistri esse iudicij, quòd locus in quò fiunt, non est capax totam materiam morbificam excipiendi, quæ intus retenta opprimit ægro-
 rantem, ac proinde opus naturæ inchoatum solummodo, euacuationibus suppleri posse, venæ sectione scilicet & purgatione; cum etiam Gal. 3. *de compos. medic. secundum loca, cap. de parotidibus*, in earum curatione phlebotomiam præscribat. Verùm hic inductioni maximè obstabat summa virium imbecillitas, quæ tanta erat, vt iam versari ægrotantes viderentur in agone mortis, quæ etiâ breui succedebat. Gal. verò loco citato, dum præscribit venæ sectionem in parotidum curatione, duas proponit conditiones; nempe si adsit sanguinis redundantia, & vires ferant. Quæ conditiones hic omnino deerant: prius enim sufficienter sanguis detractus fuerat, tū per phlebotomias iteratas, tū per cucurbitulas sacrificatas: tum etiam maxima aderat viriū ruina. Hisce omnibus perpensis, auream hanc Corn. Celsi sententiam, si aliàs vnquam, hic maximè locum habere censui, *multa scilicet in præcipiti periculo rectè fieri, quæ alias essent omittenda: & satius esse anceps remedium in vno, aut altero experiri, quam tot agros certo exitio relinquere*. Hoc etiâ animo addebat, quòd summa illa viriū deiectio ab opptessione magis, quâ ab exolutione proficisci videbatur. Ideò enim subito vires corruiebant, quòd natura non posset graue onus excutere, eiusque imminutione subleuatum iri sperandum fuerat. Adde quòd phlebotomia ita poterat institui, vt nullum inde periculū esset metuendū, si nimirum 3. ij. vel tres sâguinis primâ vice tantum educerentur, tentandi gratiâ, & si ritè succederet, maior deinceps quantitas detraheretur. Hâc igitur viâ rem exequi placuit. Et cum
 mercator

mercator Monspeliensis nomine *Bernardier*, primus occurreret, eique parotis ponè autem sinistram die morbi vndecima erumperet, cum pulsu, aliisque symptomatis suprà enumeratis; phlebotomiam præscribo ad Vnc. iij. quam tamen Chirurgus senex & peritus celebrare renuebat, metuens ne æger ad extrema redactus, in ipsa operatione expiraret; meâ postmodum præsentia, & auctoritate confirmatus, sanguinem misit ad Vnc. iij. Tribus, aut quatuor horis elapsis ægrum iterùm inuiso, & pulsum paulò validiorem inuenio, minúsque inæqualem. Iteratur phlebotomia ad Vnc. vj. Pulsus inde multò melior & robustior. Sanguis detractus admodum corruptus apparuit. Sequenti die propinatur medicamentum ex senna, rhab. & syrupo rosaceo. Sicque æger à morbis confinio liberatus est. Omnibus deinceps ægrotantibus, quibus succrescebant parotides, venæ sectio primùm, idque partitis vicibus, & sequenti die purgatio à me præscripta est: sicque omnes (Deo sit laus & honos) quotquot hoc modo tractati sunt, foeliciter euaserunt, neque vllus ampliùs toto illo anno ex parotidibus interiit.

Aduertendum tamen est (quod in prognosi notauimus) parotides sæpè criticè, & vtiliter apparere, & ex iis ægros à morbo liberari; quando scilicet in declinatione contingunt. Idque faciliè apparet ex remissione symptomatum, quæ illarum eruptionem solet præcedere, & tales accidere, solent in febribus minori malignitate præditis. At verò in prædicta temporis constitutione tanta erat febris epidemicæ malignitas, vt parotides sæpè in statu morbi, & symptomaticè, ac lethaliter erumperent, donec prædictis remediis earum pernicies sublata est.

In carbunculo febris ardenti superueniente, si ante illius apparitionem sanguis sufficienter missus non fuerit,

fuerit ; aut si æger vltiorem venæ sectionem ferre non possit,aperiatur vena carbunculo vicinior,vt maior fiat attractio materiæ virulentæ ad partem affectam.Postmodum tumor vndique in circuitu scarificetur,idque satis profundis vulneribus ; & aqua salsa calidâ foueatur aliquantisper , vt sanguinis concretio impediatur, eiûsque affluxus adiuuetur. Mox caustici granum in pustulæ medio applicetur. Toti autem tumori sequens cataplasma admoueat.

℞.Fol.rutæ,& scabiosæ,contus.an. M.j.ficuum siccat.contusar.par. iij. fermenti acris Vnc.j.piperis puluerati Drach.j.vitell.ouor.num.ij.Misce.Fiat cataplasma, quod per biduum applicetur.

Deinde verò sequens admoueat.

℞.Succorum symphyti maj, scabiosæ, calendulæ, ana Drach. j. theriacæ vet.℥. iv. salis Drach. j. vitell.ouor.num. ij.Misce. Applicetur tumori.

Potest etiam ab initio tumori applicari cataplasma de arnoglossio in Pharmacopœa Bauderon. descriptū.

Ipsi verò escharæ post caustici applicationem admoueat vnguentum basilicum, cui addatur theriaca,ol.scorpionum, & vitellus oui.

Postquam tumor incrementum susceperit,ne materia maligna refluat ad interiora, illius ambitus illinatur vnguento de bolo, bis aut ter in die.Supra escharam verò, vt illius casus procuretur, applicetur vnguentum basilicum, cum butyro, aut axungia suilla permixtum. Post escharæ casum vlcus detergeatur vnguento sequenti.

℞.Succorum calendulæ, absinthij, scabiosæ,& apij, ana ℥.j.myrrhæ electæ,rad.ireos Florent. aloës,sarcocollæ, ana Drach.j.mellis rosati Vnc.ij.Fiat vnguentum,continuum usque ad integram curationem.

CAPVT II.

De variolis & morbillis.

AD febres malignas & pestilentes meritò referenda est illa, quæ variolas & morbillos comitari solet; cùm epidemica & contagiosa sit, plurimòsque pueros, quibus præcipuè solet accidere, de medio tollat.

Quænam sit inter variolas & morbillos differentia, apud Autores omninò non conuenit. Vfus verò obtinuit, vt variolæ nomenclentur pustulæ maiores, varis persimiles, vnde nomen sortitæ sunt; quæ ad suppurationem peruenire solent: morbilli verò sint pustulæ perexiguæ, & veluti cutis asperitates cum intensa rubedine, instar erysipelatum; quæ intra quinque vel septem dies, sine suppuratione discutiuntur, & ratione rubedinis intensæ, apud Gallos *la rougeole* vocari conseruerunt: variolæ verò, *la petite verole*, & in Occitania, *la picote*. Est & tertium pustularum genus pueris familiare, & variolis simile, quoad magnitudinē & figuram: sed in eo ab iis distinguitur, quòd variolæ cum rubore & inflammatione appareāt; hæ verò albæ sint, & veluti vesiculæ, seroso humore repletæ, quæ intra triduum disrumpuntur, & exsiccantur, nullumque asferre solent periculum, & plerumque sine febre erumpunt. Id pustularum genus à nostratibus fœminis, *la veirolette*, nominari solet: ab Italis, *ranaglione*. Eiusque descriptio reperitur apud Vidum Vidiū, his verbis: *Sunt qui præter duas species crystallos adiciant. Sic enim appellant quasdam veluti vesiculas plenas aquâ, instar crystallos splendentes, quibus cutis variis locis distinguitur:*
has

bas nunc vulgò nominant reuaglione. In quas non ita incurrunt omnes homines, sicut in variolas & morbillos: neque sub ipsis ita graviter affliguntur. Quamobrem non videntur, tanquam tertia species, morbillis & variolis haec pustula adiicienda.

De variolis & morbillis Autotes multa disputant, ac praesertim, utrum hi affectus sint morbi novi, ac veteribus incogniti, & à quà causa proximè atque immediatè producantur. Cum autem nos summam brevitatem in praelectionibus nostris obnixè affectemus, omnes controuersias praetermittere consueuimus, nudas, & simplices earum decisiones proponentes; ideoque sic, quid de praedictis quaestionibus censendum sit, paucis explicabimus.

Ac primùm variolas & morbillos minimè novos affectus esse censemus, cum ab antiquissima causa, nempe sanguinis materni impuritatibus oriantur; quam cum Arabes agnouerint, minimè nouum morbum esse censuerunt. Si autem eorum temporibus primùm grassati cepissent, illud speciatim ab iis fuisset annotatum. Ac quanquam ab iis primùm exacta eorum descriptio tradita sit: Hipp. verò & Galenus, aliique antiquiores vix de iis mentionem fecerint: arbitrari oportet, idèd peculiarem de iis tractationem à veteribus hisce non esse institutam, quòd sint tantum accidentia febribus synochis & malignis superuenientia, & eruptiones criticae, proprium & peculiare morbi genus minimè constituentes. Vel quòd in Græcia, propter aëris clementiam, ita levis fuerit affectus, ut Medicorum curam non meruerit. Quemadmodum apud Indos Occidentales, propter summam aëris clementiam ita levis esse consueuerat, ut vix animaduersus fuerit ante accessum Hispanorum in eas regiones. Postquam verò Aethiops quidam eò delatus variolis pestilentibus

pestilentibus correptus est, communicata per contagium maligna & venenata qualitate, tam immaniter grassari cœpit affectus, ut magna Indorum pars de medio sublata fuerit. Cum enim antea impuritates illæ ex materno sanguine relictæ, ob clementiam aëris à natura facile discuti consueuissent, accedente postmodum venenatâ qualitate graues morbos effecere.

Sanguinem verò maternum esse veram causam variolarum & morbillorum, inde præcipuè colligitur, quòd ex hominum millibus vix vnum reperire liceat, qui semel saltem in vita hos affectus non patiatur. At morbus omnibus hominibus communis à causa aliqua communi necessariò dependet: qualia sunt generationis principia, semen nimirum & sanguis maternus. At semen non potest esse causa variolarum & morbillorum, cum ab eo morbi hæreditarij & totâ vitâ perdurantes oriantur. Superest igitur, à sanguine materno, quo nutritur fœtus in utero, hos affectus prouenire. In illo enim quantumvis purissimo quædam impuritates continentur, quæ partibus fœtus labem suam communicant; & illa labes partibus impressa massam sanguinis inficit; eique, à causa procatartica excitatæ, ebullitionem conciliat, cuius beneficio fit fermentatio & depuratio tam sanguinis, tum ipsarum partium. Hoc docent Arabes luculento vini exemplo, quod dum adhuc recens & musti naturam retinens in dolium mucidum, aut praua aliâ qualitate infectum infunditur, à dolio quidem malam illam qualitatem recipit. Dum verò per ebullitionem depuratur, non modò seipsum, sed etiam dolium purificat. Ista autem ebullitio, seu fermentatio ut plurimum puerulis contingit, aliquando tamen grandioribus, & virilem ætatem adeptis; quia semper à causa aliqua externa commoueri solet, qualis est in primis

certa

certa aëris dispositio huic morbo analoga. Vnde fit, ut nunc variolæ, nunc morbilli grassari soleant, quòd illa aëris dispositio, nunc his, nunc illis sit magis analoga.

Neque impuritates illæ sanguinis materni ipsam matrem inficere possunt, in eaque similes affectus generare; quamvis dictum fuerit ab Hipp. *l. de natura pueri*, tres esse partes in sanguine, vnam purissimam, quâ nutritur fœtus: alteram impuriorem, quâ nutritur mater: & tertiam impurissimam, quæ in venis vteri asseruatur toto gestationis tempore, & post partum per lochia expurgatur. Primò enim cum mater habeat partes duriores & solidiores, eæ non tam faciliè recipiunt impressionem, quemadmodum fœtus corpus tenellum atque mollissimum. Deinde portio illa sanguinis impurissima, quæ asseruatur in venis vteri & secundinarum toto gestationis tempore, inficit in transitu sanguinem, qui defertur per ea loca ad fœtus nutritionem: vnde fœtus contrahit malam qualitatem, quæ suo tempore causa est ebullitionis in sanguine fœtus. At verò portio illa impurissima in dictis locis remanens non inficit corpus matris.

Præterea mirandum non est tamdiu differri aliquando eruptionem variolarum & morbillorum, ut in virili ætate nonnullos corripiant. Non enim substantialiter in corpore remanent impuritates illæ, ut multi existimant: corrumpenterent enim morâ longissimâ & putredinem deterrimam acquirerent. Sed ab iis tantum praua quædam qualitas partibus fœtus imprimitur, quæ tandem humorum partem aliquam inficiens, naturæ molestior redditur, quæ tunc temporis insurgens, infectas illas humorum portiones ad cutem propellit.

Cum autem in sanguinis massa duplex excrementum
reperiatur.

reperiatur, vnum crassum, alterum verò tenue: ex crasso variolæ generantur, ex tenui verò morbilli. Et licet vna eadēque sit praua & maligna qualitas, vtrumque excrementum inficiens: attamen quia diuersa est vtriusque excrementi natura, diuersa etiam est causæ externæ ad vtrumque analogia. Vnde fit, vt aliquando variolæ, aliquando morbilli populariter grassentur.

Quamuis autem variolæ in toto corpore erumpere soleant, maiori tamen copiâ in facie, pedibus & manibus apparere cōsueuerunt, cum aliter euenire soleat in maculis purpureis, quæ in febre purpurata contingūt: illæ enim in pectore & dorso præcipuè apparēt. Cuius differentiæ ratio inde desumenda est, quòd cum variolæ oriantur ab ebullitione sanguinis, cuius beneficio fit excretio ad cutem excrementi in eo latitantis, & praua qualitate affecti; hepar autem sit sanguinis fons & origo, ab eo præsertim talis expulsio dependet; at hepatis emunctoria sunt facies, manus, & pedes: vnde fit, vt calidiori hepate præditi, faciei rubedine & pustulis laborare, calorēque intēsum in volis manuum ac pedum percipere soleant; eaque ratione maior sit expulsio ad eas partes. Contrà verò maculæ purpureæ in febre maligna apparentes, à corde præcipuè affecto oriuntur, ideòque circa partes cordi vicinas erumpunt, & præcipuè circa lumbos, quia in iis vena caua ascendens, & arteria aorta cordi annexæ decurrunt.

Alia præterea differentia inter variolas & maculas purpureas annotanda est, quòd nimirum variolæ & morbilli apparentes tertio vel quarto die à febris inuasionē, criticæ esse soleant, & vtplurimum salutare: maculæ verò purpureæ, etiam septimo die apparentes, plerumq; symptomaticæ sint, & morbum reddunt deteriore; cum aliter debere fieri videretur; morbus enim crudior est quarto die, quàm septimo. Huius ra-

men euentus ratio inde depromēda est, quòd in vario-
lis & morbillis plerumque febris incipit, à summo vi-
gore, idèd non solum tertio, aut quarto, sed etiam pri-
mo & secundo die excretiones in eà verè criticae pos-
sunt contingere. At febres malignae segnius progrediuntur, & principium earum ad septimum plerumque extenditur: vnde eo tempore excretiones contingentes non possunt esse verè criticae. Quòd verò variolae & morbilli tam citò ad statum perueniant, non autem febres malignae; inde fit quia febris variolarum & morbillorum à putredine leuissima, & sanguinis ebullitione potius quàm ab intensa materiae putredine proficitur; eam idèd cessare facit natura mediante coctione ante diem septimum, eò quòd leuissima sit, & à facillimis causis orta. At in malignis febribus adèd est ingens, ac sordida putredo, vt nec decima quarta die, & interdum vigesima corrigi possit. Et ob id, maculis erumpentibus ante id tempus exacerbatur; quia citra coctionem, & symptomaticè coacta fuit natura eas expellere.

Fit igitur expulsio variolarum & morbillorum per sanguinis ebullitionem: Quae quidem ebullitio, iuxta doctrinam Auicennae, duplex est; vna perfectiua, altera verò corruptiua. Perfectiua seu depuratiua ea est, in qua partes tantum impuriore & excrementitiae sanguinis putrescunt & à natura expurgantur, vt tota massa pura postmodum relinquatur, & tunc variolae fiunt salutes; quae sine vllò medicæ auxilio curantur. Corruptiua verò est, in qua non solum partes sanguinis, excrementitiae, sed etiam sanguis ipse sincerus putrescit; vnde periculosa & lethales variolae oriuntur, & pro maiori vel minori putredine, maioris vel minoris malignitatis particeps, plures vel pauciores sanguinis partes occupantis, maius vel minus periculum emer-
git.

git. Talis ebullitio corruptiva præcipuè contingit, dum epidemicè grassantur isti morbi, & à maligna aëris constitutione excitantur, à qua humorum effervescentia, & maligna putredo ducitur; vnde variolæ multæ & periculosæ generari solent, quæ aliquando pestis prodromi & nuntij, iuxta Rhasis sententiam, esse consueverunt.

Inter morbos acutos recenseri solent variolæ & morbilli, ut plurimum enim intra quatuordecim dies terminantur. Duplex autem temporum series à nonnullis ingeniosè statuitur, tēpus nimirum ebullitionis, & tempus eruptionis variolarum. Tempus ebullitionis quatuor, ut plurimum, diebus perficitur: ita ut primus dies principium statuatur, secundus augmentum, tertius status, & quartus declinatio: tunc enim febris & alia symptomata remittere solent. At principium exitus variolarum est ipsemet quartus dies, augmentum ad septimum protrahitur, status ad undecimum, declinatio verò ad decimumquartum, quo tempore variolæ exsiccantur. Non rarò tamen ad vigesimum usque protrahitur variolarum exsiccatio.

Differentiæ variolarum & morbillorum desumuntur, vel substantia, ratione cuius aliæ sunt magis, vel minùs pituitosæ, sanguinæ, biliosæ, aut melancholicæ; vel à quantitate, ratione cuius dicuntur maiores aut minores, plures aut pauciores, profundæ aut superficiariæ; vel à qualitate, ratione cuius aliæ rubicundæ, aliæ albæ, subflavæ, violacæ, liquidæ, nigrae, pro diversitate humorum, ex quibus componuntur; vel à tempore, ratione cuius aliæ citò, aliæ tardè erumpunt, aliæ citius, aliæ tardius suppurantur, aut dissoluuntur, vel à loco, ratione cuius aliæ cutem tantum occupant, aliæ etiam partes internas inuadunt, ut fauces, pulmones, intestina, iecur, lienem reliquaque viscera.

Diagnosis dirigenda est, vel ad affectum iam præsentem; vel ad eundem imminens. Variolæ & morbilli iam præsentem, cum sensibus pateant, non aliis signis indigent. Imminentes verò sequentia signa indicant.

Dolor capitis cum pulsationis sensu in fronte & temporibus: Somnolentia gravis: Terrores in somno; Deliria interdum, tremores & convulsiones: Sternutatio: Pandiculatio frequens: Raucedo, Tussis, Spirandi difficultas. Calor, rubor, & punctationis sensus in toto corpore. Dolor dorsi, qui aliquando solus, aut cum paucis aliis symptomatis in febre syncho apparet, variolas imminentes significat. Cum enim per dorsum feratur vena & arteria magna, in quibus sanguis ebulliens malignus acres vapores ad nervos & membranas vicinas emittit, necesse est dolores in iis partibus præcipue percipi. Magna anxietas, & inquietudo. Lachrymæ involuntariæ; Oculorum splendor & pruritus: Tumor faciei cum aliquo rubore. Vehementia symptomatum ab initio, ut morbus statim vigorem attigisse videatur.

Quæ omnia fiunt vel à vaporibus multis & crassis, per sanguinis ebullitionem in caput, diaphragma, aliasque partes transmissis; vel ab ipsa variolarum materia, iam ipsas partes innadere incipiente; vel à fluxione caloris vi excitata, humores in cerebro colliquantis.

Maximi est momenti imminentes variolas prævidere; sed multò maioris, earum euentum prædicere, quam sequentia signa prognostica indicabunt.

Ac primum salutare esse solent variolæ, quæ citò & facile exeunt, ac breui ad maturitatem perducuntur.

In quibus febris levis est, sine magnis symptomatis, quæ post exitum variolarum cessat, aut admodum imminuitur.

minuitur. In quibus vox libera est, & respiratio facilis. Variolæ primum rubræ, & albæ, molles distinctæ, paucæ, rotundæ, fastigiatæ solam cutem, non autem partes internas afficientes, salutares esse consueverunt.

Omnia prædicta signa, materiæ morbificæ paucitatem, obsequium, benignitatem, & naturæ robur, validè eam expellentis, significant.

Contra verò periculosas, aut lethales variolas ostendunt, febris ingens & non imminura post eruptionem variolarum; significat enim humores malignos & venenatos non fuisse sufficienter ad cutem expulsos, sed maximam eorum partem adhuc in venis restitisse. Anxietas & inquietudo magna; ab iisdem humoribus in venis ebullientibus. Difficultas spirandi, quæ significat pustulas, aut apostema in pulmonibus; aut anginâ, aut virium lapsum. Sitis ingens, quæ internum incendium indicat: & si cum ea angustia respirationis augeatur, mors in propinquo est. Alui fluxus, aut dysenteria, quæ significat humores malignos ad interiora recurrere, motu omninò contrario naturæ motui, atque adeò lethali. Ideò ex iis, qui huiusmodi alui fluxu post eruptionem variolarum corripiuntur, paucissimi evadunt.

Vrina sanguinea lethaliissimum est signum; tum etiam si per aluum sanguis purus & sincerus reiiciatur. Interdum etiam per nares, gingivas, aliasque corporis partes fiunt excretiones sanguineæ, quæ lethales esse consueverunt. Significant enim summam sanguinis acrimoniam atque malignitatem: quæ naturam vehementer irritat, & ad præposteram illius excretionem compellit.

Pessimæ etiam sunt variolæ tardè apparentes, quæ materiæ contumaciam, aut naturæ imbecillitatem significant. Multæ, magnæ, duplices & continuatæ, eiusdem materiæ quantitatem nimiam ostendentes. Du-

ræ, eiusdem materiæ crassitiem, & incoctibilitatem indicantes. Depressæ, expultricis imbecillitatem significantes : cæque deteriores sunt, si in eorum medio macula nigra appareat, quæ malignitati insigni attestatur : Virides, liuidæ, & nigræ, quæ ex bile porracea, vel atra generantur.

Omnium pessimæ, quæ ubi egressæ sunt, confestim evanescent, & tumor partium remittitur : significant enim humorum retrocessum ad interiora : & eorum, quibus ista retrocessio contingit, nullus evadit, sed ut plurimum intra viginti quatuor horas pereunt.

Periculosæ etiam sunt, quando maculæ febris purpuratæ familiares, illis permiscuntur ; præcipuè si maculæ illæ liuidæ, vel nigræ fuerint. Significant enim non solum leuem illam putredinem, quæ ex ebullitione sanguinis in variolis solet contingere : sed etiam intensam illam & profundam (ut vocant) putredinem adesse ; ex qua maius multo ægrotanti impendet periculum.

Fæces, aut urinae in variolis liuidæ, aut nigræ, magnum in hoc morbo portendunt periculum : significant enim humorem atrabilarium in venis redundare, & totam massam humorum inficere.

Curatio variolarum & morbillorum quatuor indicationibus perficitur. Quarum prima versatur in humorum quantitate peccantium euacuatione. Secunda in motu naturæ, seu variolarum expulsionem adjuvanda. Tertia in malignæ & venenatæ qualitatis oppugnatione. Quarta denique in symptomatum correctione. Quæ omnia ut commodè perficiantur, primum idonea victus ratio instituenda est, quæ eadem esse debet, quæ in febrium putridarum curatione fuit proposita : nonnulla tamen peculiariter aduertenda sunt.

Primo ut æger in loco calidiusculo detineatur, quo
curis

tutis pori aperiantur, & variolarum eruptio adiuuetur. Ideò detinendus est in cubiculo benè clauso, quod aer frigidus nullo modo ingrediatur. Multi enim pueri, benignis alioqui variolis laborantes, frigidioris aeris appulsu de medio sublati sunt, reperiuntur nimirum materia morbifica ad interiores partes. Eademque ratione vestibus moderatè contegendi sunt; ita tamen ut aeris caliditas, aut integumentorum pondus febrilem ardorem non intendat. Dicta tegumenta ex pannis rubris plerumque concinnari solent, quia analogià quadam sanguinem ebullientem ad exteriora mouere creduntur. Solent etiam multi ouem, aut veruecem in cubiculo, vel etiam cubili detinere, quod illa animalia venenatam labem faciliè recipiant, & in se attrahant; unde ægris leuamen aliquod emergere potest.

In potu decoctum hordei, vel radicis acetosæ, vel decoctum rasuræ eboris, aut cornu cerui vtiliter vsurpari solet, præcipuè in principio, & dum febris est vehemens. Si verò non ita incandescat, decoctum hordei & caricarum erit vtilissimum, utpotè humores ad cutem efficaciter expellens; eoque utebantur passim Amatus & Forestus cum felici successu.

Præterea somnus cum toto morbi decursu moderatus esse debeat; in augmento tamen cum pustulæ erumpunt, diuturnior noxius est, & satius est plus solito vigilare.

Ut igitur indicationes prædictæ impleantur, à venæ sectione inchoanda curatio est, (si sanguis aliquatenus redundet, ætâsque ægrotantis ferre posse videatur) eaque quamprimum celebranda. Si tamen Medicus primo morbi die non fuerit vocatus, vtiliter nihilominus sanguinem detrahet ante eruptionem variolarum, vel dum adhuc paucæ apparent; quod tempus vulgò vsque ad quartam diem extendi consuevit, à fe-

bris inuasionē. In quō tamen cautio diligens necessaria est. Si enim pustulis erumpere incipientibus, febris imminutio, & symptomatum remissio subsequatur; satius est totum negotium naturæ benè operanti relinquere, quæ totam materiam morificam ad cutem sufficienter expulsam est. Tum venæ sectio necessaria non est, cum experientia doceat, infinitos pueros benignioribus variolis laborātes, neque plethorā oneratos, sine sanguinis detractione fœliciter curari. Quin potius aliquando in dicto casu phlebotomia noxam inferre poterit, cum variolarum expulsio fieri soleat per ebullitionem sanguinis: quæ si levis sit, à sanguinis detractione multum imminuetur, sicque insufficiens euadet ad sanguinis massam ab impuritatibus perfectè depurādam. Contrà verò si erumpentibus variolis febris intensior, anxietas, difficultas spirandi, lotium crassum & rubrum, aliāque symptomata maiora appareant; signum est naturam nimio humorum onere premi, eosque non posse conuenienter regere; ideo phlebotomiam esse necessariam, vt detractā portione oneris, reliquum à natura facilius expellatur. Vno verbo, in ebullitione merè perfectiua, seu depuratiua, sanguis detrahendus non est; in corruptiua verò venæ sectio maximè necessaria est, etiam in ea quæ minoris malignitatis est particeps, cuius gradus suprà fuerunt expositi. Ita autem necessaria est phlebotomia in periculosis variolis, in quibus ebullitio corruptiua fieri consuevit, vt tenelula puerorum ætas illam non impediat. Vsus enim inualuit, vt in quarto, & non raro tertio ætatis anno missio sanguinis vsurpetur. Parisienses Medici in teneriori ætate, & lac sugentibus pueris à venæ sectione non abstinēt. Quod tamen ægerrimè admittit tenelula natura, leuissimum lectis alimentum & copiosus per cutem effluxus. Neque vllius è sapientibus scripto-

ribus

ribus patrocinio defendi potest noua hæc mittendi sanguinis licentia.

In paulò grandioribus pueris vnica phlebotomia interdum non sufficit; sed illa erit iteranda; si febris intensa perseueret; vel delirium, aliudve graue symptoma urgeat. Imò verò peractâ variolarum eruptione, quæ intra nouem dies maiori parte fit; si febris valdè urgeat, sanguis denuò mittendus est, & ægri tractandi, vt febre continua putrida laborantes.

Si suspecta sit venæ sectio, propter ætatem tenellâ, vel quòd tempus idoneum iam transactum fuerit; sanguinis redundantia auferri poterit cucurbitulis scarificatis, dorso, scapulis, & femoribus admotis, quæ etiâ in statu morbi conferre poterunt, cum motus naturæ à centro ad circumferentiam per eas adiuuetur. Cauendum autem in puerulis, ne profundiores fiant scarificationes: Contingit enim aliquando, vt penitiùs adacto scalpello ab imprudenti chirurgo, sanguis feruidus & ebulliens, venulis diuisis, eo impetu per vultuscula effluat, vt difficili negotio cohiberi possit.

Purgatio in hoc affectu suspecta est. Fit enim motus motui naturæ contrarius, nempè à circumferentia ad centrum; & quibuscumque variolis laborantibus alui fluxus contingit, retrocessio variolarum repentina, & mors vt plurimum consequitur, vt in prognosi notauim. Aduerte tamen, vtilissimè non rarò purgationem institui ante eruptionem variolarum, & antequam febris incandescat, quando scilicet pueri sunt veluti in statu neutro decidentia. Tunc enim si abundet cacochymia, vtiliter ea purgatione imminuitur, vt natura postmodum alacriùs expulsionem molietur. At variolis apparere incipientibus, purgatio futura est perniciosa. Tum etiam, si maxima vigeat malignitas, vt in constitutione epidemica, quando plurimi pueri ex eo morbo

intercunt, satius est omnino à purgatione abstinere quia in morbis valde malignis & pestilentibus, purgatio in principio morbi instituta valde noxia est. Ex blandis autem medicamentis componenda sunt purgantia, rhabarb. scilicet, cassia, manna, tamarindis, & syrupo rosaceo.

In morbi decursu, si aluus astricta sit, sollicitari blandissime, non autem irritari, poterit; idque supposito ex solo melle sine sale confecto; vel enemate ex iusculo, aut lacte, aut decocto hordei, passularum, & liquiritiæ, cum saccharo & vitellis ouorum.

Post venæ sectionem, aliasque euacuationes (si necessariae fuerint) variolarum expulsio adiuuanda est, non solum remediis specificis humores ad cutem propellentibus, sed etiam diaphoreticis, & alexipharmacis; præsertim si variolæ & epidemicæ, & summæ malignitatis periculum portendant.

Vulgatissimum est, & à Rhasi, Auicenna; totaque Arabum familia commendatum ad cutem propellens medicamentum; quod etiam à potissima recentiorum parte usurpatur, iuxta Auicennæ descriptionem; quod sic habet.

℞. Ficum pinguius Vnc. viij. lentium excortic. Drach. ij. laccae 3. ij. β. gummi tragacanthi & seminis fœniculi, an. Drach. ij. Coquantur in lb. j. β. aquæ fontis, donec redeant ad tertiam partem. Detur in potu de ea. Rhasis addit prædictis simplicibus croci gr. xv. passular. 3. v. quia crocus aperit & corroborat, passulæ hepat. firmant. Tragacanthum verò licet incrasset & astringat, ideò reliquis miscetur, ut nimiam sanguinis ebullitionem prohibeat.

Lentes à quibusdam neotericis reiciuntur, quòd astringendi facultate præditæ sint, atque adeò variolarum eruptione impediunt. Sed non temerè reicienda

da est tot, tantorumque Medicæ procerum autoritas; quin potius statuendum est, summa cum ratione, lentes excorticatas, vel leuem ebullitionem passas huic compositioni addi; ut nimirum suâ astringendi & incrassandi vi feruorem nimium humorum coërceat, eorumque impetum in aliquam partem nobilem prohibeant. In quem finem etiam tragacanthum additum est, ut antea monui. Hoc desumitur à Galeno, qui *1. de aliment. facult. cap. 18.* lentes bis coctas partes naturales roborare, & astrictione qua pollent, ventris fluxum cohibere docuit. Illæ igitur præscribi, vel omitti à Medico curante poterunt; prout maior, vel minor attenuandi, & humores ad cutem propellendi necessitas urgere videbitur. Si enim materia subtilis fuerit, & magna ebullitio fiat, vtiliter lentes præscribi poterunt, ad intentiones prædictas. Si verò materia crassa videatur, quam natura segniter ad cutem propellat: tunc illæ erunt omittendæ, imò & tragacanthum, & reliqua attenuantia ac diaphoretica solum permiscenda. Vnde patet, remedium formulis ab Auctoribus propositis non esset arctè insistendum; sed in variis casibus variè esse immutandas. Pro exemplo sit formula sequens, partim ex simplicibus prædictis, partim ex aliis diaphoreticis & malignitatem oppugnantibus composita; quæ ægrotantibus plerumque variolas patientibus in expulsionis conatu multum conferre poterit.

℞. Rad. fœnic. & acetos. ana ℥. j. rasuræ cornu cerui ℥. β. fol. scabiosæ, scordij & hyperici, ana M. j. ficum pinguium par iij. gummi laccæ ℥. iij. sem. napi card. bened. ana ℥. ij. lentium excort. ℥. β. gummi tragacanthi ℥. j. β. Coquantur ad ℔. j. β. De colatura cape ℥. iij. syrupi de limon. ℥. j. Misce. Fiat iulep. Detur bis, aut ter in die.

Si malignitas maximè urgeat, ut vulgò in variolis epidemicis

epidemicis fieri solet; alexipharmacis præcipuè instendum est. Sicque ea omnia, quæ in febribus malignis à nobis proposita sunt; hîc conuenire poterunt; habitâ virium, ætatisque ratione. Et inter alia frequenter vsurpari poterunt; confectio de hyacinth. lapis bezoardicus; puluis ex corallis, margaritis, rasura cornu cerui, lapide bezoardico; oleum scorpionum Matthioli, aliæque; quorum vtendi modus è capite præcedenti desumi poterit.

Neque omittenda sunt vires instaurantia, tam interna, quàm externa, à præcedenti etiam capite repetenda, & à prudenti Medico opportunis temporibus vsurpanda.

Aduertendum autem est diligenter; ea medicamenta, quæ variolarum expulsionem adiuuant, in omnibus ægrotantibus non esse vsurpanda. Interdum enim tanto impetu erumpunt, vt earum motus aliquârisper cohibendus sit: maxima enim ebullitio & feruor sanguinis immodicus nisi temperentur; ad exitum ægrotantes perducere consueuerunt; ideò frænantibus & modicè refrigerantibus tunc temporis vti conuenit. Pro exemplo iulepus in hunc modum componi poterit.

℞. Hordei integri P. j. rad. pentaphylli & tormentillæ, ana ℥. j. fol. acetos. endiu. & oxytriphylli, ana M. j. lentium excort. ℥. β. gummi tragacanth. 3. j. Coquantur ad ℔. j. In colatura dissolue syrupi limon. aut granator. ℥. iv. Fiant iulepi pro iv. dosibus, bis in die sumendi.

Amatus Lusitanus *curat.* 18. cent. 3. exēplum proponit huiusmodi variolarum, à feruidioribus humoribus productarum, & solis refrigerantibus atque incrassantibus curatarū. Quod hîc ad verbū subnectere libuit, vt tyronibus appareat, quibus in casibus curatio maxime

variada sit. Puer, inquit, Altarasij, variolis corripit, cœpit, ex quibus nonnulla ita percurrerant, ut miserum corpusculum intra duos dies ferè totum excoriatū reliquerint: serpebāt quippe, ac cutē tantū exanthemata excoriabant; quæ aliis quodq; euenisse puerulis obseruavi. Cōtra quæ sic orsus sum. Primò cum materia hæc plus iusto subtilis esset, eam obtundere conati sumus; nec tantum eam, verum etiam iecinoris & membrorū internorum malam qualitatem infringendo, ne de nouo altera gigneretur. Sed id refrigerantibus complebamur medicamentis, ut syrupo rosato, de cichorea simplici, de endiuia, de violis, adiectis similibus aquis. Exterius verò iecur ex santalino vnguento illinebatur. Sed victus ad id multum faciebat, qui ad frigidum cum humiditate declinabat. Quibus omnibus materia crassior est reddita, & variolæ crassæ & amplæ apparere cœperunt.

In potu verò ordinario præscribatur decoctum hordei & radicū acetosæ. Eaque remedia continuanda erunt, donec feruor sese aliquantulum remiserit: postea verò ea quæ expulsionem promouent, erunt usurpanda, si natura eorum auxilio indigere videatur.

Hæc ad directam variolarum curationem possent sufficere. Sed quia illæ plurimis partibus tam internis, quam externis grauem noxam inferre possunt, earum præcautioni & curationi incumbendum est.

Internæ partes præseruari maximè possunt decocto lentium, lacæ & tragacanthi supra descripto. Siquidem lacca iecur & lienem tuetur, lentes intestina, tragacanthum pectus.

Peculiariter verò pulmonem defendunt cōseruæ rosar. violar. syrupus iuiubinus, violaceus, myrtinus, de rosis siccis, de papauere, tum etiā eclegmata sequentia.

℞. Conser. rosar. ʒ. j. β. succi expressi ex lentibus tertio elixis ʒ. vj. semin. papau. alb. ʒ. β. gummi tragac. ʒ. j. Cum syrupo de rosis siccis fiat looch.

Vel istud Auicennæ, quod ad Guainerio & Foresto laudatur.

℞. Lentium excorticatur. & subtilissimè tritarum 3. iij. semin. papau. albi 3. j. conser. rosar. 3. ij. iulepi rosac. q. s. Fiat looch.

Vel ex solis syrupis tale lambitium componi poterit.

℞. Syrupi violac. iuiubin. & de ros. sic. ana 3. j. Syrupi de papau. 3. 6. Misce. Utatur frequenter ex cochleari, sensim lambendo.

Si verò iam præsens fluxio in pulmonem irruat, & raucedinem ac suffocationem inducat; non solum remediis prædictis cohibenda erit, sed etiam reuellenda per cucurbitulas, tum siccas, tum scarificatas; & venæ sectionem, si cetera consentiant. Præterea in potu exhibebitur decoctum hordei, iuiubarum & liquiritiæ, & looch sequens in usum vocabitur.

℞. Sem. alth. melon. cucumer. & papau. alb. ana. 3. ij. passular. mundi. & iuiubar. ana par. iiij. Coquantur ad lb. j. In qua dissolue conser. rosar. & violar ana 3. 6. puluer. elect. diatragac. frigidi 3. iij. saccari candi & rosac. ana q. s. Fiat looch.

Fauces & guttur defendi poterunt, antequam variorum erumpant, sequenti gargarismate.

℞. Hordei mund. P. j. folior. plantag. M. ij. rosar. rubr. P. j. balauft. sem. sumac. ana 3. ij. Bulliant in aquæ lb. ij. ad tertiæ partis consumptionem. In colatura dissolue syrupi de moris & granat. ana 3. j. Misce. Fiat gargarisma.

Si tenella puerorum ætas gargarismatis usum non permittat, fiet lambitium ex syrupo mororum, granat. de ros. sic. vel solis, vel cum aqua plantaginis & rosarum permistis, quod frequenter exhibetur ex cochleari. Quibus si fluxio cohiberi nequeat, ob nimiam illius copiam,

copiam, vnde suffocationis periculum immineat, eaque vias laxant, & excretionem iuuant, vsurpanda erunt, in hunc modum.

℞. Mucilag. sem. psyllij, & olei amygd. dulc. recentis, ana Vnc. j. sem. sacchari albi. Vnc. ij. Misce. Fiat lambitium, singulis horis exhibendum.

Si ex fluxionis acrimonia, aut copia variolarum, vlcus in faucibus genitum fuerit; aqua hordei, cum melle rosaceo, vel aqua aluminosa detergendum est. Et si in corruptionem vergat, ægyptiaci tantillum prædictis erit admiscendum.

Intestina præseruabuntur iidem remediis, quæ ad pulmones præseruandos fuere proposita. At si iam præsens alui fluxus, vel dysenteria vrgeat primum detergentia & lenientia remedia, postmodum verò astringentia, vsurpanda sunt. Sicque parabuntur clysteres ex lacte chalybeato, saccharo & vitellis ouorum: mox ex decocto hordei & rosar. rubr. cum oui vitello, ac tandem ex decocto plantag. centinodiae, & prunellæ, aliisque ex curatione dysenteriae desumendis. Aduertendum autem, alui fluxum non rarò in pueris variolis laborantibus, à lumbricis excitari, eumque toto ferè morbi decursu perdurare, vnde vitæ periculum imminet; quia expulsio variolarum impeditur aut immuitur. Idque facile dignoscitur ex deiectionum crassitie ac viscositate, & colore griseo, vel albicante: tunc enim lumbricos enecantia exhibenda sunt, & clysteres dulces iniiciendi.

Renes etiam interdum afficiuntur & exulcerationem patiuntur, vnde sanguinis mictus exoritur. His confert emulsio sem. frig. maj. cum trochiscis alkekengi, de carabe, aliisque in mictus sanguinis curatione proposita.

Inter partes externas oculi maximè à variolis præseruandi

seruandi sunt. Cum enim molli & humidâ substantiâ præditi sint, variolarum materia facilè ad eos propellitur, vnde grauissima mala incurrunt, & interdum visus prorsus destruitur.

Antequam igitur variolæ erumpant, aut dum erumpere incipiunt, illinendi sunt oculi omni horâ, aqua plantag. & rosar. in qua tantillum croci dissolutum sit; vel collyrio sequenti, quod efficacius præseruat.

℞. Aquæ rosar. & plantag. ana Vnc. j. sem. puluer. sem. sumac. Drach. ij. Infundantur parùm, & calidè. Colentur cum multa expressione. Colaturæ adde camphoræ ʒ. sem. croci gr. v. Fiat collyrium.

Adhuc efficacius erit, si loco aquarum, succi centinodiæ & bursæ pastoris depurati, cum reliquis permisceantur.

Si verò intra oculum ipsum pustulæ suboriri videantur, sanguis columbinus frequenter instillandus est, vt earum resolutio citò promoueatur. Tum etiam collyrium sequens vsurpandum.

℞. Aquæ rosar. Vnc. ij. aquæ euphras. Vnc. sem. trochis. alb. Rhaf. Drach. j. tuthiæ præparatæ ʒ. j. camphoræ gr. v. croci gr. ij. Fiat collyrium, quo cum tenui linteo oculi sæpè illinantur.

Oculi verò ita intumescentes, vt aperiri nullo modo possint, frequenter abluendi sunt decocto sem. lini, fœnugr. cydonior. maluæ; sicque tumor subsidebit, & oculi aperientur. At si oculis apertis nebulæ in iis appareant, saccharo cando in tenuissimum pollinem reducto abstergendi sunt.

Ac tandem si oculi exulcerentur, collyrio sequenti curabuntur.

℞. Cerussæ lotæ ʒ. ij. sarcocollæ ʒ. j. gummi tragacanth. ʒ. j. opij gr. ij. Cum mucilagine tragacanth. extract.

tracta cum aqua plantag. fiant trochisci, qui dissolvantur in lacte muliebri, vel aqua rosac. ad vsum: & in cæteris procedendum, vt in curatione vlcerum oculorum fusiùs à practicis docetur.

Ad nares præseruandas acetum sæpe olfaciendum est. At efficacius operabitur collyrium ex succo polygoni & bursæ pastoris, semin. sumach, & camphora supra laudatum, quo intincta turunda, sæpe in nares erit immittenda. Si nihilominus variolæ intra nares adnascantur, illæ citò in crustas abeunt, quæ oleo amygd. dulc. frequenter erunt illinendæ, vt breui decidant. Ac denique si exulceratio contingat, linimento ex oleo de vitellis ouorum, & succo plantag. in mortario plumbeo subactis, tractanda erit.

Ad faciei custodiam, nonnulli eam aquâ rosaceâ, aliisque astringentibus abluunt. Quod mihi probari non potest: siquidem maxima impuritatum portio ad faciem propellitur. Illius enim cutis laxa & mollis, excrementis recipiendis maximè idonea est. Quamobrem si impuritates illæ, quæ à natura ad faciem amandantur, ab ea repellantur, intùs retentæ grauem noxam inferre poterunt; atque ita naturæ motus neutiquam impediendus est. Sed huic tantùm munerì incumbere debet Medicus, vt impediat, ne in facie germinantes variolæ, foveas & cicatrices relinquant, à quibus facies deturpari non rarò consuevit. Id verò vtiliter præstabit, si cum variolæ iam maturuerunt, & in medio albicantes eminent, (quod circa nonum morbi diem solet contingere) oleo amygd. dulc. recenter sine igne expresso, cum penna illinantur bis in die, vsque ad crustarum casum. Hoc enim remedio temperatur bilis acrimonia, maturatio acceleratur, & crustula-

tum casus promouetur; quæ alioqui adhærentes cutem profundius exulcerant, ob pus subtilius delitescens. Oleum nucum recenter & sine igne extractum, cum aquæ rosac. parti quantitate subactum ad formam linimenti, ad eundem usum præstantissimum est.

Si ob neglecta prædicta remedia, vel insignem variolarum militiam vestigia & cicatrices remanent, illarum reparationi sedulo incumbendum est. Quod tamen integrè obtinere difficillimum est; quamvis plurimi in eo multum desudarint, in gratiam virginum & mulierum, quæ pulchritudinis conseruandæ studiosissimæ sunt. Ex infinitis autem remediis, quæ ad hanc rem ab auctoribus descripta reperiuntur, nos selectiora tantum proponemus.

Ac primum oleum ex vitellis quorum cutem nutrit atque generat, ideo cicatricibus implendis maxime idoneum est.

Seuum veruccinum recens liquatum & penam inunctum, ad idem est efficax.

Maximè verò reparantur foeda variolarum vestigia, si aquâ mille florum, seu è stercore vaccino, mense Maio destillatâ abluantur, & postea axungia humanâ inungantur.

Forestus vnguentum sequens valdè prædicat.

℞. Olei amygd. dulc. liliorum albor. ana Vnc. j. pinguedinis capi Drach. iij. puluer. radic. pænoniæ, iteos Florent. & lithargyri auri, ana Scrup. sem. sacchari candi Scrup. j. His omnibus in calido mortario benè miltis, & per linteum expressis, inunge dicta loca manè & serò. Postea verò aquâ è pedibus vitulinis destillatâ benè abluuntur, in cuius defectu aqua mille flor. usurpari poterit.

Neque

Neque prætermittendum est, quod à multis practi-
cis docetur, vt nimirum variolæ ad maturitatem per-
ductæ acu perforentur aureâ, vel argenteâ, ne pus diu-
tiùs moram trahens in parte cicatrices relinquat.
Quod tamen ferè iam obsoletum est, cum experientia
docuerit, variolas perforatas tardius curari, & crustas
diutius retinere, ob caloris natiui imbecillitatem, quæ
à perforatione parti inducta est, vnde cicatrices fœ-
diores relinquuntur. Itaque satius est ab hac perfo-
ratione abstinere, & puris euacuationem soli naturæ
relinquere.

Pro huius curationis coronide, affectuum variolis
superuenientium, pruritus nempe & exulcerationis,
therapia subnectenda est.

Ac primùm in eruptione variolarum, aut dum ma-
turefcere incipiunt, ingens dolor, vel pruritus inter-
dum ægrotantes affligit; præsertim verò in plantis
manuum & pedum, eò quòd densior in iis partibus
cutis eruptionem prohibeat.

Cui symptomati medeberis, si partes illas in aqua
calida detineas, vel decocto emolliente diutius foueas.
In facie verò cum ingens adest pruritus, quo ægri
eam scalpere coguntur, vnde fœda illius deturpa-
tio, & insignes cicatrices emergunt; sequenti reme-
dio vttere.

℞. Fol. parietar. M.j. flor. chamæmel. & melilot.
ana P.sem. Decoquantur in aquæ scabiosæ lb.j. Cola-
turæ adde aquæ caprifol. Vnc. iij. Colaturâ calidâ ma-
desiant sæpè variolæ prurientes cum bombacè, aut
linteo tenui.

Vlcera verò, quæ ex malignis & exedentibus va-
riolis oriuntur, curanda sunt vnguento albo Rhafis
camphorato, vel vnguento de plumbo, in hunc mo-
dum composito.

℞. Plumbi vsci ℥. ij. lithargyri ℥. j. cerussa lota,
 aceti, ana ℥. β. olei rosat. ℥. iij. mellis rosac. ℥. j. vitel-
 los ouor. num. iij. myrrhæ Vnc. sem. ceræ q. s. Fiat vn-
 guentum.

F I N I S.

INDEX



INDEX

Rerum, quæ in hoc secundo Tomo
continentur.

A

- A**B DOMINIS musculorum inflammatorum
signa. 14
- Abortus cur magis contingat primis & vltimis gesta-
tionis mensibus. 392. 397.
- Abortus quomodo per phlebotomiam in gravidis
præcaueatur, multis probatur exemplis. 394. 395.
- Abortus causæ. 399
- Abortus gemellorum cur frequentior. 400
- Abortum cur efficiat tenesmus. 401
- Abortum futurum quæ signa demonstrent. 402. quæ
imminentem & instantem. ibid.
- ex Abortu cur mulieres magis periclitentur quam ex
vero partu. 403
- Abortum quæ symptomata & morbi sequantur. ibid.
- Abortus menstruis parcius fluentibus cur cōferat. 404
- Abortus curatio in præseruatione consistit. ibid.
- Abortum vi specifica impediencia. 408
- Abortum vt coitus efficiat. ibid.
- Absinthij decoctum cum senna in quartana vtilissi-
mum. 596
- Absinthij vsus in tertiana intermittente longiori. 580

Index Rerum.

Acetum in lienis affectibus cur utile.	81
Acida quibus febribus non conueniant.	341
Acidis amara dulcificantur.	350
Acida cur febribus pestilentibus conueniant.	649
Acida in biliosis febribus cur nunquam omittenda.	550.
Acidularum aquarum mineralium vsus ad prophylaxim calculi renum. 167. ad hydropem. 74. in dysuria, seu ardore vrinæ. 337. ad arthritidis biliosæ præcautionem.	477
Aër frigidus an hæcticæ feberi conueniat.	514
Aër ambiens vna ex pestilentium febrium causis.	619
Aëris in primis qualitatibus excessus quomodo sit causa pestis. 620. item vinæ qualitas.	623
Aër quomodo patiatur ab influxu syderum.	622
Alexipharmaca in febribus malignis.	661
Alexipharmacorum variæ classes.	663
Alexipharmaca diaphoretica & sudorifica quando in febribus pestilentibus exhibenda.	668
Alexipharmaca ad variolas.	700
Alimenta ad calculi generationem conferentia.	145
Alimentorum prauitatis causæ.	617
Alkekengi fructus ad calculum.	158
Allij hortensis vis ad menses mouendos & conceptionem itiuandam.	389. 390.
Alui fluxus quando salutaris in hydrope.	59. 60
Alui fluxus symptomatici in febribus putridis superuenientis curatio.	571
Alui fluxus cur incertum præsagium in febre pestilenti.	644. 645
Alui fluxu tertiana intermittens terminatur.	575. 581
Amara dulcificantur per acida.	550
Ambraë griseæ vsus in melancholia hypochondriaca.	

Arneos legitimi semen aduersus mulieris sterilitatem.	
386.	
Amulera ad suffocationem hysterica.	323
Amygdalarum dulcium olei laus in calculo renum.	
154.	
Anasarcae causa.	47.56
Anasarca minus periculosa, quam ascites & tympani- tes.	58
Anasarcae sudorifica profunt.	66
Aneurismatis varia exempla.	91
Annorum adinuicem varietatis in primis qualitatibus causa.	623
Anodynæ glandes ad dolores vesicæ leniendos.	924
Anodyna varia cur maximè necessaria in arthritide.	
458.	
Anthraces in febre pestilenti qui boni, qui prauis.	641
Antimonium diaphoreticum ad hydropem.	64.66
Antipodagrica varia.	475
Antiscorbuticorum remediorum vis à sale quodam volatili dependet.	117.118
Aphorismi 59. sect.4. de arenosis seu sabulosis in vrina subsidentibus germana explicato.	176.177
Aphthas in ventriculo facit incantus limonum succi usus.	157
Aphtharum pestilentium differentia.	639
Apozema bilem euacuans.	4.5
Apozema leniens & laxans.	19
Apozema hepar deobstruens & laxans.	26
Apozema aperiens phlegmagogum & hydragogum in hydrope.	61
Apozema alterans & purgans in melancholia hypo- chondriaca.	85
Apozemata ad mictum sanguinis 197. in quartana ex- quisita.	527

Index Rerum.

- Aqua ferrata vel chalybeata lienem imminuit. 80
Aquacalcis ad scirrhum lienis. 85
Aquarum thermalium potus an melancholiæ hypo-
chondriacæ conueniat. 101
Aquæ thermæ nitrosæ & sulphuræ ad vrinæ sup-
pressionem. 229. 230
Aqua à liene ad omentum per quem ductum fertur.
134.
Aquæ lacustres calculo generandæ idoneæ. 146
Aqua destillata ad præseruationem à caculo. 162. 163.
ad semen refrigerandum & extinguendum. 291
Aquæ stillatitiæ ad menstrua immodicè fluentia. 269
Aquæ acidulæ vitriolatæ hepar refrigerant & ad hydro-
pem conferunt. 174. ad calculum 169. in dysuria
seu ardore vrinæ quando conueniant. 337. ad ar-
thritidis præcautionem. 477
Aquæ frigidæ exhibitio in synocho simplici cur obso-
leuit. 503
Aquæ frigidæ potio quando conueniat in hectica fe-
bre. 55
Aqua frigida an in febre continua exhibenda.
552.
Aquæ ex vtero profusæ varia exempla. 354. 355
Aqua benedicta Rulandi vt per secessum operetur. 580
Aquæ theriacalis laus in febre pestilenti, eiusque va-
riæ descriptiones. 669
Ardentis febris essentia, differentiæ & causæ 525. 526.
signa pathognomonica. 534
Ardorem linguæ & faucium in febribus curantia. 563
Ardorem pectoris temperantia. 565
Arenulæ frequenter in vrina excretæ an calculum
semper indicent. 147. 174
Arenosa subsidentia quid apud Hippocratem indicet.
176.

Index Rerum.

Arthritis scorbutica quid differat à vera arthritide.

112.

Arthritis quid. 445

Arthritis in quo differat à rheumatismo. 487

Arthritidis differentia. 446

Articulos occupantes dolores an omnes sint arthritici.

447.

Arthritidis dolores cur maiores, vel minores. 448

Arthritidis causa immediata. 447

Arthritidis materia à qua parte procedat. 448

Arthritidis causæ externæ. 449

Arthritis cur Bacchi & Veneris filia dicitur. 451

Arthritidis imminentis signa. 451. præsentis 452

causarum signa. ibid.

Arthritis cur longævitatē interdum affert. 453

Arthritici qui sanari possint. ibid.

Arthritis quando periculosa. ibid.

in Arthritide cur statim ab initio morbi sanguis co-

piose detrahendus 455. vt & purgatio quam primum

instituenda ibid. an vomitoria conveniant. 456. an

sudorifica ibid. aquæ thermæles. 457

Cur topica maximè anodyna, statim usurpanda.

458

Arthritidis recentis remedia. 471

Arthriticis vinum maximè noxium. 472

Arthritidis prophylaxis. 472

Articulos roborantia. 477

Asarum mediocre vomitorium in febre tertiana in-

termittente. 578. in quartana reliquis præferendum.

600.605.

Asellorum siue millepedum vis ad viscæ calculum.

181. in vrinæ suppressione. 229

Asinum lac. Vide *Lac asinum*.

Index Rerum.

Affa elixis facilius inflammantur.	511
Affodis febris essentia & causa. § 26. § 27. signa.	534
Astrorum in hæc inferiora actiones.	625
Atretæ quæ.	370
Auicennæ sanguinem mitti prohibentis in febre ar- denti dogma exploditur.	542
Auctoris aqua theriacalis.	670

B

B Alerucanarum aquarum dotes ad calculi prophylaxim. 166. ad urinæ suppressionem à pituita mucilaginosa 230. ad chlorosim. 248. ad suffocationis hystericae prophylaxim.	319
Balneum aquæ tepidæ corpus refrigerat & humectat. 8. hepar deobstruit 28. vtile in ictero 41. in melancholia hypochondriaca 99. 100. in præseruatione à calculo. 169. in chlorosi 246. in furore vterino 291 in tertiana intermittente longiore.	582
Balneum aquæ tepidæ cur minimè tutum in febris ephemeræ curatione.	502
Balneum vt moderandum in hecticis	519
Balnea apud vteros partibus 4. constabant.	538
Balneum aquæ dulcis quibus in febribus continuis conueniat.	558
Becabunga antiscorbutica.	117
Bezoardicus lapis cur apud nos rarissimus esse debet. 666.	
Bezoardici lapidis vsus in melancholia hypochondriaca.	99. 100
Bezoardica chymica.	672
Bilem purgantia in hepatis intemperie calida 3. 4. in ictero.	40
Bilem deprauantes causæ.	37. 38.
	Biliosarum

Index Rerum.

- Biliofarum febrium continuarum essentia & causæ.
524. signa diagnostica. 533. signa prognostica.
536.
Biliosis in febris cur mittendus sanguis. 543
Bilis an magis efferuescat à sanguinis derractione. ibid.
Bilem tenuem & valdè acrem incrassantes iulepi.
550.
Bochetum rhabbari ad obstructiones puerorum.
555.
Bulus in principio nephritici doloris. 158
Bryoniæ radix ad suffocationem hystericam. 321
Bubo pestilens signum febris pestilentis præcipuum.
607. an sit pathognomonicum. 632. cur maxime
periculum minetur. 645
Bubones plures paucioribus securiores. 645
à Bufone remedia petita ad hydropem. 71. 72
Buglossi succus humorem atrabilarium contempe-
rat. 103

C

- C**Achexiæ causa. 56. 57
Cachecticorum febris qualis. 530
Cæsarea sectio an celebranda. 418
Calculus sub quo affectuum genere collocandus. 136.
137.
Calculi causæ ex Galeno & eius assecli refutatæ. 137.
& seqq. ex recentioribus probatæ. 142
Calculi causæ antecedentes. 145
Calculi signa diagnostica. 36. & seqq.
Calculus an semper indicent arënæ cum vrinis ex-
cretæ. 147
Calculus renum cur valdè periculosus. 151
in Calculi dolore purgans quando exhibendum. 153
Calculus

Index Rerum.

- Calculus renum imminuentia & frangentia. 156
Calculus excludentia. 159. 160
Calculosi quomodo præseruandi. 160
Calculosis quantum vtilis aquæ Balerucanæ. 166
& minerales acidulæ. 167
Calculosis naturæ calidioris quæ remedia ad præseruationem conducentia. 167
Calculus viscæ eandem causam materialem & efficientem, ac calculus renum agnoscit. 170
Calculo vesicæ cur pueri magis obnoxij. 170. 171
Calculus vesicæ an semper rudimentum accipiat à renibus. 171. 172.
Calculi vesicæ signa. 172. & seqq.
Calculi vesicæ signum pathognomonicum. 176
Calculus vesicæ cur extractu periculosior in viris quam in mulieribus. 180
Calculus in meatu penis quomodo excludendus. 227
Calculus viscæ vix nisi per lithotomiam curabilis. 181.
Calculorum tamen aliter curatorum exempla vide 181. & seqq.
Cancris vteri causæ. 344. signa. 345
Cancris curatio palliativa. 345. per linimenta. 346. per foras partis affectæ. 347. per narcotica in immanissimo dolore. 347
Cantharides vesicæ & vtero infensæ. 324
Caput & cerebrum an sint arthriticæ fluxionis origo. 448. & seqq.
Carbunculus signum præcipuum febris pestilentis. 617
sed non verè pathognomonicum. 632
Carbunculi plures paucioribus periculosiores. 645
Carbunculi curatio. 684
Carnium destillatarum iura pro hecticis nutriendis.

Index Rerum.

Carpis applicanda in tertiana longiore.	585.	in quar- tana.	604
Carunculam in penis meatu extirpandi modus.	217		
Caryocostini laus in arthritide.	473.	in ischiade.	482
Cataplasmata hepatica.	20		
Cataplasmata ad hydropem	70.	ad lienis scirrhum.	83.
84.	in renum calculo	152.	in inflammatione vesicæ.
192.	in vrinæ suppressione.	230.	in fluxu mensium immodico.
Cataplasma ad inflammationem vteri.	528		
Cataplasma ex tribus farinis ad vteri gangrænâ.	349		
Cataplasmata ad foetum retinendum.	410.	ad tormina puerperarum	434.
ad dolores arthriticos.	459.	ad ischiadicos.	484
Cataplasma ventriculi regioni applicandum in tertia- na intermittente longiore.	585		
Cataplasmata in febre pestilenti malignam materiam attrahentia.	658		
Catarrhi à rheumatismo differentia.	448		
Causi seu febris ardentis essentia, differentia & causæ.	534		
525.	signa pathognomonica.	534	
in Causo an mittendus sanguis vsque ad animi deli- quium.	542		
Cautica tibiæ admotâ an conueniant in fluxu mulie- bri.	184.	in hysterica passione.	322
Cauteria in hydropicis cur non applicanda,	65		
Cauterium tibiæ dextræ admotum in scirrho hepatis.	46.	sinistræ in melancholia hypochondriacâ.	67.
in chlorosi contumacissima.	247		
Cauteria in mensium diutina suppressione tibiis ad- motâ cur conueniant.	463		
Cauteria tum in brachiis, tum in curibus abortum in cacochymicis mulieribus cur impediant.	405		
Centaurium minus cur febrifuga vocatum.	580		
Chalybs			

Index Rerum.

Chalybs ex eoque parata medicamenta ad obstructions solvendas potentissima, 32. in scirrho hepatis, 45. in hydrope, 75. in lienis obstructionibus. 80. in melancholia hypochondriaca. 102. in quartana legitima. 601

à Chalybeatorum medicamentorum sumptione quid observandum. 35

Chamædryos decoctum antipodagricum. 478

Chamædryos vsus in febribus lentis & diuturnis. 551. 552. ut & in tertiana intermittente. 582

Chamæmeli decoctum ad idem, 584. & ad quotidianam intermittentem, 589

Chinæ decocto ubi locus in hepate calido. 9

Chlorosis quid. 241

Chlorosis sequentium symptomatum causæ. 241. 242

Chlorosis an periculosus affectus. 244

Chlorosis an conveniat venæ sectio. 245

Chlorosis inueterata conseruâ artemisiæ curata. 247

Cibi fastidij in febribus causa. 569

Ciborum maxima auersio in febre pestilenti cur periculosissima. 642

Cicatrices à variolis in facie relictas reparantia. 706

Cichorij sanguis quid, 7. sanguinem depurat. ibid.

Cicuta cur addita cataplasmatibus ad lienem obstructum. 81

Cinnamomi aqua & pulvis ad accelerandum partum. 415.

Circularis & reciproca noxa in melancholia hypochondriaca ex vitiosorum succorum communicatione. 88

Citrium malum alexipharmacum præstantissimum. 661

Clausura uteri quibus in locis fiat. 370

Clausuræ uteri curatio maximè à Chirurgia petitur. 371.

Index Rerum.

- Clysteres carminativi & hydragogi in hydrope.
64. 65.
- Clysterum vtilitas in melancholia hypochondriaca
98. 213. in ardore urinae 235. in suppressione men-
sium. 261
- Clysteres uterini seu metrenchytae ad suppressos men-
ses. 265. non praescribendi virginibus. ibid.
- Clysteres cui non admodum tuti praegnantibus. 398
- Clysterum materia in febribus continuis. 548. 549
- Clysteres nutrientes in omnimoda ciborum abstin-
entia. 579
- Coagulum haedi vel leporis mensium fluxum immo-
dicum sistit. 269
- Cochlearia est antiscorbutica. 417
- Coitus quomodo abortus causa sit. 408
- Coli inflammatio quomodo à renum inflammatione
dignoscatur. 187
- Colliquantis febris essentia & causa 526. signa diagno-
stica 534. prognostica. 537
- Cometae quomodo sint causa pestilentium morborum.
626.
- Cometae qui anno 1618. apparuit descriptio. ibidem
- ad Conceptionem quot operationes requisitae. 373
- Conceptionem impediencia. 373. & seqq.
- Concipere an possint quibus nunquam menses fluxe-
runt. 376
- Conceptio in quibus sperabilis, in quibus non. 382
- Concoctionis primae vitium non corrigitur à secunda.
24.
- Concoctio naturalis viscerum fit per elixationem. 35
- Concrescientia à calido liquantur ob humido. 238
- Conditum ad vires reficiendas in febribus continuis.
553.
- Conserua ex fructu cynorrhodi hepar potentissime
refrigerat.

refrigerat.

8.fol. 190.497

Contrayerva radix alexipharmaca. 666

Convulsiones abortui superuenientes funestæ. 402

Convulsionum febribus superuenientium curatio. 561

Corallorum tinctura hepatis refrigerat 8.confet mensi-

bus immodicè fluentibus 271.rheumatismo. 497

Corallorum & margaritarum pulueratorum vsus in

febribus malignis & pestilentibus. 663

Cornu cerui gelatina ad vires in pestilenti febre re-

creandas. 673

Corpore in viuente omnia transfluxilia & permeabilia.

51.

Crisi instante cur narcotica non vsurpanda. 561

Crocus accelerat partum. 415

Crytallo tartari in iusculis vtendi modus. 27

Crytalli tartari laus in hepatis obstructionibus inue-

teratis. 29.31.

Crytallus tartari quomodo fraudetur ab impostoribus

30.31.

Crytallus mineralis ad suppressionem vrinæ. 229

Crytalli pustularum malignarum species. 685

Cucurbitula ad mammas apposita in fluxu immedico

mensium quandiu sinenda. 267

Cucurbitula vbi admouenda in hysterica suffocatio-

ne. 301

Cucurbitulæ cum multa flamma vmbilico admoda fla-

tus egregiè discutit. 361

Cucurbitularum vsus in febribus continuis. 545.

in febre pestilenti variis corporis locis 655. quo

morbi tempore 71. in variolis præsertim puero-

rum. 697

Cystidis felleæ obstructio vna ex causis icteri flau.

D

D ecocta ad suppressos menses.	259.260
D ecocta vulneraria ad vlcera vteri.	334.337
Delirium & vigilias sedantia.	561
Diabetes quid. 210. illius causa ex Galeno. 211. verisimilior ex aliis.	211.212
Diabetes affectus funestus.	313
Diabrosis in fluxu immodico mensium curatu difficilis.	267
Diagrydiata an in febribus continuis exhibenda.	554
Diaplama ad articulos in arthritide roborandos.	479
Diaphoretica Chymica in febribus pestilentibus.	671
Diarrhœa in hydropè quando bona.	59.60
Diasarum Fernelij in fluore muliebri.	282
Diatriiti siue triduanæ abstrinentiæ noxa.	508
Dierum criticorum computatio in morbis puerperarum an à principio morbi fieri debeat, an à die partus.	439.
Diuinum in morbis quid.	623
Diüreticorum in vsu quid semper obseruandum.	164
Diüretica an fluori muliebri conueniant.	283
Diüretica ad vteri hydropem.	358
Diüretica an conueniant grauidis.	328
Diüretica in febrium continuarum declinatione commoda.	556
<i>Διψακος</i> quid.	210
Dolores capitis in febribus sedantia. 561. lumborum.	565.
Dolor <i>δυσονόμος</i> quartanariis prius.	590
Ductus per quos serosus humor à venis in abdominis capacitatem comseat, ab Hippocrate indicati.	53
Dysenteria quomodo epilepsiam soluat.	592

Index Rerum.

- Dysuriæ causa. 231. 232. & seqq. causarum signa.
233
Dysuria cur senibus præsertim decrepitis commori-
tur. 233
Dysuriæ quæ purgantia conueniant. 234. 235. quæ vo-
mitoria. 235. quæ topica. 238

E

- E** Bullitio sanguinis in variolis & morbilis alia per-
fectiua, alia corruptiua. 690. 696
Electuarium cyphodes hydragogum. 68
Elodes febris qualis. 527. signa quibus innotescit. 534
Emplastrum hepaticum resoluens. 21. in iecoris scir-
rho. 46
Emplastra ad hydropem. 71. ad lienis scirrhum. 84. ad
vrinæ incontinentiam. 221. 222. ad fluxum men-
sium immodicum. 273. in suffocatione hysterica.
313. in sterilitate. 390. in arthritide. 469. ad arthriti-
dis præcautionem. 479
Emulsiones in inflammatione renum & vesicæ. 166. in
dysuria seu ardore vrinæ. 236. in furore vterino. 292
Emulsionum laus in quamplurimis affectibus. 552. in
synocho. 506. in hectica. 516. 518. in febre maligna.
662. 664.
Enematum vtilitas in toto decursu febrium maligna-
rum. 669. Vide *Clysteres*.
Epialæ febris essentia & causæ. 527
Epiala in febre cur calor & frigus in eadem parte sen-
titur. 28
Epicarpia seu remedia carpis admota in tertiana inter-
mittente longiore. 585. in quartana. 608
Epidemica febris potest esse sine obstructione. 618
Epilepsiæ ex vtero causa. 302
Epilepsia

Index Rerum.

Epilepsia cur quartanam soluit.	592.
Epithemata hepar refrigerantia. 19. renes.	190
Epithema ad præseruationem à calculo renibus ad- mouendum,	167
Epithemata in vteri inflammatione. 328. in synocho simplici. 506. in hectica cordi & hepatis admo- uenda. 520. in continuæ febris declinatione.	557
Epithemata cardiaca an in pestilenti febre conue- niant.	674
Euacuatiua phlebotomia in febribus putridis conti- nuis quando iteranda.	543
Εὐσπλαγχοί qui.	59.60
Exanthemata quid differant à purpureis maculis in febre pestilenti erumpentibus.	617.638
Exanthematum differentia.	638
Exanthemata in febre pestilenti cur periculosa.	645
Extenuatio non semper est cum sanguinis penuria. 255.	
Extenuatione in summa febris hecticæ clysteres nu- trientes conueniunt.,	518

F

F acies quomodo defendenda à variolarum noxa. 705.	
Fascinus & incantatio an conceptionem impedire pos- sint. 75. qua arte dissoluenda.	384
Febris alba quid.	241
Febris lactis eiusque symptomata.	436
Febres puerperarum vnde oriantur.	437.438
Febris vnde excitetur in arthritidis principio. 450. 452 & vnde catarrhalis.	ibid.
Febrium diuisio in simplices, putridas & pestilentes. 500.	

Index Rerum.

- Febris ephemeræ causæ. 501. signa ibid. curatio. 502
Febris hæctica.
Vide *Hæctica*.
Februm putridarum diuisio in continuas & intermit-
tentes. 521. continuarum in essentielles & sympto-
maticas. ibid. intermittentium in quotidianas, ter-
tianas & quartanas. 522
Februm continuarum essentialium causa. ibid.
Februm continuarum differentiæ accidentales unde
desumuntur. 525. 528.
Febres symptomaticæ quænam. 528
Febres essentielles aliquando coniunguntur cum in-
flammationibus illis succedentibus. 529
Febris lentæ essentia, causæ & differentiæ. 530
Februm putridarum continuarum diagnosi. 532. cura-
tio 537. diætâ in acutis. 538. in minus acutis. 529. in
longis. ibid.
Febricitantibus cibus quando exhibendus. ibid.
Febricitantium potus. ibid.
Febribus in putridis cur spiritus vitrioli & sulphuris
magnus vsus. 540
Febribus in continuis phlebotomiæ vtilitates. 542
mittendi sanguinis tempus. 543. 544. ex quibus ve-
nis. ibid. cucurbitulis quando locus. 545
Februm continuarum initio an purgantia conueniant.
ibid. an vomitoria. 547. 548. an aqua frigida. 552. an
diagrydiata. 554
Febribus in diuturnis cur purgantia identidem repe-
tenda. 554. 560
Februm continuarum in declinatione quæ diûterica
& sudorifica conueniant. 556
Februm variæ compositiones, seu complicationes.
607. 608
Febris pestilentis & malignæ differentiæ. 611
Februm

Index Rerum.

- Febrium omne genus obstructions producere possunt. 618
- Fermentationes humoris melancholici quæ incommoda sequantur. 86
- Fernelius circa ductus naturæ extraordinarios improbat. 52. 53. circa productionem hydropis ab urinæ suppressione. 55. circa originem arthritidis. 449. circa calculi vesicæ rudimentum. 171. 172
- de Filamentorum in vrinis causæ variæ secundum Autores. 150. 151
- Flatuum in tympanite causa. 55. 56
- Flatus quomodo in vteri cavitate contineantur. 351. & 352.
- Flatibus generandis quæ materia idonea. 41
- Flauus color in cornea sub quem affectum reducat. 37
- Fluor muliebris quid. 276
- Fluorem muliebrem pati etiam possunt virgines. 276
- Fluoris muliebris causæ. 277. signa diagnostica partis mandantis. 278. humoris fluxum efficientis. 279. signa distinctiua à consimilibus affectibus. ibid.
- Fluor muliebris affectus contumax, quem multa mala consequuntur. 280
- Fluori muliebri an conueniat venæ sectio. 281. an vomitus. 282. sudorifica. ibid. thermæ sulphuræ. 283. diüretica. ibid. lac chalybeatum. 284
- Fluori muliebri astringentibus quando locus. 285
- Fœcunditatem vel sterilitatem fœminæ indicantia. 380. 387.
- Fœtus quomodo sit causa abortus. 400
- Fœtum quæ enecent. 401
- Fœtum in vtero continentia. 406. & seqq.
- Fœtu debili existente puerpera quomodo curanda. 411.

Index Rerum.

Fœtus in vtero comparatio cum fructibus ab arbore
pendentibus. 392.396

Fœtus præposterus exeundi modus vt dirigendus. 417

Fœtus mortui causæ. 418. signa. 419

Fœtus mortui per longum tempus in vtero seruati
historiæ plures. 419.420

Fœtum mortuum excludentia. 420

Forma noua introducta priorem corrumpit. 613

Fotus hepatici resoluentes. 21.27.28. in scirrho hepa-
tis. 45. in hydrope. 69.70. in calculo renum. 152. in

vesicæ inflammatione. 191. in mictu sanguinis. 299.

in renum & vesicæ doloribus. 209. in diabete. 215. in
vrinæ incontinentia. 221. ad menses suppressos. 262.

ad menses immodicè fluentes. 272. in hydrope ute-
ri. 359. in vteri procidentia. 360. ibid.

Fotus ad fœtum mortuum excludendum. 410. ad par-
turientium tormina. 434. in doloribus arthriticis.

460.

Fotus emolliens, attenuans, & roborans in hypocho-
ndriorum regione in febre tertiana longiore. 587. in

quartana spuria. 606

Frictionis modus in hecticis. 515

Frictionum vtilitas in febre syncopali humorosa. 568

Furor vterinus quid. 287. 288

Furoris vterini causæ. 288. signa diagnostica. 289. pro-
gnostica. ibid. curatio. 290

Furori vterino conueniunt remedia maniacæ & melan-
choliæ hypochondriacæ propria. ibid.

Galenus ex facie furibundos mulierum amores

cognoscebat. 289

Galenus sententia de causa materiali & efficiëte calculi

impugnan

Index Rerum.

impugnantur. 137. & seqq. circa causam bullarum	
vrinis innatantium. 149. circa sabulosa in vrinis	
subfidentia.	176
Galli veteri decoctum in obstructione hepatis contu-	
maci. 29. in melancholia hypochondriaca. 95. in	
prophylaxi à calculo.	161
Gangrænæ vteri curatio.	349
Gelatina pro hæcticis instaurandis.	514
Gemellorum abortus cur frequentior.	400
Gemmas cur puerpera in partu deponere debet.	417
Gingiuarum affectus in scotbuto.	108
Glandes anodynæ ad vesicæ dolores leniendo.	192
Glandulæ mesenterium obstruentes.	122
Grumi sanguinis in vtero à partu remanentes vt co-	
gnoscantur. 438. eorum eductio.	ibid.

H

H æmorrhagia è naribus in quartana febre super-	
ueniens cur pessima.	592
Hæmorrhoidum fluxus melancholicis utilis.	93. 96
Hæmorrhoidum apertio cur in calculo renum utilissi-	
ma. 155. in vteri scirrho. 342. in ischiade. 481. in me-	
lancholicis præcipue in febre pestilenti conuenit.	
634. 655.	
Hæmorrhoidum fluxus cur in quartana salutaris.	596
Hæcticæ febris sedes. 508. 509. differentiæ. ibid. gradus.	
507. 508. causæ. ibid. signa. 509. signa variorum gra-	
duum. 509. 510. signa distinctiua à febre putrida. 510	
Hæctica cur frequentius accidit à 18. ætatis anno ad	
35.	510
Hæcticæ quæ diætâ conueniat. 511. an aër frigidus. 512	
an crassa & viscosa alimenta.	513
Hæcticos instaurantia alimenta.	514

Index Rerum.

- Hecticis cur alterantia potius, quàm purgantia conueniant. 517
Hectici quo modulo refrigerandi. 519. balneandi, ibid.
à balneo tractandi. ibid.
Hecticis lac cur conuenientissimum. 518
Hemitritæus ex quibus febribus componitur. 608
Hemitritæi differentiæ. 609. signa diagnostica. ibid.
Hemitritæus cur periculosus. 610
Hepar gratiosi humoris fons est. 299
Hepatis inflammationis differentiæ. 9. 10
Hepatis inflammationis causæ. 10. 11. signa. 11. 12. signa
distinctiua causarum & partium. 13. 14
Hepatitis à pleuritide signa distinctiua. 15. à mesen-
terio inflammato. 16
Hepatis inflammatio quæ periculosior. 16. 17. quibus
modis terminetur. 17
Hepatis vlcus ab humoribus acribus, & erodentibus
quomodo dignoscatur. 17. 18
Hepar inflammatum dulcibus offenditur. 18
Hepatis obstructionis causæ & signa. 22. & seqq. cura-
tio. 26. & seqq.
Hepar an semper afficiatur in hydrope. 47
Hepatis significatio an lædatur in hydrope. 50. 51
Hepatica externa roborantia in hydrope. 72
Hermeticorum opinio circa calculorum causas pro-
batur. 143. 184
Hippocratis præceptum de purgatione in orgasmo
cur hodie non obseruatur. 547
Hirci sanguinis & vrinæ vsus ad renum & vesicæ cal-
culum. 157
Horrificæ febris essentia & causæ. 526
Humorum corruptio qualis in peste. 612. & seqq.
Humorum corruptio & putredo quid differant. ibid.
Hydatides vesiculæ. 34

Index Rerum.

Hydropis vniuersalis species.	46
Hydrops omnis an semper hepate affecto fiat.	47
Hydrops ascitis causæ frequentiores.	48.49. rariores.
154.	
Hydrops an ex vrinæ suppressione produci possit.	53
Hydrops siccus quis.	55
Hydrops in quibus facilius curetur.	58
Hydropi alui fluxus quando salutaris.	59
Hydropici qui sanabiles.	ibid.
Hydropis curatio.	61. & seqq.
in Hydropicis cur. fortia purgantia frequenter non	
vsurpanda.	64
Hydropi an conueniat phlebotomia.	65. an paracen-
tesis.	ibid.
Hydropicorum potus qualis esse debeat.	64. quales
cibi.	ibid.
Hydrops refrigerantibus curatus.	73.74
Hydrops ad matulam quid.	210
Hydrops vteri. 351. quomodo à simplici inflatione	
distinguat.	250
Hydrops vteri particularis quomodo ab vniuersali	
distinguat.	354
Hydrops vteri quomodo à grauiditate & mola distin-	
guatur.	356.357
Hydropis vteri prognosis.	357
Hydropi vteri an conueniat phlebotomia.	358
Hydropis flatuosi curatio.	360
Hypochondriorum grauitas seu satietas obstructi he-	
patis signum.	24.25
Hysterica passionis causæ. 294.295. differentia.	297
Hystericum paroxysmum excitantia.	ibid.
Hysterica strangulationis causæ.	298
Hystericorum symptomatum causæ.	302
Hysterica symptomata quomodo distinguantur à syn-	

Index Rerum.

- cope. 306. ab apoplexia. 306. 307. ab epilepsia. 307.
Hystericę mulieres quomodo à mortuis distinguantur.
304.
Hystericę defunctę ante 3. diem non sepeliendę. 308.
Hystericę passionis causę quomodo dignoscendę. 308.
Hystericę passio an periculosa. 309.
Hystericę mulieri cur sternutatio superueniens bona.
310.
Hystericę passionis curatio in paroxismo. 310.
Hystericis an venę sectio conueniat. 312. 313. an vi-
num in paroxismo. 318.
Hystericę pręgnantes quomodo tractandę. ibid.
Hystericę passionis curatio extra paroxysmum. 318.
Hystericę passioni specifica. 321. amuleta. 322.

I

- I**Alapę vsus in fluore muliebri. 281.
Icterus quid. 36.
Icteri species. 37. causę. ibid.
Icterus an semper ante septimum lethalis. 39.
Ictero specifica. 41.
Icterus albus quid. 241.
Imperforatę quę. 370.
Imperforationis curatio. 371.
Innappetentię in febribus curatio. 369.
Incantationibus an impediatur conceptio. 375.
Incontinentię urinę causę. 216.
Inflammationibus partium internarum febres essen-
tiales succedere solent. 329.
Influxus syderum quomodo sint causę morborum pe-
stilentium. 622. cur. tam variij. 625.
Iniectiones vesicę vlcera detergentes & consolidantes.
209. quo instrumento immittendę. ibid.

Iniectiones

Index Rerum.

Iniectiones ad ardorem vrinæ. 298. ad menses suppressos. 263. ad immodicè fluentes. 273. 274. in furore vterino. 292. in vlceribus vteri. 336. 437. in hydropo vteri flatuoso.	361
Iniectio vterum expurgans.	388
Inquietudines febricitantium sedantia.	566
Instaurantia alimenta pro hecticis.	514
Intermittentes febres an semper periculo vacent.	614
Ireos nostratis succi vsus & mixtio ad hydropem.	63
Ischiadicus dolor quas partes occupet.	480
Ischiadicus dolor perseverans cur luxationem inferat.	480.
Ischiadicæ venæ in ischiade sectæ utilitas.	481
Ischiadi quæ purgantia conueniant.	482
Ischiadem resoluentia.	482
Ischiadis materia aliquando suppuratur.	487
Ischuria quid.	222
Ischuriæ differentiæ. ibid. legitimæ causæ. 224. signa.	
ibid. spuria causæ.	226
Ischuria cur valdè periculosa.	226
Iulepi hepar refrigerantes.	6
Iulepi Alexandrini compositio. 26. vsus in febribus biliosis.	542
Iulepus in calculo ad vias leniendas.	151. 156
Iulepi in inflammatione renum & vesicæ. 189. in mictu sanguinis. 198. in vlceribus renum. 205. 206. in diabete. 214. in vrinæ suppressione à pituita crassa. 228. in dysuria seu ardore vrinæ. 236. in fluore muliebri.	284.
Iulepi pro hecticis.	517
Iulepi in febribus biliosis.	549. 550
Iulepi incrassantes in bile valdè acri & tenui.	559
Iulepi alterantes in febribus malignis.	661
Iulepi pro delicatioribus & in magna virium exolutione	

Index Rerum.

tione in febribus continuis.	553.554
Iulepi alexiterij in febribus malignis.	663.664
Iuli seu catuli nuci iuglandis ad suffocationem hysterica.	317
Iuscula medicata hepar refrigerantia. 7. deobstruentia.	27
Iusculum in melancholia hypochondriaca.	94
Iuscula in calculo renum. 154. ad præseruationem à calculo. 262. in dysuria seu ardore vrinæ. 236. ad mēstrua immodicē fluētia. 270. in hydrope vteri. 358	
Iuscula instaurantia pro hecticis.	514.517
Iuscula febricitantium in acutis febribus. 5. in minus acutis. 539. in longis. ibid. in nothis febribus. 551. in febribus malignis & pestilentibus.	662.672

L

L Actis serum refrigerat & humectat.	8
Lactis feri præparatio.	ibid.
Lac asininum ad corpus emaciatum. 8. quando conueniat in melancholia hypochondriaca. 100. vlcerebus renum. 204. vteri.	355
Lac ouillum ad mictum sanguinis.	197
Lac vaccinum ad vlcera renum & vesicæ consolidanda.	207
Lac tepens recenter multum anodynum præstantissimum in vlcere vesicæ. 210. in arthritico dolore.	455.
Lac asininum quando conueniat in dysuria seu ardore vrinæ.	236
Lac asininum antipodagricum.	477
Lac chalybeatum ad fluxum muliebrem.	282
Lac cūr hecticis conueniens.	518
Lactæ & albæ materiæ cum vrina excretæ causa.	232
Lapi	

Index Rerum.

Lapidescens succus causa materialis calculi.	142
Lapidifico spiritu hominum corpora aliaque in saxa conuersa.	143.144
Laudani vsus in calculo renum. 155. in ischiadico dolore acerbiori. 486. in febre pestilenti cum alexipharmacis permixti.	669
Lentium decoctum an ad variolarum expulsionem conueniat.	698
Lentæ febris essentialis causæ & differentiæ.	530
Leucophlegmatix quando salutaris diarrhoea.	60
Lien potulentam materiam ad se trahit.	49.53.
Lienis morbi.	75.76
Lienis inflammati signa, prognosis & curatio.	76.77
Lienis dolor quomodo distinguatur à colico.	78
Lien cur obstructionibus obnoxius.	79
Lienis obstructionum causæ & signa.	79.80
Lienis scirrhus in quo differat à lienis inflatione.	81
Lienis scirrhi curatio.	82
Lienis scirrhus specifica verruca mortua, Italix <i>herba licnis</i> vocata.	83
Lien per ramos splenicos cum omento communicat.	133
Lienis specialis cura in quartana habenda.	604
Limaturæ chalybis varius vsus in obstructionibus.	35
Lingux & faucium ardor, siccitas & scabrities in febribus quomodo curanda.	559
Linimenta hepatica resoluentia. 21. in ictero 41. in hepatis scirrhus. 45. in hydrope. 70. in calculo renum. 152. 160. ad præseruationem à calculo. 169. 170. in inflammatione renum. 179. in inflammatione vesicæ. 192. in mictu sanguinis. 199. in vrinæ incontinentia. 221. in dysuria seu ardore vrinæ. 238. in fluxu mensium immodico. 273. in hysterica suffocatione. 514. in vteri inflammatione.	328

Index Rerum.

Linimentum Aëtij ad totum corpus in febre pestilenti.	
Loca quædam cur pestifera labe nunquam tententur.	657
	625.
Lochiorum fluxus immodicus vnde æstimandus.	425
Lochiorum fluxus immodici causæ.	425
Lochiorum fluxus immodicus cur periculosus.	ibid.
Lochiorum fluxus immodici curatio.	426
Lochiorum suppressionem quæ mala sequantur.	429
Lochiorum suppressorum curatio.	430
Lochiis suppressis vnde mittendus sanguis.	ibid.
Lotiones manuum & pedum in febribus continuis.	
	559.
Longævitatē cur interdum arthritidis conciliet.	483
Lumborum dolorem in febribus sedantia.	565
Lupini hepatis exsiccati pulvis ad epilepsiam hysteri-	
cam.	321, 322
Lupina caro exsiccata amuletum in suffocatione hy-	
sterica.	323
Euxationem coxæ cur ischiadicus dolor inferat.	480

M

M Acies summa cur vna ex sterilitatis causis.	379
Maculæ præcipuè in cruribus vnum ex scorbuti	
signis.	108
Maculæ purpureæ an sint pathognomonicum febris	
pestilentis signum.	632
Maculæ purpureæ in pestilenti febre quæ bonæ, quæ	
pravæ.	645
Maculæ purpureæ in quo differant à variolis & mor-	
bilis.	689
Maleficio impediri potest conceptio.	375
Maligna febris quæ.	618

Malignam

Index Rerum.

- Malignam febrem cur carbunculi & parotides significant. 639
- Malignam febrem an purpureæ maculæ indicent. *ibid.*
- Maligna febris, etsi ægri ab ea videantur immunes, infida. 641
- Malignarum febrium initio an purgandum. 659
- Malignis in febribus malum citrium aleximapharmacum præstantissimum. 660
- Malignis in febribus an in doloribus capitis oxyrrhodinum conveniat. 675
- Malum an insit rebus creatis. 625
- Maluæ decoctum in dysuria seu ardore urinæ. 337
- Maluæ florum conserua. 33
- Mammarum extenuatio in prægnante cur abortum portendat. 402
- Marasmus quid. 508
- Margaritarum & coralliorum pulueratorum erat laus in febribus malignis & pestilentibus. 665
- Martis vitrioli laus in obstructionibus. 102. in menstruis modicè fluentibus. 271
- Mastiches laus in hydrope ad sitim fallendam. 69. in epilepsia hysterica. 322
- Meatus cæci in corpore sunt, per quos materia & humores transeunt & excernuntur. 51
- Meatus & ductus patentes, per quos serosa materia in abdominis capacitatem transfertur. 53
- Medici. Vide *Parisienses*.
- Melancholiæ hypochondriacæ focus. 84. & seqq.
- Melancholiæ hypochondriacæ causæ. 85. & seqq.
- Melancholiæ hypochondriacæ cur pæri & adolescentibus minime obnoxij. 86
- Melancholiæ hypochondriacæ signa. 87. & seqq.
- Melancholia hypochondriaca cur affectio flatuosa vocata. 89
- Melancho

Index Rerum.

Melancholicorum vaporum varia symptomata.	91.92
Melancholia opprobrium & flagellum Medicorum cur vocetur.	93
Melancholiæ hypochondriacæ curatio.95. an conue- niat aquarum thermalium potus.	101
ex Melancholici humoris malignitate qui affectus ex- citentur.	106
Melancholica symptomata scorbuticis similia.	216
Mefaraicæ venæ quibus obstruantur.	122
Mesenterij tumor quomodo ab hepatis inflammatio- ne distinguatur.	16
Mesenterium intestinis & lumbis alligatur.	55
Mesenterium infinitorum morborum parens & Medi- corum nutritula.	121
Mesenterij obstructionum causæ, & signa.	122
Mesenterij inflammationis causæ.224. signa mesente- rij inflammati & partium vicinarum.	124
Mesenterij inflammatio quomodo à diaphragmatis tumoribus distinguatur.	125
Mesenterij abscessus omnes fiunt ab inflammatione. 126. quomodo.	127
Mesenterij abscessus cur semper periculosi.	124
Mesenterij abscessus curatio.	129
Metrenchytæ seu clysteres vterini ad mensium sup- pressionem.	263
Non præscribendi virginibus.	265
Mictus sanguinis causæ.	294
Mictus sanguinis aliquando criticus.	ibid.
Mictus sanguinis signa à qua parte profluat.	196
Mictus sanguinis pericula.	ibid.
Mictus sanguinis curatio.	ibid.
Mictui sanguinis lac ouillum vtile.197.trochisci Gor- donij & de carabe.	198
Mictui sanguinis topica conuenientia.	199
Millepedum	

- Millepedum laus in calculo renum. 158. in calculo vesicæ. 181. & seqq.
 Modus & artificium facietum & ingeniosum ad vterum prolapsum reponendum. 366
 Montpellensis purpuratæ febris anni 1623. descriptio. 649.
 Morbillorum à variolis differentia. 682
 Morbilli & variolæ an sint morbi noui. 686
 Morbillorum causa. 687
 Morbillorum eruptio cur interdum tamdiu differtur. 688.
 in Morbilib & variolis ebullitio duplex. 690
 Morbillorum item duo tempora, ebullitionis & eruptionis. 691
 Morbillorum differentia. ibid.
 Morbillorum imminentium signa diagnostica. 691
 Morbillorum curatio. 694. & seqq.

N

- N**arcoticis quando locus in renum calculo. 155. in renum & vesicæ inflammatione. 192. in diabete. 214. in dolore immani canceri vterini. 347. in arthritide. 458
 Narcotica quædam vis inest vaporibus in hysterica passione. 298
 Narcotica crisi instante non vsurpanda. 561
 Nascalia virginibus non autem pessaria præscribenda. 265. 298
 Nautiosis venarum quomodo rheumatismi causa est. 490
 Nephriticus dolor cur vulgo colica nephritica vocatus. 136.
 Nephritici dolores causa. 136
 Nephriticus dolor quando maximè periculosus. 151.
Tom. II. a a a **Nephritic**

Index Rerum.

- In Nephritico dolore quando locus narcoticis. 155
- Nervosæ partes cur humoribus imputæ in arthritide non
convellantur. 445
- Nodosæ arthritidis recentis remedia. 478
- Noduli anodynæ ad vesicæ dolores. 192
- Nouatores hodierni cardiacorum vsum ablegantes car-
puntur. 665
- O
- O**bstetrix partum præpostero modo exeuntem quo-
modo dirigere debeat. 417
- Obstructionis hepatis causæ & signa. 22. 23
cûratiô. 26. & seqq.
- Obstructionibus inueteratis maximè conferunt remedia
ex tartaro, vitriolo, chalybe. 27
- Obstructæ cystidis felleæ causæ. 37
- Obstructiones graues & contumaces præcipuæ causæ
hydropis. 61
- Obstructionibus cur lien obnoxius. 79
- Obstructiones partium infimi ventris præcipuè venarum
circa vterum, chloroseos causæ. 241
- Oculos à variolarum noxa defendentia. 704
- Olea an conueniant in arthriticis doloribus. 467
- Olei scorpionum Matthioli laus ad virus in pestilenti fe-
bre euocandum. 671
- Omentum per quos ductus cum liene communicet. 133.
134.
- Omenti morbi cur ab Autoribus non descripti. 120.
133.
- Operationes rerum creatarum quomodo dici possint
malæ. 625
- Opiata hepar refrigerans. 7. 8. deobstruens. 28. ex cha-
lybe. 34. in hydrope. 68. in lienis scirrho. 82. in me-
lancholia

Index Rerum.

- lanchoſia hypochondriaca 99. in miſtu ſanguinis.
198.
- Opiatæ purgantes in renum ulcere. 203
- Opiata consolidandi vim habens in ulcere renum &
veſicæ. 206
- Opiata ad incontinentiam urinae. 219. ad fluorem mu-
liebrem. 285. 286. in furore uterino. 292. ad uterum
roborandum & venerem ſtimulandam. 385. aduerſus
abortum. 407
- Opiatæ antipodagricæ. 471
- Oipata pro hecticis. 517. ad vires reſciendas in feбри-
bus continuis. 559. cardiaca in febre ſyncopali hu-
morofa. 559. aperiens & corroborans in quartana le-
gitima. 601
- Orgaſmus quid. 545. quomodo cognoscatur. 547
- in Orgaſmo praxis ordinaria cur phlebotomiam potius,
quam purgationem adhibet. 547
- Οξοκόπος dolor quartanariis proprius. 590
- Oxyeratium cur non exhibendum in fluxu menſium im-
modico. 427
- Oxymel ſimplex & ſcillicicum ad obſtructiones lienis.
80.
- P**allidi virginum colores. 241. varij à qua cauſa. 243
- Pancreatis affectus cur fere omiſſi ab Autoribus
120.
- Pancreatis actio ex Anatomicis recentioribus. 130
- Paracenteſis an adminiſtranda in hydrope. 65
- Paralyſis ſcorbutica quomodo differat à vera paralyſi.
113.
- Parieſes Medici notati de ſanguinis miſſione in pueris
tenellis & lac ſugentibus. 696
- Parotide,

Index Rerum.

Parotides in febribus malignis & purpuratis quando præcipuè lethales.	645. & seqq.
Parotidum curatio in febribus malignis.	680. & seqq.
Paroxysmum in quartana cohibentia.	609
Partus difficultatis causæ. 411. & seqq. quomodo dignoscendæ.	414
Partus difficilis quomodo fiat obstetricis errore.	413
Partus naturalis intra 24. horas fieri debet.	414
Partum accelerantia per os sumpta.	415
Partum accellerat venarum inferiorum sectio.	416
Partum specifica proprietate iuuantia.	417
2. Partus die in puerperarum morbis an criticorum dierum computatio fieri debeat.	435
Passulæ quomodo præparandæ pro hæcticis.	512
Pasta regalis ad hæcticos instaurandos.	514
Pedum & manum refrigerationes quomodo febrium incendium temperent.	559
Permeabilia omnia in corpore viuente.	51
Pessaria ad menses suppressos. 263. non præscribenda virginibus.	265
Pessaria astringentia ad menses immodicè fluentes. 274. detergentia. 287. in furore vterino.	293
Pessarium purgans in suffocatione hysterica.	317
Pessaria in vteri inflammatione. 329. 330. in hydrope vteri, 361. in vteri procidentia.	370
Pessaria vterum expurgantia.	388
Pessaria ad fœtum mortuum excludendum.	420
Pestilentis febris differentia.	612. 614
Pestilens febris quid à peste differat.	612. 613
Pestilentis febris causæ.	618
Pestis dari potest sine febre.	613
Pestilentium febrium variæ causæ.	618
Pestifera labe cur certa loca non tententur.	625
Pestilentium morborum quomodo causæ sint praua alimenta	

Index Rerum.

alimenta.	627
Pestis cur post famem.	628
Pestilentibus morbis quantum conferant animi pathemata.	629. 630
Pestilentis febris futuræ signa.	630
Pestilens febris quomodo præcauenda.	646
curanda. 648. an vino. 649. venæ sectione. 650. quibus ex venis. 654. quo febris tempore.	656
Pestilentis febris initio an purgatio conueniat.	659
Pestilentis febris alexipharmaca varia.	661. & seqq.
<i>Petechia</i> seu <i>pericula</i> quid.	616
Phlebotomia an conueniat hydropi. 65. scirrho lienis.	82. 83.
Phlebotomia in omnium partium infra renes positarum affectibus à venis inferioribus ad deriuationem celebranda.	234
Phlebotomiæ vtilitates in febribus continuis.	542
Phlebotomia vsque ad animi deliquium in synocho putrida & causo an facienda.	ibid.
Phlebotomiæ iterandæ indicationes in febribus continuis.	543
Pilulæ ad hepatis obstructions contumaces. 28. 29. ex chalybe 35. in scirrho hepatis.	44
Pilulæ ad hydropem.	62
Pilulæ de ammoniaco ad lienis obstructions.	80
Pilulæ in melancholia hypochondriaca.	97. 98. 103
Pilulæ ad calculum imminuendum, 157. ad præseruationem à calculo. 162. ad mictum sanguinis. 200. ad vlcera renum & vesicæ.	207
Pilulæ ad suppressos menses. 258. 261. ad fluorem muliebrem. 282. in paroxysmo hysterico. 215. extra paroxysmum 321. ad vlcus vteri.	335
Pilularum vsus in grauidis cur suspectus.	398
	3
	Pilulæ

Index Rerum.

Pilulæ Zechij ad obstructions tollendas & hepar roborandum.	583
Pilulæ vsuales in quartana legitima.	598
Pinguedio nimia totius corporis cur conceptionem impediat.	379
Pisuitæ variæ differentiæ varios effectus producant.	387.
Plantaginis succus ad mictum sanguinis & ad quamcumque hæmorrhagiam vtilissimus.	197
Plantæ antiscorbuticæ.	117
Pleuritidis ab hepatitide signa distinctiua.	15
Plumbi lamina perforata supra renes gestata ad præseruationem à calculo, 170. in mictu sanguinis, 199. in furore vetricino.	292
Podagra quæ curabilis.	453
Podagrici morbi an semper 40. diebus terminentur.	454
Podagræ anodyna.	459
Podagræ an vomitus conueniat.	474
Podagræ & aliis arthriticis doloribus quantum valeat emplastrum diachalciteos seu diapalma.	479
Petus febricitantibus quando concedendus.	565
Prægnantium morbi cur periculosi. 391. præcipuè primis & vltimis gestationis mensibus.	392
Prægnantium diæta in morbis acutis.	ibid.
Prægnantibus an mittendus sanguis.	393. & seqq.
In Prægnantibus cur suspectus pilularum vsus. 398. & vtcunque clysteres.	ibid.
Prægnantes cur tutius & frequentius nunc purgantur, quam tempore Hippocratis,	397. 398
Procidentia seu prolapsus vteri quid.	361
Procidentię causæ.	363
Prolapsum vterum reponendi ingeniosum artificium.	366.

Index Rerum.

- Pisana ex senna cum sale tartari purgat & aperit potentius.* 31
- In Puerorum lenta febre ab obstructione rhabarbarum præstantissimum.* 553
- Puerpera cur gemmas deponere debeat.* 417
- Puerperarum febres vnde oriantur.* 436. 437
- Puerperis an mittendos sanguis.* 439
- Puerperarum in morbis critici dies an à partu computandi.* 479
- Pulmonem defendentia à variolarum noxa.* 701. 702
- Pulsatio in sinistro hypochondrio in melancholia hypochondriaca vnde.* 91
- Pulsus intermittens an semper lethalis in iuvene in febre pestilenti.* 641
- Pulvis ex chalybe deobstruens.* 38
- Pulvis ad hydropem.* 61. 62
- Pulvis in melancholia hypochondriaca.* 98
- Pulveres ad calculum. 157. 158. ad præseruationem à calculo. 161. ad mictum sanguinis.* 220
- Pulvis ad incontinentiam vrinæ.* 219. 220
- Pulveres ad menses suppressos. 237. 258. ad immodicè fluentes. 268. ad suffocationem hysterica. 317. in vteri prolapsu. 368. ad vterum robotandum & stimulantam venerem.* 385
- Pulvis ad fœtum mortuum excludendum. 420. ad lochiorum fluxum immodicum. 427. ad tormina puerperarum.* 435
- Pulveres ad vires reficiendas in febribus continuis.* 533
- Pulvis epilepticus de gutteta ad conuulsiones in febribus continuis.* 561. 562.
- Pulveres alexipharmaci.* 667
- Purgatio in gravidis cur hodie frequentior & ratio. 397. 398. & præcipue mediis gestationis mensibus. ibid.*

Index Rerum.

Purgantia in febrium continuarum principio an exhibenda. 545

Purpurearum macularum in febre pestilenti differentia. 616. 617. ab exanthematis. 617

Purpureæ maculae an sint signum pathognomonicum febris pestilentis. 632

Purpurearum macularum causa. 637

Purpureæ maculae aliquando criticae, aliquando symptomatice. ibid. & 645

Purpureæ maculae cur in pectore & dorso præcipue apparent. 689

Pus à renibus procedens cur melius coctum, quam quod à vesica. 201

Postularum pestilentium in ore apparentium noxae. 639

in Putredine vulgari venenata qualitas pestilentis febris non consistit. 612

Qualitatum primarum excessus corruptionis causa in aëre. 620

Quartanae febris essentia & causa. 525

Quartana in continua cur sanguis parcius detrahendus. 543

Quartanae intermittens essentia & differentia. 589. 590

Quartana spuria cur periculosior legitima. 591

Quartana intermittens in continuam mutata cur periculosa. ibid.

Quartanae quæ dysenteria salutaris 592. cur hæmorrhagia è naribus pessima. ibid.

Quartana cur epilepsiam soluit. 592

Quartanae raparum iusculum vtilissimum. ibid.

in Quartana cur parcè bibendum. 594

Quartana

Index Rerum.

Quartana cur benignioribus medicamentis initio tractanda.	595
Quartanariis cur hæmorrhoidum fluxus salutaris.	596.
an saluatellæ sectio.	ibid.
Quartanarii cur ferè non curentur.	598
Quartanæ specifica.	ibid.
in Quartana theriaca quando exhibenda.	609
Quotidianæ continuæ essentia & causæ. §24. §25. signa diagnostica.	535
Prognostica.	536
Quotidianis in febribus cur sanguis minore copia mittendus. §43. qualia incidentia, attenuantia & aperientia conueniant.	551
Quotidianæ intermittentis sedes. §66. signa diagnostica.	587

R

R <i>Anaglion</i> quid.	685
Recidivæ in febribus continuis præcautio. §60.	554.
Regius morbus, vide Icterus.	
Renum affectus.	135
Renēs quid conferant ad generationem calculi.	143
Renum inflammationis causa coniuncta. §185. causæ antecedentes, ibid. signa diagnostica.	187
Renum inflammatio quomodo à colī inflammatione dignoscatur.	187
Renum inflammatio cur periculosa.	188
Renum inflammationis initio cur purgatio non conueniat.	190
Renum vlcera quæ curabilia, 203. quæ symptomata commitantur.	ibid.

Index Rerum.

- Remum in viceribus quæ purgatio conueniat 103. quæ
lia vomitoria. 204
- Redibus inflammatis cur diüretica non conueniant.
192.
- Respirâdi difficultas in virginibus chlorosi laborantibus
vnde. 243. in hystERICA passione. 297. 298
- Respiratione deficiente an vita consistere possit. 298
- Repellentia in ischidiaco dolore cur non conueniant.
482.
- Retentiones & euacuationes nimix quomodo sint causæ
pestilentiam morborum. 629
- Reuulsoria phlebotomia quando iteranda. 543
- Rhabbarbari, laus in hydrope. 63. in febre lenta ab ob-
structione. 553
- Rhabbarbaro an locus in febrium continuarum princi-
pio. 547
- Rhamni cathartici syrupus ad hydropem. 62
- Rheumatismus quomodo differat ab arthritide. 487. à
catharro. ibid.
- Rheumatismus ab Hippocrate & Galeno delineatus.
488.
- Rheumatismi causa immediata serosus humor. 487.
origo. ibid.
- Rheumatismi signa diagnostica. 491
prognostica. 492
- In Rheumatismo è quo brachio sanguis detrahendus.
493. cur ex frequentiori venæ sectione vires non
deiciantur. 494. cur purgatio in principio, ang-
mento, statu noxia. 495
Vt & sudorifica. 496
- In Rheumatismi curatione partium principium & totius
corporis roborationi incumbendum. 498
- Rheumatismi prophylaxis. 498

Index Rerum.

Rosarum tinctura ad hepar refrigerandum. 6. 497. in febribus biliosis. 541

S

- S** Abulosa in Aphor. 59. sect. 4. quid significant. 177
- Sales varij ad hydropem. 67
- Salis tartari vsus in scorbuto. 119. in vrinae suppressione. 230
- Sales causæ concretionis calculi. 144. 145
- Sales ad calculi exclusionem. 159. ad suppressionem mensium. 260
- Sal absinthij ad tertianam intermittentem longiorem. 58
- Salis prunellæ laus. 661
- Saluatella an tundenda in lienis inflammatione. 77. in quartana legitima. 596
- Sanguinis mictus causæ. 194
- Sanguis hircinus ad dissoluendum calculum renum. 157
- vesicæ. 184
- Sanguinis grumbs dissoluit poscæ tepidæ potus. 199
- Sanguinis penuria non semper adest in extenuatione. 255.
- Sanguinis motus præposterus in suppressionem mensium quomodo curandus. 256
- Sanguinis missione frequenti cur vires non deiciuntur in rheumatismo. 494
- Sanguinis detractio vsque ad animi deliquium cur nunc obsoleuit. 504
- Sanguis cum impetu fluens in putridis febribus vt plurimum putridus esse solet. 542. 543
- Sanguis ad mutationem coloris in febribus continuis quando mittendus. 544
- Satyriion aduersus sterilitatem. 386

Scammonij noxa in febris continuis.	554
Scarificationes in hydrope cur non celebrandæ.	65
Scorbutus quid.	106
Scorbutus cum melancholia hypochondriaca in quo conueniat.	107
Scorbuti signa præcipua.	108. & seqq.
Scorbutici articulorum dolores in quo ab arthriticis differant.	112
Scorbutus cur curatu difficilis.	116
Scorbuti remedia specifica.	117. 118
Scorbuticis ferè in omnibus pancreatis tumores generantur.	132
Scorpionum oleum ad calculum.	159
Secundinæ retentionis causæ. 421. diagnosis.	ibid.
Secundinam retentam quam praua symptomata consequantur.	425. 438
Secundinæ retentæ remedia specifica.	423
Semen calefacientia & effetantia. 289. refrigerantia & extinguentia proprietate specifica.	291
Seminis excretio in furore vterino an procuranda.	293
Semen cur ab vtero non recipitur. 374. non retinetur. 375. corrumpitur. 375. non conformatur. 376.	
Seminis virilis & fœminei improportio conceptionem frustratur.	376
Semicupium in hepatis scirrho. 46. in melancholia hypochondriaca. 96. in calculo renum. 155. in vrinæ incontinentia. 221. in fluxu mensium immobico 272. in furore vterino. 291. in hydrope vteri. 359. in vteri prolapsu. 368. ad vterum exsicandum.	390
Semitertiana ex quibus febris eamponitur.	608
Vide <i>Hemitritans</i> .	
Semitertianæ differentiæ.	609
Sennerti opinio circa partem mandantem in fluxione arthritica	

Index Rerum.

arthritica confutatur.	450
Serum lactis refrigerat & humectat, & obstructions aperit. 88. 100. quomodo præparatur.	ibid.
Seri lactis caprilli vsus in ardore vrinæ.	236
Seri lactis vsus in præseruatione à calculo renum.	165
in vlceribus renum, 204. in biliosis febribus.	547
Serosa materia quibus ductibus ab hepate in abdominis capacitatem feratur.	33
Serosus humor immediata arthritidis causa. 447. vt & rheumatismi.	490
Singultus cur malus in hepatis inflammatione.	16
Singultus in febribus curatio.	570
Smaragdi laus aduersus venena.	667
Sitis inexhaustæ in diabete causa.	212
Sitim in febribus sedantia.	588
Somnus gravis ac profundus cur in virginibus chlorosi laborantibus.	244
Spinæteris vesicæ affecti causa.	217
Spiritus salis laus in hydrope. 67. in calculo renum. 159. 168. in vrinæ suppressione.	229
Spiritus tartari in obstructionibus contumacibus. 31. in in hydrope.	67
Spiritus vitrioli in obstructionibus. 30. 11. in scorbutica affectione. 119. in calculo renum. 159. cum aquo frigida in æstu febris continuæ.	532
Spiritus vitrioli & sulphuris cur frequenter vsurpatus in febribus putridis. 540. quibus morbis noxius. ibid.	
Spiritus sulphuris cum aqua potulacæ in æstu tertianæ intermittentis.	584
Splenis bonis decoctum ad suppressos menses.	259
Sterilitatis causæ.	375. & seqq.
Sterilitas ab improporzione seminum quomodo dignoscatur. 380. quomodo quæ ab occultis dispositionibus	

Index Rerum.

- tionibus dependet. 380. 381
- Sterilitatem vel fecunditatem foeminae probantia. ibid.
- Sterilitatem viri indicantia. ibid.
- Sterilitatem à fascino dissoluentia. 384
- ad Sterilitatem curandam specifica. ibid.
- Sternutatio hystericae superueniens cur salutaris. 310
- Sternutationem in partu difficili excitantia. 412
- Sternutatio in pestilenti febre an salutaris. 64
- Stercus anserculi & album gallinae exsiccatum ad icterum. 41
- Strangulationis hystericae causa. 298
- Stranguria quid. 222. 231
- Stranguriae causae. 222
- Stapha humida in arthritide. 457
- Stupor cruris è directo renis laborantis, calculi signum. 148. vt & inflammati renis. 187
- Substantiae creatae quomodo malae dici possint. 624. 625.
- Sudores in febre pestilenti qui prauī, qui salutare. 647.
- Sudores symptomatīci quomodo cohibendi. 556
- Sudorifica an vsurpanda in praegnantibus. 398. 406. qualia conueniant arthritidi. 456. rheumatismo. 496.
- Sudorifica an hydropicis conueniant. 66. ad vlcus renum. 205. 206. ad vrinæ incontinentiam, 220. in chlorosi. 247
- Sudorifica qualia in febrium continuarum declinatione conueniant. 556
- Suffitus ad menses suppressos. 262. ad fluentes immodicē. 274. ad fluxorem muliebrem. 287. ad vlcera vteri. 343. ad vteri flatus explodendos. 361. ad foetum mortuum excludendum. 21
- Suffumigia

Index Rerum.

Suffumigia ad uterum exsiccandum & roborandum.

389.

Symptomaticæ febres quænam. 528

Symptomaticæ an semper sint febres quæ cum partium inflammatione coniunguntur. 529

Syncopalis febris essentia, causæ & differentia. 527

Syncopalis minutæ curatio. 566

Syncopalis humorosæ curatio. 568

Synochi simplicis causæ & signa. 593. curatio. 504

In Synocho simplici sanguinis missio usque ad animi deliquium cur obsoleuit. 504. ut & aquæ frigida exhibitio. 505

Synochi putridæ essentia. 522

Synochi putridæ differentia. 525

Synochi putridæ causæ. 524. signa. 533

In Synocho putrida an sanguis mittendus usque ad animi deliquium. 542

Syrupus ex chalybe deobstruens & purgans. 33

Syrupi ad hydropem. 62

Syrupi S. Ambrosij descriptio & usus in anasarca. 66. 67.

Syrupus magistralis in melancholia hypochondriaca. 97.

Syrupus de althæa in promptu parabilis. 154

Syrupus magistralis ad præseruationem à calculo. 162.

ad chlorosim. 246

Syrupus ad suffocationem hystericam. 320

Syrupus magistralis ad vlcus vteri. 334

Syrupi dulces ut violaceus, in bile tenui & valde acii saltem soli car non exhibendi 550

Syrupus de papauere in ischiadico dolore. 486

Syrupus magistralis ad prophylaxim rheumatismi. 498

T

- T**Abellæ ex chalybe deobstruentes hepar. 343
 Tabellæ in melancholia hypochondriaca. 99
 Tabellæ ad præseruationem à calculo. 164. ad præseruationem abortus. 407
 ex Tartaro remedia ad obstructions inueteratas. 29. 30
 ad hydropem. 174. in scorbutica affectione. 119. in
 suppressione mensium. 260
 Tartari crySTALLUS quomodo fraudetur ab impostoribus
 30. 31.
 Tartari cremor cur medicamentis purgantibus addendus
 in febrium intermittentium curatione. 577
 Tartari vitriolati compositio & vsus. 32. in calculo renum.
 159. in suppressione mensium. 260
 Tenesmus cum mingendi cupiditate cur adest in vesicæ
 calculo. 173
 Tenesmus cur abortum facit. 401
 Terebinthinæ preparatio & vsus in scirrho hepatis. 44.
 45. in vlceribus renum & vesicæ. 202. 203. in vlcere
 vteri. 335
 Terebinthinæ cypriæ leudes. 104
 Terebinthina cur frequentius vsurpata, non noceat, vt
 alia diüretica. 164
 Terebinthina varius vtendi modus in præseruatione à
 calculo renum. 165
 Tertianæ continuæ essentia & causæ. 524
 Tertianis in continuis phlebotomiæ utilitates. 542
 Tertianæ intermittens sedes & differentiæ. 572. 573
 Tertianæ exquisitæ signa. 574
 Tertianæ intermittentes an semper periculi expertes.
 574. 575. 614. 634.
 Tertianæ solutio certior per alui fluxum. 581
 in

Index Rerum.

in Tertianæ accessione cur aliquando alimentum exhibendum.	576
Tertianis intermittentibus cur vomitoria conueniant.	578.
Tertianæ intermittētis longioris causæ.	582
Testudinum terrestrium præparatio pro hecticis.	513
Theriaca in quartana quando exhibenda. 602. in febre pestilenti.	669
Thermæ sulphuræ ad chlorosim. 248. ad fluorem muliebrem. 283. aduersus sterilitatem. 290. ad articulos in arthritide roborandos.	479
Torminum in puerperis causæ. 432. curatio.	433
Transfluxilia omnia in corpore viuente.	51
Transpiratio cur aliquando deficiente respiratione sufficiat.	299
Triasantali electuarium vnum ex roborantibus in rheumatismo.	497
Throchisci de rhabarbaro ad hydropem.	63
Trochisci Gordonij & de carabe ad mictum sanguinis. 198. ad vlcera renum & vesicæ.	206. 209
Trochisci de carabe ad vrinæ suppressionem.	231.
Throchisci de myrrha ad mensium suppressionem.	258
Trochisci alkekengi ad ardorem vrinæ. 337. ad vlcus vteri.	335
Trochiscorum viperinorum vsus apud Monspelienses in febre pestilenti.	667. 668
Tuba Fallopiana quid.	300
Turgentia in humoribus quid. 545. quomodo cognoscatur.	548
in Turgentia cur phlebotomia potius quam purgatio, vsurpatur.	547
Turturis præparatio ad menses immodicè fluentes.	268.
Tympanitis causæ.	55

Index Rerum.

Tympanitem an solus flatus efficiat.

ibid.

Tympanitis causa efficiens.

56

V

Vaporum melancholicorum in hypochondriis varia sym. tomata. 91. 92

Vapor malignus & venenatus hystericæ suffocationis causa. 298

Variolarum à morbillis differentia. 685

Variolæ & morbilli an sint morbi noui. 686

Variolarum causa. 687

Variolarum eruptio cur tamdiu differtur. 688

Variolæ quibus in partibus præcipuè apparent. 689

in Variolarum eruptione ebullitio aliquando perfectiua, aliquando destructiua. 690

Variolarum duo tempora, vnum ebullitionis, alterum eruptionis. 691

Variolarum signa diagnostica & prognostica. 692

in Variolis sanguineæ quævis excretiones cur lethales. 693.

in Variolis qua ætate mittendus sanguis pueris tenellis 696.

Variolis an purgatio conueniat. 697

Variolarum eruptionem adiuuantia. 698

Variolarum nimis impetuosam eruptionem cohibentia. 700.

à Variolarum noxis quomodo defendendus pulmo. 701

intestina. 703. oculi, nares & facies. 704

Venæ sanguine plurimo refertæ omnes vias interiores angustiores efficere solent. 416

Venas per epiploicas & gastrepiploicas serosus humor è

venis in abdomen fertur. 53. 54

Venenatæ qualitates in hystericæ passione agnoscen-

da.

da.	298
Ventis non diffusus aer facile corrumpitur.	619
Ventriculus quomodo sit causa melancholice hypo- chondriacæ. 88. 89. quid conferat ad generationem calculi.	145
in Ventriculo aphthas facit succi limonum incautus usus.	157
Ventriculus quomodo ex utero in hysterica passione afficiatur.	303
Venus una ex præcipuis arthritidis causis.	451
Vesicæ affectus.	135
Vesicæ excrementum proprium materia mucilaginosa. 141.	
Vesicæ calculi materialis & efficiens causa eadem ac calculi renum.	170
Vesicæ calculo pueri, senes calculo renum cur magis obnoxij.	ibid.
Vesicæ calculus cur periculosus.	180
Vesicæ inflammationis causa coniuncta. 185. causæ an- tecedentes. 186. signa diagnostica.	187. 188
in Vesicæ inflammatione cur celebranda phlebotomia è parte dextra. 189. cur purgatio in principio non conuenit.	190
Vesicæ dolores glandes & noduli lenientes.	192
Vesicæ ulceris causa.	201
è Vesica pus procedens quale.	ibid.
Vesicæ ulcera quæ curabilia.	202
Vesicæ ulcera exsiccantia, detergentia & consolidantia. 205. & seqq.	
Vesicatoria in ischiadico dolore.	485
Vesicatoria in febribus pestilentibus quibus corporis partibus applicanda. 657. quo tempore morbi.	671
Vias ductusque ordinarios & extraordinarios habet na- tura.	52

Index Rerum.

- Vibices in cadaueribus defunctorum quid indicent.
640.
- Vigilias & deliria sedantia. 561
- Villensium aquarum laus in obstructionibus reserandis
101.
- Vinum chalybeatum in obstructionibus contumacibus
soluendis 32. 33. 36. in hydropē. 67
- Vinum purgans ad hydropem. 62. 63. diüreticum. 67
- Vinum alkekengi ad calculum. 146. 164. ad suppressio-
num vrinæ. 129
- Vini aciduli laus in præseruatione à calculo. 169
- Vinum arthriticis maximè noxium. 479
- Vinum in febre pestilenti an exhibendum. 649. 673
- Violaceus syrupus & alij dulces cur in bile tenui & valdè
acri saltem soli non exhibendi. 550
- Viperæ caro, cor, & hepar exsiccata, virtute pollent
alexipharmaca. 668
- Virgines quomodo effœminandæ, vt aptæ reddantur ge-
nerationi. 383
- Virginibus pessaria nec clysteres vterini præscribendi.
265.
- Viscerum obstructorum signum hypochondriorum gra-
uitas seu satietas. 24. 25
- Vitrioli oleum seu spiritus ad obstructiones viscerum
contumaces. 31. 32
- in hydropē. 67. 74. in scorbutica affectione. 119. in
calculo renum. 159
- Vitrioli Martis laus in obstructionibus, illiusque præpa-
ratio. 102. in menstruis immodicè fluentibus. 271. in
epilepsia hysterica. 322
- Vitriolum album & sal vitrioli vsitata Chymicis vom-
itoria in tertiana intermittente. 578
- Vitriolorum laus in omni putredine & malignitate.
661.

Index Rerum.

Vnguenta hepar refrigerantia.	20
Vnguentum hepar deobstruens.	28
Vnguentum ad lienis scirrhum.	83
Vnguenta ad renum vlcera consolidanda.	209
Vnguenta ad abortum præcauendum.	407
Vnguenta ad fœtum mortuum excludendum. 420. ad dolorem ischiadicum. 483. ad sudores symptomaticos cohibendos.	578
Vomitorium in nephritici doloris initio an conueniat.	153.
Vomitus vtilitas in renum & vesicæ vlceribus. 204. in mensstruis immodicè fluentibus. 268. in fluore muliebri. 282. in hydropc vteri.	259
Vomitoriorum differentia.	548
Vomitória qua quantitate liquoris exhibenda.	ibid.
Vomitória quæ conueniant in arthritide.	456
Vrinæ paucitas in hydropicis mala.	59
Vrinas mouentia hydropicis cur magis prosint, quam valida purgantia.	64
Vrinarum cruentarum causa.	194
Vrinæ incontinentiæ morbosæ causa.	216. 217
Vrinæ incontinentia cur non curatur in senibus.	216
Vomitus an conferat in præcautione arthritidis. 475. in ischiade.	482
Vomitus cur conueniat in principio febrium putidarum. 547. 548. in tertiana intermittente.	578. 580
Vomitus in grauidis fere aliter curatur ac in non grauidis.	397
ad Vrinæ incontinentiam specifica. 220. topica.	221
Vrinæ suppressionis causa.	222. & seqq.
Vrinæ suppressio cur valde periculosa.	226
Vrinæ suppressæ curatio.	227. & seqq.
Vrinæ ardoris causa.	232. 233
Vrinæ ardori quæ purgantia conueniant. 234. 235. quæ	bbb 3 vomito

Index Rerum.

vomitória. ibid. quales emulsiões.	236
Vrina profusior à cerebro promanare potest.	450
Vrinam prouocantia in febris continuæ declinatione.	556.
Vrinæ nigræ in quartana bonæ.	191
Vrinæ in febre pestilenti cur infidæ, & maximè sanorum similes.	643
Vrticæ radicis præparatio ad iæterum.	41
Vrtica mortua specifica lieni scirrhoso.	86
Vrticæ succus ad menstrua immodicè fluentia.	269
Vrtica cocta in sarragine pubis regioni admota ad fluxum mensium immodicum.	273
Vterus quomodo crassescat in prægnantibus.	141
Vteri proprium excrementum est fluor albus.	ibid.
Vteri profluuium. Vide Fluor muliebris.	
Vterns infinitarum ætumnarum in muliere causa.	294.
& seqq.	
Vterus cur ad vmbilicum & vterius ascendat.	299. & seqq.
Vteri inflammatio.	324
Vteri inflammationis causæ. 324. signa diagnostica.	325
Vteri inflammatio fere funesta. 326. maximè erysipela- todes in muliere grauida.	326
Vteri inflammationis curatio.	327
Vtero inflammato quæ cathartica conueniant. 327. 328. an vomitoria.	ibid.
Vteri vlceris causæ. 331. differentiæ. ibid. 332. signa diagnostica. ibid. prognostica. 333. curatio.	ibid.
Vteri scirrhii causæ antecedentes. 340. signa. 341. cura- tio.	ibid.
Vteri canceri differentia.	344
Vteri cancer cur incurabilis.	345
Vteri canceri curatio palliativa.	ibid.
Vteri cancro specifica.	347
Vteri	

Index Rerum.

Vteri gangrænæ causæ.	348
Vtero ablato vita consistere potest.	349
Vteri gangrænæ curatæ exemplum insigne.	350
Vteri inflatio in quo differat ab hydropē.	350
Vteri hydrops duplex.	354
in Vteri ciuitate quomodo flatus & humores contineantur.	351
Vteri inflationis & hydropis causæ.	353
Vteri hydrops quomodo ab aliis hydropis speciebus & tumoribus distinguatur.	354. & seqq.
Vteri hydrops quis periculosior.	357
Vteri hydropi vomitoria cur conueniant.	359
Vterus qualis est in mulieribus, tale vt plurimum est reliquum corpus.	358
Vteri flatus explosi suffitu nucis moschatæ.	361
Vteri prolapsus causæ.	262
Vteri prolapsus quæ incommoda sequantur.	364
Vterus prolapsus quomodo reponendus. 365. 366. quomodo continendus.	367
Vteri clausuræ causæ.	370
Vteri clausura quæ curabilis.	371
Vteri clausuræ curatio.	ibid.
Vterus cui semen non excipit. 374. 375. cur non retinet.	375
Vterum vi specifica roborantia, conceptionem adiuantia, & ad venerem stimulantia.	385
Vterum expurgantia. 388. exsiccantia, & roborantia. 389.	
Vteri acetabula dissoluentia.	401
Vterus disruptus ex partu laborioso.	419

F I N

